

釋宗金書





禪宗全書

語錄部八

(43)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,  
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

---

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),  
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

---

書號 ISBN 7-5013-2602-9/B · 108

定價 18000 圓

# 古尊宿語錄

宋・蹟藏主

編



# 古尊宿語錄 解題

編譯組

輯錄南嶽懷讓禪師以下三十五家禪宗名德語錄的典籍。凡四十八卷。宋·頤藏主（僧挺守頤）編，大觀禪師校，魏覺心重刻。明萬曆四十五年（一六一七）刊行。收在《卍續藏》第一一八冊，《中華藏》精裝第二輯第十九冊。

本書是了解唐、宋禪宗頤德行止、機緣法語的重要資料。宋紹興年間，頤藏主蒐採唐、宋二十家禪者示衆機語，編成《古尊宿語要》四卷，可說是本書的母本。明版大藏經（南藏）所載爲四十八卷三十五家的現行本。日本·無著道忠撰有《古尊宿語錄目錄》，《卍續藏》將其附載於本書之後。繼本書之後，另有宋·明師撰的《續古尊宿語要》六卷。

本書各卷內容如下：

卷一：南嶽大慧禪師語錄、馬祖大寂禪師語錄、百丈大智禪師語錄。

卷二：百丈大智禪師語錄之餘、黃檗斷際禪師語錄。

卷三：黃檗斷際宛陵錄。

卷四：臨濟慧照禪語錄。

卷五：臨濟禪師語錄之餘、興化禪師語錄、臨濟慧照禪師塔記。

卷六：睦州和尚語錄、睦州和尚語錄小序。

卷七：汝州南院禪師語要、風穴禪師語錄、重刻古尊宿語錄序。

卷八：首山念和尚語錄。

卷九：石門山慈照禪師鳳巖集、鳳巖集序。

卷十：汾陽昭禪師語錄、承天嵩禪師語錄。

卷十一：慈明禪師語錄。

卷十二：南泉普願禪師語要、題南泉和尚語要、子湖神力禪師語錄。

卷十三：趙州真際禪師語錄並行狀。

卷十四：趙州真際禪師語錄之餘。

卷十五：雲門匡真禪師廣錄上。

卷十六：雲門匡真禪師廣錄中。

卷十七：雲門匡真禪師廣錄下。

卷十八：雲門匡真禪師廣錄下、雲門匡真禪師廣錄序、匡真大師行錄、請疏、後記。

卷十九：楊岐山普通禪院會和尚語錄、後住潭州雲蓋山海會寺語錄、潭州道吾真禪師語要、潭州雲蓋山會和尚語錄序、題楊岐會老語錄。

卷二十：白雲山海會演和尚初住四面山語錄、次住太平語錄、次住海會語錄。

卷二十一：白雲山海會演和尚語錄。

- 卷二十二：黃梅東山演和尚語錄、序。
- 卷二十三：葉縣廣教省禪師語錄。
- 卷二十四：神鼎譚禪師語錄。
- 卷二十五：筠州大愚芝和尚語錄。
- 卷二十六：法華山舉和尚語要。
- 卷二十七：佛眼禪師語錄序、龍門佛眼和尚語錄。
- 卷二十八、三十：龍門佛眼和尚語錄。
- 卷三十一：龍門佛眼和尚小參語錄。
- 卷三十二、三十三：龍門佛眼和尚普說語錄。
- 卷三十四：龍門佛眼和尚語錄、語錄序、塔銘。
- 卷三十五：大隨開山神照禪師語錄、序、行狀、祭文。
- 卷三十六：投子和尚語錄、序、短記。
- 卷三十七：鼓山先興聖國師和尚法堂玄要廣集、序、書後、短記。
- 卷三十八：洞山初禪師語錄。
- 卷三十九：智門祚禪師語錄、序。
- 卷四十：雲峰悅禪師初住翠巖語錄、次住法輪語錄。
- 卷四十一：雲峰悅禪師初住翠巖語錄、題雲峰悅禪師語錄。
- 卷四十二：雲菴真淨禪師住筠州聖壽語錄、住洞山語錄。

卷四十三：雲菴眞淨禪師住金陵報寧語錄、住廬山歸宗語錄、住寶峰禪院語錄。

卷四十四：雲菴眞淨禪師住金陵報寧語錄。

卷四十五：雲菴眞淨禪師偈頌、請疏、序、後序。

卷四十六：瑯琊山覺和尚語錄。

卷四十七：東林和尚雲門菴主頌古。

卷四十八：佛照禪師奏對錄。



# 目次

解題

古尊宿語錄

重刻古尊宿語錄序	一
明版古尊宿語錄影印序	二
卷一：南嶽大慧禪師行狀	三
馬祖大寂禪師行狀	四
百丈懷海禪師語錄	六
卷二：百丈懷海禪師語之餘	一六
筠州黃蘗斷際禪師語錄	二三
卷三：黃蘗斷際禪師宛陵錄	二九
卷四：鎮州臨濟慧照禪師語錄	四一
卷五：臨濟禪師語錄之餘	五六
行錄	五六

興化禪師語錄·····	六一
臨濟慧照禪師塔記·····	六二
卷六：睦州和尚語錄·····	六四
小序·····	七五
卷七：汝州南院禪師語要·····	七六
風穴禪師語錄·····	七九
卷八：汝州首山念和尚語錄·····	八二
卷九：石門山慈照禪師鳳巖集·····	九五
序·····	一〇五
卷十：汾陽昭禪師語錄·····	一〇六
并州承天嵩禪師語錄·····	一一一
卷十一：慈明禪師語錄·····	一一七
卷十二：池州南泉普願禪師語要·····	一二五
題南泉和尚語要·····	一三三
衢州子湖山第一代神力禪師語錄·····	一三三
卷十三：趙州真際禪師語錄并行狀卷上·····	一三八
卷十四：趙州真際禪師語錄之餘·····	一五二
卷十五：雲門匡真禪師廣錄上·····	一六七

卷十六：雲門匡眞禪師廣錄中……………	一八四
卷十七：雲門匡眞禪師廣錄……………	一九七
卷十八：雲門匡眞禪師廣錄下……………	二〇八
序……………	二二三
行錄……………	二二三
請疏……………	二二四
卷十九：袁州楊岐山普通禪院會和尚語錄……………	二二六
後住潭州雲蓋山海會寺語錄……………	二二七
潭州道吾眞禪師語要……………	二三一
潭州雲蓋山會和尚語錄序……………	二三六
題楊岐會老語錄……………	二三七
卷二十：舒州白雲山海會演和尚初住四面山語錄……………	二三八
次住太平語錄……………	二四三
次住海會語錄……………	二四七
卷二十一：舒州白雲山海會演和尚語錄……………	二五二
卷二十二：黃梅東山演和尚語錄……………	二六四
附錄序文……………	二七六
卷二十三：汝州葉縣廣教省禪師語錄……………	二七七

卷二十四：潭州神鼎山第一代禪師語錄	二九一
卷二十五：筠州大愚芝和尚語錄	三〇一
卷二十六：舒州法華山舉和尚語要	三一一
卷二十七：佛眼禪師語錄序	三二〇
舒州龍門佛眼和尚語錄	三二〇
卷二十八：舒州龍門佛眼和尚語錄	三三二
卷二十九：舒州龍門佛眼和尚語錄	三四四
卷三十：舒州龍門佛眼和尚語錄	三五八
卷三十一：舒州龍門佛眼和尚小參語錄	三七二
卷三十二：舒州龍門佛眼和尚普說語錄	三八二
卷三十三：舒州龍門佛眼和尚普說語錄	三九五
卷三十四：舒州龍門佛眼和尚語錄	四〇六
佛眼禪師語錄序	四二〇
宋故和州褒山佛眼禪師塔銘	四二〇
卷三十五：大隋開山神照禪師語錄	四二三
序	四三〇
行狀	四三〇
祭文	四三一



卷三十六：投子和尙語錄	四三二
序	四四〇
卷三十七：鼓山先興聖國師和尙法堂玄要廣集	四四一
序	四五四
跋	四五四
卷三十八：襄州洞山第二代初禪師語錄	四五六
卷三十九：智門祚禪師語錄	四七一
序	四七八
卷四：十：雲峰悅禪師初住翠巖語錄	四八〇
次住法輪語錄	四八八
卷四十一：雲峰悅禪師初住翠巖語錄	四九三
題雲峰悅禪師語錄	五〇四
卷四十二：寶峰雲菴眞淨禪師住筠州聖壽語錄	五〇五
住洞山語錄	五一一
卷四十三：寶峰雲庵眞淨禪師住金陵報寧語錄二	五二三
住廬山歸宗語錄	五二六
住寶峰禪院語錄	五三六
卷四十四：寶峰雲庵眞淨禪師住金陵報寧語錄三	五四〇

卷四十五：寶峰雲庵眞淨禪師偈頌下中	五五〇
大丞相請疏	五七三
序	五七三
後序	五七三
卷四十六：滁州瑯琊山覺和尚語錄	五七五
卷四十七：東林和尚雲門庵主頌古	五九四
卷四十八：佛照禪師奏對錄	六一八

重刻古尊宿語錄序

過去如是如是見在如是如是未來如是如是幸自可憐生無端黃面老漢拈花瞬目金色頭陀忍俊脫顚不覺漏泄一人傳虛萬人傳實何時而已哉人根有利鈍故機語有開斂鍼砭藥餌膏肓頓起縱橫展拓太虛不痕雖古人用過時無古今外路活行外棋活著觀照激發如龍得水故曰言語載道之器雖佛祖不得而廢也七佛偈及西天此土三十三傳枝出派別莫知其幾授受證據洎夫抑揚示晦見於傳燈而多有載不盡者往往散落異時有願藏主者傍蒐

序一

廣採僅得南泉而下二十二家示衆機語厥後又得雲門真淨佛眼佛照等數家總曰古尊宿語非止乎此也據其所搜採而言耳夫古人得親故用親行到故說到其所說者如國家兵器不得已而用之從上爲人只貴眼正是豈末流刻楮畫花雕蚶鏤蛤瞎學者眼所可同日語覺心居士出善女倫秉烈丈夫志操不爲富貴所障世相所縻著淨名衣坐空生室安住正受動靜提撕是孰使之然哉謂願所編古尊宿語刊于閩中而板亦漫矣兩浙叢林得之惟艱勇捐己資鉅梓流通命禪衲精校重楷不鄙索序噫亦異

矣昔月上女抗舍利弗發明大涅槃庵提遮對曼殊室利不生生不死死之義達磨來震旦以後其間善女等倫橫機諸大老發明向上者多矣近世秦國計氏與夫空室道人皆以鐘鼎家世而爲般若眷屬今覺心則發揮古宿機語以遺佛種無二無二分無別無斷故覺心魏氏紹興丞相文節公孫余文昌之室先瑩住林庵虛席命慈林解無言者攝解催請主庵人覺心著語云庵主只在庵中爲甚麼不見道有又無道無却有又不近又不遠舉頭鷄子過新羅參得着喫盃麤餘偈語多有皆不計較而得則日用中無

序一

二

非禪悅法喜之樂矣併見于此皆聖宋咸淳丁卯春清明日江浙等處明州府阿育王山廣利禪寺住持沙門物初大觀序唐宋諸碩師傳佛心宗道大德備室中無示勘辨學者徵拈代別皆有機語流布寰中久矣惟傳燈一書嘗賜入藏諸師之語傳燈不能備載者有願公藏主別集南泉趙州黃蘗臨濟雲門真淨佛眼東山二十餘家總若干卷題之曰古尊宿語實有補於宗門

明版古尊宿語錄影印序

圓瑛

夫大道無言真宗絕相向上一路千聖不傳所以達摩西來不立語言文字教外別傳直指人心見性成佛由是一花現瑞五葉流芳禪宗一脈弗絕如縷古尊宿一一無非悟無言之道契絕相之宗而假立言相接引機宜爲學者解黏去縛拔楔抽釘雖有一言半句如施鍼砭之功頓起膏肓之疾未可作葛藤會也是書係宋時藏主願公搜集傳燈錄中所載未盡諸家機語實禪門至寶惜年湮代遠舊板無存卽流通書本亦不多見時有明州阿育王寺後堂一超禪

序二

師往朝五臺至西山某寺藏經樓於殘篇斷簡中得此一書檢閱全部幅帙無損生大歡喜以爲必有鬼神擁護故得楮墨煥然遂携歸欲付剞劂奈所願未果世緣將畢乃出此書請該寺宗亮老和尚發心印刷流通以續僧伽命脈宗公一閱視爲禪宗骨髓人天眼目未可令其湮沒卽商之於余余爲送上海佛學書局出版影印六百部宗公義徒育王寺住持源龍爲宗公六十壽辰慨捐鉢資一千二百元認購三百部分送各叢林用廣法施藉報師恩謹序數語以誌因緣云爾民國二十年九月天童寺住持圓瑛序

於中國佛教會

序二

二



古尊宿語錄卷第一

大鑑下一世

南嶽大慧禪師諱懷讓金州人也俗姓杜於儀鳳二年四月八日降誕感白氣應於玄象在安康之分太史瞻見遂奏聞高宗皇帝帝乃問何祥瑞太史對曰國之法器不染世榮帝傳敕金州太守韓偓親往存慰其家家有三子惟師最小年始三歲炳然殊異性惟恩讓父乃安名懷讓至年十歲惟樂佛書時有三藏玄靜過舍見而奇之告其父母曰此子若出家必獲上乘廣度衆生至垂拱三年方十五歲辭親往荆

州玉泉寺依弘景律師出家通天二年受戒後習毗尼藏一日自歎曰夫出家者爲無爲法天上人間無有勝者時同學坦然知師志氣高邁勸師同謁嵩山安禪師安啓發之乃直詣曹谿禮六祖六祖問什麼處來師云嵩山安和尚處來祖云什麼物與麼來師無語遂經八載忽然有省乃白祖云某甲有箇會處祖云作麼生師云說似一物卽不中祖云還假修證也無師云修證卽不無汚染卽不得祖云只此不汚染是諸佛之護念汝旣如是吾亦如是西天二十七祖般若多羅識汝曰震旦雖闊無別路要假兒孫脚

下行金鷄解銜一粒粟供養什那羅漢僧又識傳心道一法

裏能藏事說向漢江濱湖波探水月將照二三人祖云先師有言從吾向後勿傳此衣但以法傳若傳此衣命如懸絲惟示道化聽吾偈曰心地含諸種普雨悉皆萌頓悟華情已菩提果自成汝向後出一馬駒踏殺天下人應在汝心不須速說師侍奉一十五載唐先天二年始往南嶽居般若寺示徒云一切萬法皆從心生心無所生法無能住若達心地所作無礙非遇上根宜慎辭哉僧問如鏡鑄像像成後光歸何處師云如大德未出家時相狀向什麼處去僧云成

後爲什麼不鑑照師云雖然不鑑照謾他一點不得馬祖居南嶽傳法院獨處一庵唯習坐禪凡有來訪者都不顧師往彼亦不顧師觀其神宇有異遂憶六祖識乃多方而誘導之一日將輓於庵前磨馬祖亦不顧時旣久乃問曰作什麼師云磨作鏡馬祖云磨輓豈得成鏡師云磨輓旣不成鏡坐禪豈能成佛祖乃離座云如何卽是師云譬牛駕車車若不行打牛卽是打車卽是又云汝學坐禪爲學坐佛若學坐禪禪非坐卧若學坐佛佛非定相於無住法不應取捨汝若坐佛卽是殺佛若執坐相非達其理馬祖聞斯

示誨豁然開悟禮拜問云如何用心卽合無相三昧  
師云汝學心地法門如下種子我說法要譬彼天澤  
汝緣合故當見其道馬祖云道非色相云何能見師  
云心地法眼能見乎道無相三昧亦復然矣祖云有  
成壞否師云若以成壞聚散而見道者非也聽吾偈  
曰心地含諸種遇澤悉皆萌三昧華無相何壞復何  
成馬祖一蒙開悟心地超然待奉十秋日益深奧師  
入室弟子六人各印可曰汝等六人同證吾身各契  
其一人得吾眉善威儀常一人得吾眼善顧盼智  
一人得吾耳善聽理坦一人得吾鼻善知氣神一人

支那

三

三

支那

三

三

云道不屬修若言修得修成還壞卽同聲聞若言不  
修卽同凡夫云作何見解卽得達道云自性本來具  
足但於善惡事上不滯喚作修道人取善捨惡觀空  
入定卽屬造作更若向外馳求轉踈轉遠但盡三界  
心量一念妄想卽是三界生死根本但無一念卽除  
生死根本卽得法王無上珍寶無量劫來凡夫妄想  
諂曲邪僞我慢貢高合爲一體故經云但以衆法合  
成此身起時唯法起滅時唯法滅此法起時不言我  
起滅時不言我滅前念後念中念念念不相待念念  
寂滅喚作海印三昧攝一切法如百千異流同歸大

得吾舌善談說峻一人得吾心善古今道後馬祖闡  
化於江西開元寺師問衆曰道一爲衆說法否衆曰  
已爲衆說法師云未見通箇消息來遂遣一僧去囑  
云待伊上堂時但問作麼生記取答話來僧如教迴  
舉似師馬祖云自從胡亂後三十年不曾少鹽醬師  
然之師天寶三年八月十一日示寂於南嶽敕諡大  
慧禪師最勝輪之塔吏部侍郎歸登撰塔記

大鑑下二世

馬祖大寂禪師諱道一漢州什邡人也俗姓馬氏  
江西法嗣布於天下時號馬祖焉問如何是修道師

海都名海水住於一味卽攝衆味住於大海卽混諸  
流如人在大海中浴卽用一切水所以聲聞悟迷凡  
夫迷悟聲聞不知聖心本無地位因果階級心量妄  
想修因證果住其空定八萬劫二萬劫雖卽已悟却  
迷諸菩薩觀如地獄苦沉空滯寂不見佛性若是上  
根衆生忽遇善知識指示言下領會更不歷於階級  
地位頓悟本性故經云凡夫有反覆心而聲聞無也  
對迷說悟本旣無迷悟亦不立一切衆生從無量劫  
來不出法性三昧長在法性三昧中著衣喫飯言談  
祇對六根運用一切施爲盡是法性不解返源隨名

逐相迷情妄起造種種業若能一念返照全體聖心汝等諸人各達自心莫記吾語縱饒說得河沙道理其心亦不增總說不得其心亦不減說得亦是汝心說不得亦是汝心乃至分身放光現十八變不如還我死灰來淋過死灰無力喻聲聞妄修因證果未淋過死灰有力喻菩薩道業純熟諸惡不染若說如來權教三藏河沙劫說不可盡猶如鉤鑊亦不斷絕若悟聖心總無餘事久立珍重

上堂龐居士問不與萬法爲侶者是什麼人師云待汝一口喻盡西江水卽向汝道又問不昧本來身請

撰述

高僧錄卷一

五

師高著眼師直下覩士云一等沒弦琴唯師彈得妙師直上覩士禮拜師歸方丈居士隨後云適來弄巧成拙問如何是佛師云卽心是佛問離四句絕百非請師直指西來意師云我今日無心情汝去西堂問取智藏僧至西堂問西堂以手指頭云我今日頭痛不能爲汝說得汝去問海兄僧去問海兄海兄云我到者裏却不會僧回舉似師師云藏頭白海頭黑師採藤次見水潦便作放勢水潦近前接師卽便踏倒水潦起來呵呵大咲云無量妙義百千三昧盡在一毛頭上識得根源去師令僧馳書與徑山欽和尚書

中畫一圓相徑山纔開見索筆於中著一點後有僧舉似忠國師國師云欽師猶被馬師惑問和尚爲甚麼說卽心卽佛師曰爲止小兒啼曰啼止時如何師曰非心非佛曰除此二種人來如何指示師曰向伊道不是物曰忽遇其中人來時如何師曰且教伊體會大道問如何是西來意師曰卽今是甚麼意師問僧什麼處來云湖南來師云東湖水滿也未云未師云許多時雨水尚未滿道吾云滿也雲巖云湛湛地洞山云什麼劫中曾欠少又問如水無筋骨能勝萬斛舟此理如何師曰這裏無水亦無舟說甚麼筋骨一夕西堂百丈南泉隨侍

撰述

高僧錄卷一

六

翫月次師問正恁麼時如何堂曰正好供養丈曰正好修行泉拂袖便行師曰經歸藏禪歸海唯有普願獨超物外師問百丈汝以何法示人丈豎起拂子師曰祇這箇爲當別有丈拋下拂子僧問如何得合道師曰我早不合道問如何是西來意師便打曰我若不打汝諸方笑我也有小師耽源行脚回於師前畫一圓相就上拜了立師曰汝莫欲作佛否曰某甲不解捏目師曰吾不如汝小師不對有講僧來問曰未審禪宗傳持何法師却問曰座主傳持何法主曰未講得經論二十餘本師曰莫是師子兒否王曰不敢



師作噓噓聲主曰此是法師曰是甚麼法王曰師子出窟法師乃默然主曰此亦是法師曰是甚麼法王曰師子在窟法師曰出不入是甚麼法王無對代云遂辭出門師召曰座王主回肯師曰是甚麼王亦無對師曰這鈍根阿師洪州廉使問曰弊酒肉卽是不弊卽是師曰若弊是中丞祿不弊是中丞福師入室弟子一百三十九人各爲一方宗主轉化無窮師於貞元四年正月中登建昌石門山於林中經行見洞壑平坦謂侍者曰吾之朽質當於來月歸茲地矣言訖而回旣而示疾院主問和尚近日尊候如何

支那

撰述

七

師曰日面佛月面佛二月一日沐浴跣趺入滅元和中諡大寂禪師塔名大莊嚴

大鑑下三世

百丈懷海禪師福州長樂人也師參馬大師爲侍者檀越每送齋飯來師纔揭開盤蓋馬大師拈起一片胡餅示衆云是甚麼每日如此師經三年一日隨侍馬祖路行次聞野鴨聲馬祖云什麼聲師云野鴨聲良久馬祖云適來聲向什麼處去師云飛過去馬祖迴頭將師鼻便搨師作痛聲馬祖云又道飛過去師於言下有省卻歸侍者寮哀哀大哭同事問曰汝憶

父母耶師曰無曰被人罵耶師曰無曰哭作甚麼師曰我鼻孔被大師搨得痛不徹同事曰有甚因緣不契師曰汝問取和尚去同事問大師曰海侍者有何因緣不契在寮中哭告和尚爲某甲說大師曰是伊會也汝自問取他同事歸寮曰和尚道汝會也教我自問汝師乃呵呵大笑同事曰適來哭如今爲甚卻笑師曰適來哭如今笑同事罔然明日馬祖昇堂纔坐師出來卷卻簾馬祖便下座師隨至方丈馬祖云適來要舉轉因緣你爲什麼卷卻簾師曰爲某甲鼻頭痛馬祖云你什麼處去來師云昨日偶有出入不

支那

撰述

八

及參隨馬祖喝一喝師便出去馬祖一日問師什麼處來師云山後來祖云還逢著一人麼師云不逢著祖云爲什麼不逢著師云若逢著卽舉似和尚祖云什麼處得者箇消息來師云某甲罪過祖云却是老僧罪過師再參馬祖祖豎起拂子師云卽此用離此用祖挂拂子於舊處良久祖云你已後開兩片皮將何爲人師遂取拂子豎起祖云卽此用離此用師亦挂拂子於舊處祖便喝師直得三日耳聾後住洪州大雄山以居處巖巒峻極故號百丈旣處之未暮月參玄之賓四方躋至瀉山黃檗當其肯一日師謂衆

曰佛法不是小事老僧昔被馬大師一喝直得三日耳聾黃檗聞舉不覺吐舌師曰子已後莫承嗣馬祖去麼檗曰不然今日因和尚舉得見馬祖大機大用然且不識馬祖若嗣馬祖已後喪我兒孫師曰如是如是見與師齊滅師牛德見過於師方堪傳授子甚有超師之見檗便禮拜因僧問西堂有問有答即且置無問無答時如何堂曰怕爛卻却師聞舉乃曰從來疑這箇老兄曰請和尚道師曰一合相不可得師謂衆曰有一人長不喫飯不道饑有一人終日喫飯不道飽衆無對雲巖問和尚每日區區爲阿誰師曰

支那

卷一

九

有一人要巖曰因甚麼不教伊自作師曰他無家活僧問抱璞投師請師一決師云昨夜南山虎咬大蟲云不繆真詮爲甚麼不垂方便師云掩耳偷鈴漢云不得中郎鑑還同野舍薪師便打僧云蒼天蒼天師云得與麼多口云罕遇知音拂袖便出師云百丈今日輪卻一半佛鑑云雖得一場榮別却一雙足至晚侍者問和尚被這僧不肯了便休師便打者云蒼天蒼天師云罕遇知音者作禮師云一狀領過有一僧哭入法堂師云作什麼僧云父母俱喪請師揀日師云明日一時埋卻問如何是奇特事師云獨坐大雄峯僧禮拜師便

打西堂問師你向後作麼生開示於人師以手卷舒兩邊堂云更作麼生師以手點頭三下上堂云靈光獨耀迴脫根塵體露真常不拘文字心性無染本自圓成但離妄緣卽如如佛問依經解義三世佛冤離經一字如同魔說時如何師云固守動靜三世佛冤此外別求如同魔說馬祖令人馳書并醬三甕與師師令排向法堂前乃上堂衆纔集師以拄杖指醬甕云道得卽不打破道不得卽打破衆無語師便打破歸方丈上堂衆纔集師以拄杖趁下却召大衆大衆回頭師

支那

卷一

十

云是什麼爲山問仰山百丈再參馬祖豎拂因緣此二尊宿意旨如何仰山云此是顯大機大用爲山云馬祖出八十四人善知識幾人得大機幾人得大用仰山云百丈得大機黃檗得大用餘者盡是唱道之師爲山云如是如是師因普請開田回問運關黎開田不易檗云衆僧作務師云有煩道用檗云爭敢辭勞師云開得多少田檗作鋤田勢師便喝檗掩耳而出師問黃檗甚處來檗云山下採菌子來師云山下有一虎子汝還見麼檗便作虎聲師於腰下取斧作斫勢檗約住便掌師至晚上堂云大衆山下有一虎

子汝等諸人出入好看老僧今朝親遭一口後瀉山問仰山云黃檗虎話作麼生仰山云和尚如何瀉山云百丈當時便合一斧斫殺因什麼到如此仰山云不然瀉山云子又作麼生仰山云不唯騎虎頭亦解把虎尾瀉山云寂子甚有險崖之句師每日上堂常有一老人聽法隨衆散去一日不去師乃問立者何人老人云某甲於過去迦葉佛時曾住此山有學人問大修行底人還落因果也無對云不落因果墮在野狐身今請和尚代一轉語師云汝但問老人便問大修行底人還落因果也無師云不昧因果老人於

支那  
撰述

五經集解卷一

十一

言下大悟告辭師云某甲已免野狐身住在山後乞依亡僧燒送師令維那白槌告衆齋後普請送亡僧大衆不能詳至晚參師舉前因緣次黃檗便問古人錯對一轉語落在野狐身今人轉轉不錯是如何師云近前來向汝道黃檗近前打師一掌師云將謂胡鬚赤更有赤鬚胡時瀉山在會下作典座司馬頭陀舉野狐話問典座作麼生典座以手撼門扇三下司馬云太麤生典座云佛法不是者箇道理後瀉山舉黃檗問野狐話問仰山仰山云黃檗常用此機瀉山云汝道天生得從人得仰山云亦是稟受師承亦是

自宗通瀉山云如是如是黃檗問從上古人以何法施人師良久黃檗云後代兒孫將何傳授師云將謂你者漢是箇人便歸方丈師與瀉山作務次師問有火也無瀉山云有師云在什麼處瀉山把一莖柴吹過與師師接云如蟲蝕木因普請鋤地次有僧聞鼓聲舉起鋤頭大咲歸去師云俊哉此是觀音入理之門後喚其僧問你今日見甚道理云某甲早晨未喫粥聞鼓聲歸喫飯師呵呵大笑問如何是佛師云汝是阿誰云某甲師云汝識某甲否云分明箇師豎起拂子問汝見拂子否云見師更不管師令僧去章敬

支那  
撰述

五經集解卷一

十二

處見伊上堂說法你便展開坐具禮拜起將一隻鞋以袖拂却上塵倒頭覆下其僧到章敬一依師旨章敬云老僧罪過

廣錄夫語須辯緇素須識總別語須識了義不了義教語了義教辯清不了義教辯濁說穢法邊垢揀凡說淨法邊垢揀聖從九部教說向前衆生無眼須假人雕琢若於聲俗人前說直須教渠出家持戒修禪學慧若是過量俗人亦不得向他與麼說如維摩詰傳大士等類若於沙門前說他沙門已受白四羯磨訖具足全是戒定慧力更向他與麼說名非特語說



不應時亦名綺語若是沙門須說淨法邊垢須說離有無等法離一切修證亦離於離若於沙門中剝除習染沙門除貪瞋病不去亦名聲俗亦須教渠修禪學慧若是二乘僧他歇得貪瞋病去盡依住無貪將爲是無色界是障佛光明是出佛身血亦須教渠修禪學慧須辯清濁語濁法者貪瞋愛取等多名也清法者菩提涅槃解脫等多名也只如今鑑覺但於清濁兩流凡聖等法色聲香味觸法世間出世間法都不得有纖毫愛取既不愛取依住不愛取將爲是初善是住調伏心是聲聞人是戀筏不捨人是二

乘道是禪那果既不愛取亦不依住不愛取是中善是半字教猶是無色界免墮二乘道免墮魔民道猶是禪那病是菩薩縛既不依住不愛取亦不作不依住知解是後善是滿字教免墮無色界免墮禪那病免墮菩薩乘免墮魔王位爲智障地障行障故見自己佛性如夜見色如云佛地斷二愚一微細所知愚二極微細所知愚故云有大智人破塵出經卷若透得三句過不被三段管教家舉喻如鹿三跳出網喚作纏外佛無物拘繫得渠是屬然燈後佛是最上乘是上上智是佛道上立此人是佛有佛性是導師是

使得無所礙風是無礙慧於後能使得因果福智自由是作車運載因果處於生不被生之所留處於死不被死之所礙處於五陰如門開不被五陰礙去住自由出入無難若能與麼不論皆梯勝劣乃至蟻子之身但能與麼盡是淨妙國土不可思議此猶是解縛語彼自無瘡勿傷之也佛瘡菩薩等瘡但說有無等法盡是傷也有無管一切法十地是濁流河眾作清流說豎清相說濁過患向前十大弟子舍利弗富樓那正信阿難邪信善星等箇箇有勝槎箇箇有則候一一被導師說破不是四禪八定阿羅漢等住定

八萬劫他是依執所行被淨法酒醉故聲聞人聞佛法不能發無上道心所以斷善根人無佛性教云喚作解脫深坑可畏之處一念心退墮地獄猶如箭射亦不得一向說退亦不得一向說不退祇如文殊觀音勢至等却來須陀洹地同類誘引不得言他退當與麼時祇喚作須陀洹人祇如今鑑覺但不被一切有無諸法管透三句及一切逆順境得過聞百千萬億佛出世間如不聞相似亦不依住不聞亦不作不依住知解說他者箇人退不得量數管他不著是佛常住世間而不染世法說佛轉法輪退亦是謗佛法

僧說佛不轉法輪不退亦是謗佛法僧肇云菩提之道不可圖度高而無上廣不可極淵而無下深不可測語也。採生招箭言鑑覺猶不是從濁辯清許說如今鑑覺是除鑑覺外別有盡是魔說若守住如今鑑覺亦同魔說亦名自然外道說如今鑑覺是自己佛是尺寸語是圖度語似野干鳴猶屬藕膠門本來不認自知自覺是自己佛向外馳求覓佛假善知識說出自知自覺作藥治箇向外馳求病既不向外馳求病瘥須除藥若執住自知自覺是禪那病是徹底聲聞如水成冰全冰是水救渴難望亦云必死之病世

醫拱手無始不是佛莫作佛解佛是衆生邊藥無病不要喫藥病俱消喻如清水佛似甘草和水亦如蜜和水極是甘美若同清水邊數則不著不是無是本有亦云此理是諸人本有諸佛菩薩喚作示珠人從來不是箇物不用知渠解渠不用是渠非渠但割斷兩頭句割斷有句不有句割斷無句不無句兩頭迹不現兩頭提汝不著量數管汝不得不是欠少不是具足非凡非聖非明非暗不是有知不是無知不是繫縛不是解脫不是一切名目何以不是實語若爲雕琢虛空作得佛相貌若爲說道虛空是青黃赤白

作得如云法無有比無可喻故法身無爲不墮諸數故云聖體無名不可說如實理空門難湊喻如太末蟲處處能泊唯不能泊於火燄之上衆生亦爾處處能緣唯不能緣於般若之上參善知識求覓一知一解是善知識魔生語見故若發四弘誓願願度一切衆生盡然後我始成佛是菩薩法智魔誓願不相捨故若持齋戒修禪學慧是有漏善根縱然坐道場示現成正覺度恒沙數人盡證辟支佛果是善根魔起食著故若於諸法都無貪染神理獨存住甚深禪定更不昇進是三昧魔久耽翫故至上涅槃離欲寂

靜是魔業若智慧脫若干魔網不去縱解百本圍陀經盡是地獄滓若覓如佛相似無有是處如今聞說不著一切善惡有無等法卽爲墮空不知棄本逐末却是墮空也求佛求菩提及一切有無等法是棄本逐末祇如今麤食助命補破遮寒渴則掬水喫餘外但是一切有無等法都無纖毫繫念此人漸有輕明分善知識不執有不執無脫得十句魔語出語不繫縛人所有言說不自稱師說如谷響言滿天下無口過堪依止若道我能說能解說我是和尚汝是弟子者箇同於魔說無端說道目擊道存是佛不是佛是



菩提涅槃解脫等無端說一知一解見舉一手豎一指云是禪是道者箇語繫縛人未有住時祇是重增比丘繩索縱然不說亦有口過寧作心師不師於心不了義教有人天師有導師了義教中不爲人天師不師於法未能依得玄鑑且依得了義教猶有相親分若是不了義教祇合聾俗人前說祇如今但不依住一切有無諸法亦不住無依住亦不作不依住知解是名大善知識亦云唯佛一人是大善知識爲無兩人餘者盡名外道亦名魔說如今祇是說破兩頭句一切有無境法但莫貪染及解縛之事無別語句

教人若道別有語句教人別有法與人者此名外道亦名魔說須識了義教不了義教語須識遮語不遮語須識生死語須識藥病語須識逆順喻語須識總別語說道修行得佛有修有證是心是佛卽心卽佛是佛說是不了義教語是不遮語是總語是升合擔語是揀穢法邊語是順喻語是死語是凡夫前語不許修行得佛無修無證非心非佛佛亦是佛說了義教語是遮語是別語是百石擔語是三乘教外語是逆喻語是揀淨法邊語是生語是地位人前語從須陀洹向上直至十地但有語句盡屬法塵垢但有

語句盡屬煩惱邊收但有語句盡屬不了義教了義教是持不了義教是犯佛地無持犯了義不了義教盡不許也從苗辯地從濁辯清祇如今鑑覺若從清邊數鑑覺亦不是清不鑑覺亦不是清亦不是不清亦不是聖亦不是不聖亦不是見水濁說水濁過患水若清都無可說說却濁他水若有無問之問亦有無說之說佛不爲佛說法平等真如法界無佛不度衆生佛不住佛名眞福田須辯主客語貪染一切有無境法被一切有無境惑亂自心是魔王照用屬魔民祇如今鑑覺但不依住一切有無諸法世間出世

間法亦不作不住知解亦不依住無知解自心是佛照用屬菩薩心是主宰照用屬客塵如波說水照萬像以無功若能寂照不自玄旨自然貫串於古今如云神無照功至功常存能一切處爲導師衆生性識他爲未曾踏佛階梯是羶膠性多時黏著有無諸法乍喫玄旨藥不得乍聞格外語他信不及所以菩提樹下四十九日默然思惟智慧冥朦難說無可比喻說衆生有佛性亦謗佛法僧說衆生無佛性亦謗佛法僧若言有佛性名執著謗若言無佛性名虛妄謗如云說佛性有則增益謗說佛性無則損減謗說

佛性亦有亦無則相違謗說佛性非有非無則戲論  
謗始欲不說衆生無解脫之期始欲說之衆生又隨  
語生解益少損多故云我寧不說法疾入於涅槃向  
後返尋過去諸佛皆說三乘之法向後假說假立名  
字本不是佛向渠說是佛本不是菩提向渠說是菩  
提涅槃解脫等知渠擔百石擔不起且與渠一升一  
合擔知渠難信了義教且與渠說不了義教且得善  
法流行亦勝於惡法善果限滿惡果便到得佛則有  
衆生到得涅槃則有生死到得明則有暗到但是有  
漏因果翻覆無有不相齟齬者若欲免見翻覆之事

大照

三十二卷卷之二

十九

但割斷兩頭句量數管不著不佛不衆生不親不疎  
不高不下不平不等不去不來但不著文字隔渠兩  
頭捉汝不得免苦樂相形免明暗相照實理真實亦  
不真實虛妄亦不虛妄不是量數物喻如虛空不可  
修治若心有少許作解即被量數管著亦如卦龜被  
金木水火土管亦如藕膠五處俱黏魔王捉得自在  
還家夫教語皆三句相連初中後善初直須教渠發  
善心中破善心後始名好善菩薩即非菩薩是名菩  
薩法非法非非法總與麼也若祇說一句令衆生入  
地獄若三句一時說渠自入地獄不干教主事說到

如今鑑覺是自己佛是初善不守住如今鑑覺是中  
善亦不作不守住知解是後善如前屬然燈後佛祇  
是不凡亦不聖莫錯說佛非凡非聖此土初祖云無  
能無聖爲佛聖若言佛聖者亦非九品精靈龍畜等  
類及釋梵已來皆能通變上品精靈亦知今古百劫  
時事豈得是佛如阿修羅王身極長大敵兩倍須彌  
山與帝釋戰時知力不如領百萬兵衆入藕絲孔裏  
藏通變辯才不少他且不是佛教語節級奢緩陞降  
不同未悟未解時名貪瞋悟了喚作佛慧故云不異  
舊時人祇異舊時行履處問斬草伐木掘地墾土爲

大照

三十二卷卷之二

三

有罪報相否師云不得定言有罪亦不得定言無罪  
有罪無罪事在當人若貪染一切有無等法有取捨  
心在透三句不過此人定言有罪若透三句外心如  
虛空亦莫作虛空想此人定言無罪又云罪若作了  
道不見有罪無有是處若不作罪道有罪亦無有是  
處如律中本迷煞人及轉相煞尚不得煞罪何況禪  
宗下相承心如虛空不停留一物亦無虛空相將罪  
何處安著亦云禪道不用修但莫污染亦云但融冶  
表裏心盡即得亦云但約照境祇如今照一切有無  
等法都無貪取亦莫取著亦云合與麼學學似浣垢

衣衣是本有垢是外來聞說一切有無聲色如垢膩都莫將心湊泊菩提樹下三十二相八十種好屬色十二分教屬聲祇如今截斷一切有無聲色流過心如虛空相似合與麼學如救頭然始得臨命終時尋舊路行尚不徹到與麼時新調始學無有得期臨終之時盡是勝境現前隨心所愛重處先受祇如今不作惡事當此之時亦無惡境縱有惡境亦變成好境若怕臨終之時憚狂不得自由即須如今便自由始得祇如今於一一境法都無愛染亦莫依住知解便是自由人如今是因臨終是果果業已現如何怕

得怕是古今古若有今今亦有古古若有佛今亦有佛如今若得直至未來際得祇如今一念一念不被一切有無等法管自古自今佛祇是人人祇是佛亦是三昧定不用將定入定不用將禪想禪不用將佛覓佛如云法不求法法不得法法不行法法不見法自然得法不以得更得所以菩薩應如是正念於法整然獨存亦無知獨存之法智性自如如非因所置亦名體結亦名體集不是智知不是識識絕思量處疑寂體盡付度永亡如海大流盡波浪不復生亦云如大海水無風市市之波忽知市市之波此是細中

之麤亡知於知還如細中之細是佛境界從此初知名三昧之頂亦名三昧王亦名爾燄智出生一切諸三昧灌一切諸法王子頂於一切色聲香味觸法剎土成等正覺內外通達悉無有閔一色一塵一佛一色一切佛一切色一切塵一切佛一切色聲香味觸法亦復如是——徧滿一切剎土此是細中之麤是善境界是一切上流知覺聞見亦是一切上流出生入死度一切有無等是上流所說亦是上流涅槃是無上道是無等等呪是第一之說於諸說中最為甚深無人能到諸佛護念猶如清波能說一切水清濁

深流廣大之用諸佛護念行住坐臥若能如是我時為現清淨光明身又云如汝自等語等我亦如然一佛剎聲一佛剎香一佛剎味一佛剎觸一佛剎事悉皆如是從此上至蓮華藏世界縱廣總皆如是若守初知為解名頂結亦名墮頂結是一切塵勞之根本自生知見無繩自縛所知故繫世有二十五又散一切諸煩惱門縛著於他此初知二乘見之名為爾燄識亦名微細煩惱便即斷除既得除已名為回神住空窟亦名三昧酒所醉亦名解脫魔所縛世界成壞定力所持漏向別國土都不覺知亦名解脫深坑可



畏之處菩薩悉皆遠離亦云失脚作轉輪王令四天下人一日行十善此福智猶不能算自己鑑覺名王緣念著有無諸法各轉輪王祇如今於藏腑中都不納一切有無等法離四句外名空空名不死藥為喚前王名不死藥雖云不死藥與王共服亦非二物亦非一物若作一二解亦名轉輪王祇如今有人以福智四事供養四百萬億阿僧祇世界六趣四生隨其所欲滿八十年已後作是念然此衆生皆已衰老我當以佛法而訓導之令得須陀洹果乃至阿羅漢道如是施主但施衆生一切樂具功德尚自無量何況

令得須陀洹果乃至阿羅漢道功德無量無邊猶不如第五十人聞經隨喜功德報恩經云摩耶夫人生五百太子盡得辟支佛果而皆減度各各起塔供養一一禮拜歎言不如生於一子得無上菩提省我心力祇如今於百千萬衆中有一人得者價直三千大千世界所以常勸衆人須玄解自理自理若玄使得福智如貴使賤亦如無住車若守此作解名髻中珠亦名有價寶珠亦名運冀人若不守此爲解如王髻中明珠與之亦名無價大寶亦名運冀出佛直是纏外人却來纏內與麼作佛直是生死那邊人直是玄

絕那邊人却來向者岸與麼作佛人及獼猴俱不能行人喻十地菩薩獼猴喻凡夫讀經看教求一切知解不是一向不許解得三乘教善得瓔珞莊嚴具得三十二相窟宅覓佛卽不得教云貪著小乘三藏學者猶不許親近何況自爲是破戒比丘名字羅漢涅槃經中被配入十六惡律儀中同於敗獵漁捕爲利養故殺害大乘方等猶如甘露亦如毒藥消得去如甘露消不去如毒藥讀經看教若不解他生死語決定透他義句不過莫讀最第一亦云須看教亦須參善知識第一須自有眼須辯他生死語始得若辯白

不得決定透不過祇是重增比丘繩索所以教學玄旨人不遣讀文字如云說體不說相說義不說文如是說者名真說若說文字皆是誹謗是名邪說菩薩若說當如法說亦名真說當令衆生持心不持事持行不持法說人不說字說義不說文說道欲界無禪亦是帶一隻眼人語既云欲界無禪憑何得至色界先因地上習二種定然後得至初禪有想定無想定有想定生色界四禪等天無想定生無色界四空等天欲界灼然無禪禪是色界問如今說此土有禪如何師云不動不禪是如來禪離生禪想問如何是有

情無佛性無情有佛性師云從人至佛是聖情執從人至地獄是凡情執祇如今但於凡聖二境有染愛心是名有情無佛性祇如今但於凡聖二境及一切有無諸法都無取捨心亦無無取捨知解是名無情有佛性祇是無其情繫故名無情不同木石太虛黃華翠竹之無情將爲有佛性若言有者何故經中不見受記而得成佛者祇如今鑑覺但不被有情改變喻如翠竹無不應機無不知時喻如黃華又云若踏佛階梯無情有佛性若未踏佛階梯有情無佛性

古尊宿語錄卷第一

支那  
撰述

尊宿語錄卷一

二十五

古尊宿語錄卷第二

大鑑下三世 語之餘

百丈大智禪師僧問大通智勝佛十劫坐道場佛法不現前不得成佛道如何師云劫者滯也亦云住也住一善滯於十善西國云佛此土云覺自已鑒覺滯著於善善根人無佛性故云佛法不現前不得成佛道觸惡住惡名衆生覺觸善住善名聲聞覺不住善惡二邊不依住將爲是者名二乘覺亦名辟支佛覺既不依住善惡二邊亦不作不依住知解名菩薩覺既不依住亦不作無依住知解始得名爲佛覺如云

異述

古尊宿語錄卷二

一

佛不住佛名真福田若於千萬人中忽有一人得者名無價寶能於一切處爲導師無佛處云是佛無法處云是法無僧處云是僧名轉大法輪問從上祖宗皆有密語遞相傳授如何師云無有密語如來無有祕密藏祇如今鑑覺語言分明覓形相了不可得是密語從須陀洹向上直至十地但有語句盡屬法之塵垢但有語句盡屬煩惱邊收但有語句盡屬不了義教但有語句盡不許也了義教俱非也更討什麼密語問空生大覺中如海一漚發如何師云空喻於漚海喻於性自己靈覺之性過於虛空故云空生大

異述

古尊宿語錄卷二

二

覺中如海一漚發問伐林莫伐樹如何師云林者喻於心樹者喻於身因說林故生怖故云伐林莫伐樹問語也垛生招箭言既垛生不得無患患累既同緇素何辯師云但却發箭途中相拄如其相差必有所傷谷中尋響累劫無形響在口邊得失在於來問却問所歸還被於箭亦如知幻不是幻三祖云不識玄旨徒勞念靜亦云認物爲見如持瓦礫用將何爲若言不見木石何殊是故見與不見二俱有失舉一倒諸問本無煩惱三十二相如何師云是佛邊事本有煩惱今有三十二相祇如今凡情是問無邊身菩薩

不見如來頂相如何師云爲作有邊見無邊見所以不見如來頂相祇如今都無一切有無等見亦無無見是名頂相現問如今沙門盡言我依佛教學一經一論一禪一律一知一解合受檀越四事供養爲消得否師云但約如今照用一聲一色一香一味於一切有無諸法一一境上都無纖塵取染亦不依住無取染亦無不依住知解者箇人日食萬兩黃金亦能消得祇如今照一切有無等法於六根門頭刮削併當貪愛有纖毫治不去乃至乞施王一粒米一縷線箇箇披毛戴角牽犁負重一一須償他始得爲不依

佛佛是無著人無求人無依人如今波波貪覓佛盡皆背也故云久親近於佛不識於佛性唯觀救世者輪迴六趣中久乃見佛者為說佛難值文殊是七佛祖師亦云是娑婆世界第一主普菩薩無端作見佛想聞法想被佛威神力故猶降二鐵圍山不是不解特與諸學人作標則令諸後學人莫作與麼見聞但無一切有無等法有無等見一一箇箇透過三句外是名如意實是名寶華承足若作佛見法見但是一切有無等見名眼翳見所見故亦名見纏亦名見蓋亦名見孽祇如今念念及一切見聞覺知及一切塵

文冊  
撰述

古德語錄卷二

三

垢祛得盡但是一塵一色總是一佛但起一念總是一佛三世五陰念念誰知其數是名佛闍塞虛空是名分身佛是名寶塔是以常歎言嗟見今日所依之命依一顆米一莖菜餉時不得食飢死不得水渴死不得火寒死欠一日不生欠一日不死被四大把定不如先達者入火不燒入水不溺倘要燒便燒要溺便溺要生即生要死即死去住自由者箇人有自由分心若不亂不用求佛求菩提涅槃若著佛求屬貪貪變成病故云佛病最難治謗佛毀法乃可取食食者是自已靈覺性無漏飯解脫食此語治十地菩薩

病是從初至十地也祇如今但有一切求心盡名破戒比丘名字羅漢盡名野干灼然銷他供養不得祇如今聞聲如響等響香如風等離一切有無等法亦不住於離亦無不住知解此人一切罪垢不能相累為求無上菩提涅槃故名出家猶是邪願況乎世間諍論覓勝負說我能我解貪一門徒愛一弟子戀一住處結一檀越一衣一食一名一利又言我得一切無閼祇是自誑祇如今能於自己五陰不為其主被人割截節節支解都無怨吝之心亦不煩惱乃至自己弟子被人鞭打從頭至足如上一一等事都無一

文冊  
撰述

古德語錄卷二

四

念生彼我心猶依住無一念將為是此名法塵垢十地之人脫不去流入生死河所以常勸眾人須懼法塵煩惱如懼三塗乃有獨立分假使有一法過於涅槃者亦無少許生珍重想此人步步是佛不假腳踏蓮華分身百億祇如今於一切有無等法有纖毫愛染心縱然腳踏蓮華亦同魔作若執本清淨本解脫自是佛自是禪道解者即屬自然外道若執因緣修成證得者即屬因緣外道執有即屬常見外道執無即屬斷見外道執亦有亦無即屬邊見外道執非有非無即屬空見外道亦云愚癡外道祇如今但莫作



佛見涅槃等見都無一切有無等見亦無無見名正見無一切聞亦無無聞名正聞是名摧伏外道無凡夫魔來是大神呪無二乘魔來是大明呪無菩薩魔來是無上呪乃至亦無佛魔來是無等等呪一變眾生詔曲修羅二變二乘詔曲修羅三變菩薩詔曲修羅是三變淨土但是一切有無凡聖等法喻如金鑽自己如理喻如於金金與鑽各相去離真金露現忽有人覓錢覓寶變金為錢與他亦如麴體真正無諸沙鹵有人乞餽變麴為餽與他亦如智臣善解王意王若行時索僊陀婆即便奉馬食時索僊陀婆即便

奉鹽此等喻學玄旨人善能通達應機不失亦云六絕師子誌公云隨人造作百變十地菩薩不飢不飽入水不溺入火不燒倘要燒且不可得燒他被量數管定佛則不與麼入火不燒倘要燒便燒要溺便溺他使得四大風水自由一切色是佛色一切聲是佛聲自己滓穢詭曲心盡透過三句外得說此語菩薩清淨弟子明白所有言說不執無有一切照用不拘清濁有病不喫藥是愚人無病喫藥是聲聞人定執一法名定性聲聞一向多聞名增上慢聲聞知他名有學聲聞沈空滯寂及自知名無學聲聞貪瞋癡等

是毒十二分教是藥毒未銷藥不得除無病喫藥藥變成病病去藥不消不生不滅是無常義涅槃經云有三惡欲一欲得四眾圍繞二欲得一切人為我門徒三欲得一切人知我是聖人及阿羅漢迦葉經云一欲求見未來佛二欲求轉輪王三欲求剎利大姓四欲得婆羅門大姓乃至厭生死求涅槃如是惡欲先須斷之祇如今但有取染動念盡名惡欲盡屬六天總被波旬管問二十年中常令除糞如何師云但息一切有無知見但息一切貪求箇箇透過三句外是名除糞祇如今求佛求菩提求一切有無等法是

名運糞入不名運糞出祇如今作佛見作佛解但有見所求所著盡名戲論之糞亦名麤言亦名死語如云大海不宿死屍等閑說話不名戲論說者辯清濁名戲論教文都總有二十一般空淘擇眾生塵累沙門持齋持戒忍辱柔和慈悲喜捨尋常是僧家法則會與麼會宛然依佛教祇是不許貪著依執若希求得佛得菩提等法者似手觸火文殊云若起佛見法見應當害已所以文殊執劍於瞿曇耆掘持刀於釋氏如云菩薩行五無間而不入無間地獄他是圓通無間不同眾生五逆無間從波旬直至佛盡是垢



臆都無纖毫依執如是名二乘道況乎諍論覓勝負  
說我能我解祇名諍論僧不名無爲僧祇如今但不  
貪榮一切有無諸法是名無生是名正信信著一切  
法名信不具亦名信不圓亦名偏信不具故名一闡  
提如今得真直悟解但人法俱泯人法俱絕人法  
俱空透三句外是名不墮諸數人者是信法者是戒  
施聞慧等菩薩忍不成佛忍不作衆生忍不持戒忍  
不破戒故云不持不犯智濁照清慧清識濁在佛名  
照慧在菩薩名智在二乘及衆生邊則名識亦名煩  
惱在佛名果中說因在衆生名因中說果在佛名轉

法輪在衆生外法輪轉在菩薩名瓔珞莊嚴具在衆  
生名五陰叢林在佛名本地無明是無明明故云無  
明爲道體不同衆生暗蔽無明彼是所此是能彼是  
所聞此是能聞不一不異不斷不常不來不去是生  
語句是出轍語句不明不暗不佛不衆生總與麼也  
來去斷常佛與衆生是死語徧不徧同異斷常等是  
外道義般若波羅蜜是自己佛性亦云摩訶衍摩訶  
是大義衍是乘義若守住自己知覺又成自然外道  
不用守如今鑑覺不用別求佛若更別求又屬因緣  
外道此土初祖云心有所是必有所非若貴一物則

被一物惑若重一物則被一物惑信被信惑不信又  
成謗莫貴莫不貴莫信莫不信佛亦不是無爲雖不  
是無爲又不是冥冥猶如虛空佛是大心衆生鑑覺  
多鑑覺雖多他鑑覺清淨貪瞋鬼捉他不著佛是纏  
外人無纖毫愛取亦無無愛取知解是名具足六度  
萬行若要莊嚴具種種皆有如不棄他不用亦不失  
他使得因果福智自由是修行非是執勞負重喚作  
修行却不與麼三身一體一體三身一者法身實相  
佛法身佛不明不暗明暗屬幻化實相由對虛得名  
本無一切名目如云佛身無爲不墮諸數成佛獻蓋

等是升合擔語要從濁辯清得名故云實相法身佛  
是名清淨法身毗盧遮那佛亦名虛空法身佛亦名  
大圓鏡智亦名第八識亦名性宗亦名空宗亦名佛  
居不淨不穢土亦名在窟師子亦名金剛後得智亦  
名無垢檀亦名第一義空亦名玄旨三祖云不識玄  
旨徒勞念靜二報身佛菩提樹下佛亦名幻化佛亦  
名相好佛亦名應身佛是名圓滿報身盧舍那佛亦  
名平等性智亦名第七識亦名顯因答果佛同五十  
二禪那數同阿羅漢辟支佛同一切菩薩等同受生  
滅等苦不同衆生繫業等苦三化身佛祇如今於一

切有無諸法都無貪染亦無無染離四句外所有言說辯才名化身佛是名千百億化身釋迦牟尼佛亦名大神變亦名遊戲神通亦名妙觀察智亦名第六識供養者淨三業前際無煩惱可斷中際無自性可守後際無佛可成是三際斷是三業清淨是三輪空是三檀空云何比丘給侍於佛所謂不漏六根者亦名莊嚴空無諸漏林樹莊嚴空無諸染華果莊嚴空無佛眼約修行人法眼辯清濁亦不作辯清濁知解是名乃至無眼寶積經云法身不可以見聞覺知求非肉眼所見以無色故非天眼所見以無妄故非慧

眼所見以離相故非法眼所見以離諸行故非佛眼所見以離諸識故若不作如是見是名佛見同色非形色名真色同空非太虛名真空色空亦是藥病相治語法界觀云不可言即色不即色亦不可言即空不即空眼耳鼻舌身意不納一切有無諸法名轉入第七地七地菩薩不退七地向上三地菩薩心地明白易染說火即燒從色界向上布施是病慳貪是藥從色界向下慳貪是病布施是藥有作戒者割斷世間法但不身手作無過名無作戒亦云無表戒亦云無漏戒但有舉心動念盡名破戒祇如今但不被一

切有無諸境惑亂亦不依住不惑亂亦無不依住知解是名徧學是名勤護念是名廣流布未悟未解時名母悟了名子亦無無悟解知解是名母子俱喪無善纏無惡纏無佛纏無眾生纏量數亦然乃至都無一切量數纏故云佛是出纏過量人貪愛知解義句如母愛子唯多與兒酥喫消與不消都總不知此語喻十地受人天尊責煩惱生色界無色界禪定福樂煩惱不得自在神通飛騰隱顯徧至十方諸佛淨土聽法之煩惱學慈悲喜捨因緣煩惱學空平等中道煩惱學三明六通四無闕煩惱學大乘心發四弘誓

願煩惱初地二地三地四地明解煩惱五地六地七地諸知見煩惱八地九地十地菩薩雙照二諦煩惱乃至學佛果百萬阿僧祇諸行煩惱唯貪義句知解不知却是繫縛煩惱故云見河能漂香象問見否答曰見問見後如何答曰見無二既云見無二不以見見於見若見更見為前見是為後見是如云見見之時見非是見見猶離見見不能及所以不行見法不行聞法不行覺法諸佛疾與授記難曰見既不是授記之言復何用記師云先悟宗人不被一切有無諸法相拘如浣垢衣故云離相名佛虛實盡不存中旨

獨玄玄達一路同道後進契其階故云授記耳無明爲父貪愛爲母自己是病還賢自己是藥自己是刀還殺自己無明貪愛父母故云殺父害母一語類破一切法喫非時食者亦復如是祇如今但是一切有無等法盡是喫非時食亦名惡食是穢食置於寶器是破戒是妄語是雜食佛是無求人如今貪求一切有無諸法但是所有所作皆背也却是謗佛但有貪染盡名授手祇如今但不貪染亦不依住不貪染亦無不依住知解是名般若火是燒手指是不惜軀命是節節支解是出世間是掌世界於他方祇如今若

於十二分教及一切有無諸法於藏腑中有纖毫停畱是不出綱但有所求所得但有生心動念盡名野干祇如今於藏腑中都無所求都無所得此人是大神主是師子吼亦不依住無所得亦無不依住知解是名六絕師子人我不生諸惡不起是納須彌於芥子中不起一切貪瞋八風等是悉能喻四大海水入口中不受一切虛妄語言是不入耳中不令身起一切惡於人是納一切火於腹中祇如今於一一境不惑不亂不瞋不喜於自己六根門頭刮削併當得淨潔是無事人勝一切知解頭陀精進是名天眼亦名

了照爲眼是名法界性是作車載因果佛出世度衆生則前念不生後念莫續前念業謝名度衆生前念若瞋卽將喜藥治之卽名爲有佛度衆生但是一切言教祇如治病爲病不同藥亦不同所以有時說有佛有時說無佛實語治病病若得瘥箇箇是實語治病若不瘥箇箇是虛妄語實語是虛妄語生見故虛妄是實語斷衆生顛倒故爲病是虛妄祇有虛妄藥相治佛出世度衆生是九部教語是不了義教語瞋及喜病及藥總是自己更無兩人何處有佛出世何處有衆生可度如經云實無衆生得滅度者亦云不

愛佛菩提不貪染有無諸法名爲度他亦不守住自己名爲自度爲病不同藥亦不同處方不同不得一向固執依佛依菩提等法盡是依方故云至於智者不得一向教中所辯喻於黃葉亦如空拳誑小兒若人不知此理名同無明如云行般若菩薩不得取我語及依教救瞋如石頭愛如河水祇如今但無瞋無愛是透山河石壁直爲治聾俗病多聞辯說治眼病從人至佛是得從人至地獄是失是非亦然三祖云得失是非一時放却不執住一切有無諸法是名不住有緣亦不依住不依住是名不住空忍執自己是



佛自己是禪道解者各內見執因緣修證而成者名  
外見誌公云內見外見俱錯眼耳鼻舌各各不貪染  
一切有無諸法是各受持四句偈亦各四果六入無  
迹亦各六通祇如今但不被一切有無諸法關亦不  
依住不關亦無不依住知解是名神通不守此神通  
是名無神通如云無神通菩薩足迹不可尋是佛向  
上人最不可思議人是自己天是智照讚即喜喜者  
屬境界是天讚是人人天交接兩得相見亦云淨智  
為天正智為人本不是佛向渠說是佛名體結祇如  
今但莫作佛知解亦無無不依住知解是名滅結亦

名真如亦名體如求佛求菩提各現身意祇如今但  
有一切求心盡各現身意如云求菩提雖是勝求重  
增塵累求佛是佛眾求一切有無諸法是眾生眾祇  
如今鑑覺但不依住一切有無諸法是不入眾數祇  
如今於一一聲香味觸法等不受於一一境不貪但  
無十句濁心是了因成佛學文句覓解者各緣因成  
佛見佛知佛則得說佛有知有見却是謗佛若云佛  
知佛見佛聞佛說即得見火即得火見即不得如刀  
割物即得物割刀即不得知佛人見佛人聞佛人說  
佛人如恒河沙是佛知是佛見是佛聞是佛說萬中

無一祇為自無眼依他作眼教中喚作比量智祇如  
今貪佛知解亦是比量智世間譬喻是順喻不了義  
教是順喻了義教是逆喻捨頭目髓腦是逆喻如今  
不愛佛菩提等法是逆喻難捨喻於頭目髓腦如照  
著一切有無境法名頭被一切有無境法相撓著各  
手都未照前境時名髓腦聖地習凡因佛入眾生中  
同類誘引化導同渠餓鬼肢節火然與渠說般若波  
羅蜜令渠發心若一向在聖地憑何得至彼共渠語  
佛入諸類與眾生作船筏同渠受苦無限勞極佛入  
苦處亦同眾生受苦佛祇是去住自由不同眾生佛

不是虛空受苦何得不苦若說不苦此語違負等閑  
莫說錯說佛神通自在不自在且慚愧人不敢說佛  
是有為是無為不敢說佛自由不自由除讚藥方外  
不欲得露現兩頭醜陋教云若人安佛菩提置有所  
是邊其人得大罪亦云如不識佛人前向渠與麼說  
無過如無漏牛乳能治有漏病其牛者不在高原不  
居下隰此牛乳堪作藥高原喻於佛下隰喻於眾生  
如云如來實智法身又無此病辯才無閤昇騰自在  
不生不滅是各生老病死疼痛癰瘡是暗喫菌羹患  
痢疾而終是暗為藏明頭迹明暗都遣莫取無取亦

無無取他不明不暗王宮生納耶輪陀羅八相成道  
聲聞外道妄想所計如云非雜食身純陀云我知如  
來決定不受不食第一須具兩隻眼照破兩頭事莫  
祇帶一隻眼向一邊行卽有邪箇邊到功德天黑暗  
女相隨有智主人二俱不受祇如今心如虛空相似  
學始有所成西國高祖云雪山喻大涅槃此土初祖  
云心心如木石三祖云兀爾忘緣曹谿云善惡都莫  
思量先師云如迷人不辯方所肇公云閉智塞聰獨  
覺冥冥者矣文殊云心同虛空故敬禮無所觀甚深  
修多羅不聞不受持祇如今但是一切有無諸法都

不見不聞六根杜塞若能與麼學與麼持經始有修  
行分者箇語逆耳苦口可中與麼作得至第二第三  
生能向無佛處坐大道場示現成等正覺變惡爲善  
變善爲惡使惡法教化十地菩薩使善法教化地獄  
餓鬼能向明處解明縛能向暗處解暗縛撮金成土  
撮土成金百般作得變弄自由於恒沙世界外有求  
救者婆伽婆卽披三十二相現其人前同渠語音與  
渠說法隨機感化應物殊形變現諸趣離我我所猶  
屬彼邊事猶是小用亦是佛事門中收大用者大身  
隱於無形大音匿於希聲如木中之火如鐘鼓之聲

因緣未具時不可言其有無傍報生天棄之如涕唾  
菩薩六度萬行如乘死屍過岸如在牢獄廁孔得出  
佛披三十二相相喚作垢膩之衣亦云若說佛一向  
不受五陰無有是處佛不是虛空何得一向不受佛  
祇是去住自由不同衆生從一天界至一天界從一  
佛刹至一佛刹諸佛常法又云若據三乘教受他信  
施供養他在地獄中菩薩行慈悲同類化導報恩不  
可常在涅槃又云如火見火但莫手觸火不燒人祇  
如今但無十句濁心貪心愛心染心瞋心執心住心  
依心著心取心戀心但是一句各有三句箇箇透過

三句外但是一切照用任聽縱橫但是一切舉動施  
爲語默啼笑盡是佛慧

大鑑下四世

筠州黃檗斷際禪師諱希運乃福州人也師初到洛  
京行乞吟添鉢聲有一嫗出林扉問云太無厭生師  
云汝猶未施責我無厭何耶嫗笑而掩扉師異之進  
而與語多所發槩須臾辭去嫗告之曰可往南昌見  
馬大師師至南昌大師已遷寂聞塔於石門遂往瞻  
禮時百丈大智禪師廬于塔傍師序其遠來之意願  
聞平日得力句百丈乃問巍巍堂堂從何方來師曰

巍巍堂堂從嶺南來丈曰巍巍堂堂當為何事師曰  
巍巍堂堂不為別事便禮拜又舉我再參馬大師侍  
立次大師顧繩牀角拂子我問即此用離此用大師  
云汝他後開兩片皮將何為人我取拂子豎起大師  
云即此用離此用我挂拂子舊處被大師震威一喝  
我直得三日耳聾師聞是語不覺吐舌丈云子已後  
莫承嗣馬大師去否師云不然今日因師舉得見馬  
祖大機大用且不識馬祖若嗣馬祖已後喪我兒孫  
丈云見與師齊減師半德子甚有超師之作百丈一  
日問師甚處來師云大雄山下採菌子來丈云還見

文冊  
撰述

言錄卷二

七

大蟲麼師作大蟲聲丈拈斧作斫勢師與丈一掌丈  
吟吟而笑即歸上堂云大雄山下有一大蟲汝等諸  
人也須好看百丈老漢今日親遭一口師在百丈普  
請開田次丈問運關黎開田不易師云隨眾作務丈  
云有煩道用師云爭敢辭勞丈云開得多少田師將  
鏹築地三下丈便喝師掩耳而去師問百丈從上宗  
乘如何指示於人丈據坐師云後代兒孫將何傳受  
丈云我將謂你是箇人便起去南泉問師黃金為城  
白銀為壁是甚麼人居止處師云聖人居止處泉云  
更有一人居何國土師近前叉手而立泉云道不得

何不請王老師道師云更有一人居何國土泉云可  
惜許

師上堂大眾纔集師拈拄杖一時打散復召大眾眾  
回首師云月似彎弓少雨多風師一日捏拳謂眾云  
天下老和尚總在這裏我若放一線道從汝七縱八  
橫若不放過不消一捏時有僧問放一線道時如何  
師云七縱八橫云不放過時如何師云普裴相國一  
日請師至郡以所解一編示師師接置於座略不按  
閱良久曰會麼裴曰未測師曰若便怎麼會得猶較  
些子若也形於紙墨何有吾宗裴乃贈詩一章曰自

文冊  
撰述

言錄卷二

八

從大士傳心印額有圓珠七尺身挂錫十年棲蜀水  
浮杯今日渡漳濱一千龍象隨高步萬里香華結勝  
因擬欲事師為弟子不知將法付何人師亦無喜色  
自爾黃檗門風盛于江表矣問如何是道如何修行  
師云道是何物汝欲修行問諸方宗師相承禪學  
道如何師云接引鈍根人語未可依憑云此既是接  
引鈍根人語未審接上根人復說何法師云若是上  
根人何處更就他覓他自己尚不可得何況更別有  
法當情不見教中云法法何狀云若如此則都不要  
求覓也師云若與麼則省心力云如是則渾成斷絕



不可是無也師云阿誰教他無他是阿誰你擬覓他云既不許覓何故又言莫斷他師云若不覓即便休誰教你斷你見目前虚空作麼生斷他云此法可得便同虚空否師云虚空早晚向你道有同有異我暫如此說你便向者裏生解云應是不與人生解耶師云我不曾障你要且解屬於情情生則智隔云向者裏莫生情是否師云若不生情阿誰道是問纔向和尚處發言爲什麼便道話墮師云汝自是不解語人有什麼墮負問向來如許多言說皆是抵敵語未曾有實法指示於人師云實法無顛倒汝今問處自生

楞嚴經

卷之二

二九

顛倒覓什麼實法云既是問處自生顛倒和尚答處如何師云你且將物照面看莫管他人又云只如箇癡狗相似見物動處便吠風吹草木也不別又云我此禪宗從上相承已來不曾教人求知求解只云學道早是接引之詞然道亦不可學情存學者却成迷道道無方所各大乘心此心不在內外中間實無方所第一不得作知解只是說汝如今情量處爲道情量若盡心無方所此道天真本無名字只爲世人不識迷在情中所以諸佛出來說破此事恐你諸人不了權立道名不可守名而生解故云得魚忘筌身心

自然達道識心達本源故號爲沙門沙門果者從息慮而成不從學得汝如今將心求心傍他家舍只候學取有什麼得時古人心利纔聞一言便乃絕學所以喚作絕學無爲閑道人今時人只欲得多知多解廣求文義喚作修行不知多知多解礙成達塞唯知多與兒酥乳喫消與不消都總不知三乘學道人皆是此樣盡名食不消者所謂知解不消皆爲毒藥盡向生滅中取真如之中都無此事故云我王庫內無如是刀從前所有一切解處盡須併却今空即是空如來藏如來藏者更無纖塵可有即是破有法王出

楞嚴經

卷之二

三九

現世間亦云我於然燈佛所無少法可得此語只爲空你情解知量但消融表裏情盡都無依執是無事人三乘教綱只是應機之藥隨宜所說臨時施設各各不同但能了知即不被惑第一不得於一機一教邊守文作解何以如此實無有定法如來可說我此宗門不論此事但知息心即休更不用思前慮後問從上來皆云即心是佛未審即那箇心是佛師云你有幾箇心云爲復即凡心是佛即聖是佛師云何處有凡聖心耶云即今三乘中說有凡聖和尚何得言無師云三乘中分明向你道凡聖心是妄你今不解

返執爲有將空作實豈不是妄故迷心汝但除卻凡情聖境心外更無別佛祖師西來直指一切人全體是佛汝今不識執凡執聖向外馳騁還自迷心所以向汝道卽心是佛一念情生卽墮異趣無始已來不異今日無有異法故名成正覺云和尚所言卽者是何道理師云覓什麼道理纔有道理便卽心異云前言無始已來不異今日此理如何師云只爲覓故汝自異他汝若不覓何處有異云旣是不異何更用說卽師云汝若不認凡聖阿誰向汝道卽卽若不卽心亦不心可中心卽俱忘阿你更擬向何處覓去

卷之二

五經語錄卷之二

二十二

問妄能障自心未審而今以何遣妄師云起妄遣妄亦成妄妄本無根只因分別而有你但於凡聖兩處情莫計念自然無妄更擬若爲遣他都不得有纖毫依執名爲我捨兩臂必當得佛云旣無依執當何相承師云以心傳心心若心相傳云何言心亦無師云不得一法名爲傳心若了此心卽是無心無法云若無心無法云何名傳師云汝聞道傳心將謂有可得也所以祖師云認得心性時可說不思議了了無所得得時不說知此事若教會何堪也問只如目前虚空可不是境豈無指境見心乎師云什麼心教汝向

境上見設汝見得只是箇照境底心如人以鏡照面縱然得見眉目分明元來只是影像何關汝事云若不因照何時得見師云若也涉因常須假物有什麼了時汝不見他向汝道撒手似君無一物徒勞謾說數千般云他若識了照亦無物耶師云若是無物更何用照你莫開眼寐語去

上堂云百種多知不如無求最第一也道人是無事人實無許多般心無事亦無散去問如何是世諦師云說葛藤作什麼本來清淨何假言說問答但無一切心卽名無漏智汝每日行住坐臥一切言語但莫

卷之二

五經語錄卷之二

二十二

著有爲法出言瞬目盡同無漏如今末法向去多是學禪道者皆著一切聲色何不與我心同虚空去如枯木石頭去如寒灰死火去方有少分相應若不如此他日盡被閻老子拷你在你但離却有無諸法心如日輪常在虚空光明自然不照而照不是省力底事到此之時無棲泊處卽是行諸佛路便是應無所住而生其心此是你清淨法身名爲阿耨菩提若不會此意縱你學得多知勤苦修行草衣木食不識自心盡名邪行定作天魔眷屬如此修行當復何益故誌公云佛本是自心作那得向文字中求假饒你



學得三賢四果十地滿心也只是在凡聖內坐不見道諸行無常是生滅法勢力盡箭還墜招得來生不如意爭似無爲實相門一起直入如來地爲你不是與麼人須要同古人建化門廣學知解誌公云不逢出世明師枉服大乘法藥你如今一切時中行住坐臥但學無心久久雖實爲你力量小不能頓超但得三年五年或十年須得箇入處自然會去爲汝不能如是須要將心學禪學道佛法有什麼交涉故云如來所說皆爲化人如將黃葉爲金止小兒啼決定不實若有實得非我宗門下客且與你本體有甚交涉

支那  
撰述

百衲遺錄卷一

二十三

故經云實無少法可得名爲阿耨菩提若也會得此意方知佛道魔道俱錯本來清淨皎皎地無方圓無大小無長短等相無漏無爲無迷無悟了了見無一物亦無人亦無佛大千沙界海中漚一切聖賢如電拂一切不如心真實法身從古至今與佛祖一般何處欠少一毫毛既會如是意大須努力盡今生去出息不保入息問六祖不會經書何得傳衣爲祖秀上座是五百人首座爲教授師講得三十二本經論云何不傳衣師云爲他有心是有爲法所修所證將爲是也所以五祖付六祖六祖當時只是默契得密授

如來甚深意所以付法與他汝不見道法本法無法無法法亦法今付無法時法法何曾法若會此意方名出家兒方好修行若不信云何明上座走來大庾嶺頭尋六祖六祖便問汝來求何事爲求衣爲求法明上座云不爲衣來但爲法來六祖云汝且暫時斂念善惡都莫思量明上座乃稟言六祖云不思善不思惡正當與麼時還我明上座父母未生時面目來明上座於言下忽然默契便禮拜云如人飲水冷暖自知某甲在五祖會中枉用三十年功夫今日方知不是六祖云如是到此之時方知祖師西來直指人

支那  
撰述

百衲遺錄卷一

二十四

心見性成佛不在言說豈不見阿難問迦葉云世尊傳金闍外別傳何法迦葉召阿難阿難應諾迦葉云倒卻門前剎竿著此便是祖師之標榜也甚生阿難三十年爲侍者只爲多聞智慧被佛呵云汝千日學慧不如一日學道若不學道滴水也難消夫出家人須知有從上來事分始得且如四祖下牛頭橫說豎說猶未知向上關楸子有此眼目方辯得邪正宗黨且當人事宜不能體會得但知學言語念向皮袋裏安著到處稱我會禪還替得汝生死麼輕忽老宿入地獄如箭我纔見汝入門來便識得了也還知麼急

須努力莫容易事持片衣口食空過一生明眼人笑  
汝久後總被俗僕算將去在宜自看遠近是阿誰面  
上事若會卽優會若不會卽散去珍重問如何是西  
來意師便打自餘施設皆被上機中下之流莫窺涯  
涉唐大中年終於本山謚斷際禪師塔曰廣業  
古尊宿語錄卷第二

金壇居士于玉立施贊刻

古尊宿語錄卷第二計字九千六百一十八箇

該銀五兩正  
銀山釋海亮對長洲徐普書漂水端司禹刻  
舊曆癸丑歲秋七月徑山化城識

古尊宿語錄卷第三

黃檗斷際禪師宛陵錄

丞相裴公問曰山中四五百人幾人得和尚法師云  
得者莫測其數何故道在心悟豈在言說言說祇是  
化童蒙耳問如何是佛師云卽心是佛無心是道但  
無生心動念有無長短彼我能所等心心本是佛佛  
本是心心如虛空所以云佛眞法身猶如虛空不用  
別求有求皆苦設使恒沙劫數行六度萬行得佛菩  
提亦非究竟何以故爲屬因緣造作故因緣若盡還  
歸無常所以云報化非眞佛亦非說法者但識自心

支那

古尊宿語錄卷三

一

無我無人本來是佛問聖人無心卽是佛凡夫無心  
莫沈空寂否師云法無凡聖亦無沈寂法本不有莫  
作無見法本不無莫作有見有之與無盡是情見猶  
如幻翳所以云見聞如幻翳知覺乃衆生祖宗門中  
只論息機忘見所以忘機則佛道隆分別則魔軍熾  
問心旣本來是佛還修六度萬行否師云悟在於心  
非關六度萬行六度萬行盡是化門接物度生邊事  
設使菩提眞如實際解脫法身直至十地四果聖位  
盡是度門非關佛心心卽是佛所以一切諸度門中  
佛心第一但無生死煩惱等心卽不用菩提等法所

支那

古尊宿語錄卷三

二

以道佛說一切法度我一切心我無一切心何用一  
切法從佛至祖並不論別事唯論一心亦云一乘所  
以十方諦求更無餘乘此衆無枝葉唯有諸眞實所  
以此意難信達磨來此土梁魏二國祇有可大師一  
人密信自心言下便會卽心是佛身心俱無是名大  
道大道本來平等所以深信含生同一眞性心性不  
異卽性卽心心不異性名之爲祖所以云認得心性  
時可說不思議問佛度衆生否師云實無衆生如來  
度者我尚不可得非我何可得佛與衆生皆不可得  
云現有三十二相及度衆生何得言無師云凡所有

相皆是虛妄若見諸相非相卽見如來佛與衆生盡  
是汝作妄見祇爲不識本心謾作見解纔作佛見便  
被佛障纔作衆生見便被衆生障作凡作聖作淨作  
穢等見盡成其障障汝心故總成輪轉猶如獼猴放  
一捉一無有歇期一等是學直須無學無凡無聖無  
淨無垢無大無小無漏無爲如是一心中方便勤莊  
嚴聽汝學得三乘十二分教有一切見解總須捨卻  
所以除去所有唯置一牀寢疾而臥祇是不起諸見  
無一法可得不被法障透脫三界凡聖境域始得各  
爲出世佛所以云稽首如虛空空無所依出過外道

心既不異法亦不異心既無爲法亦無爲萬法盡由心變所以我心空故諸法空千品萬類悉皆同盡十方空界同一心體心本不異法亦不異祇爲汝見解不同譬如諸天同寶器食隨其福德飯色有異十方諸佛實無少法可得名爲阿耨菩提祇是一心實無異相亦無光彩亦無勝負無勝故無佛相無負故無衆生相云心既無相豈得全無三十二相八十種好化度衆生耶師云三十二相屬相凡所有相皆是虛妄八十種好屬色若以色見我是人行邪道不能見如來問佛性與衆生性爲同爲別師云性無同異若

王文明  
撰述

三

三

約三乘教卽說有佛性有衆生性遂有三乘因果卽有同異若約佛乘及祖師相傳卽不說如是事唯指一心非同非異因非果所以云唯此一乘道無二亦無三除佛方便說問無邊身菩薩爲什麼不見如來頂相師云實無可見何以故無邊身菩薩便是如來不應更見祇教汝不作佛見不落佛邊不作衆生見不落衆生邊不作有見不落有邊不作無見不落無邊不作凡見不落凡邊不作聖見不落聖邊但無諸見卽是無邊身若有見處卽名外道外道者樂於諸見菩薩於諸見而不動如來者卽諸法如義所以

云彌勒亦如也衆聖賢亦如也如卽無生如卽無滅如卽無見如卽無聞如來頂卽圓亦無無圓無圓見故不落圓邊所以佛身無爲不墮諸數權以虛空爲喻圓同太虛無欠無餘等閑無事莫強辯他境辯著便成識所以云圓成沈識海流轉若飄蓬祇道我知也學得也契悟也解脫也有道理也強處卽喜弱處生瞋似者箇見解有什麼用處我向汝道等閑無事莫謾用心不用求真唯須息見所以內見外見俱錯佛道魔道俱惡所以文殊暫起二見貶向二鐵圍山文殊卽實智普賢卽權智權實相對治究竟亦無權

王文明  
撰述

三

四

實唯是一心心且不佛不衆生無有異見纔有佛見便作衆生見有見無見常見剛目便成二鐵圍山被見障故祖師直指一切衆生本心本體本來是佛不假修成不屬漸次不是明暗不是明故無明不是暗故無暗所以無無明亦無無明盡入我此宗門切須在意如此見得名之爲法見法故名之爲佛佛法俱無名之爲僧喚作無爲僧亦名一體三寶夫求法者不著佛求不著法求不著衆求應無所求不著佛求故無佛不著法求故無法不著衆求故無僧問和尚見今說法何得言無僧亦無法師云汝若見有法可



說卽是以音聲求我若見有我卽是處所法亦無法  
法卽是心所以祖師云付此心法時法何曾法無  
法無本心始解心心法實無一法可得各坐道場道  
場者祇是不起諸見悟法本空喚作空如來藏本來  
無一物何處有塵埃若得此中意逍遙何所論問本  
來無一物無物便是否師云無亦不是菩提無是處  
亦無無知解問何者是佛師云汝心是佛佛卽是心  
心佛不異故云卽心卽佛若離於心別更無佛云若  
自心是佛祖師西來如何傳授師云祖師西來唯傳  
心佛直指汝等心本來是佛心心不異故名爲祖若

支那

五

五

直下見此意卽頓超三乘一切諸位本來是佛不假  
修成云若如此十方諸佛出世說於何法師云十方  
諸佛出世祇共說一心法所以佛密付與摩訶大迦  
葉此一心法體盡虚空徧法界名爲諸佛理論者箇  
法豈是汝於言句上解得他亦不是於一機一境上  
見得他此意唯是默契得者一門名爲無爲法門若  
欲會得但知無心忽悟卽得若用心擬學取卽轉遠  
法若無歧路心一切取捨心心如木石始有學道分  
云如今現有種種妄念何以言無師云妄本無體卽  
是汝心所起汝若識心是佛心本無妄那得起心更

認於妄汝若不生心動念自然無妄所以云心生則  
種種法生心滅則種種法滅今正妄念起時佛在何  
處師云汝今覺妄起時覺正是佛可中若無妄念佛  
亦無何故如此爲汝起心作佛見便謂有佛可成作  
衆生見便謂有衆生可度起心動念總是汝見處若  
無一切見佛有何處所如文殊纔起佛見便貶向二  
鐵圍山云今正悟時佛在何處師云問從何來覺從  
何起語默動靜一切聲色盡是佛事何處覓佛不可  
更頭上安頭鬚上加鬚但莫生異見山是山水是水  
僧是僧俗是俗山河大地日月星辰總不出汝心三

支那

五

五

千世界都來是汝箇自己何處有多般心外無法滿  
目青山虛空世界皎皎地無絲髮許與汝作見解所  
以一切聲色是佛之惠法不孤起仗境方生爲物之  
故有其多智終日說何曾說終日聞何曾聞所以釋  
迦四十九年說未曾說著一字云若如此何處是菩  
提師云菩提無是處佛亦不得菩提衆生亦不失菩  
提不可以身得不可以心求一切衆生卽菩提相云  
如何發菩提心師云菩提無所得你今但發無所得  
心決定不得一法卽菩提心菩提無住處是故無有  
得者故云我於然燈佛所無有少法可得佛卽與我

授記明知一切衆生本是菩提不應更得菩提你今聞發菩提心謂將一箇心學取佛去唯擬作佛道任汝三祇劫修亦祇得箇報化佛與你本源真性佛有何交涉故云外求有相佛與汝不相似問本既是佛那得更有四生六道種種形貌不同師云諸佛體圓更無增減流入六道處處皆圓萬類之中箇箇是佛譬如一團水銀分散諸處顆顆皆圓若不分時祇是一塊此一卽一切一切卽一種種種形貌喻如屋舍捨驢屋入人屋捨人身至天身乃至聲聞緣覺菩薩佛屋皆是汝取捨處所以有別本源之性何得有別問

古文那

三教指歸錄卷三

一

何者是精進師云身心不起是名第一牢強精進纔起心向外求者名爲散利王愛遊獵去心不外遊卽是忍辱僊人身心俱無卽是佛道問若無心行此道得否師云無心卽便是行此道更說什麼得與不得且如瞥起一念便是境若無一念便是境忘心自滅無復可追尋問如何是出三界師云善惡都莫思量當處便出三界如來出世爲破三有若無一切心三界亦非有如一微塵破爲百分九十九分是無一分是有摩訶衍不能勝出百分俱無摩訶衍始能勝出上堂云卽心是佛上至諸佛下至蠢動含靈皆有佛

性同一心體所以達磨從西天來唯傳一心法直指一切衆生本來是佛不假修行但如今識取自心見自本性更莫別求云何識自心卽如今言語者正是汝心若不言語又不作用心體如虛空相似無有相貌亦無方所亦不一向是無有而不可見故祖師云真性心地藏無頭亦無尾應緣而化物方便呼爲智若應緣之時不可言其有無正應之時亦無踪跡既知如此如今但向無中棲泊卽是行諸佛路經云應無所住而生其心一切衆生輪迴不息生死者意緣走作心於六道不停致使受種種苦淨名云難化之

古文那

三教指歸錄卷三

八

人心如猿猴故以若干種法制禦其心然後調伏所以心生種種法生心滅種種法滅故知一切諸法皆由心造乃至人天六道地獄修羅盡由心造如今但學無心頓息諸緣莫生妄想分別無人無我無貪瞋無憎愛無勝負但除卻如許多種妄想性自本來清淨卽是修行菩提法佛等若不會此意縱你廣學勤苦修行木食草衣不識自心皆名邪行盡作天魔外道水陸諸神如此修行當復何益誌公云本體是自心作那得文字中求如今但識自心息卻思惟妄想塵勞自然不生淨名云唯置一牀寢疾而臥心不起

也如人臥疾攀緣都息妄想歇滅卽是菩提如今若心裏紛紛不定任你學到三乘四果十地諸位合殺祇向凡聖中坐諸行盡歸無常勢力皆有盡期猶如箭射於空力盡還墜卻歸生死輪迴如斯修行不解佛意虛受辛苦豈非大錯謫公云未逢出世明師枉服大乘法藥如今但一切時中行住坐臥但學無心亦無分別亦無依倚亦無住著終日任運騰騰如癡人相似世人盡不識你你亦不用教人識不識之心如頑石頭都無縫罅一切法透汝心不入兀然無著如此始有少分相應透得三界境過名爲佛出世不

文耶

古靈禪錄卷三

九

漏心相名爲無漏智不作人天業不作地獄業不起一切心諸緣盡不生卽此身心是自由人不是一向不生祇是隨意而生經云菩薩有意生身是也忽若未會無心著相皆屬魔業乃至作淨土佛事並皆成業乃名佛障汝心故被因果管束去住無自由分所以菩提等法本不是有如來所說皆是化人猶如黃葉爲金錢權止小兒啼故實無有法名阿耨菩提如今既會此意何用驅驅但隨緣消舊業更莫造新殃心裏明明所以舊時見解總須捨卻淨名云除去所有法華云二十年中常令除糞祇是除去心中作

見解處又云蠲除戲論之糞所以如來藏本自空寂祇是並不停留一法故經云諸佛國土亦復皆空若言佛道是修學而得如此見解全無交涉或作二機一境揚眉動目祇對相當便道契會也得證悟禪理也忽逢一人不解便道都無所知對他若得道理心中便歡喜若被他折伏不如他便卽心懷惆悵如此心意學禪有何交涉任汝會得少許道理祇得箇心所法禪道總沒交涉所以逢磨面壁都不令人有見處故云忘機是佛道分別是魔境此性縱汝迷時亦不失悟時亦不得天真自性本無迷悟盡十方虚空

文耶

古靈禪錄卷三

十

界元來是我一心體縱汝動用造作豈離虚空虚空本來無大無小無漏無爲無迷無悟了了見無一物亦無人亦無佛絕纖毫的量是無依倚無黏綴一道清流是自性是無生法忍何有擬議真佛無口不解說法真聽無耳其誰聞乎珍重有僧辭歸宗云往甚處去云諸方學五味禪去宗云諸方有五味禪我者裏祇是一味禪云如何是一味禪宗便打僧云會也會也宗云道道僧擬開口宗又打其僧後到師處師問甚麼處來云歸宗來師云歸宗有何言句僧遂舉前話師乃上堂舉此因緣云馬大師出八十四人



一  
又  
那  
櫻  
桃  
述  
之

古詩補遺卷三

11

支那  
興述

一  
皇清語錄卷三

117

夫學道者先須併卻雜學諸緣決定不求決定不著聞甚深法恰似清風屆耳瞥然而過更不追尋是爲

— 34 —



極微細所知愚佛既如是更說什麼等妙二覺來所以一切人但欲向明不欲向暗但欲求悟不愛煩惱無明便道佛是覺衆生是妄若作如是見解百劫千生輪迴六道更無斷絕何以故爲謗諸佛本源自性故他分明向你道佛且不明衆生不暗法無明暗故佛且不強衆生且不弱法無強弱故佛且不智衆生且不愚法無愚智故是你出頭總道解禪開著口便病發不說本祇說末不說迷祇說悟不說體祇說用總無你話論處他一切法且本不有今亦不無緣起不有緣滅不無本亦不有本非本故心亦不心心非

法苑珠林

卷之三

七

心故相亦非相相非相故所以道無法無本心始解心心法法即非法非法即法無法無非法故是心心法忽然瞥起一念了知如幻如化即流入過去佛過去佛且不有未來佛且不無又且不喚作未來佛現在念念不住不喚作現在佛佛若起時即不擬他是在念迷是善是惡輒不得執滯他斷絕他如一念瞥起千重關鎖鎖不得萬丈繩索索他不住既若如是爭合便擬滅他止他分明向你道爾識你作麼生擬斷他喻如陽燄你道近十方世界求不可得始道遠看時祇在目前你擬赴他他又轉遠去你始避他

他又來逐你取又不得捨又不得既若如此故知一切法性自爾即不用愁他慮他如言前念是凡後念是聖如手翻覆一般此是三乘教之極也據我禪宗中前念且不是凡後念且不是聖前念不是佛後念不是衆生所以一切色是佛色一切聲是佛聲舉著一理一切理皆然見一事見一切事見一心見一切心見一道見一切道一切處無不是道見一塵十方世界山河大地皆然見一滴水即見十方世界一切性水又見一切法即見一切心一切法本空心即不無不無即妙有有亦不有不有即有即真空妙有既

法苑珠林

卷之三

七

若如是十方世界不出我之一心一切微塵國土不出我之一念若然說什麼內之與外如蜜性甜一切蜜皆然不可者箇蜜甜餘底苦也何處有與麼事所以道虛空無內外法性自爾虛空無中間法性自爾故衆生即佛佛即衆生衆生與佛元同一體生死涅槃有爲無爲元同一體世間出世間乃至六道四生山河大地有性無性亦同一體言同者名相亦空有亦空無亦空盡恒沙世界元是一空既若如此何處有佛度衆生何處有衆生受佛度何故如此萬法之性自爾故若作自然見即落自然外道若作無我無

我所見墮在三賢十聖位中你如今云何將一尺一寸便擬量度虚空他分明向汝道法法不相到法自寂故當處自住當處自真以身空故名法空以心空故名性空身心總空故名法性空乃至千途異說皆不離你之本心如今說菩提涅槃真如佛性二乘菩薩者皆指葉爲黃金拳掌之說若也展手之時一切大衆若天若人皆見掌中都無一物所以道本來無一物何處有塵埃本既無物三際本無所有故學道人單刀直入須見者箇意始得故逢磨大師從西天來至此土經多少國土祇覓得可大師一人密傳心

印印你本心以心印法以法印心心既如此法亦如此同真際等法性法性空中誰是授記人誰是成佛人誰是得法人他分明向你道菩提者不可以身得身無相故不可以心得心無相故不可以性得性即便本源自性天真佛故不可以佛更得佛不可以無相更得無相不可以空更得空不可以道更得道本無所得無得亦不可得所以道無一法可得祇教你了取本心當下時不得了相無了無不了相亦不可得如此之法得者即得得者不自覺知不得者亦不自覺知如此之法從上已來有幾人得知所以

道天下忘已者有幾人如今於一機一境一經一教一世一時一名一字六根門前領得與機關木人何別忽有一人出來不於一名一相上作解者我說此人盡十方世界覓者箇人不可得以無第二人故繼於祖位亦云釋種無雜純一故言王若成佛時王子亦隨出家此意大難知祇教你莫覓覓便失卻如癡人山上叫一聲響從谷出便走下山趁及乎覓不得又叫一聲山上響又應亦走上山上趁如是千生萬劫祇是尋聲逐響人虛生浪死漢汝若無聲即無響涅槃者無聞無知無聲絕迹絕踪若得如是稍與祖

師隣房也問如王庫藏內都無如是刀伏願誨示師云王庫藏者即虚空性也能攝十方虚空世界皆總不出你心亦謂之虚空藏菩薩你若道是有是無非有非無總成羊角羊角者即你求覓者也問王庫藏中有真刀否師云此亦是羊角云若王庫藏中本無真刀何故云王子持王庫中真刀出至異國何得言無師云持刀出者此喻如來使者你若言王子持王庫中真刀出去者庫中應空去也本源虚空性不可被異人將去是什麼語設你有者皆各羊角問迦葉受佛心印得爲傳語人否師云是云若是傳語人應

不離得羊角師云迦葉自領得本心所以不是羊角若以領得如來心見如來意見如來色相者即屬如來使爲傳語人所以阿難爲侍者二十年但見如來色相所以被佛呵云唯觀救世者不能離得羊角問文殊執劍於瞿曇前者如何師云五百菩薩得宿命智見過去生業障五百者即你五陰身是以見此夙命障故求佛求菩提涅槃所以文殊將智解劍害此有見佛心故故言你善害云何者是劍師云解心是劍云解心既是劍斷此有見佛心祇如能斷見心何能除得師云還將你無分別智斷此有見分別心云

如作有見有求佛心將無分別智劍斷爭奈有智劍在何師云若無分別智害有見無見無分別智亦不可得云不可以智更斷智不可以劍更斷劍師云劍自害劍劍劍相害即劍亦不可得智自害智智智相害即智亦不可得母子俱喪亦復如是問如何是見性云性即是見見即是性不可以性更見性聞即是性不可以性更聞性祇你作性見能聞能見性便有一異法生他分明道所可見者不可更見你云何頭上更著頭他分明道如盤中散珠大者大圓小者小圓各各不相知各各不相礙起時不言我起滅時不

言我滅所以四生六道未有不時且衆生不見佛佛不見衆生四果不見四向四向不見四果三賢十聖不見等妙二覺等妙二覺不見三賢十聖乃至水不見火火不見水地不見風風不見地衆生不入法界佛不出法界所以法性無去來無能所見既如此因什麼道我見我聞於善知識處得契悟善知識與我說法諸佛出世與衆生說法迦旃延祇爲以生滅心傳實相法被淨名呵責分明道一切法本來無縛何用解他本來不染何用淨他故云實相如是豈可說乎汝今祇成是非心染淨心學得一知一解繞天

下行見人便擬定當取誰有心眼誰強誰弱若也如此天地懸殊更說什麼見性問既言性即見見即性祇如性自無障礙無割限云何隔物即不見又於虛空中近即見遠即不見者如何師云此是你妄生異見若言隔物不見無物言見便謂性有隔礙者全無交涉性且非見非不見法亦非見非不見若見性人何處不是我之本性所以六道四生山河大地總是我之性淨明體故云見色便見心心色心不異故祇爲取相作見聞覺知去卻前物始擬得見者即墮二乘人中依通見解也虛空中近則見遠則不見此是外



道中收分明道非內亦非外非近亦非遠近而不可見者萬物之性也近尚不可見更道遠而不可見有什麼意旨問學人不會和尚如何指示師云我無一物從來不曾將一物與人你無始已來祇爲被人指示覓契覓會此可不是弟子與師俱陷王難你但知一念不受卽是無受身一念不想卽是無想身決定不遷流造作卽是無行身莫思量下度分明卽是無識身你如今纔別起一念卽入十二因緣無明緣行亦因亦果乃至老死亦因亦果故善財童子一百一十處求善知識祇向十二因緣中求最後見彌勒彌

勒卻指見文殊文殊者卽汝本地無明若心心別異向外求善知識者一念纔生卽滅纔滅又生所以汝等比丘亦生亦老亦病亦死爾因答果已來卽五聚之生滅五聚者五陰也一念不起卽十八界空卽身便是菩提華果卽心便是靈智亦云靈臺若有所住著卽身爲死屍亦云守死屍鬼問淨名默然文殊讚歎云是真入不二法門如何師云不二法門卽你本心也說與不說卽有起滅無言說時無所顯示故文殊讚歎云淨名不說聲有斷滅否師云語卽默默卽語語默不二故云聲之實性亦無斷滅文殊本聞亦

不斷滅所以如來常說未曾有不說時如來說卽是法法卽是說法說不二故乃至報化二身菩薩聲聞山河大地水鳥樹林一時說法所以語亦說默亦說終日說而未嘗說既若如是但以默爲本問聲聞人藏形於三界不能藏於菩提者如何師云形者質也聲聞人但能斷三界見修已離煩惱不能藏於菩提故還被魔王於菩提中捉得於林中宴坐還成微細見菩提心也菩薩人已於三界菩提決定不捨不取不取故七大中覓他不得不捨故外魔亦覓他不得汝但擬著一法印子早成也印著有卽六道四生文

出印著空卽無相文現如今但知決定不印一切物此印爲虛空不一不二空本不空印本不有十方虛空世界諸佛出世如見電光一般觀一切蠢動含靈如響一般見十方微塵國土恰似海中一滴水相似聞一切甚深法如幻如化心心不異法法不異乃至千經萬論祇爲你之一心若能不取一切相故言如是一心中方便勤莊嚴問如我昔爲歌利王割截身體如何師云僊人者卽是你心歌利王好求也不守王位謂之貪利如今學人不積功累德見者便擬學步歌利王何別如見色時壞卻僊人眼聞聲時壞卻

僊人耳乃至覺知時亦復如是喚作節節支解云祇如僊人忍時不合更有節節支解不可一心忍一心不忍也師云你作無生見忍辱解無求解總是傷損云僊人被割時還知痛否又云此中無受者是誰受痛師云你既不痛出頭來覓箇甚麼問然燈佛授記爲在五百歲中五百歲外師云五百歲中不得授記所言授記者你本決定不忘不失有爲不取菩提但以了世非世亦不出五百歲外別得授記亦不於五百歲中得授記云了世三際相不可得已否師云無一法可得云何故言煩經五百世前後極時長師云

一文字部

一文字部

二十一

五百世長遠當知猶是僊人故然燈授記時實無少法可得問教中云銷我億劫顛倒想不願僧祇獲法身者如何師云若以三無數劫修行有所證得者盡恒沙劫不得若於一剎那中獲得法身直了見性者猶是三乘教之極談也何以故以見法身可獲故皆屬不了義教中收問見法頓了者見祖師意否師云祖師心出虛空外云有限劑否師云有無限劑此皆數量對待之法祖師云且非有限量非無限量非非有無限量以絕待故你今學者未能出得三乘教外爭喚作禪師分明向汝道一等學禪莫取次妄生異

見如人飲水冷暖自知一行一住一剎那間念念不異若不如是不免輪迴問佛身無爲不墮諸數何故佛身舍利八斛四斗師云你作如是見祇見假舍利不見真舍利云舍利爲是本有爲復功勳師云非是本有亦非功勳云若非本有又非功勳何故如來舍利唯鍊唯精金骨常存師乃呵云你作如此見解爭喚作學禪人你見虛空曾有骨否諸佛心同大虛覓什麼骨云如今見有舍利此是何法師云此從你妄想心生卽見舍利云和尚還有舍利否請將出來看師云真舍利難見你但以十指撮盡妙高峯爲微塵

一文字部

一文字部

二十二

卽見真舍利

夫參禪學道須得一切處不生心祇論忘機卽佛道隆分別卽魔軍盛畢竟無毛頭許少法可得問祖傳法付與何人師云無法與人云云何是二祖請師安心師云你若道有二祖卽合覓得心覓心不可得故所以道與你安心竟若有所得全歸生滅問佛窮得無明否師云無明卽是一切諸佛得道之處所以緣起是道場所見一塵一色便合無邊理性舉足下足不離道場道場者無所得也我向你道祇無所得各爲坐道場云無明者爲明爲暗師云非明非暗明暗



是代謝之法無明且不明亦不暗不明祇是本明不明不暗祇者一句子亂卻天下人眼所以道假使滿世間皆如舍利弗盡思共度量不能測佛智其無礙慧出過虛空無你語論處釋迦量等三千大千世界忽有一菩薩出來一跨跨卻三千大千世界不出普賢一毛孔你如今把什麼本領擬學他云既是學不得為什麼道歸源性無二方便有多門如之何師云歸源性無二者無明實性即諸佛性方便有多門者聲聞人見無明生見無明滅緣覺人但見無明滅不見無明生念念證寂滅諸佛見眾生終日生而無生

支那

藏信語錄卷三

二二

終日滅而無滅無生無滅即大乘果所以道果滿菩提圓華開世界起舉足即佛下足即眾生諸佛兩足尊者即理足事足眾生足生死足一切等足足故不求是你今念念學佛即嫌著眾生若嫌著眾生即是謗他十方諸佛所以佛出世來執除糞器蠲除戲論之糞祇教你除卻從來學心見心除得盡即不墮戲論亦云搬糞出祇教你不生心心若不生自然成大智者決定不分別佛與眾生一切盡不分別始得入我曹谿門下故自古先聖云少行我法門所以無行為我法門祇是一心門一切人到者裏盡不敢入不

道全無祇是少人得者即是佛珍重問如何得不落階級師云但終日喫飯未曾齧著一粒米終日行未曾踏著一片地與麼時無人無我等相終日不離一切事不被諸境惑方各自在人念念不見一切相莫認前後三際前際無去今際無住後際無來安然端坐任運不拘方名解脫努力努力此門中千人萬人祇得三箇五箇若不將為事受殃有日在故云著力今生須了卻誰能累劫受餘殃

古尊宿語錄卷第三

支那

古尊宿語錄卷三

二二

古尊宿語錄卷之四

鎮州臨濟慧照禪師語錄

住三聖嗣法小師惠然集

府主王常侍與諸官請師升座師上堂云山僧今日事不獲已曲順人情方登此座若約祖宗門下稱揚大事直是開口不得無你措足處山僧此日以常侍堅請那隱綱宗還有作家戰將直下展陣開旗麼對眾證據看僧問如何是佛法大意師便喝僧禮拜師云這箇師僧却堪持論問師唱誰家曲宗風嗣阿誰師云我在黃蘗處三度發問三度被打僧擬議師便

喝隨後打云不可向虛空裏釘橛去也有座主問三乘十二分教豈不是明佛性師云荒草不曾鋤王云佛豈賺人也師云佛在什麼處王無語師云對常侍前擬瞞老僧速退速退妨他別人請問復云此日法筵爲一大事故更有問話者麼速致問來你纔開口早勿交涉也何以如此不見釋尊云法離文字不屬因不在緣故爲你信不及所以今日葛藤恐滯常侍與諸官員昧佗佛性不如且退喝一喝云少信根人終無了日久立珍重

師一日到河北府府主王常侍請師升座時麻谷出

問大悲千手眼那箇是正眼師云大悲千手眼那箇是正眼速道速道麻谷拽師下座麻谷却坐師近前云不審麻谷擬議師亦拽麻谷下座師却坐麻谷便出去師便下座

上堂云赤肉團上有一無位真人常從汝等諸人面門出入未證據者看看時有僧出問如何是無位真人師下禪牀把住云道道其僧擬議師托開云無位真人是什麼乾屎橛便歸方丈

上堂有僧出禮拜師便喝僧云老和尚莫探頭好師云你道落在什麼處僧便喝又有僧問如何是佛法

大意師便喝僧禮拜師云你道好喝也無僧云草賊大敗師云過在什麼處僧云再犯不容師便喝是日兩堂首座相見同時下喝僧問師還有賓主也無師云賓主歷然師云大眾要會臨濟賓主句問取堂中二首座便下座

上堂僧問如何是佛法大意師豎起拂子僧便喝師便打又僧問如何是佛法大意師亦豎起拂子僧便喝師亦喝僧擬議師便打師乃云大眾夫爲法者不避喪身失命我二十年在黃蘗先師處三度問佛法的大意三度蒙佗賜杖如蒿枝拂著相似如今更

思得一頓棒喫誰人爲我行得時有僧出衆云某甲行得師拈棒與佗其僧擬接師便打

上堂僧問如何是劒刃上事師云禍事禍事僧擬議師便打問祇如石室行者踏碓忘却移脚向什麼處去師云沒溺深泉師乃云但有來者不虧欠伊惣識伊來處若與麼來恰似失却不與麼來無繩自縛一切時中莫亂斟酌會與不會都來是錯分明與麼道一任天下人貶剝久立珍重

上堂云一人在孤峯頂上無出身之路一人在十字街頭亦無向背那箇在前那箇在後不作維摩詰不

作傳大士珍重

上堂云有一人論劫在途中不離家舍有一人離家舍不在途中那箇合受人天供養便下座

上堂僧問如何是第一句師云三要印開朱點窄未容擬議主賓分問如何是第二句師云妙解豈容無著問溫和平負截流機問如何是第三句師云看取棚頭弄傀儡抽牽都藉裏頭人師又云一句語須具三玄門一玄門須具三要有權有用汝等諸人作麼生會下座

師晚叅示衆云有時奪人不奪境有時奪境不奪人

又那

五臺宿願錄卷之四

三

又那

五臺宿願錄卷之四

四

有時人境俱奪有時人境俱不奪時有僧問如何是奪人不奪境師云煦日發生鋪地錦嬰孩垂髮白如絲僧云如何是奪境不奪人師云王令已行天下徧將軍塞外絕烟塵僧云如何是人境兩俱奪師云并汾絕信獨處一方僧云如何是人境俱不奪師云王登寶殿野老謳謠師乃云今時學佛法者且要求真正見解若得真正見解生處不染去住自由不要求殊勝殊勝自至道流祇如自古先德皆有出人底路如山僧指示人處祇要你不受人惑要用便用更莫遲疑如今學者不得病在甚處病在不自信處你若

自信不及即便茫茫地徇一切境轉被佗萬境回換不得自由你若能歇得念念馳求心便與祖佛不別你欲得識祖佛麼祇你面前聽法底是學人信不及便向外馳求設求得者皆是文字勝相終不得他活祖意莫錯諸禪德此時不遇萬劫千生輪回三界狗好境撥去驢牛肚裏生道流約山僧見處與釋迦不別今日多般用處欠少什麼一道神光未曾問歇若能如是見得祇是一生無事人大德三界無安猶如火宅此不是你久停住處無常殺鬼一刹那間不揀貴賤老少你要與祖佛不別但莫外求你一念心上

清淨光是你屋裏法身佛你一念心上無分別光是你屋裏報身佛你一念心上無差別光是你屋裏化身佛此三種身是你即今目前聽法底人祇爲不向外馳求有此功用據經論家取三種身爲極則約山僧見處不然此三種身是名言亦是三種依古人云身依義立土據體論法性身法性土明知是光影大德你且識取弄光影底人是諸佛之本源一切處是道流歸舍處是你四大色身不解說法聽法脾胃肝膽不解說法聽法虛空不解說法聽法是什麼解說法聽法是你目前歷歷底勿一箇形段孤明是這箇

支那  
撰述

言言錄卷之四

五

解說法聽法若如是見得便與祖佛不別但一切時中更莫間斷觸目皆是祇爲情生智隔想變體殊所以輪回三界受種種苦若約山僧見處無不甚深無不解脫道流心法無形通貫十方在眼曰見在耳曰聞在鼻嗅香在口談論在手執捉在足運奔本是一精明分爲六和合一心既無隨處解脫山僧與麼說意在什麼處祇爲道流一切馳求心不能歇上佗古人閑機境道流取山僧見處坐斷報化佛頭十地滿心猶如客作兒等妙二覺擔枷鎖漢羅漢辟支猶如廁穢菩提涅槃如繫驢橛何以如此祇爲道流不達

三祇劫空所以有此障礙若是真正道人終不如是但能隨緣消舊業任運著衣裳要行即行要坐即坐無一念心希求佛果緣何如此古人云若欲作業求佛佛是生歟大兆大德時光可惜祇擬傍家波波地學禪學道認名認句求佛求祖求善知識意度莫錯道流你祇有一箇父母更求何物你自返照看古人云演若達多失却頭求心歇處即無事大德且要平常莫作模樣有一般不識好惡禿奴便即見神見鬼指東劃西好晴好雨如是之流盡須抵債向閻老前吞熱鐵丸有日好人家男女被這一般野狐精魅所

支那  
撰述

言言錄卷之四

六

著便即捏怪瞎屢生索飯錢有日在師示衆云道流切要求取真正見解向天下橫行免被這一般精魅惑亂無事是貴人但莫造作祇是平常你擬向外傍家求過覓腳手錯了也祇擬求佛佛是名句你還識馳求底麼三世十方佛祖出來也祇爲求法如今參學道流也祇爲求法得法始了未得依前輪回五道云何是法法者是心法心法無形通貫十方目前現用人信不及便乃認名認句向文字中求意度佛法天地懸殊道流山僧說法說什麼法說心地法便能入凡入聖入淨入穢入真入俗要且



不是你眞俗凡聖能與一切眞俗凡聖安著名字眞俗凡聖與此人安著名字不得道流把得便用更不著名字號之爲玄旨山僧說法與天下人別祇如有箇文殊普賢出來目前各現一身問法纔道咨和尚我早辨了也老僧穩坐更有道流來相見時我盡辨了也何以如此祇爲我見處別外不取凡聖內不住根本見徹更不疑謬

師示衆云道流佛法無用功處祇是平常無事屙屎送尿著衣喫飯困來卽卧愚人笑我智乃知焉古人云向外作工夫總是癡頑漢你且隨處作主立處皆

支那

支那

支那

眞境來回換不得縱有從來習氣五無間業自爲解脫大海今時學者總不識法猶如觸鼻羊逢著物安在口裏奴郎不辨賓主不分如是之流邪心入道開處卽入不得名爲眞出家人正是眞俗家人夫出家人者須辨得平常眞正見解辨佛辨魔辨眞辨偽辨凡辨聖若如是辨得名眞出家人若魔佛不辨正是出一家入一家喚作造業衆生未得名爲眞出家人祇如今有一箇佛魔同體不分如水乳合鷺王喫乳如明眼道流魔佛俱打你若愛聖憎凡生死海裏浮沉問如何是佛魔師云你一念心疑處是佛魔你若達

得萬法無生心如幻化更無一塵一法處處清淨是佛然佛與魔是染淨二境約山僧見處無佛無衆生無古無今得者便得不歷時節無修無證無得無失一切時中更無別法設有一法過此者我說如夢如化山僧所說皆是道流卽今目前孤明歷歷地聽者此人處處不滯通貫十方三界自在入一切境差別不能回換一刹那間透入法界逢佛說佛逢祖說祖逢羅漢說羅漢逢餓鬼說餓鬼向一切處游履國土教化衆生未曾離一念隨處清淨炎透十方萬法一如道流大丈夫兒今日方知本來無事祇爲你信不

支那

支那

支那

及念念馳求捨頭覓頭自不能歇如圓頓菩薩入法界現身向淨土中厭凡忻聖如此之流取捨未忘染淨心在如禪宗見解又且不然直是現今更無時節山僧說處皆是一期藥病相治總無實法若如是見得是眞出家人日消萬兩黃金道流莫取次被諸方老師印破面門道我解禪解道辯似懸河皆是造地獄業若是眞正學道人不求世間過切急要求眞正見解若達眞正見解圓明方始了畢問如何是眞正見解師云你但一切入凡入聖入染入淨入諸佛國土入彌勒樓閣入毗盧遮那法界處



處皆現國土成住壞空佛出于世轉大法輪却入涅槃不見有去來相貌求其生歟了不可得便入無生法界處處將履國土入華嚴世界盡見諸法空相皆無寔法唯有聽法無依道人是諸佛之母所以佛從無依生若悟無依佛亦無得若如是見得者是真正見解學人不了爲執名句被他凡聖名碍所以障其道眼不得分明枉如十二分教皆是表顯之說學者不會便向表顯名句上生解皆是依倚落在因果未免三界生歟你若欲得生歟去住脫著自由卽今識取聽法底人無形無相無根無本無住處活潑潑地

五支那

三三卽一如是解得始好看教

二

五支那

三三卽一如是解得始好看教

二

三三卽一如是解得始好看教

應是萬種施設用處祇是無處所以覓著轉遠求之轉乖號之爲秘密道流你莫認著箇夢幻伴子遲晚中間便歸無常你向此世界中覓箇什麼物作解脫覓取一口飯喫補養過時且要訪尋知識莫因循逐樂光陰可惜念念無常癡則被地水火風細則被生住異滅四相所逼道流今時且要識取四種無相境免被境擺撲

問如何是四種無相境師云你一念心疑被地來礙你一念心愛被水來溺你一念心嗔被火來燒你一念心喜被風來飄若能如是辨得不被境轉處處用

境東涌西沒南涌北沒中涌邊沒邊涌中沒履水如地履地如水緣何如此爲達四大如夢幻故道流你祇今聽法者不是你四大能用你四大若能如是見得便乃去住自由約山僧見處勿嫌底法你若愛聖聖者聖之名有一般學人向五臺山裏求文殊早錯了也五臺山無文殊你欲識文殊麼祇你目前用處始終不異處處不疑此箇是活文殊你一念心無差別光處處總是眞普賢你一念心自能解縛隨處解脫此是觀音三昧法互爲主伴出則一時出一卽三三卽一如是解得始好看教

師示衆云如今學道人且要自信莫向外覓總上他閑塵境都不辨邪正祇如有祖有佛皆是教迹中事有人拈起一句子語或隱顯中出便卽疑生照天照地傍家尋問也大茫然大丈夫兒莫祇麼論主論賊論是論非論色論財論說閑話過日山僧此間不論僧俗但有來者盡識得伊任伊向甚處出來但有聲名文句皆是夢幻却見乘境底人是諸佛之玄旨佛境不能自稱我是佛境還是這箇無依道人乘境出來若有人出來問我求佛我卽應清淨境出有人問我菩薩我卽應慈悲境出有人問我菩提我卽應淨

妙境出有人問我涅槃我即應寂靜境出境即萬般  
差別人即不別所以應物現形如水中月道流你若  
欲得如法直須是大丈夫兒始得若萎萎隨地則  
不得也夫如覺上著西下之所嫁切罷不堪貯醍醐如大  
罷者直要不受人惑隨處作主立處皆真但有來者  
皆不得受你一念疑即魔入心如菩薩疑時生滅魔  
得便但能息念更莫外求物來即照你但信現今用  
底一箇事也無你一念心生三界隨緣被境分爲六  
塵你如今應用處欠少什麼一刹那間便入淨入穢  
入彌勒樓閣入三眼國土處處遊履唯見空名

問如何是三眼國土師云我共你入淨妙國土中著  
清淨衣說法身佛又入無差別國土中著無差別衣  
說報身佛又入解脫國土中著光明衣說化身佛此  
三眼國土皆是依變約經論家取法身為根本報化  
二身為用山僧見處法身即不解說法所以古人云  
身依義立土據體論法性身法性土明知是建立之  
法依通國土空拳黃葉用誑小兒痰藜麥刺枯骨上  
覓什麼汁心外無法內亦不可得求什麼物你諸方  
言道有修有證莫錯設有修得者皆是生滅業你言  
六度萬行齊修我見皆是造業求佛求法即是造地

獄業求菩薩亦是造業看經看教亦是造業佛與祖  
師是無事人所以有漏有爲無漏無爲爲清淨業有  
一般瞎禿子飽喫飯了便坐禪觀行把捉念漏不令  
放起厭喧求靜是外道法祖師云你若住心看靜舉  
心外照攝心內澄凝心入定如是之流皆是造作是  
你如今與麼聽法底人作麼生擬修他證他莊嚴他  
渠且不是修底物不是莊嚴得底物若教他莊嚴一  
切物即莊嚴得你且莫錯道流你取這一般老師口  
裏語爲是真道是善知識不思議我是凡夫心不敢  
測度他老宿瞎屢生你一生祇作這箇見解孤負這

一雙眼冷噤噤地如凍凌上驢駒相似我不敢毀善  
知識怕生口業道流夫大善知識始敢毀佛毀祖是  
非天下排斥三藏教罵辱諸小兒向逆順中覓人所  
以我於十二年中求一箇業性如芥子許不可得若  
似新婦子禪師便即怕趁出院不與飯喫不安不樂  
自古先輩到處人不信被通出始知是貴若到處人  
盡肯堪作什麼所以師子一吼野干腦裂道流諸方  
說有道可修有法可證你說證何法修何道你今用  
處欠少什麼物修補何處後生小阿師不會便即信  
這般野狐精魅許他說事繫縛他人言道理行相應

護惜三業始得成佛如此說者如春細雨古人云路逢達道人第一莫向道所以言若人修道道不行萬般邪境競頭生智劍出來無一物明頭未顯暗頭明所以古人云平常心是道大德覓什麼物現今目前聽法無依道人歷歷地分明未曾欠少你若欲得與祖佛不別但如是見不用疑誤你心心不異名之活祖心若有異則性相別心不異故卽性相不別問如何是心心不異處師云你擬問早異了也性相各分道流莫錯世出世諸法皆無自性亦無生性但有空名名字亦空你祇麼認他閑名爲實大錯了也

設有皆是依變之境有箇菩提依涅槃依解脫依三身依境智依菩薩依佛依你向依變國中覓什麼物乃至三乘十二分教皆是拭不淨故祇佛是幻化身祖是老比丘你還是娘生已否你若求佛卽被佛魔攝你若求祖卽被祖魔縛你若求皆苦不如無事有一般禿比丘向學人道佛是究竟於三大阿僧祇劫修行果滿方始成道道流你若道佛是究竟緣什麼八十年後向拘尸羅城雙林樹間側卧而歿去佛今何在明知與我生歿不別你言三十二相八十種好是佛轉輪聖王應是如來明知是幻化古人云

如來舉身相爲順世間情恐人生斷見權且立虛名假言三十二八十也空聲有身非覺體無相乃真形你道佛有六通是不可思議一切諸天神仙阿修羅大力鬼亦有神通應是佛否道流莫錯祇如阿修羅與天帝釋戰戰敗領八萬四千眷屬入藕絲孔中藏莫是聖否如山僧所舉皆是業通依通夫如佛六通者不然入色界不被色惑入聲界不被聲惑入香界不被香惑入味界不被味惑入觸界不被觸惑入法界不被法惑所以達六種色聲香味觸法皆是空相不能繫縛此無依道人雖是五蘊漏質便是地行神

通道流真佛無形真法無相你祇麼幻化上頭作模樣設求得者皆是野狐精魅並不是真佛是外道見解夫如真學道人並不取佛不取菩薩羅漢不取三界殊勝迥然獨脫不與物拘乾坤倒覆我更不疑十方諸佛現前無一念心喜三塗地獄頓現無一念心怖緣何如此我見諸法空相變卽有不變卽無三界唯心萬法唯識所以夢幻空花何勞把捉唯有道流目前現今聽法底人入火不燒入水不溺入三塗地獄如遊園觀入餓鬼畜生而不受報緣何如此無嫌底法你若愛聖憎凡生歿海裏沉浮煩惱由心故



有無心煩惱何拘不勞分別取相自然得道須臾你  
擬傍家波波地學得於三祇劫中終歸生歟不如無  
事向叢林中牀角頭交脚坐道流如諸方有學人來  
至客相見了便有一句于語辨前頭善知識被學人  
拈出箇機權語路向善知識口角頭撞過看你識不  
識你若識得是境把得便拋向坑子裏學人便卽尋  
常然後便索善知識語依前奪之學人云上智哉是  
大善知識卽云你大不識好惡如善知識把出箇境  
塊子向學人面前弄前人辨得了不作主不受境惑  
善知識便卽現半身學人便喝善知識又入一切差

大邪

善有語錄卷之四

三

引語路中擺撲學人云不識好惡老禿奴善知識歎  
曰真正道流如諸方善知識不辨邪正學人來問善  
提涅槃三身境智晤老師便與他解說被他學人罵  
著便把棒打他言無禮度自是你善知識無眼不得  
瞋他有一般不識好惡禿奴卽指東劃西好晴好雨  
好燈籠露柱你看眉毛有幾莖這箇具機緣學人不  
會便卽心狂如是之流總是野狐精魅魍魎被他好  
學人嗔嗔微笑言瞎老禿奴惑亂他天下人道流出  
家兒且要學道祇如山僧往日曾向毗尼中留心亦  
曾於經論尋討後方知是濟世藥表顯之說遂乃一

時拋却卽訪道叅禪後遇大善知識方乃道眼分明  
始識得天下老和尚知其邪正不是娘生下便會還  
是體究練磨一朝自省道流你欲得如法見解但莫  
受人惑向裏向外逢着便殺逢佛殺佛逢祖殺祖逢  
羅漢殺羅漢逢父母殺父母逢親眷殺親眷始得解  
脫不與物拘透脫自在如諸方學道流未有不依物  
出來底山僧向此間從頭打手上出來手上打口裏  
出來口裏打眼裏出來眼裏打未有一箇獨脫出來  
底皆是上他古人閑機境山僧無一法與人祇是治  
病解縛你諸方道流試不依物出來我要共你商量

大邪

善有語錄卷之四

五

十年五歲並無一人皆是依草附葉竹木精靈野狐  
精魅向一切糞塊上亂咬瞎漢枉消他十方信施道  
我是出家兒作如是見解向你道無佛無法無修無  
證祇與麼傍家擬求什麼物瞎漢頭上安頭是你欠  
少什麼道流是你目前用底與祖佛不別祇麼不信  
便向外求莫錯向外無法內亦不可得你取山僧口  
裏語不如休歇無事去已起者莫續未起者不要放  
起便勝你十年行腳約山僧見處無如許多般祇是  
平常著衣喫飯無事過時你諸方來者皆是有心求  
佛求法求解脫求出離三界癡人你要出三界什麼

處去佛祖是賞繫底名句你欲識三界麼不離你今聽法底心地你一念心貪是欲界你一念心嗔是色界你一念心癡是無色界是你屋裏家具子三界不自道我是三界還是道流目前靈靈地照燭萬般酌度世界底人與三界安名大德四大色身是無常乃至脾胃肝膽髮毛爪齒唯見諸法空相你一念心歇得處喚作菩提樹你一念心不能歇得處喚作無明樹無明無住處無明無始終你若念念心歇不得便上他無明樹便入六道四生披毛戴角你若歇得便是清淨身界你一念不生便是上菩提樹三界神通

俱舍論

三摩耶論卷之四

主

變化意生化身法喜禪悅身光自照思衣羅綺千重思食百味具足更無橫病菩提無住處是故無得者道流大丈夫漢更疑箇什麼目前用處更是阿誰把得便用莫著名字號爲玄旨與麼見得勿嫌底法古人云心隨萬境轉轉處實能幽隨流認得性無喜亦無憂道流如禪宗見解外活潑然參學之人大須子細如主客相見便有言論往來或應物現形或全體作用或把機權喜怒或現半身或乘師子或乘象王如有真正學人便喝先拈出一箇膠盆子善知識不辨是境便上他境上作模作樣學人便喝前人不肯

放此是膏肓之病不堪醫喚作客看主或是善知識不拈出物隨學人問處卽奪學人被奪抵死不放此是主看客或有學人應一箇清淨境出善知識前善知識辨得是境把得拋向坑裏學人言大好善知識卽云咄哉不識好惡學人便禮拜此喚作主看主或有學人披枷帶鎖出善知識前善知識更與安一重枷鎖學人歡喜彼此不辨呼爲客看客大德山僧如是所舉皆是辨魔揀異知其邪正道流寔情大難佛法幽玄解得可地山僧竟日與他說破學者總不在意千徧萬徧脚底踏過黑沒煖地無一箇形段歷

支那

三摩耶論卷之四

大

歷孤明學人信不及便向名句上生解年登半百祇管傍家負奴厮行檐却檐子天下走索草鞋錢有日在大德山僧說向外無法學人不會便卽向裏作解便卽倚壁坐舌拄上齧湛然不動取此爲是祖門佛法也大錯是你若取不動清淨境爲是你卽認他無明爲即主古人云湛湛黑暗深坑寔可怖畏此之是你若認他動者是一切草木皆解動應可是道也所以動者是風大不動者是地大動與不動俱無自性你若向動處捉他他不動處立你若向不動處捉他他向動處立譬如潛泉魚鼓波而自躍大德動



與不動是二種境還是無依道人用動用不動如諸方學人來山僧此間作三種根羈斷如中下根羈來我便奪其境而不除其法或中上根羈來我便境法俱奪如上上根羈來我便境法人俱不奪如有出格見解人來山僧此間便全體作用不歷根羈大德到這裏學人著力處不通風石火電光即過了也學人若眼定動即沒交涉擬心即差動念即乖有人解者不離目前大德你檐鉢囊屎檐子傍家走求佛求法即今與麼馳求底你還識渠麼活潑潑地祇是勿根株擁不聚撥不散求者即轉遠不求還在目前靈音

天那

寫信錄卷之四

七

屬耳若人不信徒勞百年道流一刹那間便入華藏世界入毗盧遮那國土入解脫國土入神通國土入清淨國土入法界入穢入淨入凡入聖入餓鬼畜生處處討覓尋皆不見有生有歿唯有空名幻化空花不勞把捉得失是非一時放却道流山僧佛法的的相承從麻谷和尚丹霞和尚道一和尚廬山拽石頭和尚一路行徧天下無人信得盡皆起謗如道一和尚用處純一無雜學人三百五百盡皆不見佗意如廬山和尚自在真正順逆用處學人不測涯際悉皆茫然如丹霞和尚翫珠隱顯學人來者皆悉被罵如

麻谷用處苦如黃檗近傍不得如石鞏用處向箭頭上覓人來者皆懼如山僧今日用處真正成壞翫弄神變入一切境隨處無事境不能換但有來求者我即便出看渠渠不識我我便著數般衣學人生解一向入我言句苦哉瞎禿子無眼人把我著底衣認青黃赤白我脫却入清淨境中學人一見便生忻欲我又脫却學人失心茫然狂走言我無衣我即向渠道你識我著衣底人否忽爾回頭認我了也大德你真認衣衣不能動人能著衣有箇清淨衣有箇無生衣善提衣涅槃衣有祖衣有佛衣大德但有聲名文句

天那

寫信錄卷之四

三

皆悉是衣變從臍輪氣海中鼓激牙齒敲磕成其句義明知是幻化大德外發聲語業內表心所法以思有念皆悉是衣你祇麼認他著底衣爲寔解縱經塵劫祇是衣通三界循環還輪回生歿不如無事相逢不相識共語不知名今時學人不得益爲認名字爲解大策子上抄歟老僕語三重五重覆子裹不教人見道是玄旨以爲保重大錯瞎屢生你向枯骨上覓什麼汗有一般不識好惡向教中取意度商量成於句義如把屎塊子向口裏含了吐過與別人猶如俗人打傳口令相似一生虛過也道我出家被佗問著佛

法便卽杜口無詞眼似漆突口如漏檐如此之類逢  
彌勒出世移置佗方世界寄地獄受苦大德你波波  
地往諸方覓什麼物踏你脚板闊無佛可求無道可  
成無法可得外求有相佛與汝不相似欲識汝本心  
非合亦非離道流真佛無形真道無體真法無相三  
法混融和合一處辨既不得喚作茫茫業識衆生

問如何是真佛真法真道乞垂開示師云佛者心清  
淨是法者心光明是道者處處無礙淨光是三卽一  
皆是空名而無寔有如真正學道人念念心不間斷  
自達磨大師從西土來祇是覓箇不受人惑底人後

支那

聖賢集卷之四

主

遇二祖一言便了始知從前虛用功夫山僧今日見  
處與祖佛不別若第一句中得與祖佛爲師若第二  
句中得與人天爲師若第三句中得自救不了  
問如何是西來意師云若有意自救不了云旣無意  
云何二祖得法師云得者是不得云旣若不得云何  
是不得底意師云爲你向一切處馳求心不能歇所  
以祖師言咄哉丈夫將頭覓頭你言下便自回光返  
照更不別求知身心與祖佛不別當下無事方名得  
法大德山僧今時事不獲已話度說出許多不才淨  
你且莫錯據我見處寔無許多般道理要用便用不

用便休祇如諸方說六度萬行以爲佛法我道是在  
嚴門佛事門非是佛法乃至持齋持戒擎油不潤道  
眼不明盡須抵債索飯錢有日在何故如此入道不  
通理復身還信施長者八十一其樹不生耳乃至孤  
峯獨宿一食卯齋長坐不卧六時行道皆是造業底  
人乃至頭目髓腦國城妻子象馬七珍盡皆捨施如  
是等見皆是苦身心故還招苦果不如無事純一無  
雜乃至十地滿心菩薩皆求此道流蹤跡了不可得  
所以諸天歡喜地神捧足十方諸佛無不稱歎緣何  
如此爲今聽法道人用處無蹤跡

支那

聖賢集卷之四

三

問大通智勝佛十劫坐道場佛法不現前不得成佛  
道未審此意如何乞師指示師云大通者是自已於  
處處達其萬法無性無相名爲大通智勝者於一切  
處不疑不得一法名爲智勝佛者心清淨光明透徹  
法界得名爲佛十劫坐道場者十波羅密是佛法不  
現前者佛本不生法本不滅云何更有現前不得成  
佛道者佛不應更作佛古人云佛常在世間而不染  
世間法道流你欲得作佛莫隨萬物心生種種法生  
心滅種種法滅一心不生萬法無咎世與出世無佛  
無法亦不現前亦不曾失設有者皆是名言章句接

引小兒施設藥病表顯名句且名句不自名句還是  
你目前昭昭靈靈鑒覺聞知照燭底安一切名句大  
德造五無間業方得解脫

問如何是五無間業師云殺父害母出佛身血破和  
合僧焚燒經像等此是五無間業云如何是父師云  
無明是父你一念心求起滅處不得如響應空隨處  
無事名爲殺父云如何是母師云貪愛爲母你一念  
心入欲界中求其貪愛唯見諸法空相處處無著名  
爲害母云如何是出佛身血師云你向清淨法界中  
無一念心生解便處處黑暗是出佛身血云如何是

破和合僧師云你一念心正達煩惱結使如空無所  
依是破和合僧云如何是焚燒經像師云見因緣空  
心空法空一念決定斷迴然無事便是焚燒經像大  
德若如是達得免被佗凡聖名礙你一念心祇向空  
拳指上生寔解根境法中虛捏恠自輕而退屈言我  
是凡夫佗是聖人禿屢生有甚歎急披佗師子皮却  
作野干鳴大丈夫僕不作丈夫氣息自家屋裏物不  
肯信祇麼向外覓上佗古人閑名句倚陰憐陽不能  
特達逢境便緣逢塵便執觸處惑起自無准定道流  
莫取山僧說處何故說無憑據一期間圖畫虛空如

彩畫像等喻道流莫將佛爲究竟我見猶如廁孔菩  
薩羅漢盡是枷鎖縛人底物所以文殊仗劍殺於瞿  
曇鴛掘持刀害於釋氏道流無佛可得乃至三乘五  
性圓頓教迹皆是一期藥病相治並無實法設有皆  
是相似表顯路布文字差排且如是說道流有一般  
禿子便向裏許著功擬求出世之法錯了也若人求  
佛是人失佛若人求道是人失道若人求祖是人失  
祖大德莫錯我且不取你解經論我亦不取你國王  
大臣我亦不取你辯似懸河我亦不取你聰明智慧  
唯要你真真正見解道流設解得百本經論不如一箇

無事底阿師你解得卽輕懷他人勝負修羅人我無  
明長地獄業如善星比丘解十二分教生身陷地獄  
大地不容不如無事休歇去飢來喫飯睡來合眼愚  
人笑我智乃知焉道流莫向文字中求心動疲勞吸  
冷氣無益不如一念緣起無生超出三乘權學菩薩  
大德莫因循過日山僧往日未有見處時黑漫漫地  
光陰不可空過腹熱心忙奔波訪道後還得力始到  
今日共道流如是話度勸諸道流莫爲衣食看世界  
易過善知識難遇如優曇花時一現耳你諸方問道  
有箇臨濟老僕出來便擬問難教語不得被山僧全



體作用學人空開得眼口總動不得憐然不知以何  
答我我向伊道龍象蹴踏非驢所堪你諸處祇指胃  
點肋道我解禪解道三箇兩箇到這裏不奈何咄哉  
你將這箇身心到處數兩片皮誑諱間閻喫鐵棒有  
日在非出家兒盡向阿修羅界攝夫如至理之道非  
諍論而求激揚鏗鏘以摧外道至於佛祖相承更無  
別意設有言教落在化儀三乘五性人天因果如圓  
頓之教又且不然童子善財皆不求過大德莫錯用  
心如大海不停炊屎麼擔却擬天下走自起見障  
以礙於心日上無雲麗天普照眼中無翳空裏無花

五那

聖賢語錄卷之四

三

道流你欲得如法但莫生疑展則彌綸法界收則絲  
髮不立歷歷孤明未曾欠少眼不見耳不聞喚作什  
麼物古人云說似一物則不中你但自家看更有什  
麼說亦無盡各自著力珍重

勘辨

黃檗因入厨次問飯頭作什麼飯頭云揀衆僧米黃  
檗云一日喫多少飯頭云二石五黃檗云莫太多麼  
飯頭云猶恐少在黃檗便打飯頭却舉似師師云我  
爲汝勘這老漢纔到侍立次黃檗舉前話師云飯頭  
不會請和尚代一轉語師便問莫太多麼黃檗云何

不道來日更喫一頓師云說什麼來日即今便喫道  
了便掌黃檗云這風顛僕又來這裏捋虎鬚師便喝  
出去後爲山問仰山此二尊宿意作麼生仰山云  
尚作麼生爲山云養子方知父慈仰山云不然爲山  
云子又作麼生仰山云大似勾賊破家

師問僧什麼處來僧便喝師便揖坐僧擬議師便打  
師見僧來便豎起拂子僧禮拜師便打又見僧來亦  
豎起拂子僧不顧師亦打

師一日同普化赴施主家齋次師問毛吞巨海芥納  
須彌爲是神通妙用本體如然普化踏倒飯牀師云

五那

聖賢語錄卷之四

三

太麤生普化云這裏是什麼所在說麤說細師來日  
又同普化赴齋問今日供養何似昨日普化依前踏  
倒飯牀師云得卽得太麤生普化云瞎僕佛法說什  
麼麤細師乃吐舌

師一日與河陽木塔長老同在僧堂地爐內坐因說  
普化每日在街市掣風掣顛知他是凡是聖言猶未  
了普化入來師便問汝是凡是聖普化云汝且道我  
是凡是聖師便喝普化以手指云河陽新婦子木塔  
老婆禪臨濟小厮兒却具一隻眼師云這賊普化云  
賊賊便出去



一日普化在僧堂前喫生菜師見云大似一頭驢普化便作驢鳴師云這賊普化云賊賊便出去

因普化常於街市撻鈴云明頭來明頭打暗頭來暗頭打四方八面來旋風打虚空來連架打師令侍者去纔見如是道便把住云總不與麼來時如何普化托開云來日大悲院裏有齋侍者回舉似師師云我從來疑著這漢

有一老宿叅師未曾人事便問禮拜卽是不禮拜卽是師便喝老宿便禮拜師云好箇草賊老宿云賊賊便出去師云莫道無事好首座侍立次師云還有過

無首座

言臺有詩餘卷之四

三

也無首座云有師云賓家有過主家有過首座云二俱有過師云過在什麼處首座便出去師云莫道無事好後有僧舉似南泉南泉云官馬相踏

師因入軍營赴齋門首見負條師指露柱問是凡是聖員僚無語師打露柱云直饒道得也祇是箇木樛便入去

師問院王什麼處來王云州中糶黃米去來師云糶得盡麼王云糶得盡師以杖面前畫一畫云還糶得這箇麼王便喝師便打典座至師舉前語典座云院王不會和尚意師云你作麼生典座便禮拜師亦打

有座王來相看次師問座王講何經論王云某甲荒虛粗習百法論師云有一人於三乘十二分教明得有一人於三乘十二分教明不得是別王云明得卽同明不得卽別樂普爲侍者在師後立云座王這裏是什麼所在說同說別師回首問侍者汝又作麼生侍者便喝師送座王回來遂問侍者適來是汝喝老僧侍者云是師便打

師聞第二代德山垂示云道得也三十棒道不得也三十棒師令樂普去問道得爲什麼也三十棒待伊打汝接住棒送一送看他作麼生普到彼如教而問

支那

言臺有詩餘卷之四

三

德山便打普接住送一送德山便歸方丈普回舉似師師云我從來疑著這僕雖然如是汝還見德山麼普擬議師便打

王常侍一日訪師同師於僧堂前看乃問這一堂僧還看經麼師云不看經侍云還學禪麼師云不學禪侍云經又不看禪又不學畢竟作箇什麼師云總教伊成佛作祖去侍云金屑雖貴落眼成翳又作麼生師云將謂你是箇俗漢

師問杏山如何是露地白牛山云吽吽師云啞那山云長老作麼生師云這畜生

師問樂普云從上來一人行棒一人行喝呵那箇親  
普云總不親師云親處作麼生普便喝師乃打  
師見僧來展開兩手僧無語師云會麼云不會師云  
渾崙擘不開與你兩文錢

大覺到叅師舉起拂子大覺敷坐具師擲下拂子大  
覺收坐具入僧堂衆僧云這僧莫是和尚親故不禮  
拜又不喫棒師聞令喚覺覺出師云大眾道汝未叅  
長老覺云不審便自歸衆

趙州行脚時叅師遇師洗脚次州便問如何是祖師  
西來意師云恰值老僧洗脚州近前作聽勢師云更

及那  
撰述

臺南詩錄卷之四

主

要第二杓惡水潑在州便下去

有定上座到叅問如何是佛法大意師下繩牀擒住  
與一掌便托開定佇立傍僧云定上座何不禮拜定  
方禮拜忽然大悟

古尊宿語錄卷之四

金壇居士于王立施資刻

古尊宿語錄卷之四計一萬一千一百令八字

該銀五兩七錢八分  
武林釋如德對上元李淵書真州劉文元刻  
萬曆癸丑歲秋七月徑山化城識

古尊宿語錄卷第五

臨濟禪師語錄之餘

師問洛浦云從上來一人行棒一人行喝阿那箇親洛浦云總不親師曰親處作麼生洛浦便喝師便打一日大覺到叅師舉起拂子大覺敷坐具師擲下拂子大覺收坐具入僧堂衆僧云這僧莫是和尚親故不禮拜又不喫棒師聞令喚覺覺出師云大衆道汝未叅長老覺云不審便自歸衆麻谷到叅敷坐具問十二面觀音阿那面正師下繩牀一手收坐具一手擲麻谷云十二面觀音向什麼處去也麻谷轉身擬

支那

五經書錄卷五

一

坐繩牀師拈拄杖打麻谷接却相捉入方丈師問僧有時一喝如金剛王寶劒有時一喝如踞地金毛獅子有時一喝如探竿影草有時一喝不作一喝用汝作麼生會僧擬議師便喝師問一尼善來惡來尼便喝師拈棒云更道更道尼又喝師便打龍牙問如何是祖師西來意師云與我過禪板來牙便過禪板與師師接得便打牙云打卽任打要且無祖師意牙後到翠微問如何是祖師西來意微云與我過蒲團來牙便過蒲團與翠微翠微接得便打牙云打卽任打要且無祖師意牙住院後有僧入室請益云和尚行

脚時叅二尊宿因緣還肯佗也無牙云肯卽深肯要且無祖師意徑山有五百衆少人叅請黃檗令師到徑山乃謂師曰汝到彼作麼生師云某甲到彼自有方便師到徑山裝腰上法堂見徑山徑山方舉頭師便喝徑山擬開口師拂袖便行尋有僧問徑山這僧適來有什麼言句便喝和尚徑山云這僧從黃檗會裏來你要知麼自問取佗徑山五百衆太半分散普化一日於街市中就人乞直裰人皆與之普化俱不要師令院主買棺一具普化歸來師云我與汝做得箇直裰了也普化便自擔去繞街市叫云臨濟與我

支那

五經書錄卷五

二

做直裰了也我往東門遷化去市人競隨着之普化云我今日未來日往南門遷化去如是三日人皆不信至第四日無人隨着獨出城外自入棺內倩路行人釘之卽時傳布市人競往開棺乃見全身脫去祇聞空中鈴響隱隱而去

行錄

師初在黃檗會下行業純一首座乃歎曰雖是後生與衆有異遂問上座在此多少時師云三年首座云曾叅問也無師云不曾叅問不知問箇什麼首座云汝何不去問堂頭和尚如何是佛法的大意師便

去問聲未絕黃檗便打師下來首座云問話作麼生師云某甲問聲未絕和尚便打某甲不會首座云但更去問師又去問黃檗又打如是三度發問三度被打師來白首座云幸蒙慈悲令某甲問訊和尚三度發問三度被打自恨障緣不領深旨今且辭去首座云汝若去時須辭和尚去師禮拜退首座先到和尚處云問話底後生甚是如法若來辭時方便接佗向後穿鑿成一株大樹與天下人作陰涼去在師去辭黃檗云不得往別處去汝向高安灘頭大愚處去必爲汝說師到大愚大愚問什麼處來師云黃檗處

支那

尊信錄卷三

三

來大愚云黃檗有何言句師云某甲二度問佛法的的大意三度被打不知某甲有過無過大愚云黃檗與麼老婆心切爲汝得徹困更來這裏問有過無過師於言下大悟云元來黃檗佛法無多子大愚擲住云這尿牀鬼子適來道有過無過如今却道黃檗佛法無多子你見箇什麼道理速道速道師於大愚脅下築三拳大愚托開云汝師黃檗非干我事師辭大愚却回黃檗黃檗見來便問這漢來去有有什麼了期師云祇爲老婆心切便人事了侍立黃檗問什麼處去來師去昨奉慈旨令叅大愚去來黃檗云大

愚有何言句師遂舉前話黃檗云作麼生得這漢來待痛與一頓師云說什麼待來卽今便喫隨後便掌黃檗云這風顛漢却來這裏將虎鬚師便喝黃檗云侍者引這風顛漢叅堂去後瀉山舉此話問仰山臨濟當時得大愚力得黃檗力仰山云非但騎虎頭亦解抵虎尾師栽松次黃檗問深山裏栽許多作什麼師云一與山門作境致二與後人作標榜道了將鐺頭打地三下黃檗云雖然如是子已喫吾三十棒了也師又以鐺頭打地三下作噓噓聲黃檗云吾宗到汝大興於世後瀉山舉此語問仰山黃檗當時祇囑

支那

古語錄卷三

三

臨濟一人更有人在仰山云有祇是年代深遠不欲舉似和尚瀉山云雖然如是吾亦要知汝但舉看仰山云一人指南吳越令行遇大風卽止議風亢和尚也師侍立德山次山云今日困師云這老漢寐語作什麼山便打師掀倒繩牀山便休師普請鋤地次見黃檗來拄鐺而立黃檗云這漢困那師云鐺也未舉困箇什麼黃檗便打師接住捧一送送倒黃檗喚維那維那扶起我維那近前扶云和尚爭容得這風顛漢無禮黃檗纔起便打維那師鐺地云諸方火葬我這裏一時活埋後瀉山問仰山黃檗打維那意作麼生仰山



云正賊走却邏蹤人喫棒師一日在僧堂前坐見黃檗來便閉却目黃檗乃作怖勢便歸方丈師隨至方丈禮謝首座在黃檗處侍立黃檗云此僧雖是後生却知有此事首座云老和尚脚跟不點地却證據箇後生黃檗自於口上打一擰首座云知卽得師見普化乃云我在南方馳書到瀉山時知你先在此住待我來及我來得汝佐贊我今欲建立黃檗宗旨汝切須爲我成禪普化珍重下去克符後至師亦如是道符亦珍重下去三日後普化却上問訊云和尚前日道甚麼師拈棒便打下又三日克符亦上問訊乃問

和尚前日打普化作什麼師亦拈棒打下師會下有同學二人相問離却中下二機請兄道一句子一人云擬問卽失一人云恁麼則禮拜老兄去也前人云賊師聞得陞堂云要會臨濟賓主句問取堂中二禪客便下座有僧來問禮拜則是不禮拜則是師便喝僧作禮師云這賊僧亦云這賊便出去師云莫道無事好首座侍立師回顧云還有過也無座云有師云賓家有過主家有過座云二俱有過師云過在甚麼處座便出去師云莫道無事好後有僧舉似南泉泉云官馬相踏師問僧什麼處來僧便喝師便揖坐僧

擬議師便打師見僧來便豎起拂子僧禮拜師便打又見僧來亦豎起拂子僧不顧師亦打

示衆云參學之人大須子細如賓主相見便有言論往來或應物現形或全體作用或把機權喜怒或現半身或乘師子或乘象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喫作賓看主或是善知識不拈出物祇隨學人問處卽奪學人被奪抵死不肯放此是主看賓或有學人應一箇清淨境出善知識前知識辨得是

境把得拋向坑裏學人言大好善知識知識卽云咄哉不識好惡學人便禮拜此喫作主看主或有學人被枷帶鎖出善知識前知識更與安一重枷鎖學人歡喜彼此不辨喫作賓看賓大德山僧所舉皆是辨魔揀異知其邪正師到明化化問來來去去作什麼師云祇徒踏破草鞋化云畢竟作麼生師云老漢話頭也不識又往鳳林路逢一婆婆問甚麼處去師云鳳林去婆婆云恰值鳳林不在師云甚麼處去婆婆便行師乃喚婆婆回頭師便行

師陞堂有僧出師便喝僧亦喝便禮拜師便打問僧

甚處來曰定州來師拈棒僧擬議師便打僧不肯師曰已後遇明眼人去在僧後叅三聖纔舉前話三聖便打僧擬議聖又打師應機多用喝會下叅徒亦學師喝師曰汝等總學我喝我今問汝有一人從東堂出一人從西堂出兩人齊喝一聲這裏分得賓主麼汝且作麼生分若分不得已後不得學老僧喝

示衆云我有時先照後用有時先用後照有時照用同時有時照用不同時先照後用有人先用後照有法在照用同時駢耕夫之牛奪飢人之食敲骨取髓痛下鍼錐照用不同時有問有答立賓立主合水

和泥應機接物若是過量人向未舉已前撩起便行猶較些子師見僧來舉起拂子僧禮拜師便打又有僧來師亦舉拂子僧不顧師亦打又有僧來叅師舉拂子僧曰謝和尚指示師亦打師在堂中睡黃檗下來見以拄杖打板頭一下師舉頭見是黃檗却睡黃檗又打板頭一下却往上間見首座坐禪乃云下間後生却坐禪汝這裏妄想作什麼首座云這老漢作什麼黃檗打板頭一下便出去後瀉山問仰山黃檗入僧堂意作麼生仰山云兩彩一賽一日普請次師在後行黃檗回頭見師空手乃問鑊頭在什麼處師

云有一人將去了也黃檗云近前來共汝商量箇事師便近前黃檗豎起鑊頭云祇這箇天下人拈掇不起師就手掇得豎起云爲什麼却在某甲手裏黃檗云今日大有人普請便歸院後瀉山問仰山鑊頭在黃檗手裏爲什麼却被臨濟奪却仰山云賊是小人智過君子師爲黃檗馳書去瀉山時仰山作知客接得書便問這箇是黃檗底那箇是專使底師便掌仰山約住云老兄知是般事便休同去見瀉山瀉山便問黃檗師兄多少衆師云七百衆瀉山云什麼人爲導首師云適來已達書了也師却問瀉山和尚此間

多少衆瀉山云一千五百衆師云太多生瀉山云黃檗師兄亦不少師辭瀉山仰山送出云汝向後北去有箇住處師云豈有與麼事仰山云但去已後有一人佐輔老兄在此人祇是有頭無尾有始無終師後到鎮州普化已在彼中師出世普化佐贊於師師住未久普化全身脫去師因半夏上黃檗見和尚看經師云我將謂是箇人元來是描黑豆老和尚住數日乃辭去黃檗云汝破夏來不終夏去師云某甲暫來禮拜和尚黃檗遂打趂令去師行數里疑此事却回終夏師一日辭黃檗檗問什麼處去師云不是河南

便歸河北黃檗便打師約任與一掌黃檗大笑乃喚侍者將百丈先師禪板机案來師云侍者將火來黃檗云雖然如是汝但將去已後坐却天下人舌頭去在後瀉山問仰山臨濟莫辜負佗黃檗也無仰山云不然瀉山云子又作麼生仰山云知恩方解報恩瀉山云從上古人還有相似底也無仰山云有祇是年代深遠不欲舉似和尚瀉山云雖然如是吾亦要知子但舉看仰山云祇如楞嚴會上阿難讚佛云將此深心奉塵刹是則名爲報佛恩豈不是報恩之事瀉山云如是如是見與師齊滅師半德見過於師方堪

天册

百尊宿語錄卷五

九

傳授師到達磨塔頭塔主云長老先禮佛先禮祖師云佛祖俱不禮塔主云佛祖與長老是什麼冤家師便拂袖而出師行腳時到龍光光上堂師出問云不展鋒鋒如何得勝光據坐師云大善知識豈無方便光瞪目云喏師以手指云這老漢今日敗關也到三峰平和尚問曰什麼處來師云黃檗來平云黃檗有何言句師云金牛昨夜遭塗炭直至如今不見蹤平云金風吹玉管那箇是知音師云直透萬重關不住清霄內平云子這一問太高生師云龍生金鳳子衝破碧琉璃平云且坐喫茶又問近離甚處師云龍光

平云龍光近日如何師便出去到大慈慈在方丈內坐師問端居丈室時如何慈云寒松一色千年別野老拈花萬國春師云今古永超圓智體三山鎖斷萬重關慈便喝師亦喝慈云作麼師拂袖便出到襄州華嚴嚴倚拄杖作睡勢師云老和尚瞌睡作麼嚴云作家禪客宛爾不同師云侍者點茶來與和尚喫嚴乃喚維那第三位安排這上座到翠峯峯問甚處來師云黃檗來峯云黃檗有何言句指示於人師云黃檗無言句峯云爲什麼無師云設有亦無舉處峯云但舉看師云一箭過西天到象田師問不凡不聖請

天册

百尊宿語錄卷五

二

師速道田云老僧祇與麼師便喝云許多禿子在這裏覓什麼梳到鳳林林問有事相借問得麼師云何得剜肉作瘡林云海月澄無影遊魚獨自迷師云海月既無影遊魚何得迷林云觀風知浪起翫水野帆飄師云孤輪獨照江山靜自笑一聲天地驚林云任將三寸輝天地一句臨機試道看師云路逢劍客須呈劍不是詩人莫獻詩鳳林便休師乃有頌大道絕同任向西東石火莫及電光罔通瀉山問仰山石火莫及電光罔通從上諸聖將什麼爲人仰山云和尚意作麼生瀉山云但有言說都無實義仰山云不然



瀉山云子又作麼生仰山云官不容針私通車馬到金牛牛見師來橫按拄杖當門踞坐師以手敲拄杖三下却歸堂中第一位坐牛下來見乃問夫賓主相見各具威儀上座從何而來太無禮生師云老和尚道什麼牛擬開口師便打牛作倒勢師又打牛云今日不著便瀉山問仰山此二尊宿還有勝負也無仰山云勝即總勝負即總負師臨遷化時據坐云吾滅後不得滅却吾正法眼藏三聖出云爭敢滅却和尚正法眼藏師云已後有人問你向他道什麼三聖便喝師云誰知吾正法眼藏向這時驢邊滅却言訖端

然示寂

興化禪師語錄

南嶽下六  
世嗣臨濟

師諱存獎初謁臨濟濟令師克侍者濟問新到甚處來云鑾城濟云有事相借問得麼云新戒不會濟云打破大唐國寬箇不會人難得恭堂去師問適來新到是成禱伊耶濟云我誰管你成禱不成禱師云和尚只會將死雀就地彈不解將一轉語蓋覆却濟云你又作麼生師云請和尚作新到濟遂云新戒不會師云却是老僧罪過濟云你語藏鋒師擬議濟便打至晚濟謂師云我今日問新到是將死雀就地彈就

窠裡打及你出得語又喝起向青雲裡打師云草賊大敗濟又打

師開堂日拈香云此一炷香本爲三聖師兄三聖爲我太孤便合承嗣大覺大覺爲我太賒我於三聖處會得賓主句若不遇大覺師兄洎乎誤却我平生我於大覺處喫棒見得臨濟先師在黃檗處喫棒底道理此一炷香供養我臨濟先師

示衆云今日不問如何若何便請單刀直入興化與你證明時有旻德長老出作禮起便喝師亦喝德又喝師又喝德作禮歸衆師云適來若是別人三十棒

又那

五

三

一棒也不較何故爲他旻德長老會一喝不作一喝用師入堂見首座乃云我見你了也座便喝師打露柱一下便出去首座隨後上方丈云適來觸忤和尚便作禮師就地打一棒座無語師見同叅來纔上法堂師便喝僧亦喝行三兩步師又喝僧亦喝須臾近前師拈棒僧又喝師云你看這瞎漢猶作主在僧擬議師便打直打下法堂時有僧問這僧有甚觸忤和尚處師云是伊適來也有權也有實也有照也有用及乎我將手向伊面前橫兩遭便去不得似這般瞎漢不打更待何時僧問四方八面來時如何師云打



中間底僧作禮師云興化今日赴箇村齋中路遇一陣卒風暴雨却去古廟裡避得過僧問多子塔前共談何事師云一人傳虛萬人傳實師舉三聖僧問如何是祖師西來意三聖云臭肉來蠅師云興化卽不然破脊驢上足蒼蠅

上堂云我聞三聖道我逢人卽出卽不爲人興化卽不然我逢人卽不出卽便爲人下座師巡堂次垂語云我有一隻聖箭遇作家卽分付至下間有一道者云便請師云你喫什麼作聖箭道者把衲衣便拂師接住云祇者箇別更有在道者擬議師便打師

撰述

古聖錄卷五

一三

到雲居問權借一問以爲影草時如何雲居道不得師三度舉話頭雲居無語師云情知和尚道不得且禮三拜雲居一日上堂云我二十年前興化問我當時機思遲鈍道不得爲他致得問頭奇特不敢辜他如今祇消一箇何必後有僧舉似師師云二十年祇道得箇何必興化卽不然不消一箇不必後三聖拈云二十年道得底是雲居如今商量猶較興化半月程師見僧來云你未恁麼來山僧早行了也僧便喝師云攄令而行僧又喝師云作家僧又喝師便打問王程有限時如何師云日馳五百

同光帝駕幸河北回至魏府行宮帝坐朝僧錄名員來朝後帝遂問左右此間莫有德人否近臣奏曰適來僧錄名員皆是德人帝曰此是名利之德莫有道德之人否近臣奏曰此間有興化長老甚是德人帝乃召之師來朝見帝賜坐茶湯畢帝遂問朕收下中原獲得一寶未曾有人酬價師云如何是陛下中原之寶帝以手舒幙頭脚師云君王之寶誰敢酬價聖顏大悅賜紫衣師號師皆不受宣馬一疋與師乘騎馬忽驚墜師遂傷足帝聞宣藥救療師喚院主院主至侍立次師云與我作箇木柅子院主做了將來師

撰述

古聖錄卷五

十四

接得遠院行問僧云汝等還識老僧麼僧云和尚爭得不識師云薦脚法師說得行不得又至法堂上令維那聲鐘上堂師如前垂示衆皆無對師擲下柅子端然而逝勅謚廣濟大師捨曰通寂  
臨濟慧照禪師塔記

師諱義玄曹州南華人也俗姓邢氏幼而穎異長以孝聞及落髮受具居於講肆精究毗尼博讀經論俄而歎曰此濟世之醫方也非教外別傳之旨卽更衣游方首叅黃檗次謁大愚其機緣語句載于行錄旣受黃檗印可尋抵河北鎮州城東南隅臨漳沱河側

小院住持其臨濟因地得名時普化先在彼佯狂混  
衆聖凡莫測師至卽佐之師正旺化普化全身脫去  
乃符仰山小釋迦之懸記也適丁兵革師卽棄去太  
尉默君和於城中捨宅爲寺亦以臨濟爲額迎師居  
焉後拂衣南邁至河府府主王常侍延以師禮住未  
幾卽來大名府興化寺居于東堂師無疾忽一日攝  
衣據坐與三聖問答畢寂然而逝時唐咸通八年丁  
亥孟陬月十日也門人以師全身建塔於大名府西  
北隅勅謚慧照禪師塔號澄靈合掌稽首記師大畧  
住鎮州保壽嗣法小師延沼謹書

五文形

古尊宿語錄卷三

十一

住大名府興化嗣法小師存獎校勘

古尊宿語錄卷第五

古尊宿語錄卷第六

睦州和尚語錄南岳下五世嗣黃檗

上堂對機第一

上堂云你諸人還得箇入頭處也未若未得箇入頭須得箇入頭若得箇入頭不得辜負老僧又云明明向你道尚自不會豈況蓋覆將來問如何是學人自己師云觀世音菩薩進云學人不會師云大慈悲菩薩問如何是祖師西來意師云一隊衲僧來一隊師僧去問如何是展演之言師云量才補職進云如何是不展演之言師云伏惟尚饗問如何是向上一路

師云你問將來我與你道進云便請道師云抖擻多年穿破衲襪一半逐雲飛問請師講經師云買帽相頭進云謝師慈悲師云拈頭作尾拈尾作頭還我第三段來問如何是徑截一路師云大眾久立速禮三拜進云請師道師云有頭無尾漢又云來來還我徑截一路來僧無語有座主問某甲雖講得經兼行脚不會教意時如何師云灼然實語當懺悔進云乞師指示師云你若不問老僧緘口無言你既問老僧不可緘口去也進云便請道師云心不負人面無慚色問知時者是大沙門如何是大沙門師云我向鼻

孔裏問你進云作麼生問師云自領出去又云來來我共你葛藤你却問我問如何是大沙門師云觀世音菩薩會麼進云不會師云大慈悲菩薩問以一重去一重卽不問不以一重去一重時如何師云昨日栽茄子今朝種冬瓜問一句道盡時如何師云義墮也進云什麼處是某甲義墮處師云三十棒教誰喫問祖意與教意是同是別師云青山自青山白雲自白雲進云如何是青山師云還我一滴雨來進云學人道不得請師道師云法華峰前陣涅槃句後收上堂大眾雲集師云章表將來時有僧出應諾師云

據狀領過問佛法大意請師舉唱師云我者裏不曾泥裏洗土塊你諸方作麼生道僧無語有大德曾講法華經來問和尚某甲雖講不會教家大意極則處師云不得錯舉問如何是向上事師指一僧云那箇師僧何不問僧無語有僧舉雪峰語乞師指示峰云是什麼學云乞師指示峰云因什麼到與麼地舉了僧遂問祇如雪峰和尚意作麼生師便打師看經次僧問看什麼經師云金剛經僧云六朝翻譯次堂弟幾師云一切有爲法如夢幻泡影問如何是教意師云我不答你進云和尚爲什麼不答師云爲你念來

問如何是西來意師云那箇師僧何不近前來僧便近前師云我喚浙東人干浙西人什麼事問如何是曹溪的的意師云路逢劍客須呈劍不是詩人莫獻詩時有座主問三乘十二分教某甲粗知未審宗門事乞師提綱師云問着宗門事有什麼難道恰問着老僧鼻孔你頭上漫漫脚下漫漫教家喚作什麼主云教家無這箇意旨師以拄杖趣

上堂云汝等快與快與老僧七十九也看看脫去也僧便問師百年後向什麼處去師云三十年後有人舉在問迦葉上行衣誰人合得披師云抖擻多年穿

文脈

卷六

三

破衲襤褸一半逐雲飛會麼僧云不會師云有時掛向肩頭上也勝時人着錦衣問終日着衣喫飯如何免得着衣喫飯師云着衣喫飯進云不會師云不會即着衣喫飯有座主問三乘十二分教即不問如何是宗門中事師云老僧入你鉢囊裏主云和尚爲什麼在學人鉢囊裏師云有什麼檳榔豆蔻速將來主云和尚欠少箇什麼師云這賊今日敗也進云學人乍入叢林乞師指示師云量才補職進云學人咨和尚師咄云這扶籬摸壁漢三家村裏保頭也不能作得師因赴齋廂有僧就師乞賜錢師云赴齋得三十

文僧云便請師云施者雖無厭受者應知足問佛法大意請師提綱師云拈將來與你提綱進云便請和尚道師云拆東籬補西障有僧各宗闡宗闡空和尚師云住僧便住師咄云名也不識又云有闡即判快道快道闡無對有俗官問一氣還轉得一大藏經麼師云有什麼絀紬快將來問古人有言究竟一路如何是究竟一路師云咄咄你這箇子我這裏難過筆墨兩狀一時領過進云某甲有什麼過師便打趣問從上已來老宿作家還有差別異路難會底道理麼師云有進云如何是差別異路難會底道理師云待

文脈

卷六

四

你三生六十劫信去始得進云某甲乍入叢林乞師指示師云你不解問進云和尚作麼生師云放你三十棒自領出去問十方國土中唯有一乘法如何是一乘法師云你若不問我即不知你若問我我即知進云爲什麼如此師云咄咄什麼處得這箇問來僧無語問說即振動乾坤不說即絲毫不掛說即是不說即是師云道什麼僧再舉師云這脫空謾語漢進云某甲話在師云說即振動乾坤是你怎麼道僧云是師拈拂子便打云咄咄這裏嚇我來問教意請師提綱師云但問將來我與你道進云便請道師云佛



殿裏裴香三門頭合掌問學人有問未審師還許也無師云灼然賊來須打客來須看進云未審和尚作麼生道師云這賊不能打得你問三乘十二分教從何而得師云對機故得問請和尚答一轉語得麼師云得進云請便道師拽拄杖趨

上堂云不受謾底人出來有僧出應諾師云被我挑一塊屎擗喉嚨塞却擗眼打也爭不受謾師因看金剛般若經僧問和尚看甚經師云無二無二分無別無斷故會麼僧云不會師云我念經也不得有俗官問和尚依教不依教師云光剃頭淨洗鉢作麼生不

法苑珠林

百寶金鑑卷六

五

依教師因齋次有俗官問請師施食師云三德六味施佛及僧畔畔快將來老僧要喫俗官云請和尚施財師云弟子施財和尚施法先到老僧後到佛又俗官問弟子今日開藏經乞師一句提綱藏經師云此間難得官云便請提綱師云對牛彈琴師因看經次僧問和尚看什麼經師云涅槃經茶毗品最在後問如何是超佛越祖之談師驀拈拄杖示衆云我喚作拄杖你喚作什麼僧無語師再將拄杖示之云超佛越祖之談是你問麼僧無語師因焦山借斧頭師喚童子取斧頭來童子取得來向師前云未有繩墨且

斫麤師遂喝又喚童子來來作麼生是你斧頭童子遂作斫勢師云斫你屋裏老爺頭不得師舉黃檗和尚語云天下老和尚一氣道在我者裏要放你也在我這裏要不放你也在我這裏僧便問如何是一氣道師云量才補職僧云如何是不放一氣道師云伏惟尚饗問如何是禪師云猛火著油煎問不擇一切請師提綱佛法師云山河大地畜生驢馬進云爲什麼不會師云你若被我把住直須百雜碎僧云和尚不可一向師云不信道百雜碎問近入叢林乞師方便師云你近入叢林進云是師云心不負人面無慚

法苑珠林

百寶金鑑卷六

六

色進云某甲不會師云近前來與你注解僧近前師云去

上堂大衆侍立師喝出去大衆不出去師又再喝大衆茫然師舉拄杖一時趨下去

師因看華嚴經僧問是什麼經師云大光明雲青色光明雲紫色光明雲那邊是什麼雲僧云南邊是黑雲師云今日應有雨又云將爲是箇師子兒元來是箇老鼠兒

上堂云還有踏倒禪牀底出來有僧出來應諾師云北來拋釣釣鯨鯢下場頭却釣得箇蝦蟇出來問如

何是禪師云還我第二段來進云不會師云三段不同萬里崖州問如何是佛師云裂轉鼻孔問如何是葛藤一句師云山河大地是你問進云如何提綱拈掇師云到我問問托卽乾坤大地不托卽絲髮不逢時如何師云吽吽不曾見師却問先跣跣三千里倒退八百你作麼生學云諾師云先責一狀好打者漢又云來來我共你葛藤托卽乾坤大地你且道洞庭湖水深多少進云不曾量度師云是洞庭湖水又作麼生進云祇爲今時師云這葛藤尚不會得便打問大衆雲臻合談何事師云作麼問華藏海卽不問如

無述

五教僧錄卷六

七

何是向上一路師云好來好來

師舉古人語次問大衆云三乘十二分教成得箇什麼邊事有僧云今日大衆普請不易師云不要將出來僧云打鼓喫藥石師云莫拈出僧云和尚得恁麼惛惛生師云我也祇要你恁麼道問如何是觸途成滯底句師云我也祇道進云作麼生道師云吽吽箭過西天十萬里向大唐國裏等候僧打門問已事不明乞師指示師纔開門僧擬開口問師便擗口擗問如何是學人入頭處師云一不得了進云某甲不會師云這箇語話三十年後大行問如何是禪師云摩

訶般若波羅蜜進云不會師云抖擻多年穿破衲襪參一半逐雲飛睦州僧正并諸大德衆請師上堂師問僧正僧正應諾師云監寺咏正云不在師云都監闍黎咏正云不在師云上座咏正云不在師云三段不同今當第一向下文長赴在來日不詞謹退便起諸大德同措

無述

五教僧錄卷六

八

如何捏聚師乃斂手而坐一日睦州刺史問如何是禪宗事師云近前來近前來史近前師云得恁麼脫空妄語史無語師遂問曾見什麼人來史云曾見恁麼老宿來師云更作麼生史云看經來師驀打牀一下云教中喚這箇作什麼史云教中不說師云教中道治生產業與正理不相違背又作麼生史無對師又打牀一下云大凡喚這箇作什麼史云喚作牀師云這喫飯粘漢睦州陳操尚書因齋次尚書自行餅餤與僧僧遂引手接尚書却縮手僧無語尚書與諸官在鎮樓上坐忽見有數僧來官人云有幾箇衲僧

來尚書云不是官人云爭知不是書云待來到這裏與你勘其僧遂至尚書驀喚云上座上座僧迴首無語書云不信道

上堂衆集師云忽然忽然有僧出來云却請大衆歸堂去師拍繩牀一下云苦殺人僧遂回頭師舉拄杖一時趁下問如何是佛法徑截師云三人兩人不問進云便請和尚道師云三人一狀領過問一言道盡時如何師云咩咩築着老僧當門齒進云蒙和尚指示師云有頭無尾漢錢唐去國三千里僧無語問一句淨盡時如何師云摘却你眉毛換却你眼睫僧

無語師云咩咩脫空謾語漢問如何是向上一路師云朝看東南暮看西北問不涉廉纖請師道師云三段不同今當第一向下文長赴在來日問如何是教意師云還我一問來進云未審和尚作麼生道師云咩咩不敢望你分外話也不領問如何是量才補職師云不要補進云爲什麼不要補師云蝦蟇之類別有一僧出來請和尚道師云不要攪擾百姓養子方知父慈會麼僧云如何是養子方知父慈師云心不負人面無慚色問如何是禪師云歸依佛法僧進云不會師云咩咩得與麼惡業問學人有疑請師

一決師云獨掌不浪鳴進云不會師云隻絲不成束自領出去問徑截處乞師指示師云早朝有人問了也進云早朝有人問了且致請師道師云三門頭市合金剛脚下小兒子簸錢問如何是教意師云一問不再舉問如何是一代時教師云上大人丘乙巳問如何是急師云通你一問進云如何是急中急師云朝向西瞿耶尼暮向北鬱單越俗官問弟子廣陳供養師有何方便師云祇怕你不問官云便請和尚道師云心不負人面無慚色問以八不成是何章句師彈指一下云會麼進云不會師云上來講讚無限勝

因蝦蟇蹕跳上天蚯蚓驚過東海問如何是鷄子師云這死雀兒進云如何是鷄子之機師云昨日有師僧趁出去你今日又來這裏進云過在什麼處師云教貶朝官問如何是機前一句師云老僧一問教你摸進云莫便是麼師云對牛彈琴問正當說時時如何師云你爲什麼話墮進云什麼處是話墮處師云檐枷過狀萬里崖州自領出去問大衆雲集合談何事師云那箇師僧置將一問來學人舉頭師便打云老僧却不恁麼進云未審和尚作麼生問師云佛殿裏裝香三門頭合掌又云你不解問進云未審作麼



生問師云速禮三拜放你三十棒又云後園生菜熟水淘飯問如何是向上事師云向下文長又云慚愧解問進云請和尚道師云心不負人面無慚色問如何是教眼師云十方國土中唯有一乘法進云此是經文師云驢年會麼進云如何是教眼師云量才補職問如何是衲僧眼師云朝看東南暮看西北

上堂云觀自在菩薩行深般若波羅蜜多時信受奉行問僧我適來念什麼僧云和尚念經師便打云此老古錐心不負人面無慚色問如何是諸佛師師云釘釘東東骨低骨重進云乞師慈悲師云我問你第

又那

正尊宿語錄卷六

七

二句作麼生道進云不會師云灼然灼然師坐次有僧驀然問請師道師云蘇嚕蘇嚕娑婆訶問如何是向上關捩子師云新羅國裏坐朝大唐國裏打鼓上堂云爍電之機罕遇且向摸密村裏作活計僧問如何是摸密村裏作活計師云歸依佛法僧進云如何是爍電之機罕遇師云灼然問三界唯心萬法唯識時如何師云牙齒敲磕更置將一問來僧無語師云舌頭無骨又拈拄杖一劃云會麼僧云不會師云鵲鴟鳥問不落玄機便請道師云老僧三十年來行脚未曾置此一問進云請師答話師云這箇阿師什

又那

正尊宿語錄卷六

三

麼處得此一箇問頭來問高揖釋迦不拜彌勒時如何師云到老僧這裏覓箇什麼速禮三拜又云近前來早是教七教八進云也知和尚恐某甲不實師云拄杖不在掃帚柄打三十下問古人點土成金意旨如何師云老僧不與麼道進云和尚作麼生道師云金變爲土問學人乍入叢林乞師指示師云飽喫飯了顛言倒語作什麼進云與麼卽一切法不可得也師云你道我語作麼生進云一切法不可得也師便打問學人近入叢林乞師指示師云不得埋沒老僧進云乞師慈悲師云一箭過西天一不成兩不是有

長講法華經座主來問某甲雖講經不明教意乞師方便師云悟卽實初三十一中九下七面前背後相去多少主云某甲不會乞師指示師云拈起著主再問師云摩訶般若波羅蜜進云某甲不會師云入鄉隨俗進云如何是教意師云妙法緊那羅王大法緊那羅王主云某甲不會師云真箇是無孔鐵棍近前來主便近前師以手空撈一轉却云會麼主云不會師云不在這裏

上堂云識賤卽貴僧便問祇如長街裏還有貴也無師云有進云如何長街裏貴師云陳薑陳薑進云恁



麼則學人買得也師云一兩二兩還我三文錢來僧無語師云吽吽這脫空妄語漢師問僧什麼處來僧云天台來師云見說石橋作兩段是否僧云和尚什麼處得這箇消息師云將爲是華頂峰前客元來是平田莊裏人因見新到師云老僧不曾向第二句裏勘人近前來僧遂近前師云近離什麼處僧云請和尚辯師云今日雲色稍高問僧什麼處來僧云和尚合知師云我卽知僧云且道某甲從什麼處來師云猪跳圈不出問僧你是行脚僧是否僧云諾師云築着便蝦蟇叫僧云某甲未曾有語在師云來來作麼

生道僧云還會過得住也無師便打問僧近離什麼處僧喝師云老僧今日被你喝一喝僧又喝師云三喝四喝後作麼生僧無語師便打云這掠虛漢問僧什麼處來僧便喝師云你以古人作得主僧又喝師云話破也僧云某甲什麼處是話破處師便棒問僧什麼處來僧云請和尚鑒看師便打問僧什麼處來僧云什麼處和尚有此一問師云一破兩破三破作麼生僧知道和尚有此一問師云一破兩破三破作麼生僧云和尚什麼處得許多破來師云吽吽這箇阿師好與三十棒問僧夏在什麼處僧叉手退後師云鉢盂

裏失却是筓草鞋根下失却一文古老錢僧云某甲不與麼師云共你葛藤尚自不會來來實道夏在什麼處僧云江西師云念你遠來放你三十棒問僧什麼處來僧云徑山來師云何得五戒不持僧云過在什麼處師云我這裏不著沙彌師見新到來叅云尅尤巨耐僧罔測一邊立師云什麼處得這一隊打野後漢問僧什麼處來僧云適來有人問了也師云因什麼敗闕僧云莫錯師云自領出去問僧什麼處來僧云識得卽知來處師喝云這蝦蟇保老和尚作活

計僧云莫錯師云放你三十棒自領出去問僧莫是從河北來麼僧云某甲近離江西師云大展坐具禮三拜著其僧禮拜了便出去師云不空不空僧廻首師云來來近前來皓是黑正好辯僧無語問僧幾人新到僧云五人師云瓦解冰消僧云和尚未曾有問師云賊把賊爲驗問僧近離什麼處僧云也知和尚有此一問師云脫空妄語漢僧云什麼處是妄語師云三十棒教阿誰喫問僧夏在什麼處僧云待和尚有箇住處卽說似和尚師云狐非師子類燈非日月明問僧什麼處來僧云靈山來師云涅槃是第幾座

僧無語師又問迦葉什麼處去僧云不知師云脫空  
妄語漢有時纔見新到云現成公案放你三十棒僧  
云某甲如是師云三門頭金剛為什麼却舉起拳僧  
云金剛尚乃如是師便打問僧什麼處來僧云須知  
有不涉程途者師乃咄云開口便作屎臭氣有僧叅  
師師乃拈起針云一時穿過鼻孔僧云莫錯師云吽  
吽近前來你適來道什麼僧云和尚莫錯師云西天  
斬頭截臂這裏自領出去師有時見新到云何得五  
戒不持僧云某甲未曾人事師云這沙彌問僧什麼  
處來僧云婺州來師云還見傳大士麼僧云某甲不

見師云在雙林寺裏問僧什麼處來僧云婺州來師  
云鄉中偏出此人問僧什麼處來僧云適來途中早  
有人問了也師云這裏為什麼瓦解冰消僧云某甲  
過在什麼處師云擔枷過狀漢問僧什麼處來僧云  
那處來師云老僧屈僧云和尚知便得師云擔枷過  
狀便打問僧什麼處來僧云莫錯伸此一問師云嗔  
江西來僧云莫錯師云三十棒教阿誰喫問僧什麼  
處來僧便喝師拍手大笑僧罔措師便打問僧什麼  
處來僧云深知和尚有此一問師云七縱八橫老僧  
鼻孔在什麼處僧云和尚鼻孔為什麼却問某甲師

云吽吽放你三十棒問僧什麼處來僧云靈泉來師  
云吽吽放你三十棒又云你適來恁麼道吽僧云是  
師云三門頭金剛為什麼倒地僧無語師云將爲是  
箇僧元來祇是蝦蟆問僧什麼處來僧云請和尚辨  
師云向你脚下辨僧無語師云吽吽什麼處並無主  
宰問僧什麼處來僧云泊錯祇對和尚師咄云將一  
條繩縛保老師著僧云某甲有什麼過師云去問僧  
什麼處來僧云靈山來師云近日打殺一門僧是否  
僧無語師云這箇蝦蟆問僧什麼處來僧叉手近前  
師云太狼籍生僧無語師云這掠虛漢問僧什麼處

來僧云江西來師云江西米貴賤僧云不曾入鄺師  
云念你遠來放你三十棒問僧什麼處來僧云江西  
來師云江西此去多少僧云不曾量度師云文彩已  
彰問僧什麼處來僧云江西來師云夏在什麼處僧  
云雲居師云有何言教僧云卽今作麼師云這箇師  
僧親從高處來僧云和尚爲什麼與麼道師云本色  
打米餅保老師問僧什麼處來僧云江西來師作打  
勢云踏破多少草鞋僧無語師云來來你曾過梅嶺  
麼僧云過師云今日好秋涼問僧什麼處來僧云江  
西來師云還有不喫飯底麼僧云有師云這箇是噇

飯底問僧你頭上一問爲什麼不道僧云什麼處不道師云且喜得你出頭來問僧什麼處來僧云雙林來師云途中事借問得麼僧云和尚問什麼處師云你上大人也未曾夢見出去

勘看經僧第二

問僧看什麼經僧云般若經師云鼻孔裏藏身鉢盂裏藏却是筋眼睛裏換却髑髏刪在什麼經裏僧云某甲不知刪在什麼經裏師云來來祇如大般若經一切智智清淨是麼僧云是師拈起拄杖云見這箇麼僧云此是色法師云忽有人供養看經僧你也隨

支那

支那

二

隊喫飯問僧曾看經是麼僧云是師云是又云不得謾我僧云和尚爲什麼不領話師云果然說我問僧什麼處來僧云雙林寺來師云傳大士道什麼僧云他不問和尚和尚又問他作什麼師云什麼處得這老婆說話來問僧什麼處來僧云雙林寺來師云還見傳大士麼僧云不錯祇對和尚師云吽吽牢裏作活計問僧什麼處來僧云雙林寺裏來師云在彼看經麼僧云和尚什麼處得這箇消息師云兩俱失有同學師兄來相看喫茶次師兄問行脚事作麼生師恰遇沙彌過茶次便與一掴咄這沙彌師兄云是卽

是你道我作麼生師云蝦跳不出斗問一僧今日施主開經麼僧云是師云好生著莫教錯僧云某甲不教錯師云入地獄如箭射問僧曾講經麼僧云不會師云去問僧看什麼經僧云涅槃經師云茶毗品最在後曾看麼僧云曾看師云大喻三千小喻八百問僧什麼處來僧云齋來師云將覲錢來僧云和尚欠少什麼師云蝦蟆叫問僧什麼處來僧云齋來師云猴猻繫露柱問僧什麼處來僧云齋來師云打草蛇驚問僧什麼處去來僧云齋來師云施主還具眼麼僧云某甲罪過師云你爲什麼隨我僧無語問僧什

支那

支那

六

麼處來僧云齋來師云將什麼報答施主僧云不用更言師云斤不當兩僧云此是和尚分上事師云吽吽且放你三十棒問僧什麼處來僧云和尚莫錯伸一問師云爭奈頭上一條繩何僧云莫錯師云枷上更著杻問僧什麼處去來僧云齋來師云施主眼瞎師見僧瞻視云你大有年幾也僧云請和尚道師云四十六也未僧云莫錯師云這死蝦蟆問僧今日喫得多少鹽醋僧拈起鉢盂師云可惜許鹽醋牛欄裏作活計問一上座何不覓箇住處座云盡大地覓箇住處不可得師云繩子爲什麼在我手裏座云和尚



恁麼道卽得師云非但觸體鼻孔也穿過問一覺上座見說在叢林裏多口把不住是闍黎麼覺云和尚什麼處得這箇消息師云一任踣跳覺云不可語不得師云吽吽轉見敗闕又云老僧若置一問教你喪身失命覺云和尚不可壓良爲賤師云蘇嚕蘇嚕娑訶又云來來是你曾看教麼教中道謗斯經故獲罪如是作麼生是教意覺云教中不說有意師云入地獄又拈起拄杖云這箇是什麼覺云拄杖師云這粘鏝湯漢問河北僧彼中有趙州和尚你曾到麼僧云某甲近離彼中師云有何言教示後徒僧云尋常問

支那

蓮華經疏卷六

一

新到什麼處來僧云南方來州云喫茶去師乃呵呵大笑云慚愧又問祇如趙州意作麼生僧云此亦是方便師云趙州被你一杓屎潑僧無語師見僧辭去問什麼處去僧云往徑山去師云忽然有人問你作麼生道得一句語塞得伊口僧云某甲有語師云去問僧什麼處去僧云禮拜徑山去師云這老漢好打破觸體著師見一僧云恰似箇律師一般驀然悟去一箭穿過觸體三千里僧擬作問勢師云蘇嚕蘇嚕娑訶

勘講經論座主大師第三

師問僧正正應諾師云講唯識論麼正云不敢小年曾讀文字來師拈起糖餅擘破作兩片你作麼生正無語師問僧正喚作糖餅是不喚作糖餅是正云不可不喚作糖餅師却喚沙彌來來你喚作什麼沙彌云糖餅師云你也講得唯識論有紫衣大師來參師師見來便拈起帽子問大師京中喚作什麼大師云朝天帽師云恁麼則老僧不去也大師無語師問大德曾蘊何業德云小年曾習唯識論師云三界唯心萬法唯識是麼德云是師指門扇云這箇是什麼德云色法師云簾前賜紫對御談玄五戒不持德無語

支那

蓮華經疏卷六

三

問座主講什麼經主云法華經師云與老僧講來主云某甲依章疏師云你不会講主云某甲實不會講却請和尚講師云你不是聽經人主云昨日蒙和尚慈悲爲某甲今日講師云三段不同今當第一主云此是古人章疏師云你見箇什麼道理主無語師云這喫夜飯漢不能打得你去有座主善解二十四家書師問你解二十四家書是否主云不敢師遂於空中作書勢云是什麼字主云不會師云吽吽這箇阿師脫空妄語道我解二十四家書永字八法也不識主無語師云來來曾講華嚴經否主云不敢師云不



怪伸一問得麼主云和尚問什麼師咄云講得枕裏又云你問我主云請和尚講師云心不負人主云不會師云對牛彈琴問座主講什麼經主云涅槃經師云開口便作屎氣主云爭奈古教何師云奴見婢慙慙不肯休主無語師云近前來主便近前師云祇這也無主宰便打一日有座主來師問見說座主講得經是否主云不敢師云吽吽這喫夜飯保老師云從來講得什麼經論主云唯識法華經師云拈起鼻孔將兩耳來主云鼻孔作麼生拈得師云念言語漢又云法華經云十方國土中唯有一乘法是否主

天師

古尊宿語錄卷六

三

云是師云佛殿裏即不問三門頭鴟鵂上道將一句來主云此是玄機師云玄你屋裏老爺脫空妄語漢有講論座主來叅師師云你爲什麼義墮主云和尚未曾問某甲師云西天則斬頭截臂我這裏與你口喫飯有一座主講得七本經論來叅師師云你是講得七本經論是否主云不敢師拈起拄杖驀頭打一下主云某甲不因和尚泊虛過一生師云道什麼主擬開口師便打主云謝和尚重重相爲師云依稀近佛莽箇爲僧有一座主講得六本經論來叅師師云見經中有問論中有主主云某甲依章疏講不會玄

機師云你講得枕裏主云某甲也未曾分外師云出去有座主來叅師師問莫便是講唯識論是麼主云不敢師云朝去西天暮歸唐土會麼主云不會師云吽吽五戒不持問座主講什麼經主云講華嚴經師云更有箇漢子即不問你文殊普賢又作麼生主云不會師云近前來主便近前師便打一棒云會麼主云不會師云飢逢王膳不能食病遇醫王爭得瘥與你註解了問僧講什麼經主云金剛經師云曾講辨正論麼主云不敢師云五戒不持又問講金剛經是否主云是師拈拄杖云是什麼主云此是色法師云

天師

古尊宿語錄卷六

三

講得枕裏又云經中道凡所有相皆是虛妄若見諸相非相即見如來是否主云是師云這脫空妄語漢噯夜飯保老師問座主蘊何業主云唯識論師云教中言作麼生主云某甲祇是尋行數墨却是禪門中不知師云實語當懺悔問講金剛經座主荷擔如來即不問你寺門前金剛爲什麼入你鼻孔裏去主云和尚什麼語話師云你講得夢裏問講楞嚴經座主經中有八還四義是否主云是師以拄杖點一童子頂上一下云是什麼義主無語師云此義文長赴在來日問如何是自己事師云老僧不解相怪速禮三

拜又云觀世音菩薩進云不會師云大慈悲菩薩西  
峯長老來置茶果次師問今夏在甚麼處安居峯云  
蘭溪師云多少衆云七十餘人師云時中將何示徒  
峯拈起柑子師云著甚死急師問僧近離甚處云瀏  
陽師云彼中老宿祇對佛法大意道甚麼云徧地無  
行路師云老宿實有此語那云實有師拈拄杖打云  
這念言語漢師見僧行胡餅乃問行甚麼云胡餅師  
云這俗漢雲門來敲門師云阿誰門云文偃師開門  
攔臂扭住云道道門擬議師便推出云秦時轆轤鑽  
師問秀才先輩治甚經才曰治易師云易中道百姓

日用而不知且道不知箇甚麼才曰不知其道師曰  
作麼生是道才無對僧問一氣還轉得一大藏教也  
無師曰有甚餌饌飽子快下將來問如何是禪師曰  
猛火著油煎師臨終召門人曰此處緣息吾當逝矣  
乃跏趺而寂郡人以香薪焚之舍利如雨乃收靈骨  
塑像於寺壽九十八臘七十六

古尊宿語錄卷第六

睦州和尚語錄小序

師法嗣黃檗初住睦州觀音院常餘百衆得數十載  
後捨衆住開元寺房織蒲鞋鬻養母親時人號爲陳

蒲鞋其機鋒語句今集之二三焉

睦州和尚名道蹤嚴州人姓陳氏受業不載得法  
於黃檗運和尚馬祖第四世唐宣宗懿宗時人

金壇居士于玉立施贊刻此  
古尊宿語錄卷第六 計字九千三百十該銀  
四兩八錢四分  
銀山釋海亮對金陵丘義民書上元吳文輝刻  
萬曆甲寅歲秋八月徑山化城識

古尊宿語錄卷第七

汝州南院禪師語要南嶽下七世嗣興化

師諱慧顥河北人也上堂云赤肉團上壁立千仞有僧問赤肉團上壁立千仞豈不是和尚語師云是僧便掀倒禪牀師云你看這瞎漢亂做僧擬議師便打趣出院

上堂云諸方只具啐啄同時眼不具啐啄同時用僧問如何是啐啄同時用師云作家不啐啄啐啄同時失僧云猶是學人問處師云你問處作麼生僧云失師便打其僧不肯後到雲門會裏舉前因緣說不肯

文脈

暮宿語錄卷六

一

其時有傍僧云當時南院棒折那僧聞此語言下大悟方見南院答話處僧却來汝州省覲值南院已遷化却上風穴禮拜風穴認得便問上座是當時問南院啐啄同時話者否僧云是穴云會也未僧云會也穴云當時作麼生僧云當時如在燈影裏行相似穴云你會也問大用不逢人時如何師云鷄鵝舞道引入千峯問十方通暢時如何師云八極連門禍問龍躍江湖時如何師云警噉警喜問傾湫倒岳時如何師云老鷄無背問從上古人見不盡處師還見也無師云握髮吐食人不顧滿朝盡道好周公僧向口上

文脈

暮宿語錄卷七

二

打師云道者大煞瞎僧云有恁麼瞎老漢恁麼道師便打問從上諸聖向什麼處去也師云不上天堂卽入地獄僧云和尚作麼生師云你還知寶應老落處也無僧擬議師便打一拂云你還知喫拂子底麼僧云不會師云正令却是你行又打一拂子問如何是第一句師云你試道看僧便喝師拍手云大衆好喝僧又喝師便打問回旋空中時如何師云四面連架打問龍獸相交時如何師云狗脊坡頭問丹霄獨步時如何師云日馳五百問金榜題名請師卽可師云日下拽脚問大震虹霓請師引驗師云日下三刻問

黃巢過後何處回避師云六纛旗下問忽遇捉著時如何師云賊首頭犯問寶劍未出匣時如何師云泥乾跌宕僧云出匣後如何師云天魔唱快問楊朱泣歧時如何師云白狗臨刑莫怨天問人逢碧眼時如何師云鬼爭漆桶問獨步青霄時如何師云四衆圍繞僧云四衆圍遶時如何師云梵音絕處行問寂寂無聲時如何師云打了拖聲勢問鳳栖不到處時如何師云忽聞庭前撲煞老鷄梟問如何是歸宗理事絕師云納孺處錯問如何是日輪正當午師云理事甚分明便打問如何是獨步四山頂師云深深海底

行問如何是自在如師子師云金鍤勒咽索白棒權將行問久在貧中如何得濟師云滿拘摩尼親自捧學云教人眼瞎師云眼裏無筋一世貧學云挑筋了瞎師便打問奔流度刃疾焰過風時如何師云住學云住卽瞎師打禪床僧便喝師拈棒僧云老和尚莫掣孫奪棒打老和尚去在師云今日被這瞎漢鈍置煞我僧云陣敗不禁若帚掃問足馬單鐙來時如何師云且待我所捧問如何是佛法大意師云無量大病源僧云請師醫師云世醫拱手問師唱誰家曲宗風嗣阿誰師云掌塔戴鵬冠口中更河海問如何是

支那

世說新語卷上

三

無相涅槃師云前三點後三點僧云無相涅槃請師證照師云三點前三點後問萬里無雲時如何師云飢虎投崖問古殿重興時如何師云明堂瓦插簷僧云與麼則莊嚴畢備也師云斬草蛇頭落問二王相見時如何師云十字街頭吹尺八問如何是無相道場師云斫破鬼神村

上堂云是你諸人盡曾向諸方去來不是不知不見還知老僧這裏有諱麼僧便問請和尚諱師云推筭決疑問如何是簷蔔林師云鬼厭箭問如何是不動尊師云邂逅到崖州問擬薦要津時如何師云灰糞

堆問百了千當時如何師云未是好手問大義爭權時如何支擬師云光漆交社僧云將何奉獻師云切以生芻祭惟驢糞問如何是乾坤主師云周人遺刀心刺九竅問麟閣圖形請師憐念師云纓拂面塵問如何是解脫漿師云苞苴滲血簋物不多問如何是金剛不壞身師云老僧在你脚底僧便喝師云未在大庾嶺頭雲太行山下賊僧云如何明會師云幽燕經劫殺吳越笑呵呵僧云畢竟如何師云莫言無法說最苦是新羅問薄地天龍如何辨識師云有什麼難

支那

世說新語卷上

四

辨僧云便請辨師云瘦眼生盲垂毛磔索僧云如何醫治師云氣針挾舌上雷電震雲間僧云忽遇葉公時如何師云見假不知驚著否至今猶是眼翻天問日出扶桑時如何師云閭浮樹下過問凡聖同居時如何師云兩箇猫兒一箇獐問梅檀鬱密時如何師云獨柳樹下坐問近不得時如何師云冤家難解脫問萬仞龍門今朝透過時如何師云全存霹靂聲僧云恁麼則全承布雨去也師云泥人眼赤問如何是道師云鷹過長空無一物問獨遊滄海時如何師云雷震青空畜生燒尾問運足不知路時如何師云鳥



道盲人遇問中間不會時如何師云靜處蹠了打問投機不遇時如何師云足下金身去問金鑠斷時如何師云失僧云金鑠斷爲什麼却失師云崖州路上問行人問燃燈前卽不問燃燈後亦不問如何是正燃燈師云滅僧從東過西邊立師云野狐精問不施寸刃便登九五時如何師云單杖控天街太白過後望問如何是無縫塔師云八花九裂問如何是塔中人師云頭不梳面不洗問萬里無雲時如何師云寸步不可過問剪鐵鎚錮猶恨鈍齧鎌當鋒事如何師云剪卽死僧便喝師拍膝一下僧又喝師拈棒僧

云老和尚莫盲枷瞎棒奪却棒來打老和尚去莫言不道師云今日無端黃面浙子鈍置一場僧云老和尚莫掣孫好問如何是佛師云如何不是佛問惜宗風護三乘如何是道師云更夢見什麼

上堂云過去祖佛盡皆恁麼道時有僧問道箇什麼師云大哉問上上根器人來師還接也無師云接僧云便請和尚接師云且喜共你平交問如何是佛師云我不曾知僧禮拜師便打

上堂云有解問話者出來時有僧出禮拜師云是者老漢罪過便下座問如何是和尚家風師云秋收冬

藏問如何是實應正主師云杓大椀小問如何是實應水師云了云飲者如何師云了問牛頭未見四祖時如何師云今日不答話問擬伸一問師意如何師云是何公案僧應諾師云放你三十棒問如何是祖師西來意師云五男二女問如何是實應劍師云天下老和尚答話了也將此語別處問去僧云用者如何師便打問祖意與教意是同是別師云黃尚書李僕射僧云不會師云牛頭南馬頭北問萬代留名時如何師云光漆郊社問如何是佛法大意師便喝僧云老和尚莫探頭好師又喝僧便禮拜師云放過卽

不可便打問如何是佛法大意師便喝僧便禮拜師云今夜兩箇俱是作家禪客與實應老稱提臨際正法眼藏若要一喝下辨賓主問取二禪客問學人有一問在和尚處時如何師云你問道什麼僧便喝師便休至明日上堂衆集師云昨日問話師僧在什麼處僧才出師拈棒便打問如何是佛師云待有卽向你道僧云與麼則和尚無佛也師云正當好處僧云如何是好處師云今日是三十日

上堂云諸方盡是把蛇頭求歇終不敢向第二頭蒼賓家話若是本色衲僧便莫共語作麼生是本色衲

僧良久云有輸有贏有防禦使問長老還具見聞覺知也無師與一踏踏倒

### 勘辯

問僧近離什麼處云襄州師云來作什麼僧云特來禮拜和尚師云恰遇寶應不在僧便喝師云向你道不在又喝作什麼僧又喝師便打僧禮拜師云這棒本是你打我我且打你要此話行瞎漢叅堂去師見新到來豎起拂子僧云敗闕師放下拂子僧云猶有這箇在師便打問圓頭瓠子開花也未僧云開花已久師云還著子也無僧云昨日遭霜了也師云大眾

二文師

三聖語錄卷七

七

喫箇什麼僧擬議師便打問風穴南方一棒作麼商量穴云作奇特商量穴却問和尚此間一棒作麼商量師拈拄杖云棒下無生忍臨機不讓師問僧近離甚處云長水師云東流西流僧云總不恁麼師云作麼生僧却重師便打問僧近離什麼處僧云龍興師云發足莫離葉縣否僧便喝師云好好問你又惡發作什麼僧云喚作惡發即不得師便喝云你既惡發我也惡發近前來僧近前師云我也沒量大罪過瞎漢叅堂去師有時把住一僧云作麼作麼僧無對師云三十年來弄馬騎有時把住一僧云會麼僧云不

會師云牛頭南馬頭北問僧夏在什麼處僧云五臺師云文殊還說著老僧也無僧云不說著師云今日遇作家有時見僧來參便把住參頭云是什麼僧無語師云三十年弄馬騎今日被驢撲又自云大眾莫道開處語問僧近離甚處云襄州師云什麼物恁麼來云和尚試道看師云適來禮拜底僧云錯師云錯箇什麼僧云再犯不容師云三十年弄馬騎今日被驢子撲瞎漢叅堂去問大德講什麼經僧云維摩經師指云會麼僧云不會師云侍者點茶來問僧夏在什麼處云湖南師云喚維那來上板頭安排著問僧

三聖語錄卷七

三聖語錄卷七

七

各什麼云普叅師云忽遇屎橛作麼生僧不審師便打

風穴禪師語錄

南嶽下八世嗣南院

師諱延沼餘杭劉氏子也上堂舉寒山詩曰梵志死去來魂識見閻老讀盡百王書未免受捶拷一稱南無佛皆以成佛道問滿目荒郊翠瑞草却滋榮時如何師曰新出紅鑪金彈子遙破闍黎鐵面皮問如何是互換之機師曰和盲慙瞎問真性不隨緣如何得證悟師曰猪肉案上滴乳香問如何是清淨法身師曰金沙灘頭馬郎婦問一色難分請師顯示師曰

滿鑪添炭猶嫌冷路上行人祇守寒問如何是學人  
立身處師曰井底泥牛吼林間玉兔驚問如何是道  
師曰五鳳樓前曰如何是道中人師曰問取皇城使  
問不傷物義請師便道師曰劈腹開心猶未性燥問  
未定渾濁如何得照師曰下坡不走快便難逢問如  
何是衲僧行履處師曰頭上喫棒口裏喃喃問靈山  
話月曹谿指月去此二途請師直指師曰無言不當  
症曰請師定當師曰先度汨羅江問任性浮沉時如  
何師曰牽牛不入欄問凝然便會時如何師曰截耳  
臥街問狼煙永息時如何師曰兩脚捎空問祖令當

三才圖會

三才圖會

七

行時如何師曰點問不施寸刃便登九五時如何師  
曰鞭屍屈項

上堂舉古云我有一隻箭曾經九磨煉射時徧十方  
落處無人見師云山僧卽不然我有一隻箭未嘗經  
磨煉射不徧十方要且無人見僧便問如何是和尚  
箭師作彎弓勢僧禮拜師曰拖出這死漢問牛頭未  
見四祖時如何師曰披席把盃曰見後如何師曰披  
席把盃問未達其源時如何師曰鶴冷移巢易龍寒  
出洞難問不露鋒銚句如何辯主賓師曰口銜竿角  
鰓膠粘問將身御險時如何師曰布露長書寫罪原

問學人解問請託句請師舉起訝人機師曰心裏分  
明眼晴黑問生死到來時如何師曰青布裁衫招犬  
吠曰如何得不吠去師曰自宜躡避寂無聲問如何  
是真道人師曰竹竿頭上禮西方問魚隱溪潭時如  
何師曰湯盪火燒問如何是諸佛行履處師曰青松  
綠竹下問如何是大善知識師曰殺人不眨眼曰既  
是大善知識爲甚麼殺人不眨眼師曰塵埃影裏不  
拂袖畫戟門前磨寸金問一卽六六卽一一六俱亡  
時如何師曰一箭落雙鵬曰意旨如何師曰身亡跡  
謝問摘葉尋枝卽不問直截根源事若何師曰赴供

三才圖會

三才圖會

一

凌晨去開塘帶雨歸問問盡是捏怪請師直指根  
源師曰罕逢穿耳客多遇刻舟人問正當恁麼時如  
何師曰盲龜值木雖優穩枯木生花物外春

上堂大衆集定師曰不是無言各須英鑒問大衆雲  
集師意如何師曰景謝祁寒骨肉疎冷師在南院作  
圓頭一日南院到園問云南方一棒作麼生商量師  
曰作奇特商量良久師却問和尚此間作麼生商量  
南院拈棒云棒下無生忍臨機不讓師師於是豁然  
大悟南院云汝乘願力來荷大法非偶然也汝聞臨  
濟將終時語不曰聞之南院云臨濟道誰知吾正法



眼藏向這瞎驢邊滅却渠平生如師子逢人卽殺及其將死何故屈膝安尾如此對曰密付將終全主卽滅又問三聖如何亦無語乎對曰親承入室之真子不同門外之遊人南院領之又問汝道四種料簡語料簡何法對曰凡語不滯凡情卽墮聖解學者大病先聖哀之爲施方便如楔出楔云如何是奪人不奪境曰新出紅鑪金彈子遵破關黎鐵面門又問如何是奪境不奪人曰薊草乍分頭腦裂亂雲初綻影猶存又問如何是人境俱奪曰躡足進前須急急促鞭當執莫遲遲又問如何是人境俱不奪曰常憶江南

支那

古尊宿語錄卷一

二

三月裏鷓鴣啼處百花香又問臨濟有三句當日有問如何是第一句臨濟云三要印開朱點窄未容擬議主賓分師隨聲便喝又問如何是第二句臨濟云妙解豈容無着問漚和爭赴截流機師曰未問已前錯又問如何是第三句臨濟云但看綳頭弄傀儡抽牽全藉裏頭人師曰明破卽不堪於是南院以爲可以支臨濟不辜負與化先師所以付託之意師依止六年而南院歿後唐長興二年雲遊至汝水見草屋數椽依山如逃亡人家問田父此何所田父云古風穴寺世以律居僧物故又歲饑衆棄之而去餘佛像

鼓鐘耳師曰我居之可乎田父云可師乃入留止晝乞村落夜燃松脂單丁者七年檀信爲新之成叢林晉天福二年州牧聞其風盡禮致之上元日開法嗣南院漢乾祐二年牧移守郢州師又避寇往依之牧館於郡齋陞座曰祖師心印狀似鐵牛之機去卽印住住卽印破只如不去不住印卽是不印卽是時有蘆陂長老出問某甲有鐵牛之機請師不搭印師曰慣釣鯨鯢澄巨浸却嗟蛙步驟泥沙蘆陂佇思師喝曰長老何不進語蘆陂擬議師打一拂子曰還記得話頭麼試舉看蘆陂擬開口師又打一拂子牧主云

支那

古尊宿語錄卷一

三

信知佛法與王法一般師問曰太守見何道理牧主云當斷不斷反受其亂師便下座冠平汝州有宋太師者施第爲寶坊號新寺迎師居焉法席冠天下學者自遠而至周廣順元年賜寺名廣惠師凡住二十有二年以皇宋開寶六年癸酉八月旦日登座說偈曰道在乘時須濟物遠方來慕自騰騰他年有叟情相似白日香烟夜夜燈至十五日跏趺而化前一日手書別檀越閱世七十有八坐五十有九夏

古尊宿語錄卷第七



古尊宿語錄卷第八

汝州首山念和尚語錄南岳下九世嗣風大

師諱省念萊州狄氏子入院上堂云佛法付與國王大臣有力檀那令其佛法不斷絕燈燈相續至于今日大衆且道續箇甚麼良久云今日須是迦葉師兄始得時有僧問靈山一會何異今朝師云墮坑落塹僧云爲什麼如此師云瞎僧問師唱誰家曲宗風嗣阿誰師云少室巖前親掌示僧云更請洪音和一聲師云如今也要大家知問如何是和尚家風師云一言截斷千江口萬仞峯前始得玄問如何是首山境界

三聖語錄卷第八

一

師云一任衆人看僧云如何是境中人師云喫棒得也未僧禮拜師云喫棒且待別時問如何是佛法大意師云楚王城畔汝水東流僧云如何是學人親切處師云五九盡日又逢春僧云畢竟事如何師云冬到寒食一百五問司徒郎中臨座側祖胤西來願舉揚師云王臣三請今朝赴萬民樂業普皆安僧云與麼則慈雲普潤處處皆通也師云野老謳歌時人皆唱復云諸上座佛法無多子只是你諸人自信不及若也自信得去千聖出頭來你面前亦無下口處何故只爲你自信得及不向外馳求所以奈何不得直

饒釋迦老子到這裏也與三十棒然則如此初心後

學憑箇什麼道理且問你諸人還得麼也未良久

云若得麼直須麼無事环重

上堂僧問從上諸聖向什麼處行履師云牽犁拽杷

問古人拈槌豎拂意旨如何師云孤峯無宿客僧云

未審意旨如何師云不是守株人問如何是菩提道

師云此去襄縣五里僧云向上事如何師云往來不

易

上堂僧問如何是首山師云東山高西山低僧云如

何是山中人師云恰遇棒不在僧禮拜師便打問如

支那

三聖語錄卷第八

二

何是道師云爐中有火無心撥處處無蹤任意遊僧云如何是道中人師云坐看煙霞秀不與白雲齊問諸聖說不到處請師提唱師云萬里神光都一照誰人敢並日輪齊問學人身心聚散時如何師云不聞天樂響僧云如何收攝師云莫逐四時移問菩薩未成佛時如何師云衆生僧云成佛後如何師云衆生衆生問覺花未發時如何辨真實師云冬不寒臘後看僧云莫便是也無師云錯問六國未寧時如何師云什麼處去來僧云寧後如何師云大地火起問寶劍未出匣時如何師云怨阿誰僧云出匣後如何師

云不斬無罪之人僧禮拜師云斬問寶劍未出匣時如何師云你不惜猶可僧云出後如何師云伏惟尚嚮僧云忽遇師于吼時如何師云一任野干鳴僧便喝師云果然僧又喝師云放你三十棒僧禮拜師云這瞎漢復云諸上座不得盲喝亂喝者裏尋常向你道賓則始終賓主則始終主賓無二賓主無二主若有一賓二主即是兩箇瞎漢所以我若立時你須坐我若坐時你須立坐則共你坐立則共你立雖然如是到這裏急著眼始得若是眼孔定動卽千里萬里何故如此如隔牕看馬騎相似擬議卽沒交涉諸上

又那

三教經錄卷八

三

座既然於此留心直須子細不要掠虛好他日異時賺著你在諸人若也有事近前無事环重

上堂僧問蓮花未出水時如何師云徧天徧地問出水後如何師云特地一場愁問殺父殺母佛前懺悔殺佛殺祖向什麼處懺悔師云水深一丈問離凡離聖請師一句師云不可錯怪老僧也僧云謝師指示師便打問魚鼓未鳴時如何師云望天不見天僧云鳴後如何師云覷地不見地問和尚是大善知識爲什麼却首山師云不坐孤峯頂常伴白雲開問四衆圍繞師說何法師云打草祇要驚蛇僧云未審怎生

下手師云適來洎合喪身失命問不落三寸請師速道師云老僧到這裏却道不得闍黎道看僧云猶落三寸請師別道師云首山今日失利問如何是首山境師云千花迥秀一葉長芳僧云如何是境中人師云好事不如無問因緣未熟時如何師云進僧云熟後如何師云退問二龍爭珠誰是得者師云得者失僧云不得者又如何師云珠在什麼處僧擬議師便打問維摩默然未審意旨如何師云罕逢穿耳客多遇刻舟人問如何是首山出身路師云誰人障闔得僧云與麼則自在去也師云去卽打折你腰師乃云

又那

三教經錄卷八

四

要得親切第一莫將問來問還會麼問在答處答在問處你若將問來問老僧在你脚底你若擬議則沒交涉時有僧出禮拜師便打僧問挂錫幽巖時如何師云錯僧云錯師便打

上堂僧問終日忙忙那事無妨如何是那事師云孤峯頂上千花秀萬仞峩嶮巖處行僧云莫便是和尚爲人處也無師云大衆詞謠送千峯永不回僧云同來底事又作麼生師云粉骨碎身猶未報三年一度送錢財僧禮拜師云噓噓問一切諸佛皆從此經出未審此經從何而出師云低聲低聲僧云如何受持

師云切不得染汙問作何行業報得四恩三有師云殺人放火僧云與麼則大作業底人也師云苦痛深問世尊滅後法付何人師云好箇問頭無人答得僧云如何是世尊不說說師云任從滄海變終不爲君通僧云如何是迦葉不聞聞師云瞋人徒側耳問古人言見色便見心諸法無形將何所見師云一家有事百家忙僧云學人不曾乞師再指師云三日後看取問入京朝聖主只到潼關却便回時如何師云猶是鈍漢問路逢達道人將語默對未審將什麼對師云瞥爾三千界僧云與麼則目視不勞也師云天

法華

五言古詩卷八

五

恩未遇後悔難追問仗鎧鉞來取師頭時如何師噓一聲僧云苦痛深師便打問得船便渡時如何師云猶是鈍漢問權借一問以爲影草時如何師云放你三十棒問久在貧中請師賑接師云不接僧云爲什麼不接師云喫棒得也未隨聲便打問如何是古佛心師云鎮州蘿蔔重三斤問龍宮海藏當有何物請師一別師云不掛三寸舌僧云爲什麼不掛三寸舌師云誰知句後親問不落僧祇如何修證師云近前來與你道僧近前師便打問丹霞掩耳黃蘗拄杖意旨如何師云坐參都不問暢殺子平生僧云稀逢

難遇請師指示師云莫婉鳴問虛空以何爲體師云老僧在你脚底僧云和尚爲什麼在學人脚底師云知你是瞎漢問祇如和尚道老僧在你脚底意旨如何師云橫身不怕侵泥水識者方知大作家問祇如和尚道知你是箇瞎漢又作麼生師云將寶奉君君不識却令瞽叟墮生盲問如何是玄中的師云有言須道却僧云此意如何師云無言鬼也嗔問如何是衲僧眼師云此問不當僧云當後如何師云堪作麼麼問如何得離衆緣去師云千年一遇僧云不離時如何師云立在衆人前問諸佛未見時如何師云拈

法華

五言古詩卷八

六

匙不把飭僧云見後如何師云喫飢忘却匙問佛未出世時如何師云不可錯怪老僧也僧云出後如何師云舉似天下人問如何是超毗盧之句稱釋迦之譚師云妙語無多子親言舉似誰僧云湛然時如何師云未明心地諦難過首山關僧擬進語師便打問如何是大安樂底人師云不見有一法僧云將何爲人師云謝闍黎領話問如何是常在底人師云亂走作什麼問一毫未發時如何師云路逢穿耳客僧云發後如何師云不用更遲疑問無絃一曲請師音韻師良久云還聞麼僧云不聞師云何不高聲問著問



大悲千手眼那箇是正眼師云即便歡瞻僧云歡瞻後如何師云撈天摸地問如何是和尚說法底口師云掛在壁上僧云忽有人來問時如何師云待我取回來卽向你道問學人此處不薦擬向南方時如何師云速僧云却不恁麼去時如何師云後會難逢問如何是離凡聖底句師云嵩山安國師僧云莫便是和尚極則處也無師云南岳讓和尚僧云如何是和尚家風師云無絲傀儡有人牽僧云牽後如何師云妙有無言不較多僧云如何是妙有無言不較多師云有言須得句僧云如何是無絲傀儡有人牽師云

錢那

錢那

七

當明提祖道方得後人棲問學人乍入叢林乞師指示師云閣黎到老僧會裏得多少時僧云經冬過夏師云莫錯舉似人問有一人蕩盡來時師還接也無師云蕩盡卽致那一人是誰僧云風高月冷師云僧堂內幾人坐臥僧無語師云賺殺老僧問學人求出世間時如何師云借水獻花先供養莫教落後索香錢僧云死生事大乞師一薦師云透漏遺蹤無走路僧云恁麼則被他捉着也師云今日到長安問如來演說三乘教未審是什麼教師云千言無一中僧云爲什麼千言無一中師云不是上鉤人問一切法皆

空如何悟得真空理師云南地先抽筭塞北著皮裘僧云莫落是非也無師云自家看取問青青翠竹還有佛性也無師云南天北地僧云恁麼則推窮佛理也師云北地南天問鐘鼓未鳴時如何師云問前不鳴問後打僧擬議師便喝問如何是迦葉門前一盞燈師云孤峯朗月連天照性似寒泉徹底清僧云勞而無功時如何師云日輪當午無私照自是時人見有移問寶劍未出匣時如何師云大洋海底澄心鏡僧云出匣後如何師云天外吒沙獨擺梢師乃云第一句薦得堪與祖佛爲師第二句薦得堪與人天爲

錢那

錢那

八

師第三句薦得自救不了時有僧問如何是第一句師云大用不揚眉棒下須見血僧云慈悲何在師云送出三門外問如何是第二句師云不打恁麼驢漢僧云將接何人師云如斯爭奈何問如何是第三句師云解問無人答僧云卽今祇對者是誰師云莫使外人知僧云和尚是第幾句薦得師云月落三更穿市過問維摩一默文殊贊善未審此意如何師云當時聽衆必不如是僧云旣不如是維摩默然又且如何師云知恩者少負恩者多乃云若論此事實不掛一箇元字脚便下座



次住廣教語錄

師入院上堂有僧問曹溪一句天下人聞廣教一句什麼人聞師云不出三門外僧云爲什麼不出三門外師云舉似天下人僧問如何是真如體師云徧乾坤僧云如何是真如用師云動天地問如何是大海師云出頭天外看僧云恁麼則包含不盡也師云不見本來身問如何是學人自己師云是你自己問黑豆未生芽時如何師云萬里崖州君自去臨行惆悵怨他誰僧云有何罪過師云昨夜貶文殊僧云未審什麼時回師云專候天恩僧云天恩到時如何師云

齊賀太平年問牛頭未見四祖時如何師云不唧唧僧云見後如何師云不唧唧問久負沒絃琴請師彈一曲師云正值嚴凝久披簑帶雨歸問觀身無相觀法亦然時如何師云晴天開水路僧云恁麼則掃地而盡去也師云孤月照高岑問萬機喪盡時如何師云死水不藏龍僧云轉動後如何師云碧眼胡僧笑點頭問如何是正修行路師云貧兒不雜食僧云撒手歸家去也師云香臭不會聞僧云三春無二月十五正團圓師云不是闍黎用心處僧云如何是學人用心處師云要行即行要坐即坐問十二時中作何

行業即免生死師云你喚什麼作生死僧云與麼則無生死可免師云大衆盡皺眉問如何是超佛越祖之談師云塞北風霜緊江南雪不寒問承古有言自從一見桃花後直至而今更不疑意旨如何師云三尺杖子兩人舁僧云還許學人舁也無師云放下著師問僧恁麼來者是甚麼人僧云問者是誰師云老僧僧便喝師云向你道是老僧又惡發作麼僧又喝師云恰遇棒不在手僧云草賊大敗師云今日又似得便宜又似落便宜問如何是道師云脚下淡三尺問蓮花未出水時如何師云水淡一丈進云出水後

如何師云從地高三尺其時有化主問學人與麼去時將何裏受師云叉手奉賓德舉似莫沉吟僧云恁麼還當也無師云物逐人興僧云今日點茶當爲何人師云去此無消息無心永莫回問如何是真如體師云敲磚打瓦僧云此意如何師云切忌踏著僧云有一人不曾唐言梵語來時師還接也無師云舉意便知有何勞側耳聽問學人不識文墨拾得箇字來未審喚作什麼字師云久爲雲水客休作問禪賓問如何是現前三昧師云三更不閉戶僧云還許學人商量也無師云切忌五更初問若能轉物即同如來

三門佛殿請師轉師云長安道上無私曲縱遇知音  
到耆稀問學人親到寶山空手回時如何師云家家  
門前火把子問靈丹一粒點鐵成金至理一言轉凡  
成聖如何是至理一言師云更舉一徧僧云與麼則  
退身三步師云笑破大衆口問如何是學人自己師  
云放參三下鼓喫粥五更鐘問久輔不逢時如何師  
云聞黎有問老僧有荅僧云如何得逢師云聞黎不  
問老僧不荅問維摩方丈不以日月爲明未審和尚  
方丈以何爲明師云穿破天下人骨髓問久負無絃  
琴請師彈一曲師云無言顯大道僧云還許學人和

也無師云更莫遲疑問十方薄伽梵一路涅槃門如  
何是一路涅槃門師云龍蟠鳳舞子時前日出崑崙  
照大千問塵塵見佛刹刹聞經如何是塵塵見佛師  
云好箇燈籠僧云學人不會意旨如何師云還我話  
頭來問無邊身菩薩爲什麼不見如來頂相師良久  
云卽今還見也無僧擬議師便打問如何是學人本  
來身師云牽牛不入市僧云如何是有相身中無相  
身師云泊合錯對聞黎問萬仞峯前如何卓立師云  
窄僧云意旨如何師云苦問巧說不得只要心傳如  
何是心傳底法師云有疑須假問僧云恁麼則巧說

不得也師云無言正好聽問如何是佛法的大意  
師云不將小意對聞黎僧云如何領會師云逢人莫  
錯舉問德山棒臨濟喝未審明得什麼邊事師云你  
試道看僧便喝師云瞎僧又喝師云這瞎漢只管亂  
喝作什麼僧欲禮拜師擬拈棒僧約住云莫亂打人  
好師擲下拄杖云明眼人難瞞僧云草賊大敗問如  
何是生滅法師云新羅喫冷淘問久處沉迷請師一  
接師云老僧無恁麼閑工夫僧云和尚豈無方便師  
云要行即行要坐卽坐僧云臨機一句截斷衆流請  
師垂示師云棒下迸流星僧云恁麼則萬象顯然師

云遣人拽出問世尊說法如雷吼未審誰是不聞者  
師云無人敢定當僧云爲什麼無人敢定當師云果  
然不聞問亡僧遷化向什麼處去師云散關正望三  
泉路厚朴花開始覺春問古人道東山西嶺青意旨  
如何師云一回舉著一回新僧云謝師指示師云功  
不浪施問如何是佛師云苦問如何是然燈前師云  
諸佛在我前僧云如何是然燈後師云諸佛在我後  
僧云如何是正然燈師云青山無異路問有問有荅  
盡在魔界無問無荅事如何師云庭前罷舞休思曲  
僧云大衆證明也師云野老謳謠正好音問如何是

和尚截人之機師云三門前點燈僧云未審意肯如何師云佛殿後燒香問如何是佛師云新婦騎驢阿家牽僧云未審此語什麼句中收師云三玄收不得四句豈能該僧云此意如何師云天長地久日月齊明問如何是佛師良久云會麼僧云不會師云何不高聲問僧再問師云瞎漢顛言倒語作什麼問如何是寂寂惺惺底人師云莫向白雲深處坐切忌寒灰煨煞人師復舉興化示衆云今日放諸人一線道不用如何若何便請單刀直入興化爲你證明有旻德長老出衆禮拜起來便喝興化亦喝旻德又喝興化

支那

三

三

又喝德禮拜興化却云適來若是別人三十棒一棒也不較何故爲他旻德會一喝不作一喝用師云看他興化與麼作用爲什麼放得伊過諸上座且道什麼處是一喝不作一喝用是前一喝是後一喝那箇是實那箇是主雖然如此也須子細始得良久云二俱有過二俱無過却重

次住寶應語錄

師入院上堂有僧問盡大地人來各各置一問問問各別未審寶應如何祇對師云好僧禮拜師云見何道理僧云謝師答話師云賊是小人智過君子劉司

徒問龍庭金口問如何對玉機師云一輪迴脫三界外當軒照破萬家門司徒云臨行一句請師指示師云莫錯認定盤星座主問云如從飢國來忽遇王饌未敢便食食卽是不食卽是師云名利已彰天下播手中如意有誰知主云與麼則却重去也師云眞師子兒一撥便轉問旣是清淨伽藍爲什麼打魚鼓喫針師云知恩者少負恩者多問承師有言金沙灘頭馬郎婦意旨如何師云高梳雲鬢恐人怪笑問得力處乞師一言師云山高無異路僧云畢竟如何師云莫守白雲閑問向上一路請師指示師云對面不相

支那

三

十四

識僧云爲什麼不相識師云問處分明答處親問如何是觀音門入者師云超然一境無異路僧云如何是普賢門入者師云野雲不向目前飛問有問有答皆落唇吻無問無答請師道看師云不可錯怪老僧也僧云猶落唇吻師云落在什麼處僧無語師便打問萬法歸於一體時如何師云三斗喫不足僧云畢竟歸於何處師云二斗却有餘問文殊贊維摩不二法門意旨如何師云問前不明問後瞎僧云未審此意畢竟如何師云瞎問離聲離色如何舉唱師云一點青霄異僧云如何是異師云透過萬重關僧云只



這如何透師便打云言前薦得辜負平生句後投機殊乖道體離此二途請師方便師豎拂云爭奈這箇何僧云與麼則太保證明師云你莫帶累太保問如何是佛師云朝看東南暮看西北問德山棒臨濟喝意旨如何師云寶應今日不用僧擬進語師云瞻漢便打問疑則與賊爲伴不疑則野塚爲家時如何師云北邙山下千丘萬丘未審那箇是你家僧以坐具撼一撼師云洎不問過問如何是古佛心師云三箇婆婆排班拜問如何是清淨法身師云新羅人不覿頭僧云向上還有事也無師云有僧云如何是向上

支那

五言集卷八

十五

事師云新羅人不覿頭安負外問弟子不會請師垂示師云水急浪開漁父見錦鱗透過碧波中負外云承教有言是法住法位世間相常住如何是常住底法師豎起拄杖召負外云且道這箇是住底法不是住底法負外云未曉之徒如何賑濟師云依稀似曲纔堪聽又被風吹別調中負外云一物不將來時如何師云何得對衆妄語負外擬議師便喝問如何是祖師西來意師云風吹日炙問只如龍牙問德山山乃引頸此意如何師云德山引頸寶應卽偃身縮項問祇和和尚道新婦騎驢阿家牽意旨如何師云百

歲翁翁失却父僧云百歲翁翁豈有父師云汝會也師復云諸上座不見興化老人道直饒汝喝得興化向虛空裏撲下來一點氣也無忽然甦息却向汝道未在何故我未向紫羅帳裏撒真珠與你諸人胡喝亂喝作麼師云實爲如斯今時兄弟只管橫喝豎喝及至窮著並無言說看他臨濟會下有僧出來禮拜臨濟便喝僧云老漢莫探頭好濟云汝道落在什麼處僧便喝又有僧問如何是佛法大意濟便喝僧禮拜濟乃召衆云你道適來這一喝好喝也無僧云草賊大敗濟云過在什麼處僧云再犯不容濟云要識

支那

五言集卷八

十六

臨濟賓主話問取堂中二禪客師云諸兄弟學般若菩薩直須諦當去始得雖然如是曉者還稀却重師一日上堂汾陽昭和尚出問百丈卷簾意旨如何荅云龍袖拂開全體現進云未審師意如何荅云象王行處絕狐蹤昭於是言下大悟遂提起坐具顧視大眾云萬古碧潭空界月再三撈漉始應知禮拜歸衆時葉縣省和尚作首座纔退便問昭兄你適來見箇什麼道理便與麼道云正是我放身捨命處省便休

小叅示衆云老僧擬欲歸鄉什麼人隨得去時有僧



問未審和尚什麼時去師云待有伴卽向汝道僧云無伴底事作麼生師云盡日不逢人明明不知處僧云忽遇一人又作麼生師云迷子不歸家失却來時路僧云請師指箇歸鄉路師云枯木藏龍不存依倚僧云和尚什麼時節却回師云一去不知音六國無消息僧云正當歸鄉底事又作麼生師云獨唱胡家曲無人和得齊僧云忽遇知音在時如何師云山上石人齊拍掌溪邊野老笑呵呵僧云歸鄉回來底事又作麼生師云八國奉朝衣四相無遷改僧云未審居何位次師云文殊不坐金臺殿自有逍遙竹拂枝

文冊

皇極經世一

三

問如何是梵音師云驢鳴狗吠問如何是截徑一路師云或在山間或在樹下問如何是和尚不欺人底眼師云看看冬到來僧云畢竟如何師云卽便春風至問遠聞和尚無絲可掛及至到來爲什麼有山可守師云道什麼僧便喝師亦喝僧禮拜師云放你二十棒久立衆慈伏惟环重

師出鏡清十二問荅泊翠岩代語師於一語下代三轉

問時至草庵無一物爲什麼却有盈餘清云要道何難岩云適來道什麼師代云自不知又云泊成忘却

又云共語不知音問盡乾坤不出一剎那今時人向什麼處辨明清云共語商量岩云向你道什麼處辨明師代云不問他別人又云明眼人笑你又云用辨卽非問無神通菩薩爲什麼蹤跡難尋清云波斯眼黑岩云莫鬼語師代云不是用心處又云被他捉著又云不勞舉步問辨得親疎底人爲什麼却被親疎不肯清云不平按劍岩云當得也無師代云莫守閑又云大有人不解恁麼問又云不可辨親疎問明知生是不生之相爲什麼却被生之所流清云明知無力岩云不關老兄事師代云自領過又云喚什麼作

文冊

皇極經世一

十

生死又云爭得不知有問人人具眼逢訪道人道卽是不道卽是清云頭上仙陀岩云莫道乞辨明師代云分明舉似他又云莫道乞荅話又云若不是寶應泊合遭他毒手問體本無瑕翳爲什麼坐施良藥清云却正道著岩云且放老僧過師代云知過人難得又云更教誰喫棒又云今日草賊大敗問達者同遊一路行爲什麼不行清云已到平頭岩云老兄還達也未師云不爭先又云到了不知又云但請先行問盡令提綱爲什麼不塞時人口清云自還得岩云老兄還知明州米價麼師代云還曾失麼又云須知老

兄又云爭知今日問無形本寂寥爲什麼有物先天地清云寶公曲尺誌公剪刀岩云領過得也未師代云欺他作什麼又云阿誰與麼道又云不是闍黎置問問十方薄伽梵爲什麼一路涅槃門清云家無二主岩云怪得人麼師代云到者方知又云一尚不可得又云常防此問問同氣連枝爲什麼却根莖有異清云邵案迸彩岩云阿誰道有異師代云紹得麼又云見有前後又云今朝二十五師出風穴四賓主語僧云如何是賓中賓穴云攢眉看白雲師別云去來長自在不與白雲齊問如何是賓中主穴云入市雙

主穴

五言詩集八

五

瞿瞿師別云高聲唱時遶街行問如何是主中賓穴云同鑾兩耀新師別云定國安邦賀太平問如何是主中主穴云磨礮三尺劍待斬不平人師別云收番猛將寸草不留師出四種照用語問如何是先照後用師云南岳嶺頭雲太行山下賊問如何是先照後照師云太行山下賊南岳嶺頭雲問如何是照用同時師云收下南岳嶺頭雲捉得太行山下賊問如何是照用不同時師云昨日有雨今日晴師出四賓主語問如何是賓中賓師云青山綠水分問如何是賓中主師云棒下取分明問如何是主中賓師云退已

讓人問如何是主中主師云斬盡不留身師出四料簡語問如何是奪人不奪境師云人前把出遠送千峯問如何是奪境不奪人師云打了不曾嗔冤家難解免問如何是人境兩俱奪師云萬人作一塚時人盡帶悲問如何是人境俱不奪師云問處分明答處親師出德山三轉語於一句中各下三轉問如何是函蓋乾坤句師云大地雪漫漫又云普天匝地又云海底紅塵起如何是截斷衆流句師云不通凡聖又云洎合放過又云橫身三界外問如何是隨波逐浪句師云要道便道又云有問有答又云此去西天十

主穴

五言詩集八

五

萬八千師舉僧問禾山如何是道山云耕人田不種僧云如何是道中人山云禾熟不臨場因僧問師出語云耕人田不種意旨如何師云大助不堅賞僧云禾熟不臨場意旨如何師云任從風雨爛師出盤龍和尚問行者接待不易行者云開心椀子盛將來無縫合兒合將去師云橫擔拄杖登霄漢使然農夫煮粥人師出僧問如何是祖師西來意答云風吹日炙師又云多年塵土無人拂一身常在鎮天涯

勘辯語

師在風穴會中密常勤誦蓮經衆咸謂念法華也偶

知客退卽就請師一日風穴見師侍立次乃垂涕告之曰不幸臨際之道至吾將墜于地矣師云觀此一衆豈無人邪穴云雖敏者多見性者少師云如某者如何穴云吾雖望子之久猶恐耽著此經不能放下師云此亦可事願聞其要於是風穴上堂舉世尊以青蓮目顧視大衆迦葉正當與麼時且道說箇什麼若道不說而說又是埋沒先聖且道說箇什麼師乃拂袖而退穴擲下拄杖便歸方丈侍者隨後入室請益念法華爲什麼不祇對和尚穴云念法華會也次日師與眞圓頭同上問訊次穴又問眞曰作麼生是

世尊不說說眞曰鷓鴣樹頭鳴穴云你作許多癡福作什麼何不體究言句又問師曰汝作麼生師曰動容揚古路不墮悄然機穴云你何不看法華下語師受風穴印可之後泯迹韜光人莫知所以因楚和尚初至汝州宣化安下風穴令師傳語纔相見展坐具次便問展卽是不展卽是楚云自家看取師便喝楚云我曾親近知識來未嘗輒敢恁麼造次師云草賊大敗楚云來日若見風穴和尚待一一舉似師云一任一任不得忘却師乃先回舉似風穴穴云今日又被你收下一頁草賊師云好手不張名楚次日纔

到相見便舉前話穴云非但昨日今日連賊捉敗於是師乃各振四方遠近學者承風而湊初住汝州首山爲第一世也石門遣使馳開堂書至師乃集衆於法堂上使纔近前人事師約住云是洞上宗乘是雪嶺家風使云書中已載師云一不成二不是使無語師云且坐喫茶一日師問僧近離甚處僧云襄州師云路上曾逢達磨也無僧近前不審師云這箇是驢前馬後底僧云和尚又如何師云非公境界且坐喫茶僧纔坐師又問在什麼處過夏僧云石門師云水牯牛安樂麼僧云及時水草師云爲什麼傷人苗稼

僧云對和尚不敢造次師云放過卽不可便打師一日問僧是凡是聖僧云非凡非聖師云太不定生僧云離此二途請師速道師云首山今日燒香供養你去也僧云某甲特來禮拜師云滴水難消一日問僧近離什麼處僧云廣慧師云穿雲不渡水渡水不穿雲離此二途速道速道僧云某甲昨夜宿長橋師云你恁麼合喫首山棒僧云某甲未曾參堂師云兩重公案僧云恰是師云那那又一日師見僧參次乃問近離甚處僧云襄州師云夏在甚處僧云洞山師云還我洞山鼻孔來僧云不會師云却是老僧罪過又



一日問僧上人近離甚處僧云南方師云遠來不易且坐喫茶又一日問僧近離甚處僧云襄州師云有事相借問得麼僧云便請師云且喜沒交涉又云鷄子過新羅又問僧近離甚處僧云西京師云路上還逢達磨也無僧云適來已參見和尚了也師云爲什麼築著鼻孔僧云已知痛痒師云打破大唐國裏覓箇知痛痒底人了不可得且坐喫茶有僧來參師乃問近離甚處僧云龍門師拽傍僧擱一擱喝出去一日有僧侍次師乃喚僧各僧應諾師云且去別時來爲你說僧云而今尚自不說別時決定不說師云我

也罪過你也罪過僧一日入室師云且去別時來僧應諾師便打師每見僧來便云恁麼來者是誰僧云問者是誰師云是老僧僧便喝師云向道是老僧又惡發作什麼僧又喝師云恰遇棒不在僧云草賊大敗師云得便宜是落便宜有僧入室師便喝僧亦喝師又喝僧禮拜師便打云伏惟尚嚮一日因僧入室師喚僧各僧應諾師云錯僧云某甲有什麼敗闕處師云錯有新到相見師問從什麼處來僧云芭蕉來師云芭蕉有何言教僧云曾見有僧問牛頭未見四祖時如何蕉云知僧云見後如何蕉云不知後有僧

舉問襄陽石門徹禪師只如二尊宿意旨如何徹云先行不到末後爲初僧一日入室師云恁麼來者是誰僧云某甲師云莫道是別人僧禮拜師云適來見箇什麼道理即禮拜僧云今日大似因齋慶讚師云我適來一期向你恁麼道速須吐却僧云也知和尚曲爲某甲師云後有人問你向他道什麼僧拂袖便出去師召僧各僧回首師便喝僧云這老賊師乃以頌示之曰四門通一要一要具三玄在實全正今立主要須圓又一夜師行道次見暗裏有僧師乃問是誰僧不對師云我也識得你僧大笑師云你不得道

是別人復作一頌示之輕輕踏步恐人知語笑分明更莫疑智者只此猛提取莫待天明失却鷄師次住寶安山廣教禪院亦爲第一世後徇衆請入城下寶應禪院即南院第三代三處法席海衆常臻淳化三年十二月初四日午時上堂示衆曰今年六十七老病隨緣且遣日今年記却來年事來年記著今朝日果至四年十二月日與時無爽前記上堂辭衆仍作偈曰白銀世界金色身情與無情共一眞明暗盡時俱不照日輪午後是全身言訖安坐日將昃而逝壽年六十八茶毗收舍利



偈頌示衆

諸子謾波波過却幾恒河觀音指彌勒文殊不奈何  
靈雲見桃花

分明歷世三十春因悟桃花色轉新人人盡得靈雲  
意不識靈雲是何人

玄沙云諦當甚諦當

玄沙道處少人知密密相逢更莫疑今古相傳親的  
旨少年多是白頭兒

四賓主頌

悟了却從迷裏悟迷悟從來無差互始知本末至于

悟了

悟了

悟了

今今古相承無別路無別路莫問人說今古問來事  
元是主從他人問賓主識得實全是主主中賓賓中  
主更互用無差互賓中賓主中主兩家用莫讓主把  
定乾坤大作主不容擬議斬全身始得名爲主中主  
偶作三頌

我有一機不假修持若人問著便喚沙彌

我有一著不自棲泊若人更問劈口便著

我有一宗勿示西東若人擬議別喚王公

送化主四頌

報你參禪賓人中有見親若求端的肯騰月望陽春

臨行少語足人憐莫辱家風汗舊賢保護盡從今日  
去靜坐寒窗月那邊

幾多眞子向西東物外縱橫莫用功隨處化緣皆是  
道臨行一句盡流通

廓然無事少人聞任意縱橫勿計程步步登高看前  
路莫教失腳墮深坑

示衆三首

背陰山子向陽多南來北往意如何若人問我西來  
意東海東面有新羅

咄哉巧女兒揷校不解織食看鸚鵡兒水牛也不識

咄哉

咄哉

咄哉

咄哉拙郎君巧妙無人識打破鳳林關穿靴水上立  
古尊宿語錄卷第八

古尊宿語錄卷第九

石門山慈照禪師鳳巖集

南嶽下十世嗣首山

師開堂拈香云西天二十八祖唐土六祖過去聖人盡得傳衣付法至唐代六祖之後得道者如稻麻竹葦不傳其衣只傳其法皆以香爲信今日一瓣香爲什麼人通信某甲雖不言大衆已委悉熟此一炷香也僧問師唱誰家曲宗風嗣阿誰師云山連嵩嶺地近洛川問和尚開堂於此日先將何法報君恩師云撐天拄地云君恩如此祖意如何師云分明領話問如何是佛師云邛州多出九節杖云謝師指示師云

文冊

古尊宿語錄卷九

一

莫作蒼佛話會却問如何是祖師西來意師云九里江上望船舶云意旨如何師云市船亭前人不識問寶劍未出匣時如何師云在匣裏云出匣後如何師云放汝一線道僧禮拜師便打

上堂云上上之機人法俱遣中下之機但除其間猶有法在天下之機據問而行若是出格道人全體作用諸上座盡是出格道人老僧爭敢作用問如何是一着子師云明明似日連天照暗暗昏昏人自迷云如何得不迷師云千里萬里

早參示衆云且道昨日與今朝是同是別古人道昨

日今朝事恰同又道昨日今朝事不同同與不同卽且置且道卽今一句作麼生波隨月照影逐日移師入州看官路逢延慶長老問中路相逢一句作麼生道師云某甲禮拜和尚有分明日到院茶話次昨日聞學士說新石門和尚和尚久在石門爲什麼說新去師云腦後合掌問來時無物去時空二路都迷如何得不迷去師云秤頭半斤秤尾八兩

上堂云十五日已前諸佛生十五日已後諸佛滅十五日已前諸佛生你不得離我這裏若離我這裏我有鈎子鈎你十五日已後諸佛滅你不得住我這裏

文冊

古尊宿語錄卷九

二

若住我這裏我有錐子錐你且道正當十五日用鈎卽是用錐卽是遂有頌云正當十五日鈎錐一時息更擬問如何回頭日又出問如何是無縫塔師云直下看云如何是塔中人師云退後退後問如何是古佛心師云踏著秤槌硬似鐵云意旨如何師云明日向你道問青山綠水卽不問急切一句作麼生道師云垂手過膝兩耳垂肩汝州先師忌問先師還來也無師云三巡茶罷一炷香云齋後向什麼處去師云風搖樹響人不顧葉落歸根始知音

上堂云鳳凰巖下鐘鼓喧轟石門家風朝朝舉唱問

答賓王甚是分明棒喝臨機誰人同道若是同道者對衆證據良久云霜天冷徹骨雪路少人行問如何是石門境師云一任衆人看云如何是境中人師云明日來喫棒問嵩少地近汝海波深石門玄機請師指示師云幾時到汝海來僧無語師便打問如何是和尚家風師云一句每當機逢人直是道問如何是賓中賓師云禮拜甚分明云如何是賓中主師云觀地無回顧云如何是主中賓師云往復問前程云如何是主中主師云萬里絕同侶問如何是奪人不奪境師云山河大地云如何是奪境不奪人師云奪人

文册

嘉賓錄卷九

三

失氈帳云如何是人境俱奪師云有何佛祖云如何是人境俱不奪師云問答甚分明問如何是先照後用師云突兀峯頭點巨火長安城裏不通風云如何是照用同時師云突兀峯頭無巨火長安城裏絕人行云如何是照用不同時師云昨日十五今日十六大傑張茂崇問摩騰入漢已涉繁詞達磨單傳請師指示師云冬不寒膈後看問五目不覩其容二聽不聞其響落聲色卽是不落聲色卽是師云問從何來問瞻之在前忽然在後復是何物師云築着鼻孔問若能轉物卽同如來萬象是物如何轉得師云喫了

飯無些子意智問拈槌豎拂皆是止啼之說揚眉瞬目未爲作者之機如何是現前受用師云早衙放過晚後出來問寸絲不挂法網無邊爲什麼却分迷悟師云兩桶一擔問心隨境轉境逐心生心境兩忘甚處卽是師云待你悟始得問有情有用無情無用如何是無情應用師云獨扇門子晝夜開問法尚應捨何況非法如何是非法師云喫粥喫飯問愛河浮更沒苦海出還沉如何出得師云錯

早參示衆云月未沒日已出萬象凝然什麼處不分明既然分明分明一句作麼生道良久云日月照臨

文册

嘉賓錄卷九

四

無影樹不勞把住遶街行

示衆問答須教起倒全龍頭蛇尾自欺瞞如王秉劍由王意似鏡當臺要絕觀開口早經千萬里低頭思慮萬重關指人若也無正眼何啻前程作野干

上堂云朝朝鼓響夜夜鐘鳴聚集衆流復有何事過去諸聖成就此門諸上座各各不欠少某甲已是不識好惡諸上座更要喫辛受苦

上堂云無事不要生事歸堂

上堂云鐘鼓才罷賓王已分大衆齊來照用俱了若恁麼會得繼紹古人若會不得實爲同措莫有會者

麼出來對衆證據

上堂云切忌踉過歸堂喫茶

上堂云第一句道得石裏迸出第二句道得挨拶將來第三句道得自救不了歸堂

上堂云但得本莫愁末如何是諸上座本莫是上來下去禮佛禮塔入室樞衣歡娛笑樂麼若認得這箇是四大五蘊莫是趣寂息念不入不聚不散麼會得認得箇精魂如何是上座本良久云歸堂

上堂云春景溫和萬物蘇舒山青水綠真堪養道遊方禪子甚是及時祖佛家風且喜沒交涉僧侍立次

文部

高僧語錄卷八

三

師云已是撒沙着諸人眼裏也如今更不敢不識好惡歸堂問寒時又寒熱時又熱寒底是熱底是師云杖頭傀儡人長弄問逐日開單展鉢以何報答施主之恩師云被這一問和我愁殺云恁麼則謝供養也師云得什麼人氣力僧禮拜師云明日更喫一頓

上堂云春景溫和春雨普潤萬物生芽什麼處不沾恩且道承恩力一句作麼生道良久云春雨一滴滑如油問如何是學人自己法身師云每日搬柴不易云此是大衆底如何是學人自己底師云三生六十劫問大悲千手眼爲什麼在此師云見箇什麼云恁

麼則千百億化身師云且領前話乃云上來下去爲

什麼事若有所得埋沒諸兄弟若無所得圖箇什麼得與不得且置如何是見前妙用底事良久云雲覆千山不露頂雨滴街前漸漸深歸堂問請師指示箇修行路師云殺人放火云彼此修行爲什麼却如此師云果然不修行問親切處請師的旨師云莫忘却云莫忘却時如何師云一年三百六十日云恁麼則不忘却也師云你見箇什麼道理云適來謝茶師云未云請師別道師云兩社一寒食

早叅示衆月未沒日又出日月往來無間隔奉勸禪

文部

高僧語錄卷八

二

流莫追尋追尋特地生疑惑

上堂云鳳凰山下鐘鼓喧轟石門家風朝朝舉唱大衆上來賓主已分開口動舌照用俱了若恁麼薦得甚處有佛祖若未薦得憑何過日薦得薦不得卽且致作麼生是無佛祖底句良久敲禪牀下座

小叅早朝擊鼓法堂上聚會晚後鐘聲方丈裏相見法堂上聚會卽不問作麼生是方丈裏相見底句自代云不通風問還有不報四恩三有者麼師云有云如何是不報四恩三有者師云撒手卧長街光音非旨趣問牛頭未見四祖時爲什麼百鳥啼花獻師云



果熟馨香鳩鳥啄云見後爲什麼不啣花師云萬象頓息鬼神愁云見與不見是同是別師云山河不碍青霄路妙用縱橫處處通問親到寶山求寶時如何師云求得卽不中云求得後如何師云不中不中乃云擬心卽差動念卽乖不擬不動正在死水裏作活計作麼生是衲僧轉動一句良久云朝聞鼓動暮聽鐘聲

上堂云三春景裏日暖風和水畔經行林間宴坐觀茲時景實主已分開口動舌照用俱了若能如是解去會得實中主作麼生是主中主良久云一條濟水

透過新羅一日問直歲清涼堰從你堰若遇洪水滔天時堰得麼云在裏頭師云與誰同伴歲無語却請和尚代云透過新羅問和尚若遇洪水滔天時堰得麼師云上拄天下拄地云若遇劫火洞然時作麼生師云橫出豎沒

上堂云四山霧起大地黥黑日月收光正當與麼時如何辨主良久拍禪牀下座師浴出僧問三身中卮身澡洗師云困送衲僧歸喫茶次問衲僧遷化向什麼處去師云風搖樹響葉落歸根學人良久師云會麼云不會師乃澆茶三滴問如何得人身去師云我

常欲作驢身

上堂云上來下去參請不無作麼生是依時及節底句良久云朝聞鼓響夜聽鐘聲歸堂問門外三車學人欲上牛車時如何師云未是極則處云如何是極則處師云犬吠虛聲切癡人望太陽問三叉路頭未審教學人往何路師云莫錯

上堂云鐘聲才罷鼓聲喧鐘鼓相交會人天臨機妙用無別法開口動舌顯三玄臨機照用須子細互換實主疾如烟進前更欲求佛祖擬議早是隔西天上堂云五白貓兒爪距獐養來堂上絕蟲行分明上

樹安身法切忌遺言許外甥作麼生是許外甥底句莫錯舉

上堂舉普化語僧便問大悲院裏有齋意旨如何師云日暖隈陽坐天寒不舉頭

上堂云聞鐘聲卽尋鐘聲來無鐘聲向什麼處來若不來叢林何在既來是何面目直饒不來不去正在死水裏作活計作麼生是衲僧出氣一句良久云珍重問十二時中如何用心師云喫粥喫飯云與麼則打軟去也師云打軟去也問昨夜轉一位今朝轉一位兩頭俱轉時如何師云未是衲僧極則云如何是

衲僧極則師云春末臨朱夏云畢竟了如何師云九  
九八十一

上堂云各各英雄丈夫兒堂堂物我更何疑現前歷  
歷明如日展縮當人示疾時超然不得長空路獨脫  
禪光得自知多聞方便談今古濟物須彰閃電機良  
久云去去西天路迢迢十萬餘

上堂云天地與我同根萬物與我一體諸上座維那  
打鐘還覺心痛也無若不覺痛與古人相違若覺痛  
爲什麼含笑上來直須子細僧入室問正當與麼時  
還有師也無師云燈明連夜照甚處不分明云畢竟

事如何師云來日是寒食問古人急水灘頭毛毬子  
意旨如何師云雲開月朗問急水灘頭連底石意旨  
如何師云屋破見青天云屋破見青天意旨如何師  
云通上徹下

小參示衆云學般若菩薩須具般若眼不具般若眼  
卽被般若謾却你去作麼生是上座般若眼出來對  
衆道看良久云沉却也珍重問如何是佛法大意師  
云出你口入你耳云莫祇這便是也無師云分明聞  
分明聽問爲什麼朝朝風起雨點全無師云只是龍  
王不動頭云畢竟事如何師云待雨下了向你道云

雨下了和尚爲什麼不說師云老僧罪過問如何是  
人境兩俱奪師展兩手云不會師彈指三下問十二  
時中如何辨主師云着衣喫飯量家第云辨得後如  
何師云作麼生是主僧無語

上堂云擬心卽差動念卽乖不擬不動正在火水裏  
作活計作麼生是衲僧轉身處只如古人與麼道還  
有爲人處也無若言爲人依言縛殺你若言不爲人  
意在什麼處所以道涅槃心易曉差別智難明又云  
知見立知卽無明本知見無見斯卽涅槃若向這裏  
明得去未具衲僧眼直須子細

上堂云三春景謝朱夏將臨是禪子罷游之際幽窓  
掛錫之辰林下相逢合談何事良久云擬指千差路  
回光百萬程問牛頭未見四祖時如何師云雲散見  
青天云見後如何師云澄潭月現問如何是道師云  
車碾馬踏云如何是道中人師云豎坐橫眠

上堂云香烟才起是處皆知大眾雲臻從上宗乘只  
可如是若能如是解掣鼓奪旗互換主賓照用同時  
棒喝齊彰直饒你如是解只是箇賓中主作麼生是  
主中主便有僧問香烟才起是處皆知未審主山後  
如何師云向你道還信麼云特伸請益師便喝云和

尚爲什麼諱人道着師云贈僧禮拜乃云一句語中須具三玄一玄門中須具三要從上諸聖總具三玄三要他若不具三玄三要總屬盲用既能如此留心直須子細良久云石門後輩諸事寡拙久立先參歸堂憩歇問佛未出世時如何師云平云出世後如何師云平云未審出世與未出世是一是二師云妙用當機顯回光只在人問大事未辦時如何師云切云辦後如何師云切問如何是玄談師云掉向牆南問如何是祖師西來意師云义手當胷云意旨如何師云打躬近前問一處火發任從你救八方齊發如何

大正新編藏經卷九

二

師云快云還求出也無師云若求出卽燒殺你僧禮拜師云直饒你不求出也燒殺你

大雨上堂云朝陽雲掩夜月收光四山烟霧起大地絕纖埃正當與麼時什麼人作主雖然如是爭奈千江競注萬派流源被大海一時包了也莫道總包容了爭奈奔波濟水透過新羅

上堂云金烏西墜玉兔東升晝夜循環有何了日何不日南午處正位上看半夜子時長連牀上偃息正當與麼時可謂千聖情盡影像全無雖然如是未是極則處直須動轉始得直饒動轉只是肯得洛浦灌

溪未肯得他三聖興化開口動舌早成病棒喝臨機構也難貶眼直須行正令

上堂云晚看千家戶不局時聽秋杵一聲聲途中多少未歸客却到家中事怎生諸上座休向途中直須歸家若得歸家直得親於父母不得教生其恩愛直須殺却父母既殺却父母便須出家既然出家便能親於佛祖雖然如是須去却佛祖始得既殺却父母去却佛祖方可有纖粟衲僧見解猶未得衲僧全體作用良久云作麼生是衲僧全體作用殺父殺母去佛去祖未是衲僧極則處進前更擬問如何北邙山

大正新編藏經卷九

三

下有甚數

上堂云雲山聚會意爲平生挈杖諸方擬逃生如何得空過遣日爲什麼不進步商量若欲進步商量特地乖違便言只恁麼休去更辜負平生總不如是又向什麼處留心良久云歸堂

上堂云龍騰滄海魚鼈潛蹤虎嘯高岩野狐屏跡象王蹴踏寶岸皆崩師子嘯呻百獸隱匿鳳凰展翅衆鳥迷巢祖師家風中下莫湊目連鶩子運智運通金色頭陀瞬眸釋主聲聞莫測十地寧知空生才唱天早雨花豈况繁詞率爾亂說通一線道直須滿口道



將來道道直鏡道得也是順邈將來

上堂云參玄上士遊方高人直須具衲僧眼目良久云開口直教千聖情盡萬緣無繫父母俱亡賓主不立若如是解者猶是衲僧少許見解未是衲僧全體受用作麼生是全體受用良久云歸堂喫茶

上堂云諸上座各各氣宇如王須具衲僧眼目大地山河不碍眼光莫受人瞞且道于闐國王作何面目時有僧問承和尚有言山河大地不碍眼光未審于闐國王作何面目師云不出戶云未審與什麼人同道師云至切是家親

上堂云朝朝擊鼓夜夜鐘聲聚集禪流復有何事若言無事屈延諸德若言有事埋沒從上宗乘開口動舌總沒交涉雖然如是初機後學須藉言語顯道作麼生是顯道底良久云林中百鳥鳴柴門閑不扃

上堂問承古有言十五日已前用鈎十五日已後用錐卽今十五日和尚用什麼師云這一條拄杖是清化主捨云和尚莫盲枷瞎棒師云罪不重科乃云虛空有盡此道無窮如拳作手如手作拳皆是自已展縮並不欠少不由他人各各具足不肯承當勸請諸上座承當埋沒諸上座直下承當去承當箇什麼歸

堂喫茶董侍郎問文殊是七佛之師未審文殊以何爲師師云獨鎮五峰頭查學士與師坐弄鎗客參士便問弄鎗如何下手師云逢場作戲問無情說法意旨如何師云朝朝樹響夜夜風鳴云如何委悉師云晝有日照夜有月明問德山棒臨濟喝如何是一喝下事師云我不作這活計云意旨如何師云非公境界問金鱗未出網時如何師云待汝出網來向汝道云卽今出也師意如何師云西海裏事作麼生僧便喝師云瞎僧禮拜問若能轉物卽同如來未審三門佛殿如何轉師云我向汝道汝還信麼云和尚誠

言安敢不信師云這漆桶僧禮拜問如何是衲衣下事師云露地不通風云與麼則一百五日看也師云放你三十棒僧禮拜問不施寸刃便登九五時如何師云七縱八橫云與麼則簾卷扇開去也師云舌拄上齶僧禮拜問黑豈未生芽時如何師云正與麼云生芽後如何師云鬼門關外今霄路萬里崖州獨自行問如何是吹毛劍師云銀云用後如何師云伏惟尚嚮僧侍立次師問什麼處坐云後架裏坐師云你向什麼處舉話云與主人公舉話師云主人公姓什麼云不得姓師云名什麼云不得名師云與麼則不



識主人公也僧便喝師不對問如何是互換之機師云東邊立了西邊立云還相見也無師云相見事作麼生僧便喝師云瞎僧禮拜問師唱誰家曲宗風嗣阿誰師云汝水河邊曾對勝失却撈棹至于今云汝原一曲師親唱向上宗乘事若何師云當處不留人劃時送千里師勘僧云孤輪獨照深山裏近離何方到此來云近離白馬師云更不再勘僧無語師云且坐喫茶師問僧韶陽境土君知好六祖家風試道看僧無語師云却是石門罪過且坐喫茶舉鹽官和尚喚侍者將犀牛扇子來者云扇子破也官云扇子既

破還我犀牛兒來者無語代云欄下舉僧問龍牙十二時中如何著力牙云如無手人行拳始得師云道即殺道只得一半云和尚作麼生師云如無舌人欲唱歌始得舉僧問石門徹和尚實際理地如何進步徹云鳥道無前僧進語云幽谷白雲藏白雀擬心棲處隔山迷師別云栖心不住栖心地物外縱橫任法閑舉徹和尚離谷隱有僧問師住襄陽去盡襄陽男女各置一問問問各別和尚如何支遣徹云一音剖出塵沙句豁達虛空應萬機師別云頭頭上活物物上具師問僧昔日叢林親際會再登鳳嶺事若何云

奉別和尚經今一年師云本分行脚僧僧無語師云坐喫茶

次住谷隱山太平寺語

陞座拈香云此一炷香供養十方諸佛人天大衆先願國安民泰教法興隆此一炷香十五年前已呈醜拙了也如今還有委悉者麼對衆商量時有僧問不施寸刃便登九五時如何師云罕逢此問云與麼則人天有賴大衆沾恩師云是何言歟乃云問話且止欲得親切莫將問來問你擬進前早沒交涉了也豈況匆匆有何所益若論佛法不在問處雖然如是早

是多途况久立尊官珍重

上堂云襄陽蕩蕩廣闊而無際無涯漢水滔滔深遠而有終有始峴山一帶橫貫乾坤楚岫千峰豎該日月鳳林關下直透荆南來往遊人且無障礙諸上座盡是透關底人作麼生是透關底句試道看擬議千差路回光萬里程問祖令未行時如何師云獨卧沙場云未審其中事作麼生師云寒灰不再焰問終日怱怱卽事無妨如何是卽事師云覓頭不見云爲什麼如此師云三日後看僧禮拜師噓問如何是沙門行師云三三兩兩各不相知云畢竟如何師云截舌

有分問一陽才啓天地咸知依時及節事如何師云  
午夜燈光連宵照云照後如何師云茶烟香篆一時  
清問逐境不入流時如何師云早入了也云入流不  
逐境時如何師云未是極則處云如何是極則處師  
云七棒對十三問如何是奪人不奪境師云峴山亭  
邊好用功云如何是奪境不奪人師云雪消流水湧  
云如何是人境俱奪師云霜結滿亭寒云如何是人  
境俱不奪師云放你一線道問日往月來遷不覺年  
衰老還有不老者麼師云有云作麼生是不老者師  
云虬龍筋力高聲叫晚後精靈轉更多問如何是學

人溪深處師云烏龜水底深藏六云未審其中事若  
何師云路上行人莫與知問如何是印空底句師云  
舌拄上齶云如何是印水底句師云說話對聾人云  
如何是印泥底句師云頭上喫棒口裏喃喃問一句  
當機請師說法師云莫妄想云不妄想後如何師云  
仙人禮枯骨餓鬼打炊屍問浩浩之中如何辨主師  
云襄江競渡船云未曉之人如何領會師云且領前  
話問學人擬歸鄉請師指路頭師云借人扶上馬云  
莫便是和尚爲人處也無師云葛嶺那邊看問師子  
是獸中之王爲什麼却被六塵吞師云須知六塵好

手僧禮拜師云得便宜是落便宜問不斷廉纖句如  
何絕朕迹師云絕迹卽不好云與麼去如何師云瞎  
僧禮拜問只尺之間爲什麼不覩師顏師云折角泥  
牛無欄圈云與麼則依而行之師云徧地閑田任意  
耕問承教有言當觀法王法法王法知如何是法  
王法師云如是云畢竟如何師云我知你與麼道問  
王子未登九五時如何師云六宮深處坐云登朝後  
如何師云當殿不稱尊問世尊說法天雨四花和尚  
說法有何祥瑞師云莫擬鳴問有問有答俱落魔境  
無問無答如何辨道師云舌拄上齶云與麼則學人

罪過師云放你三十棒問如何是先照後用師云外  
頭月明屋裏黑云如何是先照後用師云屋裏月明  
外頭黑云如何是照用同時師云今日好寒云如何  
是照用不同時師云喫棒了呈款問如何是函蓋乾  
坤句師云好雪寒云如何是截斷衆流句師云好怕  
你云如何是隨波逐浪句師云今日立春問馬大師  
一喝百叉直得三日耳聾如何師云萌芽未出土枯  
葉已遭風僧擬議師便喝僧云喝卽任喝某甲不耳  
聾師云罪不重科問海宴河清爲什麼龍王不現師  
云待有卽現云卽今爲什麼不現師云疎田不貯水

龍王不柰何問若人有福曾供養佛未審佛曾供養  
什麼人來誦云明月照臨山谷裏背岩陰樹不招風  
云恁麼則早晨燒香晚後禮拜師云苦痛蒼天伏惟  
尚嚮問承古有言只這如今誰動口意旨如何師云  
莫認驢鞍轡作阿爺下領問伯牙遇子期時如何師  
云夜靜更深彈一曲云遇後如何師云琴破絲斷一  
時休問承教有言如我按指海印發光汝暫舉心塵  
勞先起如何是海印發光師云青霄無異路問說通  
行不通時如何師云莫以已妨人云行通說通時如  
何師云未信你在問不施寸刃便登九五時如何師

五

五

五

云南面事作麼生云才施小刃便獲大功也師云大  
好不施寸刃問如何是和尚不涉衆詞底句師云我  
向你道還信麼云與麼則鐵卵生兒樹上飛師云一  
任捏恠

上堂云二年前葛藤今日再舉知有者已暢平生不  
知有者對面千里諸上座盡是知有者二年前事作  
麼生道良久云顏回不知何處去却教夫子淚漣漣  
上堂云道安岩下朝朝鐘鼓聲喧傘盖山前日日烟  
霞覆地猿啼嶺上魚躍淵中山高則九夏花開谷深  
則三冬積雪知有者暢快於平生不知有者空愛好

山好水諸上座盡是知有者不喚作山不喚作水且  
道喚作什麼開口卽邈擬議卽差

上堂次遇狂風起乃曰狂風忽起拔樹鳴條祖令正  
行誰人當抵善戰者不顧其首善鬪者必獲其功莫  
有善戰妙鬪者麼出來山僧爲你證明良久云陣雲  
橫海上拔劍攪乾坤

上堂云寶花王座獨有慈尊旃檀林中別無異黨狐  
非師子類燈非日月明知有者已暢平生未知有者  
直須子細

上堂舉仰山三生話次僧問古人且致和尚卽今第

五

五

五

幾生中師云快活快活云與麼則隨流認得無碍去  
也師云縛繫不自在

上堂云若據對答如撒砂相似若約提綱宗乘舉唱  
佛法無一人半人雖然如是被箇衲子出來請師舉  
唱佛法向伊道什麼卽得若打他卽龍頭蛇尾且道  
向伊道什麼良久云山僧與上座兩家不着便

偈頌

歲旦示衆

一句爲君宣今朝是大年桮符已入土徧地稽金錢  
俗情多失位山僧獨欣然直饒不恁麼塚上別鉏田



冬日示衆

一句爲君說諸法及時節冬月是冬寒夏熱是夏熱  
甚處不周旋何勞苦施設施設不施設言詞盡須決  
更擬問如何船底用鎖鐵

僧請益瀉山三生話師以頌答

昨夜三更得一夢清涼河裏泥牛關天明問取郭大  
翁識得南莊李胡子

拄杖

我有一條拄杖亘日橫按膝上大小節目分明頭尾  
無非一樣卓下大地豁開竖起擎擡萬象開市若遇

支那

古尊宿語錄卷九

三

知音回頭拚春便棒

照用

照時把斷乾坤路驗破賢愚喪膽魂饒君解佩蘓秦  
印也須歸款候天恩

用便生擒到命終却令蘓息盡殘軀歸款已彰天下  
報放汝殘年解也無

照用同時棒下玄不容擬議騁愚賢輪劒直衝龍虎  
陣馬喪人亡血滿田

照用不同時人人會者稀秋空黃葉墜春盡落花飛

總頌

三玄

三句

一喝分賓主照用一時行會得箇中意日午打三更  
報你諸方道三玄句不分欲明親的旨臘月太陽春  
第一句點刻分明莫莽鹵更擬進前問如何西天移  
來安此土第二句妙用臨機無差互開口動舌勿交  
涉棒下分明須薦取第三句問答分明有言語諸方  
盡有好商量三歲孩兒皆怕苦

古尊宿語錄卷第九

石門山慈照禪師鳳巖集序

支那

古尊宿語錄卷九

三

夫能仁出現若秋月落於寒潭祖意西來似春雷開  
於蟄戶鑿生靈之瞶耳指演若之迷頭不凡起凡唯  
能轉物得道者世無窮數紹法者代有奇人師汝水  
投針首山立雪親傳祖印匣秘禪刀查太守致三請  
之書達禪師付一乘之座揮倚天之寶劍外道魂亡  
振踞地之金毛野干腦裂縱卽立明方便互換王賓  
奪卽坐斷乾坤誰論佛祖喝明四種棒顯三玄照出  
千差用非一句以此參徒退集學者雲臻師旣露於  
詞鋒禪子常親於語要編成二卷集號鳳巖光溥幸  
愧得聞實慚序引

金剛居士于五立施實刻 古尊宿語錄卷九 計字八千三百六十級四兩三錢五分 萬曆甲寅歲秋八月徑山化城藏



古尊宿語錄卷第十

汾陽昭禪師語錄

南嶽下九世  
嗣首山念

師太原俞氏子剃髮受具杖策遊方所至少留隨機叩發歷叅知識七十一員後到首山問百丈卷席意旨如何山曰龍袖拂開全體現曰師意如何山曰象王行處絕狐蹤師於言下大悟拜起而曰萬古碧潭空界月再三撈漉始應知有問者曰見何道理便爾自肯師云正是我放身命處後遊衡湘及襄沔間每爲郡守以名剎力致乃曰我長行粥飯僧傳佛心宗非細事也前後八請堅臥不答泊首山歿西河道俗

撰述

古尊宿語錄卷十

一

遣僧契聰迎請住持師閉關高枕聰排闥而入讓之曰佛法大事靖退小節風穴懼應識憂宗旨墜滅幸而有先師先師已棄世汝有力荷擔如來大法者今何時而欲安眠哉師覺起握聰手曰非公不聞此語趣辦嚴吾行矣既至燕坐一榻足不越閫者三十年道俗同曰汾州而不敢名

住後上堂謂衆曰汾陽門下有西河師子當門踞坐但有來者即便敲殺有何方便入得汾陽門見得汾陽人若見汾陽人者堪與祖佛爲師不見汾陽人盡是立地死漢如今還有人入得麼快須入取免得孤

負平生不是龍門客切忌遺點額那箇是龍門客一齊點下舉起拄杖曰速退速退却重

上堂先聖云一句語須具三玄門一玄門須具三要阿那箇是三玄三要底句快會取好各自思量還得穩當也未古德已前行脚聞一箇因緣未明中間直下飲食無味睡臥不安火急決擇莫將爲小事所以大覺老人爲一大事因緣出現於世想計他從上來行脚不爲遊山翫水看州府奢華片衣口食皆爲聖心未通所以驅馳行脚決擇深奧傳唱敷揚博問先知親近高德蓋爲續佛心燈紹隆祖代典崇聖種接

撰述

古尊宿語錄卷十

二

引後機自利利他不忘先跡如今還有商量者麼有卽出來大家商量僧問如何是接初機底句師曰汝是行脚僧曰如何是辨衲僧底句師曰西方日出卽如何是正令行底句師曰千里持來呈舊面曰如何是立乾坤底句師曰北俱盧州長梗米食者無食亦無嗔乃曰將此四轉語驗天下衲僧纔見你出來驗得了也問如何是學人着力處師曰嘉州打大像曰如何是學人轉身處師曰陝府灌鐵牛曰如何是學人親切處師曰西河弄師子乃曰若人會得此三句已辨三玄更有三要語在切須薦取不是等閑與

大衆頌出三玄三要事難分得意忘言道易親一句  
明明該萬象重陽九日菊花新

上堂汾陽有三訣衲僧難辨別更擬問如何拄杖驀  
頭楔時有僧問如何是三訣師便打僧禮拜師曰爲  
汝一時頌出第一訣接引無時節巧語不能詮雲綻  
青天月第二訣舒光辨賢哲問答利生心拔却眼中  
楔第三訣西國胡人說濟水過新羅北地用鎖鐵復  
曰還有人會麼會底出來通箇消息要知遠近莫祇  
恁麼記言記語以當平生有甚利益不用久立珍重  
問布鼓當軒掛誰是知音者停鉏傾麥飯臥草不擡

法苑珠林

古尊宿語錄卷一

三

頭問如何是道場師曰下脚不得問如何是祖師西  
來意師曰徹骨徹髓曰此意如何師曰徧天徧地問  
真正修道人不見世間過床審不見箇甚麼過師曰  
雪埋夜月深三尺陸地行舟萬里程曰和尚是何心  
行師曰却是你心行問大悲千手眼如何是正眼師  
曰瞎恁麼則一條拄杖兩人舁師曰三家村裏唱巴  
歌曰恁麼則和尚同在裏頭師曰謝汝殷勤問如何  
是和尚家風師曰三玄開正道一句破邪宗曰如何  
是和尚活計師曰尋常不掌握供養五湖僧曰未審  
與箇甚麼師曰天酥酤飯非珍饌一味糧羹飽卽休

問牛頭未見四祖時如何師曰新神更著師婆賽曰  
見後如何師曰古廟重遭措大題僧問如何是大道  
之源師曰掘地覓青天云何得如此師曰識取幽玄  
師舉三玄語曰汝還會三玄底時節麼直須會取古  
人意旨然後自心明去更得通變自在受用無窮嘆  
作自受用身佛不從他教便識得自家活計所以南  
泉云王老師十八上已解作活計僧便問古人十八  
上已解作活計未審作箇什麼活計答曰兩隻水牯  
牛雙角無欄捲復曰若要於此明得去直須得三玄  
旨趣始得受用無疑自求慶快以暢平生大丈夫漢

法苑珠林

古尊宿語錄卷一

四

莫教自辜觸事不通彼此無利濟與汝一切頌出曰  
第一玄法界廣無邊森羅及萬象總在鏡中圓第二  
玄釋尊問阿難多聞隨事答應器量方圓第三玄直  
出古皇前四句百非外問氏問豐干乃曰這箇是三  
玄底頌作麼生是三玄底旨趣直教決擇分明莫只  
與麼妄道我曾親近和尚來與我說了脫空謾語誑  
嚇他人喫鐵棒有日莫言不道又因採菊謂衆曰金  
花布地玉蕊承天杲日當空乾坤朗耀雲騰致雨露  
結爲霜不傷物義道將一句來還有道得底麼若道  
不得眼中有屑直須出却始得所以風穴云若立一

塵家國與盛野老頓感不立一塵家國喪亡野老安貼於此明去闇黎無分全是老僧於此不明老僧卽是闇黎闇黎與老僧亦能悟却天下人亦能暗却天下人要知闇黎與老僧麼拊其兩膝曰這裏是闇黎這裏是老僧且問諸上座老僧與闇黎是同是別若道是同去上座自上座老僧自老僧若道是別去又道老僧卽是闇黎若能於此明得去一句中有三玄三要賓主歷然平生事辦參尋事畢所以永嘉云粉骨碎身未足酬一句了然超百億又曰臨濟兩堂首座一日相見齊下喝僧問臨濟還有賓主也無答云

賓主歷然師作偈曰兩堂首座總作家其中道理有紛拏賓主歷然明似鏡宗師爲點眼中花師舉揚宗乘渠渠惟以三玄三要爲事臨濟宗真要訣也汾州在河東地苦寒立者往往足指墮師因此罷夜叅一日宴坐有異僧仗錫乘雲而至問曰和尚何故罷夜叅師答以苦寒之故異僧云和尚會下有六人成大器願勿惜法施言訖乘雲而去師明日陞座記以偈曰胡僧金錫光爲法到汾陽六人成大器勸請爲宣揚自此夜叅遂不復罷時楚圓守芝慧覺智圓谷泉齊舉等俱在座下叢林知名

師初開堂有僧問靈山一會迦葉親聞今日一會什麼人得聞師云大衆側聆進云怎麼則羣生有賴師云不因陞寶座爭顯六師能問師唱誰家曲宗風嗣阿誰師云不歷僧祇劫直出古皇前進云怎麼則郡城有望師云五嶽峯巒秀四海盡歸潮問虛空權譬喻隨處得彰名未審是箇什麼物師云居天人不測入地更深埋進云怎麼則學人雖不識歷劫盡沾恩師云劒長胳膊從他開劈腹開心始是明師小叅云莫有人問話麼有卽出來僧問水綻魚散時如何師云水清魚不現長波自往來進云龍王當

居何位師云在處存金殿乾坤我獨尊進云怎麼則更無過者師云按劒誰得妙當人不自傷師乃云若是按劒手汾陽不奈何還識得劒麼與你註破寰中無當剋海內獨橫行珍重問如何是祖師西來意師云多年松樹饒皴皴心間自有一條明問凡有問答賓主各逞嘉奇少室無言將何委的師云千人叢裏罕逢此問學云千山萬水來於此已奉慈悲事坦然師云坐斷日頭天地黑萬象森羅在目前學云官不容鍼私通車馬學人禮拜師云不禮拜更待何時問如何是一句前事師云不落言詮明的旨纖毫纔動



即參差學云如何是一句後事師云兩陣相逢不迴  
避學云恁麼則透皮徹骨去也師云橫拖倒拽任塵  
漫學云終不敢辜負和尚師云至孝是重華問如何  
是法眼師云已曾徵瞎學云未審向上事如何師云  
撈天摸地問久嚮汾陽威勢全略展金毛示衆看師  
云三日後露學云恁麼則退身三步師云一月後再  
來問祖師心印絕有言詮臨機一句事如何師云三  
千里外看途程學云恁麼即退後去也師云萬仞峯  
巒不離此處問問問不轉時如何師云龍馬加鞭急  
鑿鈴嚮洛川問久嚮西河師子及乎到來爲什麼不

文脈  
撰述

五言詩錄卷一

二

見師云汝識師子學云恁麼則大衆盡得隨喜師云  
腦裂始知忙問正法門中如何是和尚得入處師云  
衆星攢夜月不落紫微宮學云恁麼則朗月獨當天  
也師云不昧夜行人

師上堂云一切衆生本源佛性譬如明月當空祇爲  
浮雲遮障不得顯現便有僧問明月當天却被片雲  
遮時如何師云老僧有過關黎須知學云恁麼則分  
明辨的師云退後莫思量問舉步涉千谿尋源路轉  
迷箇中一句子請師爲提撕師云千年無影樹今日  
見枝柯學云若不申此問爭得見師機師云瞽人看

畫壁

上堂云夫說法者須及時節觀根逗機應病用藥不  
及時節總喚作非時語所以稜嚴會上云欲知佛性  
義當觀時節因緣若明君臣父子邪正觸淨顯然自  
分喚作野老謳歌皇道坦然佛法現前擒縱自在生  
殺臨機或明賓中主或明主中賓或明賓中賓或明  
主中主或兼帶或探竿影草或一句中有三玄三要  
還有問者麼出來對衆商量時有僧問智慧門難解  
難入學人不會請師指示師云真正無私語句下要  
分明學云恁麼則謝師親開方便門也師云千萬年

文脈  
撰述

五言詩錄卷一

八

後不得忘却問靈龜未兆時如何師云海裏搖船笑  
舉棹望程途問甘露水頻淋爲什麼百草不生芽師  
云田疎不貯水龍王爭奈何問寒暑漸盛貧者何依  
師云不掛無私服終日樂哈哈學云恁麼則應不孤  
露也師云溪岩隱不得露地不彰形問不悟祖宗不  
信大道時如何師云打破琉璃卵透出鳳凰兒學云  
今日親見和尚也師云三千里外筭途程問匹馬單  
鎗離羣獨戰時如何師云舉手不拈弓低頭失却箭  
學云和尚是大善知識爲什麼如此師云敗將不斬  
問學人欲涉雲霄去到彼如何爲有情師云塞外將



軍行正令不展紅旗得勝歸問面前無障礙爲什麼  
開口不得師云盡日無記說喃喃語更新學云恁麼  
則已能師子吼也師云不用野干鳴學人便喝師云  
恰是學人擬議師便喝學人禮拜師云敗將不斬問  
如何是衲衣下事師云赫赤窮漢學云乞師方便指  
妙捷句來看師云木女穿鍼山色秀石人牽線海雲  
生問涅槃無異路方便有多門作麼生是無異路底  
句師云鍾鼓分明在日月不曾昏學云恁麼則狗子  
吠人聲師云不咬破人衣

師上堂纔陞座便有僧問從上一人行棒一人行喝

未審成得箇什麼邊事師云總不會用學云堪嗟楚  
下鍾離昧師云庶子當機失戰場學人便喝師云作  
家學人禮拜師云却不作家以拄杖點便喝問殺父  
殺母佛前懺悔殺佛殺祖向什麼處懺悔師云燈連  
挑夜月度盡幾多人學云恁麼則水精宮裏觀明月  
師云映輝明寶燭炎赫燦旌幢問日裏不點燈卽不  
問如何是黑裏不揚眉師云牀底掃不出學云恁麼  
則和尚是用心人也師云天外豈能知

師上堂大衆方集便有僧問如何是汾陽境師云子  
夏峯高登者少西河水滿問津多學云如何是境中

人師云坐久看風信燒香燭聖燈師因頌五位纔畢  
便有僧問如何是正中來師云旱地蓮花朵朵開學  
云開後如何師云金盞銀絲承玉露高僧不坐鳳凰  
臺問如何是正中偏師云玉兔就明初夜後金鷄須  
報五更前問如何是偏中正師云毫末成大樹滴水  
作江河問如何是兼中至師云意氣不從天地得英  
雄豈藉四時推問如何是兼中到師云玉女拋梭機  
軋軋石人打鼓響鋒鋒師因僧請問逐位領出云正  
中來金剛寶劍拂天開一片神光橫世界晶輝朗耀  
絕塵埃正中偏霹靂鋒鋒機着眼看石火電光猶是鈍

思量擬議隔千山偏中正看取輪王行正令七金千  
子總隨身途中猶自覓金鏡兼中至三歲金毛牙爪  
備千邪百性出頭來哮吼一聲皆伏地兼中到大顯  
無功休作造木牛步步火中行眞箇法王妙中妙

### 六相頌

見是阿那律分明無一物大地及山河演出波羅密  
聞是跋難陀聲通總莫過遠近一齊了更不念摩訶  
香是旃加女慈悲心徧普淨穢盡能知卽此我人母  
味是憍梵鉢甜苦尋常說入口辨辛酸恰似當天月  
觸是瞬若多善惡總能和屠割無瞋喜祇箇是彌陀

意是大迦葉毗盧俱一法幽室顯然分枝派千花葉  
龍德府尹李侯與師有舊虛承天寺致之使者三反  
不赴使者受罰復至云必欲得師俱往不然有死而  
已師笑曰老僧業已不出院借往當先後之何必俱  
耶使者云師諾則先後惟所擇師乃令設饌具裝畢  
告衆曰老僧去也誰人隨得一僧出云某甲隨得師  
曰汝日行幾里僧云五十里師云汝隨我不得又一  
僧出云某甲隨得師曰汝日行幾里僧云七十里師  
云汝也隨我不得侍者出云某甲隨得但和尚到處  
某甲即到師曰汝却隨得老僧言訖謂使者曰吾先

文那

五言古詩卷十

十一

行矣怡然坐逝侍者即立化師壽七十八坐六十五  
夏

并州承天嵩禪師語錄

前歲下十世  
嗣首山念

上堂云文殊仗劍五臺橫行唐明一路把斷諸訛三  
世諸佛未出教乘網底遊魚龍門難渡垂鈎四海只  
鈎得龍格外玄談爲求知識若也舉揚宗旨須彌直  
須粉碎若也說佛說祖海水便須枯竭寶劍揮時神  
光萬里放汝一路通方說話把斷咽喉諸人甚處出  
氣師問僧迦葉門前客祇園會裏人云特來禮拜師  
云泊不問過僧便喝師云錯僧又喝師云放你三十

棒僧云許和尚具一隻眼師云喫棒了聽欵問師唱  
誰家曲宗風嗣阿誰師云地連高嶽水接伊川云與  
麼則風穴一句親明旨未審家風事若何師云汝原  
無異路實應萬羣機問萬法還從一法生一法從甚  
處生師云湘州匙筯管陶綿問如何是學人的用  
心處師云着衣喫飯自家事云與麼則和尚慈悲也  
師云寒溫冷暖大家知問如何是承天家風師云胡  
餅日日新鮮佛法年年依舊云只這便是爲別更有  
師云更有則錯云與麼則笑殺衲僧口也師云不得  
不笑云泊合不問過師云苦痛蒼天問鈍根樂小法

文那

五言古詩卷十

十二

不自信作佛作佛後如何師云水裏捉麒麟云與麼  
則便登高座也師云騎牛上三十三天問古人東山  
西嶺青意旨如何師云波斯鼻孔大云與麼則西天  
迦葉東土我師師云金剛手板闕問大悲千手眼那  
箇是正眼師云開化石佛拍手笑晉祠娘子解謳歌  
問如何是不動尊師云鎮天涯云意旨如何師云或  
在山中或在樹下問如何是佛師云金榜題名天下  
傳云與麼則承天鼓響天下咸聞師云紫羅帳裏盛  
莫遣外人聞問古人拈槌豎拂意旨如何師云騎驢  
不着鞵

上堂云全衆生之佛性寂寂涅槃便得心心寂照法  
法虛融物物是道佛佛密密契祖祖潛通三世坦然十  
方不泯只爲衆生不了迷已認他便乃塵勞擾擾妄  
想攀緣卽相離真迷已逐物都爲一念不覺便見空  
裏花生不覺眼中有翳此迷無本性畢竟空覺本無  
迷似有迷覺覺迷迷滅覺不生迷所以經云諸法如  
是生諸法如是滅若能如是解諸佛常現前誰復釋  
迦毗盧文殊普賢是有是無若道是有作何面目若  
道是無諸上座向什麼處行立諸上座何不外遺於  
法界內脫於身心心不繫身身如虛空身不繫心心

五十四

尊宿語錄卷十

三

同法界且道喚作虛空卽是喚作法界卽是若喚作  
虛空又不與諸人說話若喚作法界三界無法何處  
求心衲僧分上還怎生得若於本分猶是葛藤問有  
相卽不問如何是無相師云忻州齊和尚云如何會  
得師云代州鴈門關問牛頭未見四祖時如何師云  
魚龍攪不轉云見後如何師云河枯水竭問未具胞  
胎時還有語句也無師云百尺竿頭揚眉瞬目云未  
審意旨如何師云路上行人點頭嚙唾問六國未寧  
時如何師云王令不在云寧後如何師云獨坐無憂  
樹自然見太平問隔闕年深時如何師云迷子不歸

家云歸後如何師云誰肯問孫臏問如何是一色師  
云九月嚴寒節云一色後如何師云家家造寒衣問  
臨濟推倒黃蘗爲什麼維那喫棒師云正狗不偷油  
鷄銜燈盞走問劔刀磨來久請師握刀看師云旻首  
甌人携劔去云與麼則喚九作十也師云國除三害  
定無延問蓮華未出水時如何師云隱隱地云出水  
後如何師云不碍衆人看師掛紫衣僧問和尚是大  
善知識不拘名利爲什麼却著紫衣師云世尊黃金  
相老僧紫磨身云與麼則前佛後佛同一字也師云  
過去梵王引現在釋迦欽問如何是奪人不奪境師

五十四

尊宿語錄卷一

四

云家鄉有路無人到云如何是奪境不奪人師云暗  
傳天子勅陪行一百程云如何是人境兩俱奪師云  
無頭蝦蟆脚指天云如何是人境俱不奪師云晉祠  
南畔長柳巷問十二時中如何用心師云鷄寒上樹  
鴨寒下水云與麼則不假修證不尋佛祖師云省得  
山僧一半力問萬法歸一一歸何所師云梁王城畔  
趙官家云與麼則四海歸依也師云當今天子聖堯  
舜也不如師因開方丈門不得有僧問石壁山河無  
阻碍此門鎖爲什麼開不得師云石壁山河卽易就  
中此門難開云開後如何師云是什麼問如何是此



經師云郭家剪子天下人聞問和尚能救世間苦還救得這箇也無師云喚什麼作這箇云與麼則漸漸地凍冬後數九師以手一劃云爭奈者箇何云和尚今日上堂師云只有牽船人不知有梢翁問如何是實中主師云相逢不相識云如何是主中賓師云家貧未是貧路貧愁殺人云如何是主中主師云王言如絲其出如綸師因賀歲太保問今日新歲已臨舊歲何在師云今日釘桃符保無語師云會麼云不會師云去年今日事保罔措乃有頌今日釘桃符摧邪道自如誰人相委悉除是碧眼胡問三乘教外別傳

文淵閣

高麗書院

一五

一句如何是別傳一句師云高麗元是新羅國云法海之中得其用也師云波斯鼻孔長三尺新羅走馬大唐知問到此城幾里師云五里云往還不易師云賊打不防家問如何是吹毛劍師云好云用者如何師云棺木裏努眼問不在內不在外不在中間在什麼處師云露地白牛嚼瑞草云未審意旨如何師云滿目溪山一帶烟

上堂云第一單鎗甲馬第二甲馬單鎗第三撒星排陣第四衣錦歸鄉有僧問如何是單鎗甲馬師云不是金牙作爭敢射尉遲云如何是甲馬單鎗師云金

鐵馬前落要樊喪膽鬼云如何是撒星排陣師云陣雲橫海上未辨聖明君云如何是衣錦歸鄉師云四海無消息回奉聖明君百法座主問百法千重鎖因明閉不開師云且出千重鎖云出後如何師云處處無障礙縱橫任意遊鄭工部入院見法座便問是什麼人位次師云老僧云自家爭敢師云工部莫壓良爲賤部云真箇師云不敢遂把手入方丈部云此室常出入未嘗有難得之法長老還有也無師以袖拂工部面云與麼則今日得清涼也師云且與後人作榜樣問如何是學人用心處師云光剃頭淨洗鉢云

文淵閣

高麗書院

一六

如何是學人行履處師云僧堂前佛殿後問如何是截人之機師云要用便用云請和尚便用師云拖出這灰漢有尼大德會四衆到院設齋乃脫羅綺服布素問卸却珍御服著弊垢衣入塵化導是維摩分上事是弟子分上事師云維摩會上誇天女今日闍黎決衆疑云今日不昧於當時也師云眞師子兒一撥便轉女弟子問金剛經中六波羅密那箇第一師云長城齊崩倒方見本來人云學人不會請師直指師云白骨如山嶽滴血驗眞容問如何是佛師云擬心卽差用心卽乖云畢竟如何師云大盡三十日小盡



二十九問祖師西來三藏東被當明何事師云佛殿部署蓋僧堂老僧脩云恁麼則全明今日事也師云今日事作麼生僧便喝師云放汝三十棒鄭工部至茶話次云汾陽有箇昭禪師愛看讀其甲留一偈師云略請見示部舉云黃紙休遮眼青雲自有陰莫將閑學解埋沒祖師心師云工部慣得其便部云者賊師云更不再勘工部問百尺竿頭獨打毬萬丈懸崖絲繫腰時如何師云幽州著脚廣南厮撲部無語師云勘破這漢部云二十年江南界裏這回却見禪師師云瞎老婆吹火知郡張侍郎與部署到見方丈割

又服

三尊信錄卷十

七

破問和尚有護法善神爲什麼却被惡人窺算師云賊是小人智過君子

上堂辭親割愛拋離俗網來入實所禮拜金仙爲師作釋種眷屬既離苦海已達彼岸長行般若之慈舟撈漉愛河之溺子腳踏十方肩擔四海口說一乘之法眼識不二之門內無所有外無所依身如虛空虛空難比豈不號爲無着邪既到此地黃河爲酥酪須彌爲飯食大地爲卧具帝釋梵王執侍巾瓶維摩爲侍者文殊普賢掃床摺被等妙二覺隨驢把馬所以經云一切衆魔及諸外道皆吾侍者諸德不教你作

鄉頭里正耆長大戶一箇箇作師子兒去成佛作祖去入如來藏去如來者諸法如義無所從來亦無所去故號如來豈不快哉諸德三界無法何處求心四大本空佛依何住莫袈裟下多藏毒藥自傷其身乃有頌曰苦哉苦哉寔苦哉萬劫千生金地來袈裟底下藏毒藥却教佛自受沉埋問靈草未生芽時如何師云切忌動著云生芽後如何師云昨夜遭霜了問師子未出窟時如何師云衆獸潛藏云出窟後如何師云衆獸腦裂問二邊純莫立中道不須安意旨如何師云廣南出象牙云不會請師直指師云峇國皮

又服

三尊信錄卷十

十八

毬八百價問如何是先照後用師云打動漢下鼓和起楚王歌云如何是先照後用師云龍沮解布千般計韓信能施堰水功云如何是照用同時師云長蛇偃月齊排出韓信張良唱大歌云如何是照用不同時師云霸王已歸烏江去豎起金鷄賀太平問不在內不在外不在中間在什麼處師云西天白氎東土絲綿云未審此語如何師云南嶽五臺問實所化城相去多少師云舉足下足問六塵境上施耽染方便門中爲指歸師云懷州牛膝天下人聞云與麼則慈音一唱開玄路頭使歸程直到家師云鎮州蘿蔔可

重三斤問三句之中卽句是極則師云徧地露形終不見云更有安身立命處也無師云一生長是鎮天涯

楊大年李駙馬與師問荅問彌陀演化在西方達磨傳心來東土胡來漢現水到渠成五臺鎮靜以崢嶸百谷朝宗而浩渺一靈之性托境而現形三有之中憑何而立命師云仙人無婦玉女無夫楊云尼剃頭不復生子師云峽府鐵牛能哮吼嘉州大像念摩訶李云側跳上山巔師云騎牛不着靴李問玄沙不出嶺保壽不渡河善財參知識五十三員惠遠結黑白

五教

百集詩錄卷十

十九

一十八士雪峯三度上投子智者九旬講法華這六箇漢爲復野干鳴爲復師子吼道道師云水急魚行湍峯高鳥不栖楊云泗州大聖師云土上加泥又一重李云舌上覆金錢師云半夜歌樂動誰人得知音又問風穴提印南院傳衣昭公演化於西河嵩師領徒於并壘南宗之旨北土大興且道二師承誰恩力師云不入蓮池浴懶向雪山遊楊云清涼山裏萬菩薩師云維摩會中諸聖集李云背負乾薪遭野火師云口是禍門問切利透日月之上四禪免風火之災三交駕大牛之車臨汝握全提之印彌猴有一面古

鏡狸奴有萬里神光直下承當是何人也師云朝看東南暮觀西北楊云狸奴白牯却知有師云淹殺塚頭蒿李云月裏煮油鐺師云石人腰帶又問一切諸佛盡在裏許動卽喪身失命覷着兩頭俱瞎擬議之時千山萬水直下會得也是炭庫裏坐地有不惜眉毛者通箇消息來師云百雜碎楊云平生不妄語師云也要道過李云出穴鬼遭胃師云東西無滯礙南北得自在復有頌曰一言纔出徹龍庭攪動須彌帝釋驚三世諸佛齊坐了杖頭傀儡弄霞睛楊云今年桃李味甘香一顆千金買得嘗貯藥胡盧拖鼠尾

五教

百集詩錄卷十

二十

穴門小窄轉難藏師又荅千年桃核未聞香幾度逢春難得嘗靈龜曳尾除蹤迹沙中抱子更難藏楊又荅五臺山裏有文殊羅漢天台洞裏居爲問紫胡一隻狗何如普化一頭驢師又荅忽聞師子吼引出象王威把定聖凡路誰人敢揚眉擬議塵沙劫動念隔千岐瞬目他方去早已著灰泥楊再荅蜘蛛網中坐蟲兒不敢過昨夜三尺雪百鳥盡遭餓果熟樹低垂鵝肥甌單破借問末山尼何如劉鐵磨師再荅山高入難上海深不見底樵夫謾踏鞋漁父休誇水言却超百億收來維摩詰若覓同道人曠劫不相識師作

宗本頌左顧右覩黃昏莽園展手回來早是彰露且道作麼生是彰露底句楊云正殺人時督出頭師云兩脚稍空手又曾李云左鬚右髮隱文章師云名利已彰天下去丫頭女子倒騎牛師復云維摩一默文殊贊善若遇老僧在彼各與三十棒且道這二老漢過在什麼處楊云頭破作七分如阿梨樹枝師云迦葉不擎拳阿難不合掌李云似犢牛兒未用角時師云忪屈拳打令師復云教有明文佛身充滿於法界老僧今日充滿於法界侍郎即今在什麼處楊云布裙一截泥努出膝蓋子師云寬口布袴三尺杖李云

河水一擔直三文師云只見鼻頭津不見頂後濕鄭工部到汾陽昭和尚處茶話次部云某甲留一偈贈師偈曰黃紙休遮眼青雲自有陰莫將閑學解埋沒祖師心復云只將此偈驗天下長老汾陽云與麼則汾陽也在裏頭部云檐枷過狀昭云更不再勘部云兩重公案昭云知即得部良久昭噓一聲部云文寶文寶昭云在甚所在部云不容某甲出氣爭得嗔他道淹滯長老在此昭云是何言歟部云寔昭云也不得放過部云請師一偈昭云不開紙墨遂上札荒草尋幽徑岩松迥布陰幾多玄學客夫却本來心師在

首山會下因一日問如何是佛法的大意山云楚王城畔汝水東流師於此大悟乃作三玄偈曰要用直須用心意莫定動三歲師子吼十方沒狐種我真如性如同幕裏隱打破六門關顯出毗盧印真骨金剛體可誇六塵一拂永無遮廓落世界空爲體體上無爲真到家時首山聞得乃請師契茶問云三頌是汝作耶師云是山云或有人教汝現三十二相時如何師云某甲不是野狐精山云惜取眉毛師云和尚落了多少山以竹篋向師頭上打云這漢向後亂做去在師自後辭山山以拄杖付師接得有頌云和

尚拄杖照破龍象臨濟家風落在我掌山云莫相帶累師以坐具便打山云果然帶累師云今日捉敗這老漢山云又似得便宜又似落便宜  
古尊宿語錄卷第十



古尊宿語錄卷第十一

慈明禪師語錄

南嶽下十  
世嗣汾陽

師諱楚圓族出全州清湘李氏少爲書生年二十二依城南湘山隱靜寺得度其母有賢行使之遊方師連眉秀目頎然豐碩然忽繩墨所至爲老宿所呵以爲少叢林師笑曰龍象蹴踏非驢所堪嘗蒙骨董箱以竹杖荷之遊襄沔間與守芝谷泉俱結伴入洛中聞汾陽昭禪師道望爲天下第一決志親依時朝廷方問罪河東澤潞皆屯重兵多勸其無行師不顧渡大河登太行易衣類厮養竄各火隊中露眠草宿至

龍州遂造汾陽先是汾陽預語首座非久有異僧至傳持吾道一日忽率首座遊山首座云何往汾州云接待者去首座云和尚顛倒作什麼汾州云但去果逢師至卽與同歸經二年未許入室師每詣方丈汾州揣其志必罵詬使令者或毀詆諸方及有所訓皆流俗鄙事一夕訢曰自至法席不蒙指示念歲月飄忽已事未明有失出家之利語未卒汾陽叱曰是惡知識敢裨販我舉杖逐之師擬伸救汾陽忽掩其口乃大悟曰是知臨濟道出常情乃服役七稔去謁唐明嵩神昇諶洞山聰暨登揚大年李都尉之門機語

契投於是法道大振宜春守黃公宗旦請開法南源次遷道吾石霜福嚴興化都尉李侯遵勗奏賜命服徽號僧問如何是道曰踏着不瞋云如何是道中人曰冒馱背負問如何是祖師西來意曰渾家送上渡頭船問如何是異類中人曰頭長脚短云謝師指示曰半幅全封云直恁麼去也曰闍黎鼻孔爲甚麼在山僧手裏僧無語師便打問蓮花未出水時如何曰水滾蓋不得云出水後如何曰不礙往來看云花開後如何曰南北馨香云結子後如何曰饒魚饒鼈問如何是禪曰鼻孔入地師同大愚數輩辭汾陽相讓

不肯作叅頭汾陽云此行不可以戒鵬推聽吾偈曰天無頭吉州城外起戈矛將軍疋馬林下過員州城裏開啾啾師遽出班云楚圓何人敢受和尚如此記荆卽領衆作禮汾復祝之曰吾在先師處親證三昧汝今已得宜往南方大興吾道卽造洞山寶禪師席終日面壁寶問達磨九年面壁意旨如何師云空腹高心寶翌日陞堂請師竟第一座師住南源開堂曰白槌云法筵龍象衆當觀第一義師乃云大衆會麼宜陽秀水南嶽石橋若也不會謾你諸人去也所以道達磨西來教外別傳一句且道別傳個什麼直指



人心見性成佛祇如諸人盡是祖師指出底人還信得及麼若信得及與祖佛同叅若信不及可謂自生退屈此日一會不是小緣將一瓣香爲我無得禪師且道諸人還識無得禪師麼若也不識有疑請問僧問世尊出世梵王前引帝釋後隨今日和尚出世請師說法師云好僧云恁麼則粉骨碎身去也師云三月野花鋪地錦九秋黃葉以爲陰問如何是祖師西來意師云畝地三蛇九鼠

上堂云若論此事絕有言詮侍者拈香早成多事所以釋迦掩室已涉繁詞居士默然却成多說何故彼

彼出家彼彼行脚且問諸人作麼生是出家行脚底事莫是着衣喫飯行住坐臥廣學多聞無言無說麼若恁麼會大似掉棒打月既不許恁麼會又作麼生會衆中還有識好惡者麼有卽出來對衆證明若也未能如是有疑請問僧問鼓聲纔罷大衆雲臻祖意西來請師舉唱師云汝從甚處來僧云汾陽一句師親唱南源今日事如何師云汝見南源問有言有說皆是世諦之談無言無說未是衲僧行履處幸對人天請師垂示師云放山僧一線道與闍黎葛藤僧云恁麼則專爲流通師云一片白雲橫世界個中誰是

出頭人

師入州崇勝和尚請上堂云者裏崇勝法堂不可向者裏說佛說法去也然雖如是官不容針私通車馬恁麼大似擔水河頭賣衆中還有檢點得底麼試出來檢點看有麼有麼時有僧問諸法已聞今日響請師方便演真乘師云天不高地不遠僧云孤峯出羣嶽萬里百花新師云不是直鈎客徒勞到海壖問昔日靈山分半座二師相見意如何師云來風可鑒進云恁麼則大衆側聆學人禮拜師云劄利人難得問如何是古佛家風師云金蟾初出海何處不分明進

云還許學人請益否師云大海無邊際不宿水雲人乃云若向言中取則埋沒宗風直饒句下精通致保此人未悟所以道山青水綠雀噪鴉鳴萬派同源海雲自異未來諸佛口似燈籠過去諸佛應病施方現在諸佛墮坑落壑不落凡聖一句作麼生道良久云矢上更加尖便下座

師至仰山請上堂云寶鏡當臺森羅自顯太阿在手殺活臨時且道還有該不着者麼有卽倒道將一句來如無後學初心有疑請問時有僧問知師久臥溪潭裏大仰陞堂事若何師云雨來山裏暗雲出洞中

明進云學人不會再伸請益師云拈取幡竿別處春  
僧無語師云弄潮須是弄潮人問大通智勝佛十劫  
坐道場佛法不現前不得成佛道未審意旨如何師  
云一場懺懺進云祇如大通智勝佛又如何師云八  
十翁翁若少年進云學人耳順之年乞師再垂方便  
師云衆人伏事問如何是佛師云蓮花捧足

上堂僧問油盡燈滅時如何師云養子不及父問海  
上雲遊時如何師云苦問如何是和尚受用處師云  
困僧擬進語師便打問失前忘後時如何師云不  
上堂豎起拄杖云過去諸佛現在諸佛未來諸佛西

天二十八祖唐土六祖天下老和尚總變成南源拄  
杖子去也汝諸人向什麼處安身立命看看拄杖子  
穿過你諸人觸體去也還有識痛癢者麼有卽出來  
對衆踴躍看若無南源今日失利喝一喝卓拄杖一  
下下座

示衆云無明實性卽佛性幻化空身卽法身諸仁者  
若也信得去不妨省力可謂善財入彌勒樓閣無邊  
法門悉皆周徧得大無礙悟法無生是謂無生法忍  
無邊剎境自他不隔於毫端十世古今始終不離於  
當念且問諸人阿那個是當念只如諸人無明之性

卽汝本覺妙明之性蓋爲不了生死根源執妄爲實  
隨妄所轉致墮輪回受種種苦若能回光反照自悟  
本來真性不生不滅故無明實性卽佛性幻化空身  
卽法身只如四大五蘊不淨之身卽無實義如夢如  
幻如影如響從無量劫來流浪生死貪愛所使無暫  
休歇出此人彼積骨如毗富羅山飲乳如四大海水  
何故爲無智慧不能了知五蘊本空都無所實遂妄  
所生貪欲所拘不能自在所以世尊云諸苦所因貪  
欲爲本若滅貪欲無所依止汝等若能了知幻身虛  
假本來空寂諸見不生無我人衆生壽者法皆如故

幻化空身卽法身法身覺了無一物唯有聽法說法  
虛玄大道無着真宗故云本源自性天真佛又云五  
陰浮雲空去來三毒水泡虛出沒若如是者爲度一  
切苦厄乃至無量無邊煩惱知解悉皆清淨是爲清  
淨法身若到這個田地便能出此入彼捨身受身地  
獄天堂此界他方縱橫自在任意浮沉應物舒光隨  
機逗教喚作千百億化身恁麼說話可謂無夢說夢  
和泥合水撒屎撒尿不識好惡乃呵呵大笑云若向  
衲僧門下十萬八千未夢見他汗臭氣在雖然如是  
事無一向但以假名字引導於衆生喝一喝

示衆云馬大師卽心卽佛當人未悟盤山非心非佛只成戲論之談雪峯輟毬誑說小兒之作雲門顧鑒笑殺傍觀少室自傷一場大錯德山入門便棒未遇奇人臨濟入門便喝太殺輕薄黃梅呈頌人我未忘更言祖祖相傳遞相誹謗到這裏須是個人始得所以道鷹生鷹子鶻生鶻兒然雖如此也是鞏縣茶瓶乃彈指一下

示衆云上來也步步登高下去也通身無礙所以道有時先敲後唱有時先唱後敲有時敲唱同時有時敲唱不同時所以王登寶殿野老謳歌如今還有謳

歌者麼良久云木人雖舉手石女不擡頭喝一喝示衆云百千法門同歸方寸河沙妙義總在心源無三界可出無菩提可求人與非人性相平等既然如是爲甚麼那吒撲帝鍾良久云波斯鼻孔長又長示衆說佛說祖合泥合水向上向下衲僧破草鞋總不與麼無繩自縛且獨脫一句作麼生道還有人道得麼試對衆倒道將一句來有麼有麼良久云塚上更加泥喝一喝師問僧各甚麼僧云海滿師云海無增減爲甚麼却滿云和尚莫謾海滿師云南源罪過師問僧近離什麼處云雲過千山碧師云着忙作甚

麼云鴈去水聲淒師便喝僧亦喝師便打僧亦打師云你這瞎漢本分打出三門外念汝是新到且坐喫茶師問僧行脚人須知有行脚事作麼生是行脚事云知師云知底事作麼生云山高水深師云念汝遠來且坐喫茶僧云諾諾師問顯英首座近離甚麼處云金鑾師云夏在甚麼處云金鑾云前後夏在甚麼處云金鑾師云先前夏甚麼處云和尚何不領話師云我也不

能勘得你敎庫下供過奴子來勘且點一椀茶與你濕口師問僧近離甚麼處僧以手面前一劃師云是何言歟僧便喝師云作甚麼僧撫掌一下便打師云瞎

漢亂做作麼以坐具直打出法堂師道過瑯琊時覺禪師住焉先是舉道者到瑯琊造方丈覺問近離甚麼云兩浙覺云船來陸來云船來覺云船在甚麼處云步步覺云不涉程途一句作麼生道舉以坐具撼一撼云杜撰長老如麻似栗拂袖便出覺問侍者此是甚人云舉上座覺遂親下且過堂問莫是舉上座麼勿恠適來相觸忤舉便喝云我在浙江早聞你各元來見解只如此何得各播寰宇覺遂作禮云慧覺罪過及師至瑯琊覺留之師爲逗遛數日因夜話及之師笑曰舉見處纔能自了覺默然師爲作牧童歌曰



牧牛童實快活。跌足披蓑。雙角撮橫眠。牛上向天歌。  
人問如何。牛未渴。回首看平田。闊四方。放去休欄。過  
八面。無拘任意遊。要收只在索頭撥。小牛兒順毛。將  
角力未克。難提掇。且從放在小平坡。慮上高峯。四蹄  
脫日已。高休喫草。担定鼻頭。無老少。一時牽向圈中  
眠。和泥看伊。東西倒笑。呵呵。好不好。又將橫笛。順風  
吹。震動五湖。山海島。倒騎牛。脫布襖。知音休向途中  
討。若問牧童何處。居鞭指東西。無一寶。覺默得其遊  
戲。三昧僧問如何。是賓中賓。師云。禮拜更殷勤。如何  
是賓中主。師云。拄杖常在。手如何。是主中賓。師云。拄

王支那

王支那

九

杖撥乾坤如何。是主中主。師云。劒握甌人。手問如何。  
是佛師云。瀟湘斑竹。杖問祖佛不立時如何。師云。口  
上生茆。問纔見便回時如何。師云。湖南鎮主進云。未  
後殷勤請師道。師云。多少分明進云。大眾側聆。師云。  
未敢相許。問進前不得時如何。師云。截斷眾疑。問步  
步登高時如何。師云。雲生足下。問如何是南源狗師。  
云。觜問如何。是禪師云。鼻孔入地。問如何是佛師云。  
石打不入。

上堂云。諸佛放光明。助發實相義。乃豎起拄杖子云。  
者個是南源拄杖子。阿那個是實相義。你若見去。被

見聞所轉也。若不見行脚眼在什麼處。喝一喝下座。  
上堂云。一塵纔舉。大地全收。一毛頭師子。百億毛頭。  
現百億毛頭。師子一毛頭。現千頭萬頭。但識取一頭。  
乃豎起拄杖子云。者個是南源拄杖子。那個是一頭。  
喝一喝。卓拄杖一下。下座。問如何是佛師云。人老病  
生。問如何是接初機底句。師云。一刀兩段。問如何是  
驗衲僧底句。師云。寒山拾得。問如何是正令行底句。  
師云。來千去萬。問如何是立乾坤句。師云。天高海闊。  
問與師並坐時如何。師云。線穿黃葉。  
上堂云。天地與我同根。萬法與我一體。乃豎起拄杖。

王支那

王支那

一

子云。者個是南源拄杖子。那個是體長久。云。渡河須  
用筏。到岸不須船。喝一喝。卓拄杖一下。下座。  
上堂。豎起拄杖云。河沙諸佛。河沙國土。總被南源拄  
杖子一口吞却。其中眾生不覺。不知你衲僧鼻孔在  
什麼處。若知去處。橫擔拄杖。目視雲霄。若也不知。長  
連牀上有粥。有飯。喝一喝。下座。俗官問如何是南源  
境。師云。鑿池秋待月。種竹夏遮陽。如何是境中人。師  
云。城中公子般般貴。林下道人。事事貧。問久昧衣珠。  
請師指示。師云。草賊大敗。僧云。透走無路。師云。脚踏  
不動座。主問承教有言。因緣自然。即不問如何。是因



緣師云記來多少時也進云如何是自然師云速退速退妨他別人問

師住道吾上堂僧問達磨西來曲爲今時不屈宗乘請師舉唱師云雲雨灑長空花開徧地春進云澗松清冷澹曉月照長川師云一言旣流通今古誰言異進云雲生嶺上花發巖前師云相逢盡道休官去林下何曾見一人進云今日遭逢和尚師便喝

上堂云佛以一音演說法衆生隨類各得解且道晝行夜臥一句作麼生道良久以拄杖卓一下云德山證明下座問解多當軒學人擬議如何得入師云還

覺頭痛麼

上堂云心隨萬境轉轉處實能幽隨流認得性無喜復無憂拈起拄杖子云者個是道吾拄杖子那個是諸人心河沙國土河沙諸佛西天二十八祖唐土六祖盡在道吾拄杖子上轉大法輪諸人還見麼若見朝遊西天暮歸東土若也不見晨朝有粥齋時有飯卓拄杖一下下座

上堂云有物先天地無形本寂寥能爲萬像主不逐四時凋枯拄杖云者箇是道吾拄杖那箇是萬像主良久云若見諸相非相卽見如來喝一喝卓拄杖一

下下座

上堂云有時先照後用有時先用後照有時照用同時有時照用不同時所以道有明有暗有起有倒乃喝一喝云且道是照是用緇素辨得麼試出來呈醜拙看若無道吾今日失利喝一喝下座

上堂僧出禮拜起便喝師云作麼生僧又喝師云瞎僧禮拜師云三十棒且待別時來與你喫問古人面壁意旨如何師云有年無德

師住石霜開堂日僧問維摩一默未稱師宗棒喝齊施中流罔措今日一會請師方便師云石笋逢春長

霜花向日開進云與麼則陽鳥喃喃語雨過百花新

師云不因漁父引焉知水淺深僧云峻水隨流急雲開照碧天師云我行荒草裏你又入深村僧應諾云官不容鍼更借一問師意如何師云放你三十棒三十年後方始知痛癢僧舞袖而退師云夢見問方木調弦時如何師云幞竿一尺二進云恁麼則和尚手出今時也師云脚撥不動僧云莫道不知音師云三

十年後悟去不定問古鏡未磨時如何師云新羅打鼓進云磨後如何師云西天作舞

上堂云青蓮視瞬已多繁迦葉微微笑自謾少室坐

差癡截臂黃梅口玉解頌多般入門棒喝重重錯向上  
宗乘肉自剝公案現成誰懺懺鑒喫啐啄哂傍觀一  
宿覺來知是誤不言師範更無端丈夫皆有衝天志  
北斗南星背面看

偈頌

因僧請益三玄三要頌

第一玄三世諸佛擬何宣垂慈夢裏生輕薄端坐還  
成落斷邊

第二玄伶俐衲僧眼未明石火電光知是鈍揚眉瞬  
目涉關山

撰述

古堂信語錄卷十一

十一

第三玄萬象森羅宇宙寬雲散洞空山嶽靜落花流  
水滿長川

第一要豈話聖凡妙擬議涉長途擡眸七顛倒

第二要峯頂敲健召神通自在來多聞門外叫

第三要起倒令人笑掌內握乾坤千差都一照

報你通玄士棒喝要臨時若明親的旨半夜太陽輝

因僧請益臨濟兩堂首座齊下喝頌

啐啄之機箭拄鋒瞥然賓主當時分宗師愍物垂緇  
素北地黃河徹底渾

因人請益慧超佛話有頌

僧問如何是佛師云汝是慧超禮拜進前叉手思量  
十萬迢迢

因僧請益雲門超佛越祖之談

超佛越祖若何宣克齋餠餅恣情食湖南展鉢新羅  
咬大石波斯索渡船

因僧請益乃述三訣頌

第一訣大地山河泄維摩纔默然文殊便饒舌

第二訣展拓看時節語默豈相干夜半秋天月

第三訣遠路難登涉陸地弄舟船眼中藏日月

三句頌

撰述

古堂信語錄卷十一

十四

第一句天上他方皆因措俱輪顛倒論多端巍巍未  
到尼俱樹

第二句臨濟德山涉路布未過新羅棒便揮達者途  
中亂指注

第三句維摩示疾文殊去對談一默震乾坤直至如  
今作笑具

因僧請益五位有頌

今作笑具

因僧請益五位有頌

正中偏半夜烏鷄室裏鳴海底然燈光世界石上栽  
花長枝靈

偏中正日落西山觀異影分明影像顯宗乘休把眉

頭窺月井

正中來木馬生兒徧九垓進退任行通鳥道管並巢

居界內隈

兼中至彼彼丈夫全意氣矛盾交互不傷鋒展拓縱

橫不相離

兼中到黑白已前休作造須明露柱未生兒莫認狂

辭途路走

都一頌

徧中歸正極幽玄正去徧來理事全須知正立非言

說朕非依係屬有緣兼至去來興妙用到兼何更逐

言詮出沒

豈能該世界蕩蕩無依鳥道玄

因僧請益風穴佛話

杖林山下竹筋鞭南北禪人萬萬千莫恠相逢不下

馬東西各自有前程

寄李駙馬

分身千百億悲智願難窮在俗還隨俗居宮即順宮

頭頭皆巨護處處現神通珍重吾宗幸多能立古風

仰觀天畔一輪日幾度清光四上出大士蓬頭問志

公摩訶般若波羅蜜

注杜順和尚頌

懷州牛喫禾

河沙益州馬腹脹

天下召醫人

頭

馬灸猪左膊上

成狸

冬木人事頌一首示眾云

東山林木高幾歲幾回雨南嶺松枝瘦石生石畔土

金色見瞿曇二二七八五

僧請益古人十二時歌乃頌之

鷄鳴丑夢裏逢人莽莽鹵平旦寅覺來路上弄精寬

日出卯赫赫光明影裏坐食時辰食飽還知是病因

禺中已買賣論量入市肆日南午萬像分明作笑具

日昃未張公喫酒李公醉晡時申省來端坐醉醺醺

日入酉茆蓬竹戶硬撐拄黃昏戌日落西山狐魅出

夜半子一輪明月蘇噓哩人定亥老鼠牀頭作隊隊

古尊宿語錄卷十一

金壇居士于玉立施贊刻此

古尊宿語錄卷第十一計字五千八百二十該

銀三兩零二分六厘

銀山輝海亮對上元陶邦本書陶邦立刻

萬曆甲寅歲秋八月徑山化城識

萬曆甲寅歲秋八月徑山化城識

萬曆甲寅歲秋八月徑山化城識

萬曆甲寅歲秋八月徑山化城識

古尊宿語錄卷第十二

池州南泉普願禪師語要

南嶽下三世  
嗣馬祖一

師諱普願鄭州王氏子也示衆云王老師賣身去也還有人買麼時有僧出衆云某甲買師云不作貴不作賤你作麼生買僧無對師同魯祖歸宗杉山喫茶次祖提起盞子云世界未成時便有這箇師云今時只識這箇且不識世界宗云是師云師兄莫同此見麼宗提起盞子云向世界未成時道得麼師作掌勢宗以面作受掌勢師與魯祖杉山歸宗辭馬祖各謀住庵中路分袂次師挿下拄杖云道得也被這箇礙

古文都

古尊宿語錄卷十二

一

道不得也被這箇礙宗拽拄杖便打云也只是這箇王老師說甚麼礙不礙魯祖云只此一句大播天下宗云還有不播底麼祖云有宗云作麼生是不播底祖作掌勢師寄書與茱萸云理隨事變寬廓非外事得理融寂寥非內僧問茱萸如何是寬廓非外茱萸云問一答百也無妨云如何是寂寥非內萸云覩對聲色不是好手又問趙州州作喫飯勢僧進後語州作拭口勢又問長沙岑岑瞪目視之僧進後語岑閉目示之僧舉似師師云此三人不謬爲吾弟子趙州問和尚百年後向甚麼處去師云山下作一頭水牯

古文都

古尊宿語錄卷十二

二

牛去州云謝師指示師云昨夜三更月到憲師刈茆次有僧問南泉路向甚麼處去師豎起鎌云我這鎌子是三十文買僧云我不問這箇南泉路向甚麼處去師云我用得最快師住庵時有一僧來師云某甲上山作務齋時上座做飯喫了却送一分來其僧齋時做飯喫了將家具一時打破就床而臥師伺不來遂歸見僧偃臥師亦去身邊臥僧便起去師云得恁麼靈利師住後云我往前住庵時有箇靈利道者直至如今不見師問僧夜來好風云夜來好風師云吹折門前一株松僧云吹折門前一株松又問一僧云

夜來好風云是甚麼風師云吹折門前一株松云是甚麼松師云一得一失有一庵主人謂之曰南泉近日出世何不去禮拜主云非但南泉直饒千佛出興亦不去師聞令趙州往勘之州纔見庵主便作禮主不顧州從西過東從東過西而立主亦不顧州云草賊大敗拽下簾子便行舉似師師云我從來疑着這漢僧問牛頭未見四祖時爲甚麼百鳥銜花獻師云爲渠步步踏佛階梯云見後爲甚麼不銜花獻師云直饒不來猶較王老師一線道師問座主講甚麼經云彌勒下生經師云彌勒幾時下生云現在天宮未



來師云天上無彌勒地下無彌勒

上堂云諸子老僧十八上解作活計有解作活計者出來共你商量是住山人始得良久顧視大眾合掌曰珍重無事各自修行大眾不去師曰如聖果大可畏勿量大人尚不奈何我且不是渠渠且不是我渠爭奈我何他經論家說法身爲極則喚作理盡三昧義盡三昧似老僧向前被人教返本還源去幾恁麼會禍事兄弟近日禪師太多覓箇癡鈍人不可得不得道全無於中還少若有出來共你商量如空劫時有修行人否有無作麼不道阿你尋常巧唇薄舌及乎

問者總皆不道何不出來莫論佛出世時事兄弟今時人擔佛著肩上行聞老僧言心不是佛智不是道便聚頭擬推老僧無你推處你若束得虛空作棒打得老僧著一任推時有僧問從上祖師至江西大師皆云卽心是佛平常心是道今和尚云心不是佛智不是道學人悉生疑惑請和尚慈悲指示師乃抗聲荅曰你若是佛休更涉疑却問老僧何處有恁麼傍家疑佛來老僧且不是佛亦不曾見祖師你恁麼道自覓祖師去曰和尚恁麼道教學人如何扶持得師曰你急手托虛空著曰虛空無動相云何托師云你

言無動相早是動也虛空何曾解道我無動相此皆是你情見曰虛空無動相尚是情見前遣某甲托何物師曰你既知不應言托擬何處扶持他曰卽心是佛既不得是心作佛否師曰是心是佛是心作佛情計所有斯皆想成佛是智人心是采集主皆對物時他便妙用大德莫認心認佛設認得是境被他與作所知愚故江西大師云不是心不是佛不是物且教你後人恁麼行履今時學人披箇衣服傍家疑恁麼開事還得否曰既不是心不是佛不是物和尚今却云心不是佛智不是道未審如何師曰你不認心是

佛智不是道老僧勿得心來復何處著曰總既不得何異太虛師曰既不是物比什麼太虛又教誰異不異曰不可無他不是心不是佛不是物師曰你若認遮箇還成心佛去也曰請和尚說師曰老僧自不知曰何故不知師曰教我作麼生說曰可不許學人會道師曰會什麼道又作麼生會曰某甲不知師曰不知却好若取老僧語喚作依通人設見彌勒出世還被他擣却頭毛曰使後人如何師曰你且自看莫憂他後人曰前不許某甲會道今復令某甲自看未審如何師曰冥會妙會許你作麼生會曰如何是妙會

師曰還欲學老僧語縱說是老僧說大德如何曰某甲若自會卽不煩和尚乞慈悲指示師曰不可指東指西賺人你當哆哆和尚時作麼不來問老僧今時巧點始道我不會圖什麼你若此生出頭來道我出家作禪師如未出家時曾作什麼來且說看共你商量曰恁麼時某甲不知師曰旣不知卽今認得可可是邪曰認得旣不是不認是否師曰認不認是什麼語話曰到遮裏某甲轉不會也師曰你若不會我更不會曰某甲是學人卽不會和尚是善知識合會師曰遮漢向你道不會誰論善知識莫巧點看他江西

老宿在日有一學士來問如水無筋骨能勝萬斛舟此理如何老宿云遮裏無水亦無舟論什麼筋骨他學士便休去可不省力所以數數問道佛不會道我自修行用知作麼曰如何修行師曰不可思量得向人道恁麼修恁麼行大難曰還許學人修行否師曰老僧不可障得你曰某甲如何修行師曰要行卽行不可專尋他輩曰若不因善知識指示無以得會如和尚每言修行須解始得若不解卽落他因果無自由分未審如何修行卽免落他因果師曰更不要商量若論修行何處不去得曰如何去得師曰你不可

逐背尋得曰和尚未說教某甲作麼生尋師曰縱說何處覓去且如你從旦至夜忽東行西行你尚不商量道去得不得別人不可知得你曰當東行西行總不思量是否師曰恁麼時誰道是不是曰和尚每言我於一切處而無所行他拘我不得喚作徧行三昧普現色身莫是此理否師曰若論修行何處不去不說拘與不拘亦不說三昧曰何異有法得菩提道師曰不論異不異曰和尚所說修行迢然與大乘別未審如何師曰不管他別不別兼不曾學來若論看教自有經論座主他敎家實大可畏你且不如聽去好

曰究竟令學人作麼生會師曰如汝所問元只在因緣邊看你且不柰何緣是認得六門頭事你但會佛那邊却來我與你商量兄弟莫恁麼尋逐不住恁麼不取古人道行菩薩行唯一人行天魔波旬領諸眷屬常隨菩薩後覓心行起處便擬撲倒如是經無量劫覓一念異處不得方與眷屬禮辭讚歎供養猶是進修位中下之人便不柰何況絕功用處如文殊普賢更不話他兄弟作麼生道行是無覓一人行底人不可得今時傍家從年至歲只是覓究竟作麼生空弄唇舌生解曰當恁麼時無佛名無衆生名使某甲

作麼圖度師云你言無佛名無衆生名早是圖度了也亦是記他言語曰若如是悉屬佛出世時事了不可不言師曰你作麼生言曰設使言言亦不及師曰若道言不及是及語你虛恁麼尋逐誰與你爲境曰旣無爲境者誰是那邊人師曰你若不引教來卽何處論佛旣不論佛老僧與誰論遶邊那邊曰果雖不住道而道能爲因如何師曰是他古人如今不可不奉戒我不是渠渠不是我作得伊如狸奴白牯行履却快活你若一念異卽難爲修行曰云何一念異難爲修行師云纔一念異便有勝劣二根不是情見隨

他因果更有什麼自由分曰每聞和尚說報化非真佛亦非說法者未審如何師曰緣生故非曰報化旣非真佛法身是真佛否師曰早是應身也曰若恁麼卽法身亦非真佛師曰法身是真非真老僧無舌不解道你教我道卽得曰離三身外何法是真佛師曰遮漢共八九十老人相罵向你道了也更問什麼離不離擬把楔釘他虛空曰伏承華嚴經是法身佛說如何師曰你適來道什麼語其僧重問師顧視歎曰若是法身說你向什麼處聽曰某甲不會師曰大難大難汝看亮座主是蜀中人解講三十二本經論於

江西講次來見開元寺老宿宿問見說座主解講經是否主云不敢宿云將什麼講主云將心講宿云心如工技見意如和伎者爭解講得主云莫是虛空講得宿云却是虛空講得主拂袖便行宿召座主主回首宿云是什麼主便開悟兄弟看他快利麼僧云據和尚說卽法身說法師云若如是會早應身了也僧云旣是應身豈無說法者師云我不知僧云某不會師云不會却好免與他分疎問教中道法身大士會處卽見法身佛地位菩薩卽見報身佛二乘唯見化身佛莫是此理否師云我眼不曾看教兼無耳孔不

曾聽你自看取若如是憶持卽已後始不奈何如似弄珠說珠光徧有金盤在卽得忽被拈却金盤去何處弄珠向什麼處尋他光徧與不徧學人禮拜和尚笑云大難大難古人罵你喚作田獵漁捕喚作搬糞人好去珍重

師示衆云真理一如潛行密用無人覺知呼爲滲智亦云無滲不可思議等空不動性非生死流道是大道無礙涅槃妙用自足始於一切行處而得自在故云於諸行處無所而行亦云徧行三昧普現色身只爲無人知他用處無蹤跡不屬見聞覺知真理自通



妙用自足大道無形真理無對所以不屬見聞覺知無麤細想如云不聞不聞是大涅槃道者箇物不是聞不聞僧問大道不屬見聞覺知未審如何契會師云須會冥契自通亦云了因非從見聞覺知有見知屬緣對物始有者箇靈妙不可思議不是有對故云妙用自通不依傍物所以道通不是依通事須假物方始得見所以道非明暗法離有離無潛理幽通無人覺知亦云冥會真理非見聞覺知故云息心達本源故號如如佛畢竟無依自在人亦云本果不從生因之所生文殊云惟從了因之所了不從生因之所

生從上已來只教人會道更不別求若思量作得道理盡屬句義三乘五性義理無不喚作行履處處受用具足即得若論道即不是一向耽著被他識拘亦云世間智教云一向耽著三藏學者爲田獵漁捕爲利養故殺害大乘亦云貪欲成性所以云佛不會道我自修行我自妙用亦云正因了六波羅密空即物拘我不得所以祖師西來恐你諸人迷著因果地位故來傳法救迷情頓悟花情已性是花種性亦云菩提花故江西老宿云不是心不是佛不是物先祖雖說即心即佛是一時間語空拳黃葉止啼之說如

今多有人喚心作佛喚智爲道見聞覺知皆是道若如是會者何如演若達多迷頭認影設使認得亦不是汝本來頭故大士呵迦旃延以生滅心說實相法皆是情見若言即心即佛者如兔馬有角非心非佛牛羊無角汝心若是佛亦何用非他有無形相以何是道所以教中不許寧作心師不師於心心如工伎兒意如和伎者故云心智俱不是道見聞覺知皆屬因緣而有皆是炤物而有不可常炤所以心智俱不是道且大道非明暗法離有無數數不能及如空劫時無佛名無衆生名與麼時正是道只是無人覺知

見他數不及他喚作無名大道早屬名句了也所以真理一如更無思想纔有思想即被陰拘便有衆生各有佛名佛出世來喚作三界智人只如未出世時喚作什麼如云智不得有無而興大悲心佛出世只令人會道體非凡聖喚作還源歸本體解大道今日既如是會道即無量劫來六道四生皆有去來是暫時行履處先聖本行集云我無所不行一切衆生雖在如是行處爲無了因故生貪欲名爲在纏不得自在暫時岐路雲駛月運舟行岸移衆生妄想物無不住豈況理能遷變今既如是會却向裏許行履不同



前時爲了因會本果故了陰界空六波羅蜜空所以得其自在若不向裏許行履如何摧剗得五種貪二種欲不守住聲聞隨於劫數所以諸佛菩薩具福智二嚴爲了因了六波羅蜜空體者箇受用所以不存知見始得自在若有知見卽屬地位便有分劑心量被因果隔喚作酬因答果佛不得自在所以大聖訶他爲內見外見情量不盡二障二愚所以見河能漂香象真理無形如何知見大道無形理絕思量今日行六波羅蜜先用了因會本果故了此物是方便受用始得自由去住自在無障礙亦云方便懃莊嚴亦

云微妙淨法身具相三十二只是不許分劑心量若無如是心一切行處乃至彈指合掌皆是正因萬善皆同無終始得自在所以天魔外道求我不得喚作無住心亦云無滲智不思議妙用自在菩提涅槃皆是修行人境界皆屬明句若會本來非是物卽水不能洗水何以故本來無物故經云我王庫中無如是刀又云功德天黑暗女有智主人二俱不受所以道非明暗故云性海不是覺海覺海涉緣卽須對物他便妙用無人覺知喚作極微細透金水色塵菩薩所因喚作受用具若水不洗水卽體不是明暗亦云無

滲智又云無礙智若如是卽一切處拘我不得如今更別求建立義句覓勝負知解語言言衆生劣有佛聖救衆生求佛菩提皆屬貪欲亦云破戒比丘與道懸隔大道無明未曾有暗非三界攝非去來今如來藏實不覆藏師子何曾在窟五陰本空何曾有處所且法身無爲不墮諸數法無動搖不依六塵故經云佛性是常心是無常所以智不是道心不是佛如今且莫喚心作佛莫作見聞覺知會者箇物且本來無許多名字妙用自通數量管他不得是大解脫所以道人心無住處蹤跡不可尋故云無滲智不思議智

看他池州崔使君問五祖大師云徒衆五百何以能大師獨受衣傳信餘人爲什麼不得五祖云四百九十九人盡會佛法唯有能大師是過量人所以傳衣信崔云故知道非愚智便告大衆總須記取師云記得屬第六識不堪無事珍重

示衆云空劫之時無一切名字佛纔出世來便有名字所以取相師又云只爲今時執著文字限量不等大道一切實無凡聖若有名字皆屬限量所以江西老宿云不是心不是佛不是物且教後人與麼行履今時盡擬將心體會大道道若與麼學直至彌勒佛

出世還須發心始得有什麼自由分只如五祖會下四百九十九人盡會佛法惟有盧行者一人不會佛法只會道不會別事若認心是佛心是三界采集主若認智是道智是多矯詐若論佛出世時喚作三界智人說一切教義句理喚作暫時受用具若喚心是佛認智是道皆是處所所以道無心意而現行暫時披垢膩之衣來爲人說破不是凡聖物他家早晚與人爲因亦不曾與人爲果若與人爲因即不自在被因果所拘不得自由佛未出世時無人會得若出世邊論還許少分會但以冥理自通無師自爾本自無

物由是見聞覺知即是報化所以三十二相異體故若離彼即同如來報化佛總打却何處存立不是不許只如彌勒又作凡夫他熾然行六波羅密他家觸處去得因什麼便不許他他不曾滯著凡聖所以那邊會了却來者邊行履始得自由分今時學人多分出家不肯人家好處即認惡處即不認爭得所以菩薩行於非道是爲通達佛道他家去住得自由且如何若知即被知處所拘若不恁麼爭得不許他他者箇定不曾變異若不定即屬造化也他那箇早晚曾變動所以十二分教決定不是我我即向十二分教

中行履得若十二分教是我即受變也若論有滲果是二乘位若論無滲是大乘名所以得名爲大乘若是者箇不是拘繫底物所以潛通密理無人覺知不是見聞覺知問以意會得否師云若以意會即思量得也他教中亦云種種生身我說爲量那箇不可思議不是意會得底物如水裏有水即有影若無水時喚什麼作影法身由對報化得名若無報化法身向那邊認法身亦云是影經論極則頭只到法身實入理地那箇早晚同於經論經論不管伊如何排遣他且不到者裏大難大難

師示衆云佛出世來只爲衆生不會道若不因善知識聞名無師自爾若因善知識聞忽引經論作證若自作得主不引經論最省心力若引經論將他眼作自己眼不得自由大道一如無師自爾若能如如不變故不曾迷報化非真佛莫認法身凡聖果報皆是影若認著即屬無常生滅也麤細而論纖毫不立窮理盡性一切全無如世界未成時洞然空廓無佛名無衆生名始有少分相應直向那邊會了却來者裏行履不證凡聖果位據本而論實無少法可得豈況三乘五性差別名數但是有因有果盡屬無常生滅

也並是出世安立假名相說非關本來事道不是明暗物一切莫認著大道冥通智莫能測故云相逢不相識共語不知名好去無事珍重

師示衆云自夏已來不安皆是罪過死者已死在者好自安排如今學人直須會取佛未出世時都無名字密意潛通無人覺知喚作道人佛出世權說三乘五性他不是三乘五性人從那邊行履他是自由人會取今有本有不從佛聞與他爲緣如今直須截斷兩頭句透那邊不被凡聖拘繫心如枯木始有少許相應引經說義皆是與他分疎向他屋裏作活計終

無自由分恰如水母得蝦爲眼如何得自由佛是受果報人如今學人極則只認得箇法身猶如水月空花影象不中兄弟直須會取不從佛聞無師自爾報化非眞佛根本一如無變異故法過眼耳鼻舌身意心以無心意而現行如今知解不是嚶囉漢此物不是凡聖不是愚智強喚作愚智本不是名字不得道著道著則頭角生喚作如如早是變也兄弟直須向異類中行始得大難大難

師示衆云佛出世來只教會道不爲別事祖祖相傳直至江西老宿亦只教人會者箇道佛法先到此土

五百年達磨西來此土恐爾滯著三乘五性名相所以說法度汝諸人迷情且五祖下五百人只盧行者一人不會佛法不識文字他家只會道如今學人直須明其道不論別智決定不是物大道無形真理無對等空不動非生死流三界不攝非去來今所以明暗自去來虛空不動搖萬象自去來明暗實不鑑如今有人將鑑覺知解者是道皆前境所引隨他生死流何曾得自由若作此見解實未有自由分所以智不是道可不難矣云是什麼智是什麼道若論世間福智只得喚作莊嚴具亦云福智二嚴亦云受用具

皆是對治喚作什麼佛出世只得喚作三界智人未出世時喚作什麼物若論無滲本自具足妙用自通無人覺知潛行密用蹤跡難尋所以天魔波旬將諸眷屬久遠劫來覓菩薩一念起處不可得天魔讚歎云佛法至妙我實難測如今但會如如之理直下修行何不問如何修行但會取無量劫來性不變異即是修行妙用而不住便是菩薩行達諸法空妙用自在色身三昧熾然行六波羅蜜空處處無礙游於地獄猶如園觀不可道伊不得作用衆生無量劫來迷於本性不自了體雲塵暫翳著諸惡欲雲駛月運丹



行岸移暫時岐路不得自在種種受苦不自覺知乃至今日會取從來性與今日不別若言卽心卽佛如兔馬有角若言非心非佛如牛羊無角所以如來藏實不覆藏五蘊本空師子何曾在窟亦云性水亦云法水法水如波性水如濕水不洗水佛不度佛演若達多迷頭認影便道失却頭傷家覓縱覓得又不是已頭功德天黑暗女有智王人二俱不受直道性無住處是築著物亦云聞聞是大涅槃道者箇物不是聞不聞江西老宿只道不是心不是佛不是物直須體會諸實修行莫道我是禪師知解傍家舌上取辦

兩脚稍空莫將爲是共道不相應兄弟麤細想念分別但是貪求皆屬境三乘五性麤細而論不出情量纖毫瞥起精魅所附他且不許見聞覺知自似箇癡鈍人少神人百事不知最好普賢其時道我將心聞文殊云初心不能入云何復圓通被一棒粉碎無事珍重

示衆云燃燈佛道了也若心想所思出生諸法虛假皆不實何以故心尚無有云何出生諸法猶如形影分別虛空如人取聲安置篋中亦如吹網欲令氣滿故老宿云不是心不是佛不是物且教你兄弟行履

據說十地菩薩住首楞嚴三昧得諸佛祕密法藏自然得一切禪定解脫神通妙用至一切世界普現色身或示成菩薩正覺轉大法輪入涅槃使無量入毛孔演一句經無量劫其義不盡教化無量億千衆生得無生法忍尚喚作所知愚極微細所知愚與道全乖大難大難珍重

### 題南泉和尚語要

王老師真體道者也所言皆透脫無毫髮知見解路只貴人離見聞覺知自透本來底方得自由若著法報化便是依他無自由分是故發明盧行者不會佛

法只是體道所以得衣鉢此皆過量人行履處千萬人中難得一箇半箇真樂石諦當直貴無事行履處也圓悟禪師克勤題

南泉和尚名普願鄭州人姓王氏大隗山受業得法於馬祖一和尚壽八十七臘五十八唐文宗大和中示寂

衢州子湖山第一代神力禪師語錄南嶽下四世南泉師示衆云諸法蕩蕩何絀何拘汝等於中自生難易心源一統綿亘十方上上根人自然明白不見南泉道如斯癡鈍世且還稀歷歷分明有無不是只少箇



丈夫之志致見如斯疲勞汝今欲得易麼自古及今未曾有一箇凡夫聖人出現汝前亦無有一箇善語惡語到汝分上爲什麼故爲善善無形爲惡惡無相既以無我把什麼爲善惡立那箇是凡聖汝信否還保任否有什麼回避處恰似日中逃影相似還逃得麼今之既爾古之亦然今古齊時汝還諱得麼佛法玄妙了得者自相策發無爲小緣妨於大事汝不見道寧可終身立法誰能一旦亡緣仁者要徑會禪麼各歸衣鉢下著僧問如何是一心三觀師云我尚不見有一心你喚什麼作三觀進云如何是三觀一心

法身還喫飯也無師云鉢孟饋子什麼人受持進云未曾請師慈誨師云未曾幾許法身

師示衆云幸自可憐生苦死向人前討些子聲色唇吻作麼我且問你聲色兩字作麼生討得還會麼我道聲色如泡爲復爲你說破爲當爲你討聲色試商量看莫生容易志剛用心若了根源終非他物譬如圓鏡男來男現女來女彰乃至僧俗青黃山河萬物隨其色相一鏡傳輝不可是鏡有多般但能映物而露仁者還識得鏡未若不識鏡盡被男女青黃山河類等礙汝光明有什麼出氣處若識鏡去乃至青黃

男女大地山河有想無想四足多足胎卵情生天堂地獄咸於一鏡中悉得其分劑長短劫數若色若空並能了之更非他物汝豈不聞諸法如義光陰箭速莫漫悠悠大事因緣決須了取僧問如何是大圓鏡師云一切物著不得進云爲什麼一切物著不得師云汝是一切物還著得汝否僧問如何是南泉不變句師云道什麼進云如何領會師云道什麼僧問一塵之內大千世界如何是一塵師云卽汝是進云如何是大千師云但識取一塵師復云說得千般美食不如一頓麤食能奇能異省徑省心還假如是疲勞

馳求趨逸也無本自非有誰強言無與麼道可謂虛空之心合虛空之理只少箇承受底漢子變弄接續得去能有利人之分也根劣之徒自益未圓焉能益彼著些子骨氣秉些子丈夫作麼生門風如何圖度須作難遭之想可懷負荷之心歷歷分明有什麼一錢事到汝意根下與汝爲於彼此生滅仁者如世長醫隨方與藥先識彼病然後施方法法如斯心心若此須要作箇無繩自縛漢作麼莫立去

師示衆云子湖一隻狗上取人頭中取人心下取人足僧便問如何是子湖一隻狗師乃呌三聲進云如

何領覽師云縱饒領覽也只箇吹聲僧問如何是祖師西來意師云你道祖師西來有意麼進云既無意用西來作麼師乃云祖師西來也只箇冬寒夏熱夜暗日明只爲你徒無意立意無事生事無内外強作内外無東西謾說東西所以奢摩不能明了以至根境不能自由僧問如何得不被諸境惑去師云你試點惑你境出看進云某甲不見師云你既不見惑境何來僧禮拜師云又見妄想去也師云心源朗朗無物莫疑直下承當不勞功用只少箇信之一字然實不易信莫非夙習之徒聞著便能承受若是螢學之

支那

支那

支那

輩將三寸脣舌惑亂於人後進初機把他古聖言談向意根下測度直至頭白齒黃並無纖毫得力處仁者須打疊及時莫待臨終揮擢佛法因緣浩浩快須徹了無疑可中向這箇皮袋子內辨得者箇去坐却天下人咽喉性命盡被汝蓋覆乾坤盡被汝自由自在皎皎明白何勞汝上來下去仁者本性具足本自周備直教無纖塵法礙你眼光始得若有微塵底不盡不是一生半劫賺汝皮囊汝性命根境法中造諸妖怪山精鬼魅附汝行持得少爲足鼓弄片皮於佛法却爲毒害譏禮塔廟毀彼持經師子身中蟲自食

師子身中肉仁者切莫向心田中認些子妄想將爲極則他上祖是什麼榜樣下去莫立問未了根源請師提獎師云還會麼僧云未會師云更問千則萬則也無益僧問機不曉如何得心地無疑去師云心地有多少疑僧云如何是心地師云多少分明

師示衆云據仁者分上何得一生一滅一斷一常與汝爲於拘繫作其取舍是非及諸顛倒汝還知道諸聖門風無結縛麼只欲仁者承當還承當得麼可惜光陰莫令辜負却仁者豈不見目前太虛還有纖毫欠少處麼若也於中體得者箇消息不妨出得凡聖

支那

支那

支那

境界了得世間出世間之智一法既爾萬法亦然仁者還樂也無僧問如何是佛師云不重道僧云如何是法師云嫌什麼

師示衆云天上人間輪迴六道乃至蠢動含靈未曾於此一分真如中有些子相違處還信麼還領受得麼大凡行脚也須具大信根作箇丈夫始得何處得與麼難信他古人只見道箇卽心是佛卽心是法便承信去隨處茅茨石室長養聖胎只待道果成熟汝今何不教他行取仁者可煞分明並無叅雜治生產業與諸實相不相違背僧問如何是千聖不傳底事

師云阿誰向你說進云與麼則信受奉行去也師云信得及者卽行之信不及恰莫強爲不是口頭說信便信得去如人說食終不得飽縱然口頭說飽爭奈肚內飢何仁者直須飽去莫謾悠悠僧問如何是古聖心師云汝是凡夫心僧云如何是信得師云信亦不由汝不信亦不由汝僧云信不信且置作麼生師云是你心師云仁者還知子湖親切相爲麼行時但行坐時但坐乃至喫茶喫飯種種施爲有甚麼相隱處仁者信取無別強爲只是汝今無疑作疑無事生事於自心源却生顛倒譬如百千澄清大海棄之爲

認些子浮漚目爲全潮亦認些子螢光作於日燄還生慙恥麼諸聖得道得果數如恒沙汝今却作箇凡劣凡夫著恰莫因循僧問如何是無礙底心師云恰是師又云莫道千聖同風便當得本叅事好且問仁者什麼處是千聖同你處行時坐時起時卧時試說看還有法處麼仁者大道無邊誰前誰後真空絕際是正是邪乃至眩目青黃作何形段到汝分上喚作百工居肆各遂營生多少分明何煩造作一切普備無法不彰了了現前還諱得麼道邵問如何是人人具足底事師云汝豈不是道邵劉鐵磨領衆至師云

見說劉鐵磨莫便是否磨云什麼處得者箇消息師云左轉右轉磨云莫顛倒被師打出師半夜巡堂叫有賊大衆皆驚動師於僧堂前見一僧攔臂把住叫云捉得也喚維那來僧云不是某甲師云是卽是你自不肯承當勝光因在子湖鏝地次勝光鏝斷一條蚯蚓問云某甲今日鏝斷一條蚯蚓兩頭俱動未審性命在那頭師提起鏝頭向蚯蚓左頭打一下右頭打一下中心空處打一下擲却鏝頭便歸師又於鏝地次亞鏝頭回視勝光云事卽不無擬心卽差勝光便問如何是事被師攔胸踏倒從此省悟僧問招慶

云勝光被子湖一踏意作麼生招慶云古人叅玄不消一踏師嘗作頌云三十年來住子湖二時粥飯氣力羸無事上山走一轉試問時人會也無又嘗作頌云從來事非物方便名爲佛中下競是非上流始知屈師臨行示頌三首我聞過去佛縱橫盡丈夫示汝眞歸處千江月影孤觀音與文殊示我常飛動吾今已歸眞觸處皆無用佛性本來無阻障衆生不識難歸向若見如來成佛時莫向世間求取相師於門前下牖云子湖一隻狗上取人頭中取人心下取人足往來好看臨濟下有二僧聞得遂遠來尋訪纔到果



見其榜遂入門以手揭簾欲起未起被師喝云看脚下犬僧近前禮拜便問承師有言子湖有一隻狗上取人頭中取人心下取人足如何是子湖狗師云嗥嗥僧無語師便歸方丈後章州羅漢展和尚聞舉云者箇是喫屎狗僧便問如何是子湖狗展云擘喋却僧擬議展云早被我咬殺了也明招和尚在羅山間舉遂云洎賺數綱草鞋我本欲遊章南如今不用去也休休僧便問如何是子湖狗招以手按膝放身近前云噓噓子湖山下有陶家爲無子夫妻每日焚香發願求一男子師遂往其家乞竹先問是汝夫妻每

文耶  
撰述

古尊宿語錄卷十二

三十五

日起心發願擬作箇什事云切緣家內無子願求一男師云我就汝乞一種物還得否云和尚要甚物但乞指揮師云不要別物欲乞一擔竹與汝一箇男子其家忻喜云此是小事一任斫去師斫大竹近一千竿陶公云和尚只討一擔何斫許多師云只此一擔尚未足在遂將大竹長者捻數竿破相接作一束將歸其家當夜感夢生得男子因此遂號神力子湖和尚名利蹤澶州人姓周氏幽州開元寺受業得法於南泉願和尚壽八十一臘六十一馬祖第三世唐僖宗廣明中示寂

古尊宿語錄卷第十二

金壇居士十五立施贊刻此  
古尊宿語錄卷第十二 計字一萬零一百二十八  
該銀五兩二錢五分四厘  
銀山釋海亮對金陵丘義民書句容潘繼德刻  
萬曆甲寅歲秋九月徑山化城識

文耶  
撰述

古尊宿語錄卷十二

三十六



古尊宿語錄卷第十三

趙州真際禪師語錄并行狀卷上南嶽下四世嗣南泉願

師即南泉門人也俗姓郝氏本曹州郝鄉人也諱從  
諡鎮府有塔記云師得七百甲子歟值武王微沐避  
地岨嶮木食草衣僧儀不易師初隨本師行脚到南  
泉本師先人事了師方乃人事南泉在方丈內卧次  
見師來叅便問近離什麼處師云瑞像院南泉云還  
見瑞像麼師云瑞像即不見即見卧如來南泉乃起  
問你是有主沙彌無主沙彌師對云有主沙彌南泉云  
那箇是你主師云孟春猶寒伏惟和尚尊體起居萬

支那

古尊宿語錄卷十三

二

福泉乃喚維那云此沙彌別處安排師受戒後聞受  
業師在曹州西住護國院乃歸院省覲到後本師令  
郝氏云君家之子遊方已迴其家親屬忻懌不已祇  
候來日咸往觀焉師聞之乃云俗塵愛網無有了期  
已辭出家不願再見乃於是夜結束前邁其後自携  
瓶錫遍歷諸方常自謂曰七歲童兒勝我者我即問  
伊百歲老翁不及我者我即教他年至八十方住趙  
州城東觀音院去石橋十里已來住持枯槁志効古  
人僧堂無前後架旋營齋食繩床一脚折以燒斷薪  
用繩繫之每有別制新者師不許也住持四十年來

未嘗賣一封書告其檀越因有南方僧來舉問雪峰

古澗寒泉時如何雪峰云瞪目不見底學云飲者如  
何峰云不從口入師聞之曰不從口入從鼻孔裏入  
其僧却問師古澗寒泉時如何師云苦學云飲者如  
何師云死雪峰聞師此語讚云古佛古佛雪峰後因  
此不答話矣厥後因河北燕王領兵收鎮府既到界  
上有觀氣象者奏曰趙州有聖人所居戰必不勝燕  
趙二王因展筵會俱息交鋒乃問趙之金地上士何  
人或曰有講華嚴經大師節行孤邈若歲大旱咸命  
往臺山祈禱大師未迴甘澤如瀉乃曰恐未盡善或

支那

古尊宿語錄卷十三

二

云此去一百二十里有趙州觀音院有禪師年臘高  
邈道眼明白僉曰此可應兆乎二王稅駕觀焉既屆  
院內師乃端坐不起燕王問曰人王尊耶法王尊耶  
師云若在人王人王中尊若在法王法王中尊燕王  
唯然矣師良久中間問阿那箇是鎮府大王趙王應  
諾弟子緣趙州屬鎮府以表知重之禮師云老僧濫在山河不及趨  
面須臾左右請師爲大王說法師云大王左右多爭  
教老僧說法乃約令左右退師身畔時有沙彌文遠  
高聲云啓大王不是者箇左右大王乃問是什麼左  
右對曰大王尊諱多和尚所以不敢說法燕王乃云

請禪師去諱說法師云故知大王曩劫眷屬俱是冤家我佛世尊一稱名號罪滅福生大王先祖纔有人觸著名字便生嗔怒師慈悲非倦說法多時二王稽首讚嘆玆敬無盡來日將迴燕王下先鋒使聞師不起凌晨入院責師傲亢君侯師聞之乃出迎接先鋒乃問曰昨日見二王來不起今日見某甲來因何起接師云待都衙得似大王老僧亦不起接先鋒聆師此語再三拜而去尋後趙王發使取師供養既屆城門闔城威儀迎之入內師纔下寶輦王乃設拜請師上殿正位而坐師良久以手斫額云塔下立者是何

官長左右云是諸院尊宿并大師大德師云他各是一方化主若在階下老僧亦起王乃命上殿是日齋筵將罷僧官排定從上至下一人一問一人問佛法師既望見乃問作什麼云問佛法師云這裏已坐却老僧那裏問什麼法二尊不並化此乃語之詞也王乃令止其時國后與王俱在左右侍立國后云請禪師爲大王摩頂受記師以手摩大王頂云願大王與老僧齊年是時迎師權在近院駐泊獲時選地建造禪宮師聞之令人謂王曰若動著一莖草老僧却歸趙州其時竇行軍願捨菓園一所直一萬五千貫號爲真際

禪院亦云竇家園也師入院後海衆雲臻是時趙王禮奉燕王從幽州奏到命服鎮府具威儀迎接師堅讓不受左右昇箱至師面前云大王爲禪師佛法故堅請師著此衣師云老僧爲佛法故所以不著此衣左右云且看大王面師云又于俗官什麼事乃躬自取衣挂身上禮賀再三師惟知應諾而已師住趙州二年將謝世時謂弟子曰吾去世之後焚燒了不用淨淘舍利宗師弟子不同浮俗且身是幻舍利何生斯不可也令小師送拂子一枝與趙王傳語云此是老僧一生用不盡底師於戊子歲十一月十日端坐

而終于時竇家園道俗車馬數萬餘人哀聲振動於時盡送終之禮感歎之泣無異金棺匿彩於俱尸矣莫不高營鴈塔特豎豐碑謚號曰真際禪師光祖之塔後唐保大十一年孟夏月旬有三日有學者咨問東都東院惠通禪師趙州先人行化厥由作禮而退乃授筆錄之師問南泉如何是道泉云平常心是道師云還可趣向不泉云擬卽乖師云不擬爭知是道泉云道不屬知不知知是妄覺不知是無記若真達不疑之道猶如太虛廓然蕩豁豈可強是非也師於言下頓悟玄

盲心如朗月

南泉上堂師問明頭合暗頭合泉便歸方丈師便下堂云這老和尚被我一問直得無言可對首座云莫道和尚無語自是上座不會師便打又云這棒合是堂頭老漢喫師問南泉知有底人向什麼處去泉云山前檀越家作一頭水牯牛去師云謝和尚指示泉云昨夜三更月到窻師在南泉作爐頭大眾普請擇菜師在堂內叫救火救火大眾一時到僧堂前師乃關却僧堂門大眾無對泉乃拋鑊匙從窻內入堂中師便開門師在南泉井樓上打水次見南泉過便抱

撰述

五

五

柱懸却脚云相救相救南泉上糊梯云一二三四五師少時間却去禮謝云適來謝和尚相救南泉東西兩堂爭貓兒泉來堂內提起貓兒云道得卽不斬道不得卽斬却大眾下語皆不契泉意當時卽斬却貓兒了至晚間師從外歸來問訊次泉乃舉前話了云你作麼生救得貓兒師遂將一隻鞋戴在頭上出去泉云子若在救得貓兒師問南泉異卽不問如何是類泉以兩手托地師便路倒却歸涅槃堂內叫悔悔泉聞乃令人去問悔箇什麼師云悔不剩與兩踏南泉從浴室裏過見浴頭燒火問云作什麼云燒浴泉

云記取來喚水牯牛浴浴頭應諾至晚間浴頭入方丈泉問作什麼云請水牯牛去浴泉云將得繩索來不浴頭無對師來問訊泉舉似師師云某甲有語泉便云還將得繩索來麼師便近前鵞鼻便拽泉云是卽是太籩生師問南泉離四句絕百非外請師道泉便歸方丈師云這老和尚每常口吧吧地及其問著一言不措侍者云莫道和尚無語好師便打一掌南泉便掩却方丈門便把灰圍却問僧云道得卽開門多有人下語並不契泉意師云蒼天蒼天泉便開門師問南泉云心不是佛智不是道還有過也無泉

撰述

五

六

云有師云過在什麼處請師道泉遂舉師便出去師上堂謂衆曰此事的沒量大人出這裏不得老僧到瀉山僧問如何是祖師西來意瀉山云與我將床子來若是宗師須以本分事接人始得時有僧問如何是祖師西來意師云庭前栢樹子學云和尚莫將境示人師云我不將境示人云如何是祖師西來意師云庭前栢樹子師又云老僧九十年前見馬祖大師下八十餘負善知識箇箇俱是作家不似如今知識枝蔓上生枝蔓大都是去聖遙遠一代不如一代只如南泉尋常道須向異類中行且作麼生會如



今黃口小兒向十字街頭說葛藤博飯噉覓禮拜聚三五百衆云我是善知識你是學人僧問如何是清淨伽藍師云了角女子如何是伽藍中人師云了角女子有孕問承聞和尚親見南泉是否師云鎮州出大蘿蔔頭問和尚生緣什麼處師以手指云西邊更向西問法無別法如何是法師云外空內空內外空問如何是佛真法身師云更嫌什麼問如何是心地法門師云古今榜樣問如何是賓中主師云山僧不問婦問如何是主中賓師云老僧無丈人問如何是一切法常住師云老僧不諱祖其僧再問師云今日

文勝  
撰述

正解宿譚錄卷十三

二

不答話

師上堂云兄弟莫久立有事商量無事向衣鉢下坐窮理好老僧行脚時除二時齋粥是雜用心力處餘外更無別用心處也若不如此出家大遠在問萬物中何物最堅師云相罵饒汝接嘴相唾饒汝潑水問曉夜不停時如何師云僧中無與麼兩稅百姓問如何是一句師云若守著一句老却你師又云若一生不離叢林不語十年五載無人喚你作啞漢已後佛也不奈你何你若不信截取老僧頭去師上堂云兄弟你正在第三冤裏所以道但改舊時

行履處莫改舊時人共你各自家出家比來無事更問禪問道三二十人聚頭來問恰似欠伊禪道相似你喚作善知識我是同受拷老僧不是戲好恐帶累他古人所以東道西說問十二時中如何用心師云你被十二時使老僧使得十二時你問那箇時間如何是趙州主人公師咄云這箇桶漢學人應諾師云如法籬桶着問如何是學人本分事師云樹搖鳥散魚驚水渾問如何是少神底人師云老僧不如你學云不占勝師云你因什麼少神問至道無難唯嫌揀擇是時人窠窟師云曾有問我直得五年分疎不

文勝  
撰述

正解宿譚錄卷十三

八

得有官人問丹霞燒木佛院主爲什麼眉鬚墮落師云官人宅中變生作熟是什麼人云所使師云却是他好手僧問毗目仙人執善才手見微塵佛時如何師遂執僧手云你見箇什麼有尼問如何是沙門行師云莫生見尼云和尚勿交涉師云我若共你打交涉堪作什麼問如何是趙州主人公師云田庫奴問如何是王索仙施婆師云你道老僧要箇什麼問如何是玄中玄師云說什麼玄中玄七中七八中八問如何是仙陀婆師云靜處薩婆訶問如何是法非法師云東西南北學云如何會去師云上下四維問如



何是玄中玄師云這僧若在合年七十四五問王索仙陀婆時如何師驀起打躬叉手問如何是道師云不敢不敢問如何是法師云敕敕攝攝問趙州去鎮府多少師云三百學云鎮府來趙州多少師云不問問如何是玄中玄師云玄來多少時也學云玄來久矣師云賴遇老僧泊合玄殺這屢生問如何是學人自己師云還見庭前栢樹子麼

師上堂云若是久叅底人莫非真實莫非亘古亘今若是新入衆底人也須究理始得真趣者邊三百五百一千傍邊二衆叢林稱道好箇住持泊乎問著佛

與述

法華指掌疏卷之三

九

法恰似炒沙作飯相似無可施爲無可下口却言他非我是面赫赤地良由世間出非法語真實欲明者意莫辜負老僧問在塵爲諸聖說法總屬披搭未審和尚如何示人師云什麼處見老僧學云請和尚說師云一堂師僧總不會這僧語話別有一僧問請和尚說師云你說我聽問真化無跡無師弟子時如何師云誰教你來問學云更不是別人師便打之問此事如何辨師云我怪你學云如何辨得師云我怪你不辨學云還保任否師云保任不保任自看問如何是無知解底人師云說什麼事問如何是西來意師

下禪床學云莫便是否師云老僧未有語在問佛法久遠如何用心師云你見前漢後漢把攬天下臨終時半錢也無分問時人以珍寶爲貴沙門以何爲貴師云急合取口學云合口還得也無師云口若不合爭能辨得問如何是趙州一句師云半句也無學云豈無和尚在師云老僧不是一句問如何得不被諸境惑師垂一足僧便出鞋師收起足僧無語有俗官問佛在日一切衆生皈依佛佛滅度後一切衆生皈依什麼處師云未有衆生學云現問次師云更覓什麼佛問還有不報四恩三有者也無師云有學云如

何是師云這殺父漢算你只少此一問問如何是和尚意師云無施設處

師上堂云兄弟但改往修來若不改大有著你處在老僧在此間三十餘年未曾有一箇禪師到此間設有來一宿一食急走過且趁軟暖處去也問忽遇禪師到來向伊道什麼師云千鈞之弩不爲鼯鼠而發機師云兄弟若從南方來者即與下載若從北方來者即與裝載所以道近上人問道即失道近下人問道者即得道兄弟正人說邪法邪法亦隨正邪人說正法正法亦隨邪諸方難見易識我者裏易見難識問

善惡惑不得底人還獨脫也無師云不獨脫學云爲什麼不獨脫師云正在善惡裏尼問離却上來說處請和尚指示師咄云煨破鐵瓶尼將鐵瓶添水來請和尚答話師笑之問世界變爲黑穴未審此箇落在何路師云不占學云不占是什麼人師云田庫奴問無言無意始稱得句既是無言喚什麼作句師云高而不危滿而不溢學云卽今和尚是滿是溢師云爭奈你問我問如何是靈者師云淨地上屙一堆屎學云請和尚的旨師云莫惱亂老僧問法身無爲不墮諸數還許道也無師云作麼生道學云與麼卽不道

反問

古語錄卷三

二

也師笑之問如何是佛如何是衆生師云衆生卽是佛佛卽是衆生學云未審兩箇那箇是衆生師云問問問大道無根如何接唱師云你便接唱無根又作麼生師云既是無根什麼處繫縛你問正修行底人真被鬼神測得也無師云測得云過在什麼處師云過在覓處云與麼卽不修行也師云修行問孤月當空光從何生師云月從何生問承和尚有言道不屬修但莫染汚如何是不染汚師云檢校内外云還自檢校也無師云檢校云自己有什麼過自檢校師云你有什么事

師上堂云此事如明珠在掌胡來胡現漢來漢現老僧把一枝草作丈六金身用把丈六金身作一枝草用佛卽是煩惱煩惱卽是佛問佛與誰人爲煩惱師云與一切人爲煩惱云如何免得師云用免作麼師示衆云老僧此間卽以本分事接人若教老僧隨伊根機接人自有三乘十二分教接他了也若是不會是誰過歟已後遇著作家漢也道老僧不辜他但有人問以本分事接人問從上至今卽心是佛不卽心還許學人商量也無師云卽心且置商量箇什麼問古鏡不磨還照也無師云前生是因今生是果問

反問

古語錄卷三

三

三刀未落時如何師云森森地云落後如何師云迴迴地問如何是出三界底人師云籠罩不得問牛頭未見四祖百鳥銜花供養見後爲什麼百鳥不銜花供養師云應世不應世問白雲自在時如何師云爭似春風處處閑問如何是露地白牛師云月下不用色云食噉何物師云古今嚼不著云請師答話師云老僧合與麼

師示衆云擬心卽差僧便問不擬心時如何師打三下云莫是老僧辜負闍黎麼問凡有問答落在意根不落意根師如何對師云問學云便請師道師云莫

向者裏是非問龍女親獻佛未審將什麼獻師以兩手作獻勢

師示衆云此間佛法道難卽易道易卽難別處難見易識老僧者裏卽易見難識若能會得天下橫行忽有人問什麼處來若向伊道從趙州來又謗趙州若道不從趙州來又埋沒自己諸人且作麼生對他僧問觸目是謗和尚如何得不謗去師云若道不謗早是謗了也問如何是正修行路師云解修行卽得若不解修行卽叅差落他因果裏又云我教你道若有問時但向伊道趙州來忽問趙州說什麼法但向伊

文那

法苑珠林卷三

三

道寒卽言寒熱卽言熱若更問道不問者箇事但云問什麼事若再問趙州說什麼法便向伊道和尚來時不交傳語上座若要知趙州事但自去問取問不顧前後時如何師云不顧前後且置你問阿誰

師示衆云迦葉傳與阿難且道達磨傳與什麼人問且如二祖得髓又作麼生師云莫謗二祖師又云達磨也有語在外者得皮在裏者得骨且道更在裏者得什麼問如何是得髓底道理師云但識取皮老僧者裏髓也不立云如何是髓師云與麼皮也摸未著問與麼堂堂豈不是和尚正位師云還知有不肯者

麼學云與麼卽別有位師云誰是別者學云誰是不別者師云一任叫問上上人一撥便轉下下人來時如何師云汝是上上下下云請和尚答話師云話未有主在云某甲七千里來莫作心行師云據你者一問心行莫不得麼此僧一宿便去問不紹徬來者如何師云誰學云惠延師云問什麼學云不紹徬來者師以手撫之問如何是衲衣下事師云莫自瞞問真如凡聖皆是夢言如何是真言師云更不道者兩箇學云兩箇且置如何是真言師云唵啍唵問如何是趙州師云東門西門南門北門問如何是定師云

文那

法苑珠林卷三

三

不定學云爲什麼不定師云活物活物問不隨諸有時如何師云合與麼學云莫便是學人本分事師云隨也隨也問古人三十年一張弓兩下箭只射得半箇聖人今日請師全射師便起去

師示衆云至道無難唯嫌揀擇纔有言語是揀擇是明白老僧却不在明白裏是你還護惜也無問和尚旣不在明白裏又護惜箇什麼師云我亦不知學云和尚旣不知爲什麼道不在明白裏師云問事卽得禮拜了退

師示衆云法本不生今則無滅更不要道纔語是生



不語是滅諸人且作麼生是不生不滅底道理問早是不生不滅麼師云者漢只認得箇死語問至道無難唯嫌揀擇纔有言語是揀擇和尚如何示人師云何不盡引古人語學云某甲只道得到這裏師云只這至道無難唯嫌揀擇

上堂云看經也在生死裏不看經也在生死裏諸人且作麼生出得去僧便問只如俱不留時如何師云實卽得若不實爭能出得生死問利劍鋒頭快時如何師云老僧是利劍快在什麼處問大難到來如何迴避師云恰好

五支那

五支那

五支那

上堂良久大眾總來也未對云總來也師云更待一人來卽說話僧云候無人來卽說似和尚師云大難得人

師示衆云心生卽種種法生心滅卽種種法滅你諸人作麼生僧乃問只如不生不滅時如何師云我許你者一問師因叅次云明又未明道昏欲曉你在阿那頭僧云不在兩頭師云與麼卽在中間也云若在中間卽在兩頭師云這僧多少時在老僧者裏作與麼語話不出得三句裏然直饒出得也在三句裏你作麼生僧云某甲使得三句師云何不早與麼道問

如何是通方師云離却金剛禪

師示衆云衲僧家直須坐斷報化佛頭始得問坐斷報化佛頭是什麼人師云非你境界

師示衆云大道只在目前要且難觀僧乃問目前有何形段令學人觀師云任你江南江北學云和尚豈無方便爲人師云適來問什麼問入法界來還知有也無師云誰入法界學云與麼卽入法界不知去也師云不是寒灰死水花錦成現百種有學云莫是入法界處用也無師云有什麼交涉問若是實際理地什麼處得來師云更請闍黎宣一遍問萬境俱起還

五支那

五支那

五支那

有惑不得者也無師云有學云如何是惑不得者師云你還信有佛法否學云信有佛法古人道了如何是惑不得者師云爲什麼不問老僧學云問了也師云惑也問未審古人與今人還相近也無師云相近卽相近不同一體學云爲什麼不同師云法身不說法學云法身不說法和尚爲人也無師云我向惠裏荅話學云爭道法身不說法師云我向惠裏救你阿爺他終不出頭問學人道不相見時還迴互也無師云測得迴互學云測他不得迴互箇什麼師云不與麼是你自己學云和尚還受測也無師云人卽轉近



道卽轉遠也學云和尚爲什麼自隱去師云我今現共你語話學云爭道不轉師云合與麼著

師示衆云教化得底人是今生事教化不得底人是第三生冤若不教化恐墮却一切衆生教化亦是冤是你還教化也無僧云教化師云一切衆生還見你也無學云不見師云爲什麼不見學云無相師云卽今還見老僧否學云和尚不是衆生師云自知罪過卽得

師示衆云龍女心親獻盡是自然事問既是自然獻時爲什麼師云若不獻爭知自然

文師

五龍齋錄卷一

二十七

師示衆云八百箇作佛漢覓一箇道人難得問只如無佛無人處還有修行也無師云除却者兩箇有百千萬億學云道人來時在什麼處師云你與麼卽不修行也其僧禮拜師云大有處著你在問白雲不落時如何師云老僧不會上象學云豈無賓主師云老僧是主闍黎是賓白雲在什麼處問大巧若拙時如何師云喪却棟梁材

師示衆云佛之一字吾不喜聞問和尚還爲人也無師云爲人學云如何爲人師云不識玄旨徒勞念靜學云既是玄作麼生是旨師云我不把本學云者箇

是玄如何是旨師云答你是旨

師示衆云各自有禪各自有道忽有人問你作麼生是禪是道作麼生祇對他僧乃問既各有禪道從上至今語話爲什麼師云爲你遊魂學云未審如何爲人師乃退身不語

師示衆云不得閑過念佛念法僧乃問如何是學人自己念師云念者是誰學云無伴師叱者驢

上堂示衆云若是第一句與祖佛爲師第二句與人天爲師第三句自救不了有僧問如何是第一句師云與祖佛爲師師又云大好從頭起學人再問師云

文師

五龍齋錄卷三

六

又却人天去也

師示衆云是他不是不將來老僧不是不祇對僧云和尚將什麼祇對師長吁一聲云和尚將這箇祇對莫辜負學人也無師云你適來肯我我卽辜負你若不肯我我卽不辜負你

師示衆云老僧今夜答話去也解問者出來有僧纔出禮拜師云比來拋磚引玉只得箇鑿子問狗子還有佛性也無師云無學云上至諸佛下至螻子皆有佛性狗子爲什麼無師云爲伊有業識性在問如何是法身師云應身云學人不問應身師云你但管應

身問朗月當空時如何師云闍黎名什麼學云某甲師云朗月當空在什麼處問正當二八時如何師云東東西西學云如何是東東西西師云覓不着問學人全不會時如何師云我更不會云和尚還知有也無師云我不是木頭作麼不知云大好不會師拍掌笑之問如何是道人師云我向道是佛人問凡有言句舉手動足盡落在學人網中離此外請師道師云老僧齋了未喫茶馬大夫問和尚還修行也無師云老僧若修行卽禍事云和尚既不修行教什麼人修行師云大夫是修行底人云某甲何名修行師云若

王又師

羣宿語錄卷之十三

十一

不修行爭得撲在人王位中餒得來赤凍紅地無有解出期大夫乃下淚拜謝

師示衆云闍黎不是不將來老僧不是不祇對又云闍黎莫擎拳合掌老僧不將禪床拂子對問思憶不及處如何師云過者邊來云過者邊來卽是及處如何是思不及處師豎起手云你與作什麼云與作手和尚與作什麼師云百種名字我亦道云不及和尚百種名字且與什麼師云與麼卽你思憶不及處禮拜師云教你思憶得及者云如何是師云釋迦教祖師教是你師云祖與佛古人道了也如何是思憶

不及處師再舉指云與作什麼僧良久師云何不當頭道著更疑什麼問如何是和尚家風師云老僧耳背高聲問僧再問師云你問我家風我却識你家風問萬境俱起時如何師云萬境俱起云一問一答是起如何是不起師云禪床是不起底僧纔禮拜次師云記得問答云記得師云試舉看僧擬舉師問問如何是目前佛師云殿裏底云者箇是相貌佛如何是佛師云卽心是云卽心猶是限量如何是佛師云無心是學云有心無心還許學人揀也無師云有心無心總被你揀了也更教老僧道什麼卽得問遠遠投

王又師

羣宿語錄卷之十三

三

師未審家風如何師云不說似人學云爲什麼不說似人師云是我家風學云和尚既不說似人爭奈四海來投師云你是海我不是海學云未審海內事如何師云老僧釣得一箇問祖佛近不得底是什麼人師云不是祖佛學云爭奈近不得何師云向你道不是祖佛不是衆生不是物得麼學云是什麼師云若有名字卽是祖佛衆生也學云不可只與麼去也師云卒未與你去在問如何是平常心師云狐狼野干是問作何方便卽得聞於未聞師云未聞且置你曾聞箇什麼來問承教有言隨色摩尼珠如何是本色

師召僧名僧應諾師云過者邊來僧便過又問如何是本色師云且隨色走問平常心底人還受教化也無師云我不歷他門戶學云與麼則莫沉却那邊人麼師云大好平常心問如何是學人保任底物師云盡未來際揀不出問如何是大修行底人師云寺裏綱維是問學人纔到總不知門戶頭事如何師云上座名什麼學云惠南師云大好不知問學人欲學又謗於和尚如何得不謗去師云你名什麼學云道皎師云靜處去者米園子問如何是和尚大意師云無大無小學云莫便是和尚大意麼師云若有纖毫萬

聖賢錄卷三

聖賢錄卷三

三

劫不如問萬法本閑而人自閑是什麼人語師云出來便死問不是佛不是物不是衆生這箇是斷語如何是不斷語師云天上天下唯我獨尊問如何是毗盧圓相師云老僧自小出家不曾眼花學云和尚還爲人也無師云願你長見毗盧圓相問佛祖在日佛祖相傳佛祖滅後什麼人傳師云古今總是老僧分上學云未審傳箇什麼師云箇箇總屬生死云不可埋沒却祖師也師云傳箇什麼問凡聖俱盡時如何師云願你作大德老僧是障佛祖漢問遠聞趙州到來爲什麼不見師云老僧罪過問朗月當空未審室

中事如何師云老僧自出家不曾作活計學云與麼卽和尚不爲今時也師云自疾不能救焉能救諸疾學云爭奈學人無依何師云依卽踏著地不依卽一任東西問在心心不測時如何師云測阿誰學云測自己師云無兩箇問不見邊表時如何師指淨瓶云是什麼學云淨瓶師云大好不見邊表問如何是歸根師云擬卽差問不離言句如何得獨脫師云離言句是獨脫學云適來無人教某甲來師云因什麼到此學云和尚何不揀出師云我早箇揀了也問非心不卽智請和尚一句師云老僧落你後問如何是畢

聖賢錄卷三

聖賢錄卷三

三

竟師云畢竟學云那箇畢竟是師云老僧是畢竟你不解問者話學云不是不問師云畢竟在什麼處問不挂寸絲時如何師云不挂什麼學云不挂寸絲師云大好不挂寸絲問如救頭燃底人如何師云便學云什麼處師云莫占他位次問空劫中阿誰爲主師云老僧在裏許坐學云說甚麼法師云說你問底問承古有言虛明自照如何是自照師云不稱他照學云照不著處如何師云你話墮也問如何是的師云一念未起時問如何是法王師云州裏大王是云和尚不是師云你擬造反去都來一箇王不認問如



何是佛心師云你是心我是佛奉不奉自看學云師卽不無還奉得也無師云你教化我看問三身中那箇是本來身師云闕一不可問未審此土誰爲祖師師云達磨來這邊總是學云和尚是第幾祖師云我不落位次學云在什麼處師云在你耳裏問不棄本不逐末如何是正道師云大好出家兒學云學人從來不曾出家師云歸依佛歸依法學云未審有家可出也無師云直須出家學云向什麼處安排他師云且向家裏坐問明眼人見一切還見色也無師云打却著學云如何打得師云莫用力學云不用力如何

文冊

古尊宿語錄卷七

十三

打得師云若用力卽乖問祖佛大意合爲什麼人師云只爲今時學云爭奈不得何師云誰之過學云如何承當師云如今無人承當得學云與麼卽無依倚也師云又不可無却老僧問了事底人如何師云正大修行學云未審和尚還修行也無師云著衣喫飯學云著衣喫飯尋常事未審修行也無師云你且道我每日作什麼崔郎中問大善知識還入地獄也無師云老僧未上入崔云既是大善知識爲什麼入地獄師云老僧若不入爭得見郎中問毫釐有差時如何師云天地懸隔云毫釐無差時如何師云天地懸

隔問如何是不睡底眼師云凡眼肉眼又云雖未得天眼肉眼力如是學云如何是睡底眼師云佛眼法是睡底眼問大庾嶺頭趁得及爲什麼提不起師拈起衲衣云你甚處得者箇來學云不問者箇師云與麼卽提不起問不合不散如何辨師云你有一箇我有一箇云者箇是合如何是散師云你便合問如何是不錯路師云識心見性是不錯路問明珠在掌還照也無師云照卽不無喚什麼作珠問靈苗無根時如何師云你從什麼處來云太原來師云大好無根問學人擬作佛時如何師云大斂費力生云不費

文冊

古尊宿語錄卷十

十四

力時如何師云與麼卽作佛去也問學人昏鈍在一浮沉如何得出師只據坐云某甲實問和尚師云你甚處作一浮一沉問不在凡不在聖如何免得兩頭路師云去却兩頭來答你僧不審師云不審從什麼處起在者裏時從老僧起在市裏時從什麼處起云和尚爲什麼不定師云我教你何不道今日好風問如何是大闡提底人師云老僧答你還信否云和尚重言那敢不信師云覓箇闡提人難得問大無慚愧底人什麼處著得師云此間著不得云忽然出頭爭向師云將取去問用處不現時如何師云用卽不無



現是誰問空劫中還有人修行也無師云喚什麼作空劫云無一物是師云者箇始稱修行喚什麼作空劫問如何是出家師云不履高名不求垢壤問不指一法如何是和尚法師云老僧不說茆山法云既不說茆山法如何是和尚法師云向你道不說茆山法云莫者箇便是也無師云老僧未曾將者箇示人問如何是目前獨脫一路師云無二亦無三云目前有路還許學人進前也無師云與麼卽千里萬里問如何是毗盧向上事師云老僧在你脚底云和尚爲什麼在學人脚底師云你元來不知有向上事問如何

是合頭師云是你不合頭云如何是不合頭師云前句辨取問如何是和尚的意師云止止不須說我法妙難思問澄澄絕點時如何師云墮坑落壑云有什麼過師云你屈著與麼人問未審出家誓求無上菩提時如何師云未出家被菩提使旣出家使得菩提有秀才見師手中拄杖乃云佛不奪衆生願是否師云是秀才云某甲和尚乞取手中拄杖得否師云君子不奪人所好秀才云某甲不是君子師云老僧亦不是佛師因出外見婆子插田云忽遇猛虎作麼生婆云無一法可當情師云除婆子云除師云猶

有者箇在有秀才辭去云某甲在此括撓和尚多時無可報答和尚待他日作一頭驢來報答和尚師云教老僧爭得鞍師到道吾處纔入僧堂吾云南泉一隻箭來師云看箭吾云過也師云中也問百骸俱潰散一物鎮長靈時如何師云今朝又風起問三乘十二分教卽不問如何是祖師西來意師云水牯牛生兒也好看取云未審此意如何師云我亦不知問萬國來朝時如何師云逢人不得喚問十二時中如何淘汰師云奈河水濁西水流急云還得見文殊也無師云者朦瞳漢什麼處去來問如何是道場師云你

從道場來你從道場去脫體是道場何處更不是問萌芽未發時如何師云艱著卽腦裂云不艱時如何師云無者閑工夫問如何數量師云一二三四五云數量不拘底事如何師云一二三四五問什麼世界卽無晝夜師云卽今是晝是夜云不問卽今師云爭奈老僧何問迦葉上行衣不踏曹溪路什麼人得披師云虛空不出世道人都不知問如何是混而不雜師云老僧菜食長齋云還得超然也無師云破齋也問如何是古人之言師云諦聽諦聽問如何是學人本分事師云與麼嫌什麼問萬法歸一一歸何所師

云我在青州作一領布衫重七斤問如何是出家兒  
師云不朝天子父母返拜問覲面事如何師云你是  
覲面漢

古尊宿語錄卷第十三

廬山棲賢寶覺禪院住持傳法賜紫沙門

澄提重詳定

金壇居士于玉立施贊刻此

古尊宿語錄卷第十三計字一萬零五百十該

銀五兩四錢六分五厘

銀山釋海亮封金陵丘熊祥書上元王蘭刻  
萬曆甲寅歲秋八月徑山化城識

古尊宿語錄卷第十四

趙州真際禪師語錄之餘

師上堂示衆云金佛不度爐木佛不度火泥佛不度水真佛內裏坐菩提涅槃真如佛性盡是貼體衣服亦名煩惱不問卽無煩惱實際地什麼處著一心不生萬法無咎但究理而坐二三十年若不會截取老僧頭去夢幻空花徒勞把捉心若不異萬法亦如旣不從外得更拘什麼如羊相似更亂拾物安口中作麼老僧見藥山和尚道有人問著但教合取狗口老僧亦道合取狗口取我是垢不取我是淨一似獵

狗相似專欲得物喫佛法向什麼處著一千人萬人盡是覓佛漢子覓一箇道人無若與空王爲弟子莫教心病最難醫未有世界早有此性世界壞時此性不壞從一見老僧後更不是別人只是箇主人公者箇更向外覓作麼與麼時莫轉頭換面卽失却也問如何是佛向上人師云只者牽耕牛底是問如何是急師云老僧與麼道你作麼生云不會師云向你道急急著靴水上立走馬到長安靴頭猶未濕問四山相逼時如何師云無路是趙州問古殿無王時如何師咳嗽一聲云與麼卽臣啟陛下師云賊身已露問

和尚年多少師云一串數珠數不盡問和尚承嗣什麼人師云從諗問外方忽有人問趙州說什麼法如何祇對師云鹽貴米賤問如何是佛師云你是佛麼問如何是出家師云爭得見老僧問佛祖不斷處如何師云無遺漏問本源請師指示師云本源無病云了處如何師云了人知云與麼時如何師云與我安名字著問純一無雜時如何師云大煞好一問問無爲寂靜底人莫落在沉空也無師云落在沉空云究竟如何師云作驢作馬問如何是祖師西來意師云床脚是云莫便是也無師云是卽脫取去問澄澄絕

點時如何師云老僧者裏不著客作漢問鳳飛不到時如何師云起自何來問實際理地不受一塵時如何師云一切總在裏許問如何是一句師應諾僧再問師云我不患聾問初生孩子還具六識也無師云急流水上打毬子問頭頭到來時如何師云猶較老僧百步問如何是和尚家風師云老僧自小出家抖擻破活計問請和尚離四句道師云老僧常在裏許問扁鵲醫王爲什麼有病師云扁鵲醫王不離床枕又云一滴甘露普潤大千問如何是露地白牛師云者畜生問如何是大人相師側目視之云猶是隔階

趨附在師云老僧無工夫趨得者閑漢僧問纔有心  
念落在人天直無心念落在眷屬時如何師云非但  
老僧作家亦答你不得問凡有施爲盡落糟粕請師  
不施爲答師叱尼云將水來添鼎子沸問如何是般  
若波羅蜜師云摩訶般若波羅蜜問如何是咬人師  
子師云皈依佛皈依法皈依僧莫咬老僧問離却言  
句請師道師咳嗽問如何得不謫古人不負恩去師  
云闍黎作麼生問如何是一句師云道什麼問如何  
是一句師云兩句問唯佛一人是善知識如何師云  
魔語問如何是菩提師云者箇是闍提問如何是大

文部

三

三

人相師云好箇兒孫問寂寂無依時如何師云老僧  
在你背後問如何是伽藍師云別更有什麼云如何  
是伽藍中人師云老僧與闍黎問二龍爭珠誰是得  
者師云老僧只管看問如何是離因果底人師云不  
因闍黎問老僧實不知問衆盲摸象各說異端如何  
是真象師云無假自是不知問如何是第一句師咳  
嗽云莫便是否師云老僧咳嗽也不得問大海還納  
衆流也無師云大海道不知云因什麼不知師云終  
不道我納衆流問如何是毗盧師云毗盧毗盧問  
諸佛還有師也無師云有云如何是諸佛師師云阿

彌陀佛阿彌陀佛問如何是學人師師云雲有出山  
勢水無投澗聲云不問者箇師云是你師不認問諸  
方盡向口裏道和尚如何示人師脚跟打火爐示之  
云莫便是也無師云恰認得老僧脚跟問不行大道  
時如何師云者販私鹽漢云却行大道時如何師云  
還我公驗來問如何是本來身師云自從識得老僧  
後只這漢更不別云與麼卽與和尚隔生去也師云  
非但今生千生萬生亦不識老僧問如何是祖師西  
來意師云東壁上掛葫蘆多少時也問方圓不就時  
如何師云不方不圓云與麼時如何師云是方是圓

文部

三

三

問道人相見時如何師云呈漆器問諦爲什麼觀不  
得師云諦卽不無觀卽不得云畢竟如何師云失諦  
問行又不到問又不到時如何師云到以不到道人  
看如涕唾云其中事如何師唾地問如何是祖師西  
來意師云如你不喚作祖師意猶未云云本來底如  
何師云四目相覩更無第二主宰問不具形儀還會  
也無師云卽今還會麼問如何是大無慚愧底人師  
云皆具不可思議問學人擬向南方學些子佛法去  
如何師云你去南方見有佛處急走過無佛處不得  
住云與麼卽學人無依也師云柳絮柳絮問如何是



急切處師云一問一答問不籍三寸還假今時也無師云我隨你道你作麼生會問如何是和尚家風師云茫茫宇宙人無數云請和尚不答話師云老僧合與麼問二龍爭珠誰是得者師云失者無虧得者無用問如何是大人相師云是什麼有俗士獻袈裟問披與麼衣服莫辜負古人也無師拋下拂子云是古是今問如何是沙門行師云展手不展脚問牛頭未見四祖時如何師云飽柴飽水云見後如何師云飽柴飽水問如何是學人自己師云喫粥了也未云喫粥也師云洗鉢盂去問如何是毗盧師師云白駝來

也未云來也師云牽去餵草問如何是無師智師云老僧不曾教闍黎問如何是親切一句師云話墮也問不借口還許商量也無師云正是時云便請師商量師云老僧不曾出問二祖斷臂當為何事師云粉骨碎身云供養什麼人師云來者供養問無邊身菩薩為什麼不見如來頂相師云你是闍黎問晝是日光夜是火光如何是神光師云日光火光問如何是恰問處師云錯云如何是不問處師云向前一句裏辨取問如何是大人相師以手摸面叉手歛容問如何是無爲師云者箇是有爲問如何是祖師西來意

師云欄中失却牛問學人遠來請和尚指示師云纔入門便好驀面唾問如何是直截一路師云淮南船子到也未云學人不會師云且喜到來問栢樹子還有佛性也無師云有云幾時成佛師云待虛空落地云虛空幾時落地師云待栢樹子成佛問如何是西來意師云因什麼向院裏罵老僧云學人有何過師云老僧不能就院裏罵得闍黎問如何是西來意師云板齒生毛問貧子來將什麼過與師云不貧云爭奈貧和尚何師云只是守貧問無邊身菩薩為什麼不見如來頂相師云如隔羅縠問諸天甘露什麼人

得喫師云謝你將來問超過乾坤底人如何師云待有與麼人卽報來問如何是伽藍師云三門佛殿問如何是不生不滅師云本自不生今亦無滅問如何是趙州主師云大王是問急切處請師道師云尿是小事須是老僧自去始得問如何是丈六金身師云腋下打領云學人不會師云不會請人裁問學人有疑時如何師云大宜小宜學云大疑師云大宜東北角小宜僧堂後問如何是佛向上人師下禪床上下觀瞻相云者漢如許長大截作三槪也得問什麼向上向下尼問如何是密密意師以手掐之云和尚猶

有者箇在師云是你有者箇

師示衆云老僧三十年前在南方火爐頭有箇無賓主話直至如今無人舉著問和尚受大王如是供養將什麼報答師云念佛云貧子也解念佛師云喫侍者將一錢與伊問如何是和尚家風師云屏風雖破骨格猶存問如何是不遷之義師云你道這野鴨子飛從東去西去問如何是西來意師云什麼處得者消息來問如何是塵中人師云布施茶鹽錢來問大耳三藏第三度覓國師不見未審國師在什麼處師云在三藏鼻孔裏問盲龜值浮木孔時如何師云不

丈人那

三藏集卷一

七

是偶然事問久居巖谷時如何師云何不隱去問如何是佛法大意師云禮拜著僧擬進話次師喚沙彌文遠文遠到師叱云適來去什麼處來問如何是自家本意師云老僧不用牛刀問久嚮趙州石橋到來只見掠豹子師云闍黎只見掠豹子不見趙州石橋云如何是石橋師云過來過來又云度驢度馬問和尚姓什麼師云常州有云甲子多少師云蘇州有上堂云纔有是非紛然失心還有答話分也無有僧出撫侍者一下云何不祇對和尚師便歸方丈後侍者請益適來僧是會不會師云坐底見立底立底見

坐底問如何是道師云牆外底云不問者箇師云問什麼道云大道師云大道通長安問撥塵見佛時如何師云撥塵卽不無見佛卽不得問如何是無疾之身師云四大五陰問如何是闍提師云何不問菩提云如何是菩提師云只者便是闍提師有時屈指云老僧喫作拳你諸人喫作什麼僧云和尚何得將境示人師云我不將境示人若將境示闍黎卽埋沒闍黎去也云爭奈者箇何師便珍重問一問一答總落天魔外道設使無言又犯他匡綱如何是趙州家風師云你不解問云請和尚答話師云若據你合喫二

丈人那

三藏集卷一

八

十棒

師示衆云纔有是非紛然失心還有答話分也無有僧出將沙彌打一掌便出去師便歸方丈至來日問侍者昨日者師僧在什麼處侍者云當時便去也師云三十年弄馬騎被驢子撲問與麼來底人師還接也無師云接云不與麼來底人師還接也無師云接云與麼來從師接不與麼來師如何接師云止止不須說我法妙難思鎮府大王問師尊年有幾箇齒在師云只有一箇牙大王云爭喫得物師云雖然一箇下下咬著問如何是學人珠師云高聲問僧禮拜師

云不解問何不道高下卽不問如何是學人殊何不與麼問僧便再問師云泊合放過者漢問二邊寂寂師如何闡揚師云今年無風波問大衆雲集合談何事師云今日拽木頭豎僧堂云莫只者箇便是接學人也無師云老僧不解雙陸不解長行問如何是真實人體師云春夏秋冬云與麼卽學人難會師云你問我真實人體問如何是佛法大意師云你各什麼云某甲師云舍元殿裏金谷園中問如何是七佛師云要眠卽眠要起卽起問道非物外物外非道如何是物外道師便打云和尚莫打某甲已後錯打人

去在師云龍蛇易辨衲子難瞞師見大王入院不起以手自拍膝云會麼大王云不會師云自小出家今已老見人無力下禪床問如何是忠言師云你娘醜陋問從上至今不忘底人如何師云不可得繫心常思念十方一切佛問如何是忠言師云喫鐵棒問如何是佛向上事師便撫掌大笑問一燈燃百千燈一燈未審從什麼處發師便趯出一隻履又云作家卽不與麼問問歸根得旨隨照失宗時如何師云老僧不答者話云請和尚答話師云合與麼問如何是不思處師云快道快道問夜昇兜率晝降閻浮其中爲

什麼摩尼不現師云道什麼僧再問師云毗婆尸佛早留心直至如今不得妙問非思量處如何師云速道速道問如何是衣中寶師云者一問嫌什麼云者箇是問如何是寶師云與麼卽衣也失却問萬里無店時如何師云禪院裏宿問徇子還有佛性也無師云家家門前通長安問覲面相呈還盡大意也無師云低口云收不得處如何師云向你道低口問如何是目前一句師云老僧不如你問出來底是什麼人師云佛菩薩問靈草未生時如何師云艱著卽腦裂云不艱時如何師云如同立死漢云還許學人和合

否師云人來莫向伊道問祖意與教意同別師云才出家未受戒到處問人問如何是聖師云不凡云如何是凡師云不聖云不凡不聖時如何師云好箇禪僧問兩鏡相向那箇最明師云關黎眼皮蓋須彌山問學人近入叢林乞師指示師云蒼天蒼天問前句已往後句難明時如何師云喚作卽不可云請師分師云問問問高峻難上時如何師云老僧不向高峯頂問不與萬法爲侶者是什麼人師云非人問請師宗乘中道一句子師云今日無錢與長官問學人不別問請師不別答師云奇怪問三乘教外如何接人



師云有此世界來日月不曾換問三處不通如何離識師云識是分外問衆機來湊未審其中事如何師云我眼本正不說其中事問淨地不止是什麼人師云你未是其中人在云如何是其中人師云止也問如何是萬法之源師云棟梁椽柱云學人不會師云拱斗叉手不會問一物不將來時如何師云放下著門路逢逢道人不得許州信問開口是有爲如何是無爲從陳州來不得許州信問開口是有爲如何是無爲師以手示之云者箇是無爲云者箇是有爲如何是無爲師云無爲云者箇是有爲師云是有爲

十一

吉寧寺藏板

十二

師示衆云佛之一字吾不喜問問和尚還爲人也無師云佛佛問盡却今時如何是的處師云盡却今時莫問那箇云如何是的師云向你道莫問云如何得見師云大無外小無內問離四句絕百非時如何師云老僧不認得死云者箇是和尚分上事師云恰是云請和尚指示師云離四句絕百非把什麼指示問如何是和尚家風師云內無一物外無所求問如何是歸根得旨師云答你卽乖問如何是疑心師云答你卽乖也問出家底人還作俗否師云出家卽是座主出與不出老僧不管云爲什麼不管師云與麼

卽出家也問無師弟子時如何師云無漏智性本自具足又云此是無師弟子問不見邊表時如何師云因什麼與麼問澄而不清渾而不濁時如何師云不清不濁云是什麼師云也可憐生云如何是通方師云離却金剛禪問如何是囊中寶師云嫌什麼云用不窮時如何師云自家底還重否又云用者卽重不用卽輕問如何是祖師的意師涕唾云其中事如何師又唾地問如何是沙門行師云離行問真休之處請師指師云指卽不休問無問時如何師云乖常語問四山相逼時如何師云無出跡問到者裏道不

十三

吉寧寺藏板

十三

得時如何師云不得道云如何道師云道不得處問但有言句盡不出頂如何是頂外事師嘆沙彌文遠文遠應諾師云今日早晚也問如何是毗盧師師云莫惡口問至道無難唯嫌揀擇如何得不揀擇師云天上天下唯我獨尊云此猶是揀擇師云田庫奴什麼處是揀擇問如何是三界外人師云爭奈老僧在三界內問知有有底人如何師云你若更問卽故問老僧

師示衆云向南方趨叢林去莫在者裏僧便問和尚者裏是甚處師云我者裏是柴林問如何是毗盧師



師云性是弟子問歸根得旨時如何師云太慌忙生云不審師云不審從甚處起劉相公入院見師掃地問大善知識爲什麼却掃塵師云從外來問利劍出匣時如何師云黑云正問之時如何辨白師云無者閑工夫云义手向人前爭奈何師云早晚見你又手云不义手時如何師云誰是不义手者問如何是沙門得力處師云你什麼處不得力問如何是和尚示學人處師云目前無學人云與麼卽不出世也師便珍重問祖意與教意同別師作拳安頭上云和尚猶有者箇在師卸下帽子云你道老僧有箇什麼問心

二文那

三聖語錄卷十四

十三

不停不住時如何師云是活物是者箇正被心識使在云如何得不被心識使師便低頭問道從何生師云者箇卽生也道不屬生滅云莫是天然也無師云者箇是天然道卽不與麼問祖意與教意同別師云會得祖意便會教意問如何是異類中行師云庵啍啍啍問高峻難上時如何師云老僧自住峯頂云爭奈曹溪路側何師云曹溪是惡云今時爲什麼不到師云是渠高峻問如何是寶月當空師云塞却老僧耳問毫釐有差時如何師云麤云應機時如何師云屈問如何是沙門行師展手拂衣問祖佛命不

斷處如何師云無人知問未審權機喚作什麼師云喚作權機問學人近入叢林不會乞師指示師云未入叢林更是不會問從上古德將何示人師云不因你問老僧也不知有古德云請師指示師云老僧不是古德問佛法未發如何辨得真實師云是真是實云是什麼人分上事師云老僧有分闍黎有分問如何是佛師云你是什麼人問驀直路時如何師云驀直路問如何是玄中不斷玄師云你問我是不斷玄問佛法未發時如何辨得真實師云已發也云未審是真是實師云真卽實實卽真問還有不報四恩三

二文那

三聖語錄卷十四

十四

有者也無師云有云如何是師云者辜恩負德漢問貧子來將什麼物與他師云不欠少問如何是趙州正主師云老僧是從諗有婆子問婆是五障之身如何免得師云願一切人生天願婆婆永沉苦海問朗月當空時如何師云猶是堦下漢云請師接上堦師云月落了來相見師有時示衆云老僧初到藥山時得一句子直至如今齣齣地飽師因在室坐禪次主事報大王來禮拜大王禮拜了左右問土王來爲什麼不起師云你不曾老僧者裏下等人來出三門接中等人來下禪床

接上等人來禪床上接不可喚大王作中等下等人也恐屈大王大王歡喜再三請入內供養師因問周員外你還夢見臨濟也無員外豎起拳師云那邊見外云者邊見師云什麼處見臨濟員外無對師問周員外什麼處來云非來非去師云不是老鷄飛來飛去

師示衆云纔有是非紛然失心還有答話分也無後有僧舉似洛浦洛浦扣齒又舉似雲居雲居云何必僧舉似師師云南方大有人喪身失命僧云請和尚舉師纔舉僧便指傍僧云者箇師僧喫却飯了作什

麼語話師休去師因看金剛經次僧便問一切諸佛及諸佛阿耨菩提皆從此經出如何是此經師云金剛般若波羅蜜經如是我聞一時佛在舍衛國僧云不是師云我自理經也不得因僧辭去師云闍黎出外忽有人問還見趙州否你作麼生祇對云只可道見師云老僧是一頭驢你作麼生見僧無語師問新到從什麼處來云南方來師云還知有趙州關麼云須知有不涉關者師叱云者販私鹽漢又云兄弟趙州關也難過云如何是趙州關師云石橋是有僧從雪峯來師云上座莫住此間老僧者裏只是避難所

在佛法盡在南方云佛法豈有南北師云直饒你從雪峯雪峯來也只是箇擔板漢云未審那邊事如何師云你因甚夜來尿床云達後如何師云又是屙屎示衆云我此間有出窟師子亦有在窟師子只是難得師子兒時有僧彈指對之師云是什麼云師子兒師云我喚作師子兒早是罪過你更行趯踏師問新到離什麼處云離雪峯師云雪峯有什麼言句示人云和尚尋常道盡十方世界是沙門一隻眼你等諸人向什麼處屙師云闍黎若迴寄箇鐵子去師因捨衣俵大衆次僧便問和尚總捨却了用箇什麼去師

召云湖州子僧應諾師云用箇什麼師示衆云未有世界早有此性世界壞時此性不壞僧問如何是此性師云五蘊四大云此猶是壞如何是此性師云四大五蘊定州有一座主到師問習何業云經律論不聽便講師舉手示之還講得者箇麼座主茫然不知師云直饒你不聽便講得也只是箇講經論漢若是佛法未在和尚卽今語話莫便是佛法否師云直饒你問得答得總屬經論佛法未在主無語師問一行者從什麼處來云北院來師云那院何似者院行者無對有僧在邊立師令代行者語

僧代云從那院來師笑之師又令文遠代之文遠云行者還是不取師語話師問座主所習何業云講維摩經師云維摩經步步是道場座主在什麼處主無對師令全益代座主語全益云只者一問可識道場麼師云你身在道場裏心在什麼處速道取云和尚不是覓學人心師云是云只者一問一答是什麼師云老僧不在心所裏法過眼耳鼻舌身意而知解云既不在心數裏和尚爲什麼覓師云爲你道不得云法過眼耳鼻舌身意而不解作麼生道不得師云喫我涕唾師問僧你曾看法華經麼云曾看師云經中

道衲衣在空閒假名阿練若誑惑世間人你作麼生會僧擬禮拜師云你披衲衣來否云披來師云莫惑我云如何得不惑去師云自作活計莫取老僧語師問座主所習何業云講維摩經師云那箇是維摩祖父云某甲是師云爲什麼却爲兒孫傳語主無對師一日上堂僧纔出禮拜師乃合掌珍重又一日僧禮拜師云好好問云如何是禪師云今日天陰不答話問新到從何方來云無方面來師乃轉背僧將坐具隨師轉師云大好無方面問新到從什麼處來云南方來師云三千里外逢莫戲云不曾師云摘楊花

摘楊花豐干到五臺山下見一老人干云莫是文殊也無老人云不可有二文殊也干便禮拜老人不見有僧舉似師師云豐干只具一隻眼師乃令文遠作老人我作豐干師云莫是文殊也無遠云豈有二文殊也師云文殊文殊師問二新到上座曾到此間否云不曾到師云喫茶去又問那一人曾到此間否云曾到師云喫茶去院主問和尚不曾到教伊喫茶去卽且置曾到爲什麼教伊喫茶去師云院主院主應諾師云喫茶去師到雲居雲居云老大大何不覓箇住處師云什麼處住得雲居云前面有古寺基師

云與麼卽和尚自住取師又到茱萸茱萸云老大大何不覓箇住處去師云什麼處住得茱萸云老大大住處也不識師云三十年弄馬騎今日却被驢撲師又到茱萸方丈上下觀瞻茱萸云平地喫交作什麼師云只爲心麤師一日將拄杖上茱萸法堂上東西來去更云作什麼師云探水更云我者裏一滴也無探箇什麼師將杖子倚壁便下去臺山路上有一婆子要問僧僧問臺山路向什麼處去云驀直去僧纔行婆云又與麼去也師聞便去問臺山路向什麼處去云驀直去師纔行婆云又與麼去也師歸舉



似大眾云婆子被老僧勘破了也師見僧來挾火示之云會麼僧云不會師云你不得喚作火老僧道了也師挾起火云會麼云不會師却云此去舒州有投子山和尚你去禮拜問取因緣相契不用更來不相契却來其僧便去纔到投子和尚處投子乃問近離什麼處云離趙州特來禮拜和尚投子云趙州老人有何言句僧乃具舉前話投子乃下禪床行三五步却坐云會麼僧云不會投子云你歸舉似趙州其僧却歸舉似師師云還會麼云未會師云也不較多也洞山問僧什麼處來云堂鞋來山云自解依他云依

他山云他還指閻黎也無僧無對師代云若久卽不違普化喫生菜臨濟見云普化大似一頭驢普化便作驢鳴臨濟便休去普化云臨濟小厮兒只具一隻眼師代云但與本分草料保壽問胡釘鉸莫便是胡釘鉸否云不敢保云還釘得虚空麼云請打破虚空來保壽便打却云他後有多口阿師與你點破在胡釘鉸後舉似師師云你因什麼被他打云不知過在什麼處師云只者一縫尚不奈何更教他打破釘鉸便會師又云且釘者一縫師因行路次見一婆子問和尚住在什麼處師云趙州東院西師舉問僧云你

道使那箇西字一僧云東西字一僧云依栖字師云你兩人總作得鹽鐵判官師與侍郎遊園見兔走過侍郎問和尚是大善知識兔子見爲什麼走師云老僧好殺師因見僧掃地次遂問與麼掃還得淨潔也無云轉掃轉多師云豈無撥塵者也云誰是撥塵者師云會麼云不會師云問取雲居去其僧乃去問雲居如何是撥塵者雲居云者瞎漢師問僧你在此間多少時也僧云七八年師云還見老僧麼云見師云我作一頭驢你作麼生見云入法界見師云我將爲你有此一著枉喫了如許多飯僧云請和尚道師云

因什麼不道向草料裏見師問菜頭今日喫生菜熟菜菜頭提起一莖菜師云知恩者少負恩者多有俗行者到院燒香師問僧伊在那裏燒香禮拜我又共你在者裏語話正與麼時生在那頭僧云和尚是什麼師云與麼卽在那頭也云與麼已是先也師笑之師與小師文遠論義不得占勝占勝者輸餠餅師云我是一頭驢遠云我是驢胃師云我是驢糞遠云我是糞中虫師云你在彼中作麼遠云我在彼中過夏師云把將餠餅來師因入內迴路上見一幢子無一截僧問云幢子一截上天去也入地去也師云也不



上天也不入地云向什麼處去師云撲落也師坐次一僧纔出禮拜師云珍重僧伸問次師云又是也師因在簷前立見燕子語師云者燕子喃喃地招人言語僧云未審他還甘也無師云依稀似曲纔堪聽又被風吹別調中有僧辭去師云什麼處去云閩中去師云閩中大有兵馬你須迴避云向甚處迴避師云恰好有僧上叅次見師衲衣蓋頭坐次僧便退師云闍黎莫道老僧不祇對師問僧從什麼處來云南方來師云共什麼人爲伴云水牯牛師云好箇師僧因什麼與畜生爲伴云不異故師云好箇畜生云爭肯

師云不肯且從還我伴來師問僧堂中還有祖師也無云有師云喚來與老僧洗脚堂中有二僧相推不肯作第一座主事白和尚師云總教他作第二座云教誰作第一座師云裝香著云裝香了也師云戒香定香師問僧離什麼處云離京中師云你還從潼關過麼云不歷師云今日捉得者販私鹽漢因送亡僧師云只是一箇死人得無量人送又云許多死漢送一箇生漢時有僧問是心生是身生師云身心俱不生云者箇作麼生師云死漢有僧見貓兒問云某甲喫作貓兒未審和尚喚作什麼師云是你喚作貓兒

因鎮州大王來訪師侍者來報師云大王來師云大王萬福侍者云未在方到三門下師云又道大王來也因上東司召文遠文遠應諾師云東司上不可與你說佛法也因在殿上過乃喚侍者侍者應諾師云好一殿功德侍者無對師因到臨濟方始洗脚臨濟便問如何是祖師西來意師云正值洗脚臨濟乃近前側聆師云若會便會若不會更莫啗啄作麼臨濟拂袖去師云三十年行脚今日爲人錯下注脚師因到天台國清寺見寒山拾得師云久嚮寒山拾得到來只見兩頭水牯牛寒山拾得便作牛鬪師云叱叱

寒山拾得咬齒相看師便歸堂二人來堂內問師適來因緣作麼生師乃呵呵大笑一日二人問師什麼處去來師云禮拜五百尊者來二人云五百頭水牯牛響尊者師云爲什麼作五百頭水牯牛去山云蒼天蒼天師呵呵大笑師行脚時見二菴主一人作丫角童師問訊二人殊不顧來日早晨丫角童將一鐺飯來放地上分作三分菴主將席子近前坐丫角童亦將席近前相對坐亦不喚師師乃亦將席子近前坐丫角童顧於師菴主云莫言侵早起更有夜行人師云何不教詔這行者菴主云他是人家男女師云

洎合放過丫童便起顧視菴主云多口作麼丫童從此入山不見師因看經次沙彌文遠入來師乃將經側示之沙彌乃出去師隨後把住云速道速道文遠云阿彌陀佛阿彌陀佛師便歸方丈因沙彌童行參師向侍者道教伊去侍者向行者道和尚教去行者便珍重師云沙彌童行得入門侍者在門外師行脚時到一尊宿院纔入門相見便云有麼有麼尊宿豎起拳頭師云水淺船難泊便出去又到一院見尊宿便云有麼有麼尊宿豎起拳頭師云能縱能奪能取能撮禮拜便出去師一日拈數珠問新羅長老彼中

支那

聖賢集卷四

二十一

還有者箇也無云有師云何似者箇云不似者箇師云既有爲什麼不似無語師自代云不見道新羅大唐問新到什麼處來云南方來師豎起指云會麼云不會師云動止萬福不會師行脚時問大慈般若以何爲體慈云般若以何爲體師便呵呵大笑而出大慈來日見師掃地次問般若以何爲體師放下掃帚呵呵大笑而去大慈便歸方丈師到百丈百丈問從什麼處來云南泉來百丈云南泉有何言句示人師云有時道未得之人亦須峭然去百丈叱之師容愕然百丈云大好峭然師便作舞而出師到投子處對

坐齋投子將蒸餅與師喫師云不喫不久下糊餅投子教沙彌度與師師接得餅却禮沙彌三拜投子默然因僧寫師真呈師師云若似老僧卽打殺我若不似卽燒却師因與文遠行次乃以手指一片地云這裏好造一箇巡鋪子文遠便去彼中立云把將公驗來師便打一摑遠云公驗分明過師問新到近離甚處云臺山師云還見文殊也無僧展手師云展手頗多文殊難覩云只守氣急殺人師云不覩雲中鴈焉知沙塞寒問遠遠投師請師一接師云孫臏門下因什麼鑽龜僧拂袖出去師云將爲當榮折他雙足師

支那

聖賢集卷四

二十二

與首座看石橋乃問首座是什麼人造云李膺造師云造時向什麼處下手座無對師云尋常說石橋問著下手處也不知有新羅院主請師齋師到門首問此是什麼院云新羅院師云我與你隔海問僧什麼處來云雲居來師云雲居有什麼言句云有僧問遷竿掛角時如何雲居云六六三十六師云雲居師兄猶在僧却問未審和尚尊意如何師云九九八十一有一婆子日晚入院來師云作什麼婆云寄宿師云者裏是什麼所在婆呵呵大笑而去師出外逢見一箇婆子提一箇籃子師便問什麼處去云偷趙州笋

去師云忽見趙州又作麼生婆子近前打一掌師因見院主送生飯鷄子見便總飛去師云鷄子兒見你爲什麼却飛去院主云怕某甲師云是什麼語話師代云爲某甲有殺心在師問僧什麼處來云江西來師云趙州著在什麼處僧無對師從殿上過見一僧禮拜師打一棒云禮拜也是好事師云好事不如無師因參潼關潼關問師云你還知有潼關麼師云知有潼關云有公驗者卽得過無公驗者不得過師云忽遇鑾駕來時如何關云也須檢點過云你要造反師到寶壽寶壽見師來遂乃背面而坐師便展坐具

寶壽起立師便出去師在南泉時泉牽一頭水牯牛入僧堂內巡堂而轉首座乃向牛背上三拍泉便休去師後將一束草安首座面前首座無對有秀才見師乃讚歎師云和尚是古佛師云秀才是新如來有僧問如何是涅槃師云我耳重僧再問師云我不害耳聾乃有頌騰騰大道者對面涅槃門但坐念無際來年春又春有僧問生死二路是同是別師乃有頌道人問生死生死若爲論雙林一池水朗月耀乾坤喚他句上識此是弄精魂欲會箇生死顛人說夢春有僧問諸佛有難火燄裏藏身和尚有難向什麼處

藏身師乃有頌渠說佛有難我說渠有灾但看我避難何處有相隨有無不是說去來非去來爲你說難法對面識得來

十二時歌

鷄鳴丑愁見起來還漏逗裙子褊衫箇也無裝束形相些些有視無畧袴無口頭上青灰三五斗比望修行利濟人誰知變作不啣溜  
平旦寅荒村破院實難論解齋粥米全無粒空對開窗與隙塵唯雀噪勿人親獨坐時聞落葉頻誰道出家憎愛斷思量不覺淚沾巾

日出卯清淨却翻爲煩惱有爲功德被塵慢無限田地未曾掃攢眉多稱心少耐耐東村黑黃老供利不曾將得來放驢喫我堂前草  
食時辰煙火徒勞望四鄰饅頭飽子前年別今日思量空嚙津持念少嗟歎頻一百家中無善人來者祇道覓茶喫不得茶噉去又喫  
禺中巳削髮誰知到如此無端被請作村僧屈辱飢悽受欲死胡張三黑李四恭敬不曾生些子適來忽爾到門頭唯道借茶兼借紙  
日南午茶飯輪還無定度行却南家到北家果至北



家不推註苦沙鹽大麥醋蜀黍米飯藿蒿苣唯稱供  
養不等閑和尚道心須堅固

日昧未者回不踐光陰地曾聞一飽忘百飢今日老  
僧身便是不習禪不論義鋪箇破席日裏睡想料上  
方兜率天也無如此日炙背

晡時申也有燒香禮拜人五箇老婆三箇瘦一雙面  
子黑皺皺油麻茶實是珍金剛不用苦張筋願我來  
年蠶麥熟羅喉羅兒與一文

日入酉除却荒涼更何守雲水高流定委無歷寺沙  
彌鎮常有出格言不到口枉續牟尼子孫後一條挂

杖麤刺藜不但登山兼打狗

黃昏戌獨坐一間空暗室陽燄燈光永不逢眼前純  
是金州漆鐘不聞虛度日唯聞老鼠鬧啾唧憑何更  
得有心情思量念箇波羅蜜

入定亥門前明月誰人愛向裏唯愁卧去時勿箇衣  
裳着甚蓋劉維那趙五戒口頭說善甚奇怪任你山  
僧囊罄空問着都緣總不會

半夜子心境何曾得暫止思量天下出家人似我住  
持能有幾土榻床破蘆簾老榆木枕全無被尊像不  
燒安息香灰裏唯聞牛糞氣

見起塔乃有頌

本自圓成何勞疊石名邈雕鐫與吾懸隔若人借問  
終不指畫

因見諸方見解異途乃有頌

趙州南石橋北觀音院裏有彌勒祖師遺下一隻履  
直至如今覓不得

因魚鼓有頌

四大猶來造化功有聲全貴裏頭空莫怪不與凡夫  
說只爲宮商調不同

因蓮花有頌

奇異根苗帶雪鮮不知何代別西天淤泥深淺人不  
識出水方知是白蓮

附趙王與師作眞贊

碧溪之月清鏡中頭我師我化天下趙州

哭趙州和尚二首

師離流水動王侯心印光潛塵尾收碧落霧縠松嶺  
月滄溟浪覆濟人舟一燈乍滅波旬喜雙眼重昏道  
侶愁縱是了然雲外客每瞻瓶几淚還流

佛日西傾祖印隳珠沉丹沼月沉輝影數丈室爐烟  
慘風起禪堂松韻微隻履乍來留化跡五天何處又



逢歸解空弟子絕悲喜猶自潸然對雪障

廬山棲賢寶覺禪院住持傳法賜紫沙門

澄謔重詳定

古尊宿語錄卷第十四

金壇居士于王立施贊刻此

古尊宿語錄卷第十四 計字一萬一千二百

銀五兩八錢二分四厘

銀山釋海亮對上元陶邦本書涇縣徐世經刻  
萬曆甲寅歲秋九月經山化城識

購述

古尊宿語錄卷十四

二十九

古尊宿語錄卷之十五  
雲門匡真禪師廣錄上

門人明識大師賜紫守堅集

對機

師上堂良久云夫唱道之機固難諧剖若也一言相契猶是多途況復惻惻有何所益然且教乘之中各有殊分律爲戒學經爲定學論爲慧學三藏五乘五時八教各有所歸然一乘圓頓也大難明直下明得與衲僧天地懸殊若向衲僧門下句裏呈機徒勞佇思門庭敲磕千差萬別擬欲進步向前過在尋佗舌

頭路布從上來事合作麼生向者裏道圓道頓得麼者邊那邊得麼莫錯會好莫見與麼道便向不圓不頓處卜度者裏也須是箇人始得莫將依師語相似語測度語到處呈中將爲自己見解莫錯會祇如今有什麼事對衆決擇看時有州主何公禮拜問曰弟子請益師云目前無異草有官問佛法如水中月是不師云清波無透路進云和尚從何得師云再問復何來進云正與麼時如何師云重疊關山路有官問千子圍繞何者爲的師云化下住持已奉來問問今日開筵將何指教師云來風深辨進云莫祇者便是

麼師云錯問從上古德以心傳心今日請師將何施設師云有問有答進云與麼則不虛施設也師云不問不答問凡有言句皆是錯如何是不錯師云當風一句起自何來進云莫祇者便是也無師云莫錯問如何是啐啄之機師云響進云還應也無師云且緩緩問如何是學人的事師云痛領一問問如何是教外別傳一句師云對衆問將來師云莫道今日瞞諸人好抑不得已向諸人前作一場狼籍忽被明眼人見成一場笑具如今避不得也且問汝諸人從來有什麼事欠少什麼向汝道無事已是相埋沒也須

到這箇田地始得亦莫趁口亂問自己心裏黑漫漫地明朝後日大有事在你若根思遲迴且向古人建化門頭東觀西觀看是什麼道理你欲得會麼都緣是你自家無量劫來妄想濃厚一期聞人說著便生疑心問佛問法問向上問向下求覓解會轉沒交涉擬心卽差況復有言莫是不擬心是麼更有什麼事珍重問如何是雲門一曲師云臘月二十五進云唱者如何師云且緩緩問如何是祖師西來意師云日裏看山問如何是和尚家風師云久雨不晴進云如何是久雨不晴師云曬眼着問如何是不帶昧師云

天台普請南嶽遊山問如何是向上一路師云九九八十一問如何是學人自己師云遊山翫水進云如何是和尚自己師云賴遇維那不在問如何是教主師云太無禮生問如何是一代時教師云對一說問如何是正法眼師云普問如何是端坐念實相師云河裏失錢河裏攪問如何是沙門行師云會不得進云爲什麼會不得師云祇守會不得問如何是尋常之用師云且那裏葛藤去問如何是教意師云你看什麼經僧云般若經師云一切智智清淨還夢見未僧云一切智智清淨且置如何是教意師云心不負

支那

南嶽普請錄卷之五

三

人面無慙色放你三十棒問如何報得四恩三有去師云抱頭哭蒼天問如何是正法眼師云粥飯氣問如何是三昧師云到老僧一問還我一句來問如何是諸佛出身處師云東山水上行問乞師指箇入路師云喫粥喫飯

師示衆云我事不獲已向你諸人道直下無事早是相埋沒也更欲蹋步向前尋言逐句求覓解會千差萬別廣設問難贏得一場口滑去道轉遠有什麼歇時祇此箇事若在言語上三乘十二分教豈是無言語因什麼道教外別傳若從學解機智祇如十地聖

人說法如雲如雨猶被訶責見性如隔羅縠以此故知一切有心天地懸殊雖然如是若是得底人道又何曾燒口終日說事未嘗挂著唇齒未曾道著一字終日著衣喫飯未曾觸著一粒米挂著一縷絲雖然如此猶是門庭之說須是實得與麼始得若約衲僧門下句裏呈機徒勞佇思直饒一句下承當得猶是瞌睡漢時有僧問如何是一句師云舉問如何是說時默師云清機歷掌進云如何是默時說師云雙進云不默不說時如何師將棒趁僧問如何是雲門劍師云祖問如何是諸佛出身處師云更請一問問如

支那

南嶽普請錄卷之五

四

何是露地白牛師云覲機無改路進云放著什麼處師云再舉不逾塵問如何是塵塵三昧師云桶裏水鉢裏飯問如何是一如體玄師云欠你一問問如何是玄中的師云祝進云如何即是師云速退速退妨他別人問問如何是非思量處師云識情難測問鑿壁偷光時如何師云恰問一言道盡時如何師云裂破進云和尚作麼生下手拈掇師云拈取糞箕掃帚來問如何舉唱卽得不負來機師云道什麼進云還可來意也無師云且緩緩師云三乘十二分教橫說豎說天下老和尚縱橫十字說與我拈針鋒許說底

道理來看與麼道早是死馬醫雖然如有幾箇到此境界不敢望你言中有響句裏藏鋒瞬目千差風恬浪靜伏惟尚饗問如何是透法身句師云北斗裏藏身問如何是本來宗師云不問不答問如何是三界唯心萬法唯識師云我今日不答話進云爲什麼不答話師云驢年會麼問如何是吹毛劍師云豁又云紫問如何是內外光師云向什麼處問學云如何明達師云忽然有人問你作麼生道進云明達後如何師云明即且置還我達來問如何是切急一句師云吃問如何是本來心師云舉起分明問如何是衲

僧孔竅師云放過一著進云請師道師云對牛彈琴問如何是大乘修行師云一盞在手問如何是一切智智清淨師云僧堂入佛殿問如何是不挂唇吻一句師云合取狗口問如何是海印三昧師云你但禮拜問著待我東行西行問如何轉動即得不落階級師云南斗七北斗八

上堂云諸兄弟盡是諸方叅尋知識決擇生死到處豈無老宿垂慈方便之辭還有透不得底句麼出來舉看待老漢與汝大家商量有麼有麼時有僧出擬伸問次師云去去西天路迢迢十萬餘便下座問如

何是當今施設師云道即不難鑒從何來問如何是不睡底眼師云不省問如何是不犯之令師云那箇師僧還見麼問如何是大人相師乃擎拳問如何是學人急切處師云你怕我不知問如何是佛法大意師云一佛二菩薩問如何是雪嶺泥牛吼師云山河走進云如何是雲門木馬嘶師云天地黑問如何是兄弟添十字師云我共你說葛藤問如何是和尚爲人一句師云心不負人面無慙色速禮三拜問如何是天然之事師云踢步向前作什麼問如何是教意師云吃齋舌頭更將一問來問如何是七縱八橫師

云放你一著

上堂云舉一則語教汝直下承當早是撒屎著你頭上也直饒拈一毛頭盡大地一時明得也是剜肉作瘡雖然如此也須是實到者箇田地始得若未且不



承當尚猶不著便不可受人欺瞞取人處分纔見老和尚開口便好把特石驀口塞便是屎上青蠅相似鬪囉將去三箇五箇聚頭商量苦屈兄弟古人一期爲汝諸人不奈何所以垂一言半句通你入路知是般事拈放一邊自著些子筋骨豈不是有少許相親處快與快與時不待人出息不保入息更有什麼身心開別處用切須在意珍重

上堂良久云觸目不會道運足焉知路僧問如何是觸目菩提師云與我拈却佛殿問如何是最初一句師云九九八十一僧便禮拜師云近前來僧便近前

師便打問如何是實學底事師云大好消息進云畢竟是誰家之子師云臘月二十五問承教有言一切智智清淨時如何師便唾之進云古人方便又作麼生師云來來截却汝脚跟換却汝髑髏鉢盂裏拈却匙筯拈却鼻孔來進云甚處有許多般師云者掠虛漢便打問如何是禪師云是進云如何是道師云得問如何是一切法皆是佛法師云三家村裏老婆盈衢溢路會麼學云不會師云非但汝不會大有人在會在問學人簇簇地商量箇什麼師云大眾久立上堂云盡乾坤一時將來著你眼睫上你諸人聞與

麼道不敢望汝出來性躁打老僧一摑且緩緩子細看是有是無是箇甚麼道理直饒你向這裏明得若遇衲僧門下好樵脚折若是箇人聞道什麼處有老宿出世便好驀面唾汗我耳目汝若不是箇手脚纔聞人舉便承當得早落第二機也汝不看他德山和尚纔見僧入門拽拄杖便趂睦州和尚見僧來便云現成公案放你三十棒自餘之輩合作麼生若是一般掠虛漢食人膿唾記得一堆一擔揼揼到處馳騁驢唇馬背誇我解問十轉五轉話饒你從朝問至夜答到夜論劫還夢見麼什麼處是與人着力處似這

般底有人屈衲僧齋也道得飯喫有什麼共語處他日間羅王面前不取你口解說諸兄弟若是得底人他家依衆遣日若未得切莫掠虛不得容易過時大須子細古人大有葛藤相爲處祇如雪峰和尚道盡大地是你夾山和尚道百草頭上薦取老僧鬧市裏識取天子洛浦和尚云一塵纔起大地全收一毛頭師子全身總是你把取翻覆思量看日久歲深自然有箇入路此箇事無你替代處莫非各在當人分上老和尚出世祇爲你作箇證明你若箇人路少許來由亦昧汝不得若實未得方便撥你卽不可兄弟

一等是踢破草鞋行脚拋却師長父母直須著些子眼睛始得若未有箇入頭處遇著本色咬豬狗手脚不惜性命入泥入水相爲有可咬嚼眨上眉毛高挂鉢囊十年二十年辦取出頭莫愁不成辦直是今生未得來生亦不失却人身向此門中亦乃省力不虛辜負平生亦不辜負施主師長父母直須在意莫空過時遊州獵縣橫擔拄杖一千里二千里走這邊經冬那邊過夏好山好水堪取性多齋供易得衣鉢苦屈苦屈圖他一斗米失却半年糧如此行脚有什麼利益信心檀越一把菜一粒米怎麼生消得直須自

看無人替代時不待人一日眼光落地前頭將何抵擬莫一似落湯螃蟹手脚忙亂無你掠虛說大話處莫將等閑空過時光一失人身萬劫不復不是小事莫據目前俗子尚云朝聞道夕死可矣況我沙門合履踐何事大須努力珍重問如何是諸佛出身處師云佛前裝香佛後合掌問十二時中如何得不被諸境惑去師云三門頭合掌問四面森森如何是靈樹師云風鳴雨息進云如何是靈樹枝條師云曬眼皮草問如何是觸目菩提師云拈却露柱學云露柱豈干他事師云驢年會麼問醍醐上味爲什麼齏成毒

藥師云禪問如何是活師云心不負人學云如何是殺師云三日後不得唱衣學云不殺不活時如何師以拄杖越出問學人與麼來請師實說師云知問金剛爲什麼倒地師云不着力問殺父殺母佛前懺悔殺佛殺祖向什麼處懺悔師云露問不起一念還有過也無師云須彌山問如何是和尚家風師云有讀書人來報問學人有疑請師不責從上宗乘事作麼生師云三拜不虛問生死到來如何排遣師云在什麼處問如來唯一說無二說如何是如來說師云那箇師僧何不問問閻中如何辨主師云務原是什麼

人坐問學人實問請師實答師云你作麼生辨進云正當與麼時如何師云的問題從上古德以何爲的師云看取舌頭

上堂云諸和尚子莫妄想天是天地是地山是山水是水僧是僧俗是俗良久云與我拈案山來看便有僧問學人見山是山見水是水時如何師云三門爲什麼從這裏過進云與麼則不妄想去也師云還我話頭來

上堂良久云還有人道得麼道得底出來衆無語師拈拄杖云適來是箇小屎坑如今是箇大屎坑下座

問萬法歸一一卽不問如何是萬法師云你來這裏說葛藤瞞我問聖僧爲什麼被大蟲咬師云與天下人作榜樣問十二時中如何用心卽得不負於上來師云省力進云省力事如何師云省取前話問萬機不到處如何知有師云該得麼進云日用事如何師云一箭到新羅大漢國裏說葛藤問學人擬伸一問還許也無師云佛不奪衆生所願問如何舉唱卽得不負來機師云痛領一問問千聖功圓冥然時如何擊琢師云句裏明人問三界中何物勝於佛師云通你一問問摘葉尋枝卽不問如何是直截根源師云

五  
五

五  
五

五  
五

五  
五

五  
五

五  
五

速禮三拜問已事未明如何指示師云不避來機還當得麼問盡其機來師還接也無師云一問不錯學云一問且置師還接不師云細看前話問毗盧向上卽不問虛空請師留些子師云把却汝咽喉你作麼生道問如何是學人自己師云一掬一割進云莫便是不師云蘇嚕蘇嚕

上堂云今日與諸人舉一則語大衆聳聽良久有僧出禮拜擬伸問次師以拄杖趲云似這般滅胡種長連牀上納飯阿師堪什麼共語處這般打野檉漢以拄杖一時趲下問大衆雲集合談何事師云向下文

長付在來日進云便與麼去時如何師云墮進云什麼處是墮師云長連牀上飽喫飯了脫空妄語問靈山一會何似今日師云言中有響學云當今事作麼生師云不煩再問問以字不成八字不是未審是什麼字師云九九八十一進云學人不會請師指示師云我又辜你什麼處問從上古德得箇什麼便稱尊貴師云愛問不愛答進云與麼則不假和尚舌頭嚙去也師云熨斗煎茶銚不同問和尚爲人語話還有未道著底句也無師云說不及進云爲什麼如此師云祇爲如此問大拍盲底人來師還接也無師放身

五  
五

五  
五

五  
五

倒問如何是雲門山師云庚峰定穴問牙齒敲磕皆落名言如何得不落古人蹤師云通機自辨問如何是和尚家風師云皮枯骨瘦問如何是道師云七顛八倒進云爲什麼如此師云一不得向二不得開問暗室得明時如何師云朗州此去多少

上堂云一言纔舉千差同轍該括微塵猶見化門之說若是衲僧合作麼生若將祖意佛意這裏商量曹溪一路平沉還有人道得麼道得底出來時有僧問如何是超佛越祖之談師云餬餅進云這箇有什麼交涉師云灼然有什麼交涉師乃云你勿可作了見



人道著祖師意便問超佛越祖之談你且喚什麼作佛喚什麼作祖卽說超佛越祖之談便問箇出三界你把將三界來有什麼見聞覺知隔礙著你有甚聲色法與汝可了了箇什麼碗以那箇爲差殊之見他古聖勿奈你何橫身爲物道箇舉體全真物物覲體不可得我向汝道直下無事早是相埋沒了也你若實未得箇入頭處且中獨自參詳除却著衣喫飯局屎送尿更有什麼事無端起得如許多般妄想作什麼更有一般底如等閑相似聚頭舉得箇古人話識性記持妄想卜度道我會佛法了也祇管說葛藤取

支那

五經集卷之五

三

性過日更嫌不稱意千鄉萬里拋却父母師資作這去就這箇打野裡漢有什麼死急行脚去以拄杖便趁下問父母不聽不得出家如何得出家師云淺進云學人不曾師云深問從上來事請師提綱師云朝看東南暮看西北進云便與麼會時如何師云東家點燈西家暗坐問當今一句請師道師云放你一線道還我一句來問不涉廉纖請師道師云一怕汝不問二怕汝不舉三到老僧勃跳四到你退後速道速道僧便禮拜師便打問萬機喪盡時如何師云與我拈佛殿來與汝商量進云豈干他事師咄云這掠虛

漢問目前蕩盡時如何師云執發作麼其僧禮拜而退師云且來且來僧近前師便棒云這掠虛漢譯我問如何是法王主師云叉手著問盲龜值浮木孔時如何師云老僧叉手去也

上堂云故知時運澆漓代千像季近日師僧北去言禮文殊南去謂遊衡嶽與麼行脚名字比丘虛消信施苦哉苦哉問著黑漆相似祇管取性過日設有三箇兩箇狂學多聞記持話路到處覓相似語句卽可老宿輕忽上流作薄福業他日閻羅王釘釘之時莫道無人向汝道若是初心後學直須擺動精神莫空

支那

五經集卷之五

四

記說多虛不如少實向後祇是自賺有什麼事近前問學人正在迷途請師一接師云道什麼問如何是教意師云答猶未了進云和尚什麼處答師云將謂汝靈利問如何是衲僧正眼師云那箇師僧近前來其僧近前師咄云去問如何會得和尚一句師云臘月二十五問教中卽不問如何是宗門中事師云既有來問速禮三拜問絕消息處如何履踐師云三十年後進云祇今如何師云莫亂統問性源還有語也無師云莫問問佛病祖病將何醫師云審卽諧進云將何醫師云幸有力問百步穿楊請師指的師云蒼



這話去也問言詮不及處如何體會師云對衆快禮三拜問鈴鐸之子如何進步師云目前不辨進云豈無尊貴師云不較多進云作麼生師云作麼生問凡有言說皆是葛藤如何是不葛藤師云大有人見汝問問急急相投請師指教師云作麼生道進云不會請師道師云作麼

上堂云大衆汝等還有鄆州針麼若有試將來看有麼有麼衆無對師云若無散披衣裳去也便下座上堂大衆集定乃以拄杖指云乾坤大地微塵諸佛摠在裏許爭佛法覓勝負還有人諫得麼若無人諫

得待老僧與汝諫看時有僧云請和尚諫師云這野狐精問盡大地人來師如何接師云提綱有路進云莫祇這便是指示不師云合取狗口問時中不明如何得不落緣塵去師云閉門哭蒼天問十二時中如何體悉師云不難辨進云還有學人入頭處也無師云細看前話問靈山一會迦葉親聞未審聞箇什麼句師云不避來鋒速道速道進云是什麼句師云掣電之機徒勞竚思問千聖不傳古今不歷如何是和尚接人一句師云觸忤老兄得麼進云如何是接人一句師云作麼問有何逕要令學人心息師云放你

三十棒問目前坦然時如何師云海水在汝頭上進云還著得也無師云向這裏脫空妄語問施主設齋將何報答師云量才補職進云不會師云不會即喫飯問如何是向上事師云截却汝肚腸換却是筋拈將鈴盂來看僧無對師云這掠虛漢問如何是佛法大意師云來鋒有路問如何是學人轉身處師云利問一口吞盡時如何師云我在汝肚裏進云和尚爲什麼在學人肚裏師云還我話頭來

上堂良久云祇這箇帶累殺人便下座上堂云道即道了也時有僧出禮拜欲伸問次師拈

拄杖便打云識什麼好惡這一般打野狸漢總似這箇僧爭消得施主信施惡業衆生總在這裏覓什麼乾屎橛咬以拄杖一時趁下問牛頭未見四祖時如何師云家家觀世音進云見後如何師云火裏唧唧吞大蟲問如何是禪師云拈却一字得麼問扶桑柯昨日輪未出時如何師云知問背楚投吳時如何師云面南看北斗問六國未寧時如何師云千里何明進云爭柰不明何師云賴遇適來道了問如何是本源師云受什麼人供養問如何是直截一路師云主山後進云謝師指示師曰合取皮袋問曹溪的旨請

師垂示師云三十年後問密室玄宮時如何師云倒進云宮中事作麼生師云重問萬機吐不出時如何師云大衆不匿進云猶是學人疑處在師云語覆前機去問要急相應唯言不二時如何師云對衆舉大衆可不知進云如何承當師云驢年間一生積惡者不知善一生積善者不知惡此意如何師云燭問遠遠投師師意如何師云七九六十三進云學人近離衡州師喝云是你草鞋跟斷僧云珍重師喝云靜處薩婆訶問如何是學人自己師云一佛二菩薩上堂云汝等諸人皆是河南海北來各各盡有生緣

法苑珠林

卷之九

七

所在還自知得麼試出來舉看老漢與汝證明有麼有麼汝若不知老漢瞞汝去也汝欲得識麼生緣若在向南北有趙州和尚五臺文殊總在這裏生緣若在向西南有雪峯卧龍西院鼓山總在這裏汝欲得識麼向這裏識取若不見莫掠虛見麼見麼若不見且看老漢騎佛殿出去也珍重問六國未寧時如何師云雲擎雨色問上無擎仰下無已躬時如何師云藏身一句作麼生道僧便禮拜師云放過一著置將一問來僧無語師云這死蝦蟆問如何是色卽是空師云拄杖敲汝鼻孔問如何是和尚非時爲人一句

師云早朝牽犁晚間拽杷問三乘五性卽不問如何是衲僧門下事師云日勢稍晚速禮三拜問久值爲什麼不識師云測問如何是心師云心進云不會師云不會進云究竟如何師咄云靜處東行西行問三界唯心萬法唯識時如何師云舌根裏藏身進云藏身後如何師云蘇魯蘇魯問如何是途中受用師云七九六十三進云如何是世諦流布師云江西湖南新羅渤海問密室不通風時如何師云響露鳴風進云如何是密室中人師云再陳難辨問直與麼來時如何師云照從何立進云不去不來時如何師云前

法苑珠林

卷之九

七

語道什麼問進向無門時如何師云三千八百上堂云放你橫說豎說從朝至暮無人塞你口不放你說又作麼生上堂大衆集良久驀拈拄杖云看看北鬱單越人見汝般柴不易在中庭裏相撲供養你更爲你念般若經云一切智智清淨無二無二分無別無斷故僧便問如何是一切智智清淨師云西天斬頭截臂這裏自領出去問挂錫幽巖時如何師云在什麼處問如何是深中淺師云山河大地進云如何是淺中深師云大地山河進云如何是深師云朝到西天暮歸唐

土問迦葉入定時如何師云匿得麼進云還見十方不師云好手透不出問真如湛寂妙絕無門時如何師云自機迴照進云祇這裏如何師云莫錯問千般方便誘引歸源未審源中事如何師云有問有答速道將來僧應諾師云迢遙也問如何是雲門劍師云揭進云用者如何師云蘇嚕蘇嚕問如何是祖師西來意師云沒即道進云不會師云壯一問問能詮表裏時如何師云風不入進云表裏事如何師云錯問萬機俱罷時如何師云塚上生芝草問觀身無已觀外亦然時如何師云熱發作麼進云與麼則水消瓦

解去也師便打問龍門有意進水無能時如何師云來機即易再舉還難進云正與麼時如何師云快上堂云我看汝諸人二三機中尚不能構得空披衲衣何益你還會麼我爲汝注破久後到諸方若見老宿舉一指豎一拂子云是禪是道拽拄杖打破頭便行若不如如此盡落天魔眷屬壞滅吾宗汝若實不會且向葛藤社裏看我尋常向汝道微塵刹土中三世諸佛西天二十八祖唐土六祖盡在拄杖頭說法神通變現聲應十方你還會麼若不會且莫掠虛雖然如此且諦當實見也未直饒到此田地也未夢見衲

僧沙彌在三家村裏不逢一人師驀拄杖劃地一下云總在這裏又劃一下云總在這裏出去也珍重問古人面壁意旨如何師云念七又云定問百不會底人來師如何接師云話墮也進云什麼處是話墮師云七棒對十三問承古有言了即業障本來空未了還須償宿債未審二祖是了未了師云確問從上古德相傳何事師云速禮三拜問如何是雲門一路師云親進云如何即是師云顛言倒語作麼問承古有言擬心即差如何得不差師云洪機歷掌進云後人再問作麼生師云遲風難改問三身中阿那身說

法師云要問如何是釋迦身師云乾屎橛問請師提綱宗門師云南有雪峯北有趙州問大徹底人見一切法是空不師云蘇嚕蘇嚕問終日切切不得箇入路乞師指箇入路師云當機有路問如何是超佛越祖之談師云蒲州麻黃益州附子問如何是教意師云撩起來作麼生道進云便請師道師云對牛彈琴問玄機一路如何體會師云三十年後問柳示雙趺當表何事師云言進云未審師意如何師云緊峭草鞋問不是玄機亦非目擊時如何師云倒一說問劫火洞然時如何師云更夢見什麼



上堂云天親菩薩無端變作一條柳棵拄杖乃割地  
一下云塵沙諸佛盡在這裏說葛藤去便下座

上堂云我共汝平展遇人識人與麼老婆說話尚自  
不會每日飽飯喫了上來下去覓什麼碗這野狐隊  
仗向這裏作什麼以拄杖一時趁下問初秋夏末前  
程忽有人問如何祇對師云大眾退後進云過在什  
麼處師云還我九十日飯錢來問學人近到法席未  
審家風事如何師云不歷一問作麼生道問十方國  
土中唯有一乘法如何是一乘法師云何不別問進  
云謝師指示師便喝問承古有言一塵徧含一切塵

如何是一塵師云乞寮古頭更將一問來問學人不  
問師還答也無師云將汝口挂壁上不得問一切尋  
常時如何師云雖然屎臭氣熏我且問你晝行三  
千夜行八百你鉢盂裏什麼處著僧無對師云脫空  
妄語漢問如何是教眼師云速禮三拜問承古有言  
牛頭橫說豎說不知有向上關楸子如何是向上關  
楸子師云東山西嶺青問如何是露地白牛師云歸  
依佛歸依法歸依僧進云白牛何在師咄之問樹凋  
葉落時如何師云體露金風問如何是布袋裏真珠  
師云說得麼問如何是祖宗的子師云言中有響

上堂云夫學般若菩薩須識得衆生病即識得學般  
若菩薩病還有人揀得麼出來對衆揀看衆無語乃  
云若揀不得莫妨我東行西行

上堂云我今日共汝說葛藤屎灰尿火泥豬疥狗不  
識好惡屎坑裏作活計所以道盡乾坤大地三乘十  
二分教三世諸佛天下老師言教一時向汝眼睫上  
會取去饒汝便向這裏一時明得亦是不著便漢無  
端跳入屎坑可中於我衲僧門下過打脚折時有三  
僧出一時禮拜師云一狀領過問如何得速超三界  
去師云如何得速超三界去進云是師云是即休問

終日忙忙時如何師云覲機無響路進云作麼生師  
云說不得問一擺淨盡時如何師云爭奈老僧何進  
云此是和尚分上師云這掠虛漢問如何是道師云  
透出一字進云透出後如何師云千里同風問古人  
道知有極則事如何是極則事師云爭奈在老僧手  
裏何進云某甲問極則事師便棒云咩咩正當撥破  
便道請益這般底到處但知亂統近前來我問你尋  
常在長連牀上商量向上向下超佛越祖你道水牯  
牛還有超佛越祖的道理麼僧云適來已有人問了  
也師云這箇是長連牀上學得底不要有便言有無



便言無僧云若有更披毛戴角作麼師云將知你祇是學語之流又云來來我更問你諸人橫擔拄杖道我叅禪學道便覓箇超佛越祖底道理我且問你十二時中行住坐卧屙屎送尿至於茆坑裏蟲子市肆賣買羊肉案頭還有超佛越祖底道理麼道得底出來若無莫妨我東行西行便下座師見僧入來便云瓦解冰消僧云學人有什麼過師云七棒對十三問如何是西來意師云長連牀上有粥有飯問承古有言道無橫徑立者皆危如何是道師云普請看問如何是三乘教外一句師云闍黎一問老僧勃跳三千

五八

五八

五八

里進云謝師指示師云住住你道老僧話作麼生僧無對師云三十年後來與汝三十棒問大衆雲集合談何事師云譯汝屋裏老爺問曹谿一句闍黎知聞未審雲門一句什麼人得聞師云闍黎不聞進云學人親近得不師云子細踰躅看

上堂云如來明星現時成道有僧問如何是明星現時成道師云近前來近前來僧近前師以拄杖打趂上堂有僧出禮拜云請師荅話師召大衆大衆舉頭師便下座

上堂良久有僧出禮拜師云太遲生僧應諾師云這

漆桶

上堂云有解問話者置將一問來僧出禮拜云請師鑒師云拋釣釣鯢鯨釣得箇蝦蟇僧云和尚莫錯師云朝走三千暮走入百作麼生僧無語師便打上堂僧問如何是本源師拈起拄杖云若是提起卽向上去也僧又問如何是本源師云南瞻部洲北鬱單越問普賢爲什麼騎象文殊爲什麼騎獅子師云我也無象也無師子且騎佛殿出三門去也問如何是教意師云山河大地又云正好辨猶是曲說教意若約提綱卽未在一問一切智通無障礙時如何師云

五八

五八

五八

掃地潑水相公來問隨流認得性時如何師云東堂月朗西堂闇問如何是三乘教外別傳底事師云你若不問我卽不荅你若問我卽朝到西天暮歸唐土僧云乞師指示師云一不成二不是問如何是祖師西來意師云青天白日寢語作麼問如何是佛法大意師云日裏麒麟看北斗問學人到這裏爲什麼道不得師云野狐窟裏坐問不落古今是何曲調師拽拄杖便下座問如何是佛法大意師云面南看北斗問古人斬蛇意旨如何師便打問如何是和尚家風師云闍黎受戒太早問如何是賓中主師云騎一問

進云如何是主中主師云叉手著進云賓主相去多少師云如眼如目進云合談何事師云三九二十七問自到和尚法席不會乞師指示師云截却你頭得麼問乞師指示令學人頓息昏迷師云襄州米作麼價問二尊相見時如何師云不是偶然

上堂云天帝釋與釋迦老子在中庭裏相爭佛法甚闊便下座問如何是曹溪的的意師云老僧愛瞋不愛喜進云爲什麼如此師云路逢劍客須呈劍不是詩人不獻詩問二尊相見共談何事師云不決卽道問人天交接其意如何師云對眾呈機

上堂

聖賢錄卷之五

三

上堂云和尚子且須明取衲僧鼻孔且作麼生是衲僧鼻孔乃云摩訶般若波羅蜜今日大普請便下座問如何是西來意師云山河大地進云向上更有事也無師云有進云如何是向上事師云釋迦老子在西天文殊菩薩居東土問父母俱喪時如何師云俱喪且置那箇是你父母僧云苦痛深師云灼然灼然問如何是大施主師云對機不辨問徹底冥濛底人來師如何拯濟師云兩重公案一狀領過問說教當爲何人師云近前來高聲問僧近前問師便打問和尚年多少師云七九六十八進云爲什麼七九六十

入師云我爲你減却五年

上堂云和尚子直饒你道有什麼事猶是頭上安頭雪上加霜棺木裏眨眼灸瘢上更著艾燭這箇是一場狼籍不少也你合作麼生各自覓箇託生處好莫空遊州獵縣祇欲捏搦閑言語待老和尚口動便問禪問道向上向下如何若何大卷抄將去壓向皮袋裏上度到處火爐邊三箇五箇聚頭舉口喃喃地便道這箇是公才語這箇是就處打出語這箇是事上道底語這箇是體語體汝屋裏老爺老孃噇却飯了祇管說夢便道我會佛法了也將知與麼行脚驢年

上堂

聖賢錄卷之五

三

得休歇麼更有一般底纔聞說箇休歇處便向陰界裏閉目合眼老鼠孔裏作活計黑山下坐鬼趣裏體當便道我得箇入路也還夢見麼這般底打殺萬箇有什麼罪過喚作打底不遇作家至竟祇是箇掠虛漢你若實有箇見處拈將來共汝商量莫空過不識好惡認認詞詞地聚頭說葛藤莫教老僧見捉來勘不相當槌折胷莫言不道汝皮下還有血麼到處自欲受屈作麼這滅胡種盡是野狐羣隊總在這裏作麼以拄杖一時趁下問十方薄伽梵一路涅槃門如何是一路涅槃門師云我道不得進云和尚爲什麼

道不得師云是你舉話卽得問如何是法說師云大衆久立速禮三拜進云如何是隨意說師云晨時有粥齋時有飯如何是隨宜說師云三德六味施佛及僧如何是方便說師云是汝鼻孔重三斤半如何是大悲說師云歸依佛法僧問生死根源卽不問如何是目前三昧師云吃噉舌頭三千里進云今日得遇和尚也師云放你三十棒問乞師指示師云上大人丘乙已進云學人不會師云化三千七十七士問不離三德六味還有佛法也無師云祇怕你不問進云請師道師云三德六味施佛及僧

上堂云眼睫橫亘十方眉毛上透乾坤下透黃泉須彌山塞却汝咽喉還有會處麼若會得拽取占波國共新羅國鬪額

上堂云江西卽說君臣父子湖南卽說他不與麼我此間卽不如此良久云汝還見壁麼

上堂云去去遞相鈍置有什麼了時却問衆云我與麼道還有過麼問如何是祖師西來意師云一不得問進云諾師咄云話也不領問今日供養羅漢羅漢還來也無師云汝若不問我卽不道進云請師道師云三門頭合掌佛殿裏裝香問如何是衲僧本分事

師云南有雪峰北有趙州進云請和尚不繫辭師云不得失却問學云諾師便打問承古有言會卽事同一家不會卽離牙擘齒如何得事同一家師云亂走作麼

上堂云從上來且是箇什麼事如今抑不得已且問汝諸人道盡大地有什麼物與汝爲對爲緣若有針鋒與汝爲隔爲礙與我拈將來喚什麼作佛作祖喚什麼作山河大地日月星辰將什麼爲四大五蘊我與麼道喚作三家村裏老婆說話忽然遇著本色行脚漢聞與麼道把脚拽向堦下有什麼罪過雖然如

此據箇什麼道理便與麼莫越口快向這裏亂道須是箇漢始得忽然被老漢脚跟下尋著勿去處打脚折有什麼罪過既與麼如今還有問宗乘中話麼待老漢答一轉了東行西行有僧擬問次師以往杖劈口打便下座問師子嚨呻時如何師云嚨呻且置試嚨吼看僧應諾師云這箇是老鼠啼

上堂云我有一句語不敢望你會還有人舉得麼良久云將謂胡鬚赤更有赤鬚胡便下座

上堂云不得已且作死馬醫向汝道是箇什麼是東是西是南是北是有是無是見是聞是向上是向下



是與麼是不與麼這箇喚作三家村裏老婆說話是  
你有幾箇到此境界相當卽相當不相當靜處薩婆  
訶便下座

上堂云諸方老和尚道須知有聲色外一段事似這  
箇語話誑諱人家男女三間法堂裏獨自妄想未曾  
夢見我本師宗旨在作麼生消得他信施臘月三十  
日箇箇須償他始得任汝勃跳去是你諸人各自努  
力珍重問目前無一法還免得生死不師云你驢年  
未免得在問如何是道師云去進云學人不曾乞師  
道師云闍梨公驗分明何在重判問維摩一默還同

文淵  
撰述

五言詩錄卷之五

三

說也無師云痛領一問進云與麼則同說也師云適  
來道什麼問如何是清淨法身師云花藥欄進云便  
與麼會時如何師云金毛師子

上堂因聞鐘鳴乃云世界與麼廣闊爲什麼鐘聲披  
七條

上堂云不可雪上加霜去也珍重便下座

上堂云諸方老秃奴曲木禪牀上坐地求名求利問  
佛答佛問祖答祖屎送尿也三家村裏老婆傳口  
令相似識箇什麼好惡總似這般底水也難消

上堂云人人自有光明在看時不見暗昏昏便下座

師入京在受春殿聖上問如何是禪師云皇帝有敕  
臣僧對師在文德殿赴齋有鞠常侍問靈樹果子熟  
也未師云什麼年中得信道生

上堂云你諸人無端走來這裏覓什麼老僧祇解喫  
飯舂屎別解作什麼你諸方行脚參禪問道我且問  
你諸方參得底事作麼生試舉看又云中問譯汝屋  
裏老爺得麼向老漢膈臂後覓得些子啼唾嚙將爲  
自己便道我解禪解道饒你念得一大藏教擬作麼  
生去古人不得已見你亂走向汝道菩提涅槃是  
埋沒你是釘橛繫却你又見你不會向汝道非菩提

文淵  
撰述

五言詩錄卷之五

三

涅槃知是般事早是不著便也又更覓他注解這般  
底滅胡種族從上來總似這般何處到今日我向  
行脚時有一般人與我注解他是不惡心被我一日  
覩見是一場笑具是我三五年不死這般滅胡種底  
一斧行折脚如今諸方大有出世紐捏你何不去彼  
中在這裏覓什麼乾屎橛師便下地以拄杖一時打  
趁下去問如何是萬法一決師云莫教失却問問死  
中得活時如何師云朝行三千夜行八百問大衆雲  
集合談何事師云今日放下令行去也僧禮拜師便  
打問如何是學人自己師云怕我不知問如何是透



法身句師云海晏河清道士問視聽無聲無形老君說了也雲門一句請師指示師云迢然西天路士無語師擬下座士云再請師舉揚宗旨師云道得底出來衆無對師云與麼則辜負請王去也便下座上堂大衆集定師乃拈起拄杖云不得已且向這裏會取看看三門在露柱上便下座

十二時歌

夜半子愚夫說相似 雞鳴丑癡人捧龜首  
平日寅曉何人 日出卯韓情枯骨咬  
食時辰歷歷明機是悞真 禺中已去來南北子

文淵

古尊宿語錄卷之五

三二

日南午認向途中苦 日昃未夏逢說寒氣  
晡時申張三李四會言真 日入酉恒機何得守  
黃昏戌看見時光誰受屈 人定亥直得分明沉苦海

偈頌

雲門聳剔白雲低水急遊魚不敢棲入戶已知來見  
解何勞更舉轆中泥  
藥病相治學路醫扶離摸壁小兒戲幽谷不語誰人  
測管解師承孰不知  
康氏圓形滯不明魔深虛喪擊寒水鳳羽展時超碧

漢晉鋒八博擬何憑

是機是對對機迷闢機機遠遠機棲夕日日中誰有  
挂因底底事隔情迷

太陽溢目極玄微誰人說道我渠非句中有路人皆  
響靚面難遭第一機

卅歲依山人事稀松下相逢話道奇鋒前一句超調  
御擬問如何歷劫違

翫古松高雲不齊鴻鵠鶴抱幾年棲剖磬同時殊有  
異羽張騰漢碧霄低

萬象森羅極細微素話當人却道非相逢相見呵呵

文淵

古尊宿語錄卷之五

三二

笑顧佇停機復是誰

話盡途中事言多何省機貴人言是妙上士見知虧  
大道何曾討無端入荒草卷來復卷去不覺虛生老  
上不見天下不見地塞却咽喉何處出氣笑我者多  
哂我者少

喪時光藤林荒園人意滯肌危

舉不顧卽差互擬思量何劫悟

咄咄咄力韋希禪子訝中眉垂

抽顧頌 鑒嘆

雲門匡真禪師廣錄卷第十六

古尊宿語錄卷之十五

金壇居士于玉立施資刻此  
古尊宿語錄第十五計字一萬二千五百六十  
箇該銀六兩五錢三分  
銀山釋海亮對南京丘義民書上元李文煒刻  
萬曆乙卯歲冬十二月徑山化城識

古尊宿語錄卷之十五

古尊宿語錄卷之十五

古尊宿語錄卷之十五

古尊宿語錄卷之十六  
雲門匡真禪師廣錄中

門人明識大師賜紫守堅集  
室中語要

師示衆云盡十方世界乾坤大地以拄杖一畫百雜碎三乘十二分教達磨西來放過卽不可若不放過不消一喝

師示衆云西天二十八祖唐土六祖天下老和尚總在拄杖頭上直饒會得個儻分明祇在半途若不放過盡是野狐精師一日云古來老宿皆爲慈悲之故

古尊宿語錄卷之十六

古尊宿語錄卷之十六

二

有落草之談隨語識人若是出草之談卽不與麼若與麼便有重話會語不見仰山和尚問僧近離甚處僧云廬山仰山云曾遊五老峯麼僧云不曾遊仰山云聞衆不曾遊山師云此語皆爲慈悲之故有落草之談師有時云若言卽心卽佛權且認奴作郎生死涅槃恰似斬頭覓活若說佛說祖佛意祖意大似將木楔子換却你眼睛相似舉古云聞聲悟道見色明心師云作麼生是聞聲悟道見色明心乃云觀世音菩薩將錢來買餠餅放下手云元來祇是饅頭師有時云燈籠是你自己把鉢盂噉飯飯不是你自己有

古尊宿語錄卷之十六

古尊宿語錄卷之十六

二

僧便問飯是自己時如何師云者野狐精三家村裏漢復云來來不是你道飯是自己僧云是師云驢年夢見三家村裏漢師有時云真空不壞有真空不異色僧便問作麼生是真空師云還聞鐘聲麼僧云此是鐘聲師云驢年夢見麼舉疎山和尚問僧什麼處來僧云嶺中來山云曾到雪峯麼僧云曾到山云我已前到時是事不足如今作麼生僧云如今足也山云粥足飯足僧無語師云粥足飯足舉孚上座叅雪峰峰聞乃集衆孚到法堂上顧視雪峰峰便下看知事明日却上禮拜云某甲昨日觸忤和尚峰云知是般

師拈起拄杖云盡大地不是法身舉僧問趙州某甲乍入叢林乞師指示州云喫粥了也未僧云喫粥了也州云洗鉢盂去師云且道有指示無指示若道有指示向他道什麼若道無指示者僧何得悟去舉僧問雪峰乞師指示峰云是什麼其僧於言下大悟師云雪峰向伊道什麼師有時云平地上死人無數過得荆棘林是好手僧云與麼則堂中第一座有長處也師云蘇嚕蘇嚕舉無情說法忽聞鐘聲云釋迦老子說法也驀拈起拄杖問僧者箇是什麼僧云拄杖子師云驢年夢見師一日云三家村裏賣卜東卜西

上忽然上著也不定僧便問忽然上著時如何師云伏惟師有時云大用現前不存軌則僧便問如何是大用現前師乃拈拄杖高聲唱云釋迦老子來也師有時以拄杖打火鑪一下大眾眼目定動師乃云火鑪勃跳上三十三天見麼見麼衆無語師云無智人前莫說打你頭破百裂師有時云看看法身變作燈籠超佛越祖之談從你脚跟下過也僧云脚跟下認得時如何師云鈍置殺我僧云與麼則迥然不在者裏也師云十萬八千舉槃山語云光境俱忘復是何物師云直饒與麼道猶在半途未是透脫一路僧便

問如何是透脫一路師云天台華頂趙州石橋舉仰山云如來禪卽許師兄會僧便問如何是如來禪師云上大人又拈起扇子云我喚作扇子你喚作什麼僧無語師云扇子上說法燈籠裏藏身作麼生僧却問如何是和尚禪師叱云元來祇在者裏舉雪峰喚僧近前來僧近前峰云去師舉了問僧你作麼生道得又手句你若道得又手句卽見雪峰舉三祖云一心不生萬法無咎師云祇者裏悟了乃拈起拄杖云乾坤大地有什麼過舉一宿覺云一切數句非數句與吾靈覺何交涉師云行住坐卧不是靈覺喚什麼

作數句舉槃山云光境俱忘復是何物師云東海裏藏身須彌山上走馬復以拄杖打牀一下大眾眼目定動乃拈拄杖趁散云將謂靈利者漆桶舉僧問乾峰十方薄伽梵一路涅槃門未審路頭在什麼處峰以拄杖劃云在者裏師拈起扇子云扇子勃跳上三十三天築著帝釋鼻孔東海鯉魚打一棒雨似盆傾相似會麼師有時云諸方拈槌豎拂云會麼但云莫壓良爲賤却云是是待伊擬議便打舉教云心生種種法生心滅種種法滅乃拈起拄杖云重多少僧云半斤師云驢年夢見舉夾山語云百草頭上薦取老



僧師合掌云不審不審又以拄杖指露柱云夾山變作露柱也看看舉仰山問僧近離甚處僧云向南山拈起拄杖云彼中還說者箇麼僧云不說山云不說者箇還說那箇麼僧云不說山召大德叅堂去其僧便去山復召其僧僧應諾山云近前來僧近前山便打師云仰山若無後語爭識得人舉雪峰喚僧近前來僧近前峰云甚處去僧云普請去峰云去師云此是隨語識人舉叅同契云回互不回互師云作麼生是不回互乃以手指板頭云者箇是板頭作麼生是回互師云喚什麼作板頭舉見聞覺知無障礙聲香

五文冊

五文冊

五

味觸常三昧師云一切處不是三昧行時不是三昧有處云聲香味觸體在一邊聲香味觸在一邊見解偏枯舉夾山坐次洞山到來云作麼生夾山云祇與麼師代洞山云不放過又作麼生代夾山便喝師又拈夾山云祇與麼元來祇在蝦蟇窟裏又云祇與麼也難得舉祖師偈云法法本來法師云行住坐卧不是本來法一切處不是本來法祇如山河大地與你日夕著衣喫飯有什麼過又云法本法無法師拈起拄杖云不是本無法舉傳大士頌云空手把鋤頭步行騎水牛師云是你從向北騎一頭水牯牛到這裏

乃拈起拄杖云不見道千頭萬頭到這裏但識取一頭舉寶公云如我身空諸法空千品萬類悉皆同師云你立不見立行不見行四大五蘊不可得何處見有山河大地來是你每日把鉢盂噉飯喚什麼作飯何處更有一粒米來舉一切聲是佛聲一切色是佛色師拈起拂子云是什麼若道是拂子三家村裏老婆禪也不會舉南方禪客問國師此間佛法如何國師云身心一如身外無餘師云山河大地何處有也師有時云要識祖師麼以拄杖指云祖師在你頭上勃跳要識祖師眼睛麼在你腳跟下又云這箇是祭

五文冊

五文冊

六

鬼神茶飯然雖如此鬼神也無厭足師有時云若說菩提涅槃真如解脫是燒楓香供養你若說佛說祖是燒黃熟香供養你若說超佛越祖之談是燒餅香供養你歸依佛法僧下去師一日拈起拄杖舉教云凡夫實謂之有二乘析謂之無緣覺謂之幻有菩薩當體即空乃云衲僧見拄杖但喚作拄杖行但行坐但坐總不得動著舉夾山語云百草頭上薦取老僧鬧市裏識取天子又云一塵纔起大地全收舉雪峰云三世諸佛向火簇上轉大法輪師云火簇爲三世諸佛說法三世諸佛立地聽師因喫茶了拈起

云三世諸佛聽法了盡鑽從孟子底下去也見麼見麼若不曾且向多年曆日裏會取舉槃山語云光非照境境亦非存光境俱忘復是何物師云盡大地是光喚什麼作自己你若識得光去境亦不可得有什麼屎光境光境既不可得復是何物又云此是古人慈悲之故重話會語者裏個儻分明去放過即不可若不放過復舉手云蘇盧蘇盧舉傳大士云禪河隨浪靜定水逐波清師拈拄杖指燈籠云還見麼若言見是破凡夫若言不見有一雙眼在你作麼生會良久復拈拄杖云盡大地不是浪師有時拈拄杖打牀

一下云一切聲是佛聲一切色是佛色你把鉢盂噐飯時有箇鉢盂見行時有箇行見坐時有箇坐見者般底作與麼去就把棒一時趁散師有時拈起拂子云者裏得箇入處去捏怪也日本國裏說禪三十三天有箇人出來喚云吽吽特庫兒擔枷過狀舉古人道一處不通兩處失功兩處不通觸途成滯師拈起拄杖云山河大地三世諸佛盡在拄杖頭上有甚滯礙如今明也暗向什麼處去祇者明便是暗一切衆生祇被色空明暗隔礙便見有生滅之法舉一宿覺云六般神用空不空一顆圓光色非色師拈起拂子

云者箇是圓光是色非色喚什麼作色與我拈將來看舉夾山云百草頭上薦取老僧鬧市裏識取天子師云蝦蟇入你耳朶裏毒蛇穿你眼睛中且向葛藤處會取舉十方薄伽梵一路涅槃門師云你若不識大食國裏人在你眼睫裏賣香藥舉般若經云無二無二分無別無斷故師乃指露柱云與般若經相去多少舉經云經書呪術一切文字語言皆與實相不相違背師拈拄杖云者箇是什麼若道是拄杖入地獄不是拄杖是什麼師一日拈拂子撼一下云日月星辰撲落地上見麼良久起身云近後突著你眼睛

舉十方薄伽梵一路涅槃門師云者箇是屋上頭是天手裏是拄杖作麼生是涅槃門師有時云彈指聲欸揚眉瞬目拈槌豎拂或卽圓相盡是撩鈎搭索佛法兩字未曾道著道著卽撒屎撒尿舉瓦官參德山瓦官爲侍者同入山斫木德山將一椀水與瓦官官接得便喫却山云會麼官云不會山又將一椀水與瓦官官接得又喫却山云會麼官云不會山云何不成就取那不會底官云不會又成就箇什麼山云子大似箇鐵橛瓦官住院後雪峰去訪茶話次峰云當時在德山會裏斫木因緣作麼生官云先師當時肯

我峰云和尚離先師太早其時面前有一碗水峰云將水來官便過與雪峰峰接得便潑却師代云莫壓良爲賤因齋次將餠餅一咬云咬著帝釋鼻孔帝釋害痛復以往杖指云在你諸人腳跟下變作釋迦老子見麼見麼閻羅王聞說呵呵大笑云者箇師僧相當去不奈你何若不相當總在我手裏師有時以往杖打牀一下云你若不是箇漢忽然者裏聞聲悟了一切山河大地日月星辰有什麼過舉洛浦云一塵纔起大地全收師云鳥窠拈布毛便有人悟去因喫茶次舉一宿覺云三身四智體中圓入解六通心地印

師云喫茶時不是心地印乃拈拄杖云且向者裏會取舉僧問雪峰如何是觸目菩提峰云好箇露柱有處云還見露柱麼師拈起拄杖云有底體上會事見露柱祇喚作露柱有處道不見有露柱見解偏枯見露柱但喚作露柱見拄杖但喚作拄杖有什麼過舉僧問靈雲佛未出世時如何靈雲豎起拂子僧云出世後如何雲亦豎拂子師云前頭却實後底打不着又云不說出不出何處有一問時節祇如雪峰夏末於僧堂前坐眾纔集峰拈起拄杖云者箇爲中下根人便有僧問忽遇上上人來時如何峰拈起拄杖師

云我不似雪峰打破狼籍僧便問未審和尚如何師便打舉僧問玄沙如何是學人自己沙云是你自己師云沒量大人被語脈裏轉却有僧問如何是學人自己師云忽然路上有人喚衲僧齋你也隨例得飯喫師因齋次拈起餠餅云我祇供養江西兩浙人不供養向北人僧云爲什麼祇供養江西兩浙人不供養向北人師云天寒日短兩人共一椀舉國師云南方佛法半生半滅此間身心一如身外無餘師云喚什麼作身心一如又云汝等要識國師底麼自代云不可辜負國師去也舉肅宗帝請國師看戲國師云

有什麼身心看戲帝再請國師云幸自好戲師云龍頭蛇尾舉國師三喚侍者侍者三應國師云將謂吾辜負你誰知你辜負吾師云作麼生是吾辜負你處你若會得也是無端又云作麼生是侍者辜負國師處師云粉骨碎身未報得舉藥山問僧什麼處來僧云湖南來山云洞庭湖水滿也未僧云未滿山云許多時雨水爲什麼未滿雲巖代云湛湛地洞山代云什麼劫中曾欠少師云祇在這裏舉雪峰云飯籬邊坐餓死人臨河渴死漢玄沙云飯籬裏坐餓死漢水裏沒頭浸渴死漢師云通身是飯通身是水舉僧問



資福古人拈槌豎拂意旨如何福云噯師云雪上加霜舉僧問資福云如何是一塵入正受福作入定勢僧云如何是諸塵三昧起福云你問阿誰師云這阿師話墮也不知又云前頭早是葛藤又道你問阿誰舉茶菓上堂云你諸人莫向虛空裏釘樞機時有靈虛上座出衆云虛空是樞機菓更便打虛云和尚莫錯打某甲更便歸方丈師云矢上加尖僧云和尚適來與麼道那師云槌鐘謝警得箇蝦蟇出來舉僧問投子密巖意旨如何子云須是與麼人始得趙州云何不與他本分草料師問僧作麼生是本分草料僧擬議

師便打舉古云寂寂空形影師展兩手云山河大地何處得也又云一切智通無障礙師云拄杖走到西天却歸新羅國裏乃敲牀云這箇是你鼻孔舉僧問夾山如何是道山云太陽溢目萬里不挂片雲師云不喚作一句不喚作法身是什麼僧問如何是學人自己師云老僧入泥入水僧云某甲粉骨碎身去也師喝云大海水在你頭上速道速道僧無語師代云也知和尚恐某甲不實師有時云直得乾坤大地無纖毫過患猶是轉句不見一色始是半提直得如此更須知有全提時節師有時云泡幻同無礙一切處

不是幻一切處不是無礙師有時云橫說豎說菩提涅槃真如佛性總是向下商量直得拈槌豎拂時節亦是橫說豎說對前頭僧較些子僧問請師向上道師云大眾久立速禮三拜舉崇壽問僧還見燈籠麼僧無語師代云推倒燈籠舉趙州問僧什麼處去僧云摘茶去師云閉口舉法身說法青青翠竹盡是法身未是提綱拈掇時節舉有爲無三世無爲有三世有爲是斷滅法何處得三世無爲有三世不是守寂處法舉實學是葛藤言句拈槌豎拂時節於實學猶在半途舉三種人一人因說得悟一人因喚得悟第

三人見舉便迴去你道便迴去意作麼生復云也好與三十棒舉法身喫飯早是剜肉作瘡將謂合有與麼說話舉僧問雲居湛然時如何居云不流師云不流說什麼湛然又云此是截鐵之言舉藥病相治盡大地是藥那箇是你自己師云遇賤即貴僧云乞師指示師拍手一下拈起拄杖云接取拄杖子僧接得拗作兩截師云直饒與麼也好與三十棒舉翠巖夏末上堂云我一夏已來與師僧說話看翠巖眉毛在麼保福云作賊人心虛長慶云生也師云關師有時云不敢望你有逆水之波且不順水之意也難得乃



舉良遂初叅麻谷谷見來便去鋤草良遂到鋤草處谷都不顧便歸方丈閉却門良遂連三日去敲門至第三日纔敲門麻谷問阿誰良遂云和尚莫瞞良遂若不來禮拜和尚洎被經論賺過一生師云便有逆水之波如今得入是順水之意亦喚作雙放時節又云麻谷問阿誰良遂道莫瞞良遂不是識破麻谷相見時節若不來禮拜和尚洎被經論賺過一生亦知有賺人處自後良遂歸京辭皇帝及左右街大師大德再三相留茶筵次良遂云諸人知處良遂總知良遂知處諸人不知師云作麼生是良遂知處舉心經

云無眼耳鼻舌身意師云爲你有箇眼見所以言無不可如今見時不可說無也然雖如此見一切有什麼過一切不可得有什麼聲香味觸法舉光明寂照徧河沙問僧豈不是張拙秀才語僧云是師云話墮也舉僧辭石霜霜問船去陸去僧云遇船卽船遇陸卽陸霜云我道半途稍難僧無語師代云三十年後此話大行又云臨行一句永劫不忘舉生法師云敲空作響擊木無聲師以拄杖空中敲云阿耶耶又敲板頭云作聲麼僧云作聲師云這俗漢又敲板頭云喚什麼作聲舉僧問石霜教中還有祖師意麼霜云

有僧云如何是教中祖師意霜云莫向卷中求師代云不得辜負老僧却向屎坑裏坐地作什麼舉石霜云須知有教外別傳一句僧問如何是教外別傳一句霜云非句師云非句始是句舉洞山云須知有佛向上事僧問如何是佛向上事山云非佛師云名不得狀不得所以言非舉洞山云塵中不染丈夫兒師云拄杖但喚作拄杖一切但喚作一切舉法身清淨一切聲色盡是廉纖語話不涉廉纖作麼生是清淨又云作麼生是法身師云六不收又云三十三天二十八宿舉古云如我身空諸法空千品萬類悉皆同

師云身不可得一切諸法豈是有也所以古人道無情有佛性又云無情不喚作法身說法師有詩云光不透脫有兩般病一切處不明面前有物是一又透得一切法空隱隱地似有箇物相似亦是光不透脫又法身亦有兩般病得到法身爲法執不忘已見猶存坐在法身邊是一直饒透得法身去放過卽不可子細點檢來有什麼氣息亦是病舉僧問國師如何是本身盧舍那國師云與老僧過淨瓶來僧取淨瓶至國師云却安舊處著僧送安舊處又來問如何是本身盧舍那國師云古佛過去久矣師云無朕跡舉

僧問灌溪久嚮灌溪到來祇見箇漚麻池溪云你祇見漚麻池且不識灌溪僧云如何是灌溪溪云劈箭急師云何不與第一機祇對舉韋監軍見帳子畫牛抵樹問僧牛抵樹樹抵牛無對師代云歸依佛法僧舉老宿問僧聞說雪峰有毯子話是不僧云不見說著宿云聞說有僧云祇是師僧亂舉宿云不亂舉底事作麼生無對師代云某甲新到未曾參堂舉佛問外道汝義以何爲宗師代外道云者老和尚我識得你也外道云以一切不受爲宗代佛云放過一著佛云汝以一切不受爲宗耶代外道云者瞿曇莫教失

文耶

五經集解卷之六

十五

却問舉雪峰云盡大地是你將謂別更有師云不見楞嚴經云衆生顛倒迷已逐物若能轉物卽同如來舉教云諸法寂滅相不可以言宣師云見定如今說話何處有說不說不見道去不到去來不到來舉一切真如舍一切師云喚什麼作山河大地又云是諸法空相不生不滅不垢不淨師或拈拄杖示衆云拄杖子化爲龍吞却乾坤了也山河大地甚處得來師或畫圓相云還有人出得麼舉教云是法住法位世間相常住師云釋迦老子甚處去也舉僧問投子如何是此經子云維摩法華又問塵中不染丈夫兒時

如何子云不着師云不喚作法身不喚作第一義亦爲說法亦爲說真空師因齊次拈起匙筯云我不供養南僧祇供養北僧時有僧問爲什麼不供養南僧師云我要鈍置伊僧云爲什麼祇供養北僧師云一箭兩垛有僧拈問祇如前意作麼生師云好卽同策師或時以拄杖打露柱一下云三乘十二分教說得著麼自云說不着復云咄者野狐精僧問祇如師意作麼生師云張公喫酒李公醉舉古云有驚人之句僧問如何是驚人之句師云響舉國師云語漸也返常合道論頓也不留朕跡師云拈槌豎拂彈指時節

文耶

五經集解卷之六

十五

若檢點來也未是無朕跡師有時拈拄杖云乾坤大地殺活總在這裏僧便問如何是殺師云七顛八倒僧云如何是活師云要作飯頭僧云不殺不活時如何師便起云摩訶般若波羅蜜師有時云遇人卽途中受用乃拈起拄杖云拄杖不是途說話不是途舉法身喫飯幻化空身卽法身師云乾坤大地何處有也物物不可得以空墮空若約點檢來將謂合有與麼說話舉應化非真佛亦非說法者師曰應化之身說卽是法身說亦喚作覲體全真以法身喫法身又云飯不是法身拄杖不是法身師有時云宗門七縱

八橫殺活臨時僧便問如何是殺師云冬去春來僧云冬去春來時如何師云橫擔拄杖東西南北一任打野樵

示衆云任你橫說豎說未是宗門苗裔若據宗門苗裔是甚熟枕鳴三乘十二分教說夢達磨西來說夢若有老宿開堂爲人說法將利刀殺却百千萬箇有什麼過又云將謂合有與麼說話底道理師一日云拈槌豎拂彈指揚眉一問一答並不當向上宗乘僧便問如何是向上宗乘師云地下閻浮大家總道得祇如鬧市裏坐朝時猪肉案頭茄坑裏蟲子還有超

佛越祖之談麼僧云有底不肯師云有底不肯不可商量時便有不商量時便無也若約那箇語話體上會事直言未到見解偏枯師有時云我尋常道一切聲是佛聲一切色是佛色盡大地是法身枉作箇佛法中見如今見拄杖但喚作拄杖見屋但喚作屋師有時云作而無作用而無用乃拈起拄杖云不是用而無用喚什麼作拄杖舉丹霞云百骸俱潰散一物鎮長靈師云拄杖不可不靈也喚什麼作百骸甚處得來舉一切賢聖皆以無爲法而有差別師云拄杖不是無爲法一切不是無爲法舉誌公云鷄鳴丑一

顚圓光明已久師云腦後卽不問你三千里外道將一句來舉睦州喚僧趙州喫茶入水之義雪峯轉毬歸宗拽石經頭以字國師水碗羅漢書字諸佛出身處東山水上行總是向上時節

示衆云直得觸目無滯達得各身句身一切法空山河大地是名各亦不可得喚作三昧性海俱備猶是無風匝匝之波直得忘知於覺覺卽佛性矣喚作無事人更須知有向上一竅在師有時云一切處無不是說法打鐘打鼓時不可不是若與麼一切處亦不是有一切處亦不是無又云不可說時卽有不說時

便無也若約提唱卽未在爲人門中卽得舉生死涅槃合成一塊乃拈起扇子云是什麼不是合成一塊得與麼不靈利直饒與麼也是鬼窟裏作活計舉僧問南泉牛頭未見四祖時爲什麼百鳥銜花獻泉云步步蹋佛階梯僧云見後爲什麼不銜花獻泉云直饒不來猶較王老師一線道師云南泉祇解步步登高不解從空放下僧云如何是步步登高師云香積世界僧云如何是從空放下師云填溝塞壑師有時云若問佛法兩字東西南北七縱八橫朝到西天暮歸唐土雖然如此向後不得錯舉舉祖師偈云心隨

萬境轉轉處實能幽僧問如何是轉處實能幽師云吃噉舌頭老僧倒走三千里又問如何是隨流認得性師云餛飩子摩訶般若波羅蜜舉玄沙與韋監軍茶話次軍云占波國人語話稍難辨何況五天梵語還有人辨得麼玄沙提起托子云識得這箇卽辨得師云玄沙何用繁辭又云適來道什麼又云有什麼難辨舉古人云以空名召空色師云拄杖不是空名召得不是空色喚什麼作拄杖不是空名因南泉示衆云白小養一頭水牯牛擬向溪東放不免食他國王水草擬向溪西放不免食他國王水草不如隨

五教

古詩

十九

處納些些他總不見復有僧舉似師師云南泉水牯牛隨處納些些你道在牛內納牛外納直饒你向這裏說得納處分明我更問你索牛在後長慶云你道古人前頭爲人後頭爲人舉王大王向雪峰道擬蓋一所佛殿去如何峰云大王何不蓋取一所空王殿大王云請師樣子峰展兩手師云一舉四十九舉報慈讚龍牙偈云日出連山月圓當戶不是無身不欲全露有僧問請師全露龍牙撥開帳子云還見麼僧云不見牙云將眼來後報慈聞舉云龍牙祇道得一半師令僧舉我與你道其僧便舉師云我不妨與你

道師有時云諸方盡向繩墨裏脫出我者裏卽不然僧問未審和尚如何師云草鞋三十文買舉攬真成立色相宛然一切法不遷僧便問作麼生是不遷師云還見燈籠麼僧云見師云靜處薩婆訶示衆云你等諸人每日上來下去問訊卽不無若過水時將什麼過有久住僧對云步師深喜之舉僧辭大隨隨問什麼處去僧云峨嵋禮拜普賢去隨拈起拂子云文殊普賢總在者裏其僧畫一圓相拋向背後却展兩手隨云侍者將一貼茶來與者僧師舉了云我卽不與麼有僧云和尚又如何師云西天斬頭

五教

古詩

三

截臂者裏自領出去舉黃檗一日舉手作捏勢云天下和尚總在者裏我若放一線道從汝七縱八橫若不放過不消一捏僧問放一線道時如何檗云七縱八橫又問不放過不消一捏時如何檗云普復有僧問師如何是七縱八橫師云念老僧年老僧云如何是普師云天光廻照僧云如何是天光廻照師云豁齒少人知師有時云一顆圓光明已久還有人問麼僧便問如何是一顆圓光明已久師云西天斬頭截臂又云除却須彌山拈却佛殿脊師一日披袈裟云我抖擻法身也總無對師云汝問我僧便問和尚



抖擻法身意旨如何師云我也知你親舉玄沙示衆云諸方老宿盡道接物利生忽遇三種病人來作麼生接患盲者拈槌豎拂他又不可見患聾者語言三昧他又不可聞患瘧者教伊說又說不得且作麼生接若接此人不得佛法無靈驗有僧請益師師云你禮拜著僧禮拜起師以拄杖便拄僧退後師云你不是患盲復喚近前僧近前師云你不是患聾乃豎起拄杖云還會麼僧云不會師云你不是患瘧其僧於此有省舉古云一言纔舉大地全收師云且道是什麼言自云春鳥啼時西嶺上遂令僧你問我僧便問是什麼言

麼言師云噫舉馬大師云一切語言是提婆宗以此箇爲主師云好語祇是無人問僧便問如何是提婆宗師云西天九十六種你是最下種舉肇法師云諸法不異者不可續鳧截鶴夷嶽盈堅然後爲無異者哉師云長者天然長短者天然短又云是法住法位世間相常住乃拈起拄杖云拄杖不是常住法舉古云一念劫收一切智師拈起拄杖云乾坤大地總在上頭若透得去拄杖也不見有直饒與麼也是不著便舉須菩提說法帝釋雨華尊者問曰此華從天得耶帝曰弗也從地得耶帝曰弗也從人得耶帝曰弗

也從何得耶帝釋舉手尊者云如是如是師云帝釋舉手處作麼生與你四大五蘊釋迦老子同別舉世尊初生下一手指天一手指地周行七步目顧四方云天上天下唯我獨尊師云我當時若見一棒打殺與狗子喫却貴圖天下太平舉禾山示衆云有作家戰將麼出來時有僧出云未審彼中還有也無師云格舉僧問雪峯佛未出世時如何峯橫按拄杖而坐師云常舉德山問維那有幾人新到那云八人山云喚典座來一時生按過師拈云更說什麼生按過舉雪峯勘僧什麼處去僧云識得卽知去處峯云你是

了事人亂走作什麼僧云莫塗汗人好峯云我卽塗汗你古人吹布毛作麼生與我說來看僧云殘羹餽飯已有人喫了也師別前語云築著便作屎臭氣代後語云將謂是鑽天錫子元來是死水裏蝦蟆舉韶山勘僧云莫便是多口白頭因麼因云不敢山云有多少口因云徧身是山云大小二事向甚處局因云向韶山口裏局山云有韶山口卽向韶山口裏局無韶山口向甚處局因無語山便打師代云這話墮阿師放你三十棒又代云將謂是師子兒又云韶山今日瓦解冰消舉僧到曹谿有守衣鉢上座提起衣云

此是大庾嶺頭提不起底僧云為什麼在上座手裏座無語師云彼彼不了師代云遠嚮不如親到又云將謂是師子兒舉睦州問僧莫便是清華嚴麼僧云不敢州云夢見華嚴麼僧無語師云門前大狼籍生舉湖南報慈垂語云我有一句子徧大地僧便問如何是徧大地底句慈云無空缺師云不合與麼道別云何不庵外問舉南泉示眾云昨夜三更文殊普賢相打各與二十棒貶向二鐵圍山趙州出眾云和尚棒教誰喫泉云王老師有什麼過州便禮拜師代云深領和尚慈悲某甲歸衣鉢下得箇安樂舉崇壽見

僧做餠餅次隔牕問云你還見我麼僧云不見壽云還我餠餅錢來僧無語師代云和尚禮拜餠餅好舉僧問趙州如何是妙峯頂州云不答你者話僧云為什麼不答州云我若答落在平地師代云俱胝和尚舉長慶見僧來云何得無禮師代云某甲罪過又云甲辰乙巳舉長慶問秀才云佛教云眾生日用而不知儒書亦云日用而不知不知箇什麼秀才云不知大道師云灼然不知舉僧問睦州靈山還有蛇不州云者蚯蚓師代云白骨連山舉長慶拈拄杖云識得這箇一生參學事畢師云識得這箇為什麼不住舉

雲巖掃地次道吾云何得太區區生巖云須知有不區區者吾云與麼則第二月也巖豎起掃帚云這箇是第幾月吾拂袖出去師云奴見婢殷勤舉仰山問俗官云官居何位官云推官山乃豎起拂子云還推得這箇麼官無語師代云久嚮和尚舉僧到翠巖值巖不在乃下看主事主事云希見和尚也未僧云未主事却指狗子云要見和尚但禮拜者狗子僧無語後翠巖歸聞此語云作麼生道免得與麼無語師代云欲觀其師先觀弟子舉座主就華嚴講請翠巖巖云山僧有箇問座主若道得即齊巖便拈起餠餅

云還具法身麼主云具法身巖云與麼則喫法身也主無語本講座主代云有什麼過巖不肯東使云諾諾師代云特謝和尚降重空庭舉雪峯示眾云世界闊一丈古鏡闊一丈世界闊一尺古鏡闊一尺玄沙拈面前火鑪云火鑪闊多少峯云似古鏡闊沙云這老漢腳跟未點地在後東使拈問僧為復古鏡致火鑪與麼大火鑪致古鏡與麼大西院云與麼問人也未可在師云餽飯泥茶鑪舉僧問雲居山河大地從何而有居云從妄想有僧云與某甲想出一錠金得麼居便休去僧不肯師聞得云已是葛藤不能折合

得待伊道想出一錠金得麼拈拄杖便打舉閨中韋  
監軍尋常見僧云某甲待官滿出江西湖南置一問  
問殺江西湖南老宿僧云監軍作麼生問軍云不勞  
手腳僧無語師代云話墮也又云伏惟尚饗舉王太  
傳問北院云古人道普現色身徧行三昧佛法爲什  
麼不到北俱盧洲院云祇爲徧行所以不到師云如  
法置一問來舉王太尉入佛殿指鉢孟問僧這箇是  
什麼鉢僧云藥師鉢尉云祇聞有降龍鉢僧云待有  
龍卽降尉云忽遇拏雲攫浪來又作麼生僧云他亦  
不顧尉云話墮也玄沙云盡你神力走向什麼處去

王文那

古尊宿語錄卷之二十六

三二五

保福云歸依佛法僧百丈作覆鉢勢師云他日生天  
莫辜負老僧舉地藏問崇壽你久後將什麼利濟於  
人壽云無不利濟藏云無一法得利濟師云直饒與  
麼也好喫棒又云當時但喚近前來已後教伊無鵲  
啄處舉泉州王太傳問僧上座住甚處僧云半月山  
傳云忽遇月頭月尾又作麼生僧無語師代云將謂  
與麼更有與麼舉龍牙尋常道雲居師兄得第二句  
我得第一句西院云祇如龍牙與麼道還扶得也無  
師云須禮拜雲居始得西院云傍觀者哂舉崇壽問  
僧還見燈籠麼僧云見壽云兩箇師代云三頭兩面

又云七箇八箇

古尊宿語錄卷第十六

金煙居士于玉立施贊刻此  
古尊宿語錄第十六卷 計字一萬零四百箇  
該銀五兩四錢  
銀山釋海亮對南京丘義民書經縣徐廷吳刻  
萬曆乙卯歲春三月徑山化城識

王文那

古尊宿語錄卷之二十六

二十六

古尊宿語錄卷之十七

雲門匡眞禪師廣錄

門人明識大師賜紫守堅集

垂示代語

師因不安云打草鞋行脚去無對師云汝問我與汝道僧便問和尚什麼處去師云四維上下對機設教去代前語云和尚宜喫薑附湯

上堂云剗久雨不晴代云一箭兩槩或云遇賤即貴遇明即暗代云一起一倒一日云咬齒一句作麼生道代云合或云初秋夏末責情三十棒代云某甲如

俱述

古尊宿語錄卷之十七

一

是問僧新羅國與大唐國是同是別代云僧堂佛殿廚庫三門

上堂云教意提不起過在什麼處代云爲你蝦蟇活上堂云你道古佛與露柱相交是第幾機無對師云汝問我與汝道僧便問師云一條條三十文代前語云南山起雲北山下雨僧又問作麼生是一條條三十文師云打與一日云商量舉覺箇什麼代云鹽貴米賤或云佛法兩字拈却成得箇什麼代云死蝦蟇或云佛法不用學燈籠露柱欺你去作麼生得不欺你去代云趙州南石橋北一日云古人面壁閉却門

俱述

古尊宿語錄卷之十七

二

還透得這裏麼代云這裏是什麼乾屎橛又云一或云般柴來去行住坐卧四威儀中還出得釋迦老子鼻孔麼代云和尚也是量才補職師或舉手云古佛爲什麼不到這裏代云不可降尊就卑因僧設報慈和尚齋師問僧汝道報慈和尚有幾身代云今日齋飯如法問僧般柴來去普賢菩薩在什麼處代云般柴早是辛苦

上堂大衆集定云是大過患子細點檢代云不用別人問僧世間是什麼人罪最重代云平出一日云古人道一句合頭語萬劫繫驢橛作麼生明得免此過

代云趙州石橋嘉州大像或云虛空還有長短也無代云這箇師僧得與麼肥這箇師僧得與麼瘦一日云常徒之見過在什麼處代云泊作箇中會

上堂大衆集定云有理不伸死而不弔有理能伸罕遇奇人置將一問來代云過師有時問僧作麼生代云少喫或云是你諸人繞天下行脚不知有祖師意露柱却知有祖師意你作麼生明得露柱知有祖師意代云九九八十一

示衆云一舉不再說作麼生是一舉又云你若不相當且覓箇入頭路微塵諸佛盡在你舌頭上三藏聖



教在你脚跟下不如悟去好還有人悟得麼出來道  
看代云養子之緣代前語云長安雖樂

上堂大眾集定云風不來樹不動便下座代云樹折  
船沉或云第一句作麼生道若道不得作麼生得心  
息代云和尚莫要草鞋拄杖麼一日云從上古人作  
麼生辨人代云城地因君置師因摘茶云摘茶辛苦  
置將一問來無對又云你若道不得且念土大人更  
不相當且順朱代云功不浪施代前語云勞而無功  
或云今日二十七拈向什麼處代云壁上挂問僧三  
乘十二分教什麼人承當得代云沙彌童行一日云

汝作麼生辨得無礙法代云開家具或云還有句內  
藏身麼代云領一日云京華還有棟梁也無代云家  
家觀世音或云不相當且順朱識取好代云因學人  
置得

示眾云劉卽難七九六十三作麼生道代云不可總  
無人去也又云泊合向後道師或云日裏來往日裏  
辨人忽然中夜教取箇物來未曾到處作麼生取代  
云瞞却多少人

示眾云看看佛殿入僧堂裏去也代云羅浮打鼓韶  
州舞

上堂拈起拄杖云看看三千大千世界一時搖動便  
下座代云拽一日云作麼生是雙明一句代云一箭  
兩梁或云作麼生是不瞞人底句代云莫道這箇是  
瞞人底一日云泥水不分過在什麼處代云昨日莫  
徭人設齋或云日裏來往總識你作麼生是影身一  
句代云某甲亦見日頭從東邊上一日云盡力作麼  
生道代云五箇餠餅三椀茶或云作麼生是平伸一  
問代云便擗傷僧一日云空不異色作麼生道代云  
圓頭甚要或云作麼生是不沉影底句代云現  
上堂大眾集師良久云久雨不晴代云一棹兩當蓋

覆將來一日云教中有言謗斯經故復罪如是拈却  
當門齒將經來代云不空胃索或云你多年在叢林  
裏乃舉手便放下云向後不得與麼代云若與麼便  
成辜負和尚一日云昨日有一句語不敢望你會還  
有人舉得麼代云驀又云走殺多少人

上堂大眾集定云總上來也各自東行西行便下座  
代云不少或云古人一言悟道觸緣見性拈起作麼  
生商量代云雲居鼓上藍鐘一日云日裏來往上上  
下下一問一答住汝當荷夾差一問來作麼生當荷  
代云謂言侵早起更有夜行人又云一起一倒又云

生在冀州

上堂云乾坤側日月星辰一時黑作麼生道代云好事不如無師因說事了起立以拄杖打禪牀一下云適來如許多葛藤賤向什麼處去靈利底卽見不靈利底著我熱瞞代云雪上加霜

示衆云日月傍照三天下正照四天下我與你注破了也一句道將來代云東弗于代西瞿耶尼或云佛法不用道著世間什麼物最貴代云莫道這箇是賤底又云乾屎橛一日云今日十五入夏也寒山子作麼生代云和尚問寒山學人對拾得或云你諸人傍

又那

五箇宿緣分卷之七

五

家行脚還識西天二十八祖麼代云坐底坐臥底臥又云少喫因齋次指白菟器云這箇知有超佛越祖之談代云五九四十五又云和尚自喫飯一日云是你傍家行脚作麼生是不落賓主底何道將來代云便出去或云是你師僧在江西南南所在過夏衣鉢分付什麼人了來代云不是瞞却一人來又云不作大人相一日云非貴賤據什麼代云鰕跳不出斗示衆云看看殺了也便作倒勢云會麼若不會且向拄杖頭上會取代云龍頭蛇尾蛇尾龍頭又代作倒勢一日云我每日共你葛藤不能到夜如今在這裏

又那

五箇宿緣分卷之七

五

置將一問來代云祇恐和尚不答或云作麼生是脚跟下一句代云有麼師或問僧你爲什麼帶累我代云某甲帶累和尚或云作麼生出得這裏代云朝遊羅浮暮歸檀特一日云明已底人還見有已麼代云把將來又代展兩手或云作麼生是感舌一句代云和尚祇待某甲道一日云你師僧繞天下行脚見老和尚開口使上來東聽西聽何不向洗鉢盂處置將一問來代云也知和尚爲物之故因見火頭云你辛苦我賞你這箇拄杖子吞却祖師也無對代云功不浪施又云禍不單行師因披衲衣云古人道披衣盡

乾坤乃拈起衲衣抖擻云北斗一時黑作麼生代云也知和尚出身早又云下道與麼去或云佛法還有變易也無代云鉢盂鞋履拄杖針筒一日云佛法拈却我不問你還有識世諦法麼代云某甲若道有被和尚領過或云摩訶顯正過在什麼處代云有什麼過

示衆云大衆面蓋乾坤目機鉢兩不涉春緣作麼生承當代云一鏃破三關師或云南來北往飛禽走獸爲什麼却有異代云辨却多少人或云你諸人擔鉢囊行脚不知有佛法佛殿上拈叻却知有佛法代云

佛殿裏裝香三門外合掌師或以拄杖一劃云微塵諸佛盡在這裏還辨得盡麼代云日出東方夜落西一日云作麼生是扣門一句代云打或云迷本底人觸途俱滯悟本底人爲什麼有四大見代云益州附子建州薑師或云你諸方愛答話還有透不得底句麼代云來或云達磨西來爲什麼難得兒孫代云放師因說事了起立云你諸人忽然今夜總悟去早起將刀截却我頭我說了也乃拈衲衣抖擻云作麼生代云學人不得辜負和尚或云口祇堪喫飯你道古人拈槌豎拂揚眉動目作麼生辨代云瀉山笠子江

西別又云龍頭蛇尾或云佛法中菩提涅槃真如解脫並爲增語汝道世諦以何爲增語代云鬧市裏一箇兩箇又云菩提涅槃師或云古人道觸目是道拈却醬甕阿那箇是道無對師云蒼天蒼天代前語云是什麼心行或云見卽不可子細看代云長安雖樂示衆云十五日已前不問你十五日已後道將一句來代云日日是好日

上堂良久云鈍置殺人便下座代云不獨因看誌公頌問僧半夜子心任無生卽生死古人意作麼生代云不可總作野狐精見解也或云古人道人人盡有

光明在看時不見暗昏昏作麼生是光明代云廚庫三門又云好事不如無一日云佛法大殺有祇是舌頭短代云長也又云大斧斫了手摩抄師齋次問僧應是從前叢林學得底言語總拈却你道我飯作麼生滋味代云菜裏少鹽醋或云是你諸人行腳須知有隔身句作麼生是隔身句代云初三十一或云大智非明真空絕跡還有人明得這箇道理麼若有人明得出來道看代云捏問僧常徒底人過在什麼處你與我拈出來代云不可平地生堆阜又云和尚佛法身心何在或云一言纔舉千差同轍是什麼言代

云如是我聞又云要道有什麼難因見狗子乃打一下云你爲什麼咬這露柱代但以脚趂狗子便去舉華嚴經云金色光明雲青色光明雲你道我尋常還有這箇時節麼代云亦不得屈着和尚因開法堂門云作麼生是入門一句有僧云諾師云漆桶無對代云掩面出去代後語云道著一日衆集定云莫錯認一着便下座代云謝和尚重重相爲或云是你諸人行腳須知有入頭路還有人道得麼出來道看代云也不得辜負和尚示衆云中有一寶祕在形山拈燈籠向佛殿裏將二

門來燈籠上作麼生代云逐物意移又云雷起雲興  
一日云宗門作麼生舉令代云吽師或云阿耶耶新  
羅國裏打鐵火星燒著我指頭自代云非但指頭師  
或云從上祖師三世諸佛說法山河大地草木爲什  
麼不省去代云新到行人事又云和尚京中喫麵多  
師或云萬法紘紘三世諸佛天下老和尚一時出頭  
過在什麼處代云著什麼來由一日云忽然有一箇  
老宿把弓刀按劍入地獄如箭射還有人會得這箇  
時節麼代云鑰匙在和尚手裏或云古人道難得不  
錯怪人句作麼生是不錯怪人句代云爭塞得人口

一日云眼睫橫亘十方眉毛上透乾坤下透黃泉須  
彌塞却你咽喉還有人會得麼若有人會得拽取占  
波共新羅闍額代云哂或云古人道聲香味觸常三  
昧我與你葛藤乃拈拄杖云這箇拄杖子是三昧你  
若識得拄杖子卽識得天下老宿又云你若識得拄  
杖子未夢見天下老宿脚跟下一莖毛代云和尚不  
使別人一日云一箭兩樑作麼生代云長安雖樂或  
云日謝樹無影這箇是佛殿那箇是無影代云泊分  
南北一日云作麼生道得不落第二問代云洪州鞋  
履一日拈起拄杖云解脫深坑勃跳代云出或云一

語明得不要分外代云將謂是天地師或云塵無自  
性攬真成立作麼生是成立底事代云五尺拄杖三  
尺竹一日云說卽天地懸殊不說卽眼睫裏藏身眉  
毛上勃跳代云三三或云古人道一語無二語作麼  
生是一語代云早朝粥齋後茶師或拈起拄杖云是  
你諸人作麼生辨雲門雲門作麼生辨你諸人代云  
平問僧佛法還有青黃赤白也無代云東方甲乙木  
西方庚辛金一日云作麼生是塵中辨主代云道州  
去江華不遠師或云有一人問著口似木揆有一人  
問著口似懸河你道二人過在甚處代云有過卽拈

出  
示衆云叢林言語卽不要作麼生是宗門自己代但  
展兩手或云迷身一句作麼生道代云何處有也或  
云目前不溺作麼生道代云下不舉上  
示衆云江西卽說君臣父子湖南卽說他不與麼我  
此間總不如是你還識壁麼代云何異一日云作麼  
生是不續再問代云秋風過去春風至因齋時聞鼓  
聲師云釋迦老子叫喚也時有僧問未審釋迦老子  
叫喚作麼師云你與麼驢年夢見麼代云今日喫飯  
甚是遲或云我今年老七十八也所作事難也良久



問僧你道淨瓶年多少無對代云甲子會一日云靈利底人難得作麼生是靈利底人代云不妨或云問一答十問十答百底人從什麼處來代云西京來一日云會佛法底人共什麼人語話代云行者問僧云三藏聖教天下老和尚言語總拈却蝦蟆口裏道將一句來代云昨日新雷起師舉古人道讀經千遍紙上見經不識忽然國師問你作麼生又云忽然國師拈起作麼生代前語云噫代後語云朝看華嚴夜讀般若或云凡有請問不得離於祇對作麼生道代云路逢衲客須呈劍一日云作麼生是一句通褒貶代

云雖是善因而招惡果或云行住坐卧著衣喫飯是法身那箇是你四大代云和尚今年年尊一日云你若辨我我辨你是尋常更有一條作麼生辨代云識或云節角語須是箇人始得作麼生是節角語代云摩斯吒落水一日云繞天下行脚辨人底人你道具什麼眼代云聽水

上堂云遇人卽鼻孔遶天便下座代云識好惡師或云鬧市裏道將一句來代便唱聲云人家莫點燈火上堂云爲衆竭力禍出私門代云衆禍已除或云照盡一句作麼生道代云某甲不欲開蝦蟆口師在餬

餅寮喫茶云不向汝道罪過無對復云第一須忌火便起去代云大衆不得辜負和尚師或云佛法大殺有祇是灸瘡痛代云灸瘡痛猶可一日云臨坑不損人代云也是又云某甲識好惡或云古人道舉卽易作麼生代云以貌取人一日云鷲點是什麼時節代云不可道是蝦蟆蛤蟆或云不是雲門罪過便起去代云事不孤起師或云已事若明始消他供養作麼生是你明底事又云舉一明三萬里崖州代云一切由和尚代前語云飽師或拈起拄杖問僧這箇汝不得道著作麼生是衲僧孔竅無對又云你若道不得

向鼻孔裏道將一句來代云新羅火鐵鄆州針又云正上不足因僧來參師拈起袈裟云你若道得落我袈裟總續裏你若道不得又在鬼窟裏坐作麼生代云某甲無氣力或云不明已底人過在什麼處代云大人不合如此一日云放下一句無不盡代云養子之緣或云不用指東劃西什麼人會佛法代云三家村裏老翁婆一日云你若衣鉢下坐縛殺你你若走上來走殺你作麼生是不停之句代云速或云新羅國裏置將一問來代云便請一日云萬法從甚處起代云糞堆頭師或云第一句作麼生道你若明得陝

府鐵牛吞却乾坤代云謝和尚重重相爲一日云作麼生是問中具眼代云瞽

示衆云舉一不得舉二你若舉二放你舉三代云開師或云天堂地獄鑊湯鐵炭蓋却你頭三世諸佛總在你脚跟下三十年後鼻孔遶天代云不可更作野狐精見解也一日云五音六律是有是無代云不可蝦蟇窟裏作活計師或云一句該通五千餘首蘇轍陸訶代云三門頭打鼓佛殿裏行香師或云如今半夏也敲磕處道將一句來師復云蜜但哩孤蜜但哩智又云蜜但哩孤蜜但哩智作麼生代云啍咻又云

噓一日云三十年後會去在代云點兒落節或云頭上霹靂卽不問你脚下龍過道將一句來代云朝起雲夜降雨師問僧德山便棒你道學人還有長處也無代云無端一日云一切智智清淨中還有生滅麼代云夜叉說半偈或云若知去處什麼劫中無祖佛代云發

示衆云作麼生是不露鋒骨句代云今時人須是明明問道始得師乃有頌不露鋒骨句未語先分付進步口喃喃知君大固措或云十方國土中唯有一乘法你道自己在一乘法裏一乘法外代云入又云是

一日云紐半破三針筒鼻孔裏道將一句來代云海裏使風山上船或云折半列三針筒鼻孔在什麼處與我箇箇拈出來看代云上中下或云分疆列土作麼生道代云文殊自文殊解脫自解脫師或云衲僧須得巴鼻卽識得天下人作麼生是衲僧巴鼻代云德山棒

示衆云淺聞卽深悟深聞卽不悟代云迷途達磨或云衲僧須識古人眼作麼生是古人眼代云蝦蟇跳上天一日云處處道將一句來代云鬧市裏天子百草頭上老僧或云暗道將一句來代云藏頭露尾一

日云將南作北將北作南作麼生道代云由阿誰或云未打板已前道將一句來代云著什麼來由一日云以有爲有作麼生免得去代云患師或云解患非患明得了作麼生是眼代云晝見日夜見星一日云明暗爲什麼不相管代云難爲怪笑或云過在什麼處得與麼難代云辨一日云渺漫不分是什麼人分上事代云不可作沙彌行者見解也師或拈起拄杖云莫道老和尚瞞你貴之與賤縱橫十字一時這裏會得了莫辜負老僧代云百鳥爲子屈又云抑與之與師或云見麼自云見又云見什麼代云花師舉古

人云至道無難唯嫌揀擇這箇是僧堂這箇是佛殿  
那箇是不揀擇代云何必如此師或云全抽半抽作  
麼生道復云作麼生是半抽代云跳出死蝦蟆又云  
作麼生是全抽代云案山雷主山雨師或云你自鈍  
置第一不得錯舉代云事不孤起一日云識得道得  
出來道看話端道什麼代云識罪或云作麼生是不  
再問底句代云今年春氣早夜來陽鳥啼又云佛殿  
裏裝香三門前合掌一日云入夏來十一日也還得  
入頭麼作麼生道代云來日十二師因喫茶拈起茶  
盞云一口吞盡作麼生代云茶又喫却

示衆云西天二十八祖唐土六祖天下老和尚總出  
頭來過在什麼處又云你在此間三冬兩夏忽然出  
外有人問雲門老和尚道什麼你向他道什麼代云  
驀面唾這野狐精代前語云他不是顛或云古人道  
從門入者非實作麼生是門代云道得也無用處因  
聞鼓聲云鼓聲咬破七條又指僧云抱取貓兒來代  
云不用別人師問僧行脚事卽不問汝三十二相八  
十種好道將一句來還有人道得麼代云恒薩阿竭  
二千年師或云不問汝叢林言教這箇是天這箇是  
地以手指身云這箇是我又指露柱云這箇是露柱

那箇是佛法代云也大難師在僧堂中喫茶拈起托  
子云蒸餅饅頭一任汝喫你道這箇是什麼代云乾  
狗屎又云茶又喫了也師或云你還識德山麼真道  
我壓良爲賤代云也知和尚因某甲置得師聞齋鼓  
聲云你道鼓因什麼置得代云因皮置得師聞齋鼓  
聲云你還識得老婆禪麼代云鼓聲喚喫飯去一日  
云古人道巧拙具生殺作麼生是生殺代云足上不  
足足下有餘

上堂大衆集已師云大衆齋去却問僧你道我教伊  
去還有過也無代云也不是和尚特地如此師行次

以拄杖打露柱一下云新羅天子勃跳上梵天代云  
無端師或云世諦不要道佛法道將一句來代云父  
子之情一日云通明底人什麼物與麼來代云真教  
屈著人又云釋迦老子須彌山或云古人道朝朝抱  
佛眠起時還共起你道見解朦朧底人作麼生代云  
未到問僧云眼中無色識識中無色眼色眼二俱無  
何能令見色去却古人道將一句來代云把將饅頭  
蒸餅來又云雪上加霜又云有什麼師或云幡竿  
頭倒卓是第幾機代云打一日云學佛法底人如恒  
河沙百草頭上道將一句來代云俱師因出門云古

人道從門入者非實汝道從門出者作麼生代云一師入堂齋次指聖僧供鉢問僧云你若喫盡又在解脫深坑裏你若喫不盡又不啣啣作麼生代云大眾喫飯次

上堂云劃斷卽不可復云你若不會三十年後莫道不見老僧代云和尚恐人埋沒代前語云今日上堂大眾著便師或以拄杖打露柱一下云你作麼生不說禪復云埋沒人家男女無對自云擔枷過狀自代前語云爭怪得別人師或云湖裏魚變成龍卽不問你作麼生是針眼魚代云點師聞打槌聲云妙喜世

界百雜碎擎鉢孟向湖南城裏喫粥代云浴後喫一日云什麼語中無世諦什麼語中無地獄代云天晴日出雨下雷興或云平常心是道你平常道將一句來代云五箇餬餅三箇飽一日云一句辨邪正忽有人問作麼生是辨邪正底句你作麼生道代云西天與此土不同或云今日已前不要今日已後不要正當今日道將一句來代云正好師或云病遇因卽瘥你道遇什麼因道得底道看代云尚或云鉢孟匙筯與露柱相去多少代云分開好又云尋常得此便一日云當鋒一句作麼生道代云領或云作麼生是辨

慈風一句代云識取好一日云迷身一句作麼生道代云昨日雷聲起今朝陽鳥啼師或云不用勃跳道將一句來代云死蛤蚧也無用處一日云作麼生是提婆宗代云西天令嚴此土還較或云汝道何物具四德代云死貓兒又云把不具底來一日云荆棘不彫擇道將一句來代云拈放一邊或云有一切見底人是什麼人代云三家村裏納稅漢一日云不占田地道將一句來代云總屬和尚或云倒道將一句來看代云訶薩一日云息節一句作麼生道代云知時好師或云天下亂走將什麼過水代云且曬著師或

時拈拄杖作射勢云官家進器械來也看看代云和尚不得放過又云僧堂前師或云一夜展脚睡天明道將一句來代云何不快起或云作麼生是赤脫一句代云也大無端一日云以有爲有此人過在什麼處代云苦或云還有不識祖師底人麼代云仁義道中又云不患一日云識過無過不識過過也不知代云熱或云曹溪路上還有俗談也無代云二事一時一日云佛法外置將一問來代云一箇便多或云既知來處什麼劫中無祖師代云某甲今年不著便或云寸草不生不學禪不學道代云是什麼閑或云還



有吞不盡句麼代云蛇師行次以拄杖打露柱一下云什麼處來自云西天來復云來這裏作什麼自云說佛法乃喝云欺我唐土人又以拄杖打一下便行却拈問僧汝道我意作麼生僧便問祇如師意作麼生代云不用行主又云師子咬人復問僧祇如當機合下得什麼語代云發又云百歲老兒作歌舞一日云驀劄一句作麼生道代云因一事長一智或云大藏教將什麼辨代云點一日云佛殿爲什麼不見僧堂代云痛或云衲僧鼻孔卽不問汝泥裏洗土塊道將一句來代但彈指又云衲僧鼻孔又作麼生道代

云翫山翫水師或問僧作麼生是不寂句無對師云汝問我與汝道僧便問作麼生是不寂句師云啀代前語云不可向鬼窟裏作活計又云作麼生是啀代云會此意又云文殊五字或云作麼生是入鄉隨俗底句代云君子可入一日云作麼生是提綱一句代云雪峰南趙州北一日云靈苗不動根過在什麼處代云悞却多少人或云一顆圓光明已久作麼生是一顆圓光代云謝和尚重重相爲師或云作麼生是對明一句代云露師或云非色非聲體上明得是第幾機代云不可向野狐窟裏作活計一日云布慢天

網打龍布絲網撈蝦擺蜆你道螺蚌落在什麼處代云具眼師因卸却七條語僧云汝道來生莫不會佛法麼僧無語代云和尚幸是大人又云某甲不敢道復云爲什麼不敢道又云自有和尚在師歲夜問僧餅餌是羅漢藥石還將得餌餵飽子來麼無對代云今日東風起師或云你若不相當且向古人建化門中道將一句來若道不得向異處道將一句來作麼生道代云前來猶是可一日云遠卽照近卽明作麼生道代云入水始見長人又云更不要也師或拈拄杖云且向這裏會也有利益也無利益總不會顛預

佛性儻侗真如代云正上不足正下有餘一日云萬法從什麼處起代云不可向和尚道蝦蟇口裏也因齋時聞鼓聲云古人道一切聲是佛聲喚作佛聲喚作鼓聲代云和尚道了也又云和尚不宜喫麵因見僧來叅師打露柱一下云來這裏瞞我代云但打露柱一擲云爲人自安一日云至道無難唯嫌揀擇作麼生是不揀擇又云如來妙色身羅羅李代云不出代前語云古人道了也因齋時打帳座一下云這箇喫又打飯牀一下云這箇不喫代云一槌兩當因撥米問僧人擔米米擔人代云總得又云搬米辛苦猶

古尊宿語錄卷之十七

金壇居士于王立施贊刻  
古尊宿語錄第十七卷  
六箇該銀四兩三錢八分  
銀山釋海亮對上元李鼎書桂德到那藏刻  
萬曆乙卯歲春三月徑山化城藏

是可又問僧大橋有多少米僧云七十碩師拈起拄杖云七十碩米一時在拄杖頭上擔將來卽得若擔不得餓殺你代云不可爲小小一日云有所說野干鳴無所說師子吼我與麼是野干鳴作麼生是師子吼代云九九八十一師或云埋沒兩字不用道著代云深領和尚慈悲又云因某甲所置師或云善財入門也作麼生道得出去代云朝遊羅浮師或云餓餅從你橫咬豎咬不離這裏道將一句來代云今日新麵一日云有賞有罰道將一句來代云遇賤卽貴天晴日出或云龍潛師溺起自何來作麼生是不活底

古尊宿語錄卷之十七

古尊宿語錄卷之十七

三

句代云有什麼難辨一日云敲磬一句作麼生道代云驢生駝馬生騾或云作麼生得道斷商量代云來年更有新條在惱亂春風卒未休一日云辨得親疎爲什麼被親疎所使代云阿誰置得或云古人道會卽途中受用不會卽世諦流布完國道將一句來代云一錢兩箇二錢三箇一日云一句道將來代云正上不足因夏末問僧初秋夏末不觸平常道將一句來代云初三十一中九下七師問僧通身是水阿誰喫代云泊與和尚作笑具一日云三日不相見不得作舊時看作麼生代云千

古尊宿語錄卷之十七

古尊宿語錄卷之十七

三

古尊宿語錄卷之十八

雲門匡真禪師廣錄下

門人明識大師賜紫守堅集

勘辨

師見新到云雪峰和尚道開却路達磨來也我問你作麼生僧云築著和尚鼻孔師云地神惡發把須彌山一捆勃跳上梵天授破帝釋鼻孔你爲什麼向日本國裏藏身僧云和尚莫瞞人好師云築著老僧鼻孔又作麼生無對師云將知你祇是學語之流代無語處云和尚祇恐某甲不實又云邏邏哩問新到你

是甚處人僧云新羅人師云將什麼過海僧云草賊大敗師云你爲什麼在我手裏僧云恰是師云勃跳無對代前語云常得此便又云一任勃跳問新到你南岳山借我二百錢爲什麼不還無對代云今日小山大遇又云今日不著便問僧心法雙忘是第幾座僧云第二座師云作麼生是第一座僧云不敢虧於和尚師不肯代云韶州糴米問僧什麼處來僧云摘茶來師云人摘茶茶摘人無對代云和尚道了某甲不可更道師問僧你是修造那云是師云盡乾坤是箇屋作麼生是屋主無對師云你問我與汝道僧

便問師云薨代前語云瞞却多少人來師問僧汝是湖南出家那僧云是師云識三門下金剛麼僧云不可更識也師云野狐窟裏出頭無對代云若不出頭代初問處云祇是箇泥人又云識得者泥人有甚用處又云念某甲新入衆師問僧甚處來僧云禮塔來師云祖師道什麼僧云和尚道什麼師云將謂是箇靈利漢無對代云祇爲仁義道中師問僧甚處來僧提起衲衣師云我問你甚處來僧云和尚爲什麼不領話師便打代云且喜代前語云和尚休得也未僧辭師師云你辭去那云是師云前頭江難過僧云一

切臨時師云蘇盧薩訶代前語云臨行不可無禮去也代後語云太麤心又云近日世界不好師問僧甚處過夏僧云和尚令知師云我即知僧云且道某甲甚處過夏師云老鼠孔裏出頭無對代云道著代前語云便出去僧辭師師云莫教敗闕僧云和尚有什麼事但問師云草賊大敗無對代云敗也代前語云不少因普請般米了坐次云近日不唧啻祇擔得一斗米不如快脫去僧云和尚脫向甚處去師云啞僧擬再問師云釘釘了代云灼然代前語云今日般米困又云尚近師問僧還見燈籠麼僧云不可更見也

師云綢繆繫露柱代云深領和尚佛法深心代前語云好事不如無問僧近離甚處僧云查渡師云蹋破多少草鞋無對代云可惜草鞋又云不虛蹋破草鞋師見飯頭云汝是飯頭麼云是師云顆裏有幾米米裏有幾顆無對代云某甲瞻星望月又云福利門中不得不作師因齋欠問僧你是甚處人云淮南人又問一僧你是甚處人云京兆人師拈起蒸餅云我也無可到你淮南人也無可到你京兆人二僧無對師遂拈蒸餅剎轉云我惜你作麼生又無對代云不是和尚惜代前語云音同供養又云且留供養和尚問

僧看什麼經云已有人問了師云你爲什麼在我脚下僧云恰是師云伏惟尚饗代云蒼天蒼天又云將謂韶州無問僧看什麼經云般若燈論師云西天金剛座上甚人說佛法僧云和尚合知師云你夢見麼無語代云不獨某甲代前語云跳出死蝦蟇又云將謂西天無又云墮因齋次問僧喫得幾箇餠僧云喫得四箇師云你爲什麼鼻孔裏祇有一莖毛無對師云脫空妄語代前語云直須慎初又須護末因齋次問僧羹受飯裏飯受羹裏過在什麼處道得別有商量無對代云好羹好飯又云不可道和尚蝦蟇窟

裏因僧辭師師下座把僧手云著幾錢無對師云你問我僧便問師云都不直半分錢代云有什麼信物送路將來又云臨行因見龍藏字問僧龍藏出得箇什麼無對師云你問我與你道僧便問師云出箇死蝦蟇代云屎臭氣又云饅頭蒸餅因般米次師以往杖打僧一下云這箇師僧不去般米是不僧云般米入倉了也師云般米入倉了且置阿誰喫飯僧便出去師云脫空妄語漢又拈問僧作麼生免得不被主家道得脫空妄語代云爲什麼歷良爲賤又云因一事長一智代是不處云和尚著甚來由師在僧堂前

問僧這箇鐘子是什麼物作無對師云你問我僧便問師云納僧作代但打鐘一下云摩訶般若波羅蜜又云衆僧堂前師問修造僧甚處來僧云山上斫木來師云還斫得合盤麼僧云和尚放某甲過卽道師云放你過作麼生道僧便禮拜師便打代云某甲也潛麼又云可惜成功不毀又云所問僧甚處來僧云般柴來師云維那打鼓不般柴作麼生無對代云錯領又云可惜般柴工夫又云和尚位處當人某甲參學又云纔施少許功勞師問僧甚處來云山下來師云有幾人僧云四人師豎起拄杖云總在者裏無對



代云抑已而已又云悞却多少人問僧喫得幾箇餠餅云三箇師拈起餠餅云這箇是第幾箇無對師云你問我僧便問師云不出代云欺敵者八問僧甚處來僧云湖南來師云夏在甚處僧云湖南師云開通寺在甚處僧云不會師云叅堂去無對代云諾代初語云和尚遠問學人近對又云纔始新到師齋次問僧你道鉢盂裏多少飯無對代云野又云飽便休又云一杓兩杓師見僧齋次問鉢盂匙筯拈向一邊把將餛飩來無對代云好羹好飯又云休問僧看什麼經僧拈起經師云鬼窟裏出頭僧云和尚見箇什麼

師云賊物見在無對代云仁義道中不合如此問僧看什麼經僧云般若經師云經中道一切智智清淨是麼僧云是師云你眼爲什麼穿過石榴樹僧云古人何在師云古人卽知是你不知無對代云大人有人不識勢師問僧甚處來云嶺中來師云夏在甚處僧云招慶師云招慶有何言句僧近前應諾師云一不成二不是無對師云灼然代云祇守是師因齋次拈起餛飩謂僧云擬分一半與你又却不分僧云爲什麼不分師云爲你打野樵代云將食與人也不惡又云謝和尚供養又云和尚無端作麼師因喫茶次云

茶作麼生滋味僧云請和尚鑒師云鉢盂無底尋常重面上無鼻笑殺人無對師云趁隊噉飯漢代云祇守是又代以茶便潑又云且待某甲點一椀茶師問僧甚處過夏僧云和尚令知師云我卽知僧云且道某甲甚處過夏師云不消一剗代云更不消也問僧看什麼經僧應諾師云因甚失却僧云某甲甚處失却師云自領出去代云同路又云和尚大人不合自作問僧完圓餅角子卽不要你半截底把將來僧應諾師云這箇是完圓底把將來代云齋與不齋當來無礙又云檀越所修福師問新到什麼處來僧云柳

州師云夏在甚處僧云荆南分金師云分得多少僧展兩手師云這箇是瓦礫僧云和尚莫別有麼師云乾屎橛一任咬代云若不言殺爭得玉轉問僧看什麼經僧云瑜伽論師云爲甚義墮僧云什麼處義墮師云白領出去代云悔不先下手問僧曾講百法論是不僧云是師云爲什麼脫空妄語代云事不孤起又云著因爲僧唱衣次問僧如今唱衣僧還向這裏麼代云勞煩大眾不能等候打偏槌去也問僧甚處來僧云般柴來師云般得多少轉一宿覺僧云二十轉師云你爲什麼打落當門齒無對師便打云

學語之流代云也知和尚佛法身心又代前語云般柴早是辛苦問僧着什麼經其僧却指傍僧云和尚問何不祇對師云露柱爲什麼倒退三千里僧云豈下他事師云學語之流代云洎合不識勢又代珍重使出又云著者非一師在西京時問僧你是甚處人僧云于闐國人師云還到西天麼僧云到師拈起拄杖云掣電之機不問你還到這裏麼僧云不會師呵呵大笑代云深領和尚降尊就卑又云將謂此土無又云敷問新到甚處來僧云南嶽來師云觀音爲什麼入洞庭湖裏去僧云某甲初心不會師云叅堂去

代云諾又云惑著多少人來又云和尚問觀音某甲對滿勒師齋次問僧半夜般柴卽不問你齋時將什麼喫飯僧拈起鉢盂師以拄杖打落僧無語代云引又云兩片皮又云匙筯鉢盂手巾單子因喫茶次問僧你是柴頭不僧云是師云更勸一甌茶代云辛苦受盡又云功不浪施又云和尚念某甲辛苦問僧你是園頭不僧云是師云蘿蔔爲什麼不生根無對代云雨水多又云不解悅豫使人問僧你是甚人僧云知客師云客來將何祇待僧云隨家豐儉師云這箇是瓦椀竹筯客來將何祇待僧云謝和尚慈悲師云

蝦跳不出斗無對師云你問我僧便問將何祇待師便打代初問處便打又云一盤飯兩椀茶又云貪觀天上月師問僧你是甚處出家僧云趙州孫師云師翁是甚處人代云喫飯老和尚師因見水磨題梁云永爲不朽後卽破損師問僧既是永爲不朽爲什麼却被水推無對代云不因一事難長一智又云堯舜之君猶稽於化師問僧不惹泥水作麼生道代云南山打鼓北山舞因齋次問僧者裏還有超佛越祖之談麼僧云有師云什麼處去也無對代云新羅國裏又云和尚恐某甲不實代前語云喫飯時不合與麼

道師問柴頭你爲什麼拽折大梁鋸僧云無師云無卽休代云彼此又云平地又云也知和尚爲頭首辛苦師問僧什麼處來僧云南嶽來師云我此間不曾與人葛藤近前來僧乃近前師云去代云念學人遠來又云今日無彩因僧在師前立以拄杖打一下其僧迴首師展手云把錢來無對代云若不轉頭爭知後事又云但驀面唾因入厨問菜頭云鍋裏多少茄子無對師云你問我與你道僧便問師云消不得代云一桶又代後語云是因普請歸三門下問僧因作什麼面目僧云和尚合知師云我卽不知僧却問因

作什麼面目師拈拄杖云遇長卽長遇短卽短僧云未審因與麼道和尚與麼道師云我也知你親無對代云爭知又代前語云老少黃白師問飯頭佛是千百億化身你每日作飯一杓幾箇釋迦老子無對代云一僧一升米又云今日齋飯較細問僧甚處來僧云南華塔頭來師云祖師有什麼言句僧云有師云不得錯舉僧云請和尚領話師云我道你一不成二不是代云和尚大殺教令問磨頭人打羅羅打人無對代云近來喫麵多又云客來須看賊來須打問僧什麼處來僧云南華塔頭來師云還見祖師麼僧云

用見作什麼師云你又去那裏作什麼僧云有什麼過師云既去無過見有什麼過無對代云若不如是爭知慈悲問僧甚處來僧云赴齋來師云將觀錢來僧云和尚欠少箇什麼師云你又欠少箇什麼僧云不欠少師云不欠少又赴齋作什麼無對代云何妨又云赴塊問僧你是向北人僧云是師以一捆無對師云你問我僧却問和尚甚處人師又以一捆無對代前問處打一捆又代後云仁義道中有僧粥後來見師師云喫粥了也未僧云了也師云咬著露柱麼僧云咬著師云看硬著你無對代云也知和尚恐人

不實又云硬阿誰師因開門有僧便入師募曾擒住云有甚麼事僧云有什麼事師以一捆無對代云退已進於人爲存賓主禮代擒住處云驀面唾這野狐精又代云因學人置得師指露柱問東京僧你鄉中還有這箇麼僧云有師云喚作什麼僧云喚作露柱師云三家村裏老翁也解與麼道無對代云本色師見僧來乃舉起拳作打勢僧近前作受勢師與一捆無對代云便出去又云一彩兩賽又代云行因招禍又云謝重重相爲問僧甚處來僧云大普請般柴來師云小普請爲什麼不到無對代云依前又是大普

請又云辛苦受盡問新到甚處來僧云不敢師云放你三十棒無對代云某甲也溜麼又云可惜許七間法堂問僧甚處來云荆南來師云夏在什麼處僧云分金師云有事相借問得麼僧云便請師云鷄子過新羅僧無對代云是於借問處代云鷄子過新羅師在僧堂內喫茶問設茶僧云什麼處安排僧指板頭云在這裏師云你更設一堂茶始得無對代云近日錢難得又云小財不去大財不來又云上閣下板頭問僧甚處來僧云郴州師云夏在什麼處僧云西禪師云說什麼法僧展兩手垂兩邊師便打僧云某甲

話在師却展兩手無對師打趣出代云便出去問僧  
甚處來僧云南華禮塔來師云莫脫空僧云實去來  
師云五戒不持無對代云彼此不出因齋次問僧孟  
裏幾餅餅裏幾孟僧拈起餅師云問着箇老婆無對  
代云不消又於問處云大眾喫飯次師因普請入柴  
寮云老底不用去還有老底麼僧云有師云在什麼  
處僧乃推出一僧師云這箇猶是後生無對代云若  
與麼却普請去始得師因喫茶次云什麼人接盞子  
有僧便接師云村裏老翁拜冬至無對代云祇爲行  
仁義却招禍及身有僧來叅師問曾聽講來麼僧云

是師云見說有唯識論是不僧云是師云非非想天  
說箇什麼僧云不會師云且念文書代云禪師愛欺  
座主又云吽發又云維摩頭法華尾有僧辭師師云  
甚處去僧云湖南去師云前頭津鋪難過僧云某甲  
有隨身公驗師云這箇是念上大人無對代云小小  
村鎮不足可言又云和尚大殺代前語云便珍重出  
去師問新到云把將公驗來僧云有人問了也師云  
由是念上大人僧云莫錯師云草賊大敗無對代前  
語云且存仁義代後語云大似村鎮頭又云久嚮問  
僧一切聲是佛聲一切色是佛色拈却了也與我道

僧云拈却了也師云與麼說驢年會麼無對代云君  
子一言代初語云狂又云不存少許佛法身心問僧  
甚處來僧云摘茶來師云摘得幾箇達磨代云新茶  
宜少喫又云因摘春茶不廢功力因僧辭師師云甚  
處去僧云虔上去師云打野裡漢代云珍重又云臨  
行因曬麥問僧曬了也未僧云了也師云饅頭從你  
橫咬豎咬不離這裏道將一句來代云新麥麵少喫  
又云三事蒸作餬餅糖餅問僧看什麼經云顯揚聖  
教論師云適來一問爲什麼照不着僧云什麼處照  
不着師云夢見顯揚聖教麼代云若不如是爭見當

人又云照不着師問看經僧表首是什麼字僧拈起  
經師云我也有僧云和尚既有爲什麼却問師云爭  
柰與麼何僧云有什麼過師云自屎不覺臭代云今  
日方知又云德山拄杖紫胡狗又云和尚此問大殺  
靈利鼓山有小師久在崇壽却歸嶺中到保福處相  
看福知來却入帳子內衲衣蓋頭坐僧云和尚出汗  
那不對有僧舉似師師云見成公案不能折合代云  
鈍置殺人又云草賊大敗師問僧看什麼經僧云呪  
師云與麼語話未有主在僧云和尚莫錯師云自領  
出去代云便出去問僧我有箇不露鋒骨底句作麼



生有長老云收師云與麼道得一半代云深領和尚慈悲又云句吟又云泊不別處因修藏問僧作麼生是藏僧應諾師云這箇是藏脚還我藏來無對代云爭得不修藏又云玉問新到甚處過夏云雲蓋師云多少人僧云七十人師云你爲什麼不在數代云新到分上未受與麼又云恐久住瞋問僧甚處來僧云郴州師云你爲甚麼失脚代云魯般門下弄大斧又云客是主人相問僧甚處來云查渡師云你爲什麼蓋不着僧云和尚莫塗糊某甲師云鰕跳不出斗代云新到便家和和尚重重嚴飾又云見面問僧古人道

無邊刹境自他不隔於毫端新羅日本與這裏作麼生僧云不別師云入地獄代云不可作地獄見解又云爭得玉歸問僧你不得鈍置我僧云和尚因什麼到與麼地師云我鈍置你猶可你鈍置我更殺代云事不孤起又云和尚也大無端又云某甲甚處不下馬問僧你諸人行脚道我知有與我拈三千大千世界來眼睫上著僧云諾師云錢塘爲什麼去國三千里僧云豈干他事師云者掠虛漢代云和尚倚勢欺人又云常得此便問僧甚處來僧云南華塔頭來師云還見祖師麼僧云南華橋折師云南嶽石橋又作

麼生無對師云學語之流代云便出去又云上也問僧甚處來僧云涅槃堂裏來師云亡僧還喫飯麼僧云不喫師云活人還喫飯麼無對代云一杓兩杓又云欠他一箇餬餅也不得又云也能祇對師問僧講律來是麼僧云是師云律鈔中說大小乘無分別作麼生是無分別無對代云靈樹置將一句來師問僧法身還喫飯麼僧云諸方老宿不肯法身無形無相作麼生喫師云與麼道夢見法身麼僧云有不肯處作麼生師云自不知乃云法身喫飯又代云將謂有衲僧孔竅猶是潑屎潑尿復云灼然百千人中未有

一人到此境界自云和尚作麼生代云咄這有頭無尾漢師問僧三藏聖教古今老和尚憑箇什麼照僧云高也著低也著師云你與麼不得代云得與麼狼籍生因鑄鐘歸山齋了請師打鐘師打了大眾打師問僧打鐘圖甚麼僧云喚和尚喫飯師不肯代云譬如開又云息苦停酸師入京朝覲歸至大橋山門前茶迎師師喫茶果次僧侍立師語二叅隨僧云是你京中無可喫乃拈一椀果子與一僧其僧接得便去又語一僧云我不與你僧無對師云那裏也有也其僧又無對別有僧出云某甲今日也隨和尚來請一

分得麼師云喫僧云某甲罪過觸忤和尚師云我不能睡得你無對代前語云也知果子少兩人共一椀又云未到山便蒙和尚管顧代後語云某甲更是師歸山受大眾叅了乃云我離山得六十七日問你六十七日事作麼生眾無對代云和尚京中歸無信物又云和尚京中喫麵多因數僧來叅師問作什麼來云般柴來師云歸向北去不得辜負老僧無對復云來來三愚共成一智作麼生代云一畝地代前語云不因一事不長一智因齋次云今日喫飯不得遷化去也排比唱衣無對復云你問我僧便問將什麼唱

師云驢年摸著麼又云我與你三家村裏葛藤更問僧又問師擎起碗云這箇是定州碗子一唱三十文代前語云錢是足陌因齋次問僧你道人喫飯飯喫人無對師云你問我與你道僧乃問師云謝你答話代前語云不因喫飯難得此言因僧隨師出三門師問古人道大用現前不存軌則作麼生是不存軌則無對復云你問我與你道僧便問師引聲云釋迦老子來也僧又無對師遂行數步以拄杖打松樹一下云噯噯會麼僧云不會師云你與麼驢年會麼代前語云多華樹嘲無半子代後語云由是師因見僧量

米乃問籬裏多少達磨無對師云你問我僧便問師云斗量不盡代云因一事長一智又代起却米籬便行因園頭請師喫茶師云你若煎茶我有箇報答你處無對師云汝問我與汝道園頭云請師報答師云多著水少著米代云得人一牛還人一馬又云金字茶六百錢一斤師因齋次拈起蒸餅云我這箇祇供養向北人是你諸人總不得時有僧問某甲爲什麼不得師云鈍置殺人代云某甲猶可代前語云兩彩一賽問僧古人道直須一句下悟去作麼生僧云直須一句下悟去師云你爲什麼鼻孔裏祇對我僧云

某甲什麼處是鼻孔裏祇對師云夢見代云某甲與初和尚護末又云南柯又云少喫又云戒文一切總不犯師問侍者客來將什麼接待者無對代云和尚要拄杖卽道因歲日在堂中點茶師問僧設羅漢齋得生天福你得飯喫無對師云你問我與你道僧便問爲什麼與麼道師云先來不著便如今著屎潑代前語云非唯施主某甲也蒙因聞鼓聲問僧打鼓爲什麼人無語師云你問我僧便問師云打鼓爲三軍不爲你代云柴不辨師坐次有僧非時上來師云作什麼僧云請益師云你有什么疑僧云某甲曾問和

尚一宿覺般柴柴般一宿覺師乃敲椅子三下云你作麼生會僧云一切臨時師乃揎拳云我共你相撲一交得麼無對次日其僧再上值師漱盥次師乃將水碗過與僧云送去厨下著其僧送去了却來師見來乃從後門出去其僧云比來請益却得一口碗問僧作麼生是打靜一句僧云誰敢出頭師云你問我僧便問師以拄杖劃地一下問僧將什麼轉大藏教僧云莫越於此師云拈却菩提換却涅槃又作麼生僧云今日七明日八師云依稀似佛莽鹵如僧因僧請喫湯次師云作麼生無對師云你問我僧便問師

以湯滴云一滴落地萬神俱醉會麼僧云不會師云不會卽禮拜著因見僧商量次師打牀一下僧默然師云作麼生是打靜一句僧云出頭卽偈庭師云三十年後不得錯舉因供養羅漢問僧今夜供養羅漢你道羅漢還來也無無對師云你問我與你道僧便問師云換水添香僧云與麼卽來也師云有什麼饅頭餽子速下來師拈拄杖問僧這箇是什麼僧云拄杖子師云入地獄師見僧乃召來來僧便來師云蒼天蒼天僧無語師云蒼天本是你哭爲什麼却我哭因入菜園見糞堆上牌子問僧道什麼僧無對師云

你問我僧便問師云恐人無信問修造庵主云佛殿拆了也忽然施主來將何贍敬庵主合掌師云奴見婢殷勤因聞蚊子叫問僧蚊子吞却祖師也僧云非蚊子吞祖師祖師亦吞蚊子師不肯乃云你問我僧便問師云何怪香林云爲渠有分師問僧近離甚處僧云查渡師云夏在甚處僧云湖南報慈師云甚時離彼僧云去年八月師云放你三頓棒僧至來日却上問訊云昨日蒙和尚放三頓棒不知過在什麼處師云飯袋子江西湖南便溜麼去僧於言下大悟遂云某甲自今已後向無人煙處卓箇草菴不畜一粒

米不種一莖菜接待十方往來知識與他出却釘去却楔除却臘脂帽子脫却燈旛布衫教伊灑灑地作箇衲僧豈不俊哉師云飯袋子身如柳兒大開與麼大口問僧佛法還有長短也無僧云這簾子長五尺師云這箇是簾子那箇是佛法僧云喚什麼作簾子師云脫空妄語漢因一日齋晚僧看廚庫而立師見乃打一棒僧回首師云文殊普賢香積世界去也問僧看什麼經僧云般若經師云作麼生是清淨僧云共和尚商量了師云驢年夢見又云來來更共你葛藤蚊蠅裏藏身東海鯉魚勃跳上三十三天作麼生

僧云和尚與麼道卽得師云這虛頭漢問僧看什麼經僧云般若經師云作麼生是清淨僧云什麼處不清淨師云繩牀入枇杷樹裏去也見麼僧云和尚莫瞞人師云瞞人且置你道我作麼生無對師云這掠虛漢師因見僧在殿角立次乃拍手一下云佛殿露柱走入廚庫去也僧迴首看師云見你不會却來祇候佛殿因僧侍立次師云不問有言不問無言你作麼生道僧無語師云你問我僧便問師喚小師某甲小師應諾師云你又得箇師弟也師問僧今日般柴那僧云是師云古人道不見一法是你眼睛乃於般

柴處拋下一片柴云一大藏教祇說這箇師於普請處謂衆云今日困有解問話底置將一問來若不問向後鼻孔遼天莫道我瞞你師問僧轉金剛經那云是師云一切法卽非一切法是名一切法乃拈扇子云喚作扇子是名拈了也在什麼處從朝至暮顛倒妄想作麼因喫茶次問僧色香味觸具四塵你道茶具幾塵僧無語師云不得辜負我師因見僧看經乃云看經須具看經眼燈籠露柱一大藏教無欠少拈起拄杖云一大藏教總在拄杖頭上何處見有一點來展開去也如是我聞十方國土廓周沙界師問僧

從苗辨地因語識人作麼生僧云不錯師云不敢因僧設齋師云你是甚處人僧云某處人師云報典座與阿師設齋師因喫茶次問僧曹溪路上還有俗談也無僧云請和尚喫茶師云靜處薩婆訶師問僧餠餅是什麼人做僧拈起餠餅師云這箇且放一邊長連牀上學得來餠餅是甚人做僧云和尚莫瞞某甲好師云這虛頭漢師行次一僧隨後行師豎起拳云如許大果子喫得幾箇僧云和尚莫錯師云是你錯僧云莫壓良爲賤師云靜處薩婆訶師問直歲今日作甚來歲云刈茅來師云刈得幾箇祖師歲云三百

箇師云朝行三千暮行八百東家約柄長西家約柄短作麼生歲無語師以拄杖打趣因僧齋歸師問齋主有什麼供養僧豎起拳師云我這裏問你卽恁麼僧堂前有人問你作麼生道僧云一切臨時師云學語之流師問僧你作什麼僧云涅槃頭師云還有不病者麼僧云不會師云恁麼不會不恁麼不會僧無語師云汝問我僧便問作麼生是不病者師指傍僧有南雄僧上白氈一段師云汝道我向什麼處著僧無語師代云拄杖頭上師却問傍僧你在南雄時識此僧麼僧云識師云喚去茶堂內喫茶師問僧不占



田地句作麼生道僧云不會師云不會且作韶州客  
師問僧喫得幾箇餠僧云忘却師云喫了忘却未  
喫忘却僧云忘却說什麼喫與未喫師云是你忘却  
甚處得來師問僧你從向北來還曾遊臺麼僧云是  
師云關西湖南還曾見長嘴鳥說禪麼僧云不見師  
拈起拄杖以口作吹勢引聲云禪禪師問僧甚處過  
夏僧云和尚實問即道師云作賊人心虛舉臨濟三  
句語問塔主祇如塔中和尚得第幾句主無語師云  
你問我主便問師云不快即道主云作麼生是不快  
即道師云一不成二不是師一日從方丈出有僧過

拄杖與師師接得却過與僧僧無語師云我今日著  
便僧云和尚爲什麼著便師云我拾得口喫飯師問  
僧甚處來僧云崇壽來師云崇壽有何言句僧云崇  
壽指凳子謂衆云識得凳子周而有餘師云我即不  
與麼僧云和尚又如何師云識得凳子天地懸殊師  
問堂中首座云你道乾坤大地與汝自己同別首座  
云同師云一切物命蛾蟻子與你自己同別首座  
云同師云你爲什麼干戈相待因在醋寮內指云這  
一甕醋得與麼滿那一甕醋得與麼淺僧云人貧智  
短馬瘦毛長師大笑而出問座主講什麼經主云涅槃

槃經師云涅槃具四德是不主云是師拈起碗子云  
這箇具幾德主云一德也無師云古人因甚與麼道  
主云古人與麼道如何師敲碗子云會麼主云不會  
師云且講經著因齋欠有僧侍立師云你還飽也未  
僧無語師拈拄杖云拄杖却飽

頌雲門三句語

并餘頌  
八首

門人住德山圓明大師緣密述

函蓋乾坤

乾坤并萬象地獄及天堂物物皆真現頭頭總不傷  
截斷衆流

堆山積岳來一一盡塵埃更擬論玄妙永消瓦解摧  
隨波逐浪

辯口利舌問高低總不虧還如應病藥診候在臨時  
三句外別置一問

當人如舉唱三句豈能該有問如何事南岳與天台  
褒貶句

金屑眼中翳衣珠法上塵已靈猶不重佛祖爲何人  
辨親疎

黑豆未生前商量已成顛更尋言語會特地隔西天

辨邪正

圖象談真旨都緣未辨明守他山鬼窟不免是精靈  
通賓主

自遠趨風問分明向道休再三如不曉消得箇非遙  
擡薦商量

相見不揚眉君東我亦西紅霞穿碧海白日繞須彌  
提綱商量

若欲正提綱直須大地荒欲來衝雪刃不免露鋒鋦  
據實商量

睡來合眼飯來餐起坐終須勿兩般同道盡知言不  
惑十方刹土目前觀

支那

古尊宿錄卷之六

三

委曲商量

得用由來處處通臨機施設認家風揚眉瞬目同一  
眼豎拂敲牀爲耳聾

遊方遺錄

師初叅睦州蹤禪師州纔見師來便閉却門師乃扣  
門州云誰師云某甲州云作什麼師云已事未明乞  
師指示州開門一見便閉却師如此連三日去扣門  
至第三日州始開門師乃拶入州便擒住云道法師  
擬議州托開云秦時轆轤鑽師從此悟入師到雪峰  
莊見一僧師問上座今日上山去那僧云是師云寄

一則因緣問堂頭和尚祇是不得道是別人語僧云  
得師云上座到山中見和尚上堂衆纔集便出握腕

立地云這老漢頂上鐵枷何不脫却其僧一依師教  
雪峰見這僧與麼道便下座攔臂把住其僧云速道

速道僧無對雪峰托開云不是汝語僧云是某甲語  
雪峰云侍者將繩棒來僧云不是某語是莊上一浙

中上座教某甲來道雪峰云大衆去莊上迎取五百  
人善知識來師次日上山雪峰纔見便云因什麼得

到與麼地師乃低頭從茲契合師在雪峰時有僧問  
雪峰如何是觸目不會道運足焉知路峰云蒼天蒼

支那

古尊宿錄卷之六

三

天僧不明遂問師蒼天意旨如何師云三斤麻一疋

布僧云不會師云更奉三尺竹後雪峰聞喜云我常  
疑箇布衲師行脚時見一座主舉在天台國清寺齋

時雪峰拈鉢孟問某道得卽與你鉢孟某云此是化  
佛邊事峰云你作座主奴也未得某云不會峰云你

問我與你道某始禮拜峰便踢倒某得七年方見師  
云是你得七年方見主云是師云更與七年始得師

在浙中蘊和尚會裏一日因喫茶次舉蘊和尚垂語  
云見聞覺知是法法離見聞覺知作麼生有傍僧云

見定如今目前一切見聞覺知是法法亦不可得師

拍手一下蘊乃舉頭師云猶欠一著在蘊云我到這裏却不曾師到共相共相問什麼處來師云雪嶺來相云要急言句舉一則來師云前日典座來和尚何不問他相云典座且置師云箭過新羅師在嶺中時問卧龍和尚明已底人還見有已麼龍云不見有已始明得已又問長連牀上學得底是第幾機龍云第二機師云作麼生是第一機龍云緊峭草鞋師在嶺中時有僧問如何是法身上事師云上上與你道即不難汝喚什麼作法身僧云請和尚鑒師云鑒即且置作麼生說法身僧云與麼與麼師云此是長連

牀上學得底我且問你法身還解喫飯麼僧無語後有僧舉似梁家庵主主云雲門直得入泥入水資福云欠一粒也不得剩一粒也不得師在雪峰與長慶西院商量雪峰上堂云盡大地撮來如粟米粒大拋向面前漆桶不會打鼓普請看西院問師雪峰與麼道還有出頭不得處麼師云有院云作麼生是出頭不得處師云不可總作野狐精見解也又云狼籍不少又云七曜麗天又云南閤浮提北鬱單越師一日與長慶舉趙州無賓主話雪峰當時與一踢作麼生師云某甲不與麼慶云你作麼生師云石橋在向北

師與長慶舉石鞏接三平話師云作麼生道免得石鞏喚作半箇聖人慶云若不還價爭辨真偽師云入水見長人師到洞巖巖問作什麼來師云親近來巖云亂走作什麼師云暫時不在巖云知過即得師云和尚亂走作什麼師到疎山疎山問得力處道將一句來師云請和尚高聲問山便高聲問師云和尚早朝喫粥麼山云作麼生不喫粥師云亂叫喚作麼又因疎山示衆云老僧咸通年已前會得法身邊事咸通年已後會得法身上事師問承聞和尚咸通年已前會得法身邊事咸通年已後會得法身上事

是不山云是師云如何是法身邊事山云枯椿師云如何是法身上事山云非枯椿師云還許學人說道理也無山云許你說師云枯椿豈不是明法身邊事非枯椿豈不是明法身上事山云是師云法身邊該一切不山云作麼生不該師指淨瓶云法身邊該這箇麼山云閻黎莫向淨瓶邊會師便禮拜師到曹山山示衆云諸方盡把格則何不與他道一轉語教伊莫疑去師便問密密處爲什麼不知有山云祇爲密密所以不知有師云此人作麼生親近山云不問密密處師云不問密密處還得親近也無山云始

得親近師應諾諾師問曹山如何是沙門行山云喫  
常住苗稼者師云便與麼去時如何山云你還畜得  
麼師云學人畜得山云你作麼生畜師云著衣喫飯  
有什麼難山云何不道披毛戴角師便禮拜因瑄長  
老舉菩薩手中執赤幡問師作麼生師云你是無禮  
漢瑄云作麼生無禮師云是你外道奴也作不得師  
到天童童云你還定當得麼師云和尚道什麼童云  
不會即目前包裹師云會即目前包裹因見信州鵝  
湖上堂云莫道未了底人長時浮逼逼地設使了得  
底人明得知有去處尚乃浮逼逼地師下來舉此語

問首座適來和尚示衆云未了底人浮逼逼地了得  
底人浮逼逼地意作麼生首座云浮逼逼地師云首  
座在此久住頭白齒黃作這箇語話首座云未審上  
座又作麼生師云要道即得見即便見若不見莫亂  
道首座云祇如堂頭道浮逼逼地又作麼生師云頭  
上著枷脚下著杻座云與麼則無佛法也師云此是  
文殊普賢大人境界師行脚時有官人問還有定乾  
坤底句麼師云蘇嚕蘇嚕悉哩薩訶師到江州有陳  
尚書請師齋相見便問儒書中即不問三乘十二分  
教自有座主作麼生是衲僧行脚事師云曾問幾人

來書云即今問上座師云即今且置作麼生是教意  
書云黃卷赤軸師云這箇是文字語言作麼生是教  
意書云口欲談而辭喪心欲緣而慮忘師云口欲談  
而辭喪爲對有言心欲言而慮忘爲對妄想作麼生  
是教意尚書無語師云見說尚書看法華經是不書  
云是師云經中道一切治生產業皆與實相不相違  
背且道非非想天有幾人退位書無語師云尚書且  
莫草草十經五論師僧拋却特入叢林十年二十年  
尚不奈何尚書又爭得會尚書禮拜云某甲罪過師  
到歸宗僧問大衆雲集合談何事宗云兩兩三三僧

云不會宗云三三兩兩師却問其僧歸宗意旨如何  
僧云全體與麼來師云上座曾到潭州龍牙麼僧云  
曾到來師云打野樵漢師因乾峯上堂云法身有三  
種病二種光須是一一透得更須知有照用臨時向  
上一竅在峰乃良久師便出問庵內人爲什麼不見  
庵外事峰呵呵大笑師云猶是學人疑處在峰云子  
是什麼心行師云也要和尚相委峰云直須與麼始  
解穩坐地師應諾諾乾峰示衆云舉一不得舉二放  
過一著落在第二師云衆云昨日有人從天台來却  
往徑山去峰云典座來日不得普請便下座師問乾



峰請師答話峰云到老僧也未師云與麼則學人在遲也峰云與麼那與麼那師云將謂猴白更有猴黑師到灌溪時有僧舉灌溪語云十方無壁落四面亦無門淨裸裸亦灑灑沒可把問師作麼生師云與麼道即易也大難出僧云上座不肯和尚與麼道那師云你適來與麼舉那僧云是師云你驢年夢見灌溪麼僧云某甲話在師云我問你十方無壁落四面亦無門淨裸裸亦灑灑沒可把你道大梵天王與帝釋商量箇什麼事僧云豈干他事師喝云逐隊喫飯漢陳尚書問雲居供養主云雲居高低於弟子主無語

尚書問師師云尚書莫教話墮師在嶺中時問一老宿一切時中如何辨明老宿云喚什麼作一切時中師云釋迦老子道了也彌勒猶自不知又見一老宿上堂云若是商量舉覺如當門利劍相似一句下須有殺活始得師出衆云和尚上堂多時大衆歸堂老宿云道什麼師云日月易流師在嶺中順維那處起彼時問古人豎起拂子放下拂子意旨如何維那云拂前見拂後見師云如是如是又云是諾伊是不諾伊又云可知禮也師聞洛浦勘僧云近離甚處僧云荆南浦云有一人與麼去還逢麼僧云不逢浦云爲

什麼不逢僧云若逢即頭粉碎浦云闍黎三寸甚密師後於江西見其僧乃問云還有此語不僧云有師云洛浦倒退三千里師在靈樹知聖大師會中爲首座時僧問知聖如何是祖師西來意聖云老僧無語却問僧忽然上碑合著得什麼語時有數僧下語皆不契聖云汝去請首座來泊師至聖乃舉前話問師師云也不難聖云著得什麼語師云有人問如何是祖師西來意但云師知聖深肯

### 大師遺表

伏聞有限色身詎免榮枯之歎無形實相孰云遷變

之期既風燈炬焰難留在水月空華何適罔避典章之咎將陳委蛇之詞臣中謝伏念臣跡本寒微生從草莽爰自髫鬣切慕空門潔誠誓屏於他緣銳志唯探於內典其或怠餐待問立雪求知因風霜於十七年間涉南北於數千里外始見心猿罷跳意馬休馳身喂韶石之雲頭變楚山之雪以至榮逢景運屢沐天波詰道談空誓蒼乾坤之德開蒙發滯星馳雲水之徒獲揚利益之因迥自聖明之澤加以聯叨鳳韶累對龍庭繼奉頒宣重疊慶賜撫躬惻悵頌命何酬不謂臣爲馬年衰難勝容渥遽縈淪於疲瘵唯待盡

於朝昏星漢程遙遐眄而纔瞻北極波濤去速迴睟而已遂東流伏願鳳曆長春扇皇風於拂石之劫龍圖水固齊壽考於芥子之城臣限餘景無時微躬將謂不獲奔辭升闕祝別彤庭臣無任瞻天戀聖激切屏營之至謹奉表以聞

### 遺誠

夫先德順化未有不留遺誠至若世尊將般涅槃亦遺教教吾雖無先聖人之德既忝育衆一方殆盡不可默而無示吾自居靈樹及徙當山凡三十餘載每以祖道寅又激勵汝等或有言句布在耳目具眼者

知切須保任吾今已衰邁大數將絕剎那遷易頃息待盡然淪溺生死幾經如是非獨于今矣吾自侍持已來甚煩汝等輔贊之勞但自知愧耳吾滅後置吾於方丈中上或賜塔額祇懸於方丈勿別營作不得哭泣孝服廣備祭祀等是吾切意蓋出家者本務超越母得同俗其住持等事皆仍舊貫接諸來者無失常則諸徒弟等仰從長行訓誨凡係山門莊業什物等並盡充本院支用勿互移屬他寺教有明旨東西廊物尚不應以互用汝當知矣或能遵行吾誠則可使佛法流通天神攝衛不負四恩有益於世或違此

者非吾眷屬勉旃勉旃大期將迫臨行略示遺誠努力努力好住還會麼若不念佛有明教依而行之

### 雲門匡真禪師廣錄序

祖燈相繼數百年間出類邁倫超今越古盡妙盡神道盛行於天下者數人而已雲門大宗師特爲之最掄縱舒卷縱橫變化放開江海魚龍得游泳之方把斷乾坤鬼神無行走之路草木亦當稽首土石爲之發光其傳於世者對機室錄垂代勸導行錄歲久或有差舛今參考刊正一新綉板以永流播益使本分紺鈿金聲而玉振崢嶸世界瓦解而水消必若刻冰

分宗不免將錯就錯論功紀德已是埋沒前賢畫樣起模適足糊塗後學若是頂門有眼甚處與雲門相見熙寧丙辰三月二十五日權發遣兩浙轉運副使公事蘇泚序

### 雲門山光泰禪院匡真大師行錄

師諱文假姓張氏世爲蘇州嘉興人寔晉王阿東曹叅軍翰十三代孫也師夙負靈姿爲物應世故纔自髻亂志尚率已厭俗遂依空王寺志澄律師出家爲弟子以其敏質生知慧辯天縱凡誦諸典無煩再閱澄深器美之及長落髮稟具於毗陵壇後還澄左右

侍講數年贖窮四分旨既毗尼嚴淨悟器淵發乃辭  
澄謁睦州道蹤禪師蹤黃檗之裔也知道不偶世引  
已自處潛居古伽藍雖揖世高蹈而爲世所慕凡應  
接來者機辯峭捷無容佇思師初往叅三扣其戶蹤  
纔啓關師擬入蹤托之云秦時轆轤鑽因是釋然朗  
悟既而諮叅數載深入淵微蹤知其神器充廓覺轅  
可任因語之曰吾非汝師今雪峰義存禪師可往叅  
承之無復留此師依旨入嶺造雪峰溫研積稔道與  
存契遂密以宗印付之由是回稟存焉師叅罷出嶺  
徧謁諸方覈窮殊軌鋒辯險絕世所盛聞後抵靈樹

知聖禪師道場知聖夙已憶其來忽鳴鼓告衆請往  
接首座時師果至先是知聖住靈樹凡數十年堂虛  
舊席衆屢請命上座知聖不許嘗曰首座纔遊方矣  
及師至始命首衆焉洎知聖將示滅欲師踵其席乃  
潛書祕函中謂門弟子曰吾滅後上或幸此請以遺  
上果會駕幸山知聖預測上至乃升堂跏趺而終及  
帝至已滅矣帝詢師遺示門人出函奉之上啓函得  
書云人天眼目堂中上座帝乃敕刺史何希範具禮  
命師以襲法會上於是欽美之累召至闕每所顧問  
酬答響應帝愈掛服遂賜紫袍師名後徙居雲門山

鼎革廢址大新棟宇師自衡踞祖域凡二紀有半風  
流四表大弘法化禪徒湊集登門入室者莫可勝紀  
今白雲山實性大師乃其甲也師以乾和七年己酉  
四月十日順寂夙具表以辭帝兼述遺誠然後加跏  
而逝尋奉敕賜塔額以師遺旨令置全軀於方丈中  
或上賜塔額祗懸於方丈勿別營作門人乃依教瘞  
師於丈室以爲塔焉師先付法于弟子實性俾紹覺  
場僉議爲實性已傳道育徒乃革命在會門人法球  
以繼師席嗚呼世導云滅矣槌植冥行者何所從適  
哉岳幸叅目師之餘化知師所爲之大略敢不書之

以貽方來時已酉歲孟夏月二十有五日集賢殿書  
岳撰

請疏

弟子韶州防禦使兼防遏指揮使權知軍州事銀青光祿大夫檢校兵部尚書御史大夫上柱國何希範洎闔郡官僚等請靈樹禪院第一座偃和尚恭爲皇帝陛下開堂說法上資聖壽者竊以伽跋西來克興大乘之教達磨東至乃傳心印之宗然法炬以燭幽運慈舟而濟溺伏惟和尚慧珠奮彩心鏡發揮性海深沉不可以識識言泉玄奧不可以智知能造一相

之門迴出六塵之境靈樹禪院者復古靈蹤最上勝  
槩自知聖大師順世密授付囑之詞皇帝巡狩榮加  
寵光之命足可以爲祇園柱礎梵苑梯航縉徒虔心  
以歸依仕庶精誠而信仰希範叨權使命謬治名藩  
幸逢法匠之風請踞方丈之室願以廣濟爲益無將  
目利處懷少徇披榛之徒佇集如雲之衆俯從所請  
卽具奏聞

師歸寂後十七載感夢於雄武軍節度推官阮紹  
莊紹莊夢師以拂子招曰與吾寄語秀華宮使特  
進李托奏請開塔吾久蔽塔中宜令暫出時托奏

古尊宿語錄卷之十八

三十五

使韶陽監修營諸寺因得紹莊之語乃以所夢聞  
上尋奉敕令韶州刺史梁延鄂同托請雲門山開  
塔果見真容如昔髭髮猶生遂具表聞奉復奉敕  
令托迎真身起關留內庭供養逾月乃送還塔仍  
改寺爲大覺謚大慈雲匡真弘明禪師

住福州鼓山圓覺宗演校勘

古尊宿語錄卷之十八

金壇居士于玉立施贊刻此  
古尊宿語錄第十八卷 計字一萬三千九百

一十三箇該銀七兩二錢四分  
銀山釋海亮對南京丘義民書上元戴伍刻  
萬曆乙卯歲春三月徑山化城識



古尊宿語錄卷之十九

袁州楊岐山普通禪院會和尚語錄

江寧府保寧禪院嗣法小師仁勇編

師在筠州九峰山受疏了披法衣乃拈起示衆云會麼若也不曾今日無端走入水牯牛隊裏去也還知麼筠陽九曲萍實楊岐乃陞座時有僧出衆師云漁翁未擲釣躍鱗衝浪來僧便喝師云不信道僧撫掌歸衆師云消得龍王多少風問師唱誰家曲宗風嗣阿誰師云有馬騎馬無馬步行進云少年長老足有機籌師云念你年老放你三十棒問如何是佛師云

三脚驢子弄蹄行進云莫只者是師云湖南長老問人法俱遣未是衲僧極則佛祖雙亡猶是學人疑處未審和尚如何爲人師云你只要看破新長老進云與麼則旋斫生柴帶葉燒師云七九六十三師云更有問話者麼試出衆相見楊岐今日性命在你諸人手裏一任橫拖倒拽爲什麼如此大丈夫兒須是當衆決擇莫背地裏似水底捺葫蘆相似當衆引驗莫使面亦有麼有麼出來決擇看如無楊岐失利師纔下座九峰勤和尚把住云今日喜遇同參師云同參底事作麼生峰云九峰牽犁楊岐拽杷師云正當

與麼時楊岐在前九峰在前峰擬議師托開云將謂同參元來不是

師入院上堂僧問如何是楊岐境師云獨松巖畔秀猿向下山啼進云如何是境中人師云貧家女子携籃去牧童橫笛望源歸師乃云霧鎖長空風生大野百草樹木作大師子吼演說摩訶大般若三世諸佛在你諸人脚跟下轉大法輪若也會得功不浪施若也不會莫道楊岐山勢嶮前頭更有最高峰

上堂云百丈把火開田說大義是何言歟楊岐兩日種禾亦有箇奇特語乃云達磨大師無當門齒

上堂楊岐一耍子聖同妙布施大衆拍禪床一下云果然失照

上堂楊岐一言隨方就圓若也擬議十萬八千下座上堂楊岐一語呵佛叱祖明眼人前不得錯舉下座上堂楊岐一句急著眼覷長連床上拈匙把筯下座上堂僧問急水江頭須下釣如何釣得巨鱸歸師云撒手長空外時人總不知進云知底事作麼生師云雲生嶺上進云作家宗師天然猶在師云念言語漢師乃云不見一法是大過患拈起拄杖云穿却釋迦老子鼻孔作麼生道得脫身一句向水不洗水處道

將一句來良久云向道莫行山下路果聞猿叫斷腸聲

上堂拍禪床一下云只箇心心是佛十方世界最靈物釋迦老子說夢三世諸佛說夢天下老和尚說夢且問諸人還曾作夢麼若也作夢向半夜裏道將一句來良久云人間縱有真消息偷向楊岐說夢看

上堂坐斷乾坤天地黯黑放過一著雨順風調然雖如是俗氣未除在僧問欲免心中鬧應須看古教如何是古教師云乾坤月明碧海澄進云未審作麼

支那

傳習錄卷之九

三

生看師云脚跟下進云忽遇洪波浩渺時如何師云放過一著十字縱橫又作麼生僧便喝撫掌一下師云看者一負戰將進云打草蛇驚師云也要大家知師拈起拄杖云一卽一切一切卽一劃一劃云山河大地天下老和尚百雜碎作麼生是諸人鼻孔良久云劍爲不平離實匪藥因救病出金瓶喝一喝卓一下

上堂秋雨洗秋林秋林感翠色傷嗟傳大士何處尋彌勒

上堂薄福住楊岐年來氣力衰寒風凋敗葉猶喜故

人歸羅來哩拈上死柴頭且向無煙火

上堂楊岐無肯的栽田博飯喫說夢老瞿曇何處覓蹤跡喝一喝拍禪床一下

上堂凡聖不存佛祖何立大衆清平世界不許人攪奪行市

上堂楊岐乍住屋壁疎滿床皆布雪具寐縮却項暗嗟吁良久云翻憶古人樹下居

後住潭州雲蓋山海會寺語錄

舒州白雲峰嗣法小師守端編

師於興化寺開堂府主龍圖度疏與師師纔接得乃

支那

傳習錄卷之九

四

提起云大衆府主龍圖駕部諸官盡爲你諸人說第一義諦了也諸人還知麼若知家國安寧事同一家若不知曲勞僧正度與表白宣讀且要天下人知表白宣疏了乃云今之日賢侯霧擁海衆臨筵最上乘請師敷演師云若是最上上乘千聖側立佛祖潛蹤何故如此爲諸人盡同古佛還信得及麼若信得及大家散去若不散去山僧謾你諸人去也遂陞座拈香云此一瓣香祝延今上皇帝聖壽無窮又拈香云此一瓣香奉爲知府龍圖駕部諸官伏願常居祿位復拈香云大衆還知落處麼若也不知却爲注破

奉酌石霜山慈明禪師法乳之恩山僧不免薰天炙地  
去也便燒淨行大師白槌云法筵龍象衆當觀第一  
義師云大衆早是落二落三了也諸人何不負丈夫  
之氣若不然者有疑請問僧問昔日梵王請佛天  
雨四花府主臨筵有何祥瑞師云片雲收岳面浪自  
靜瀟湘進云大衆霑恩學人禮謝師云斷頭船子下  
揚州僧問埋兵掉鬪卽不問今日當場事若何師云  
楊岐人界來未曾逢見者作家僧以手劃一劃師云  
分身兩處看師乃云若有問話者請出來諸供養中  
法供養最勝若據祖宗令下祖佛潛蹤天下黯黑豈

五

五

五

容諸人在者裏立地更待山僧開兩片皮雖然如是  
且向第二機中說些葛藤繁興大用舉步全真旣立  
名真非離真而立立處卽真者裏須會當處發生隨  
處解脫此喚作關市裏上竿子是人總見你道金不  
博金一句作麼生道還有人道得麼試出來踣跳看  
如無山僧今日失利但某此際榮幸伏遇知府龍圖  
通判駕部泊諸官僚請住雲蓋道場可謂諸官願弘  
深廣爲國忠臣建立法幢上嚴帝祚然願諸官壽齊  
山岳永佐明君作大股肱爲佛施主諸院尊宿在會  
信心世生生共營大事久立珍重

上堂春雨普潤一滴滴不落別處拈拄杖卓一下云  
會麼九年空面壁年老轉心孤

歲旦上堂僧問舊歲已隨殘臘去今日新春事若何  
師云鉢盂裏滿盛進云與麼則三年逢一閏九月是  
重陽師云野火燒不盡春風吹又生進云專爲舉似  
諸方去也師云你道雲蓋末後一句作麼道進云七  
九六十三師云念言語漢師乃云春風如刀春雨如  
膏律令正行萬物情動你道腳踏實地一句作麼生  
道出來向東涌西沒處道看直饒道得也是梁山頌  
子

五

五

五

上堂寅朝清旦古今總見更問如何也是癡漢  
上堂一塵纔舉大地全收拈起拄杖云如今舉也卓  
禪床一下云山河大地塞却諸人眼睛有不受人謾  
底出衆道看良久云玉笛橫吹動天地未曾逢着箇  
知音叅

上堂身心清淨諸境清淨諸境清淨身心清淨還知  
雲蓋老人落地處麼乃云河裏失錢河裏攬下座  
上堂雲蓋是事不如說禪似吞栗蒲若向此處會得  
佛法天地懸殊

上堂三春將杪四海廓清風恬浪靜是人知有且道

將長就短一句作麼生道良久云幾度黑風翻大海未曾聞道釣舟傾參

上堂拈拄杖卓一下云大衆達磨縱有真消息也落諸人第二機參

上堂景色乍晴物情舒泰舉步也千身彌勒動用也隨處釋迦文殊普賢總在者裏衆中有不受人瞞底便道雲蓋和麤糲麪然雖如是布袋裏盛錐子

上堂有句無句如藤倚樹文殊維摩撒手歸去雲蓋與麼道也是看劍鏑更有後語不得錯舉下座上堂阿呵呵是什麼僧堂裏喫茶去下座

上堂擲下拄杖云釋迦老子著跌偷笑雲蓋亂說雖然世界坦平也是將勤補拙參

參駕部歸寺上堂釋迦老子爲先鋒彌勒大士爲殿後衆中還有著力者麼出衆來與雲蓋著力看如無雲蓋自逞神通也三五日出入相看首座大衆你且道於者裏還有隔礙底道理麼上座僧堂裏展鉢時與上座同展睡時與上座同睡立地時與上座同立地長者長法身短者短法身彌勒運用與去來何處有間隔雖然如是你且道雲蓋在船頭在船尾衆中還有靈利底衲僧覩得見麼良久云人人盡道平地

險登樓方覺遠山青參

上堂雪雪處處光輝明皎潔黃河凍鎖絕纖流赫日光中須迸烈須迸烈那吒頂上喫疾黎金剛脚下流出血參

上堂踏著秤鎚硬似鐵啞子得夢向誰說須彌頂上浪滔天大洋海底遭火焚參

上堂拍禪床一下云休戀江湖五六月收取絲綸歸去來

上堂雲蓋不會禪只是愛瞋眠打動震天雷不直半分錢

上堂舉古人一轉公案布施大衆良久云口只好喫飯

楊岐詮老來師上堂拈花付囑有屈當人面壁九年胡言漢語常人分上把斷乾坤且道作麼生是把斷乾坤底句還有人道得麼如無雲蓋失利楊岐提刑山下過師出接提刑乃問和尚法嗣何人云慈明大師楊云見箇什麼道理便法嗣他云共鉢盂喫飯楊云與麼則不見也師捺膝云什麼處是不見楊大笑師云須是提刑始得師云請入院燒香楊云却待回來師乃獻茶信楊云若箇却不消得有甚乾噪噪底



禪希見示些子師指茶信云者箇尚自不要豈况乾  
曝曝底禪楊擬議師乃有頌示作王臣佛祖罔措爲  
指迷源殺人無數楊云和尚爲什麼就身打劫師云  
元來却是我家裏人楊大笑師云山僧罪過萬壽先  
馳馳書至師問萬壽峰前師子吼當人逐擲事如何  
僧云踣跳上三十三天師云與麼則雲蓋直下覷也  
僧云草賊大敗師云更不再勘且坐喫茶龍興攷老  
遷化僧馳書至師問世尊入滅擲示雙趺和尚歸真  
有何相示僧無語師提臂云蒼天蒼天慈明遷化僧  
馳書至師集衆挂直舉哀師至真前提起坐具云大

衆會麼遂指眞云我昔日行脚時被者老和尚將一  
百二十斤擔子放在我身上如今且得天下太平却  
顧視大衆云會麼衆無語師提臂云嗚呼哀哉伏惟  
尚饗慈明忌晨設齋衆集師至真前以兩手捏拳安  
頭上以坐具劃一劃打一圓相便燒香退身三步作  
女人拜首座云休捏怪師云首座作麼生首座云和  
尚休捏怪師云兔子喫牛妳第二座近前打一圓相  
便燒香亦退身三步作女人拜師近前作聽勢第二  
座擬議師打一掌云者漆桶也亂做送武泉常老出  
門乃問出門便作還鄉計到家一句作麼生道泉云

和尚善爲住持師云與麼則身隨寒影去脚大草鞋  
寬泉云和尚善爲開田師云兔子何曾離得窟一日  
三人新到師問三人同行必有一智提起坐具云參  
頭上座喚者箇作什麼僧云坐具師云眞箇那僧云  
是師云喚作什麼僧云坐具師顧視左右云參頭却  
具眼又問第二座欲行千里一步爲初如何是最初  
一句僧云到和尚者裏爭敢出手師以手劃一劃僧  
云了師展兩手僧擬議師云了又問第三座上座近  
離什麼處僧云南源師云楊岐今日被上座勘破且  
坐喫茶一日七人新到師問陣勢旣圓作家戰將何

不出陣與楊岐相見僧以坐具便打師云作家僧又  
打師云一坐具兩坐具又作麼生僧擬議師背面立  
僧又打師云你道楊岐話頭落在什麼處僧指面前  
云在這裏師云三十年後遇明眼人不得錯舉且坐  
喫茶一日道吾供養王馳書至師問春雨霖霖無暫  
息不觸波瀾試道看王云適來已通信了師云者箇  
是道吾底那箇是化王底王指云春雨霖霖師撫掌  
大笑云不直半分錢王便喝師云者瞎漢向道不直  
半分錢又惡發作什麼王撫掌一下師云且坐喫茶  
一日石霜供養王至師問征行戰將假道經過劉寨

既圓何不與楊岐草戰主云昔時謬向途中覓今日  
親逢老作家師云楊岐且輸小捷去也主便喝師云  
亂做作什麼主將坐具劃一劃師云齋後鐘主云噓  
師云只者箇別更有在主無語師云敗將不斬且坐  
喫茶師問僧楊岐路僻高步何來僧云和尚幸是大  
人師云喫茶僧云和尚幸是大人師云楊岐近日耳  
聾且坐喫茶師問僧秋色依依朝離何處僧云去夏  
在上藍師云不涉程途一句作麼生道僧云兩重公  
案師云謝上座答話僧便喝師云那裏學得者虛頭  
來僧云明眼尊宿難謾師云與麼則楊岐隨上座去

擬議

百一十

十二

也僧擬議師云念你鄉人在此放你三十棒師問僧  
雲深路僻高步何來僧云天無四壁師云踏彼多少  
草鞋僧便喝師云一喝兩喝又作麼生僧云你看者  
老和尚師云拄杖不在且坐喫茶師問僧敗葉堆雲  
朝離何處僧云觀音師云觀音脚跟下一句作麼生  
道僧云適來已相見了也師云相見底事作麼生僧  
無語師云第二上座代叅頭道看僧亦無語師云彼  
此相鈍置一日八人新到師問一字陣圓作家戰將  
何不出陣與楊岐相見僧云和尚照顧話頭師云楊  
岐今日抱馬拖旗去也僧云新戒打退鼓師云道僧

擬議師云道僧撫掌一下師云謝上座答話僧無語  
師云將頭不猛累及三軍且坐喫茶  
潭州道吾真禪師語要

開堂日表白宣疏罷乃云請和尚不勞謙讓爲衆舉  
揚師云直饒與麼道也落第三總便陞座上首白槌  
了師乃云便與麼觀得一時者便若論玄微見與不  
見一時戮瞎時有僧問承師有言明暗兩字截斷衆  
流請師便道師云作麼生道僧云作家師便喝僧撫  
掌師云恰是問三千劍客無施用便卷珠簾賀太平  
時如何師云逼塞虛空內開張日月前進云恁麼則

擬議

百一十

十二

千花巖畔澄孤月五鳳樓前舞纛旗去師云白雲千  
里萬里僧拂袖歸衆師云瞎問疋馬單鐙請師布陣  
師云分爲兩段僧撫掌師云你又作麼生僧無語師  
喝云瞎漢乃云一問一答未有休期直饒你問到未  
來際我也答到來際所以古人喚作無盡法藏亦  
喚作無礙辯門且道如今喚作無盡法藏是無礙辯  
門是還有道得底麼試出來道看如無拄杖子爲你  
諸人道去也以拄杖劃一劃云一時領過下座  
師在北禪上堂云青山峭峻白日如梭龍門無客開  
市人多諸人且道卽今下菜行頭有幾人納稅百姓

時有僧出禮拜師云北禪寺裏却有一箇僧問不落  
二三請師速道師云前三點後三點僧便喝師亦喝  
僧禮拜師云有恁麼瞎漢

師上堂舉洞山云五臺山上雲蒸飯佛殿塔前狗尿  
天幡竿頭上煎餛飩子三箇猢猻夜播錢師云老僧卽  
不然三面狸奴脚踏月兩頭白牯手拏煙戴冠碧兔  
立庭栢脫殼烏龜飛上天老僧葛藤盡被汝諸人覷  
破了也洞山老人甚是奇特雖然如是只行得三步  
四步且不過七跳八跳且道謊訛在什麼處老僧今  
日不借眉毛一時布施良久云叮嚀損君德無言真

有功任從滄海變終不爲君通

上堂云拗折秤衡將什麼定斤兩拈却鉢盂匙筯將  
什麼喫粥飯不如向三家村裏東卜西卜忽然卜着  
脫却鼻孔

上堂拈拄杖卓一卓喝一喝云你還肯麼你若肯心  
肝五臟頭目髓腦一時屬老僧你若不肯心肝五臟  
頭目髓腦一時分付擲下拄杖便下座

上堂一切智智清淨無二無二分又道無法可說是  
名說法且道龍宮海藏甚處得來良久云三要點開  
天地眼一曲無私豁古今

上堂舉僧問首山如何是佛山云新婦騎驢阿家牽  
師乃有頌手提巴鼻脚踏尾仰面看天聽流水天明  
送出路傍邊夜靜還歸茅屋裏

上堂直上直下如何拈南十字縱橫作麼生提綱良  
久云風散亂雲長空靜夜深明月照窓前

上堂師子兒哮吼龍馬駒踴跳古佛鏡中明三山孤  
月皎乃作舞下座

上堂乃喚維那令昨日四人新到人事新到纔出師  
乃云雖是小過令人大怒新到纔展坐具師云當爲  
空王如來作禮便歸方丈

上堂云遍界元正又逢令節問諸禪人是生是滅紅  
日長輝玉輪圓缺疾談過鋒眼中電掣觸懷常吟是  
決不決汝等諸人還拜父母墳墓也無良久云人行  
荒草裏鬼哭密林間

上堂僧問疑然便會時如何師云老鼠尾上帶研提  
問王老夜燒錢意肯如何師云白日看星月僧擬議  
師云會麼僧云不會師乃云王老夜燒錢白日看星  
月磕額禮慈尊手把冥香爇

上堂拈拄杖卓一卓喝一喝乃云一喝一卓眼生八  
角鼻孔吒沙眉毛卓朔若也會得西山月落若也不

會胡餅鉢下座

上堂僧問如何是第一句師云直下衝雲際東山絕  
往來問如何是第二句師云面前渠不見背後稱冤  
苦問如何是第三句師云頭上一堆塵脚下三尺土  
問如何是佛師云洞庭無蓋問古人道來時不將絲  
頭來去時不將絲頭去意旨如何師云三生六十劫  
未是長期僧無語師云會麼僧云不會師云洞庭八  
百里未是闊問如何是真如體師云夜叉屈膝眼睛  
黑問如何是真如用師云金剛杵打鐵山摧問如何  
是透出乾坤句師云棒下最分明僧無語師乃云透

出乾坤句未語先倒陳屈躬來更問棒下取分明  
上堂衆集師以拄杖擲下來隨後跳下衆擬散師乃  
召大衆衆回首師乃云爲老僧收取拄杖便歸方丈  
上堂云開心抱子感將來無縫合盤合取去擬思量  
何劫悟看取眉毛有幾許去

上堂云夜來雷聲震地今朝細雨霏霏乾枯滋潤萬  
物萌芽且道嘉州大衆髭鬚長得多少還有道得者  
麼若也道得陝府鐵牛是常不輕菩薩若道不得土  
宿拽脫你鼻孔

上堂若據祖令到這裏總須茫然放老僧一線且向

眉睫裏東觀西觀

上堂僧問如何是第一玄師云釋尊光射阿難肩如  
何是第二玄師云孤輪衆象攢如何是第三玄師云  
泣向枯桑淚漣漣如何是第一要師云最好精覓照  
如何是第二要師云閃爍乾坤光是耀如何是第三  
要師云夾路青松老問如何是先照後用師云語路  
分明說投針不迴避如何是先照後用師云金剛觀  
面親分付話道分明好好陳如何是照用同時師云  
祖佛道中行路異森羅影裏不留身如何是照用不  
同時師云清涼金色光先照峨眉銀界一時鋪乃云

參須實參學須實學又須要明古人血脉且道作麼  
生是古人血脉良久云智不到處切忌道著  
上堂云寒風浩浩無時節浪打懸崖石頭裂洞庭湖  
裏釣船傾雪路行人山路絕清風月白透幽關畢竟  
以何爲妙訣下座

上堂向上一路千聖不傳學者勞形如猿捉影你等  
諸人還明得這時節麼若明得去天上人間堪受供  
養若明不得閻羅老子眼目分明

上堂汝等諸人盡學佛法非即便言非是即便言是  
直須縑素分明不得錯認定盤星好玲重



上堂有僧問如何是常照師云針鋒上須彌云如何是寂照師云眉毛裏海水云如何是本來照師云草鞋裏踏跳師乃云常照寂照本來照草鞋底下常踏跳要會針鋒上須彌肩中海水常渺渺

上堂云如天普蓋似地普擎三世諸佛總在你鼻孔裏三十年後不得辜負老僧

上堂普化明打暗打布袋橫撒豎撒石室行者路確因甚忘却下脚

上堂舉僧問大隨劫火洞然大千俱壞未審這箇壞不壞隨云壞僧云與麼則隨他去隨云隨他去又問

龍濟劫火洞然大千俱壞未審這箇壞不壞濟云不壞僧云爲什麼不壞濟云爲同大千此二老宿一人道壞一人道不壞且道壞底是不壞底是會麼壞與不壞俱非內外不隔纖毫尋常面對

上堂問如何是奪人不奪境師云庵中間打坐白雲起峰頂如何是奪境不奪人師云閃爍紅霞散天童指路親如何是人境兩俱奪師云剛骨盡隨紅影沒若苗總逐白雲消如何是人境俱不奪師云久旱逢初雨他鄉遇舊知問如何是賓中賓師云誰說有疎親如何是賓中主師云磕額無回互對面與誰陳如

何是主中賓師云瑞雲空裏布霹靂震乾坤如何是主中主師云古皇令高舉巧辨徒申吐問如何是正中來曰皎潔乾坤震地雷如何是正中偏曰諸子投來見大仙如何是偏中正曰萬水千山明似鏡如何是兼中至曰施設縱橫無所畏如何是兼中到曰黑白未分已前過師乃云古人道主賓元不異問答理俱全同安又云賓主睦時全是妄君臣合處正中邪一等是出世尊宿接物利生言教有異爲復見處偏枯爲復利生不普明眼底人通箇消息

上堂云有物先天地無形本寂寥能爲萬象主不逐

四時凋且道是什麼物還識得麼若識得乾坤大地森羅洞明若也不識被物撓者轉身不得

上堂云古人道認著依前還不是實難會土宿領下髭鬚多波斯眼深鼻孔大甚奇怪歛然透過新羅界上堂云古今日月依舊山河若明得去十方薄伽梵一路涅槃門若也不明謗斯經故獲罪如是

上堂云鋒刃上踏跳微塵裏走馬勞勞去復來箇是知音者

上堂云昨日三人新到出來人事僧纔出禮拜師云不落平常卦筮直述來情僧云和尚休得也師云此

猶是落平常僧云恰是歸衆師云龍蛇易辨衲子難瞞下座

勘辨

師問僧先行不到末後太過僧擬提起坐具師指云離却坐具作麼生道僧云和尚那裏得這消息來師便打僧擬提坐具師又打云瞎漢僧擬議師又打云且坐喫茶僧便坐師云什麼處來僧云石霜師云怪得師問僧有一事借問上座只是不得打老僧僧云者甚來由師提起坐具云爭奈這箇何僧云莫亂做師便打僧云莫亂做莫亂做師又打云且坐喫茶僧

卷之七

十九

十九

云適來道者甚來由和尚爲什麼却打某甲師云你適來去什麼處來僧無語師乃提胸一下師問僧昨日莊上已相見了也今日人事又作麼生僧云合取狗口師云也是僧便打師云老僧過在什麼處僧云再犯不容師却云將謂是箇漢師便打云叅堂去數人新到禮拜師云總是浙裏師僧云徇緣向火師云路跳作麼僧云今日得見和尚師云伏惟尚饗僧無語師便打師在慈明會裏一日提螺螄一籃遶院云賣螺螄令衆下語皆不契有一老宿揭簾見以目顯視師放身便卧師放籃子便行師問僧什麼處來

僧云堂中來師云聖僧道什麼僧近前不審師云東家作驢西家作馬僧云過在什麼處師云萬里產州師問僧甚處來僧云殿寮裏來師云釋迦老子作何面孔僧便喝師云作麼僧又喝師云恰是僧云一任路跳師便打一日新到人事乃云請和尚相看師云不易道得且坐喫茶泐潭專使禮拜乃云德華禮拜師云是箇浙裏師僧云不消如是師云猶是舊時氣息僧云喏師云喏卽且致別作麼僧良久云一任路跳師撫掌一下師一日不安僧問訊次乃云和尚近日尊位如何師云粥飯頭不了事僧無語師鳴指一

卷之七

十九

十九

下王提刑問連三生云某甲四十年爲官作麼脫得此塵去生無對師代云一任路跳又看上峰路連云這箇是上峰路提刑云寺在上頭那連云是提刑云恁麼則不去也連無語師代云今日勘破偈頌

滄山水牯牛

水牯滄山峭峻機分明人類顯幽奇兩途語出分明處夜鳥投林曉復飛

杖林山下竹筋鞭

杖林山下竹筋鞭搭索擎鉤火裏牽拽近不能推放

後回旋却到使君前

北斗藏身

雲門透法身從此覓疎親盡道和風煖三春寒更新

百丈野狐

語路分明在憑君子細看和雨西風急近火轉加寒

庭前栢

趙州庭前栢眼裏電光掣雲水往來多村翁行步劣

靈雲桃花

靈雲桃花見親切英俊超越古今皆星族孤輪明皎

潔利刃精輝用無絕玄沙敢保君未徹雲水休話箇

生滅新羅打鐵燒脚熱磨磨還用三尺雪

麻三斤

同袍參學問通津來扣宗師正佛因爲說三斤麻最好三斤天下說尖新幾多匠者頻拈撥奈緣繇侶有疎親余今更爲重秤過那吒太子析全身

興化問雲居何必話

何必不必一七二七龍樹馬鳴燄光透出

前三三後三三

前三三後三三多少大事光輝明皎皎回頭不見解空人滿目白雲卧荒草

僧請益三妙三訣師以頌示之

第一妙古老門風甚奇要縱去收來總不傷此箇蹤由堪繼紹

第二妙浩浩途中有多少子細推來對月華未了須明衲僧竅

第三妙高峰頂猿時嘯孤輪穿透碧潭心脩然自入清平道

第一訣門風盡施設分明萬象分徒勞更立雪

第二訣過去現在說疾焰要須分評量還斷舌

第三訣巧拙定生殺頭頭總鋒鋌休論箇生滅

潭州雲蓋山會和尚語錄序

李唐朝有禪之傑者馬大師據江西泐潭出門弟子八十有四人其角立者唯百丈海得其大機海出黃檗運得其大用自餘唱導而已運出顯顯出沼沼出念念出昭昭出圓圓出會會初住袁州楊岐後止長沙雲蓋當時謂海得其大機運得其大用兼而得者獨會師歟師二居法席凡越一紀振領提綱應機接誘富有言句不許抄錄衡陽守端上人默而記諸編成一軸愚仰惠師之名久矣因就端求其編軸焚香啓讀大矣哉師之機辯也若巨靈神劈開太華首陽

河流迅急曾無凝滯匪上上大乘根器曷能湊之乎  
端命愚爲序貴師之道流傳天下且會師之名與道  
深於識者悉聞之故不可辭飾但實序其由師袁州  
宜春人姓冷氏落髮於潭州瀏陽道吾山俗齡五十  
四卒於雲蓋山塔存焉皇祐二年仲春旣望日湘中  
苾芻文政述

題楊岐會老語錄

楊岐會老跨三脚驢入水牯牛隊中拽杷牽犁種田  
博飯橫吹玉笛飽吞栗蒲四十年來叢林以爲奇特  
豈不聞三世諸佛說夢諸方老宿說夢是楊岐當日

文獻

五言古詩卷之七

二十一

語不知楊岐自作夢後還覺也未若要清風再振舊  
令重行明眼底人試將此錄看元祐三年立春日無  
爲子楊傑書於望海樓



古尊宿語錄卷第二十

舒州白雲山海會演和尚初住四面山語錄

參學才良編

師開堂日授疏示眾云兵隨印轉將逐符行請對尊官分明剖露宣疏了拈法座云此大寶華王座從朝至暮與諸人同起同坐諸人還見麼若見更不在陞若不見莫道今日設你便陞座拈香云此一瓣香先爲今上皇帝伏願常居鳳宸永鎮龍樓次拈香云此一瓣香奉爲州縣官僚伏願乃忠乃孝惟清惟白永作生民父母長爲外護紀綱又拈香云此一瓣香得

來久矣十有餘年海上雲遊討一箇冤讐未曾遭遇一到龍舒果遇其人方契憤憤之心今日對大眾雪屈須至焚却爲我見住白雲端和尚從教熏天炙地一任穿過蔡州有鼻孔底辨取龍門和尚白槌云法筵龍象衆當觀第一義師云若論第一義西天二十八祖唐土六祖立在下風一大藏教白雲萬里摩竭掩室毗耶杜口正在夢中千佛出世寐語未了文殊普賢拗曲作直所以道設使言前薦得猶是滯殼迷封縱饒句下精通未免觸途狂見若也把定封疆說什麼法堂前草深一丈直得凡聖路絕鳥飛不度天

下衲僧無出氣處衆中莫有不甘底麼出來相見時有僧問優曇花現方便門開朝宰臨筵如何舉唱師云今日好晴學云某日當空清風匝地師云省得我多少問如何是人中境師云寶閣凌空金鐸響怪松隈險野猿啼學云如何是境中人師云鼻直眼橫乃云更有問話者麼若無雙泉今日向第二義門放一線道與諸人相見和泥合水一上且要釋迦彌勒動地雨花文殊普賢觀音勢至各踞一方助佛揚化皆務本事器量堪任雙泉不免也入一分共說東家杓柄長西家杓柄短任從春草青青炎光爍爍秋樹葉

零冷水片薄何故如是且要諸人順時保愛乃拈起拄杖云古人道拈起也大回地轉放下也草偃風行四面卽不然拈起也七穿八穴放下也錦上鋪花且道還有爲人處也無良久云來年更有新條在懶亂春風卒未休

師在白雲授帖拈起示眾云大眾只恁麼會得埋沒宗風過犯不小幸有見成公案請維那對衆宣讀宣帖了授法衣提起云既是大庾嶺頭提不起爲什麼却在者裏且道者裏底是那裏底是乃云携餅自汲清涼水却著袈裟作主人便披拈指法座前云象王回

師子步儂家看著雙眉聚然雖如是事到如斯難爲辭讓但有路上更高人也行便陞座僧問禪非意思道絕功勲轉身一句作麼生道師云大眾見你學云也知和尚有此機鋒師云獨出關黎學云今日却成造次師云捧上不成龍間沙場久戰名遂今朝不涉功勲作麼生道師云長蛇猶自可偃月怎生當學云金鐵慣調曾百戰鐵鞭多力恨無警師云知君不是金牙作爭解彎弓射尉遲學云眼親不如手親師云新長老敗闕學云口是禍門師噓乃云秋風颯颯玉露垂珠水碧山青蛩吟蟬噪圓通門大啓文殊普

支那

三

三

野穿過汝諸人鼻孔自是汝諸人當面諱却復云諸佛不出世四十九年說未審說箇什麼少林有妙訣殃及子孫至今分疎不下更說什麼妙訣若人識祖佛當處便超越超越與未超越則且置你道祖佛卽今在什麼處若無人道得山僧不惜眉毛與汝諸人拈出拍禪床一下

小叅僧問如何是佛師云肥從口入乃舉德山示衆云今夜不答話有問話者三十棒衆中舉者甚多會者不少且道向什麼處見德山有不顧性命底漢試出來道看若無山僧爲大眾與德山老人相見去也

待德山道今夜不答話問話者三十棒但向伊道某甲話也不問棒也不喫你道還契他德山老人麼到者裏須是箇漢始得況法演遊方十有餘年海上參尋見數員尊宿自謂了當及到浮山圓鑑會下直是開口不得後到白雲門下咬破一箇鐵酸餚直得百味具足且道餚子一句作麼生道乃云花發鷄冠如早秋誰人能染紫絲頭有時風動頻相倚似向塔前闌不休

入院日上堂僧問携筇領衆祖令當行把斷封疆師意如何師云秋風吹渭水落葉滿長安學云四面無

支那

三

四

門山岳秀今朝且得主人歸師云你道路頭在什麼處學云爲什麼對面不相識師云且喜到來乃舉祖師道吾本來茲土傳法救迷情一花開五葉結果自然成達磨大師信脚來信口道後代兒孫多成計校要會開化結果處麼鄭州梨青州棗萬物無過出處好

上堂舉古人道若有一人發真歸源十方虛空悉皆消殞雙泉則不然若有一人發真歸源十方虛空築著磕著

到興化上堂僧問和尚未離四面時如何師云在屋

裏坐學云離後如何師云走殺關黎乃舉法眼頌云  
山水君居好城隍我亦論靜聞鐘角響開對白雲屯  
大衆法眼雖不拏雲攫霧爭奈偏地清風四面今日  
試與法眼把手共行靜聞鐘角響且不是聲聞對白  
雲屯且不是色既非聲色作麼生商量乃云洞裏無  
雲別有天桃花似錦柳如煙仙家不解論冬夏石爛  
松枯不記年

上堂云天上無彌勒地下無彌勒十字街頭立被人  
喚作賊便下座

上堂僧問四面無門山岳秀箇中時節若爲分師云

東君須子細徧地發萌芽學云春去秋來事宛然也  
師云纔方搓彈子便要捏金剛乃舉古人云我若向  
你道卽禿却我舌若不向你道卽啞却我口且道還  
有爲人處也無四面有時擬爲你吞却只被當門齒  
擬擬爲你吐却又爲咽喉小且道還有爲人處也無  
乃云四面從來柳下惠

歲旦上堂云元正啓祚萬物咸新揚盡大千沙界都  
來只在一塵乃展手云是新是舊有人出來道看若  
無四面且世諦流布去也遂叉手云孟春猶寒伏惟  
首座大衆洎諸知事尊體起居萬福

上堂僧問千峯寒色卽不問雨滴崑花事若何師云  
今日也相似學云一句迥超千聖外千山鎖斷萬重  
關師云一滴落在什麼處學云錯師云錯學云錯錯  
師便打乃云千峯列翠岸柳垂金樵父謳歌漁人鼓  
棹笙簧聒地鳥語呢喃紅粉佳人風流公子一一爲  
汝諸人發上上機關正法眼若向者裏薦得金色頭  
陀無容身處若也不會喚粥喚飯許你七穿八穴  
白衆出隊上堂云明日走馬單鎗爲國出戰得勝回  
戈之日滿路歌謠大衆作麼生是歌謠一曲乃云囉  
囉哩囉哩還有人得麼良久云駕爲繡了從君

看莫把金針度與人

寒食夜小參僧問羣迷久渴冒雨登山向上之機請  
師方便師云不免入山一回學云恁麼則步步踏寶  
去也師云空手却回去學云若是那邊還的當也無  
師云罕遇知音學云謝師證明師云知音底事作麼  
生僧劃一劃師云又被風吹別調中學云往往隨他  
口頭走師云更是阿誰乃云李白桃紅山青水綠雲  
橫洞口月皎長空若只向者裏薦得法眼道月明幽  
室寒星分拱辰巽便須瓦解水消韶國師道通玄峯  
頂不是人間心外無法滿口青山亦須百雜碎何也

盡乾坤大地不消一捏然雖如是事無一向今夜且放過一著

上堂舉梁武帝問達磨如何是聖諦第一義磨云廓然無聖帝云對朕者誰磨云不識又僧問六祖黃梅意旨什麼人得祖云會佛法底人得僧云和尚還得麼祖云不得僧云和尚爲什麼不得祖云我不會佛法師云大小大祖師問著底便是不識不會爲什麼却兒孫徧地乃云一人傳虛萬人傳實

小叅僧問施主遠趨於丈室請師一句利於人師云教天下人成佛去學云悠悠塵內客不謾入山來師

云中間猶有衆生在僧便喝師云且道是佛是衆生學云四面眼難謾師云你向什麼處見四面僧拂袖歸衆師云作家乃云滿口道得底却不知有知有底又道不得且道過在什麼處將成九仞之山莫惜一簣之土

上堂舉雲門垂語云古佛與露柱相交是第幾機自代云南山起雲北山下雨師云大小雲門大師元來小膽四面道古佛與露柱相交是第四機良久却云者箇說話面皮厚三寸出語成不遜好將臨濟棒二日打三頓什麼人下得手雖然罪過彌天新赦咸

放

結夏上堂僧問五天結制分付蠟人未審雙泉如何示衆師云足不履地乃云結夏無可供養大衆作一家醯管顧諸人遂擡手云囉邏招囉邏招囉邏送真怪空疎伏惟环重

上堂云於三七日中思惟如是事釋迦老子半夜逾城直往雪山早是漏逗不少更思惟箇什麼便下座上堂舉藥山久不上堂主事報云大衆久思和尚示誨山云打鼓著大衆方集山便歸方丈主事云和尚許爲衆說法何故一言不措山云經有經師論有論

師爭怪得老僧師云雖然以已妨人爭奈賊身已露諸人要識藥山麼閑持經卷倚松立笑問客從何處來

上堂舉僧問洞山如何是善知識眼山云紙撚無油師云洞山老漢不是無只是太儉忽有人問四面如何是善知識眼只向伊道瞎何故且要相稱乃云紙撚無油也大奇不堪拈掇有誰知回身却憶來時路月下騰騰信脚歸

上堂舉教中道若謂如來有所說法卽爲謗佛只如一大藏教甚處得來若言無說五千四十八卷什麼



處清遠到者裏須是箇人始得還會麼莫謗四面好  
上堂舉僧問投子如何是十身調御投子下禪牀立  
或有人問四面如何是十身調御老僧亦下禪牀立  
爲什麼却依樣畫貓兒待我計校成卽說向你

上堂舉藥山問石頭三乘十二分教某甲粗知承聞  
南方直指人心見性成佛某實未明乞師指示石頭  
云怎麼也不得不怎麼也不得怎麼不怎麼慙不得  
山僧在衆日間兄弟商量道卽心卽佛亦不得不卽  
心卽佛亦不得若怎麼說話敢稱禪客何故殊不知  
石頭老人文武兼備韜畧雙全若是四面見處也要

諸人共知只見波濤涌不見海龍宮

上堂云三世諸佛遙望頂禮六代祖師開口不得四  
面今日且權爲指使且道是箇什麼一二三四五雷  
門誇布鼓謾說李將軍藍田射石虎

上堂云真如凡聖皆是夢言佛及衆生並爲增語或  
有人出來道盤山老呌但向伊道不因紫陌花開早  
爭得黃鸝下柳條若更問道四面老呌白云喏惺惺  
著

上堂云仲冬嚴寒伏惟首座大衆尊體起居萬福兩  
彩一賽便下座

上堂云有一則語舉似諸人第一不得錯舉便下座  
上堂云昨宵年暮夜今朝是歲旦都大尋常日世人  
生異見不解逐根元只管尋枝蔓新舊只如今子細  
分明看若也更商量秦時鐸鏃

諸院長老入山師上堂云臨濟入門便喝是甚盤鴉  
聲德山入門便棒拗曲作直雲門三句曹洞五位大  
開眼了作夢何故如此固清才子貴家富小兒嬌  
到龍門上堂云有舌胡利無口非啞七出入沒風流  
儒雅便下座

到海會上堂云白雲山裏白雲人把定封疆無縫罅

無縫罅知幾價莫有知價底麼乃云一二三四五

到興化上堂云世事宛如麻空門路轉賒青松林下  
客幾個得歸家共唱胡笳曲分開五葉花幸逢諸道  
友同上白牛車大衆車在者裏牛在什麼處芳草渡  
頭尋不見夜來依舊宿蘆花下座甘露資長老把師  
住云舒州管界元來有箇草賊師云和尚也須提防  
資擬議師便拓開

上堂云祖師道葉落歸根來時無口祖師怎麼道猶  
欠悟在便下座

上堂僧問祖意敎意是同是別師云人貧智短馬瘦

毛長乃云祖師說不著佛眼看，不見四面老婆心爲君通一線便下座。

上堂云：春氣乍寒，乍暖，春雲或卷或舒，引得韶陽老子放出針眼裏魚，乃云錯。

謝主事上堂，僧問：王索仙施婆時如何？師云：七孔八竅學云：如何是王索仙施婆？師云：鸞駕未排，齊號令學云：如何是仙施婆？師云：眼睺耳熱，僧禮拜，師云：點乃云：文殊張帆，普賢把柁，勢至觀音共相唱和，贏得雙泉閣中打坐，打坐卽不無，且道下水船一曲作麼生唱？囉囉哩囉囉哩，俗氣不除。

上堂云：六宵正月半，乾坤都一片，普賢門大開，相逢不相見，乃云：過在阿誰。

上堂云：默默無上菩提，從此得賺殺人，便下座。

上堂云：適來思量得一則，因緣而今早忘了，却是拄杖記得，乃拈起拄杖云：拄杖子，也忘了，遂卓一下云：同坑無異上咄。

上堂舉鏡清問玄沙學人乍入叢林，乞師指箇入路。沙云：還聞偃溪水聲麼？清云：聞沙云：從者裏入。師云：果是得入，一任四方八面，若也未然，輒不得離却者裏。

謝典座上堂云：小繩錢貫大繩井索，日急要用，依藤木杓雖然破，家具應用有處，著著錯，南北東西水酒不著。

冬至上堂云：少年天子此日拜郊，林泉之士遠望歌謠萬歲萬歲，便下座。

有一道姑入山禮拜，請上堂云：道可道非常道，眞可笑，姮娥一夜繡鴛鴦，解把金針呈巧妙，將並老黃梅兒孫一何拙。如今箇箇口吒呀，問著烏龜喚作龜，四面今日與君決，列怎生冤家冤家，莫向背地裏吐舌。

次住太平語錄

參學清遠集

師入院，日僧問：遠別雙泉來，臨禪衆入門，一句願師舉揚。師云：也待一一覷過。學云：恁麼則清涼山遠人休去，只此焚香便見師。師喝云：話也不領。學云：今朝覩見巖端的，勝聞名師云：猶自喃喃問如何，是太平境。師云：數層寶塔侵天起，萬木喬松匝地寒。學云：如何是境中人。師云：閑持經卷倚松立，笑問客從何處來。學云：人境已蒙師指示，向上宗乘事若何。師云：須信下方城郭近，果然鐘磬接笙歌。問如何是佛。師云：

露習跣足學云如何是法師云大教不放學云如何是僧師云釣魚船上謝三郎乃云我本無心有所希求今此寶藏自然而至世間之寶能變窮爲富此之一寶能轉凡成聖且道如今是凡是聖太平道總不是何故苦瓠連根苦甜瓜徹蒂甜

上堂云達磨無端少林面壁二祖斷臂一生受屈黃蘗樹頭討甚木蜜太平今日兩眼如漆李廣神箭是誰中的

上堂云十方諸佛六代祖師天下善知識皆同者箇舌頭若識得者箇舌頭始解大脫空便道山河大地

法苑珠林

卷之三

十三

是佛草木叢林是佛若也未識得者箇舌頭只成小脫空自設去明朝後日大有事在太平怎麼說話還有實頭處也無自云有如何是實頭處歸堂喫茶去上堂僧問如何是實中賓師云少喜多瞋學云如何是實中主師云傳言送語學云如何是主中賓師云鍾馗小妹學云如何是主中主師云一言纔出口地上繡綢開乃云近日太平院禪和多聚散參底老婆禪喫底糲米飯知事失照顧主人少方便雖然沒滋味要且緩緩嚙

謝莊主上堂云一不做二不休不風流處也風流若

要公私濟辦好看露地白牛

上堂云此箇物上挂天下挂地皖水作口皖山作鼻太平退身三步放你諸人出氣

上堂僧問牛頭未見四祖時如何師云頭上戴纍垂學云見後如何師云青布遮前學云未見四祖時爲什麼百鳥銜花獻師云富與貴是人之所欲學云見後爲什麼百鳥不銜花獻師云貧與賤是人之所惡乃云西天二十八祖也怎麼道唐土六祖也怎麼道天下老和尚也怎麼道獨有太平不怎麼道何故寡不敵衆且道畢竟如何妙舞更須知徧拍三臺須是

法苑珠林

卷之三

十四

大家催

上堂云上是天下是地南北東西依舊位釋迦老子弄精寬達磨西來多忌諱忽有箇漢山來道和尚低聲但向伊道祇要拋磚引玉

上堂云山僧今日將山河大地盡作黃金該有情無情總令成佛去然後太平不入者保社何故爭之不足讓之有餘

上堂云太平不會禪一向外邊走臘月三十日贏得一張口且道那箇是太平口自云兩片皮也不識上堂舉寶壽作街坊時見兩人相諍一人以手打一

拳云你得恁無面目實壽因而得入若人於此知落處可謂公辦私辦大眾聽取一頌甚妙也甚妙於此知性命辭鼻與一拳當時便打正

上堂云太平涸涸漢事事盡經徧如是三十年也有

人讚歎且道讚歎箇什麼好箇涸涸漢  
上堂舉教中道假使滿世間皆如舍利弗盡思共度量亦復不能知尋常衲僧家高揖釋迦不拜彌勒是會佛智不會佛智衆中有則有只是藏牙伏爪太平有箇見處不惜眉毛舉向諸人待有人問隨口便荅上堂僧問如何是奪人不奪境師云秋風吹渭水落

後

卷之三

一

葉滿長安學云如何是奪境不奪人師云路上逢人半是僧學云如何是人境俱不奪師云少婦棹輕舟歌聲逐流水學云如何是人境俱奪師云高空有月千門掩大道無人獨自行乃云數日已來連綿大雨所到之處皆有損傷曹源一滴瀰滿人間衲僧一吸鼻孔遼天且道名字既同爲什麼損益有異誰知遠煙浪別有好思量

上堂云一葉落天下秋一塵起大地收收卽不無何人親手月中仙桂和根拔海底驪龍把角牽

上堂云撮土爲金猶容易變金爲土却還難轉凡成

聖猶容易轉聖成凡却甚難何故誰肯屈尊就卑且道不凡不聖一句作麼生道乃云不得教壞人家男女

上堂舉三祖見二祖禮拜問曰請師懺罪二祖云將罪來與汝懺三祖云求罪不可得二祖云與汝懺罪竟因成一頌舉似大眾無孔笛子穩拍板五音六律皆普徧時人不識黃幡綽笑道儂家登寶殿上堂云淺聞深悟深聞不悟爭奈何爭奈何獻佛不在香多

後

卷之三

一

色頭陀不入保社

上堂舉風穴云若立一塵家國興盛野老嘯感不立一塵家國喪亡野老謳歌太平卽不然若立一塵法堂前草深一丈不立一塵錦上鋪花何也不見道九九八十一窮漢受罪畢纔擬展脚眠蚊蟲猶蚤出上堂因雪舉僧問雲門不起一念還有過也無門云須彌山師云有時問著師僧或豎一指或進一步或下一喝或拂袖便去上座未在何故太平未曾向二三月間下一陣雪向汝諸人在如今有箇漢出來道老和尚莫七顛八倒見今下也不是乃展手云了



上堂僧問蓮花未出水時如何師云在泥裏學云出水後如何師云在水上問王子未登九五時如何師云逢人多問路學云正登九五時如何師云天下太平學云登九五後如何師云誰論好醜乃云末後最慇懃儂家隨處新大千沙界裏不免箇中人且道那箇是箇中人平蕪盡處是青山行人更在青山外上堂舉雲門道平地上死人無數出得荆棘林者是好手時有僧云恁麼則堂中第一座有長處雲門云蘇囷蘇囷太平卽不然平地上箇箇丈夫荆棘林裏坐得底是好手何故乃云格

上堂云將四大海水爲一枚硯須彌山作一管筆有人向虛空裏寫祖師西來意五字太平下座大展坐具禮拜爲師若寫不得佛法無靈驗有麼有麼便下座大衆散師高聲云侍者侍者應喏師云收取坐具復問侍者云還收得坐具麼侍者提起坐具師云我早知你恁麼也上堂僧問佛未出世時如何師云大憨不如小憨學云出世後如何師云小憨不如大憨乃云入荒田不揀信手拈來草不認大哥妻元來是嫂嫂鄭州出鵝梨青州出大棗無事巾單下箇箇從頭咬

上堂云山僧昨日入城見一棚傀儡不免近前看或見端嚴奇特或見醜陋不堪動轉行坐青黃赤白一見了子細看時元來青布幔裏有人山僧忍俊不禁乃問長史高姓他道老和尚看便休問什麼姓大衆山僧被他一句直得無言可對無理可伸還有人爲山僧道得麼昨日那裏落節今日者裏拔本上堂云有鹽曰醃無鹽曰澹太平間說口似匾檐便下座

上堂云神通妙用不欠絲毫通人分上何用切切泥多佛大水長船高

上堂云一月普現一切水一切水月一月攝誠哉是言也可謂塑不成畫不就昨夜三更白如晝謝典座上堂云變生作熟雖然易衆口調和轉見難鹹澹若知真箇味自然飢飽不相干上堂拈起拄杖云昨夜三更夢見拄杖子教我一片禪向我道和尚明日早起上堂舉似大衆昨日錦上鋪花今日脚踏實地但看今日明朝說甚祖師來意翻思黃面老人謾道靈山授記直饒大地山河借我鼻孔出氣不如放下身心自然仁義禮智爲云僧下火舉起火把云火風四大互相違背當此時節隨緣

自在次日又爲一僧舉起火把云昨日也恁麼今日也恁麼且道昨日是今日是說甚是不是你看是甚火色

上堂云今朝正月半與諸人相見炊麥長新苗粒粒皆成麩薦不薦全藉春風扇

次住海會語錄

參學景淳集

師入院開堂日宣疏了乃云疏帖一時讀了若是具金剛眼睛底何必重說偈言雖然如是事無一向便陞座拈香罷四面白槌云法筵龍象衆當觀第一義

天聖

宣疏了

一

師云金鏤懼將平祖道鐵鞭多在恨無警莫有不顧危亡底衲僧麼出來相見僧問白雲山下祖令當行如何是祖令師云一二三四五學云恁麼則昨日太平今朝海會師云高著師僧問昔日爲霖去今朝領衆來朝賢臨座下願震一聲雷師云你還聞麼學云風送好雲歸碧洞水潮滄海助波濤師云知心有幾人學云寒山常撫掌拾得每慙慙師云將謂無人學云也不得壓良爲賤師云且禮拜著乃云問話且止夫第一義適來若於四面槌下薦得千聖不能近祖師言不到天下作者拱手歸降何也況第一義本來

清淨不受諸塵如何說得同道方知今日放過一著向建化門中別作箇解話會是以紹先聖之遺蹤稱提祖令爲後學之模範建立宗風若非當人曷能傳授謂師乃云陳謝旣畢不可空然有一頌舉似大眾日暖風和花正開七重山鎖白雲來翻思城市繁華處又出松門步一回

師在太平受帖拈起示衆云恁麼會去早是鈍漢何也若憑說五千四十八卷豈不是說若不憑說又如何辨白請維那分明拈出讀疏了遂陞座乃云祖令當行十方坐斷其中莫有不惜性命者麼出來與老

天聖

宣疏了

一

僧相見時有僧出云日月易見好事難逢師云令人疑著問公牋已至師今受祖意西來願舉揚師云雲從龍風從虎學云人天旣獲聞眞諦更有尖新事也無師云有學云如何是尖新底事師云蹉過也不知問白雲長老太平禪師於其中間未審如何辨的師云你試定當看學云莫是月無來去影現千江師云一任鑽龜打瓦遂云法不孤起仗境方生明鏡當臺好醜自現久參上士言下知歸晚學初機當須子細是以古人道法無去來無動轉者輒成山頌舉似大眾觸日光明處處新其中那箇辨疎親祇園枝上千

花秀一度芬芳一度春

上堂僧問如何是佛師云悉達多太子學云逾城時如何師云自有四天王在學云到雪山時如何師云蘆芽穿膝鵲巢頂上學云爭奈未是學人安身處師喝云禮拜了退乃云天地爲洪爐烹煉強與弱大道本無元卷舒由素鑰凡聖路坦然各自看謀畧

謝首座上堂云槌破蟠桃核得見其仁將斷驪龍鬚得遇其實雖然如是也未是好手黃帝失玄珠於赤水使智索之而不得使離未索之而不得使契詬索之而不得乃使罔象直饒罔象得之亦未是好手爭

似今日與大衆同使一箇通事舍人雖然如是也只得一半

上堂云永嘉道取不得捨不得不可得中只麼得祖師道不是心不是物不是佛大衆且道是箇什麼乃云到江吳地盡隔岸越山多

結夏上堂僧問如何是白雲境師云七重山鎖潯潯水學云如何是境中人師云來千去萬學云人境已蒙師指示向上宗乘又若何師云面赤不如語直乃云此夏居白雲禪人偶聚會三月九旬中尊卑相倚賴粥飯與茶湯精麤隨忍耐逐意習經書任運行三

昧彼此出家兒放教肚皮大

上堂云昨日有一則因緣擬舉似大衆却爲老僧忘事都大一時思量不出乃沉吟多時云忘却也忘却也復云教中有一道真言號聰明王有人念者忘卽記得遂云唵阿盧勒繼娑婆訶乃拍手大笑云記得也記得也竟佛不見佛討祖不見祖甜瓜徹蒂甜苦瓠連根苦下座

解夏上堂云一塵起大地收一葉落天下秋金風動處警砌畔之蛩吟玉露零時引林間之蟬噪遠煙別浦行行之鷗鷺爭飛絕壁危巒處處之猿猱競嘯又

見漁人舉棹樵子謳歌數聲羌笛牧童戲一片征帆孤客夢可以發揮祖道建立宗風九旬無虛棄之功百劫在今時之用如斯話會衲子攢眉不見道一塵不立始歸家若有纖毫非眷屬

上堂僧問見來不來時如何師云各自守疆界進云見來却來時如何師云看築著你鼻孔學云謝師答話師云放乃云古人道如何是不動尊朝到西天暮歸唐土大衆莫是動而不動不動而動麼只者便是白雲見處

郡中回上堂云船上無散工時時事不同昨朝城郭

裏今日白雲中且道不動尊在什麼處自云氣似輔袋令人可愛

自出緣化回上堂云白雲海會院足水兼柴炭唯少麻與麥衆人皆盡見親去化檀那疎却阿羅漢且望大慈悲——看佛面大衆佛身充滿於法界且作麼生看我道不隔一條線

上堂云幸然無一事行脚要參禪却被禪相惱不透祖師關如何是祖師關把火入牛欄

上堂云我有一柄帚掃盡雪山雪我有一張口臨事無可說我有一雙眼和盲瞎訴瞎任意過平生烏龜

喚作鼃處世學爲人喫水須防噎仰山曾道底兩口一無舌四海五湖人當陽瞥不瞥

上堂舉靈雲悟桃花頌云三十年來尋劍客幾經葉落又抽枝自從一見桃花後直至如今更不疑玄沙云諦當甚諦當敢保老兄未徹在師云說什麼諦當更參三十年始得

上堂僧問如何是佛師云獨木橋子學云如何趣向師云緊峭草鞋乃云幸然可恨生剛地學參問既然參得了未免肚裏悶悶即自家悶困即自家困祖佛生冤家好與槌一頓且道佛祖過在什麼處若人會

得許你具一隻眼桐樹郭宅請陞座云桐林郭評事家門幸食祿性靜好吾宗溫良如美玉封疏請諸山營齋殖洪福二人長老共談玄正值陽和二月天渴鹿飲溪水作水野猿啼樹霧成煙黃梅路上多知已今日同乘般若船乘船即不無且道說箇什麼事幸遇三春明媚因行不妨掉臂囉囉哩囉哩乃拍手大笑云是何曲調萬年歡

上堂云二月春將半相呼同賞翫寒食近清明百花開爛漫或上白雲峯或遊赤水畔野外標墳人路傍酒醉漢半笑半悲啼真誠堪讚嘆人人謂我泄天機

子細分明與批判看看五湖禪客莫輕訓記取今朝者公案

上堂舉趙州問婆子什處去婆云偷趙州笋去州云或遇趙州又作麼生婆連打兩掌州便休去師云趙州休去不知衆中作麼生商量白雲也要露箇消息貴要衆人共知婆子雖行正令一生不了趙州被打兩掌咬斷牙開婆子可謂去路一身輕似葉趙州高名千古重如山

上堂云僧問雲門如何是一代時教門云對一說師云對一說卷盡五千四十八風花雪月任流傳金剛



腦後添生鐵

施主請上堂云道吾與漸源往山下弔慰源拊棺問曰生耶死耶吾云生也不道死也不道源云爲什麼不道吾云不道不道回至中路源云和尚須與某甲道若不道卽打和尚去也吾云打卽任打道卽不道源便打至院吾令潛去白雲今日忿氣不甘須要斷者公案道吾第一不解與身作主第二不能隨機入俗當初待伊問道生耶死耶但向伊道等歸院裏向你道當時若著得者語靈利漢一踴踴著大小大道吾和尚也又免得一頓拳頭有眼底子細看

解夏上堂云九旬三箇月彈指瞥然間忙者直然忙閑者直然閑事事無窮盡千古白雲山

上堂舉雲門一日普請般柴次乃抛下一片柴云一大藏教只說者箇師云大小雲門錯下註脚老僧當時若見向伊道普請處不得狼藉若點檢得出免你普請

上堂僧問如何是先照後用師云王言如絲學云如何是先照後用師云其出如綸學云如何是照用同時師云舉起軒轅鑑虫尤頓失威學云如何是照用不同時師云金將火試乃舉僧問首山如何是佛首

山云新婦騎驢阿家牽大衆莫問新婦阿家免煩路上波吒遇飯卽飯遇茶卽茶同門出入宿世冤家

上堂僧問如何是臨濟下事師云五逆聞雷學云如何是雲門下事師云紅旗閃爍學云如何是曹洞下事師云馳書不到家學云如何是潯仰下事師云斷碑橫古路僧禮拜師云何不問法眼法眼學云留與和尚師云巡人犯夜乃云會卽事同一家不會萬別千差一半喫泥喫土一半食麥食麻或卽降龍伏虎或卽搬蛇撈蝦禾山唯解打鼓祕魔一向擎杈者箇一場戲笑皆因微笑拈花白雲隨隊骨董順風撒土

撒沙若無者箇腸肚如何衣錦還家且道還家一句作麼生道今日榮華人不識十年前是一書生

上堂云但知喫果子莫管樹曲录不識曲录樹爭解喫果子不過祖師關爭會敵生死如何是祖師關拈却大案山

上堂云一向恁麼去路絕人稀一向恁麼來孤負先聖去此二途祖佛不能近設使與白雲同生同死亦未稱平生何也鳳凰不是凡間鳥不得梧桐誓不棲上堂舉法眼道識得橙子周而有餘雲門道識得橙子天地懸殊師云這兩人一人過船一人渡水若點

檢得出許你具正法眼

上堂云望天祈好雪祥瑞實難加鵲噪青松上變成  
白老鷄紫騮牽出薄寒馬金銙粧成銀鏤花苦苦苦  
箇什麼忽然變成雨

石臺師弟至上堂僧問如何是和尚家風師云鐵旗  
鐵鼓學云只有者箇爲復別有師云采石渡頭看學  
云忽遇客來如何祇待師云龍肝鳳髓且待別時學  
云客是主人相師師云謝供養乃云昔日先師頌臨  
濟三頓棒云一拳拳倒黃鶴樓一趂趂翻鸚鵡洲有  
意氣時添意氣不風流處也風流大衆若到白雲門

古尊宿語錄卷之二十

古尊宿語錄卷之二十

三二

下須要衆人助拳

上堂舉起拳頭云若喚作拳頭一似不曾行脚若不  
喚作拳頭對面相謾除此之外也少一拳不得

出隊歸上堂云出隊半箇月眼不見鼻孔忘却祖師  
禪拾得箇骨董且道向什麼處著一分奉釋迦牟尼  
佛一分奉多寶佛塔

謝首座上堂云彌勒看不見釋迦說不得恁麼尊貴  
生日用無差忒得不得識不識三德六味味逾多千  
古萬古爲規則

上堂僧問如何是燃燈前師云令人疑著學云如何

是正燃燈師云錯認定盤星學云如何是燃燈後師

云一場懺懺乃云每月有箇十五無始劫未盡數數  
到彌勒下生未免有甜有苦且道畢竟如何南山白  
額大蟲元是西山猛虎

上堂云日可冷月可熱衆魔不能壞真說大衆作麼  
生是真說潑潑潑賴若信不及白雲爲你道一要衆  
人會二要龍神知乃拈起法衣云者箇真紅色剛然  
道是緋

古尊宿語錄卷之二十

古尊宿語錄卷之二十

古尊宿語錄卷之二十

三二

古尊宿語錄卷二十一

舒州白雲山海會演和尚語錄

上堂云風和日暖古佛家風柳綠桃紅祖師巴鼻眼親手辦未是惺惺口辯古端與道轉遠從門入者不是家环且道畢竟如何相見又云無事不來還憶君上堂僧問如何是白雲爲人親切處師云愛換轉人鼻孔學云便恁麼去時如何師云不知痛痒漢乃云四海五湖奇士圍遶無狀村夫只解拖犁拽耙水草無底鉢孟高懸羊頭賣狗肉時中那辨精與麤恁麼續佛壽命誠哉天地懸殊誰有拔山之力橫身擔荷

五

古尊宿語錄卷二十一

一

也無有麼有麼有卽家門富貴無那辜負老盧

上堂舉僧問巴陵鑒和尚祖意教意是同是別鑒云鷄寒上樹鴨寒下水師云大小大巴陵只道得一半白雲卽不然掬水月在手弄花香滿衣

上堂云春風別有巧工夫吹綻百花品類殊唯有牡丹并芍藥時人一見便歡娛且道衲僧分上成得什麼邊事拈來喚罷歸何處透骨馨香付老盧

上堂僧問達磨面壁時如何師云計較未成學云二祖立雪時如何師云將錯就錯學云只如斷臂安心時又如何師云煬帝開汴河學云總不恁麼時如何

師云却問取二祖乃舉達磨問二祖作什麼二祖曰請師安心白雲當時若見好與二十棒何故他人覩見將謂兩箇說安心法畢竟如何菩薩龍王行雨潤遮身上數重雲

上堂云昨日開開關今朝靜悄悄子規枝上啼蝦蟆鑽入草好箇寒食天辜負白雲老爲亡僧下火提起火把云大眾三世諸佛向火燄裏轉大法輪聞各不如見面今日智悟上座見面不如聞名

上堂舉龐居士問馬大師不與萬法爲侶是什麼人大師云待汝一口吸盡西江水卽向汝道師云一口

五

古尊宿語錄卷二十一

二

吸盡西江水洛陽牡丹新吐蕊簸土颺塵勿處尋擡頭撞著自家底

結夏上堂云聖制已臨時當初夏幽邃之巖巒蒼翠畢鉢無差潺湲之溪谷清冷曹溪髮髯稱衲子安居之地實吾家禁足之方大敞禪關巨延倚侶扶立宗旨高建法幢上荅君親下資含識莫不栴檀林中栴檀林師子王多師子衆師子衆共躋攀萬象森羅指掌間大眾灰頭土面從他笑贏得白雲堆裏閑上堂卓拄杖一下乃舉起云拄杖子敢問你還說得如來禪麼自云說不得還說得祖師禪麼自云說不

得既說不得白雲今日出自已意去也出自已意小  
兒子戲人天衆前討甚巴鼻

上堂僧問如何是白雲一滴水師云打磬打磨學云  
飲者如何師云教你無著麵處乃云恁麼恁麼蝦跳  
不出十不恁麼不恁麼弄巧成拙軟似鐵硬如泥金  
剛眼睛十二兩衲僧手裏秤頭低有價數沒商量無  
鼻孔底將什麼聞香邑中陞座云白雲相送出山來  
滿眼紅塵撥不開莫謂城中無好事一塵一剎一樓  
臺

上堂舉馬大師不安院主問云和尚近日尊位如何

大師云日面佛月面佛師云會麼如不會白雲與你  
頌出髻鬟女子畫娥眉鸞鏡臺前語似癡自說玉顏  
難比並却來架上著羅衣

炙茄會上堂云六月三伏天火雲布郊野松間臨水  
坐解帶同歡禪毳侶弄荷花賓朋傾玉笋紅塵事繁  
華碧洞何瀟灑重會在明年相期莫相捨白雲曾有  
約願結再蓮社

上堂云佛祖生冤家悟道染泥土無爲無事人聲色  
如聾瞽且道如何卽是恁麼也不得不恁麼也不得  
恁麼不恁麼總不得忽有箇漢出來道恁麼也得不

恁麼也得恁麼不恁麼總得則向伊道我也知你向  
鬼窟裏作活計

上堂云先入白雲門次過白雲浪吞底栗蒲禪喫底  
糲米飯君子如到來好好看方便

上堂僧問如何是道師云治平郡學云如何是道中  
人師云赤心爲主學云未審道與道中人相去多少  
師云名傳天下乃舉僧問南泉如何是道泉云平常  
心是道又龐居士問馬大師不與萬法爲侶是什麼  
人大師云待你一口吸盡西江水卽向你道師云爲  
復是同是別同則神出鬼沒別則醉後添盃畢竟如

何待你念得熟向你道

上堂舉古人云釋迦彌勒猶是他奴且道他是誰便  
下座

上堂云五千四十八卷教理行果成見祖師門下商  
量須知一貴一賤貴則珠玉難偕賤則分文太遠有  
人於此辨得白雲與你三十忽有箇漢出來道大丈  
夫賞罰分明不知是那箇三十良久云三十年後

上堂云三處移場定是非頑心不改在家時呼兄喚  
弟長如此且作隈崔老古錘

陳助教入山煎茶上堂云戒定慧相扶堂堂大丈夫



吹毛光燦爛佛祖不同途

謝典座上堂云白雲嵌枯老漢要喫無皮酸餚典座取巧安排一任衆人哂噉良久云羊羹雖美衆口難調

上堂舉僧問馬大師離四句絕百非請師直指西來意大師云我今日勞倦不能爲汝說去問取智藏僧問智藏藏云我今日頭痛不能爲你說去問取海兄僧問海兄海云我到者裏却不曾僧却舉似大師大師云藏頭白海頭黑師云馬大師無著慚惶處只道得箇藏頭白海頭黑者僧將一擔矇矓換得箇不會

若也眼似流星多少大失錢遭罪

上堂云庭開金菊宿根生來鴈新聞一兩聲昨夜七峯牽老興千思萬想到天明

冬日上堂云達磨西來事久多變後代兒孫門風無限攪擾身心一團麻線白雲今日都通截斷大眾一百單五近清明上元定是正月半

次日上堂云一陽生後正嚴寒皎潔蟾蜍挂碧天水鎖瀑泉聲細碎風搖危木影擎拳狂猿抱子藏深洞羸鶴將鷄逐老仙莫謂可師徒立雪方知古德用心堅

上堂舉德山問龍潭久嚮龍潭及乎到來潭又不見龍又不現潭云子親到龍潭師云龍潭老人可謂騎賊馬趕賊便下座

送諸郡化主上堂云荷衆諸禪流才能足機劃逢人定有錢見面寧無麥已是吾家兒久爲物外客溫柔一手擡剛硬雙拳擲牙爪一時全勝南山白額

上堂云一代時教五千四十八卷空有顛漸豈不是有永嘉道亦無人亦無佛大千沙界海中漚一切聖賢如電拂豈不是無大衆若道是有違他永嘉若道是無又違釋迦老子作麼生商量得恰好若知落處

朝兄釋迦暮叅彌勒若也未明白雲爲你點破道無不是無道有不是有東望西耶尼面南看北斗

上堂云說佛說法拈槌豎拂白雲萬里德山入門便棒臨濟入門便喝白雲萬里然後恁麼也不得不恁麼也不得恁麼不恁麼總不得也則白雲萬里忽有箇出來道長老你恁麼道也則白雲萬里者箇說話喚作矮子看戲隨人上下三十年後一場好笑且道笑箇什麼笑白雲萬里

上堂云白雲門前路往復行大步中間有一片方塲你諸人爲什麼却踟躇不著

王提刑人山上堂云祖師門下如箭中的手辦眼親無得無失僧問朝蓋臨筵清風可座學人上來請師決破師云殘臘一雨卽漸迎春學云天垂寶蓋地布金蓮去也師云未爲多在學云多底事作麼生師云人天衆前不欲造次學云覺海波瀾增浩渺釋天日月轉光輝師云也不消得乃舉阿難問迦葉世尊傳金襴外別傳何物迦葉召阿難阿難應諾迦葉云倒却門前刹竿著又永嘉道建法幢立宗旨明明佛勅曹溪是師云迦葉敎倒却刹竿永嘉又敎立宗旨且道到底是立底是到者裏須是具擇法眼始得畢竟

如何倒也七縱八橫立也二三成六七峯閣上共談玄一句一言清耳目

歸新僧堂上堂云十月今朝初一新構雲堂已畢聖衆已得安居雅麗全勝舊日於中受用之時凡百互相愛惜願存古佛家風三有四恩獲益慶懺別有上聞具位題名立石敢勸遠近諸檀越記取摩訶般若波羅蜜忽有箇出來道長老不妨好文章乃云咄白雲口裏道誰敢道不好

提刑入寺上堂云兵隨印轉將逐符行大權菩薩覆護衆生相順者善言誘諭凶頑者枷棒縱橫中間有

箇沒量大漢金鎖玄關留不住聖凡位裏莫能收若奈何不得佛法無靈驗白雲有箇消息試說看古人云無邊剎境自他不隔於毫端十世古今始終不離於當念納須彌於芥中擲大千於方外變大地爲黃金攪長河爲酥酪到者裏合作麼生國土動搖迎勞至寶花彌滿送觀音

端午上堂舉昔有秀才造無鬼論論就纔放筆有鬼現身斫手謂秀才云你爭奈何白雲當時若見便以手作鵝鳩嘴向伊道谷谷孤

上堂舉肅宗帝問忠國師百年後所須何物國師云

與老僧造箇無縫塔帝曰請師塔樣國師良久云會麼帝曰不會國師云吾有弟子耽源却語此事請詔問之師云衆中盡道國師良久殊不知懸鼓待槌當時肅宗若是作家君王待伊道敎詔耽源但向道國師國師何必肅宗後詔耽源呈頌湘之南潭之北中有黃金充一國無影樹下合同船瑠璃殿上無知識師代肅宗云閑言語雪竇頌道無縫塔見還難澄潭不許蒼龍盤層落落影團圓千古萬古與人看師云雪竇可使千古傳名老僧祇愛他道澄潭不許蒼龍盤首尾一時貫串祇如前來一絡索拈放一邊且

道畢竟如何乃云姪女已歸霄漢去默即猶自守空房

上堂舉僧問雲門如何是超佛越祖之談門云糊餅白雲卽不然忽有人問如何是超佛越祖之談只向伊道驢屎似馬糞又云破草鞋又云靈龜曳尾且道是同是別試辨看

上堂僧問如何是極則事師云何須特地乃舉僧請益瑯琊清淨本然云何忽生山河大地瑯琊云清淨本然云何忽生山河大地其僧有省師云金屑雖貴落眼成翳

記

五言寄謝集三

九

上堂云祖師遺下一隻履千古萬古播人耳空自肩檐跣足行何曾踏著自家底

上堂云行者不報來打鼓曲录木頭上不免將錯就錯參

上堂云子丑寅卯辰巳午未申酉戌亥終而復始有獸有愛畢竟如何但管熟念

上堂云遍周沙界幾曾移步深山白雲是何報土若是真道人家日洗鉢盂兩度

新執法鼓上堂云多載頑皮擊不響新皮纔動震天雷無滯莫言隨勢去有聲誰謂不平來何也雙眼聽

不聞雙耳覩不見一條平坦路是誰沒方便

上堂云本末須歸宗尊卑用其語利劒擲虛空大棒打老鼠

上堂舉世尊滅後諸聖弟子於畢鉢巖中結集法藏阿難既陞座形儀與佛無殊大衆遂生三疑一疑阿難成佛二疑佛再現身三疑他方佛化阿難唱云如是我聞衆疑皆息當時若有箇漢出衆云大衆依而行之各自散去免見滿藏琅函攪人腸肚然雖如是猶未剿絕在何也阿難道如是我聞白雲也道如是我聞若道當時是重古輕今若道卽今是重今輕古

要會麼優曇花不開跡絕無香氣

上堂云六祖能大師是箇大癡漢後代兒孫多展轉生惑亂子細好思量白雲不著便

上堂僧問百尺竿頭如何進步師云快走始得乃舉雲門道聞聲悟道見色明心觀世音菩薩將錢來買糊餅放下手元來却是箇饅頭雲門好則甚好奇則甚奇要且只說得老婆禪若是白雲卽不然作麼生是聞聲悟道見色明心遂舉手作打杖鼓勢云瑯八囉札

上堂云四五百石麥二三千石稻好箇休根藥者婆

不得妙

上堂舉龍牙云天下名山到因脚年深辛苦與轆者而今老大不能行手裏把柄破木杓白雲卽不然脚也不能著草鞋手亦不能把木杓端坐受供養施主常安樂

上堂云達磨西來事今人謾揣量天河爭起浪月桂不聞香何也見成公案

安樂院主修齋上堂云昨夜得一夢夢見臻公在天宮與帝釋對坐臻問帝釋曰天上有五衰相是否釋云此是佛之所說豈可妄言於是帝釋却問臻云我

文部

龍溪錄卷二

二

聞閻浮提有不持戒者是否臻云此是佛之所說豈可妄言良久臻云天宮雖樂不是久居遂下十八重地獄乃見閻王居正殿與地藏菩薩耳語臻便出門首見一青衣童鞠躬云東海龍王請伴諸羅漢齋臻遂往赴齋迴得數顆如意珠一時分付諸門人白雲被珠光一爍忽然夢覺以至今朝諸法乳爲臻公設齋請白雲陞座大眾且道昨夜夢底是適來說底是衆中盡是久叅先德禪道之精若人辨得試出來露箇消息看有麼有麼若無白雲又有箇古話釋迦老子在跋提河側般涅槃了迦葉始至蓮金棺而哭於

是世尊爲現雙趺大眾且道般涅槃時是現雙趺時是乃云止止不須說我法妙難思諸增上慢者聞必不敬信

謝監收上堂云人之性命事第一須是○欲得成此○先須防於○若是眞○人○

上堂僧問不昧當機請師直道師云捏聚放開乃舉僧辭趙州州云有佛處不得住師云換却你心肝五臟無佛處急走過師云鴈過留聲三千里外逢人不得錯舉師云出門便錯僧云恁麼則不去也師云種粟却生豆州云摘楊花摘楊花師云不覺日又夜爭

文部

龍溪錄卷三

三

教人少年

小叅云達磨西來不立文字直指人心見性成佛忽有箇出來道長老尋常室中愛問人如何是你心某甲卽不會却問長老如何是和尚心老僧卽向他道却來者裏捋虎鬚什麼心造次說向你他若又問栢樹子話長老作麼生會向伊道我有箇方便有甚方便却須先問取首座又問德山入門便棒作麼生會我聞便肉戰臨濟入門便喝作麼生會是什麼破草鞋直饒一時透過也是七九六十八

中秋上堂云中秋月中秋月古今盡謂尋常別別不



別皎皎清光遍大千任從天下紆紆說

上堂僧問一代時教是箇切脚未審切那箇字師云鉢囉樓學云學人祇問一字爲什麼却答許多師云七字八字學云也是慣得其便師云許多時茶飯元來也有人知滋味乃云祖師心印好消息處無消息無消息古篆分明拈起也大千爰寧放下也凡聖同源有時印却諸人面門自是諸人甘伏不肯承當帶累白雲受屈且道過在什麼處

上堂拈起拄杖子者箇拄杖子不從天台南岳得亦不在此土西天且道生在什麼處若也知生處同得

受用若也不知遂靠却下座

上堂舉妙湛總持不動尊首楞嚴王世希有銷我億劫顛倒想不歷僧祇獲法身大衆若作禪會則謗經若作經會則謗禪若作一團則儻侗有人跳得出日銷萬兩黃金若跳不出有處著你在

上堂云但知月圓月缺誰知月缺月圓忙忙乘船過水不知過水乘船百年三萬六千日等閑老却朱顏各自照鏡看是什麼面孔

上堂舉僧問洞山如何是善知識眼山云紙燃無油若問白雲對道無油不點燈雖然如是也較洞山三

千里祇是其間有箇好處有甚好處諸人黑地裏撞著露柱悟去也不定

歲朝上堂云威音王已前也恁麼威音王已後也恁麼三世諸佛也恁麼西天四七唐土二三也恁麼前年去年也恁麼明年後年更後年外後年也恁麼忽有箇出來道和尚和尚和尚自云若不被他喚住便一百年也只恁麼復云元正啓祚萬物咸新去年乞火和煙得今日擔泉帶月歸畧運推移日南長至當軒有直道無人肯駐脚孟春猶寒伏惟首座大衆起居萬福蘇武牧羊海畔累日忻然李陵望漢臺邊終

朝笑發落在甚處仁義只從貧處斷世情偏向富門多

上堂僧問如何是本分事師云結舌無言乃云每日起來拄却臨濟棒吹雲門曲應趙州拍擔仰山欽點爲山牛耕白雲田七八年來漸成家活更告諸公每人出一隻手共相扶助唱歸田樂簾羹淡飯且恁麼過何也但願今年蠶麥熟羅羅兒與一文

上堂舉南泉云文殊普賢昨夜三更起佛見法見各與二十棒貶向二鐵圍山白雲則具大慈悲遂拍手云曼殊室利普賢大士不審不審今後更敢也無自

云一度被蛇傷怕見斷井索

上堂云狗子還有佛性也無也勝猶兒十萬倍下座上堂舉雪峯問德山從上諸聖以何法示人山云我宗無語句亦無一法與人雪峯從此有省後有僧問雪峯和尚見德山得箇什麼便休去雪峯云我空手去空手歸白雲今日說向透未過者有兩箇人從東京來問伊什麼處來他却道蘇州來便問伊蘇州事如何伊道一切尋常雖然如是謾白雲不過何故只爲語音各別畢竟如何蘇州菱邵伯藕

上堂云二十五年坐這曲录木頭上舉古舉今則不

文部

寶鑑錄卷三

十五

無祇是未曾道著第一句衆中莫有具大慈悲者試出來道看也要衆人共知兼乃平生行脚有麼有麼莫道無忽有箇出來却問如何是第一句白雲不免向他道放憨作麼

上堂云難難幾何般易易沒巴鼻好好催人老默默從此得過這四重關了泗洲人見大聖叅

上堂云是法不可示言詞相寂滅這兩句猶較些子忽遇羚羊掛角時如何直上指云天天久立

上堂僧問如何是佛師云口是禍門乃云今日上元之節處處燈光皎潔不知天意如何瑞雪翻爲苦雪

貧窮變作殭蠶鳥龜凍得成龍唯有四海禪流箇箇眼中添屑何故不說不說下座

請化主上堂云造化之功祖宗門下作天地發生之氣春夏秋冬決含靈顛倒之心常樂我淨若據衲僧用處又且不然變大地爲黃金攪長河爲酥酪猶未稱白雲在忽有箇漢出來道似恁說話只是箇貪心不足漢自云道著叅

上堂舉達磨大師云誰得吾正宗出來與汝證明尼總持云據某見處如慶喜見阿闍佛國一見更不再見達磨云汝得吾皮道育云據某見處實無一法當

文部

寶鑑錄卷三

十六

情磨云汝得吾肉二祖禮三拜依位而立磨云汝得吾髓師云當時若見他三人恁麼道各人好與三十棒只如白雲今日也合喫二十九棒留一棒與汝諸人其間若有知痛痒者不辜負先聖亦乃得見白雲其或未知堂裏喫粥喫飯更須爛嚼多見是渾圖吞却

上堂舉釋迦如來往忉利天爲母說法優填王思佛命匠人雕栴檀像及至世尊下來像亦出迎諸人且道下來底是出迎底是又教中道如來者無所從來亦無所去莫是法身無來去化身有來去麼若人於

此見得日銷萬兩黃金其或未然草鞋錢教什麼人還

上堂云說禪被禪纏不說却成現若真箇不說真箇好方便如馬前相撲似霹靂閃電會即大富貴不會空對面

因齋上堂云不寒不暖喜春遊士女傾心結預修自覺一生如幻夢始知百歲類浮漚子規啼處真消息芍藥開時野興幽此箇門風誰會得等閑白却少年頭

上堂云前週底今日使不著今日底後次使不著使

支那

五言古詩

七

不著說不著重遭撲自古至今誰錯誰不錯忽有箇出來道白雲不是今日錯也自云錯錯下座

師一日持錫遶方丈行問僧還有屬牛人問命麼無對遂云孫贖今日開鋪並無一人垂顧可惜三尺龍鬚喚作尋常破布

上堂云有一則奇特因緣舉似諸人欲說又被說礙不說又被不說礙欲舉山河大地又被山河大地礙從教頭上且安頭真金不博鍤丈夫意如此快樂百無憂

上堂舉僧問曹山佛未出世時如何山云曹山不如

出世後如何山云不如曹山師云若以世諦觀之曹山合喫二十棒若以祖道觀之白雲合喫二十棒然雖如是棒頭有眼兩人中一人全肯一人全不肯若人點檢得出許你具半隻眼

上堂云你等諸人見老和尚鼓動唇吻豎起拂子便作勝解及乎山禽聚集牛動尾巴却將作等閒殊不知簷聲不斷前宵雨電影還連後夜雷

上堂云釋迦已滅彌勒未生森羅萬象推向一邊且作麼生是你諸人常住法身乃云有功無功莫使腹空

支那

五言古詩

六

請供頭修造上堂云白雲今日權將大宋世界作一面基盤先將東嶽太山南嶽衡山西嶽華山北嶽恒山中嶽嵩山定却五方次將五臺峨嵋支提羅浮以爲相助左畔則斜飛鴈陣右邊則虎口雙闌遂舉手云且道這一著落在什麼處若知落處便爲敵手若也未然白雲試通箇消息十九條平路爭功勢未休莫教一著錯敗子卒難收

正旦上堂元正啓祚西天此土萬物咸新解豸麒麟應時納祐誠言不謬孟春猶寒種種多般伏惟首座大眾普天齊用洎諸知事懷才抱義并諸化主如龍

似虎尊體起居萬福直是如金如玉歲歲三百六十  
管取粥足飯足

因齋上堂云二月中春物象鮮盡塵沙界一般天蒼  
莓雨洗去冬雪野火風飄昨夜煙危嶺乍聞猿嘯日  
長江時見客乘船人生幾度逢斯景好是誠心種福  
田

端午上堂僧問今朝五月五權罷葺芸鼓雖是無事  
人亦請燒一炷師云急急如律令進云也待小鬼做  
箇伎倆師云鍾馗嚇你乃云今日端午節白雲有一  
道神符也有些小靈驗不敢隱藏舉似諸人一要今

卷之三

三

七

上皇帝太皇太后聖躬萬歲二要合朝卿相文武百  
官州縣家寮常居祿位三要萬民樂業雨順風調有  
箇符使却來報白雲道諸處盡去徧只爲神通小不  
奈一件事何遂問他是甚事使云禪和子鼻孔遶天  
白雲向伊說莫道你我尚不奈何然雖如是澤廣藏  
山理能伏豹畢竟如何一抽三二添四黃牛角向天  
八脚垂過鼻急急下座

上堂舉尼問趙州如何是密密意州於尼腕上拍一  
拍尼云和尚猶有這箇在州云你猶有這箇在師云  
此尼若是箇人但向他道也放和尚不得

上堂僧問天下人舌頭盡被白雲坐斷祇如白雲舌  
頭未審是什麼人坐斷師云東村王大翁乃云日用  
事無別憑君爲甄別若於言上會知君打不徹不於  
言上會心頭似火熱先過趙州開剪斷白雲舌不負  
先聖恩歸堂且懃懃

上堂云若要天下橫行見老和尚打鼓升堂七十三  
八十四將拄杖驀口便築然雖如是拈却門前上馬  
臺剪斷五色索方始得安樂

小叅僧問德山不答話千古把斷要津白雲今夜小  
叅未審如何施設師云我不可承嗣端和尚不得也

卷之三

三

七

學云作家宗師天然有在師云是何言歟進云只者  
箇又爲甚人施設師云你還信得及麼進云教某甲  
作麼生信師云你是會來問不會來問進云某甲却  
是不會來問師云昨日也恁答一僧來進云今日爲  
甚却干戈相待師云只爲買賣不當價進云壓良爲  
賤則得爭奈有諸方在師云大眾看取者一員禪客  
進云放過一著師云噓乃舉陸亘大夫問南泉弟子  
家中有一片石也曾坐也曾臥擬欲鐫作佛得麼泉  
云得陸云莫不得麼泉云不得大眾夫爲善知識須  
明決擇爲什麼他人道得也道得他人道不得也道



不得還知南泉落處麼白雲不惜眉毛與你注破得  
又是誰道來不得又是誰道來你若更不會老僧今  
夜爲你作箇樣子乃舉手云將三界二十八天作箇  
佛頭金輪水際作箇佛脚四大洲作箇佛身雖然作  
此佛兒子了你諸人又却在那裏安身立命大衆還  
會也未老僧作第二箇樣子去也將東弗于逮作一  
箇佛南瞻部洲作一箇佛西瞿耶尼作一箇佛北鬱  
單越作一箇佛草木叢林是佛蠢動含靈是佛旣恁  
麼又喚什麼作衆生還會也未不如東弗于逮還他  
東弗于逮南瞻部洲還他南瞻部洲西瞿耶尼還他

文淵  
藏本

三教經集卷之三

三

西瞿耶尼北鬱單越還他北鬱單越草木叢林還他  
草木叢林蠢動含靈還他蠢動含靈所以道是法住  
法位世間相常住旣恁麼你又喚什麼作佛還會麼  
忽有箇漢出來道白雲休寐語大衆記取這一轉

上堂云平生百了千當底正好喫棒且道過在什麼  
處打你百了千當

上堂云去聖時遙人多懈怠逆則生嗔順則生愛且  
道作麼生是不嗔不愛東海剪刀西番皮袋

上堂僧問承師有言山前一片閑田地祇如威音王  
已前未審什麼人爲主師云問取寫契書人學云和

尚爲甚倩人來荅師云祇爲你教別人問學云與和  
尚平出去也師云大遠在乃云五日莫覩其容二聽  
絕聞其響有功者罰無功者賞拈須彌山秤來二兩  
忽有箇道一方知識爲什麼大秤秤人物事自云官  
不容針私通車馬

謝街坊上堂云街坊昨日將一把沙到方丈前一見  
老僧劈面便撒賴遇老僧先見衫袖一遮並不妨事  
今朝舉似大衆不敢隱藏何故賞伊膽大下得者箇  
手脚忽有人問白雲爲什麼只恁休去不見道老不  
以筋力爲能然雖如是賓主歷然

文淵  
藏本

三教經集卷之三

三

上堂僧問如何是佛師云許多時向什麼處去來乃  
云達磨未來時冬寒夏熱達磨來後夜暗晝明諸人  
若下得一轉平實語喫鹽聞鹹喫醋聞酸若道不得  
迦葉門前底

上堂云若論此事如人博戲相似忽然贏得身心歡  
喜家業昌盛覆陰兒孫不覺輸他自然迷悶然雖有  
輸有贏此事還在白雲今日有條攀條無條攀倒不  
見陸亘大夫與南泉看雙陸次大夫撮起骰子問南  
泉云恁麼不恁麼便恁麼信彩去時如何南泉云是  
骨頭十八大衆此去縣城不遠外人聞得便來捉賭

時又且如何乃云白雲自有道理記得龍牙道學道  
先須有悟由還如曾闢快龍舟雖然舊閣閑田地一  
度贏來方始休

上堂云目捷連雙足越坑大迦葉聆箏起舞畢陵迦  
訶罵河神迦留隨夷埋身糞壤此事教中一一有出  
處總道是習氣祇如祖師門下達磨九年面壁秘魔  
擎杈禾山打鼓石鞮彎弓雪峯觀毬國師水椀歸宗  
拽石德山入門便棒臨濟入門便喝無業纔有人問  
便道莫妄想且道是箇什麼衆中還有久叅先德天  
下橫行具頂門上眼底衲僧麼出來爲白雲證據也

要暢快平生有麼有麼若無三十年後此話大行且  
道畢竟如何朱夏火雲歸碧洞清秋危露滴金盤  
先師忌晨上堂云去年正當恁麼時多前年三件事  
今年正當恁麼時多去年七件事這十件事數不過  
者甚多何也去却七三存一事是去年說是今日急  
如箭黑似漆無言童子口吧吧無足仙人擗臂趯乃  
云交下座與能表白起喪云本是你送我今朝我送  
你生死是尋常推倒又扶起至墳所復謂衆云今朝  
正當三月八送殯之人且聽說君看陌上桃花紅盡  
是離人眼中血

上堂云仲春漸暖牡丹生卯紫鸞攢身黃鸝開眼共  
賞芳春三盃兩盞唯有白雲一生擔板  
古尊宿語錄卷二十一

余增居七十有五歲死貴列此  
古尊宿語錄第二十一卷  
計字八千五百五十一  
銀山程海亮刊上元李潤書李潤刻  
萬曆乙卯歲春三月在山化城識

古尊宿語錄卷二十二

黃梅東山演和尚語錄

門人惟慶編

師在海會受請拈香示衆云八十翁翁輓繡毬遂付維那宣疏畢陞座云三處住持只這滋味這回冤家難爲迴避白蓮峯鼻孔海會山出氣

當晚小叅云一則三三則七牧羊隈畔女貞花拒馬河邊望夫石石擊尺赤土畫簸箕從教眼搭癡復云淮甸三十載今作老黃梅好是明明說從教鴨聽雷入院祖師塔燒香以手指云當時與麼全身去今日

重來記得無復云以何爲驗以此爲驗遂禮拜

開堂黃梅宰公度疏師拈起示衆云見麼差环異寶盡在其中若也不見請表白對衆拈出宣疏畢乃云便與麼散去早是多事了也若也不信遂指法座云必同向上頭撒沙撒土去也便陞座拈香祝聖罷復拈香云此一炷香在舒郡二十七年三處住院諸人總知遂欲燒次復云不得也須說破某十五年行脚初參遇和尚得其毛次於四海參見尊宿得其皮又到浮山圓鑑老處得其骨後在白雲端和尚處得其髓方敢承受與人爲師今日藝向爐中從教薰天灸

地有耳朵者辨取四祖和尚白德云法筵龍象衆當觀第一義師云當觀第一義實劍霜鋒利掣電隔三千最勝無倫譬眼辨手能親出來相比試僧問舊店新開刻寶珎一回拈著一回新師今已據盧能位端的如何拂鏡塵師云朝到西天暮歸唐土進云已得軒轅辨端的靈光從此照恒沙師云最初一句作麼生進云不辭山路遠踏雪也須過師云你猶醉在僧問靈山一會迦葉親聞未審今日一會什麼人得聞師云與靈山無異進云古之今之盡是知音師云知音一句又作麼生進云點頭不吐舌師云無人孟浪

過你進云忽遇擎雲履霧來時又作麼生師云老僧打退鼓乃云適來四祖師叔白德云當觀第一義只如第一義且作麼生觀要會麼三世諸佛若無第一義將什麼化度有情西天四七唐土二三乃至天下老和尚若無第一義將什麼建立宗風只如當今聖帝若無第一義將什麼統御天下知郡學士知縣宣德合座尊官若無第一義將什麼爲民父母乃至在會施主若無第一義將什麼崇敬三寶然雖如是也須各各自悟始得

上堂舉古人道夫爲善知識須是驅耕夫之牛奪飢

人之食驅耕夫之牛令他苗稼滋盛奪飢人之食令  
他永絕飢虛衆中聞舉者多是如風過耳相似既驅  
其牛爲什麼却得苗稼滋盛既奪其食因什麼永絕  
飢虛到者裏須是有驅耕夫之牛奪飢人之食底脚  
手便與授一撥逼一逼趕教走到結角處便好向伊  
道福不重受禍不單行

上堂云二月春中漸暖哈歌頻打拍板烏鷄走入鶯  
羣鴨兒凍得背匾水上或浮或沉何時解成珊瑚子  
細好好思量天地去此不遠復云頻婆娑羅王

上堂今朝二月初五行者先來打鼓長老肚裏茫然

大期

古風宿禪錄卷三

三

思量說佛說祖大地雪深三尺禽獸喫泥喫土今年  
必定豐熟自然五風十雨者裏有箇好處且道有什  
麼好處遂作雷聲云是什麼復云雷乃發聲  
上堂云夫爲禪客如出塞將軍你得雲門半片餠  
餅來我便與半箇須彌山若不如是焉敢稱禪客  
上堂云夫爲出家之人須有出家之見具擇法眼方  
爲出家如何是擇法眼破燈盞畢竟如何擔板擔板  
結夏日上堂云孟夏漸熱伏惟首座大衆尊候萬福  
却似夾竹桃花錦上鋪花徧地花莫眼花每年事例  
不用張查下座人事巡察喫茶

上堂舉永嘉道亦無人亦無佛大千沙界海中溫一  
切聖賢如電拂大衆這裏若不具金剛眼睛便見觸  
體徧野如何卽是劒閣路雖險夜行人更多

上堂云立雪斷臂指喻後人人能弘道非道弘人這  
箇是什麼語江城子

上堂云時人住處我不住時人行處我不行畢竟作  
麼生牛角長三寸兔角長八尺四溟東海流般若波  
羅蜜

上堂云門外有大路不肯大開口臘月三十日胡亂  
外邊走好大哥

大期

古風宿禪錄卷三

四

上堂云無法可說是名說法夜月嚴凝霜天凜冽池  
裏烏龜凍得成鼈更說兩句舌頭成鐵

聖節上堂云十二月初八日今上皇帝降誕之辰不  
得說別事乃高聲云皇帝萬歲皇帝萬歲

上堂云無邊身菩薩將竹杖量世尊頂丈六了又丈  
六量到梵天不見世尊頂相乃擲下竹杖合掌說偈  
云虛空無有邊佛功德亦然若有能量者窮劫不可  
盡大衆無邊身菩薩說偈且止諸人還解自量也無  
若教老僧自量直是無下手處不見古人道計充佛  
座功德難量盡子燒香紫雲纓毳何故如是別是一



家春

上堂云一年只餘此月天道未嘗降雪奉告三界龍神各自通相報說普天普地鋪銀且要應時應節更望大衆慈悲爲念普賢菩薩畢竟作麼生摩訶薩

郭朝奉祥正請上堂朝奉於法座前燒香云此一瓣香焚向爐中爲光明雲遍滿法界供養我堂頭師兄禪師伏願於此雲中方廣座上擘開面門放出先師形相與諸人描貌何以如此白雲岩畔舊相逢往日今朝事不同夜靜水寒魚不食一爐香散白蓮風師遂云曩謨陸但吟鉢囉野恁麼恁麼幾度白雲溪上

望黃梅花向雪中開不恁麼不恁麼嫩柳條金線且要應時來不見龐居士問馬大師不與萬法爲侶者是什麼人馬大師云待汝一口吸盡西江水卽向你道大衆一口吸盡西江水萬丈深潭窮到底掠約不

是趙州橋明月清風安可比  
上堂云春雨洒無涯乾坤已具知東君行正令梅柳一枝枝祖師門下客相見在今時相見卽不無說什麼事便下座

上堂舉肅宗帝問忠國師云和尚百年後所須何物國師云與老僧造箇無縫塔帝云請師塔樣國師具

久云會麼帝云不會國師云吾有付法弟子號源却諸此事請詔問之師云前面是真珠瑪瑙後面是瑪瑙真珠東邊是觀音勢至西邊是普賢文殊中間有一首幡被風吹著道胡盧胡盧

上堂顧視禪床左右遂拈拄杖在手中云只長一尺下座

上堂云世有一物亦不屬凡亦不屬聖亦不屬邪亦不屬正萬事臨時自然號令抵死要知換却性命

上堂云擔水河頭賣諸人盡笑怪滯貨没人猜一似欠他債昨夜三更半石人闌禮拜這箇說話莫道你

理會不得我也理會不得

上堂云古人道無邊剎境自他不隔於毫端十世古今始終不離於當念師云是卽是只是太舊雪峯示衆道盡大地撮來如粟米粒大拋向面前漆桶不會打鼓普請看大衆雪峯對面熟瞞諸人不少也然雖如是還有與雪峯同底麼試出來與五祖相見有麼若無遂拈拄杖卓一下舉起云五祖今日與雪峯同乘槎泛四大海穿八大龍王髑髏經過百千箇須彌山却回來法座上坐又送雪峯歸雪峯山只是不曾動着一步諸人還信得及麼若信不及遂舉拄杖

云豈不見先師翁道放在臥床頭急要打老鼠

上堂云凡心聖意露堂堂念念無差即道場向去莫言今日事觀音自在放毫光良久云莫瞞老僧好

上堂云三月安居今已滿九旬禁足事如何西天蠟驗聞聲久此土驚珠說者多季運二千年遠意混流水乳積成河林泉開士齊弘護莫使驢頭著衆魔

上堂云時候李秋霜冷皎潔銀河耿耿松窓一炷爐煙頗稱吾家好景

上堂舉僧問投子大藏教中還有奇特事也無投子云演出大藏教師云投子被人一問直得料掉沒交

五祖傳燈卷之三

五祖傳燈卷之三

七

涉若是五祖即不然或有人問大藏教中還有奇特事也無老僧即向伊道作禮而去信受奉行然雖如是與他投子白雲萬里畢竟如何要你諸方眼作麼上堂云悟了同未悟歸家尋舊路一字是一字一句是一句自小不脫空兩歲學移步湛水生蓮花一年生一度

上堂云頻頻喚汝不歸家貪向門前弄土沙每到年年三月裏滿城開盡牡丹花

上堂云青蘿負綠直上寒松之頂白雲淡泞出沒太虛之中自十九至二十三日萬餘人來此赴會開闔

地如今只見老漢獨自口吧吧地若道多人是闢一人是靜直是白雲萬里畢竟如何一人開浩浩多人靜悄悄不如歸堂喫茶好

上堂云心隨萬境轉轉處實能幽雲門道觀世音菩薩將錢買胡餅放下手云却是箇饅頭如此則隨他脚跟轉也五祖有箇隨流認得性快樂永無憂底因緣舉似大眾忽然於此省去也不定良久喚侍者侍者應諾師云我害癡

上堂云仲冬嚴寒普徧世間富貴即易貧窮即難唯我林泉之人無易無難爲什麼如此良久云無人處

向你說

上堂舉普化道明頭來明頭打暗頭來暗頭打虛空裏來虛空裏打四方八面來連枷打臨濟問得遣僧問云總不恁麼來時如何化云明日大悲院裏有齋若是五祖即不然有人問總不恁麼來時如何和聲便打是他須道五祖盲枷瞎棒我只要你恁麼道何故一任舉似諸方

上堂云應接無方唯是此一毛端上廓心田生枝延蔓魔家族點點舒光曜祖天

上堂云風和日暖喬樹鸞啼桃李妍而爛錦成行芳

草濃而鋪茵作陣花落一片兩片浮碎玉以雰雰柳舞三回五回曳長絲而冉冉當是時也古人道幽鳥語如黃柳垂金線長煙收山谷靜風送杏花香永日瀟然坐澄心萬慮忘欲言言不及林下好商量良久云你且商量看

上堂舉僧問雪峯云古澗寒泉時如何峯云瞪目不見底僧云飲者如何峯云不從口入趙州聞得云不可從鼻孔裏入也僧却問趙州古澗寒泉時如何州云苦僧云飲者如何州云死師云若有人問五祖古澗寒泉時如何卽向伊道水飲者如何但云當下止

渴或有箇人出來問道與曹溪水是一是二我卽向伊道分伎列派縱橫自在低處澆田高處潑菜

上堂云趙州道箇栢樹子盧陵隨後雪白米中間有箇白蓮峯一口吸盡西江水喜美囉邏哩囉邏哩我自我你自你深村有箇白額蟲吒腮鬚頷九條尾良久云喚好怕人

小參舉藥山初叅石頭問云三乘十二分教某甲粗知訪聞南方直指人心見性成佛實未明了石頭云恁麼也不得不恁麼也不得恁麼不恁麼總不得藥山罔措一日坐次石頭遂問云汝在此作什麼山云

一物也不爲頭云恁麼則開坐也山云開坐則爲也頭云你道不爲不爲箇什麼山云千聖亦不識石頭遂有頌云從來共住不知名任運相將只麼行自古上賢猶不識造次凡流豈易明師云大衆須是過得祖師關會鳥道玄路始會此般說話石頭恁麼垂示便類趙州庭前栢樹子洞山麻三斤雲門超佛越祖之談五祖亦有一頌任運不知名輕輕著眼聽水上青青綠元來是浮萍

四面專使文詳持法嗣書到師於法座前授書拈起問專使云這箇是四面底闍梨底在什麼處使云驗

在目前師云幾不問過遂陞座云好事難逢何不出來大家唱和時有僧出問云石頭馳書猶是鈍漢玄沙白紙謾說同風四面賁來有何祥瑞師云春氣發來無硬地進云與麼則衝開千頃浪透過祖師關師云眞箇也無進云可謂是黃梅熟後無人識獨許東山一老師師云更有人在進云和尚也不要疑著師云也落在闍梨後進云只如四面無門老和尚向甚處得這消息來師云你向甚麼處去來僧指東畔云這箇直歲得恁麼黑又指西畔云這箇知客得恁麼肥師云不得指東劃西僧以坐具一劃云者箇不可

喚作東西也師云看你亂走進云和尚低聲恐人聞得師云你適來也郎當不少僧以手捫口云是我招得師乃云大眾四面長老有書對大眾前須當說過四面大漆桶詳師分半桶白蓮峯下開薰却我鼻孔且道爲什麼如此無你出氣處

太平專使至上堂云萬里無雲點太清祖天日月自分明太平不許將軍見却許將軍建太平

上堂云舉則公案事事成辦向外馳求癡漢癡漢

上堂云有物先天地無形本寂寥能爲萬象主不逐四時彫古人恁麼道可謂錦上鋪花不妨奇特諸人

文那

法華指掌疏卷三

十二

且作麼生會白蓮今日由順後機不惜眉毛亦爲頌出中有無中無細中細篋中篋

上堂云今朝三月初五老漢亦無所補無字指路堂堂枉見衲僧受苦畢竟如何如人學射

上堂云媚景中春暖色暄盡塵沙界一般天林巒巒鬱爭蒼翠花柳芬芳闌色鮮蝶弄牡丹飛勢緊蜂遊芍藥謾遲延人生幾度逢春景何不於中種福田

上堂舉興化云我逢人則不出出則便爲人三聖道我逢人則出出則不爲人師云此二古德一人文章浩渺一人武藝全施若道興化是文亦不得若道三

聖是武亦不得還於此辨得出麼若辨得出許你通身是命若辨不出你自相度

上堂云如何是禪閭浮樹在海南邊近則不離方寸遠則十萬八千畢竟如何禪禪

上堂云賤賣檐板漢貼稱麻三斤百千年滯貨何處著渾身

上堂云今朝八月二十佛法兩字難入深村大小老翁達磨祖師不及

上堂云未透祖師關莫問大雪山一步一萬里千難與萬難

法華

法華指掌疏卷三

十二

上堂舉僧問趙州狗子還有佛性也無州云無僧云一切衆生皆有佛性狗子爲什麼却無州云爲伊有業識在師云大眾你諸人尋常作麼生會老僧尋常只舉無字便休你若透得這一箇字天下人不奈你何你諸人作麼生透還有透得徹底麼有則出來道看我也不要你道有也不要你道無也不要你道不有不無你作麼生道却重

呂寶文嘉問入山上堂僧問世尊拈花迦葉微笑台旃光臨於法席願師方便爲宣揚師云六耳不同謀進云不於花上覓煇赫自圓明師云好進云可謂獨



露無私對楊有準師云是進云覲面知機又作麼生  
師云不得與別人說進云和尚只知其一旦不知其  
二師云你作麼生進云祖師却道知來也歸作鹽梅  
正是時師云被你道著進云已得真人好消息人間  
天上更無疑師乃云記得昔日僧問六祖黃梅衣鉢  
什麼人得祖云會佛法底人得僧云和尚還得也無  
祖云不得僧云爲什麼和尚却不得祖云我不會佛  
法又舉僧問雪峯和尚見德山後得箇什麼道理便  
休去峯云我當時空手去空手迴師云大眾此二尊  
宿一人是祖師一人是禪師及平問著便道我不會

佛法又道我空手去空手迴你諸人還會伊恁麼說  
話也無若要會他恁麼說話須是透祖師開始得若  
不透祖師關輒不得正眼覷着

唐提舉耜到院上堂舉三聖問雪峯透網金鱗以何  
爲食峯云待汝出網來卽向汝道聖云一千五百人  
善知識話頭也不識峯云老僧住持事煩衆中或謂  
雪峯與三聖宗派不同故言不相契或謂三聖作家  
雪峯不能達其意如斯話會有何交涉忽有人問五  
祖透網金鱗以何爲食老僧向伊道好箇問頭復云  
大眾且道與雪峯是同是別不能爲你說得聽取一

頌洞裏無雲別有天桃花似錦柳如煙仙家不會論  
春夏石爛松枯是一年

資福專使持法嗣書至師於法堂上受書拈起問專  
使云本無名字什麼處得這箇來專使擬議師云因  
誰致得遂陞座舉石頭問長髭什麼處來髭云嶺南  
來石頭云大庾嶺頭一鋪功德成就也未髭云成就  
久矣只欠點眼在石頭云莫要點眼麼髭云便請石  
頭垂下一足髭便禮拜石頭云你見箇什麼道理便  
禮拜髭云如紅爐上一點雪師云紅爐一點雪知音  
瞥不瞥龜毛扇子扇泥牛一點血

偈頌

投機

山前一片閑田地叉手叮嚀問祖翁幾度賣來還自  
買爲憐松竹引清風

山居

床是柴棚席是茅枕頭葛恒半中凹霜天索寞人投  
宿睡到平明手脚交

自貽

白雲堆裏古家風萬里霜天月色同林下水邊人罕  
到方知吾道樂無窮

遣興

冉冉白雲間  
颼颼微風起  
至哉造化功  
孰爲究終始  
究之旣不能  
徒然自憂喜

聞角

幽幽寒角發  
孤城十里山  
頭漸杳冥  
一種是聲無限  
意有堪聽有不堪聽

病起

病來又病皮  
黏骨抖擻起來無一物  
行不成步語聲低  
鼻孔依前空突兀

山中四威儀

山中行携籃採蕨  
稱幽情牧童唱罷胡家曲子規  
枝上一聲聲

山中住萬疊千重  
誰伴侶縱使知音特地來  
雲深必定無尋處

山中坐月夜霜天寒  
鴈過爐灰撥盡未成眠  
報曉靈禽清耳朶

山中臥一片清光高鑑我  
但得身心到處開  
多年布衲從教破

讚白雲先師真

一月在天影含衆水  
師真之真非月非水  
青黃碧綠

亂茶糊看來半喫半喜

贊四祖演和尚

桂花包裹老黃梅  
不向陰陽地上開  
蜂蝶豈知香遠  
拆難尋踪跡去還來

自贊

眼暗耳聾行步龍鍾  
人前強笑叉手當胸

自述真贊二首

以相取相都成幻妄  
以真求真轉見不親  
見成公案無事不辦  
百年三萬六千日翻覆元來是這漢  
我真我贊唯已自知  
面面相覷有甚了期

題跋一

古尊宿語錄卷之三

十六

師室中常舉趙州狗子  
還有佛性也無州云無  
僧請問師爲頌之

趙州露刃劒寒霜  
光燄燄更擬問如何  
分身作兩段  
示禪者二首

學道先須得指歸  
聞聲見色不思議  
長天夜夜家家  
月影落澄潭幾箇知

祖道何殊世路平  
時人行處不須驚  
擬心未到先移  
步直似玄沙問鏡清

示學徒四首

學道之人得者稀  
是非長短幾時虧  
若憑言語論高

下恰似從前未悟時

空門有路人皆到到者方知滋味長心地不生閑草

木自然身放白毫光

一片秋光對草堂籬邊金菊預聞香蟬聲未息涼風起勝似征人歸故鄉

終日談玄第一宗枯河道裏覓魚蹤直饒祖佛無階級須向奇人棒下通

送已德二禪者之長安緣幹

二人同心其義斷金古今有此吾道堪任山之厚重海之淵深白雲留不住祖佛莫能禁極目少林峭峙

懷遠

古風宿雲集卷三

十七

傍觀華岳釜岑分得維摩按指法且彈一曲訪知音

悼四祖演和尚

此病彼圓寂吾門何得失生死若空花去來如鳥跡東涌忽西沒影挂寒堂壁三十三天撲帝鐘普念般若波羅蜜

悼投子青禪師

寂住峯頭雲灑落曹溪水高張浮渡帆直入大洋裏運載既緣終昨夜狂風起鬢角女子戴瓊花八十翁翁穿繡履

悼浮渡圓鑑禪師

浮渡巖前青瘦栢叢林聳出標風格夜來寒影落西衢誰唱胡笳十八拍

吊崇勝大師

苦霧罩庭軒悲雲鎖暮天師歸眞淨界影挂月孤圓去不去兮若之夢來不來兮誰後先誰後先閑浮樹在海南邊

悼陳吉先

子既卜遷居禪家第一機有帆不挂樹無住坦然途世態那堪戀恩情盡屬愚祖師門下客到此辨錙銖訪信和尚

懷遠

古風宿雲集卷三

十八

維摩之後室長開立雪求心悟善財木老花彫兮白雲亂卷波澄霜夜兮皎月徘徊不二門高遠相訪又騎龍馬入塵埃

送白首座回鄉

歸心休問路多端四海爲家未足觀隻履清名思達磨諸侯九合笑齊桓

次韻謝甘露頤長老

本自居山不厭山水聲山色異人間知音若會僕家意任是危層亦共攀

送仁禪者

白雲巖上月太平松下影深夜秋風生都成一片境

送文禪人寧親

今生父母當親覲從本爺娘子細看動轉施爲全得  
方一回舉著骨毛寒

送蜀僧

相聚淮南四十年而今歸去路三千有人若問西來  
意水在江湖月在天

寄信上人

一瓶一鉢且隨緣此事時時強爲宣知已不來春漸  
老孤峯皎月對寒泉

次韻謝黃龍圖

海會雲山疊亂青龍潭瀉碧聲冷冷使君乞與安閒  
地時共禪徒終夜聽

次韻謝高臺師兄

每覽嘉隱篇清風益可愛有時說向人時人都不會  
回首望衡岳岳山千里外獨步立斜陽颯颯聞秋籟

擬雲送信禪者作丐

春晴觸石欲高飛皖伯臺前度翠微本自無心爲雨  
露何曾有意泄天機風雷倚勢聲光遠草木乘陰色

澤肥莫謂功成空聚散巖房潛約幾時歸

送化主三首

巖縫迸開雲片片半籠幽石半從龍爲霖普潤焦枯  
後却入煙蘿第一重

莫論人情與道情大都物理自分明皖公山下長流  
水今古滔滔徹底清

庭無立雪人路有塵埃客傾盡此時心松間贈行色  
與瓊禪化麥

水中撈得麥恐悚瓊禪客往復偃溪邊聞聲隔不隔  
寄太平燈長老

徧遊五祖山語笑令人愛極目情量寬禮貌多自在

寄高臺本禪師法兄

思鄉便欲回不慮他人怪再見是明年往來無事礙  
春山望極幾千重獨凭危欄誰與同夜靜子規知我  
意一聲聲在翠微中

遷住白雲入院後示二三執事

登山須拄杖渡水要行船有客開顏笑無愁展脚眠  
萬般存此道一味信前緣試比紅塵裏清虛直幾錢

寄諸郡丐者

坐一須走七古聖留縱跡此土與西天箇箇明格尺  
點鐵化爲金喝石變成壁大力那羅延是誰親中的



寄舊知二首

隔閏多時未是疎結交豈在頗相見從教山下路崎  
嶇萬里嶠光都一片  
朔風掃盡千岩雪枝上紅梅包欲裂縹緲寒雲天外  
來吾家此境憑誰說

送化士四首

何事秋風入夜涼稻花時復送餘香要知此箇眞消  
息未後殷勤味最長  
晚伯臺前送別時桃花似錦柳如眉明年此日凭欄  
望依舊青青一兩枝

透出龍門本是難幾人得過趙州關白雲片片青山  
外爲雨爲霖去復還

出自白雲山携筇步煙渚心中幾萬端唯我能相許

寄舊三首

木落高秋玉露垂窻前黃菊漸離披白雲片片迎新  
鴈不是知音說向誰

寄書未到他先望傳語不來我未知度日林泉無世

慮歛眉偷看白猿兒

梅花欲謝不謝桃花欲開不開思君共聽猿啼處一

片白雲天外來

偶作

多時欲寫天邊鴈毛色觀來苦未全號呌不妨知節  
令養成飛去有何難鴈鴈塔當初占古蹤禪禪入  
理深淵無形無狀千難萬難後生晚長心堅石穿

賦祖花次李提刑韻三首

此花迥與人間別結果開花當處生要會祖師端的  
肯未萌天地已先成

此土西天祖佛名雙峯頂上鐵花生世間無限丹青  
手只恐吟成畫不成

造化之功品物情正當生處不言生尋枝摘葉空勞

力一朶開時一佛成

次韻酬彭運使留題七峯閣

山腰營小閣聊且寄生平三四危峯頂啼猿分外清

次韻寄彭運使吏部

縱使千回眼見爭如手親一徧透得此箇重關乃是  
平生方便

次韻訓吳都曹

山家旨趣最幽微路轉峯回到者稀一鉢黃菁消永  
日滿頭白髮已玄機遶巖瀑布窻前落哭月狂猿嶺  
上飛自得平生觀不足那知浮世是兼非

次韻訓斬倅李朝奉

諦當之言不在多文殊不二問維摩趙州眼爍四天  
下賴有同叅凌行婆

題東韻西湖簡太守李秘監

脩竹喬松積翠陰綠楊紅蘂偏園林到頭須讓西湖  
水淡靜還如君子心

東韻途中

一宿成家孤雲萬里遊吾門隨處靜世路幾時休  
舉首問明月憑心寄牛歸期何太晚猶尚往他州  
聚遠亭

眼觀不足耳聽不盡水碧山青誰遠誰近

荅馮希道

老病踈慵不記心應無狂夢到瓊林水聲山色長爲  
伴利害從教似海深

訓石秀才

昨夜西風激怒濤驚鷗舊事沒絲毫凭欄笑罷思量  
著望斷長天月色高

送朱大卿

但得心閑到處開莫拘城市與溪山是非名利渾如

夢正眼觀時一瞬間

送呂公輔

送客別金沙行行去路賒淡煙籠碧漢薄霧綴紅霞  
百舌吟新樹千株長嫩芽醺思分袂處舉首見桃花

送黃景純

秋雲秋水兩依依塞鴈聲聲度翠微多向洞庭青草  
岸楚天空濶不知歸

重會郭功甫

淨空居士久相知三十年來只片時今日白蓮花下  
見維摩元是舊容儀

寄李元中

寄盡千張紙徒煩心手勞人情如太華爭似道情高

嘉隱堂

一松一竹一溪雲時有清風伴月輪窗外泉聲長似  
雨迥然居者不知春

黃梅東山演和尚語終

附錄序文 三首

蓋聞言語道斷而未始無言心法雙亡而率相傳法  
有得免忘蹄之妙無執指爲月之迷故宗師起而稱  
揚若尺捶取之不竭學者從而領悟如連環解之無  
窮教外別傳道斯爲美演師和尚游方寔久詢請無  
私周旋黃蘗之庭踐履白雲之室常心是道信手成  
金紅粉佳人發最上之機金色頭陀無容身之處念  
聰明呪唱太平歌皆諸方之所未聞後人之所警策  
其他妙語不可殫論廣于簡編庶爲龜鑑云耳知台  
州黃巖縣事張景脩序

粵自靈山拈出慈嶺傳來天下叢林分枝布葉石霜  
古月海會重圓介在祖山隱若敵國誰主茲地演公  
其人演公系本蜀川令行淮南三提宗印二紀于茲  
仁義道中空華結果荆棘林內石筍抽條莫疑優鉢  
現前翻作葛藤會去克勤上人錄其語要俾之贊揚  
兔角龜毛敢言有實狐裘羔袖終愧非宜紹聖二年  
十二月二十四日河間劉跋謹序

海會演師昔行脚至白雲峯頂逢一善知識據師子  
座現比丘身爲無所爲說無所說有時拏雲攫浪游  
戲自如有時截鐵斬釘紀于不可諸方輻湊四衆景

從罔測其由舉皆自失師獨熟視而笑莫逆於心曾  
未踰時遂蒙受記天人叶贊自四面而住太平父子  
相承由太平而來海會隨機答問因事舉揚不假尖  
新自然竒特其徒纂集請余爲之序欲傳於世云紹  
聖二年十一月初十日吳郡朱元村序

金壇居士于玉立施資刻此  
古尊宿語錄第二十二卷 計字八千二百九十  
口箇該銀四兩三錢三分  
銀山擇海亮對上元李潤書上元田慶信  
萬曆乙卯歲春三月徑山化城識

古尊宿語錄卷二十三

汝州華縣廣教省禪師語錄

師初開堂日纔陞法座大衆雲集師捻香示衆云此一瓣香不從他方得卽汝州水土然願皇帝萬歲重臣千秋文武百僚常居祿位但其道薄人微觸事荒瑣謝郎中巡檢司徒諸官員等光揚佛日野干說法釋迦和南梵王前引帝釋後隨重法不重人謝西州和尚遠發緘封曲弊早能悚惕無盡兩院主首街市檀越堂內僧衆請其開堂說箇什麼卽得若說三乘五性來又有經律論座主宣揚若說仁義禮智信又

有夫子夫子是儒童菩薩入鄽化俗若是闡揚宗旨又有諸方宿德和尚穿鑿了也更教其甚處運斤斧卽得便有僧問祖祖相傳心心印印皆親師今出世法嗣何人師云寰中天子劫寒外將軍令學云法海一滴蒙師指向上家風事若何師云高祖殿前焚香怒須知萬里絕煙塵問昔日世尊說法梵王親躬此日朝騎臨筵將何指教師云塞鴈過時聲咽咽喜鵲喃喃悅殺人進云與麼卽法雨洪傾人天有賴也師云雲綻家家月春來處處花問不落諸緣請便道師云落問如何是無縫塔師云頭不梳面不洗問如何

是出家人師云緊裹頭進云與麼卽在家出家師云籠麻鞋問喫却施主食將何報答他師云老僧罪過進云與麼卽萬兩黃金亦消得師云家醜不外揚問寶劍未出匣時如何師云不可錯怪老僧進云出匣後如何師云換手提胸問如何是禪師云文殊殿問如何是道師云法堂是老僧益進云禪道相去多少師云汝問我答進云向上還更有事也無師云有如何是向上事師云七棒對十三學家禮拜師云教休不肯休直待雨霖頭問如何是清淨法身師云廁坑頭籌子問臨機一句請師速道師云速進云與麼卽

沙場無朕跡也師云滴血驗身容師乃云達磨西來爲傳東土直指人心見性成佛獨標萬像物外宣揚悟之者纖毫不隔迷之者背覺合塵中下之機也須子細莫虛過時光各有各之況以西來的意教外別傳道契一言縱橫自在打破觸醜揭却腦蓋豈不是慶快僧問學人來日擬入帝京帝王不顧時如何師尋時頌答云一年春盡一年春觸目無私遍乾坤時人盡唱無私曲罕遇知音對者稀進云與麼卽處處通身去也師云底事作麼生進云十方世界盡是學人行履處師云眞師子兒進云謝師證明師云一翳



在眼空花亂墜問如何是佛法大意師云麥賤米貴問如何是當機一句師云有你驢漢問進云與麼卽打鼓弄琵琶也師云捺榘放屁聲問如何是隨色摩尼珠師云開市散本進云未審意旨如何師云拍手唱歌行問維摩丈室不以日月爲明和尚丈室以何爲明師云眉分八字進云未審意旨如何師云雙耳垂肩問如何是古佛心師云何不高聲問進云莫者便是也無師云是卽錯進云如何得不錯師云千錯萬錯問如何是非非法義師云十字路頭坐進云不會意旨如何師云一任衆人看問如何是金剛不壞

三

三

三

身師云百雜碎進云不會意旨如何師云終是一堆灰問如何是出家人師云草深不露頂進云露頂後如何師云榜殺塚頭蒿問無邊身菩薩來還起也無師云水牯牛進云與麼卽頭上安頭師云一頓五升料問蓮花未出水時如何師云竟生頭角進云出水後如何師云一場懨懨問承古有言未得入頭直須入頭既得入頭不得孤負老僧意旨如何師云獨脚蝦蟆能上樹進云未審意旨如何師云野鵲帶席帽問如何是戒定慧師云破家具師上堂良久云夫行脚禪流直須著忖叅學須具叅

學眼見地須得見地句方始有相親分始得不被諸境惑亦不落於惡道畢竟如何委悉有時句到意不到妄緣前塵分別影事有時意到句不到如盲摸象各說異端有時意句俱到打破乾坤界光明照十方有時意句俱不到無目之人縱橫走忽然不覺落深坑問如何是道師云萬緣俱頓息夜半繡鴛鴦問如何是祖師西來意師以手劃一劃進云不會此意如何師云合掌靈山問世尊問如何是和尚心師云長三尺進云如何通信師云方圓二寸餘問學人未到來時如何師云疑殺老僧進云到來後如何師兩手

三

三

三

搥胸問慈雲起處雷聲大廣教門下霹靂聲時如何師云今冬頻雨雪來年麥大熟進云恁麼卽大衆有依倚也師云煇頭誇富貴今古化灰塵問起坐相隨爲什麼不識師以手劃一劃進云恁麼卽直截根源也師云冥冥一去杳杳何知

師上堂良久云宗師血脉或凡或聖龍樹馬鳴天堂地獄鍍湯爐炭牛頭獄卒森羅萬像日月星辰他方此土有情無情以手劃一劃云俱入此宗此宗門中亦能殺人亦能活人殺人須得殺人刀活人須得活人句作麼生是殺人刀活人句道得底出來對衆道

看若是道不得卽辜負平生。環重問忽遇大闡提人來還相爲也。無師云：西天出白氈，進云：未審此意如何？師云：東土波斯鼻孔大，問十方薄伽梵，一路涅槃門如何？是一路涅槃門。師云：洞山見雲門，進云：未審意旨如何？師云：山僧是冀州人，問如何？是真道人。師云：露崖崖進云：不會意旨如何？師云：莫遣外人聞問心地法門，與佛相去多少？師云：閻梨致問，老僧有荅。進云：未審意旨如何？師云：五九盡日春，問如何？是道師云：家家門前長安路，問如何？是西來意？師云：齋後一椀茶，問已事未明，以何爲驗？師云：關市裏打靜槌。

進云：意旨如何？師云：日午點金燈，問如何？是無縫塔。師云：破皮厚三寸，進云：未審意旨如何？師云：金榜題名天下傳，問如何？是清淨法身。師云：蝗蟲步蚰驚人，恐食食苗稼，盡傷心，進云：爲什麼學人不識？師云：無心伏物，質太平。

師上堂有僧問：纔上法堂來時，如何？師拍禪床一下，進云：未審此意如何？師云：無人過，價打與三百問。清淨伽藍爲什麼打魚鼓喫飯？師云：打草蛇驚，問路絕煙塵時如何？師云：無手行者能打餅，進云：恁麼卽傀儡人抽牽也？師云：無目之人不假燈。

師上堂云：聞鐘聲卽尋聲而來，如無鐘聲向甚處去？卽得若是上來下去，是何面目？不來不去，又濕地上坐了也。作麼生是衲僧？出氣底鼻孔，道得底出來，道看直饒道得，也是勿交涉。若是道不得也，卽墮坑落塹，便下座。問：煞父煞母，佛前懺悔，煞佛煞祖，向甚麼處懺悔？師云：長連城進云：不會意旨如何？師云：天靈蓋，問承古有言，良由取捨，捨卽是不捨，卽是師云：大洋海底鑽龜，上進云：恁麼卽取捨俱忘也？師云：遇明眼人舉似，問如何？是佛法大意？師云：杏熟來年麥進云：不會意旨如何？師云：棗收當年禾，學人禮拜，師云：

彭祖壽年八百歲，莫忘却，稀禾稊麥，問如何？是衲僧活計？師云：城東太山廟，進云：不會意旨如何？師云：判官手裏筆，問如何？是露地白牛？師云：破盆子進云：未審意旨如何？師云：堪作麼？問不落言詮，請師便道。師云：西方極樂世界，進云：恁麼卽滿口道不得也？師云：東土樹子，大問如何？是和尚受用處？師云：長三尺，問如何？是毗盧體？師云：寒時寒煞，熱時熱煞，進云：不會意旨如何？師云：冬天著火，向夏月取涼，行問學人，心病請師一服妙藥。師云：破皮厚三寸，進云：未審意旨如何？師云：杖頭挑取。

師上堂云廣教有驗人關截人機活人句還有人道得麼若是道不得辜負平生問和尚朝也說暮也說還接得幾人師云泊合疑殺老僧問靈山如畫月曹溪如指月如何是真月師云昨日擊金鐘告報天下聞進云恁麼卽山河大地也師云大衆齊合掌香煙滿乾坤問無目人來請師指路師云坐食都不問莫作問禪賓進云不會此理如何師云紫羅袋裏盛官誥金榜題名天下傳問大施門開請師垂示師云腦後抽簪進云便恁麼會時如何師云孤峯無宿客進云噓噓師便打問如何是世尊不說說師云涅槃山

文淵

文淵

文淵

側畔香煙滿乾坤進云如何是迦葉不聞聞師云觀音勢至引到西方問如何是學人親切處師云昨日十九今日二十問如何是毗盧師法身主師云僧排夏臘俗列耆年進云向上還更有事也無師云有進云如何是向上事師云萬里崖州君自去臨行惆悵怨他誰問布鼓當軒擊誰是知音者師云眼中有漚釘進云未審此意如何師云喬翁賽南神師上堂云諸禪德若是說禪說道說佛說法來又匝匝地遍天遍地也更教廣教說箇什麼卽得若約至理論似此之輩且去涅槃堂內粥飯裏將養始得謂

何如此當言不避截舌若是說禪禪是病若是說道道亦非真說佛被佛謾說法被法障也錯怪廣教雖是善因而招惡果何不離此之外試與廣教相見看方有參學分始得不被諸境惑亦不落於惡道還委悉得麼直饒委得入地獄如箭射無人替代渠莫道不道环重問遍歷寰中未曾逢一人時如何師云枕進云恁麼卽碧霄雲外無依倚也師云未曾解開軒僧云錯師云尋時打二十棒超出院問如何是密密處用心師云鬧市裏輓毬進云未審意旨如何師云一任衆人看問如何是涅槃門師云三更無忌諱進

文淵

文淵

文淵

云未審此意如何師云却忘五更時問西州和尚遷化向什麼處去師云寶塔元無縫靈骨鎮天涯問如何是涅槃路師云玄沙不出嶺寶壽不渡河問如何是正令一句師云古墓裏點燈猶作怪樹上叫喚開梨意如何問六國來朝時如何師云南有雪峯北有趙州進云恁麼卽萬里絕煙塵也師云目前無一物不換太陽春問遠遠相投請師一接師拈起火示云會麼云不會師云滿爐添炭猶嫌冷路上行人只守寒問維摩默然文殊讚善此意如何師云莫埋沒維摩進云恁麼卽清淨道場師云莫錯認定盤星問春

來萬物秀石頭爲什麼不生芽師云爲報還方叅禪子只爲籠心致令廣教打二十進云又太不慈悲生師云禍福無門唯人自召

師上堂云說底法卽便是也十二時中行住坐臥喫粥喫飯合掌頂禮籠言細語聞打相爭揮拳掉臂是也不是若道不是卽法有二見若道是爲什麼不休去不歇去若約至聖論須是待廣教與你打破觸體揭却腦蓋廓然山河無礙豈不慶快還委悉得麼直饒委悉得入地獄如箭射無人替代渠莫言不道環聖問彼自無瘡勿傷之也道合隨機請師應用師云

今年頗雨水何人不傷心進云恁麼卽雲散青天出山高衆岫歸師云日出天然異森羅觸目眞問忽逢大闢提人來師還相爲也無師云法久成弊進云慈悲何在師云年老却成魔問如何是第一句師云失如何是第二句師云是肉來蠅如何是第三句師云今日好晴云三句不分時如何師云來日到崖州問寶劍未出匣時如何師云擗口著云出匣後如何師云拈却牙齒問如何是論頓不留朕跡師云日午打三更石人側耳聽云如何是語漸返常而合道師云問處分明靚面相呈問三災竟起如何救之師云廣

教不問你來日喫鈴槌云不會師意如何師云涅槃山側念彌陀問如何是百骸俱潰散一物鎮長靈師云晴乾開水道無事設曹司云未審此理如何師云雨下街頭濕晴乾便無泥問禁足九旬須藉無蟲之地甚處是無蟲之地師云起熟人民亂縱橫五月麥熟盡息心云不知甚麼處立身師云夏月多毒熱行人盡休歇問雪山童子捨身爲求諸行此行如何師云掉臂街頭走仰面看青天云恁麼卽迷人尋著向城路也師云此人入地獄萬劫出應難問如何賓中賓師云慙惶沒心情如何是賓中主師云相手覷前

程如何是主中賓師云起坐甚分明如何是主中主師云大祭不留身問如何超師之作師云老僧眉毛長多少問古人一言便悟和尚種種說學人爲什麼不悟師云草鞋無底云畢竟如何師云皮襪無根問如何是和尚四無量心師云放火煞人云慈悲何在師云遇明眼人舉似

師上堂良久云惣被須彌山塞却你諸人眼也還覺麼莫不識痛痒若是去却須彌山方有叅學分作麼生是去却須彌山底句若是道得底試對衆道看若是道不得也且莫亂磕便下座問師子吼時全意氣



文殊仗劍意如何師云飛砂走石人驚怪決定彎弓射尉遲問如何是佛師云白馬馳經云如何是道師云善信扼喉問本來無一物以何法示於人師云無法示於人問不施寸刃便登九五時如何師云不封不樹云未審此意如何師云今古不同且應時問承古有言藏身不吞炭意旨如何師云莫遣外人問云山雉枉遭傷此意如何師云天網恢恢疎而不漏問夏終此日師意如何師云今年夏末去年秋東京西洛任意游問大用現前不存軌則時如何師云虛空無筋骨金槌打不入進云恁麼卽百雜碎也師云彌

陀佛前親問玉偈問如何是塵中獨露身師云塞北千人帳江南萬斛船進云恁麼卽非塵也師云學語之流一扎萬行問如何是和尚深深處師云猶有軟血之恩虎有起屍之德進云莫便是也無師云確搗東南磨推西北問承教中有言三人同坐解脫床如何是解脫床師云有言須得句進云未審此意如何師云不用更遲疑問萬法歸一一歸何處師云北印山下進云未審意旨如何師云千年中一遇問世尊爲一大事因緣故出現於世如何是一大事因緣師云梁園城裏丹鳳門進云不會意旨如何師云襄州

出大悲問行住坐臥如何用心得不落於惡道師云莫用心問如何是文殊活人底草師云須彌頂上雨霖霖進云如何是文殊煞人底草師云錯問如何是功用智師云舉目千山秀大海徹底清問疑情未息如何除遣師云確搗東南磨推西北問學人迷路請師直指師云三更不閉戶進云未審此意如何師云日午不點燈問承古有言不在內不在外未審在什麼處師云南斗六星北斗七問一物不將來時如何師云放下著進云恁麼卽纖毫不隔也師云且擡著師上堂云諸苦所因貪欲爲本若減貪欲無所依止

若是無貪欲心在處滂滂隨所碌碌山河大地不礙眼光不礙眼光則且止你道雪山童子眉毛長多少衆中還有道得者麼試對衆道看爲你證據若道不得辜負平生便下座問學人不曉三玄義請師方便第一玄師云截舌三分進云如何是第二玄師云沒證驢子夜三更進云如何是第三玄師云晴乾開水道無事設曹司問美玉貴金門何異荆山體師云錯進云恁麼卽鳳飛在處祥雲聚龍行何慮少風雷師云騎驢不把鞭一世勿模樣問如何是第一要師云全令提綱行正令却須當道與人看進云如何是第

二要師云坐食都不問莫作問禪賓進云如何是第三要師云包含大地人皆喜滿路誦諸賀太平問如何是西來意師云骨崙背象牙問色身病法身病師云江山無阻滯日月鎮長明問承聞一子出家九族生天某甲兩人出家合作甚道理師云截舌三分進云未審意旨如何師云鬧市裏臥街問擬過青山時如何師云金州出好漆問文殊云前三三後三三未審意旨如何師云昨夜風寒緊今日又溫和問如何是百尺竿頭進步底句師云南瞻部洲北鬱單越問如何是西來意師云冬無積雪夏無餘糧問如何是

三

三

三

三

古今無異路師云俗人盡裹頭進云未審意旨如何師云閻梨無席帽問得船便渡時如何師云鈍根阿師進云恁麼卽直截根源也師云下坡不走快便難逢問如何是奪人不奪境師云是肉來蠅進云如何是奪境不奪人師云沒鐙驢子夜三更進云如何是人境兩俱奪師云光漆無人識進云如何是人境俱不奪師云須彌頂上雨霖霖問如何是一印印空師云今年夏末鴈人水進云如何是一印印水師云未逢秋草死爭忍下堦行進云如何是一印印泥師云兩重公按就萬里江山應不迴問寂寂無依時如何

師云觀身實相進云與麼卽謝師指示師云廓然無邊問龍女獻珠得成佛學人無珠可獻還得成佛也無師云好日多同贈土不贈金進云恁麼卽謝師指示師云恐魔逐我後鎮壓在廳堦問古路重開時如何師云無目之人不假燈進云恁麼卽七縱八橫沒去處也師云拍手唱歌行問師子吼時無意氣文殊仗劍意如何師云一送荒郊裏千峯永不迴進云恁麼卽大衆齊合掌一時念彌陀師云不因寒食節餘日且難來問香煙起處大衆側聆當爲何事師云專聽三下鼓喚粥五更時進云此理如何師云朝霞不

三

三

三

三

出門暮霞行千里問國師禮倒鐵天王意旨如何師云驚動十方剎進云此理如何師云當言不避截舌師上堂云僧堂入佛殿裏過佛殿入僧堂裏行須彌山騎牛說話木人打鼓唱歌露柱每日拍筆撻椎拍手笑他若遇大乘根器不在於言下若是中下之機也須子細環重問未遇衆緣後如何師云虛空無瑕翳到者盡息心進云遇衆緣後如何師云任你大海變桑田廣教誰能管得你問抱璞投師請師雕琢師云把將來看進云恁麼卽得遇和尚師云元來是箇糞毬問古人有不了之句請師爲學人說師云破皮

厚三寸問自己面目終日不見時如何師云拈却牙齒著進云見面後如何師云大衆盡皺眉問黑雲遮日時如何師云道士戴簪冠進云見日後如何師云金剛眼睛大如拳問生死事大如何免得攀緣去師云喚什麼作生死進云與麼卽是佛性也師云又是七顛八倒問看經卽是不看卽是師云青山無異路東西任意遊進云太不定生師云自是盲者過非日月咎問萬里無雲時如何師云今年大旱問古鏡未磨時如何師云磨他作什麼進云磨後如何師云堪作什麼問古佛舍利爲什麼拈不上來師云家藏利

器盜者息心問路逢達道人  
不將語默對未審將什麼  
對師云將拄杖對問驪龍  
領下有珠如何取得師云  
用這糞毬作什麼

師有時上堂大衆雲集師良久以手槌胃三兩下喚侍者侍者應喏師云老僧今日頭痛却重問聞鐘聲只有這箇聲爲復別有師云腦後三斤問眞性不隨緣如何得正悟師云大洋海底紅塵起須彌頂上浪滔天問如何是大作業底人師云城外斬屠兒進云不會此意如何師云一斤秤不住問大乘以心能荷萬善時如何師云上天無路入地無門進云不會此

理如何師云沙門島裏望家鄉

汝州寶應馳開堂法嗣書來上堂有僧問花開五葉法遍乾坤時如何師云九月重陽節菊花撲鼻香進云恁麼卽慈雲普潤也師云廓然無一物光明照十方問如何是第一玄師云平常道在語必幽玄問如何是第二玄師云有問有答日月長明問如何是第三玄師云何勞龜卜問行年問鐘聲纔罷大衆臨筵向上宗乘請師舉唱師云僧排夏膺俗列耆年進云恁麼卽一雨普潤於大千也師云日出天然異光明照十方問善法堂中伸一問未審師還接也無師云

蜀地錦觀陶綿進云恁麼卽承和尚慈悲也師云廓然無障礙縱橫任意游

師上堂云諸禪德衲僧是通變道人若遇錢湯爐炭諸般厄難又如何免得若是免不得何名通變道人作麼生是透脫諸般厄難底句還有透脫得者麼試對衆道看爲你證據若是透脫不得卽是萬人作塚無人替代渠便下座問師登師子座租意事若何師云行爲佛事坐是道場進云恁麼卽橫身三界外也師云三界外底事又作麼生僧便喝師云疑殺老僧這瞎驢問向上一路千聖不傳如何是不傳底事師



云爐中添火猶嫌冷路上行人只守寒進云未審此理如何師云冬無積雪夏無餘糧進云恁麼卽謝師指示師云杖擲高聲唱棒頭頂見血學家禮拜師云教休不肯休直待雨霖頭問承古有言盡日忙忙那事無妨如何是那事師云大衆一時聞進云此理如何師云行人盡帶悲問百丈昔時參馬祖豁然蕩盡更無疑學人今日專請益乞師方便爲全提師云黃河有九曲陝府出鐵牛進云大盡三十日小盡二十九已蒙師指示向上機鋒又如何師云深領這一問擔枷過狀有等先宗進云恁麼卽學人禮拜有分也

文苑

卷之三

七

師云兩重公桡就萬里江山應不迴問衆手淘金誰是得者師云杖頭著眼看進云請師盡令師云灼然落深坑問足馬單鎗離若獨戰時如何師云腦後抽簪進云恁麼卽陣敗將軍馬空迴也師云受領銀錢莫久停

廣教勘辯語并行錄偈頌

師勘一僧曰近離什麼處僧云東京師云你因甚口上破僧云和尚也須子細師云七棒對十三庫下喚茶去師問僧口暮投林朝離何處僧云新戒不曾學禪師云生身入地獄下去後有僧舉到隨州智門明

教大師大師云何不道鑊鑪在和尚手裏因僧人事一箇書箇師問曰是箇什麼僧云和尚識取好師云元來是箇漆桶僧云請和尚收師云棺木裏努眼因聞童子念經聲乃問僧曰聞念經聲麼僧云今日勘破師云作家僧云草賊大敗師云老僧今日失利師勘五人新到云惣是雲居供養主那僧云是師云是卽一齊坐因僧入室請益趙州和尚栢樹子話師云我不辭與汝說還信麼僧云和尚重言爭敢不信師云汝還聞簷頭水滴聲麼其僧豁然不覺失聲云唧師云你見箇什麼道理僧便以頌對云簷頭水滴分

文苑

卷之三

八

明漚漚打破乾坤當下心息師爲忻然師因不安有僧問四大本空病從何來師云口談藥方終不瘥僧云不會此意如何師云唯有醍醐心地涼師因與僧俗三五行次師挂一條白棒一僧問云只是少一箇皮五指師遂豎起展五指問曰會麼其僧俗云不會師云五輪指上放毫光師因去將息寮看病僧僧乃問云和尚四大本空病從何來師云從闍黎問處來其僧喘氣又進云不問後如何師云撒手臥長空其僧云唧便告寂師與僧行路次因見死人僧便問車在這裏牛在什麼處師云你楚辭行僧云牛又無



行箇什麼師云你既無牛因甚踏破脚僧云恁麼即  
親從葉縣來也師云莫亂走師因與僧摘藤花次有  
僧問此日摘藤花他時還有果報也無師云有即錯  
僧云恁麼即無果報也師云你却是箇作家師在首  
山會裏首山一日問云喚作竹篋即觸不喚作竹篋  
即背合喚作什麼物即得師於言下豁然頓契遂於  
手中掣得竹篋拗折擲于堦下却云是什麼首山云  
瞎師便禮拜師後到襄州廣德廣德垂示云禪德直  
須是箇師子兒始得諸人惣具箇師子兒師便出問  
承和尚有言諸人總具個師子兒如何是和尚師子

廣德

廣德便作師子吼

師子

廣德便作師子吼師云這箇猶是野干鳴還我師子  
來隨後便喝撫一掌德云真師子兒師云是何語話  
德云好好問兄弟師云也不得放過師到洞山問洞  
山廓然無依法歸何處山云三翻羯磨師云恁麼即  
知音不和也山云知音不和底事作麼生師云龜毛  
拂子長三尺山云你因什麼眉鬚墮落師便禮拜問  
僧近離甚麼處僧云襄州師拽童子打一摑便喝出

埽庵

廣教埽庵廓然無邊隨緣度日任性癡憨森羅萬像  
凡聖共傳有人到此雪山西畔

送僧往東京

攀送老兄入梁園杲日當軒不計年為報我師林下  
偈無心照破萬重關

師有頌三首上監務祠部

祠部見處少人知棲心歇地更無疑有人借問平生  
事日出東方月落西

祠部見處處處通山河大地是家風任他前面花錦  
樹無心伏物演真宗

祠部見處廓然安森羅萬像在目前任他前面歡與  
樂隨緣度日化人天

廣德

廣德便作師子吼

師子

先師有頌師逐句下釋語

背陰山子日陽多云迥然南來北往意如何云不曉  
有人借問西來意云從來東海東頭有新羅云大地  
師不安有二頌無間斷

我今有病無見無聞清虛之理日月長明

我今有病罕遇知音直饒明得喪却平生

年老有頌

幻年七十三真性不隨緣廓然無障礙清虛獨湛然  
僧不問話乃述頌五首

是你不問話山僧不答禪日頭恰正午笑破土地口

是你不問話山僧沒合煞日午打三更露柱夜說法  
是你不問話山僧實驚訝久後一百五廣南出象牙  
是你不問話山僧沒可把鼻孔在這裏拈來鷲頭打  
是你不問話山僧沒可誇蕩蕩隨緣去湖南出紵麻

木魚詞

木魚詞木魚詞橫身三界臥擺頭掉尾瞬金鱗凡聖  
縱橫不奈何老胡聞聳耳聽聲聲振動古佛心逍遙  
自在無私曲蕩蕩行時任騰騰指日月太山崩踴躍  
躍躍魔軍驚孝吼吟時雲隊隊大洋海底霹靂聲

共施主送羅漢供到南岳有頌

夙生慶幸共結良緣羅漢遺蹤日月青天松蘿鬱茂  
取性巖邊道人行處滿目江山露地白牛廓然無伴  
森羅萬像只在目前若人不會何處相見有人問著  
直下看箭

邀僧遊山頌

遊山日促路嶮巖結束行裝莫駐疑來日遍看山有  
色擬心棲處隔山迷

山門供養主經過覓頌

諸方化主往來多青山綠水意如何演若達多應認  
影不知鷄子過新羅

讚寶應第二代和尚真

師真師真貌古稜層言直訣烈去住分明森羅萬像  
普濟羣心往來禪子大岳石崩  
我師之真何用丹青形如滿月徧布乾坤

送僧往東京有頌

攀送高僧入梁園春去秋來不計年蕩蕩行時無邪  
路江山無滯笑西天雪山童子言下喝擬議中間萬  
萬年

燈籠

一盞金燈號玲瓏四方八面不施工照破乾坤黑暗

處山河大地是家風

送供養主

化主別仙邑南北無西東超然威音外縱橫處處通  
明暗皆自爾寂然天地空萬緣俱頓息哮吼振乾坤  
先師三周年忌

師真似日三周已畢遍布乾坤翹足七日大展壇風  
狐魅屏跡香茶供養光漆誰識

與僧看榧子

榧子黑榔檣無心是道場高僧食一頓果熟自馨香  
送檀供養主

前程化道莫辭辛隨緣兀兀任浮沉雲去水來爲伴  
侶時時哮吼振乾坤

雪下有頌四首

此日好雪誰言水潔粟米白銀新羅日月

此日好雪萬民樂業大展長空凡聖路絕

此日好雪何勞言說萬物無心江山日月

此日好雪廓然敗賊逼塞乾坤誰人分別

夏末送僧

高僧相伴過九旬誰人言說話宗乘離凡離聖縱橫  
妙何人擬議落千峯

五言

五言

五言

僧親近云不知和尚門風師有頌

廣教無門風縱橫處處通大地紅塵起失却主人翁

雨下

此日好雨乾坤無路日月長明西方淨土

人事手巾與史諫議述十頌

廣教手巾無功無能觸目受用青山白雲

廣教手巾亘古亘今寂寥虛廓打破乾坤

廣教手巾不協衆情有人借問大岳石崩

廣教手巾何勞心神明暗自爾青山白雲

廣教手巾瞬目相呈露地白牛非凡非聖

廣教手巾誰見誰聞直下便會喪却平生

廣教手巾日月長明縱橫自在新羅國人

廣教手巾非功織成隨緣度日任性浮沉

廣教手巾逼塞乾坤賢愚意解笑殺胡僧

廣教手巾不用持論言前薦得翳却眼睛

西禪深和尚請齋頌云莫推延莫推延從來此

事只如然騰雪雰雰兩度降不由人主不由

天

大師荅頌

不推延不推延森羅萬像在目前騰雲雰雰天地黑

五言

五言

五言

露地白牛遍大千

遊草庵頌

忽覩庵園任性癡憨有人到此如隔開山

備茶筵送供養主師後逐句識

有鹽無醋

釋云如賊入空屋有菜無油

隨緣兀兀

釋云任性百味坏羞

僧言話次乃有頌

一到仙州四十秋隨緣兀兀到此休幸遇高僧相伴

後縱橫不意到峯頭

僧寫真呈師師遂成頌自識之

誰人寫真動用乾坤妙筆丹青口吐詞華明暗自爾乾濕同方

何勞心神任性浮沉吾真非假觸類有得圖畫非真擬心即差

容貌陋質天不益遍布乾坤應物現形

### 年邁乃有頌

廣教六十八凡聖俱歇滅有人相借問九月重陽節

廣教六十八誰人相體察直下便會得腦後三斤鐵

### 送供養主

一年春盡一年春相煩化道任浮沉森羅萬像無私

曲一聲纔動斬乾坤

### 扇子

廣教一柄扇本來無背面有時在手中要且無人見

### 拄杖

山僧一條杖縱橫無比量有時在手中應用遍十方

### 筇竹杖

筇竹九節縱橫無邪大展長空凡聖路絕

### 頌兩堂上座下喝

兩堂上座齊下喝瞽目之人無分別凡言賓主句下

分何勞龜卜問前程

### 示徒

廣教一言凡聖共傳直下便會萬里江山

### 僧請益

兀兀隨緣任浮沉不拘春夏及秋冬閨梨請益平生

事問取寒山始知音

衲僧衲僧不用持論言前薦得腦後三斤

### 李都尉問和尚生日述成十頌

山僧生日處處真隨緣兀兀任浮沉森羅萬像無私

曲日出天然照乾坤

山僧生處廓然寧不拘凡聖自在行任他前面歡與

樂無心伏物賀太平

山僧生處碧雲中情與非情共一眞明暗盡時無邪

路明明不墮聖凡前

山僧生處少知音任性隨緣過幾春有人借問平生

事石人打鼓木人聽

山僧生處據令行十方禪子盡皆驚若人解接無根

樹海裏能挑水底燈

山僧生處正令行野老謳謠盡傳名若人不識金剛

用涅槃山側井中人

山僧生處亘古今誰人言說話宗乘離凡離聖縱橫

妙腦後抽簪祭鬼神

山僧生處在林中碧澗虎聲驄英雄迴驚動十方



剎萬里江山入千峯

山僧生處峯頂上迦葉聞鐘出洞門粉骨碎身千萬劫思量難報我師恩

山僧生處碧潭中不拘春夏及秋冬一刀兩段須休去何人擬議落千峯

僧親近乃有頌

廣教一言直下人嫌若人借問萬里江山

上堂有頌

四十五年在仙州凡聖縱橫任君遊有人借問如何事夜至三更到崖州

古尊宿語錄卷二十三

古尊宿語錄卷二十三

三

古尊宿語錄卷之二十四

潭州神鼎山第一代禪師語錄

神鼎禪師名洪諱襄水扈氏子自遊方一衲以度寒暑嘗與數耆宿至襄沔間一僧舉論宗乘頗敏捷會野飯山店中供辦而僧論說不已師曰三界唯心萬法唯識唯識唯心眼聲耳色是甚麼人語僧曰法眼語師曰其義如何曰唯心故根境不相到唯識故聲色縱然師曰舌味是根境否曰是師以筋夾菜置口中含胡而語曰何謂相入邪坐者駭然僧不能答師曰途路之樂終未到家見解入微不名見道參須實

參悟須實悟閻羅大王不怕多語僧拱而退後返長沙隱於衡嶽三生藏有湘陰豪貴來遊福嚴即師之室見其氣貌閑靜一鉢挂壁餘無長物傾愛之遂拜跪請曰神鼎乃我家植福之地久乏宗匠願師俱往何如師笑而諾之即以已馬負師至十年始成叢席一朽牀爲說法座

開堂日指法座云未登此座化緣已畢諸人還委悉麼若委悉散去得也若不散去不免登於此座入方便品第二去也且不得恠山僧便陞座拈香此一炷香奉爲今上皇帝聖壽無疆第二炷香爲府主學士

合郡尊官伏願長光佛日永佐明君第三炷香此香不是戒定慧香亦非旃檀沉水只是汝州土宜便燒云供養首山和尚以酬法乳師遂敷座顧視大眾云摩竭陀國親行此令大眾還知落處麼一句子該天括地迥超格外在衆聖之前所以五天和不齊梵夾不持來釋迦掩室於摩竭淨名杜口於毗耶三乘教外一句別傳敢問大眾作麼生是別傳底試對衆道看通相證明良久云直饒道得亦未稱祖師意且道如何稱得祖師意諸兄弟直須打辦精神究徹根源到這裏不可說菩提涅槃真如解脫向上向下坐禪

入定造橋梁開義井得麼然則如是不可無言也山僧初行脚時發足亦無正意參禪學道只欲東京聽一兩本經論以資平生不期行來行去到汝州襄城縣恰遇汝州風發鼓上首山就中見一老和尚彼時蒙它劈頭一錐直得浹背汗流當時不覺禮拜了悔之不及大眾且道悔箇什麼悔不拽下禪牀痛與一頓雖然如是官不容針私通車馬下座

小參舉洞山云貪嗔癡太無知賴我今朝識得伊行便打坐便槌分付心王子細推無量劫來不解脫問汝三人知不知師云古人與麼道神鼎則不然貪嗔

凝實無知十二時中任從伊行卽往坐卽隨分付心  
王擬何爲無量劫來元解脫何須更問知不知舉資  
福三句語第一句祖師不知有師云無人解會第二  
句與祖佛爲師師云鼻孔在山僧手裏第三句稱提  
祖佛師云分明向你道舉僧問首山如何是和尚家  
風山云一言截斷千江口萬仞峯前始得玄師云首  
山只解說家風不解用家風僧問如何是用家風師  
云徑乃云首山老漢若在聞神鼎恁麼道必然大笑  
一場且道肯神鼎不肯神鼎試商量看諸上座夫叅  
學須具叅學眼始得若只愛它人語句記在意識下

自不能截斷俗士尚云男兒不用分時財衲僧家合  
作麼生猛著精彩始得玆重舉僧問靈泉和尚云如  
何是靈泉印泉云不傳不受曰交代時如何泉云淮  
南船子看洛陽師云古人與麼道意在如何要會麼  
不傳不受玆重舉僧問靈泉云如何是靈泉曲泉云  
無弦琴有韻絲竹動搖天曰還有知音也無泉云有  
曰如何是知音者泉云上石人齊撫掌溪邊野老  
始知音師云神鼎卽不然僧便問如何是神鼎曲師  
云要唱便唱曰還有知音也無師云有曰未審是什  
麼人師云無心意識者師云神鼎與麼道與靈泉如

何試商量看須知各各家風事不同珍重

小叅舉古金峰頌云學道如鑽火逢烟未可休直待  
金星現歸家始到頭師云神鼎卽不然學道如鑽火  
逢烟卽便休莫待金星現燒脚又燒頭且道神鼎恁  
麼道爲當違古人順古人別有道理汝道入麼去底  
人好入麼來底人好到這裏須具衲僧眼始得莫受  
人瞞珍重

小叅良久舉鏡清上堂良久有僧問祖歌如何唱清  
云拖送醉人酒曰入麼則辜負和尚也清云猛虎不  
食伏肉師云古人恁麼道句前明句後明會麼未問

已前會取好

小叅舉僧問趙州黑豆未生芽時如何州云好合醬  
師云神鼎卽不然若問黑豆未生芽時如何向伊道  
堪作什麼乃有頌曰黑豆未生芽誰道好合醬本色  
衲僧聞堪是甚模樣華岳頭倒卓須彌脚直上莫言  
無法用看取者相狀乃云古人與麼道神鼎與麼頌  
且道違古人順古人還會麼合醬也不中是什麼道  
理了取始得玆重舉僧問香嚴如何是道嚴云枯木  
裏龍吟曰如何是道中人嚴云觸體裏眼睛後有僧  
舉問石霜枯木裏龍吟時如何霜云猶有喜在曰觸

體裏眼睛時如何霜云猶有識在師云石霜一向打疊去空界裏作活計後有僧舉似曹山山云這石霜老聲聞作這見解曹山有頌云枯木龍吟真見道體無識眼初明意識盡時消息盡當人那辨濁中清師云恁麼會取好

小叅舉烏窠和尚有小師辭窠問向什麼處去曰學佛法去窠云若是佛法我這裏也有些子小師便問如何是和尚佛法窠於身上拈起布毛示之隨後便吹小師忽然大悟師遂於身上拈起布毛呈大衆隨後與一吹云會麼久後不得辜負老僧珍重

支那  
撰述

事類彙編卷之四

五

小叅舉令初上座領衆上石門門曰萬仞峯前石牛吼穿雲渡水意如何初無對門云山僧住持事大叅堂去石門後舉令僧下語曰久響和尚又云訪道尋師明的肯覺了根源顯異機門曰當時令初上座若下得遮語不將它作參學人師云不喚它作參學人喚作什麼人會麼把手共行無間路舉古人曰游江海涉山川尋師訪道爲參禪自從認得曹溪路了知生死不相關作麼生是曹溪路有僧云得者飲水之義向阿誰說之師曰知云某甲卽如是師意又如何師云出僧堂入佛殿便下座

小叅舉紫胡有狗上取人頭中取人腰下取人脚你若擬議卽喪身失命師云古人提唱一段因緣你道恁麼時下得什麼語神鼎當時若在他會裏便出云者畜生又云或亦作退身勢白兆和尚亦云白兆有狗上不取人頭中不取人腰下不取人脚也不擬議咬得他死便得僧問如何是白兆狗兆作狗聲僧云猶是喋屎狗兆云作麼生是咬人狗僧把衲衣角使拂兆便打師云白毚道也不擬議咬得死便休且道其僧便拂毚便打誰得誰失白毚大似喪車後掉藥袋亦有僧問如何是神鼎狗向伊道誰敢倚門傍戶

支那  
撰述

事類彙編卷之四

六

僧禮拜向伊道神鼎也大嶮有僧便請益此語師云我當時要箇不惜身命底人直至如今無人稱得老僧意你兩箇吐露箇消息看僧擬議師云死

小叅舉瀉山示衆云老僧百年後於山下作一頭水牯牛左肋下書瀉山僧某甲正當與麼時喚作瀉山僧又是水牯牛喚作水牯牛又是瀉山僧且作麼生商量師乃有頌不道瀉山不道牛認著何處有來由分明裂破應須會會得還同不繫舟

舉石門示衆云家山好家山好家山內有無根草澄源異草競芬芳春雷一震金仙道師云作麼生是春



雷與大眾說破得麼喝一喝下座

小參舉南泉上堂僧問摩尼珠人不識如來藏裏親收得珠卽不問如何是藏泉云與你往來者是僧云不往不來者又如何泉云亦是藏僧云如何是珠泉喚僧應諾泉云你不曾我意師乃有頌曰渠問摩尼珠摩尼在何許呼名應荅聲諸方莫錯舉

小參舉僧問風穴如何是第一句穴云三要印開朱點窄未容擬議主賓分師隨後一喝如何是第二句穴云妙解豈容無着問溫和爭赴截流機師着語云未問已前錯如何是第三句穴云但看棚頭弄傀儡

牽拙都在裏頭人師着語云明破卽不堪所以首山和尚道第一句薦得與祖佛爲師第二句薦得與人天爲師第三句薦得自救卽不可又云自救也不了師云神鼎亦有人問如何是第一句云蒼天蒼天如何是第二句云有什麼驢漢如何是第三句云近前來向你道才近前便打若恁麼會得也不辜負祖師西來若是從頭一一問過幾時得休佛法不是磨稜合縫底道理似這一脉說話須是久在它門風來始得直是嫌佛不作嫌法不說方可如是子細珍重小參舉古人云是日已過命亦隨滅如少水魚斯有

何樂師云古人恁麼道非有利益非無利益神鼎卽不然是日已過命亦隨滅如少水魚有何不樂且道違古人順古人試檢點看珍重

舉古

僧問首山一毫未發時如何山云路逢穿耳客曰發後如何山云不用更遲疑曾有僧問神鼎一毫未發時如何神鼎只向伊道白雲嶺上云發後如何師云澗下水流師乃云若是前來兩轉語有可咬嚼東看西看若是神鼎者語如喫木札瓦片相似實無滋味直是自見自悟始得會麼天高東南地傾西北肅宗

帝問忠國師百年後所須何物國云與老僧作箇無縫塔帝云請師塔樣國師良久云會麼帝云不會師云吾有付法弟子耽源却諳此事已後但問此人國師遷化後帝詔問耽源源亦良久云會麼帝云不會源有頌湘之南潭之北中有黃金充一國無影樹下合同船琉璃殿上無知識師曰前來國師如此作用不能明了次問耽源源恁麼頌且道盡善不盡善雖成方便須體解始得會麼神鼎爲你諸人下四轉語湘之南潭之北師云君臣有路中有黃金充一國師云淨妙體常無影樹下合同船師云千聖同轍琉璃

殿上無知識師云凡聖路絕師云若是恁麼會去必不相賺神鼎恁麼注解只是辜負國師馬王請石門蘊和尚住夾山鑒駕出接自問如何是西來大道蘊云御駕六龍千古秀玉街排杖出金門師云一等是祇對王臣太哥三昧寬廓何也恁麼祇對又不辜負西來大意义善能回互其中事理縱然若有問神鼎如何是西來大道對云行且道與古人是同是別久參禪客於神鼎語中有箇見處沒量大人只怕往往蹉過僧問大哥和尚千鈞之弩不爲鼯鼠而發機忽遇大殺活底人來時如何哥云漢王纔入鴻門會項

莊舞劍始知難又云單雄解弄棗木梨尉遲隨後唱番歌師云如有問千鈞之弩不爲鼯鼠而發機忽遇大殺活底人來時如何神鼎卽向他道千鈞之弩不爲鼯鼠而發機亦曾有人問神鼎千鈞之弩不爲鼯鼠而發機答他道阿刺刺阿刺刺其僧擬議劈脊便打且問諸人是什麼道理須知各家風事不同究竟好忠國師問僧近離什麼處僧云南方國云南方知識以何法示人曰南方知識道一朝風火散滅如蛇脫皮如龍換骨本來真性宛然無壞國云苦哉苦哉南方佛法半生半滅僧便問未審和尚此間如何

國云我此間身心一如身外無餘僧云何得將泡幻之身同於法體國云你爲什麼入於邪道僧云什麼處是某入於邪道國云不見教中道若以色見我以音聲求我是人行邪道不能見如來師云若據者僧恁麼道傳語也不解累它南方知識據國師恁麼亦是龍頭蛇尾前來身心一如何什麼處去試檢點看珍重

小叅舉瀉山與仰山行次瀉問仰曰前頭是什麼仰云枯樹子瀉又問芸田翁翁亦云枯樹子瀉云這田翁他後亦匡五百衆師云爲復意在芸田翁處爲在

仰山處爲復總不恁麼諸上座一切諸法縱然更不用生事它是父子說話同道者方知珍重僧問先德遠達投師請師一接德云兩股金環鳴歷歷如來寶杖親蹤跡要會麼有問有答罕遇知音又問一先德云遠達投師請師一接德云地湧無源水石人駕慈舟師云此語爲復與前來語同耶別耶雖然一箇門風也須是知它尊宿發語處始得作麼生是地湧無源水石人駕慈舟會麼海闊無舟往來不隔却重南泉云我十八上便會作活計趙州云我十八上便會破家散宅你道破家散宅好解作活計好初機底人

且紹前語久參底人直須破家散宅更有一言萬里崖州僧問石門如何是和尚家風門云解接無根樹能挑海底燈後其僧入室問學人不解挑燈意請師方便接無根門云賈島筆頭挑古韻下筆之處阿誰分又云難遇知音神鼎當初問如何是知音門云逢迎直言三歲子唱起巴歌異路行又頌無形無相大威神爲接羣生展手頻爲道不遮圓鑑體金鳥常出海東門師云石門恁麼道恁麼頌還會石門家風麼良久云金鳥常出海東門却重梁山觀和尚悟道頌云昔時珍寶被塵埋何事今朝出故懷參道喜明無

說句通玄不是意中猜一炷定光輝法界萬重塵鏤豁然開超今異古終難況幸感西胡特地來師云諸上座古人恁麼道意在於何且問諸人作麼生是昔時珍寶試對衆道看道得神鼎與你酬箇價數若道不得猶如糞土久立

小參風不鳴條雨不破塊卽且止作麼生打得箇翻車筋斗到梵天去若有出來作箇伎倆有麼莫教帝釋惡發後有僧入室某甲當時出來左轉一轉便歸衆師云莫教帝釋惡發又作麼生僧云知恩者少負恩者多師云築着鼻孔

應機揀辨

問如何是賓中賓師云瞎如何是賓中主師云一似瞎問如何是主中賓師云放你三十棒問如何是主中主師云耶了問如何是接初機句師云山河大地問如何是辨衲僧句師云七棒對十三問如何是正令行句師云不通貶眼云如何是立乾坤句師云你擬作麼會問古人有言靈山話月曹溪指月如何是真月師云照問六國未寧時如何師云道什麼云寧後如何師云講殺人問內外追尋一物無時如何師云月似彎弓少雨多風問古澗寒泉時如何師云不

是衲僧行履處云如何是衲僧行履處師云不見有古澗寒泉問家家門前火把子意旨如何師云四時八節問問不轉時如何師云卽今是轉不轉云謝和尚點破師云通身覺路玄問輪回六道底人畢竟如何師云不願成佛曰爲什麼不願成佛師云佛亦不究竟云請一言師云昨日猶記得今朝話無門問不施寸刃便登九五時如何師云海晏河清日治化事如何師云萬戶無門鑰鼓腹和大平問路逢達道人時如何師云勘破問學人擬入海時如何師云海生海口恁麼則全承此恩力也師云黑風吹羅刹回光

却得妙問曉夜不停時如何師云是誰不停問倒戈卸甲時如何師云大勲不豎賞曰請師原賜師云退問正馬單鎗時如何師云神鼎打退鼓曰畢竟事如何師云想你不是者手脚問菩提涅槃即不問戴角披毛事若何師云不是上座分上事如何是學人分上事師云待你到這田地始向你道曰便怎麼時如何師云退身三步問二王相見時如何師云膝行肘步曰怎麼則全歸一主也師云天下浩浩問丹青獨步時如何師云老僧只管看破也曰照破後如何師云還我話頭來問古人道午前來者木人喚得回頭

午後來者木人喚不回頭正當午時喚即是不喚即  
是師云鵬月二十五問然燈前即不問然燈後亦不  
問如何是正然燈師云一輪光灼灼今古無晦冥問  
諸法未聞時如何師云風蕭蕭雨颼颼云聞後如何  
師云領話好問蓮花未出水時如何師云千山萬水  
云出水後如何師云萬水千山問古帆未掛時如何  
師云到岸也云到岸後如何師云猶是鈍漢問師子  
未出窟時如何師云吼曰出窟後如何師云悄問魚  
鼓未鳴時如何師云看天看地云鳴後如何師云捧  
鉢上堂問和尚未見先德時如何師云東行西行云

見後如何師云橫擔拄杖問達磨未來時如何師云  
西天此土云來後如何師云此土西天問寶劍未出  
匣時如何師云很烟競起云出後如何師云天下太  
平問牛頭未見四祖時如何師云天知地知云見後  
如何師云猶較些子問和尚未見先德時如何師云  
山河大地云見後如何師云日月星辰問撥塵見佛  
時如何師云佛亦是塵問覺花未發時如何辨其真  
實師云冬寒夏熱又云天寒打撼戰問兩手獻尊堂  
時如何師云是什麼問學人到寶山空手回時如何  
師云鵬月三十日間戴角披毛即不問寶劍出匣事

如何師云問處甚分明曰怎麼則盡法無民師云知  
特別儀堪作閤黎問三車引不出時如何師云好曰  
意旨如何師云宜應自忻慶問如何是和尚家風師  
云饑不擇食又云逢迎不展手門外有三車問如何  
是接人之機師云齋後來向你道曰即今為什麼不  
道僧隨聲一喝師云好僧禮拜云放你三十棒問如  
何是和尚為人句師云拈柴擇菜曰莫只者便是也  
無師云更須子細問如何是和尚辨衲僧句師豎起  
拳曰未審意旨如何師云你不妨辨得好師在眾日  
僧問上座久後唱誰家曲調師云手執無絃琴騎牛



脚打鼓問如何是道人活計師云山僧自小不曾入學堂問濟物利生事如何師云闍黎有問山僧有答問如何是和尚深深處師云柴門不掩任聽往來曰還許人就近也無師云且領前話官人指木魚問這箇是什麼師云驚回多少瞌睡人官云泊不到此問師云無心打無心問古人道解接無根樹能挑海底燈如何是無根樹師云日用不知如何是海底燈師云徹髓問如何是清淨法身師云灰頭土面為什麼如此師云爭性得山僧曰未審法身上還有事也無師云有曰如何是向上事師云毗盧頂上金冠子

文淵

法苑珠林卷之十四

五

問殺父殺母佛前懺悔殺佛殺祖什麼處懺悔師云水長船高問如何是真如體師云如如不動云如何是真如用師云斬問隔牆見角早知是牛隔山見烟便知是火隔牆不見角是什麼師云不應問山僧問布以七淨花浴此無垢人既是無垢人為什麼却浴師云清淨亦不立問菩提本無樹何處得子來師云喚作無得麼問持地菩薩修路等佛和尚修橋等何人師云近後又云修猶未了在僧問首山如何是佛山云新婦騎驢阿家牽因僧請益師乃有頌新婦騎驢阿家牽誰後復誰先張三與李四拱手賀堯年又

頌從上諸聖總皆然起坐松諸沒兩般有問又須向伊道新婦騎驢阿家牽師復云然雖如此未盡首山大意在僧云如何是首山大意師云天長地久日月齊明

靈雲桃花

傷嗟尋劍客桃花遇春開靈雲一見處令我咲哈哈

偶述三傷

長安甚樂到人稀千聖到者須知不是歸直道迥超凡聖外云有人由是曹溪第二槌自在神鼎寺少鹽康無醋云外推雲水若到來撒

文淵

法苑珠林卷之十四

五

手空回去無一法與人直下無一物休言無着處四大本空禪流聞此說不用更重注更重注

歲旦云眾不下山

今年六十九到與廣四大將衰朽知自此不下山休

白雲且相守任麼過時

僧見師舉話略有揀辨乃問如何得似和尚去

師云闍黎受屈作麼

一自學參玄諸方不問禪水聲流自響舉目看青天有宰官問師坐禪如何師頌云

寂寂無一事醒醒亦復然森羅及萬象法法盡皆禪

冬節頌

冬節年年事世俗多般異祖師門下客長舒兩脚睡  
食後三巡茶以表山僧意鼓聲若動時敢望同來至  
師不赴王莽山請僧問佛不違衆生之願和尚  
爲什麼有請不赴師云莫錯恠老僧好頌曰  
一月普現一切水一切水月一月攝若人解了如斯  
意大地衆生無不徹

師在衆時與汾陽昭和尚共作拄杖頌

昭頌

一條拄杖標揭徑直螺文爆節有時橫擔肩上大地

乾坤挑括

師頌

得處不在高峯亦非深溪澗壑如今幸得扶持老病  
是爲依托一朝卓在孤峯一任諸方拈掇

頌上玉泉和尚

一種輪回又一迴入鄺垂手化羣迷智大豈留生歿  
界悲深不住涅槃堦毗盧經卷塵中現優鉢羅花火  
裏開非但我今難比况千佛稽首歎奇哉

示初機

一步一登臨無非般若心逢人只麼道終不悞他人

珍重何方去家山一道光箇中若不會塵劫受忙忙  
送清首座

神峯寒露別知音此後同誰話此心出匣大聲驚宇  
宙甚時終得會衣襟

此日登途去烟雲氣色全我無相憶語更在蘊於言  
偶述八偈

淡薄且隨時家風誰得知有人來請益搔頭未許伊

神鼎有一機不用更遲疑日午打三更白淨崑崙兒

神鼎有一言絕慮不忘緣日頭恰正午晝夜過西天

神鼎有一約不用更斟酌分明向你道文殊問無着

神鼎家風水泄不通禪客上來換手槌育

神鼎一言瞥爾三千禪客上來急急前行

神鼎一說不用分別禪客上來清風明月

生緣裏水度歲華偶携餅錫看天涯路逢一人穿耳

客咄我回頭得到家自此端然無一事今居神鼎卧

雲霞有人若問西來意遙指南山一段畬

門人寫真求贊

神鼎真誰人寫吾之相一如也真相既爾秋天月夜

瞻之寫之摩訶般若

古尊宿語錄卷之二十四

金壇居士下五立施貴刻此  
古尊宿語錄卷第二十四計字六千九百九十  
個該銀三兩六錢三分五厘  
宛陵釋如圭對上元丘叡民書陶文記刻  
萬曆丁巳歲春三月經山化城寺識

古尊宿語錄卷之二十五

筠州大愚芝和尚語錄

師太原王氏子陞座僧問如何是和尚家風師云一言已出駟馬難追問如何是城裏佛師云十字街頭石幢子問如何是爲人一句師云四角六張進云意旨如何師云八凹九凸問不落三寸時如何師云乾三長坤六短進云意旨如何師云切忌地盈虛問昔日靈山分半座二師相見事如何師云記得麼僧良久師打禪牀一下云多年忘却也師云且住且住若向言中取則句裏明機也似迷頭認影若也舉唱宗

通

古尊宿語錄卷之二十五

一

乘大似一場寐語雖然如是官不容針私通車馬放一線道有箇葛藤處師遂打禪牀一下云三世諸佛盡皆頭痛且道大衆還有免得底麼若一人免得無有是處若免不得海印發光師乃豎起拂子云者箇是印那箇是光者箇是光那箇是印掣電之機徒勞佇思會麼老僧說夢且道夢見箇什麼南柯十更若不會聽取一頌北斗挂須彌杖頭挑日月林泉好商量夏末秋風切

開堂升座僧正宣疏白槌罷有僧問大用現前不存軌則請師揮劍師云點眼知人意看取令行時進云

腦後穿師云齋後鐘問如何是佛法大意師云推天磕地問心法無形如何彫琢師云一丁兩丁進云未曉者如何領會師云透七透八問如何是大愚境師云四面峯巒秀泐江一帶清進云如何是境中人師云滿城公子貴林下道人棲問拈槌豎拂卽不問當機一句事如何師云焦頭燎面進云雷音已徹青雲外向上極則又如何師云且領前話乃云問話且住淨名杜口猶涉繁詞達磨西來平欺漢地放一線道去也放箇葛藤處所以李長者云有情之本同智海以還源抱識含流總法身而爲體諸仁者旣是總法

支明

古尊宿語錄卷之二十五

二

身而爲體還知道須彌吞却法身法身吞却須彌麼諸仁者朝夕與古佛同參與諸方老和尚同參山僧今日與大衆同參且道恭箇什麼如是定當得且認得箇著衣喫飯猶去衲僧半月程在若定當不得來年更有新條在惱亂春風卒未休

上堂僧問如何是道師云八斛四斗進云如何是道中人師云煮粥煖飯問寶劍未出匣時如何師云切忌道著進云出匣後如何師云天魔腦裂乃云舉一步須彌峯峇海水騰波不舉一步放微塵國上助一切諸佛出興於世轉大法輪還信得麼若信得西瞿



耶尼喫飯去

上堂僧問如何是祖師西來意師云白日燒地眠夜間炙地卧問既是清淨法身為什麼却澡浴師云頭出頭沒進云為什麼如此師云只為如此問古鏡未磨時如何師云照破天下人羶體進云磨後如何師云黑似漆

上堂僧問洪鐘纔擊大衆雲臻祖意西來乞師垂示師云六丁六甲進云未曉者如何領會師云會卽錯問馬師未見讓師時如何師云緊進云見後如何師云切問如何是佛師云鋸解秤鎚師云德山入門便

棒臨濟入門便喝一棒一喝若雙峰而互出賓主未辨恹恹而萬里鄉關照用雙行擬擬而千差塞路諸上座到者裏如何話會乃云棒喝齊施早已賒古今皆贊出周遮二途不涉憑何說南海波斯進象牙上堂僧問特特上來伸三拜乞師分付拄杖子師云科進云恁麼則功不虛施也師云重因請首座開堂僧問承和尚有言一人悟道三界平沉首座悟道三界還沉也無師云不淹不抑進云一言纔出大地全收師云落三落四師乃云爲衆竭力蓋爲袞袞同肩一處喫針莫是人各披一條同鍋喫飴麼此是分見

還知道三世諸佛共披一條所以釋迦身長丈六留下袈裟與彌勒彌勒身長千尺披得恰好何故如此蓋爲長者長法身短者短法身要得易會麼古佛與露柱相交佛殿與天王鬪額若也不會單重交拆上堂云有時一喝只作一喝用有時一喝作探竿影草有時一喝如踞地師子有時一喝如金剛王寶劍若是金剛王寶劍不敢正眼覷著覷着卽喪身失命乃有頌云不是干將鑄那關四氣吹匣內青蛇吼逢妖任便揮若得全提者當機豈失時毗盧驚得走大衆盡攢眉

上堂云大愚相接大雄孫五湖雲水競頭奔競頭奔有何門擊箭寧知枯木存枯木存一年還曾兩度春兩度春帳裏真珠撒與人撒與人思量也是慕西秦舉僧問汾州和尚如何是接初機句州云汝是行脚僧如何是辨衲僧句西方日出卯如何是正令行句千里特來呈舊面如何是立乾坤句北俱盧州長梗米食者無貪亦無嗔師云將此四句語以驗天下衲僧子細思量將此四句語被天下衲僧一時勘破筠州府王李密諫請就上藍開堂乃拈香云恭爲今上皇帝萬歲太后千秋又拈香云此一瓣香奉爲府

主密諫洎闔郡官僚常居祿位此一瓣香奉爲施主  
檀那在遙龍象師乃云還有人委得落處麼若委得  
隨機利物應化無方天上人間出沒卷舒縱橫自在  
若也未委落處釋迦老子三世諸佛二十八祖天下  
老和尚一時拋在爐中從聽老僧葛藤時有僧問如  
何是佛師云還記得麼僧云若不請益爭知如是師  
擊禪牀一下云早是忘却了僧云放和尚一線道師  
云一任踴跳問如何是洪州境荅云滕王閣下千峯  
秀孺子亭前薄霧生僧云如何是境中人荅云出入  
敲金鏐朱衣對錦屏問如何是翠巖境師云洪井滔

滔急山高勢近人問如何是境中人師云朝去暮歸  
師復云問話且止山僧道薄人微素無德行叨承密  
諫諸官僚同伸堅請陞於此座上荅皇恩國祚永安  
法輪常轉且道法輪作麼生轉欲得會麼須彌山上  
倒翻身却來堂中疊足坐呵呵呵是什麼飯籬裏坐  
却受餓和泥合水與麼過上士聞之嘿嘿下士聞之  
背可子細思量却成口過要會麼一六三四二直言  
曲七一桃李火中開黃昏候日出久立尊官伏惟珍  
重

上堂云翠巖路滑徒勞吟思又云翠巖路崆嶸舉步

涉千谿更有洪源水滔滔在嶺西擊禪牀下座  
上堂云樵婦檐柴醫王辨價藥多病甚便下座  
上堂舉雪竇和尚云一問一答總未有事在假饒盡  
大地乾坤草木叢林盡爲衲僧異口同音致百千問  
難不消老僧彈指一下並乃高低普應前後無差師  
云翠巖卽不然盡乾坤大地微塵化爲衲僧各致一  
問問問各別却向伊道你許多衲僧皮下還有血麼  
上堂云爲衆竭力禍出私門便下座  
上堂云槌鐘擊鼓聚集諸上座上來下去子承父業  
賺殺多少人

上堂舉盤山頌云光非照境境亦非存光境俱忘復  
是何物師乃豎起拂子云微塵諸佛光明總在這裏  
照破你諸人心肝五臟脾胃肝膽衲僧面前不得道  
着切宜忌口擊禪牀下座

小叅示衆云一擊響玲瓏喧轟宇宙通知音纔側耳  
項羽過江東與麼會恰認得驢鞍橋作阿爺下頷  
小叅示衆云僧中有奇人俗士中亦有奇人聖朝楊  
億侍郎有頌云八角磨盤空裏走金毛師子變作狗  
擬欲藏身北斗中應須合掌南辰後師云要會麼一  
偈播諸方塞斷衲僧口下座

上堂云有句無句如藤倚樹樹倒藤枯恰認得箇倒根處

上堂云霧卷雲收江山迥秀不傷物義波斯去帽

上堂云籠言及細語皆歸第一義諸上座每日上來

老僧說麼誰嚇諸人雖然如是子承父業賺殺多少

人下座

上堂云十地驚心二乘罔測銅頭鐵額擊禪牀下座

上堂云端然據坐度脚買靴左視右顧不准一錢

上堂舉先翠巖云我一夏與師僧東說西話你看我

眉毛在麼保福云作賊人心虛師云何故如是得人

下座

一牛還人一馬下座

上堂云大洋海底排班位從頭第二鬚毛斑爲什麼

不道第一鬚毛斑要會麼金鑲銀絲成玉露高僧不

坐鳳凰臺下座

上堂云豎窮三際橫徧十方拈起也帝釋心驚放下

也地神膽戰不拈不放喚作什麼自云蝦蟇下座

上堂云若有仙陀者更不待毫光下座

上堂云三世諸佛不知有狸奴白牯却知有乃拈起

拂子云狸奴白牯總在這裏放光動地何謂如此兩

段不同下座

上堂云德山入門便棒臨濟入門便喝翠巖這裏卽

不然三門前好與三十棒何謂如此棒喝齊施早已

賒古今皆贊絕周遮二途不涉憑何說南海波斯獻

象牙下座

上堂云大衆集定現成公案也是打牒不辦下座

上堂拈起香匣云明頭暗合道得天下橫行若道不

得且合却下座

上堂云砂裏無油事可哀翠巖嚼飯餒嬰孩他時好

惡知端的始覺從前滿面灰擊禪牀下座

因筠州張一郎到上堂云久思張處士相別十餘月

下座

今日上山來鐵鉢煮山蕨歸去到筠陽但請與麼說

上堂僧問一切有爲法如夢幻泡影眞實事請師舉

師云兩段不同向下文長問滿身是眼口在什麼處

師云三跳僧云學人不曾特伸請益師云章底詞秋

罷歌韻向春生師乃云雲收霧卷江山白皎日凝波

又多途下座

拈古

舉外道問佛不問有言不問無言世尊據坐外道云

世尊大慈大悲開我迷雲令我得入師云大小世尊

被外道當面塗糊只如外道云令我得入要且不曾

夢見既不曾夢見爲什麼悟去阿難問迦葉佛傳金  
欄外別傳箇什麼迦葉召阿難難應諾迦葉云倒却  
門前刹竿着師云千年無影樹今時沒底靴五通仙  
人問佛云佛有六通我有五通如何是那一通佛召  
五通仙人仙人應諾佛云那一通你問我師云五通  
仙人如是問佛如是答要且不會那一通祖師問童  
子云汝從何來子云我心非往祖云你住何所子云  
我心非止祖云汝無定也子云諸佛亦然祖云你非  
諸佛子云諸佛亦非師云祖師一問童子一答總欠  
會在如今諸人作麼生會剎賓國王仗劍問師子尊

法苑珠林

卷之五

七

者云師得蘊空否者云已得蘊空王云還離生歟否  
者云已離生歟王云既離生歟當施我頭者云身非  
我有豈況於頭王斬之白乳高數尺王臂自落師云  
當時尊者引頭王便舉刀當恁麼時有人出來諫得  
住麼至今無人斷此公案如今衲僧作麼生斷傳大  
士云夜夜抱佛眠朝朝還共起起坐鎮相隨如身影  
相似欲識佛去處只這語聲是玄沙云大小傳大士  
只認得箇昭昭靈靈師云認與不認來年更有新條  
在惱亂春風卒未休寶公令人傳語思大和尚云何  
不下山來教化衆生一向目視雲漢作什麼思云三

世諸佛被我一口吞盡何處更有衆生可度師云思  
大只見錐頭利不見鑿頭方臨濟見僧來豎起拂子  
僧便禮拜濟便打師云這僧有理不伸成而不吊如  
今且作麼生與這僧出氣思和尚問神會從什麼處  
來會云曹溪來思云你在曹溪得何意旨會振身而  
立思云猶帶瓦礫在會云和尚這裏莫有真金與人  
麼思云設有向什麼處着師云真金瓦礫錯下名言  
如今喚作什麼思和尚令石頭送書與讓和尚回來  
與你一箇鈿斧子住山石頭才到便問不求諸聖不  
重已靈時如何讓云子問太高生何不向下問頭云

法苑珠林

卷之五

十

寧可永劫受沉淪不從諸聖求解脫便歸去思云書  
達石頭云書亦不達信亦不通去日蒙和尚許箇鈿  
斧子便請思垂下一足頭便禮拜師云思和尚垂足  
石頭禮拜出去要且不得他鈿斧子且道後來石頭  
用箇什麼五洩到石頭便問一言相契即住一言不  
契即去石頭據坐洩云與麼則不相契也便出石頭  
召云闍黎洩回首頭云從生至老只是這箇回頭作  
麼洩忽然大悟便拘折拄杖洞山云當時若不是五  
洩先師也大難承當雖然如是猶涉途在師云石頭  
據坐五洩便去石頭召他却成多事



有尼叅臨濟要開堂談空勘云你有五障不得開堂  
尼云龍女成佛有幾障空云龍女現十八變你試變  
看尼云不是野狐精變箇什麼空便打數下師云且  
道尼具眼麼只擔得箇斷貫索且作麼生會僧問藥  
山學人有疑請師決山云晚間上來爲闍黎決疑至  
晚上堂大眾集定山云今日決疑僧在麼其僧便出  
來山下座把住云大眾這僧有疑與一推便歸方丈  
師云藥山決疑土上加泥然雖如是這僧也不得孤  
負藥山藥山尋常不爲師僧說話院主白云堂中師  
僧久思和尚示誨山云槌鐘着大眾集定便歸方丈

院主隨後問云和尚許爲大眾說話爲什麼一言不  
措山云經有經師論有論師爭恠得老僧師云藥山  
歸方丈當初院主恠藥山不爲他說話可謂誤他三  
軍

藥山示衆云智不到處切忌道着道着卽頭角生道  
吾便出去雲巖問藥山智師兄爲什麼不祇對和尚  
山云却是智頭陀會得你去問取雲巖却去問師兄  
適來爲什麼不祇對和尚吾云我今日頭痛你問取  
和尚雲巖遷化了吾云雲巖不知有悔不當初向伊  
道雖然如是要且不違藥山之子師云雲巖不知有

悔不當初向伊道只知道吾與麼道還有也無大慈  
和尚云老僧一生不會答話只解識病時有僧出來  
大慈便歸方丈師云這僧出來大慈便歸方丈並無  
箇道理什麼處是識病處如今也須子細僧叅汝州  
南院纔到面前僧云敗也院引拄杖向僧面前僧無  
語院便打師云這僧只知頂上生光不知脚下有刺  
觀和尚見新到來作麵引次以引示之其僧便去觀  
至晚間問首座新到在什麼處座云當時便去觀云  
是卽是祇得一楸師云觀和尚道他得一楸大似壓  
良爲賤何故爲他彼此是出家兒南泉拈起蕨菜問

杉山這箇大好供養山云非但者箇百味珍羞他亦  
不顧泉云雖然如是總須管過師云杉山與麼道還  
免得麼若免得去未具眼在若免不得又違前言魯  
祖見僧來便面壁師云魯祖何勞如此不用面壁若  
有僧來云見什麼知時好鄧隱峯在襄州破威儀堂  
只著襯衣拈靜槌云道得卽不打道不得卽打衆皆  
默然峯便打師云此語有勘破處且道勘破阿誰臨  
濟上堂有僧出立濟便喝僧禮拜濟便打師云臨濟  
也大正如今作麼生會僧問洞山時時勤拂拭莫使  
有塵埃爲什麼不得他衣鉢山云直道本來無一物

也未得他衣鉢在師云總不得他衣鉢與佛同叅且道叅得阿誰同光帝問興化朕收得中原之寶只是無人酬價化云如何是陛下中原之寶帝引手展撲頭脚化云君王之寶誰敢酬價師云興化下一着語可謂醕酤如今作麼生斷靈雲悟桃花頌三十年來尋劍客幾回落葉又抽枝自從一見桃花後直至如今更不疑遂舉似瀉山山云從緣得入永無退失汝善護持又舉似玄沙沙云諦當甚諦當敢保老兄未徹在師云有人如今問玄沙意作麼生且道這箇人還徹也未臨濟上堂有僧出來濟便喝僧亦喝便禮

拜濟便打僧無語師云臨濟也太心籠好彩是這僧若是今時衲僧且作麼生出氣地藏問僧什麼處來僧云南方來藏云南方有何言教示徒僧云彼中金屑雖貴眼裏着不得藏云我道須彌山在你眼裏師云且道地藏還免得這僧眼麼僧問趙州大耳三藏第三度覓國師不見未審在什麼處州云在大耳三藏鼻孔裏師云只如三藏還免得國師鼻孔麼國師三喚侍者侍者三應國師云將爲吾辜負汝誰知汝辜負吾師云國師與侍者總欠會在如今作麼生會欽山問德山云天皇也與麼道龍潭也與麼道未審

德山如何道德山云你試舉天皇龍潭底欽山擬議德山便打師云欽山只顧其前不顧其後如今作麼生與欽山出氣石鞏爲獵人趁一鹿從馬祖庵前過問云還見我鹿麼祖云你是甚人鞏云我是獵人祖云你會射麼鞏云解射祖云一箭射幾箇鞏云一箭射一箇祖云你不解射鞏云和尚莫解射否祖云我解射鞏云一箭射幾箇祖云一箭射一羣鞏云彼此生命何用射他祖云你既如何不自射鞏云若教某甲自射直是無下手處祖云這漢無明煩惱頓歇鞏於是以刀斷髮在庵中執侍師云馬祖一箭射一

羣猶未會射山僧一箭射蠢動含靈無不中者雖然如是只道一半留一半與後人道大禪佛叅仰山翹一足云釋迦老子亦如是西天二十八祖亦如是和尚亦如是某甲亦如是仰山打四藤條師云此不得作賞不得作罰如今作麼生會香嚴示衆云如人上樹口嚼樹枝脚不踏樹手不攀枝忽有箇人問西來意擬欲酬他又喪身失命不對他又違他所問師云問者答者俱不免喪身失命如今衲僧作麼生會玄沙示衆云諸方老宿盡道接物利生忽遇三種病人作麼生接患盲者拈椎豎拂他又不見患聾者語言

三昧他又不得患瘧者教伊說又說不得且道作麼生接若接此人不得佛法無靈驗師云早知燈是火飯熟也多時玄沙上堂眾集定以拄杖一時趁下向侍者道我今日嶮入地獄若箭射者云且喜和尚再復人身師云大小玄沙前不至村後不至店且作麼生道得出身路龍牙問翠微如何是祖師西來意微云與我過得板來牙取禪板微接得便打牙云打即任打要且無祖師意又問臨濟如何是祖師西來意濟云與我過蒲團來牙取蒲團濟接得便打牙云打即任打要且無祖師意後住龍牙僧問和尚那時問

三尊宿祖師意此二尊宿道明也未牙云明即明矣只是無祖師意師云當初如是如今衲僧皮下還有血麼南泉歸宗麻谷禮拜國師到半路南泉於地上畫一圓相云道得即去歸宗入內坐麻谷作女人拜泉云與麼則不去也宗云是什麼心行師云當初若見每人打一棒且得天下太平法燈和尚示眾云某甲本欲居山藏拙養道過時奈緣先師有不了底公案出來了却時有僧問如何是先師不了公案燈打一拄杖云祖禪不了殃及兒孫僧云某甲有什麼過燈云過在我殃及你師云為眾竭力禍出私門龍牙

問德山學人收得鎧鉞劍擬取師頭時如何山云你向什麼處下手牙指地後到洞山纔人事了便舉前話洞山拽拄杖云還我德山頭來牙無語洞山便打師云當斷不斷如今作麼生斷雲居齊和尚問僧從什麼處來僧云堂中來居云何得自謾師云若不如是爭知如是豐干欲遊五臺謂寒山拾得云你若共我遊臺便是我同流你若不共我遊臺不是我同流寒山云你去遊臺作什麼干云禮拜文殊山云你不是我同流師云豐干大似辨才遇蕭翼瀉山問仰山甚處來仰山云田中來瀉山云田中多少人仰山插

鉞叉手而立瀉山云南山大有人刈茆仰山拔鉞便行師云只得一檟諸人別有會處麼南泉一日兩堂爭貓兒泉遂提起云道得即不斬眾無語泉便斬後舉似趙州州將草鞋戴頭上出去泉云子若在救得貓兒師云大小趙州只可自救僧問六祖黃梅意旨什麼人得祖云會佛法人得僧云和尚還得否祖云不得僧云和尚為什麼不得祖云我不會佛法師云會得二頭不會三首作麼生道得出身路僧問趙州狗子還有佛性也無州云無僧云一切眾生皆有佛性為什麼狗子無佛性州云他有業識性在師云說

有說無也好兩彩一賽如今作麼生道雲蓋問石霜萬戶俱閉即不問萬戶俱開時如何霜云堂中事作麼生蓋云無人接得渠霜云道也煞道只道得八九成蓋云却請師道霜云無人識得渠師云先行不到末後太過叫紫湖和尚夜於僧堂前叫捉賊大眾皆驚有一僧堂中出紫湖攔臂把住云捉得也捉得也僧云某甲不是湖云是即是只是你不肯承當師云紫湖買帽相頭趙州一日雪裏卧叫云相救相救有一僧亦來邊卧州便起去師云這僧在趙州圈裏還有人出得麼洞山普請次巡察見一僧不出山云你

何不出普請僧云某甲不安山云你尋常安時又幾曾去師云且道此僧幾曾不去龐居士問大梅和尚久響大梅未審梅子熟也未梅云你向什麼處下口士云百雜碎梅云還我核來師云此二人前不至村後不至店魯祖見僧來便面壁南泉云我尋常不欲向師僧道未具胞胎已前會取尚不得一箇半箇魯祖與麼驢年去師云大愚這裏即不然未具胞胎已前會得打折你腰中邑和尚見僧來乃拍口作和和聲仰山來邑亦拍口山從東過西邑又拍口山從西過東邑又拍口山當面而立邑云你從何得山云從

爲山得山却問邑師從何得邑云我從章敬得師云看兩箇老和尚可煞漏逗對面相謾耶云愁人莫向愁人說達磨臨順世時謂二祖云你在吾身邊得箇什麼祖禮拜依位立磨云汝得吾髓師云二祖被達磨塗糊道得髓皮也未夢見因什麼紹嗣祖師位秘魔巖常持一叉見僧來乃云道得也又下叉道不得也又下叉後大禪佛來跳向秘巖懷裏巖便撫大禪背三下大禪起來斫手云三千里外賺我來師云還有賺處也無非但賺他大禪佛大愚今日也賺大眾上來耶云雷聲浩大雨點全無仰山有僧來辭山以

手割一割其僧不去山又割一割其僧乃去師云前爲什麼不去後爲什麼却去要會麼特爲注破前一割與後一割都成兩割佛在日有一女子旋遶世尊三匝乃入定世尊勅文殊出此女子定文殊盡其神力不能出得女子定世尊云下方去四十二恒河沙國有罔明菩薩能出此女子定于時罔明至女前彈指三下女子從定而出師云文殊是七佛之師爲什麼出女子定不得罔明具什麼神力却出得要會麼僧投寺裏宿賊入不良家文殊問無着近離什麼處着云南方殊云南方佛法如何住持着云末法比丘



少奉戒律殊云多少衆着云或三百或五百着却問此間佛法如何住持殊云龍蛇混雜凡聖同居着云多少衆殊云前三三與後三三師云文殊道前三三後三三作麼生會要會麼千年無影樹今時沒底靴古人道我有一句子待犢牛生兒卽向汝道師云我卽不然犢牛生兒也不向你道何故如是若向你道何處更有王老師道吾聞趙州來吾取豹皮裊着將吉嚟杖於三門下翹一足州纔到吾便唱諾州云小心伏事着吾又唱諾師云有人見得此二人落處不妨具眼若不知落處未具眼在乃擊禪床一下云若

支那

古尊宿語錄卷之三

三

也不會打與三百德山小叅示衆云今夜不荅話有問話者三十棒有僧出禮拜德山便打僧云某甲話也未問和尚爲什麼打某甲德山云你是甚處人僧云新羅人山云未踏船舷好與三十棒師云時人盡道德山作家用得好若與麼還曾夢見麼大愚道德山被這僧一推直得瓦解水消雖然如是今日覓一箇尊宿也大難得普眼菩薩入定遍觀三千大千世界覓普賢菩薩不見未審普賢在什麼處佛言汝但於靜三昧中起一念必見普賢在空中乘六牙白象師云諸人者且作麼會普眼推倒世尊世尊推倒普

眼你且道普賢在什麼處

劍頌

輝日流光勢還曾結衆疑吹毛橫宇宙擬把却施爲  
瞥起和根去擡眸早已遲投機須得妙何處覓牟尼  
古尊宿語錄卷之二十五

金壇居士于玉立施贊刻此

古尊宿語錄卷第二十五計字七千六百三十  
該銀三兩九錢七分  
雙足庵釋真慧對上元丘義民書深永瑞堯刻  
萬曆丙辰歲冬十月徑山化城寺識

支那

古尊宿語錄卷之三

三

古尊宿語錄卷之二十六

舒州法華山舉和尚語要

師入院上堂示衆云夫第一義諦非智辯所詮心機所測教外別傳不立文字旣到這裏復且如何直須坐斷毗盧不存凡聖還能如是麼若也未能山僧重說偈言去也不結毗盧印那弘古佛心明月照幽谷寒濤助夜砧諸人委悉麼各希發問問昔日靈山分半座師今登陟意如何師云你承當得麼問如何是法華境界師云後不構前如何是境中人師云三日後看問祖意西來事請師直指陳師云截耳卧街僧云

見者盡攢眉師云非公境界問不落今時請師道師云落問如何是佛師云蘆芽穿膝僧云如何是道師云七縱八橫僧云如何是道中人師云緊裹頭僧云如何是和尚家風師云廣額旃陀羅問如何是祖師西來意師云朱唇皓齒僧云學人不曾師云斜墜搔首問牛頭未見四祖時爲什麼百鳥嚙花師云果熟猿猱重僧云見後爲什麼不嚙花師云疎林鳥不過問雪覆千山時如何師云樵人迷古路漁父鎖孤舟問可來白雲裏教你紫芝歌如何是紫芝歌師云不是吳音切須漢語問數日不聞師誨語今朝陞座意

如何師云一年春盡一年春師乃云夫參學須具擇法眼不得顛預若得正眼精明一切無滯不見古人道一句語中須具三玄一玄中須具三要古人恁麼道意在於何鶯王擇乳素非鴨類

上堂云卽心卽佛黃葉止啼非心非佛驗病施方你道到這裏作麼生

上堂云擬著卽垛生招箭不擬著卽三千里外

上堂云白眉不展手長安路坦然歸堂喫茶去

上堂云釋迦不出世達磨不西來佛法遍天下談玄口不開

上堂云若開口又成增語不開口去又成剩語乃云金輪天子勅草店家風別

上堂云菩提離言說從來無得人雖然如是不免口過

上堂云心不是佛智不是道且道是什麼刻舟求劍膠柱調絃

上堂云三乘十二分教只是箇藥方且道治什麼病乃云父母緣生口

上堂云鐘鳴鼓響鷄鳴鵲噪爲你諸人說般若講涅槃了也諸人還信得及麼觀音勢至向諸人面前作

大神通若信不及却往他方救苦利生去也

上堂云三世諸佛口掛壁上天下老和尚作麼生措手你諸人到諸方作麼生舉山僧恁麼道也是久日樺來唇喝一喝

上堂云古人有一轉不了底因緣舉似大眾分明記取

上堂云諸高德叢林規矩朝晚二時上來相見一回即不可若約佛法事塵劫來未曾昧雖然如是敗種且不發芽

上堂云大眾會麼師子一滴乳能破八斛驢乳記得

高僧詩卷之三六

三

僧問老宿如何是佛對云不封不樹大眾會麼若不

會重下注脚去也不封不樹以棘藥  
上堂云古人道我若一向舉揚宗乘法堂裏草深一丈不可爲閣黎鑲却僧堂門去也雖然如是也是烏龜陸地弄塵行

上堂舉古人道一塵起大地收師云一葉落天下秋  
上堂舉南泉云道箇如如是變也今時師僧須向異類中行始得且道作麼生是異類中行乃云石牛長卧三春霧木馬嘶時秋後泉

上堂舉僧問曹山如何是一不老山云枯木僧云如

何是一老山云不扶持有僧舉似九峯峯云三從六義諸上座會麼愛他年少婦須是白頭兒

上堂云語漸也返常合道論頓也不留朕迹直饒論其頓返其常也是抑而爲之

開爐示衆云一二三四五任君顛倒舉露柱與燈籠何曾成佛祖不惜眉毛者直下便道取僧問未審道箇什麼師云潔已輕裝外瓶盃共毳袍僧云正當與麼時如何師云夜禪孤月冷晨朝片雲高僧擬議師云會麼僧云不會師遂作頌示之云三十五十何須更舉方圓變通去除佛祖他未彰名余不能取僧問

高僧詩卷之三六

高僧詩卷之三六

四

如何是賓中賓師云開口雖無力吐氣却慚惶僧云如何是賓中主師云一條新竹杖三事舊麻衣僧云如何是主中賓師云峽帆何人顧坦然孰可聞僧云如何是主中主師云萬仞齊開觀千峯露出顏僧問如何是奪人不奪境師云春生夏長秋收冬藏僧云如何是奪境不奪人師云一朝權在手看取令行時僧云如何是人境兩俱奪師云寰中天子貴塞外將軍雄僧云如何是人境俱不奪師云一等乾坤日月俱明問如何是佛師云手不如腳僧云如何是諸佛家風師云荒田耕不罷又被別人爭問自古及今不

從人得六祖黃梅傳箇什麼師云德山棒僧云傳後如何師云那用臨濟喝問如何是佛師云紫雲常棒足黑霧擁身行問法身無形如何建立師云古廟香爐問牛頭未見四祖時如何師云新靴鼓子鑿鑿響僧云見後如何舊鼓皮寬打不鳴問生死事大請師相救師云洞庭湖裏失却舡問如何是本源師云山高峯峻問語不投機請師提唱師云山藏海納問久居岩谷一物全無時如何師云脚瘦草鞋寬問不犯一切請師提綱師云聾人達聽問自知當作佛未審什麼人證據師云志公剪刀問如何是親切一句師

支那

法苑珠林卷之二十六

三

云六祖是新州人問如何是最初一句師云父母未生前問如何是不動尊師云今日遭逢問如何是透法身句師云三箇猫兒一箇獐僧云如何是法身師云無過於此問不動根源如何接物師云惡虎不如善猫兒問祖意教意是同是別師云赤水求珠孫賓打瓦僧入室次師垂語云重整釣竿橫海上拋釣未必愛魚吞僧云多年枯木今日重生師自代云紅絲曲裏無金磬碧旗歌外有文官僧云垂下綠絲重著餌必然釣得大金魚僧入室展座具始收師云一展一收法法皆周擬欲更問著甚來由遂問會麼僧云

不會師便打問既是善知識爲什麼事養生殺生師云生者自生死者自死未雨先驚蟄只要小蛇知問師唱誰家曲宗風嗣阿誰師云藏頭白海頭黑僧云汾陽的子臨濟兒孫去也師云莫亂針錐問法華專使伸三請祖意西來事若何師云天晴道路乾問德山棒臨濟喝意旨如何師云截舌三分僧云四海傳揚去也師云苦痛深僧問如何是賓中賓師云冥然渡曉春僧云如何是賓中主師云莫覷窺門戶僧云如何是主中賓師云威喪濟漂淪僧云如何是主中主師云光寒星斗稀問如何是奪人不奪境師云白

支那

法苑珠林卷之二十六

三

菊午開重日暖百年公子不逢春僧云如何是奪境不奪人師云大地絕消息條然獨任真問如何是人境兩俱奪師云草荒人變色凡聖兩齊心問如何是人境俱不奪師云清風伴明月野老笑相親僧問承古有言須彌爲槌虛空爲鼓還許學人打也無師云無你下手處僧云更不請鎚師云我不能打得你遂頌云鹽官有鼓高低辨于此南泉便整齊背面須來唐土擊當頭不薦北耆提入番急磨腰下劍出塞須用自家才珍重老師不轟破我在江東君在西僧問學人未遇大機請師一喝師云是什麼機僧云大機



師云若是大機爭受一喝僧便喝師云一潭綠水兩處洪波僧有頌云高提祖印息狂機坐卧應須鑑者知却被明師全打破外求佛祖豈爲奇問承師有言一物不將來放下箇什麼意旨如何師云你是了因放下箇什麼僧云佛法無多子師云欠我劈春棒你作麼生僧云元來無許多般如今却作模樣師以頌示云汝錫高飛我卽休此生無喜亦無憂雲開任待風吹散留取碧潭月正秋僧問趙州東門西門南門北門意旨如何師云有問有荅僧云不問不荅時如何師云却被你道著以頌示之云四般俱已息六種

豈能分倚南閑度日傍北別無門巧語從教設玄辭謾共論迥出威音外不到是非奔僧問如何是雲間一竅師云開張閉合遂以頌示之云雲門一竅坐間心把斷遊人更莫尋任是有誰居壁上也教無事訪知音僧問如何是本來宗師云密室不通風却問你作麼生僧云春日櫻桃朶朶紅僧云如何是本來宗師云不問不荅僧云豈無方便師云明明向你道僧云謝師方便師云汝莫受方便僧云官不容針私通車馬師云千山堆皓玉萬木折寒梅遂以頌示之今古甚有方便是物頭頭露現坦然萬樣千般突兀

無過有焰未悟且須保惜悟了便生厭賤中下急急著眼上士誰能顧盼因僧參有頌要接諸人向上坡左手提携右手過太陽焰裏分八字南海波斯不較多僧問要接諸人卽不問如何是向上坡師云窗外月微曉室中燈更明僧云左手提携卽不問如何是右手過師云放開非在手却閉不從他僧云太陽影裏卽不問如何是分八字師云舶主能藏寶青巾蓋頂門僧問如何是西來的的意師云與我取拂子來僧過拂與師師便打僧於此有省遂以頌呈蒙師一拂太多端打破從來滿肚愁別處不能求妙解目前

却覩自家顏僧問久在途中請師一接師云虛空恒嚇無涯岸海月圓時別有天僧云不會師云却是真箇遂以頌示之學道如行路途中未得休直到長安日方能見聖游嶺南懃和尚有頌示本禪人云林葉始經秋游雲山幽谷禪人錫亂飛往復不往復往復不往復六六三十六師因見乃問作麼生是往復不往復本云歷歷乾坤外的的宇宙中師云作麼生是六六三十六本云今日既然煩道用得師坦蕩至無爲師游園見千葉蓮池乃問僧云池在這裏蓮在甚處僧云白浪起時應難見未覩波澄別却逢師云明

向上事僧却問師池在此蓮在甚處師云未至日藏青簾外時來透向碧波心僧遂以頌呈四海應難見五湖易得存綠波還有月白浪忽成紋朵朵分千葉數株共一根久在池中長誰人折上盤問七星光彩天將曉不犯皇風試道看師云將軍馬蹄紅僧云錯師便打僧云灼然師云七棒對十三僧禮拜師噓噓問法華曾演汾陽旨白雲今日事如何師云誰知蓆帽下元是昔愁人問驪珠逐月卽不問龍劍衝星事若何師云寒光急急問萬里無雲卽不問一條霜刃事如何師云誰敢動著僧禮拜師云小慈妨大慈便

支那

五言詩集卷之二十六

九

打問智識不到處時如何師云三門不曾開僧云誰是知音者師云口似鼻孔問寶劍未出匣時如何師云住僧云出匣後如何師云點僧禮拜師云三三問如何是佛師云波斯倚夜臺問古人道承言者喪滯句者迷學人總不恁麼時如何師云點檢舌頭看僧云官不容針私通車馬師云伶俐人難得問明月海雲遮不得舒光直透水晶宮時如何師云打破了來相見問佛身充滿於法界未審向什麼處行履師云眉毛重多少僧云不離當處常湛然師云滯殺迷封問不落言詮請師端的師云鐵門路嶮問驪龍含月

卽且置龍劍衝天試用看師云山河岌岌日月斗昏僧禮拜師噓噓僧問如何是佛師云老僧當門無齒僧云爲什麼如此師云只爲老僧謗佛

小叅示衆云諸上座禪僧家以寂住爲本夫行脚者不在觀州翫府看山門景致過時爲什麼事蓋爲生歛事大從上古人凡到所在見一箇村院主也須問過如今晚學往往蹉過不肯通相博問記得龍牙問德山學人仗鎢鉞劍擬取師頭時如何德山便引頸牙云師頭落也德山便休諸上座莫是德山無機鋒麼爲當別有道理乃云德山引頸龍牙劍斮

支那

五言詩集卷之二十六

一

小叅示衆云諸上座佛法有什麼事也莫見老和尚道無事便無事去法身無爲不墮諸數古德道不信佛菩提是則解空第一所以道說佛說祖談玄談妙皆屬增減語既然如是諸人又向什麼處參須具行脚眼始得乃拈拄杖云有人道得麼出來相見有麼有麼衆無對師云老僧今日失利師因入縣看官岑員外問文殊騎師子普賢騎象王和尚爲什麼不乘騎師云院中無外云達磨乘蘆渡龍慶江和尚打轎又且何妨師云山僧不捏恠師訪郡主郎中云舍弟屯田不會祖師道師云屯田雖不會刑部又且標格

不同中云雖然如是奈何心中未達師云文彩已彰中云不敢師云爭敢埋沒中又云今時參學人好教他見德山師云見後如何中大笑師云對觀不施天使牛太保入寺舉李都尉法身頌請師指示師云八城裏應諾使云不會乞師指示師云張公喫酒李公醉鍾馗解舞十拍子使云弟子夙生多幸作禮而去威殿承入寺遊山行次見栗種遂問黃底是白底是師云栗威公令人搓破師云今日遭皮剝威云也須點檢師云今日失利威到清泉又問泉爲什麼太混

支那  
撰述

尊宿錄卷之三

三

師云昨日山中大會威云今日事作麼生師云開從何處來王學士同運使到院師云請學士祇應運使說話山僧只知林下事學云未審林下事如何師云苦益菜羹粟米飯又云偏打不防家

### 行錄

師至荆南分金善和尚處問互不回互師云總不恁麼金云爲什麼喫福昌棒師云一家有事百家忙金云爲什麼脫空謾語師云事不孤起金云入水見長人師云調琴澄太古琢句體全真遂呈頌云互互不讓前當頭戶底閑罕逢臨濟喝蹉過老德山世事

從他到鳥道絕人攀側儻天然竅坐斷趙州關到公安遠和尚處問作麼生是伽藍師云深山藏獨虎溪草露羣蛇遠云作麼生是伽藍中人師云青松蓋不得黃葉豈能遮遠云道什麼師云少年翫盡天邊月潦倒浮桑勿日頭遠云一句兩句雲開月露作麼生師云照破佛祖師到荆南延壽賢和尚問海竭人亡作麼生師云毒蛇不咬人賢云爲什麼如此師云風引溪雲斷泉衝石徑斜師到夾山入真首座室真云還見麼師云萬事全無真云還不見麼師云千般皆在手師遂問首座未見澄散聖時如何座云湖南江

支那  
撰述

尊宿錄卷之三

三

西師云見後如何座云江西湖南師云却共首座一般座云打草要蛇驚師云某甲終不捏恠偶述頌呈同往韶陽路行來迥且殊南臺猶不顧北嶽豈能拘有語深藏却無言淺露珠雖然名得免聲已振西瞿師到神鼎鼎問一朶峯巒上獨樹不成林作麼生師云水分紅樹淺澗遠碧泉深鼎云作麼生是回互之機師云盲人却無眼頌云天曉不明海甌珠情無揆出背擎書劣形馳步愁長路絕念還同上太虛師到福嚴承和尚問作麼生是圓容相師云木人嶺上休相覩石女溪邊更莫逢師遂問如何是和尚圓容相

嚴云老病尋常發踰腫無較時師云容卽不問如何是圓嚴云法界廣無邊師云圓卽不問如何是容嚴云消却了也嚴遂問不容不圓時如何師云虛空無背面鳥道絕東西遂呈頌云溢月流波灌紫微交羅紅淖海心飛圓容妙相權施設個儻無門說向誰師在福嚴入惠照室問承古有言狸奴白牯却知有三世諸佛爲什麼却不知有照云只爲太惺惺師云狸奴白牯爲什麼却知有照云爭性得伊師却問如何是福嚴境照云漱泉秋鶴至蟬樹夜猿過照却問作麼生是南嶽境師云風休林白直雲靜月彌新照云作

麼生是境中人師云草色青隨步藍光碧照衣師到石霜入慈明室明云作麼生是向上一竅師云二竅俱明霜云還見七十二峯麼師云有甚掩處霜云道什麼師云今日觸忤和尚霜便打師云作麼生霜云將謂收番猛將元來是小小長行師云雅淡呈秋色馨香噴月華遂呈頌云收番猛將彼方奇勢劣翻思握劍歸塞外從教誇勇健寨中爭敢鬪龍威放開急着金牙竅更閑那吒擁節旗蘇武英雄能透出張良喪却目前機到大愚芝和尚處問古人見桃花意作麼生師云曲不藏直愚云那箇且從者箇作麼生師

云大街拾得金四隣爭得知愚云上座還知麼師云路逢劍客須呈劍不是詩人莫獻詩愚云作家詩客師云一條紅線兩人牽愚云玄沙道諦當甚諦當又作麼生師云海枯終見底人處不知心思云却是師云樓閣凌雲勢峯巒疊翠層遂呈頌云鳳返自騰霄漢去靈雲桃樹老鷄棲古今休頌桃花意天上人間不可陪師到廬山羅漢祖印大師處卽舉頌云北斗藏身事已彰法身從此露堂堂雲門賺殺他家子直至如今亂度量乃云老僧當時作此頌直得天下老和尚不肯上座作麼生師云爭敢印云作麼生師云

凌晨昇寶座應不讓南能遂呈頌云北斗藏身事坦然法身無狀透何邊後人不曉前人意水底撐船捉月天師到棲賢入室問如何是佛賢云張三李四師云意旨如何賢云餬餅討甚汁遂呈頌云去短求長本不移他人與汝未爲奇雖然構得些些飽終久何曾免得饑師到祖峯戒和尚處入室戒問作麼生是絕羈絆底人師云番手把馬籠戒云却是作家師云背邊打不着戒云爲什麼却上來下去師云和尚向甚處見上來下去戒便打師云一言無別路千古不來人遂呈頌云直上猶難到回來轉更遲若言禪與



理特地隔須彌師到蘇州翠峯素和尚處入室舉僧問風穴如何是佛穴云嘶風木馬緣無絆背角泥牛痛下鞭峯問背鞭一句作麼生道師云翻身師子威雄大爭敢當頭露爪牙峯云放你一線道師云七顛八倒峯云收師云了到翠峯顯和尚處問牛喫草草喫牛師云回頭一就尾宛轉萬重關峯云應知不肯面須教在目前師云驗在目前峯云自領出去師到杭州興教入室舉僧問一和尚如何是佛一云陳橘皮師遂問意旨如何教云貓兒頭上雀兒窠師遂呈頌云問佛師言荅橘皮更無一法可相違眉毛翻起

支那

五言古詩卷之五

五

應難見背向終教是與非復頌云寸草密藏師子多貓兒頭上雀兒窠擬欲傾窠不喪命直隨鷄子過新羅到杭州西庵庵主曾見明招舉一頌云絕頂西峯上峻機誰敢當超然凡聖外瞥起兩重光師問如何是兩重光王云月從東出日向西沒師云庵主未見明招時如何王云滿傾油難盡見後如何多心易得乾師到瑯琊問上座近離甚處師云兩浙瑯琊云船來陸來師云船來瑯琊云船在甚麼處師云步下瑯琊云不涉程途一句作麼生道師云杜撰長老如麻似粟便拂袖而去瑯琊遂問侍者此是什麼人者云舉上座瑯

云莫是舉師叔麼當時先師教我尋見伊遂親下旦過堂問上座莫是舉師叔麼莫恠某甲適來相觸忤師叔喝復問長老何時到汾陽瑯琊云恁麼時到師云我在浙江早聞你名元來見解只如此何得名播寰宇耶遂作禮

### 頌首山西來意

風吹日炙少人知頂仰先賢對此機饒君曠劫生前會穿耳胡僧也皺眉

### 透法身二頌

人問透法身隨宜爲指陳大地如膠漆長江波撼顰

支那

五言古詩卷之五

五

須彌起舞天帝不膺一人之力不如百人

### 綱宗

兩刃交鋒事嶮巖沙場六月雪花飛如今更擬圓真實白眉應教入素闍

### 十二時歌

夜半子伊余靜座寒堂裏月圓日滿不曾虧方朔由來悞宮徵

鷄鳴丑森羅萬象歸元首一聲聲後九衢聞年允任你侵蒲柳

平旦寅烏龜穿破觸髅門山伯不知何處去扶桑天

子笑忻忻

日出卯千門萬戶呈機巧織成蜀錦與吳綾到頭成  
壞行相撓

食時辰麓細將來不厭忻寒則着衣飢喫飯途中往  
往問疎親

禺中已華藏已開見慈氏驚起毗盧頂上人拍手呵  
呵闍闍裏

正中午髮髯乾城猶未許金輪天子下閭浮移却西  
天作東土

日昃未石室老僧禪未起門前時有問津人樓至擎

文那

撰述

三

奉先指示

晡時申柴門不掩去來人石室丹霞謾費力歷歷分  
明真不真

日入酉時擊疎鐘滿林吼自他爽昧各方圓剛被時  
人分好醜

黃昏戌才燭銀缸昏暗失晦晷山童速報來金烏早  
向西方出

人定亥科擻壞衣線長在不羨羅紈錦繡袍迦葉師  
兄相笑待

古尊宿語錄卷之二十六

金壇居士于玉立施贊刻此

古尊宿語錄卷第二十六  
三十箇該銀三兩四錢五分  
雙足庵釋真福對上元丘養民書洪以信刻  
萬曆丙辰歲冬十月徑山化城寺識

文那

撰述

一八

佛眼禪師語錄序

豫章徐俯撰

佛眼禪師之語侍者道昕所錄上堂小參普說垂示垂代心要偈頌頌古凡八種蓋數十萬言其義則一也所謂佛語心爲宗無門爲法門也單傳直指者也今圓頂方袍者孰非求此道柄拂高座者孰非傳此法然謂之直焉而反迂明焉而反昧直而不迂其禪師之言乎明而不昧其禪師之道乎觀其反覆丁寧輸誠苦口斯亦勤矣其意果何爲哉學者可不剗心焉夫禪師之說寔無說無示也是爲真說聽者之聞

序

龍溪錄卷三

二

也實無聞無得是爲真聞真說緒言餘論之尚存真聞至音希聲之常在不作文字之解不生紙筆之見者觀之有暇矣

師川此敘足以標榜此錄矣老朽不可更重說偈言也具擇法眼人一一辨取湖海呂勤云

古尊宿語錄卷第二十七

舒州龍門佛眼和尚語錄

住南康雲居嗣法善悟編

佛眼清遠禪師臨卽李氏子師初住舒州天寧開堂日提刑學士權郡承議燒香度疏與師接得示大眾云天不能蓋地不能載漏泄天機言言堪愛且道如何是堪愛之言良久云分明記取舉似作家遂度與表白宣罷師指法座云古聖道爲法來耶爲床座來耶我爲法來非爲床座師咄云是何言歟便陞座拈香云此一瓣香祝延今上皇帝陛下伏願龍圖永固

古尊宿語錄卷三

龍溪錄卷三

一

鳳曆長新八表稱臣四維歌化次拈香云此一瓣香奉爲提刑學士權郡承議洎闔郡尊官伏願嘉聲藹著善政日新頻承雨露之恩坐聽鹽梅之詔次拈香云此一瓣香還知落處麼欲隱彌露在晦愈明本欲拋擲巖阿混于沙石苦爲諸人敦逼不免細說來由奉爲我先蘄州黃梅東山演禪師一爐焚却用陪法乳之恩聊表化儀雖然恩大難酬未免拋三放二遂趺坐山谷和尚白槌云法筵龍象衆當觀第一義師云觀卽不一一卽不觀第一義門今在何所問答師不錄云太阿橫按截萬機於掌握之中寶鑑當臺現羣象

於無心之表有緣卽應故問答以縱橫不令而行乃言象而罕測影響之士斯何足云所以佛付佛祖付祖更無絲髮之異豈有東西之殊不立階梯單傳是事若非靈根頓悟大用現前未免業惑海深妄塵自隔遂拈起拂子示衆云還見麼若見見箇什麼若見箇拂子正是凡夫若言不見此是拂子如何說不見底道理道人到此須是付量不可輕心取於流轉誠非小事實在悟明所以聖人得此事莫不統三界領四生號令聖凡扶顛拯物大衆從上諸聖入此門中各各啓悟勞生破諸塵妄記得靈山會上四十九年

說不盡末後分付飲光少林九年之間畢竟獨許二祖爾後光分震旦道滿寰中臨濟德山威行雷電皆爲上祖不了致令殃及子孫遂舉拂子云大衆從上許多賢聖如今總在山僧拂子頭上各各坐大蓮花說微妙法交光相羅如寶絲網還信得及麼若信得及山僧出世一期之事已得周圓其或未然不免自通消息去也十字路頭吹玉笛淡雲輕日正清秋久立

上堂世尊拈花迦葉微笑親切切省要省要眼目定動料料掉掉爲報先生莫打之遶何也文不加點

下座

上堂云達磨未來此土時須信事元真實二祖禮三拜而立不得設有商量大衆何故人至于今疑情不息良久曰早知燈是火飯熟已多時直饒恁麼信得及猶是錯承當自餘一切何足論之歸堂

上堂奇怪尋常道出門便作還鄉計直至如今計未成誠哉是言也豈不見僧問古德學人欲歸鄉時如何古德曰子父母徧身紅爛臥在荆棘林中子歸何處曰恁麼則不歸也古德曰却須歸去有箇絕糧方子與你僧曰便請古德曰二時上堂不得咬破一粒

米大衆荆棘林中紅爛盡無路還鄉二時堂內絕糧方却須歸去所以山僧二十年披雲嘯月未始遊方十來年接物利生何嘗出世諸人皆把父母契券論量祖業田園就赤水以求珠珠沉赤水向荆山而覓玉玉隱荆山說道赤水無珠荆山無玉是誑諱你說道赤水有珠荆山有玉亦是誑諱你山僧有時畫方成圓指南成北何故如此蓋爲諸人唱還鄉曲子曲調不圓熟路難忘鄉談未改非指南之不妙也如何得曲調圓去豈不見道平窺紅爛處暢殺子平生下座



上堂良久云山僧今日與諸人同叅一箇真善知識便下座

上堂僧問德山入門便棒臨濟入門便喝未審師如何接人師云不虧不欠進云便恁麼去時如何師云第一不得垛根師復云光陰倏忽變化密移始見望朝又已念日諸人還知光陰不變化日月不遷流麼快須究取昔日六祖大師作居士時隱於廣州法性寺印宗法師席下過夜廊廡間有二僧風幡競辯未盡厥理祖師躡步而謂曰可容俗士得預高論不直以非風幡動仁者心動告之大衆祇如夜來風起且

道是風動不是風動若道不是風動如此觸簾動戶簸土揚塵作麼生不是風動還斷得出麼山僧道也不是風動也不是幡動也不是心動有人識得麼青山無限好猶道不如歸却重

上堂兩岸蘆花一葉舟涼風深夜月如鉤絲綸千尺慵拋放歸到家山即便休

上堂舉僧問趙州萬法歸一一歸何處州云我在青州作一領布衫重七斤大衆至音絕韻妙曲非聲通身不挂寸絲赤體全無忌諱諸人切莫拈鈍紙指直須截斷舌頭放下身心自然快活眼若不睡諸夢自

除心若不異復名何物快活快活歸堂喫茶下座

上堂若有一人發真歸源十方虛空悉皆消殞從前先聖豈不發真歸源如何十方虛空至今尚在又云漚滅空本無況復諸三有幻漚既滅虛空殞無三有衆生從茲殄悴四生九類如何得無又云清淨本然云何忽生山河大地既生山河大地如何得復清淨本然既復清淨本然云何却見山河大地大衆如何卽是良久曰水自竹邊流去冷風從花裏過來香好大哥歸堂

結夏上堂揮戈佛日不西流照徹人間洞九幽從此

安居無一事休將玄妙挂心頭

五祖演和尚遺化遺書至上堂昨朝六月二十六無角鐵牛生四足哮吼一聲人未知撼動天開并地軸隻履又西歸唱罷胡家曲可憐末後太分明無限清聲徧溪谷我先師出世四十餘年於舒蘄二郡四坐巨剎垂慈苦口接物利生未嘗少暇於二十五日早陞座告衆至晚淨髮歸方丈二十六日早安然長往自始及末從初至終盡善盡美真善知識清遠忝承提訓痛傷可量古人道將此深心奉塵刹是則名爲報佛恩昔日大梅遷化上堂聞鼃鼠聲乃云卽此物

非他物汝善護持吾當逝矣我先師上堂告衆云富嫌千口少貧恨一身多以今校古絲毫無差諸人還知大梅東山二老子去處麼若知得則不辜負先師若也未知有寒暑兮促人壽有鬼神兮妬人福下座上堂卓拄杖一下喝一喝云棒喝齊施古佛宗三玄三要絕狐蹤白雲消散青山在明月蘆花對蓼紅又卓拄杖一下喝一喝下座

解夏上堂以一粒芥子擊修羅窟於中宴坐九旬振六鐃錫杖登須彌盧直上安居三月倚長松而自誓臨綠水以經行周游井邑則動止蕭蕭依處叢林則

威儀濟濟豈論城隍聚落寧分勝地寶坊心月孤圓神珠炳煥六門虛靜萬法咸知如此護生豈有生之可護如此持律豈有律而可持囊內蠟人通身雪冷誠堪慶賀喜何如哉

吳居士爲師龍門創坦然菴請上堂淨名居士在家人不二門深入者親一鉢上方香積飯寥寥千古轉通津大衆維摩法力居士神通斷妙喜世界來于此中持香積佛飯悉飽衆會三萬二千師子座本爾莊嚴十方三世諸如來現前證據看他作一場佛事眞箇希奇皆不思議之功勲自心之神力者也公明居

士希風摩詰接跡龐公大省幻身久趨正覺願延瓶錫修建庵宇遂爾來此聚集禪徒記得昔日臨濟栽松次黃檗問云深山裏栽許多松作什麼濟云一與山門作境致二與後人作標榜道了以鋤頭打地兩下藥云吾宗到子大行于世大衆臨濟所栽者松可謂根盤沙界葉覆彌盧三賢十聖爲憇息之方諸佛祖師爲作止之地故得後代子孫昌盛永茂宗枝自古及今綿綿不斷如今衆中若有一員禪客出來道深山裏刈起庵作什麼山僧也祇向伊道一與山門作境致二與後人作標榜且道與他古人相去多少

大衆一與山門作境致見者頓超無學地二與後人作標榜凡聖悟迷皆一樣若是叢林向上關有人踏著喜無量下座

上堂少室無言語曹溪有消息可憐門大開而人不能入蒼龍得雲雨猛虎生羽翼但解自承當何勞問知識

上堂僧問劫火洞然大千俱壞未審此箇壞不壞師云黑漆桶裏黃金色進云請師答話師云閑言語師復云古人道我有时揚眉瞬目有时不揚眉瞬目有时揚眉瞬目是有時揚眉瞬目不是如今人不委得

了便別作解會說道得底人道是也得不是也得問  
伊作麼生是得底人便道他分上不說得與不得得  
也好不得也好乃長噓一聲曰有什麼共語處祇如  
古人道恁麼也不得不恁麼也不得恁麼不恁麼總  
不得又作麼生他便道此是拂跡語拂你屋裏老爺  
老孃又問伊此是拂跡語不拂跡語如何便道恁麼  
也得不恁麼也得恁麼不恁麼總得此喚作實頭語  
實你屋裏老爺老孃師復呼兩聲曰有什麼共語處  
夫爲衲僧須作衲僧說話你等合作麼生莫道龍門  
不肯我埋沒我心行我壓良我龍門恁麼是要你到

不要你到也須子細看詳好珍重

上堂總記不得天花滿穢縱有千言不如一默下座  
上堂昔玄沙大師示衆云諸方尋常盡道接物利生  
忽遇三種病人如何接得患盲者來拈槌豎拂他又  
不見患聾者來向他說他又聞患啞者來教伊說  
又說不得若接此三人不得佛法無靈驗師云好諸  
兄弟還知真實相爲處麼山僧不惜眉毛爲諸人說  
破祇如諸人尋常有雙眼又何曾見來有雙耳又何  
曾聞來有片舌又何曾說來既無說無聞無見何處  
有色聲香味來雖然如是又能有幾人到者般田地

所以道木伎機石女兒三冬陽氣盛六月降霜時有  
語非干舌無言切要詞會我最後句出世少人知午  
齋晨粥無餘事盞茗爐香話道奇下座  
上堂普光明殿在人間凡聖交羅絕往還若向一塵  
親得見毫光照處奉慈顏

上堂昔日百丈大智禪師再叅馬祖侍立次祖舉拂  
子丈云卽此用離此用祖掛却拂子問云你他後開  
兩片皮將何爲人丈取拂子豎起祖云卽此用離此  
用丈掛拂子於舊處祖便喝百丈直得三日耳聾大  
衆說甚三日耳聾直得龍門打鼓上堂大衆盡皆雲

集僧堂橫吞佛殿露柱倒掛燈籠天高地厚月白風  
清雨順風調河清海晏飢則共君食苦菜渴則與子  
飲寒泉直饒天外雨花飛爭似歸堂喫茶去下座  
上堂臺山路上過客全稀破竈堂前感恩無地雪埋  
庭栢水鎖偃溪雖在南方火爐頭不入他家蘆甕裏  
看看臘月三十日便是孟春猶寒你等諸人各須努  
力向前切忌自生退屈下座

上堂山僧適在寢堂中法堂上無山僧寢堂上有山  
僧下至法堂法堂上有山僧寢堂上無山僧有則心  
外有法無則心法不周諸上座在衣鉢下聞打鼓便

上法堂法堂上添得上座衣鉢下減却上座添則成  
增減則成減滅故落斷增故落常行脚人如何得離  
有離無離常離斷生死疑情大難透脫此是如來清  
淨心要宜須決擇不可等閑光景遷流動如飛箭浮  
世如此人生幾何彼此出家三界逆旅竹戶茅堂孰  
爲其主冷淡共居寂寞同住何故何新何憂何慮下  
座

行者落髮上堂露柱多年出家燈籠久已落髮佛殿  
堅持禁戒三門近得休歇大事本來平等無著清涼  
滿月度盡草木叢林一似陽和齊發下座

王文正

直寶鑑卷三

二

元日上堂萬物咸新論故鄉擡眸元是舊爺娘先春  
花發馨香遠物外山河日月長僧問昔日跋陀尊者  
問法照大師未審與今日是同是別師云古之今之  
進云栽松人老難傳鉢盧老區區入嶺南師云你試  
舉古人底看進云厨庫三門鐘樓佛殿師云恁麼又  
爭得進云忽遇七手八脚底人來又作麼生師云截  
斷脚跟道將一句來進云昨日有人從舒州去師云  
亦是悠悠者復舉僧問百丈如何是奇特事丈云獨  
坐大雄峯僧禮拜丈便打師云錯打人僧問德山如  
何是奇特事山云我宗無語句亦無一法與人師云

猶較些子僧問羅山如何是奇特事羅山云道什麼  
師云成何道理大衆古人鉤頭着餌意在得魚如今  
洗脚上船能有幾箇或若人問龍門如何是奇特事  
山僧向伊道此去太湖不遠恁麼說話有甚奇特又  
向伊道咫尺是棠梨大衆還會麼等閑如不會須作  
等閑看下座

上堂身中有生老病死念上有生住異滅國土有成  
住壞空此十二種事甚能奇特凡夫不識爲之漂流  
如來出世指出涅槃妙心常樂我淨譬如還丹一粒  
點鐵成金至理一言轉凡成聖此十二種祇是一法

王文正

直寶鑑卷三

三

現定如今歷歷聽法者是還信得及麼乃云中丹  
桂偏禁冷雪裏寒梅獨放香下座

上堂悟時此事元來易迷後斯門實大難處處綠楊  
堪繫馬家家門口透長安

上堂三月初三二月二不壞假名談大義衆生役役  
趣光陰道流所以無虛棄二月念九三月一摩訶般  
若波羅蜜假使多聞達古今歷劫何曾異今日今日  
事作麼生良久曰何更今日

上堂從上諸聖見人樂著塵勞不求出離遂生憐愍  
之心告之曰你隨聲逐色名曰狂人大衆好言語慙



愧諸聖恁麼道雖然如是已是打開布袋不能折合得龍門今日倒底傾出有人得者永息希求乃拈拄杖卓一下云豈不是聲你尋常作麼生隨又舉起拄杖曰豈不是色你尋常作麼生逐還會麼若能隨逐元無縛便是叢林了達人久立

浴佛上堂如來妙色身真實難藏覆不掛本來衣豈着娘生袴無憂樹下降生時南北東西行七步行七步度盡衆生無所度今晨四月初八我佛如來降生之日天下精藍煎湯浴佛佛則從諸人浴且道如何是佛要知麼佛名如來常在不滅有人見得山僧更

五言古詩

五言古詩

七言

不切切若無人見得山僧重說偈言昨日如來垂法雨今朝法雨洗如來了然一味無差別雲外青山朶朶開欲報如來深恩殿上重新浴過下座

結夏上堂龍門結夏勝諸方大地山河爲舉揚若向九旬叅得透更無佛法可商量

上堂萬古長空一朝風月古人恁麼告報大好言詮豈可以一朝風月昧却萬古長空豈可以萬古長空不明一朝風月此是廣大深法自在之宗若也明得何處更有一絲頭刺法來久立

上堂三日不相見莫作舊時看山僧近來非昔人也

天是天地是地山是山水是水僧是僧俗是俗別也非昔人也有人問未審已前如何山僧往時天是天地是地山是山水是水僧是僧俗是俗所以迷情纏蔽翳障心源如今別也或有人出來道某甲亦如和尚天是天地是地山是山水是水僧是僧俗是俗還得否不可直是未在這有揀辨得麼若揀得上座道眼圓明若揀不得絲竹喧天船上樂綺羅照水岸邊人環重

上堂僧問道遠乎哉觸事而真如何是道師云頂上八尺五進云未審此理如何師云方圓七八寸進云

五言古詩

五言古詩

七言

向上一路還許學人會也無師云不論向上向下却許你會進云恁麼則當處出生隨處滅盡師云多少人恁麼錯會進云作家宗師天然有在便禮拜師云未曾與上座共行在師復云親切中直是親切省要中直是省要還會得麼諸人盡是發志探玄意求出離山僧這裏終不拈今舉古取是捨非惑亂諸人你若不來山僧也無可得說你若上來山僧不免在你身上割一塊子似與你還知痛痒麼忽然知得可謂親切也若不知來由便道者一塊子那裏得來得恁麼香得恁麼臭得恁麼生得恁麼熟還委得麼不離

當處常湛然竟即知君不可見環重

上堂了知一萬事畢釋迦彌勒欣今日但得心安是處安無災無難無今昔要知佛法根源記取五月初一下座

端午上堂今日端午人間人釘桃符書門閭使萬邪不窺其戶百鬼不入其門人間人又使針燒灸採藥登山使萬病不干其體疫癘不入其身遂失聲叫曰阿唧唧阿唧唧盡大地人燒破皮肉教山僧受無限苦痛昔楚大夫以忠言不用沉于湘江後人哀之以竹筒盛飯繫五色絲祭之風俗至今流傳不斷遂嘔

聖賢

聖賢錄卷三

七

吐數聲曰世間人喫却米粽教老僧脹破肚皮大衆別人燒灸別人喫物爲什麼龍門長老受痛受飽未能情忘緣慮事出見聞於此門中遂爲戲論豈不見先聖有言曰懷州牛喫禾益州馬肚脹天下覓醫人灸猪左膊上何也遠走不如近匍匐久立

上堂入得龍門事事奇聞聲見色不思議山青水綠緣何事盡是諸人力使之

上堂卓拄杖云還構得麼莫道今日猶較些子直須向無摸索處傾湫倒岳構得始得山僧恁麼道可殺不識好惡雖然如是直饒你構得我更問你從前殺

盜姪妄罪飲酒食肉罪教什麼人還又卓拄杖云金剛作醜佛受香油

東山和尚忌晨上堂先師當年未後句與人皮下挑出刺譬如六月中水銷鎔處處皆相似後來聽響各流傳更加一二與三四箇中孰是無耳人明見去來不生死先師老和尚某奉侍日久多蒙苦口提撕追遠之誠何可忘也聊設小供諸人且道先師還來也無若道來入滅十餘年如何見得來底道理若道不來又用設齋作什麼道來也有說訛道不來也有說訛若爲得無說訛去還知得麼三箇渾崙鐵餤餤

聖賢

聖賢錄卷三

七

一雙無縫木饅頭久立

上堂大衆或有人喚上座上座便應設使不應心中也須領覽今時學人便道應底是也領覽底是也若如此會便是入地獄漢子是卽且置且道面前是阿誰喚你是有人喚卽是無人喚卽還裁斷得麼若是有人喚山精鬼魅喚你時天魔外道喚你時如何辨白若道無人喚你又不聾不駭如何得無人喚者箇是十二時中生死路頭事諸人明得麼有人喚生迷亂無人喚遭繫絆若能行生死斷萬兩金終不換下座

解夏上堂毗目仙人執善財手頓見過去微塵諸佛及其放手宛然依舊龍門長老領諸大眾爰於此地結足安居及其解夏宛然依舊善財依舊處微塵諸佛含攝有歸大眾依舊處三月九旬斂收無迹還會麼毛端藏刹海芥子納須彌不離見聞緣超然登十地四生六道卽心自性三塗八難普現色身居華藏海之中住不思議之內如斯之旨乃吾輩之常分耳還信得及麼

上堂今日七月二十解夏來又是五日也你禪僧家盡道我會也且道今日是七月二十不是七月二十

史記

卷之三

七

或若當此一問於佛法中如何祇對有底師僧道你何不問本分事者箇是世間日月大眾那箇是世間日月又豈有不管底法又有師僧道不動世間一星子就上便明取恁麼事今日七月二十也大衆那裏是不動底一星子得安樂底人終不作者般去就山僧問你今日是七月二十不是七月二十有人明得麼古人云世間事明不得佛法大遠在者裏若分疎不下一切處碍塞殺人還知麼大火聚中難著手清涼地內易安身久立

上堂舉僧問雲居如何是道中人對云如死人手道

中人相見時如何對云如死人眼大眾作麼生是如死人手師拈拄杖云不執捉怎生是如死人手師劈開眼云不照燭你諸人好會取祇如前日送亡僧山僧道一隊死漢送箇活漢有人會恁麼說話麼怎生是一隊死漢師云移身不移步怎生是一箇活漢師云萬機俱不到後生兄弟初秋夏末何不哮吼一聲壁立千仞令我知你是箇人向活中明取死句死中明取活句若不然者求生不得求死不得死喫辛苦也直須哮吼一聲下座

上堂僧問道在懽開口詩成自點頭時如何師點頭

史記

卷之三

七

數下僧云今日得遇也師云莫亂開口師復云諸人每日行千行萬不是不到何故却不分曉祇爲信之不及若信得及則不行而到也十方世界事不待思量一時曉了得諸人每日說千說萬不是說不到何故却不分曉亦是信之不及若也信得及則實無所說也三世如來所說之法不待思量一時曉了得大眾還到恁麼田地也未我此宗門祇論證悟不論會解若是爲生死底人須求親證若是人我參學之人恥爲不會須求覓解會到處覓相似語句遞相印證滅胡種族已後胡亂教壞人家男女我此門中都無

是事還知麼聲人也唱胡笳曲好惡高低自不聞

上堂世人盡道路行難本分真金入火看煉去煉來金體淨一槌打作玉欄干

請化主上堂一竿一笠一蓑衣急水灘頭下釣絲釣上錦鱗容易得蘆花深處月明歸舉古人問三尊宿二龍爭珠誰是得者一云得卽失一云老僧祇管看一云誰是不得者師曰得卽失著忙作什麼老僧祇管看看濟什麼事末後一則語誰是不得者若人會得祖師言句一大藏教自然不疑去還明得麼誰是不得者非取亦非捨馬載馱馱時便是歸來也下座

又明

五言偈卷三

七

上堂打動龍門鼓喚起鐵餛飩請君一咬破山僧豈相賺先師曾得力滋味今不減若也不奈何好箇鐵餛飩

上堂舉長沙和尚云我若一向舉揚宗教法堂前草深一丈誠哉是言也玄沙和尚云因汝顛倒知見方有往來誠哉是言也龍門尋常見汝諸人恁麼所以向汝道不恁麼你須是不恁麼始得諸人不恁麼龍門所以向汝道恁麼你須是恁麼始得諸人道恁麼不恁麼龍門所以道非恁麼非不恁麼你須是非恁麼非不恁麼始得諸人非恁麼非不恁麼龍門所以

道恁麼不恁麼你須恁麼不恁麼始得大眾情亡智現病去藥除豈不是箇脫灑衲僧龍門尋常還有一句子到諸人分上麼不見僧問馬大師離四句絕百非請師直指西來意大師云我今日無心情汝去問取智藏僧問智藏藏云今日頭疼汝去問取海兄僧又去問海海云我到者裏却不曾僧舉似馬大師師云藏頭白海頭黑大眾說白道黑理甚分明諸人還見馬大師麼久立也太無端

上堂云若論此事如中秋夜望圓月相似淨無雲翳人皆見之南閭浮提無所不照諸人各在他鄉異井

又明

五言偈卷三

主

各有父母家山你道彼中還有麼山川溪谷迥絕無人到處彼中還有麼又爭得無來人各自謂得見是月然此滿月不此方來不彼方去若此方來彼則無也若彼方去此何故見之四維上下亦復如是所以道並安千器千器皆圓一道澄江一月孤瑩昔有人指月問南泉和尚何時得恁麼去南泉曰王老師二十年亦曾恁麼來大眾向你道此事無你卜度處無你名邈處如今禪和家盡道我會得也什麼處是照不着且問你照得着底事上座前生自何趣中來此身沒後復生何處作天耶人耶地獄耶餓鬼耶作



畜生耶若不委知空然有此語要作何用馬大師一日翫月次二三弟子侍座大師曰正當恁麼時如何西堂曰大好供養百丈曰大好修行南泉拂袖而去大師曰經歸藏禪歸海唯有普願獨超物外看他如斯論量也大奇恠大師致此一問諸大士直得息剎補剎望作全人塞壑移峯貴就平坦還契得馬大師此一問麼委悉得麼良久曰幸無偏照處剛有不明時

上堂祖師云亦莫愛聖憎凡會得凡夫法便是聖人法識得聖人法卽是凡夫法盡知道凡聖不二爲什

麼凡夫漂流諸聖解脫又道亦莫拋迷就悟如今悟底是向來迷底如今迷底是向來悟底盡知道迷悟不二爲什麼迷者依前墮塞悟者依舊惺惺諸人還辨明得麼凡聖悟迷如透了洞然明見本來人敢問大衆如何是本來人尋常師僧家道什麼處不見本來人驢脣先生豈是泗州大聖又道渠無面目甚處逢渠遠水不救近火離此二途如何是本來人良久云設使聞來悟爭如自得親下座

上堂昔無着和尚游五臺禮拜文殊到山下投一寺宿遇一老僧祇待次問無着曰上人自何而來無着

曰南方來老僧曰南方佛法近日如何無着曰末法比丘少奉戒律僧曰多少衆着曰或三百或五百着問和尚此間佛法如何住持僧曰凡聖同居龍蛇混雜着曰多少衆僧曰前三三後三三着不省遂令童子以琉璃盞點茶度與着遂問曰南方還有者箇麼着云無曰旣無將什麼喫茶着又不省復令童子送出門外着觀寺無額乃問童子此寺因何無額童子指背後金剛着回顧忽然不見童子止見身在一林中大衆無着遠遠遊五臺禮拜文殊及乎親見要且不識誠實苦哉是故明昭和尚頌云廓周沙界聖伽

藍滿日文殊接話談言下不知開佛眼回頭祇見翠山巖雪竇和尚亦有頌云千峯盤屈色如藍誰謂文殊是對談堪笑清涼多少衆前三三與後三三大衆此二頌通古徹今美則美矣要且不見文殊山僧今爲諸人頌出乃云青山門外白雲飛綠水溪邊引客歸莫恠坐來頻勸酒自從別後見君稀下座

上堂靠拄杖肩上謂衆曰好笑好笑乃呵呵而笑昨日有兩人共說一件事與山僧山僧聞得一夜笑得腸肚痛又呵呵而笑大衆要知麼有一人云今日是初三官曆上寫來村裏人道是初四乃村下曆頭問

老僧道是初三麼山僧向道是初三官曆麼山僧云是官曆村裏謂之初四是村下曆頭麼山僧云初四是村下曆頭其人點頭又有一人云今日是初四官曆上寫來村裏人道是初三乃村下曆頭長老如何山僧向伊道是初四初三是村下曆頭其人點頭兩人相見具說其事一人云長老向我道是初三一人云長老向我道是初四兩人遂來見山僧云今日是初三初四山僧聞得笑殺兩人云長老不要混淆好好分明說山僧向道汝自不分明何處是混淆大衆會得此意麼山僧見伊不曉也不奈何衆中禪

撰述

古尊宿語錄卷二十七

三

僧道長老如何鳴鼓集衆了也不說些佛法及祖師西來意却理會世間閑日子此是世人情見山僧聞了問伊道世間有什麼閑日子又那箇是情見把來看伊元來不會見伊不會更作箇領子舉似伊頌道言親事亦親無偽亦無真愚俗稱爲我邪徒喚作神是我何曾我言神豈是神人生須特達乃提拄杖下禪床曰丈六紫金身座前又謂衆曰也不屈着你上堂僧問大用現前不存軌則時如何師云誰信你僧便喝師云更進一步看僧云幸有一弓三下箭當機要射不平人師云少年曾決龍蛇陣潦倒還同稚

子歌僧又喝師云元來祇是野狐精僧禮拜師云何曾大用現前師復云古來有一人南泉和尚諸人還識否若識得一生不空過好南泉和尚莫教見而不識還識麼會有一俗士問曰弟子家中有片石也會坐也會臥如今欲鑄作佛不知還得否南泉云得莫不得麼不得有人明得此旨也無南泉道得龍門云好箇佛南泉道不得龍門云好片石還見否是他道弟子家中作麼生說家家在什麼處諸仁者親從家裏來家中何所有持此一片石廣大堅且久靈山曾獻佛帝釋聊舉手中出何物安樂并長壽下座

撰述

古尊宿語錄卷二十七

三

### 古尊宿語錄卷第二十七

金檀居士王立施贊刻此  
古尊宿語錄卷第二十七  
計字九千零  
五十三箇該銀四兩七錢零五厘  
雙足庵釋真福對上元李淵書上元王蘭刻  
萬曆丙辰歲冬十月徑山化城寺識

古尊宿語錄卷第二十八

舒州龍門佛眼和尚語錄

住南康雲居嗣法善悟編

聖節上堂皇帝以天下爲家兆民爲子父子一體天下一家王愛於民民敬於王愛敬既同王道無外所以佛言如民得王又云如民之王且王外無民民外無王王在民外民不受賜民在王外王道不廣如何曰民無知曰民如何曰王聖神曰王今上皇帝至神至聖爲民父母天寧降誕之節日月星辰連珠合璧江河淮濟激濁揚清乾坤造化草木蟲魚呈祥瑞顯

反邪

古尊宿語錄卷第二十八

一

奇特皆皇帝至德之所感致也伏願南山比壽北嶽齊齡永永萬年無窮無極遂下禪床作舞曰會麼山僧舞蹈揚塵萬歲萬歲萬歲萬歲下座

上堂拈起拄杖卓一下云圓明了知不由心念抵死要道墮坑落塹畢竟如何乃靠拄杖下座

上堂舉昔有一秀才見長沙和尚看千佛各經問曰許多佛祇聞其名未審居何國土長沙曰黃鶴樓崔顥題後秀才還會題否對曰不會長沙曰無事題一篇好秀才罔措大眾秀才問佛居何國土長沙爲什麼却恁麼道秀才尋常嘲風詠月爲什麼長沙面前

一辭不措若是黃鶴樓有什麼難題處聽取山僧題破遂云云云頗甚奇妙光明照十方我適會供養今復還親覲下座

上堂平旦只狂機內有道人身大眾二六時中折旋俯仰行來走去說是說非分南說北運用施爲開單展鉢喫粥喫飯盡是狂機且道那箇是道人身良久云碧落有情空悵望瑤臺無路可追尋下座

上堂適來山僧夢在寢堂上聞法鼓遂下堂階夢見諸人上來近前問訊便登法座侍者燒香了如今正在夢中之人施陳夢事你等諸人還夢見麼若真見

反邪

古尊宿語錄卷第二十八

二

得是爲覺人不省夢鄉宛爾沉沒還有一法與你爲對麼不見古人道目前無法意在目前不是目前法非耳目之所到可不是奇特還夢見麼釋迦如來道如寤時人心縱精明欲何因緣取夢中物遂拈起拂子敲禪床云是什麼還聞麼復豎起拂子云還見麼良久云人間天上諸知識爭似龍門夢得親下座上堂僧問古者道諸佛不出世四十九年說諸佛既不出世爲什麼四十九年說師云你疑來多少時也進云祖師不西來少林有妙訣祖師既不西來爲什麼少林有妙訣師云知恩者少負恩者多進云恁麼

則一人傳虛萬人傳實師云虛處作麼生傳來進云  
任從滄海變終不爲君通師云禮拜著師復云始自  
隻履西歸卷衣南邁空聞消息流落人間古往今來  
遞相敬受大似一人傳虛萬人傳實山僧病多諸藥  
性年老變成精不是刻剥古人免見互相埋沒諸人  
應是從前覺觸往日見知從人邊請益得來言語中  
舉時中的出入遊戲則不無究竟真實大事萬不可  
得但能情亡理喪計盡途窮無施設處用心正是作  
功夫處山僧尋常祇道喫茶去今日也道喫茶去會  
盡諸方五味禪何似山僧喫茶去下座

法華

古尊宿語錄卷二十八

三

上堂擬思量何劫悟不思量終莽鹵欲思不思踏破  
時萬里無雲常顯露常顯露妙用恒沙非旦暮諸禪  
伯正好休征罷戰永息干戈傍水倚山成就大事況  
是人生易老壽命幾何或若生死現前畢竟將何支  
準不見古德道若不安禪靜慮到者裏總須茫然久  
立

上堂來來去去去來時去去來來離覺知了得去來  
無罣礙方知塵劫不思議所以道來無所來去無所  
去去來之際生死昭然前念生是來後念滅是去求  
其來去了不可得乃至前生後生今年去年更無絲

毫遷變之相如斯會得始絕去來但以衆生背覺合  
塵去來輪轉苟能洞達復有何事昔石頭大師一日  
問龐居士子近日如何居士曰卒說不及乃呈一頌  
日用事無別唯吾自偶諸頭頭非取捨處處勿張乖  
朱紫誰爲號丘山絕點埃神通并妙用運水及搬柴  
石頭默然許之後造江西問馬大師不昧本來人請  
師高着眼大師直下覷士云一等沒絃琴唯師彈得  
妙大師直上覷大衆若不是馬大師被他一問百雜  
碎諸人喚什麼作本來人若無本來人作麼生眼見  
色耳聞聲種種施爲運轉諸人還見本來人麼如今

法華

古尊宿語錄卷二十八

四

盡道本來人無形無相不曾着衣喫飯不生不死如  
此會得爭合本來人要知麼諸人總是本來人一段  
生死變化煩惱無明又如何消遣聽取一頌與子偕  
行今日路如君共看本來人同名同姓同形段無死  
無生無色塵畢竟如何切忌喚作本來人下座

上堂舉僧問洞山初和尚如何是佛對云麻三斤大  
衆有恁一件事何故無人知得洞山見人不知了遂  
自頌曰七寶畫牛頭黃金爲點額春晴二三月農人  
皆取則寒食好新正鐵錢三四百諸仁者此一轉因  
緣盡謂籠言及細語皆歸第一義又云臨機應用一



切尋常如斯會解埋沒古人要見洞山老子麼鴻鵠一舉千里飛鑽雲鷄子與天齊鳳凰不是凡間物爲瑞爲祥自有時久立

師到眞乘請上堂眞乘舉石霜徧界不曾藏語師云徧界不藏全體露絲毫有見事還差會中誰是先陀客不動纖塵便到家眞實到家之者得意忘言伶俜在外之人隨情起解情解既起名相是興言意兩忘十方咸暢豈不見適來堂頭已普告大眾如何更令山野稱提蓋爲妙旨幽深人難洞達何也既知咫尺之間爲什麼却道不覩師顏既言徧界遍空如何更

史記

五

五

云不曾藏覆還見落節處麼若見得便見石霜老子雪峯大師亦知龍門山僧與眞乘長老又此一衆禪和總有分付處山僧未離本院不到此中時眞乘無一人龍門長老山僧離本院度荒山來到眞乘諸人一一相見此間有一人龍門長老若有一人龍門長老於法成增若無一人龍門長老於法成滅滅故落斷增故落常旣懍斷常豈云正見一似上座未出家時無一人上座旣出家後有一人上座你諸人如何裁斷得心地安樂去還裁辨得麼向此有箇入處更有什麼事也或若未明良久曰不解作客久立

上堂獨自坐方信西來有達磨獨自行不用紅蓮足下生獨自語分明向誰誰肯許獨自參剎剎塵塵示指南相逢相問窮端的莫道山僧解放愁

端師翁忌辰上堂昔人已乘白雲去此地空餘綠水流綠水一去不復返白雲千載空悠悠湖南舊說老楊歧失却金毛師子兒江南江北無覓處龍門今日順風吹順風吹囉囉哩水急風高下釣磯

上堂鳥從空裏飛人向心中住人死心宛然鳥沒空何預人生一過鳥此心實可據但自了其心無旁問來去所以須菩提問世尊云何住世尊答曰如是住

史記

五

五

卵生胎生濕生化生有色無色有想無想等皆令入無餘涅槃而滅度之而實無有一衆生實滅度者還會得麼三界萬法實無絲毫生滅動靜之相祇由迷此決定惑爲色身之內所以質礙名色領納曰受思惟曰想遷流曰行分別曰識皆由自心之所成立爲不知此名爲五陰遂成色心二法不見道照見五蘊皆空度一切苦厄現前五陰之身爲有耶爲無耶若能如是見得實無生死等事或未然者豈無法來有一則無生死因緣舉似大眾昔漸源同道吾弟慰乃拈棺問道吾曰生耶死耶道吾曰生也不道死也不

道漸源不省後聞僧念蓮經應以比丘身得度者即現比丘身而爲說法忽然省得遂至石霜携鋤法堂上從東過西從西過東石霜曰作什麼漸源曰覓先師靈骨石霜曰洪波浩渺白浪滔天覓什麼先師靈骨漸源曰先師靈骨猶在大衆還見得麼拈起拄杖曰者箇是拄杖子那箇是靈骨者箇是靈骨那箇是拄杖子遂卓一下云長安夜夜家家月影落寒潭幾箇知

上堂若論此事如人買田地相似四至界畔一時分明結契了也唯有中間樹子猶屬我在大衆既是四

支那

五經集解卷之六

七

至分明結契子也爲什麼中間樹子猶屬他不見道千年田八百主若識得中間樹子耕鋤任你耕鋤布種任你布種開花任你開花結子任你結子若無中間樹子爭喚作常住良久云作麼生自云高處高平低處低平

上堂云龍門別無奇妙剛謂單傳心要豈惟淺水無魚撥剔全無孔竅二時展鉢開單逐日刷屎送尿萬事與人一般子細看來好笑既是萬事與人一般爲什麼稱善知識良久云我也理會不出

上堂今之叢林天下多有求一人會無情說法則無

莫道會得討一人舉此話亦難得何也須是會親聞說法來方可舉示如未曾親聞縱有舉示祇益塵勞於其慧命無所滋益大衆會既少舉尤難叢林雖有日凋殘若欲明斯旨應須離念看一人如領解大衆盡心安既是一人領解爲什麼大衆盡心安若不如此爭稱出離之門

上堂舉志公曰我見世間之人各執一般異見祇知傍鋤求餅不解返本觀麵餅則從來是麵造作由人百變大衆會麼狸奴白牯念摩訶貓兒狗子長相見諸禪客爲不薦若言自性本圓明大似捫空追閃電

攝志

五經集解卷之六

八

知得麼舍元殿上更覓長安慈氏宮中願生內院上堂僧問千尺絲綸直下垂一波纔動萬波隨如何是一波師云你尋常如何吞吐僧云如何是衆波師云着衣喫飯有甚難僧云鈎頭一句請師道師云你自道取僧云英雄雄江上垂綸者竿上時時有錦鱗師云沒交涉師復云諸仁者無過此時也長恁麼亦有不恁麼時禪學人道無有不恁麼時說箇恁麼已是不恁麼也恁麼時名爲得念不恁麼時名爲失念如今問諸人爲常失念亦有不失念時禪學人道常名得念時說箇得念已是失念了也要知得恁麼但了

取不恁麼時要明得念但識取失念時故先德道恁麼恁麼又云不恁麼不恁麼好奇惟諸高德是以釋迦如來又云得念失念無非解脫成法破法俱名涅槃地獄天堂皆爲淨土你等還知得一段眞實事否若知得永超終始之患十二時中自然安樂無事也下座

上堂云不動龍門內行叅古佛機親逢渠面目肯話自容儀凡聖心平等高低路坦夷丹霞燒木佛院主落鬚眉何故○下座

上堂舉六祖大師在大庾嶺頭示明上座曰不思善

不思惡正當恁麼時阿那箇是明上座本來面目明卽大悟大衆還會者話麼正當恁麼時歷劫不曾迷步步超三界歸家頓絕疑

上堂舉僧問忠國師如何是本身盧舍那師曰與我過淨鉢來其僧過淨鉢師曰却將舊處着其僧送去舊處再來問如何是本身盧舍那師曰古佛過去久矣此一則法門若非證入莫曉宗猷若縱心猿終成解會尋常盡道甚處來不是盧舍那更不識了再問豈不是過去久矣又道國師自受用三昧再三若問盧舍那自是古佛過去久矣又云如何是本身盧舍

那良久處好會取若不委知遂落草向你道與我過淨鉢來如斯解會但縱心猿不見國師云得之於心伊蘭作梅檀之樹失之於舌甘露乃疾梨之園要知麼太陽門下日日三秋明月堂前時時九夏大衆如何是盧舍那歸堂喫茶去下座

上堂昔趙州和尚訪庵主問曰有麼有麼庵主豎起拳頭趙州曰水淺不是泊船處拂袖而出又訪一庵主問曰有麼有麼庵主豎起拳頭趙州曰能縱能奪能殺能活禮三拜而去師云庵主一般豎起拳頭趙州何故肯一箇不肯一箇且道得失在什麼處趙州

自起自倒勘破多少阿師庵主坐斷要津過了多少寒暑要識趙州庵拍禪床右角云識取趙州要識二庵主庵拍禪床左角云識取庵主還有人點檢得失處出麼良久云易開終始口難保歲寒心下座

吳居士請上堂身是佛身須信六根清淨行名佛行故知三業圓明身淨則垢無所生行明則暗無所起垢生由乎迷淨淨作垢而莫覺莫知暗去必由得明明卽暗而難信難解所以諸聖常加被羣生自棄遺苟易慮於可作之初革情向悞爲之後親開智鑰仰扣慈關他心慧眼以洞知重罪宿冤皆可懺菩薩悲

願遍滿娑婆衆生哀投無不冥感是知明暗共體垢淨同源凡夫有成佛之期大士有度生之分苟不如此萬善徒與公達居士與如道人洞明泡幻了悟浮生共入山來究明斯事今晨請山僧陞座說法記得昔日裴休訪華林和尚問曰師還有侍者否林曰有一兩箇休曰在什麼處林乃喚大空小空時二虎自庵後哮吼而出休觀之驚悸林語二虎曰有客且去二虎哮吼而去休問曰師作何行業感得如斯林乃良久曰會麼休云不會林云山僧常念觀音大衆會他此箇意旨麼常念觀音力伏猛獸道眼通明萬緣

何有良哉大士時時垂手念茲在茲安樂長壽下座上堂永嘉一宿而悟遂曰幾回生幾回死生死悠悠無定止自從頓悟了無生於諸榮辱何憂喜大衆說有生死亦是言詮說無生死亦是言詮既涉言詮則是事迹且事籠易顯理妙難彰故言近而旨遠如何以至近之言明其至遠之旨不其難哉先聖道得旨忘言遺事觀理後人不曉便乃事外尋理言外求旨譬如以手撮摩虛空徒自疲勞終無所益要知得力用意處麼須卽事無事卽言無言悟入方親解會不得若如是隱顯施爲神用難測也不見僧問首山如

何是佛法大意首山曰楚王城畔汝水東流便有人悟去歸堂

上堂五色燈光青所成但除其青莫除塵若言本眼何曾青乃是臨河渴死人

上堂僧問劫火威音前別有一壺天御樓看射獵不是刈茅田乃提起坐具云未審者箇喚作什麼師云正見刈茅田僧便喝師云猶作主在師復云祇宜說一句有人會得去猶較些子或若無人會得山僧却成妄語思量了不如且休各自大家堂中喫茶自由自在免見他時異日被入覷破何也將軍自有嘉聲

在不得封侯也是閑喫茶去下座

上堂舉南泉和尚謂衆曰王老師賣身去也有人買麼時有一僧云某甲買師曰好一負禪客南泉云不作貴不作賤你作麼生買其僧無對師云噫笑殺人有數尊宿爲此僧着語趙州道明年與和尚作一領布衫一人道成何道理一人道和尚屬某甲後來雪竇道別處容和尚不得大衆許多尊宿爭頭競買也要運出自已家財王老師交關未成不敢胡亂分付者般行貨古今亦少見之龍門今日亦賣身去也然則有貴有賤賤則分文不直貴則金玉難借你買也



屬你你不買也屬你若識得龍門龍門與你作道伴  
有人處無人處起心動念總知得你善則令汝行惡  
則令汝止縱經三塗歷八難一步不相捨離常與你  
作道伴你若不識龍門龍門與你作冤家教你出家  
使汝行脚令汝尋師遣汝體究遂教你不會令汝茫  
然令汝求覓解會令汝巧作道理遂令淨妙國土而  
作土石山河常樂法身而作無明煩惱成不自在常  
生退失一步不放捨常與你作冤家大衆龍門屬你  
諸人來多時識得是道伴不識是冤家還有人明得  
此旨麼乃拈拄杖點一下曰一道伴二冤家通逆順

五支那

百寶齋錄卷二十八

十三

偏河沙眼是空翳是花得龍門道無涯遂放下拄杖  
子云少賣弄歸堂去

上堂臘月扇子功勳絕浩浩涼風動寥泝止炎蒸  
六月天暫時與君解煩熱下座

五祖和尚到上堂曹溪大師傳衣歸嶺南後來讓和  
尚得法授與馬大師馬大師接得百丈百丈得黃蘗  
黃蘗得臨濟臨濟得興化興化得南院南院得風穴  
風穴得首山首山得汾陽汾陽得慈明大師慈明大  
師接得一人楊歧和尚如今舉他得底事看此老子  
云我者裏如鬧市裏上竿子相似是人皆見瞞你眼

得麼楊歧老後來接得端和尚一人此老子曾住此  
山來有頌曰海底珠動時雲中月還現涼夜無狂風  
清光都一片端師翁後來接得先師一人先師有言  
曰祇從咬破一箇鐵餒餒直得百味具足此老子所  
以一生口硬好說硬話伏自先師付囑之後大法傳  
持以來末後東山一時分付今五祖堂頭和尚此日  
幸對人天廣衆請不憚慈悲重爲顯揚使先宗有據  
吾道益明莫不大幸

五支那

百寶齋錄卷二十八

十四

爲什麼坐地看楊州鉢盂着柄新翻樣牛上騎牛笑  
殺人

上堂諸人未到龍門山將道龍門在世間既到龍門  
心自在杉松拂拂水潺潺諸人還識龍門山麼若也  
不識未免山青水綠百年光陰能有幾許未回光達  
本已前都成夢幻遂拈拄杖云六道衆生造罪造業  
三世諸佛成佛作祖盡在山僧拄杖頭上諸人還見  
麼卓一下云百雜碎了也復展手云把將絲毫許來  
又卓一下云手執夜明符幾箇知天曉下座

上堂獬豸同欄辨者咀薰猶共處須分郁諸仁者得

底人終不自異於人而從前千聖悉所稱讚實有異於人處譬如二人同胞胎共父母同舍同學同一師授至於飲食語言之間悉無有異一日同入試院同一題目而一人得第一人落第及第者永異民庶落第者乃是常人是二人初無改易而貴賤高低有異恰如得與不得初無有異而一人得之位齊諸聖一人迷之遂作凡夫人雖不殊迷悟遼遠大衆可不驚怖者哉所以香林和尚云老僧二十年前見與我一般一輩人盡皆得道我日夜思量他得箇什麼便如此去我二十年中常看後來也得怎麼你看他先德

苦切之言實可取信豈可守株徒喪日月各宜體悉已後也須得去不勞久立下座

上堂龍門三月半大鼓聲聲喚喚得一時來特地生迷亂大衆既是喚得一時來爲什麼特地生迷亂此段好因緣諸人怎生斷不解斷轉迷亂若解斷較一半良久曰因緣一段無人斷留與諸方共斷看

上堂收得本名度牒踏遍白已山川聞有龍門長老走來學道叅禪恁麼惺惺漢子如何立地瞌眠忽然睡醒眼開元來天生自然師乃失聲曰慳討殺我討殺我皇天皇天尋殺我雖然如是知是般事便休直

須運出自已家財莫自拘於小節叅堂

上堂且道山僧卽今還有爲人處麼若有爲人處卽埋沒山僧若無爲人處卽埋沒上座彼此出家兒莫遞相埋沒好要知麼山僧將你本分事舉似你諸人何不於你本分事上識取識得麼若道便是某甲本分事也如向眼睛上下一釘相似若道我雖有本分事實未了知你又披什麼衣服大衆既是怎麼人識取怎麼事久立又奚爲珍重

上堂僧問納須彌於芥中擲大千於方外衲僧門下總用不着學人欲使泥牛耕巨海須彌駕鐵船師還

許也無師云十字縱橫一任行取僧云踏破澄潭月穿開碧落天師云猶未知衲僧分上事在僧云有意氣時添意氣不風流處也風流師云洪州腰帶師復云春光漸盡夏景將臨悠悠之徒貪生過日我今問你諸人從早至夜念念不住是有思量是無思量人必謂是有思量我且問你作麼生思量何不識取你諸人思量的隨而興作運爲也我問你作麼生興作何不識取你諸人於興作時起種種言說且作麼生言說何不識取都緣是自家先迷了祇管隨處流浪所以道道源不遠性海非遙但向已求莫從外覓

竟即不得得亦不真如在虛空退至何所還肯麼你諸人在我者裏或暫經冬夏或久涉炎涼若到別處入問龍門事不可指東劃西亂有所說却成欺罔也各將爲事各將爲事因成四偈思無思思萬邪一正不識玄旨徒勞念靜作無作作貫色通聲水中鹽味不見其形言無言言不費唇舌未說之法林中之葉龍門潦倒告報諸人既然如何故因循

賢席頭納疏上堂一葉飄飄水上歸姑蘇春色照岩扉坐禪片石重來看却笑山雲拂蘚衣所以沉空滯寂之士名爲貪着大乘混世同塵之人謂之圓通之

支那

卷之三

七

侶不捨道法而現凡夫事豈是植種於空現前日用是大總持門一一親得其力如斯之旨事可量哉昔日黃梅散席道在老盧坐折連床湖南寂盛古今勝樣作者同知進止合儀動靜可法況龍門新興保社意在求人衆手淘金誰是得者有麼有麼令人思百丈解踏馬駒行參

上堂杜順文殊事可知定光如來老大隋張三李四何王趙問你渠今是阿誰鄺市賣魚忘進趣案頭分肉露全機男兒鎖子黃金骨苦痛無明墮汙泥結夏上堂登龍門下無凡客不假風雷自有奇三月

進修從此始經行宴坐可思議三月安居九旬禁足稟如來之教旨乃釋子之清規橋約津梁人間天上或垂手入鄺者未嘗離於此座觀心入定者亦常遊乎十方此豈可以有心想豈可以無心會苟能如是何生而不護何足而不禁覆被萬靈廣益羣品或由斯道者吾末如之何也下座

上堂今時學者不究佛語祇究祖師語殊不知祖師語卽是佛語莫如此揀擇却成謗佛法去祇如雲門大師示衆曰人人盡有光明在看時不見暗昏昏作麼生是光明自代云三門佛殿厨庫僧堂又云好事

支那

卷之三

二

不如無者箇是祖師語是他道三門佛殿厨庫僧堂諸人尋常看時是看是不看若看他道看時不見暗昏昏如何得成光明既是光明了又道好事不如無作麼生又不要去且如楞嚴會上說箇晦昧爲空空晦暗中結暗爲色色雜妄想相爲身聚緣內搖趣外奔逸昏擾擾相以爲心性一迷爲心決定惑爲色身之內不知色身外洎山河虛空大地咸是妙明真精妙心中所現物者箇說話甚是子細且道與雲門道底事相去多少莫祇明祖師語不究佛語有人曰我亦不用佛語不用祖師語祇用自語祖師語佛語

尚不要更用自語又道我宗無語不用言語有語尚不是況無語耶莫作夢從朝至夜佛法作一邊祖師語作一邊有語作一邊無語作一邊妄想作一邊無妄想作一邊若恁麼真可謂看時不見暗昏昏也久立

上堂十方世界龍門寺大地山河是學徒隨順眾緣成解脫筭來全不費工夫

上堂舉僧問趙州學人乍入叢林乞師指示趙州曰喫粥了也未僧云喫粥了也州云洗鉢盂去其僧言下便悟大眾山僧今朝喫粥也洗鉢盂祇是不悟既

是爲善知識爲什麼却不悟還會麼豈可喚鍾作甕終不指鹿爲馬善人難犯水銀無假冷地忽然覷破管取一時放下

上堂龍門若爲作端午打動衆人塗毒鼓觸體破後遣誰聞鑒覺盡時敢言普是謂南山鼈鼻蛇好箇大雄白額虎可憐開眼覓眼人赫日光中尋入路

上堂飄飄颼颼楊柳花紅紅赤赤遠天霞屈屈曲曲龍門路僻僻靜靜野僧家尚不心頭懷勝解誰能劫外箕河沙休糧方子齋兼粥任運還鄉苦澀茶好大哥喫茶去

上堂七七四十九面南看北斗死去與生來泥牛大哮吼所以釋迦老子未離兜率已降王宮未出母胎度人已畢如此則毗盧境界止在人間涅槃妙心更於何覓昔日那吒太子析肉還母析骨還父然後現本身運大神通大眾肉旣還母骨旣還父用什麼爲身學道人到者裏若見得去可謂廓清五蘊吞盡十方聽取一頌骨還父肉還母何者是身分明聽取山河國土現全軀十方世界在裏許萬劫千生絕去來山僧此說非言語下座

上堂撫掌大笑良久曰大眾笑箇什麼山僧笑古往

今來一切人有瞥地有不瞥地不瞥地之人如黑地數甕有甚分曉瞥地之人便自回頭轉腦東問西問譬如衣錦夜遊問來問去問去問來忽然如晝見日便云譬如自有目日光明照見種種色多少分明雖然如此更須知有向上事末後句始得罷叅大眾始於瞥地終於罷叅古往今來莫過如此山僧所以笑他恰如春夢相似諸人還會夢見麼莫道無事法爾天真好豈不見大庾嶺頭曾趕上少室岩前立到腰豈得不遇於人好大哥喫茶去下座

行者剃髮上堂山僧因而度得小師一人遂拈起拄



杖示衆云見麼法名崇木俗姓葛良久又云爾旣投  
吾出家今爲汝受三皈五戒乃云崇木皈依佛皈依  
法皈依僧已爲汝作三皈今爲汝翻十邪受五戒汝  
當聽受所謂身口意也身有三過謂殺盜姪意有三  
過謂貪恚癡口有四過妄言綺語兩舌惡口作此十  
者名爲十惡無此十者名爲十善汝今於三業門中  
專受戒法所謂不殺不盜不妄不姪不飲酒是五戒  
相汝依吾教信受奉行復卓拄杖一下云崇木聞吾  
教訓乃告吾曰和尚所說但崇木從來無身口意亦  
不知何以爲持犯縱聞三皈我不知何者名佛法僧

史記

百寶集卷之二

三

聞五戒相從何受持雖煩和尚如此崇木並無領覽  
處師放下拄杖曰此真吾弟子也是真皈依也真受  
得戒也所以昔人云和尚何不畜一沙彌老宿云有  
無眼耳者爲吾尋一人來正是此意也好得力小師  
大衆會得否拈起拄杖云扶過斷橋水伴歸明月村  
久立

上堂總別同異兼成壞祇是山僧與衆人高廣須彌  
入芥子無邊刹海在微塵晝復夜秋復春境寂心融  
事事真七寶大車旣如此去來語默莫因循禪和子  
聞說了呵呵大笑道我會也我會也師乃呵呵笑云

你會也且道西天那蘭陀寺後孤峯頂上如今有什  
麼人在彼中修行見麼見麼下座

上堂趙州道箇洗鉢去其僧豁爾知歸鳥窠吹起布  
毛侍者當下得旨爲復是就伊明破爲復是吐露向  
伊亦不是就伊明破亦不是吐露向伊大衆會麼本  
有之性爲什麼不會爲四面隣和尚挂真虛空無相  
不拒諸相發揮寶鏡無形豈礙羣形頓現相與形而  
常爲空與鏡而常真故即偽即真不生不滅大衆或  
若虛空頓消殞寶鏡不臨臺光境俱亡復是何物六  
十三年卽且置且道卽今四面老子在什麼處遂拈

鐵樹

百寶集卷之二

三

起真云生涯何所有今古與人傳

上堂夏已半山中早晚不甚熱知事毗贊外無恙首  
座大衆康休西庵首座且暮流慈法樂無量山門內  
外雍肅表裏安裕涅槃山法性海豈容取證造諸擬  
議於其間哉在夫山僧與諸人登高而履深不可坐  
取安佚而無所得也各宜悉察昔有一禪客親近一  
老宿甚勤老宿每見來卽揮手曰未在未在且去如  
是經久其僧中夜思惟曰並不蒙一言開示祇管道  
我未在教我怎生奈何思量來思量去忽然省得歡  
喜無量至明日上午去見老宿老宿見來便點頭曰是

也是也大衆者簡便是達磨大師所傳宗旨且如何便見得良久云賊賊鳥守空池魚從脚下過賊賊總不知歸堂

五祖忌辰上堂趙州不見南泉山僧不識五祖甜瓜徹蒂自甜苦瓠連根自苦

上堂達磨大師入中國至今幾千年得其道者甚衆領其旨者實多大似一人傳虛萬人傳實大衆流言止於智者諸人三十年後莫道見龍門來

上堂先聖道法性海中親認得豎起拂子云還有認得底麼良久云認得也在法性海中認不得也在法

性海

古尊宿語錄卷二十八

三

性海中大衆既總在法性海中何故却有認得認不得且道此理如何每常兄弟道何處不是法性海山僧直是不肯你道病在何處有人道病在有道理處山僧問伊如何得無道理去佗道却重便出或道今日七來日八大衆若總恁會如何見得古人道法性海中親認得去莫將開學解埋沒祖師心

解夏上堂尊者憍陳如九旬最親切老少幸相依上下皆歡悅瞻聽離聞見承覽亦超絕四海五湖人勿謂真機泄

上堂昔仰山夏末禮拜爲山爲山問日子今夏作何

所務仰山云開得一片田種得一籬粟爲山云子今夏也不空過仰山却問和尚今夏作何所務爲山云晝日一食早晨一粥仰山云和尚今夏亦不空過了退後吐舌爲山云子何得自持白刃斷其命根仰山拂袖便出大衆爲山父子尋常相見游戲神通不同小小還有知得底麼若無山僧與諸人說看開一片田密密綿綿兩頓粥飯其道自辦山僧一夏與諸人相見自是諸人不薦若或薦成一片是什麼一片看取當門箭

古尊宿語錄卷第二十八

性海

古尊宿語錄卷二十八

三

金壇居士于王立施贊刻此  
古尊宿語錄卷第二十八計字九千一百七十  
個該銀三兩七錢七分  
雙足庵釋真福對上元李淵書戴伍刻  
萬曆丙辰歲冬十月徑山化城寺識

古尊宿語錄卷第二十九  
舒州龍門佛眼和尚語錄

住南康雲居嗣法善悟編

爲亡僧下火幾度曾經恁麼來者回又是入天台一堂道侶同相送環重峨帽下五臺遂下火云遇辣辣上堂近日亡僧遷化此一則因緣有人會得麼大凡叅學須見生死根源生死若有則不明道生死若無又作麼生無得多見時流錯會妄作主宰今日試舉先聖兩則語證驗今人錯處祇如臨濟和尚示衆云有一無位真人常在你等面門出入未證據者看如

又那

古尊宿語錄卷二十九

一

今一氣才斷便乃爛壞蟲生面門出入無位真人此時作麼生主張既無可主張古人因緣又作麼生消殺古人又道你去父母未生時明取你本來面目諸人如今盡是父母生後所有許多時行住坐臥施爲運用却分付何人若無分付處古人語又作麼生消殺莫是不干此身之事任生任滅直明本性否莫錯會且如厭身如桎梏狀智如雜毒出三界了尚祇名羊鹿之人見身心無起滅無内外不住不去不捨平平等趣入故名大乘根機看來亦祇爲明生死之道諸人未了生死疑情叅學有什麼是處要得省心

力麼但明取若身若心若外世界種種變化悉由何發現須是一得了始得迷情不現說得恒沙不了後並無用處達磨大師曰吾本來茲土傳法救迷情一花開五葉結果自然成可謂無承當人也歸堂喫茶去

上堂僧問德山如何是宗門奇特事山曰我宗無語句實無一法與人師云漏逗了也僧問雪峯和尚見德山得箇什麼便歸來峯云我當時空手去空手回師云漏逗了也睦州喚僧僧回頭州云擔板漢師云漏逗了也一漏逗二漏逗三漏逗用意攬前先在後

又那

古尊宿語錄卷二十九

二

莫於佛祖結冤親好看衣珠常離垢家中人鬪頭走淮南笑殺龍門叟有人若會笑因由眼似銅鈴大如斗呵呵歸堂去

郭公朝散施寶蓋上堂舉木平和尚行脚時問洛浦一漚未發時如何浦云移舟諳水脉舉棹別波瀾木平不契遂問盤龍龍云移舟不辨水舉棹卽迷源木平遂於言下大悟後住木平李王詔至金陵問道於他法眼有偈云木平山裏人貌古言復少相看陌路同論心秋月皎壞衲線非蚕助歌聲有鳥城郭今日來一漚曾已曉誠哉是言也作麼生明他向盤龍言

下悟底事若有人問龍門一漚未發時如何龍門實難吐露良久遂云一漚未發時實蓋向空垂瑞色飄飄起香風颼颼吹何勞輕舉拂不假畧揚眉五百曾親獻如來印可之昔日毗耶離城五百長者子各持七寶蓋來詣佛所佛之威神令諸寶蓋合成一蓋遍覆三千大千世界諸人還信得及麼非但古人今諸人皆有此一蓋還曾窺覷得着麼若窺覷得着步步莫非玄路言言盡轉法輪其或未然山僧雖老拙寶蓋助宣揚久立

上堂龍門老白云作麼復問你畢竟是誰對云是你

聖僧語錄卷二十一

聖僧語錄卷二十一

三

復云你夏中做得箇什麼事對云難說向你祇恐你落在見聞又云但說無妨師乃提出拄杖云有見有聞是凡夫無見無聞是二乘有人識得否良久云鴛鴦繡了從君看不把金針度與人參

撥田劄子至上堂謝恩畢舉百丈和尚謂衆云你等爲我開田我與你說一段大義衆開田了請師說大義百丈起來展手舒伸大衆古人得恁麼徑截還會他恁麼方便處麼百丈說大義辛勲事可知龍門無道理大衆絕狐疑帝力乾坤重君恩雨露垂有人相借問雲外畧揚眉爲什麼揚眉良久云萬古長春

上堂鼓聲纔動法義已周大衆上來尋光而至山野高提祖印諸人共息狐疑直須倒岳傾湫切莫尋枝摘葉所以道者裏聚集爲你僧堂裏底者裏聚集爲你寮舍裏底會得麼好於處處叅知識休用從前解會禪

上堂云南閭浮提人就中多鬧亂無想四禪天根性最遲緩遲速不同倫染淨難回換兩箇五伯文元來是一貫貫貫啞子拍手高聲喚聾人聽得伴不管天明日出是夜半智者大師譚止觀大衆此理如何良久云看

聖僧語錄卷二十一

聖僧語錄卷二十一

四

檀越請上堂舉端師翁住圓通日楊次公郭功甫每往叅問此道後來往復淮南常求法要一日功甫訪之白雲師翁遂上堂云前來蒙次公大儒訪及爲上堂曾舉一遍今日功甫到來不可隱覆更爲舉一遍此語甚是奇特乃曰上大人丘乙巳化三千七十五小生八九子佳作仁可知禮也遂下座大衆言雖麤淺理實甚深若不會上大人如何登孔聖門通曉六經子史百氏詩書縱使身名顯達不曉上大人如何佐國安邦使功成身退至於百工伎藝負販庸人孩稚小童無上大人如何成就事山林河海日月



星辰上聖下凡無上大人不能安立大眾好上大人  
還會麼孔門弟子如能識折桂登科第一人下座  
上堂三平禪師道祇此見聞非見聞師云捻土爲香  
更無聲色可呈君師云人思舊念箇中若了無餘事  
師召大眾云立處孤危體用無妨分不分師云巡堂  
看取下座衆巡堂了復謂衆云有人會得麼又云會  
得麼衆無對師云癡漢癡漢

黃龍山死和尚遺書至上堂死心心已死心死死  
山生拗折黃龍角翻身臥地行者老子從來翻着欄  
衫倒携席帽口頭龐臆肚裏柔和平點檢叢林呵叱學

者雖傳晦堂道愛用雲門禪以罵風罵雨爲訓徒以  
種菜種蔬爲作務興災降禍少喜多嗔愚人見卽搭  
肩智者點頭相許要去便去果然作家騰身元是莫  
徇人睡中失却死心老嗚呼哀哉法門不幸

上堂虛名虛相谷音鑑像棄而不修豈明幻妄少不  
努力老矣惆悵靜以思之隨機稱量古德云譬如百  
歲老兒作歌舞豈是小兒戲大眾會他恁麼道麼百  
歲老兒作歌舞側首低眉聽節鼓心中聽拍雖了然  
手脚來遲轉辛苦乃起身作舞云會麼老作少難下  
座

上堂一葉落天下春無路尋思笑殺人下是天上是  
地此言不入時流意南作北東作西動而止喜而悲  
蛇頭蠍尾一試之猛虎口裏活雀兒是何言歸堂去  
上堂眉毛眼睫最相親鼻孔唇皮作近隣至近因何  
不相見都緣一體是全身

上堂提拄杖卓一下乃顧視曰拄杖子拄杖子你無  
住持干懷又無病痛苦惱如此黑瘦何也拈拄杖呵  
呵大笑云是何言也若色見聲求是行邪道昔臨濟  
德山由之發明見諦後來明眼尊宿由之接物度人  
豈不見黃蘗普請次藥謂臨濟云我最得者拄杖氣

力臨濟近前奪下拄杖推倒黃蘗黃蘗遂云扶起我  
來扶起我來時有一僧近前扶起云和尚爭容得者  
風顛漢恁地無禮藥却打其僧數下臨濟乃云蒼天  
蒼天大眾當時拄杖子如今却在龍門手裏乃提起  
召大眾云還有臨濟手段底麼出來出來龍門却是  
放得下遂拋下拄杖放身便倒云有扶得者出來良  
久云旣無臨濟之人又無扶起之者龍門自起自倒  
有甚用處歸堂去下座

甘露和尚入山上堂達磨不來唐土地久天長二祖  
不往西天山青水綠龍吟霧起虎嘯風生秋雨垂空

浮雲蔽日諸人有眼還見麼有耳還聞麼既具見聞何者是迷何者是悟何物爲緣何物爲對要知迷悟昇沉理畢竟須還本分師先佛道身相屬四大心性歸六塵四大體各離誰爲和合者大衆身心既乃如此現今復是何物近來參學之人盡皆奔馳語句舉論古今於本分事全不明了所以正宗淡薄道法澆漓幸遇和尚到來伏望震潮音示真旨扶重瞋顯衣珠四衆傾誠不勝虔請

黃龍靈源和尚遺書至上堂昔開正續銘今示真歸告一路涅槃門行說皆親到明然臨濟燈妙唱黃龍

道空海久澄虛雲濤方浩浩橫吞巨海高駕鐵船隱顯同源卷舒無際者其唯靈源乎禪師居究竟地住本覺場雖曰示生實無生而可示雖曰示滅實無滅而可示明明密密密密明明真化不移何方出沒所以遺言作訓真告普聞能事始終一期云畢而某曩歲遊方之始邂逅龍舒許以半面之交氣投分感雖則荆山隱玉已遇良知爾後蚌腹剖珠登舟獲劍歐峯再會素願尤諧歡洽妙期有同符節自初及此三十年間理契同風至音無間夫何遽別特示遺書感存念亡此情彌切雖然如是佛佛不思議不許長住

世大衆審思惟畢竟祇者是然則子期既沒伯牙絕絃益傷其無知音爾況此至道離見超情莫逆于心夫何言也昔人間長沙南泉遷化向什麼處去沙云石頭作沙彌時參見六祖云不問石頭作沙彌時參見六祖南泉遷化向什麼處去沙云教伊尋思去師乃呵呵笑云會麼會麼水長船高泥多佛大共至靈前不勞觀聽

蔣山佛鑑和尚遺書至上堂噫噫師兄師兄出在我前去復我先噫噫師兄師兄出在我前許我並駕而齊肩去復我先使我隻翼而孤騫豈不念茲苦海羣

迷未度況乃五湖玄學負笈趨筵遽辭舟楫孰濟長川然佛法道理自有因緣此蓋衆生無祐薄福使然永違叢社法炬無傳我聞如來雙林示滅又聞達磨隻履西遷佛佛祖祖其道綿綿況我鍾山佛鑑法兄妙機無間出沒應緣去來生死吾何預焉而某於師門最爲深契在鴈序手足相連義交金石氣薄雲天聽遺音而何忍念朽質以非堅同心共照夫復何言尚記得如來滅度阿難問迦葉曰世尊傳金襴外更傳何法迦葉曰阿難阿難應喏迦葉曰倒却門前剎竿着大衆若無者箇公案生死熾然白雲師翁道金

欄之外復何傳弟應兄呼豈偶然倒却門前斜竿着  
免教依舊倚牆邊大衆會得麼倚牆邊倚牆邊寂滅  
光中禮白蓮

上堂達磨大師所傳心印看看掃地盡也如今還有人見達磨大師麼若見得方解承當若見未得切忌認着所以正宗淡泊異道崢嶸昔日王常侍叅睦州一日州問曰今日何故入院遲侍云爲看馬打毬所以來遲州云人打毬馬打毬侍云人打毬州云人困麼侍云困馬困麼侍云困州云露柱困麼侍惘然無對歸至私第中夜間忽然省得明日見州云某會得

廣律

古風宿禰集卷二十一

九

昨日事也州曰露柱困麼侍曰困州遂許之此是達磨大師宗旨露柱不解打毬如何却困還有明得者麼人困馬困未是困露柱之困始是困好於言下證無生莫向言中尋尺寸百丈若無雙耳聾臨濟爭解領三頓盡將業識作流傳此道今人棄如糞久立上堂昔有使頭使下二人一時奉事觀音一日使下偷使頭錢走使頭燒香禱告觀音願我捉得使下使下亦燒香禱告觀音願使頭不見我當此之際觀音救誰卽是祇救使頭又違使下祇救使下又違使頭若一時總救事甚相違山南辯和尚道若要行大道

三步作一跳大衆好語祇恐人窺心子細究之又却分疎不出山僧爲你一一分割看若人要會先須識取觀音要識觀音麼大慈悲心是更須知大慈悲心從甚處流出現今歷歷聽法者無心而流出萬宗若識得了使頭方解作得使頭非唯作得使頭亦乃識得使下此使下是使頭底使下離使頭外別無使下若識得觀音了使下方解作得使下非但作得使下亦乃識得使頭此使頭是使下底使頭離使下外別無使頭若恁麼使頭使下但是空名使下使頭悉皆無寄大慈悲心熾然獨脫也旣識得使頭又識得使

古風宿禰集卷二十一

古風宿禰集卷二十一

十一

下更須識得錢帛使頭見之是使頭錢帛使下見之是使下錢帛離使頭使下外別無有錢帛亦須知使頭錢帛自不干使下事使下錢帛亦不干使頭事各不相到雖不相到使頭錢帛卽是使下錢帛使下錢帛卽是使頭錢帛同一物耳若恁麼旣同若恁麼旣異皆大慈悲心之作用也卽知得錢帛又須明取得失使頭失財時是使頭失使下得財時是使下得得失不在別人分上如此則使頭失時是使下得時使下得時是使頭失時得失雖殊而不異得失各異而常同豈別有一物作同作異也若使頭若使下若錢

帛若得失一一明了方名觀自在菩薩古人云得失是非諸佛智一人無心眼耳聾

上堂云西瞿耶尼打鼓南瞻部洲上堂大眾十方齊至等聞野客稱揚此聲徧滿十方照破聞見色香堪笑釋迦老子等閑動地放光大衆歸堂

徐公大夫入山上堂何處求通達疑根自不凡頓明心卽佛陡覺海非鹹善財樓閣路日進丹霄步凡夫云未然我道常披露大衆譬如自面豈辨鬚眉又如眼根不自見眼面若有見卽非本頭若見眼根眼卽同境所以石鞏自射無下手處乃證全身龐公問心

文淵

蓮華經卷第三

十二

一口吸盡遂得真實此所謂大丈夫之事業也不見道大丈夫秉慧劍般若鋒兮金剛焰非但能摧外道心早曾落却天魔膽莫不是了見本來面目證得清淨法眼故得稱爲大丈夫也此日伏蒙提宮大夫朝旆入山光臨泉石頃者山野輒効先德開法施場住持此山數年之間傍資修換爲禪者遊心之地工役旣畢輒以土木之功干于視聽願得雄偉之文以彰不朽爲來者之益伏蒙惠示莫大之幸山僧雖不曉義理觀此嘉作近世所稀豈此邦此山之幸亦天下叢林之幸甚也昔向居士木食澗飲以所悟布之文

字求二祖大師印證曰影由形起響逐聲來弄影勞

形不識形爲影本揚聲止響不知聲是響根除煩惱而趣涅槃喻去形而覓影離衆生而求佛果喻默聲而尋響當知得無所得失無所失未及造謁聊伸此意伏望荅之二祖大師荅曰備觀來意皆如實真幽之理竟不殊本迷摩尼謂瓦礫豁然自覺是真珠無明智慧等無異當知萬法悉皆如愍此二見之徒輩伸詞措筆作斯書觀身與佛不差別何須更覓彼無餘居士得偈欣然奉侍諸仁者古人悟心布之文字實是希有還見二祖大師與居士所證所得之事麼

文淵

蓮華經卷第三

十二

良久云浩劫有窮斯文不泯久立

上堂慮而解思而知孤燈難並太陽輝不是心不是佛爲君掃蕩精靈窟摩天鷄子入雲飛千里萬里祇一突阿剌刺下座

上堂不起踈慵不進修實無言說實無求奪飢人口中之食驅耕夫手裏之牛眞快活百無憂自是不歸歸便得五湖風浪拍天流

陳與明還佛頂心經願請上堂庵齒臨庵齒臨庵部臨庵部臨大眾此是甚麼言語義理如何還有人會得麼若道是言語又不成言語若道有道理又不成



道理可謂言詮不到分別不及先聖呼爲密語又曰眞言一切言音從是而生一切語教從是而出山僧適來看經中得七字陀羅尼能滅千災成就萬德今對諸人舉此七字陀羅尼一徧諸人諦聽遂默然屈第一指至第七指曰諸人聞得麼恐諸人不聞更舉一徧又默然屈一指至七指曰聞得麼大衆唯佛與佛乃能知之自餘羣生悉皆罔措有方便門名曰重說偈言今更再三分明說此七字呪曰佛頂心經齋願了大衆曉得其中旨趣麼待山僧奉爲解釋一字字要知落處若論佛祇是當人更無物若論頂晝夜

舒光照前境若論心看時無相用時深若論經解語能言不是聲若論齋所爲所作盡和諧若論願猶如身在龍門院若論了無慮無疑心皎皎心皎皎增添福壽災殃少論量功德廣難思須彌未大滄溟小山僧適來說者是眞言世人祇知有言不知有眞若不知眞所言皆妄何者名爲眞言能出萬宗故曰眞言亦名三昧王亦名萬字頂亦名微妙章句亦名秘密大總持至心受持大有靈驗所謂山僧七字呪也乃屈指曰一二三四五六七諷誦受持皆秘密如人親入寶山中一切珍奇從此出久立

上堂道可學耶實不可學心可悟耶實不可悟不學不悟眞機全露明月娑婆浮生旦暮眼若不睡諸夢除古今出入無門戶遂召大衆曰是什麼

上堂山僧畧陞此座大衆永息狐疑各各金毛師子去來哮吼全威臨濟高聲連喝德山拈棒痛槌縱有一言半句終不別作路歧大衆抖擻精神着瞌睡作麼是甚生次第事你自鈍置山僧恁麼道要人到不要人到試點檢看

上堂舉洞山和尚示衆曰兄弟初秋夏末或東去西去直須向萬里無寸草處去始得又云祇如萬里無

寸草處作麼生去石霜聞之乃曰出門便是草僧舉似洞山洞山曰大唐國內能有幾人師曰出門便是草閑殺龍門老北去禮文殊南來登五老鬢髮已蒼浪言歸恨不早獨立秋風前相思望江島好好不用更尋討

上堂什麼物恁麼來休將明鏡挂高臺什麼物恁麼去分明不用當頭舉舉得分明得更難澄渾不許蒼龍盤便恁會太無端遂拍手呵呵大笑云華藏毗盧世界寬

上堂好一隊其中人還見其中事麼若是其中人必

見其中事也良久呵呵大笑曰會麼苟不然者雖有其中事元來不是其中人縱是其中人元來不了其中事了得其中事作得其中人復何憂哉不見瀉山曰有句無句如藤倚樹時有人問樹倒藤枯時如何瀉山呵呵大笑又有乾峯示衆曰法身有三種病二種光一一透得始解穩坐雲門出衆而問曰庵內人何故不見庵外事乾峯呵呵大笑衆有人或問道此二老宿意旨如何龍門拍手呵呵而笑良久曰你諸人何不與我放下布袋解開肚皮笑一聲子上堂釋迦世尊已成正覺彌勒大士當來下生老盧

文淵  
無述

百華詩錄卷二十九

二五

持過嶺南達磨携來東土各謂度生已畢我願云周如何六道四生猶在土石諸山未殞淨妙國土不逢爲是願力未充爲是業果難盡爲復別有道理還有人斷得麼若不同床睡焉知被底穿歸堂喫茶去上堂空生不解畚中坐春暖桃花樹樹紅漏泄天機無覓處都緣露柱挂燈籠燈籠燈籠却有古風露柱露柱善解提舉一旦師姑是女兒大悟堂中喫茶去上堂心是根法是塵兩種猶如鏡上痕痕垢盡時光始現心法雙亡性卽真根塵既謝鏡光現前心法雙亡如何則是赤乾體身無妄想眼聞耳見離攀緣

上堂迎日出門去已覺披煙霧冒月望山歸重露濕禪衣心悄悄步遲遲無孔笛再三吹哩哩懽懽囉哩遊子乍聞征袖濕佳人猶唱翠眉低君更聽莫狐疑是何曲歸堂去

上堂眞實到家之士何暇論家決定證得之人寧標所證論家論證乃閭閻負販之徒無證無家誠飄露伶俜之子何不與決烈之志啓特達之懷舉措看他上流勿謾隨於庸鄙一一從自己胷中流出與我益天蓋地去始得總似你恁麼參學驢年去

上堂海門山長安道茫茫煙水連芳草樓頭客馬上

文淵  
無述

百華詩錄卷二十九

二六

郎一聽落梅悲故鄉春風過眼花飛盡蝴蝶翩翩過短牆君更聽是何章會不得叅堂去

政和八年九月奉勅住和州褒禪上堂謝恩畢僧問千里遠聞音信好不涉程途事若何師云不挂三十進云一輪明月當空照萬里清風宇宙寬師云却有商量進云路上忽遇禪人問時如何師云有甚難答進云雲離谷口千山秀月到天心四海明師云誰是恁麼人師復云大衆現前豈不是舒州龍門山適來勅旨豈不是和州褒禪寺令山僧往彼傳法住持且何者是傳底法要知佛法旨趣麼不離龍門山要見

褒禪寺不離褒禪寺要見龍門山龍門山則易見褒禪寺卽難見有人見得褒禪寺麼若明得便有佛法旨趣若也未明良久云帝力丘山重君恩宇宙寬不才何以報處處得心安久立到褒禪入方丈師據座云昔定明禪師燕坐此峯住大三昧悲濟弘誓澤及一方山僧忝繼先蹤續明後焰十方坐斷祖令當行鳴鼓陞堂各須諦聽

上堂聖皇帝賜與名山賢宰臣宣行睿旨俾令貧道傳法住持衆中還有荷擔重任者麼試出衆道看僧問古人道權借一問以爲影草未審此理如何師云

子是何心行進云可謂手執夜明符幾箇知天曉師云曾問幾人來進云到者裏多少人錯會師云闍梨又作麼生進云三十年後有人會去師云猶較些子僧問一塵纔起大地全收時如何師云兩塵也進云恁麼則無邊刹境自他不隔於毫端十世古今始終不離於當念師云含山縣裏事作麼生見得進云山河及大地全露法王身師云者箇闍梨却好商量師復云龍蛇易辨衲子難瞞辨別得否山僧未來此間時是山法席久虛叢林不振當此之時還知定明禪師是汝諸人善知識麼山僧既來此間法席初開叢

林復建亦定明禪師是汝諸人善知識所以道有佛無佛性相常住若解恁麼看得吾道有光矣昔日有一員尊宿聚集定起來作舞曰諸人會此意否諸人無對宿曰山僧不捨道法而現凡夫事師乃呵呵笑曰奇怪若是褒禪卽不然乃起作舞告衆曰諸人會我意否良久云清貧長樂下座

上堂褒禪乍住太乾枯月白風清入畫圖人間縱有千般樂不及今朝事事無乃呵呵大笑好大哥

上堂雲中石塔摩星斗定明禪師大張口是你之言若解參不必腰包天下走遂卓拄杖一下曰鳥對初

陽自在啼犬逢生漢連聲吼又卓拄杖一下曰歸堂上堂祇知今日明朝不覺今朝明日事事一似安排箭箭自然中的甜者甜於黃連苦者苦過白蜜喫得者般滋味乃以手作舞曰不妨邏邏哩哩下座

正月一日上堂以拄杖劃一劃云天得一斗牛女虛危室畢地得一草木山河井土石君得一上下四維無等匹召大衆曰萬象森羅影現中一顆圓明光的歷有歡榮有愁戚或冤親或順逆富且貴貧且乞萬樣千般誰運爲空谷之聲隨應出鴛鴦繡了任君看不露金針太綿密褒禪奉勸各回頭莫待臨行却歇



卿識取摩訶般若光萬古悠悠是今日久立

上堂如來無二種語諸人如何會如來語作麼生是二種語須明取始得一離間語二和合語無此二者是名如來語何名離間語能聽法者雖願樂聽受而所說法者不爲開示是名離間語能說法者雖樂開示而聽法者不樂聽受是名離間語雖說無有能說可說雖聽無有能聽可聽得如此者方名和合語當觀此離間語和合語一耶二耶同耶異耶如此證知捨離間語當得和合語而如來無此二語者不說不聽而已然不說不聽亦有二事一凡夫二聖智正如

凡夫無所聞示無所聽受冥然莫覺故曰無明亦名爲無說無聽二聖智所到到其無說無聽亡賓主絕行解自居究竟實地亦名無說無聽學者當善分別勿生異見不可瞞預不分

上堂舉趙州和尚一日趙王來不下禪床曰會麼王曰不會州曰自小持齋身已老見人無力下禪床騰騰和尚朝見則天仰視則天曰會麼天曰不會騰騰曰山僧持不語戒忠國師見肅宗帝以手指頭帽子曰會麼帝曰不會國師曰天寒莫怪不下帽子大衆明得三人意旨麼譬如寶舟到岸獲大富而濟有餘

玉戶抽關升于堂而入乎室猶在門外無奈不入之何困守孤貧豈是珠寶之咎還會麼卞和則足歸堂上堂面前過便知是張三李四背後過爲什麼却不見壁者邊便見是條臺倚子壁那邊爲什麼分疎不得咫尺之間尚尔況十方世界耶叅學人若不明當知叅學事卒未在光陰迅速入寺來早已九十日諸郡發心化士且寬懷打疊遂拈拄杖曰東西南北四方人地濶天遙最是親衡岳天台連魏闕乃彈指一下曰輕輕彈指不勞神復拈拄杖曰山河大地日月星辰草木叢林盡在拄杖頭上還見麼良久曰腰纏

十萬貫騎鶴上揚州久立

上堂趙州有喫粥因緣好一則因緣者僧當下悟去會得麼你拈動鉢盂匙筯時便不會古人意了也祖師有風幡話你諸人十二時中爲什麼一似大蟲看水磨相似國師有無情說法據你諸人合明得爲什麼却不聞若一一明得便是有地頭底禪和子歸堂祈雨上堂定明妙應禪師說法如雲如雨不是時人不聞又非不善其語如斯一味靈通過了幾多寒暑縱逢敗種焦芽方便一時救取

知府曾公舍人入山祈雨上堂舉劉禹瑞公問雲居



雨從何來對云從端公問處來師云雨從何來不須尋討徧滿虛空拔濟枯槁定明妙應靈通知府舍人台造眞箇是爲雨爲霖莫不爲忻爲好且問諸人是定明雨舍人雨百姓雨定當得麼良久卓拄杖一下云三下座

上堂卓拄杖一下云大衆你諸人昨夜爲什麼一時在露柱裏藏身及乎天旣明喫粥了上來聽參爲什麼却在欄干上立地見麼直饒如此通神變更問起雲塔裏師

上堂抵死要行雲水脚剛然求悟本來心爲蛇畫足

勞筋骨辜負青山綠水深豈不見德山老子向你道未踏船舷時好與三十棒也諸人也着些子精彩着飯袋子也好與三十棒遂卓拄杖一下下座

退袈裟上堂一去一來松上鶴半開半合嶺頭雲捲筇獨立于峯外唯把南山祝聖君

知府錢公奏請再住袈裟上堂大衆君命重宣降薛蘿不容靜處薩婆訶欄衫席帽寒酸甚又向人前唱哩囉哩囉拍一拍哩囉又拍一拍云去年梅今歲柳顏色馨香依舊人漸老水長流無心道合頭下座上堂舉蓮花峯庵主拈拄杖示衆云古人到者裏爲

甚麼不肯住自云爲他途路不得力如是二十年無人會得此語後有老宿聞舉云是卽是少進語在有僧問如何進語宿云但問畢竟如何僧持此語問庵主主曰柳栗橫擔不顧人却入千峯萬峯去師橫按拄杖於肩上高聲喚云和尚和尚又云闔國人追不再來千古萬古空相憶

上堂舉嚴陽尊者問趙州一物不將來時如何州云放下着尊者當下大悟師云好大衆還見得悟處麼盡力放不下着力擔不起將謂一物無元是自家底見得自家底心中大歡喜自茲家業與一舉九萬里

臘月初一上堂僧問萬法是心光諸緣唯性曉盡大地是色那箇是心師云不要瞞老僧進云盡大地是心那箇是色師云闍黎念來多少時進云祇如色心二字如何透得師云祇知渡水不覺腰深進云彼此沒便宜師云一任啗啄師復云一年止有此三十日二陽發生之月學般若者與汝道情相應否今有二問問諸人一問問肯者一問問不肯者先問肯者曰你恁麼來多少時也你須道多時也問你旣多時所對目前聲色與你爲惱害否若與你爲惱害上座未恁麼在若不與你爲惱害是照見了然後不爲惱害

不用照見了不爲惱害若用照見了方見不爲惱害卽名照見心未名恁麼在若不用照見心如何知得無惱害據作此見了我問頭不得第二問不肯者云你不恁麼來得多少時也師大笑云好一問你出家沙門作佛弟子含齒戴髮巍巍堂堂如何却不恁麼得何異俗人直饒你真箇不恁麼也則因恁麼然後有不恁麼在據此見亦了我問不得不見石頭大師道恁麼也不得不恁麼也不得恁麼不恁麼總不得尚有人講不得被馬大師道我有時揚眉瞬目有時不揚眉瞬目有時揚眉瞬目者是有時揚眉瞬目者

文苑

真寶錄卷二十九

三

不是他便會去師良久曰還知麼泥多佛大水長船高下座

上堂未達境惟心起種種分別達境唯心已分別卽不生分別既不生便捨外塵相乃拈拄杖示衆云不可不喚作拄杖子也且作麼生說捨底道理有人於此云喚什麼作拄杖子便違他古佛道不壞假名而談實相又道更有什麼拄杖子也則世間萬法不成安立又道依舊喚作拄杖子則一切凡夫莫不幸甚也大衆到者裏如何卽是須信道雲中石塔不是人間檻外雲山非由心變風摩雨掃日照煙蒙妙用縱

橫隱顯一際自可以幽栖鳥道開豁曾懷妙契真規十方洞照直得如此更須知有衲僧孔竅始得如何是衲僧孔竅咄卓拄杖下座

上堂舉瀉山和尚坐次見仰山從方丈前過瀉山云若是百丈先師子須喫痛杖始得仰山云今日事作麼生瀉云合取兩片皮有分仰云此恩難報瀉云瀉山年邁非子不才仰云今日親見百丈師翁瀉云子向什麼句中見先師仰云不道見祇是無別瀉云始終作家師云從上來至百丈有不犯之令瀉山深得其旨能向劒刃上行仰山飲氣扶持且不犯鋒傷手

文苑

真寶錄卷二十九

三

有般漢祇管行棒下喝還明他不犯之令麼不見道始終作家諸人每日來去什麼處得見百丈

上堂暫時歛念是處是慈氏門門有善財介尔有心土石山河瓦礫荆棘大衆作聖作凡能染能淨有如威神具如是妙用直得恁麼曹溪門下客見時猶未是少林消息祇如少林消息你曹溪門下客合作麼生下座

上堂蘇武牧羊辱而不屈李陵望漢樂矣忘歸之在外國在本國佛諸弟子中有者雙足越坑有者聆筆起舞有者身埋糞壤有者呵罵河神是習氣是妙用

至於擎杈打地豎拂敲床睦州一向閉門魯祖終年面壁是爲人是不爲人信知一切凡夫埋沒寶藏殊不知夫諸人何不擺拖張帆拋江過岸不可釘椿搖櫓何日到家既作曹溪人又是家裏漢還見是家裏事麼

上堂舉先師在白雲會中作磨頭一日端師翁下來曰你還知一件事麼先師曰不知師翁曰近有數禪客自廬山來問他皆有悟入處教伊說亦說得有來由舉因緣向伊亦明得教下語亦下得端師翁良久謂先師曰磨頭祇是未在你道如何先師聞了心下

法苑珠林

法苑珠林卷三十九

三

不安得七日七夜不成腸肚正中心下乃自思惟曰既悟了說亦說得明亦明得如何却未在忽然中夜方會得從前寶惜一時放下遂白端師翁師翁起來手舞足蹈某曾侍奉先師聞先師舉此因緣謂某曰參學須是一時放下方得安樂大衆還見得否放得下好脫洒放不下牛拽杷堪笑諸方老古錐打鼓說禪無尾棚無尾棚不驚怕不驚怕可嗟訝解踏毗盧頂上行不言亦自傳天下好大哥

上堂舉百丈大智禪師謂衆曰併却咽喉脣吻道將一句來瀉山云却請和尚道五峯云和尚也須併却

雲嵒云和尚有也未師云此是叢林中流布底事雪竇禪師後來品評此三人語各有淺深却請和尚道虎頭生角出荒草和尚也併却龍蛇陣上看謀畧和尚有也未金毛師子不踞地如今衆中或去請益或去過話有人道此三句語未契得百丈喚作抑而不揚却請和尚道百丈云不辭向汝道恐已後喪我兒孫此豈不是抑而不揚和尚也須併却百丈云無人處斫額望汝何處是有肯他也則是抑而不揚和尚有也未百丈云喪我兒孫更是不肯也祇如百丈道併却咽喉脣吻道將一句來甚生次第事既併却咽

法苑珠林

法苑珠林卷三十九

三

咽喉吻明箇什麼邊事也好扶持取下座

退院離褒禪辭衆上堂舉六祖大師示衆云汝等速理并檝吾欲歸新州去弟子曰和尚去後早晚却回祖曰葉落歸根來時無口師云是什麼說話去了却更來做什麼不見東山先師道大小大祖師猶欠悟在師呵呵大笑云諸人還會得麼聽取一頌歸根得旨復何論洞口秦人半掩門花落已隨流水遠空留暮暮野雲屯

到蔣山上堂玄沙白紙費封題一聽雷音萬仞低慰釋私懷已無量那堪更唱邏羅哩乃呵呵大笑曰古

人道笑須三十年誠哉此語某頃在白雲時與堂上  
佛果師兄道聚其樂無涯至今樂猶未已也又呵呵  
大笑云一手不獨拍兩手鳴摑摑舉意超情念相看  
同路陌摩雲鍾阜高徧界烏輪赫妙機速雷電神珠  
不在額珍重人天大導師衲僧一見喪魂魄何也誰  
敢正眼覷着下座

古尊宿語錄卷第二十九

金壇居士于玉立施贊刻此  
古尊宿語錄卷第二十九 計字一萬零三百  
八十五箇該銀五兩二錢  
雙足庵釋真慧對上元李淵書句容潘繼德刻  
前眉丙辰歲冬十月徑山化城寺識

藏板

古尊宿語錄卷二十九

三



古尊宿語錄卷第三十

舒州龍門佛眼和尚語錄

住南康雲居嗣法善悟編

偈頌

示道三偈并叙

宗乘一舉作者埋冤古路縱橫若爲措足苟非知方俊眼出格上機舉一明三普同流浪其或循言執滯病在見聞杜口藏形過歸傍認欲得決求大寶莫作小商撒手懸崖當空便擲百千三昧豈在外求若認語言卽名邪解至於警物垂務衡鑒將

文淵

古尊宿語錄卷第三十

一

來百匝千重少諧手足或中途病輒半路絕糧引諸子以伶俜益指南之不妙良由澄潭月影隱隱迷蹤直須坐斷毗盧優游大徑故作示道三偈以資唱道之萬一固非次第淺深數量名字之所得也真達之士相期於茲矣

隨流

千聖靈蹤百草頭卓然放去號隨流從教萬古無人識笑殺瀉山水牯牛

合轍

水中月是天邊月南北東西更無別新羅打鐵火星

飛燒著指頭各合轍

雙唱

坐斷千差古路頭解開空岸濟人舟明明一句該羣象善唱非聲作麼求

標指六偈并敘

諸佛出世無法示人祖師西來無道可指唯談自悟是謂頓門若尚筌蹄必難話會然則忘其方便迷者難以進途標指示人或可有曉故循好言之士唱偈六篇以舉一隅無勞三返後之冥合者或可有可取焉

文淵

古尊宿語錄卷第三十

二

迷悟

迷者迷悟悟者悟迷迷悟同體悟者方知迷南爲北實情取則北本是南悟無移忒返究迷緣莫得來處忽悟正方迷復何去其迷則迷妄自高低生死惡覺枉受膠糲達迷無妄歡喜無量殺無明賊祇在一餉一餉之間冥通大千直下了了三際虛玄無始時來總由今日盡未來際更不尋覓當念無念靈光熠熠靈焰騰輝心知難掩靈源蕩碧森羅普入海印發明非開動息根塵不偶心珠寧守返不我觀出兮還有有無齊出無有蹤跡智用雖奇猶遭悟覓悟爲法障

身招罔象狎貉無風徒勞展掌祖父書契本來家業  
舊日風光不妨要截哆哆和和依前疑著元無病痛  
何勞說藥足踏實地開眼瞋睡大地茫茫會我如是  
如是之法不因迦葉是誰兒孫喃喃亂說你解亂說  
智者便瞥此門廣大愚人自焚自謗自焚不干我事  
我是癡人汝能靈利

### 坐禪

心光虛映體絕偏圓金波匝匝動寂常禪念起念滅  
不用止絕任運滔滔何曾起滅起滅寂滅現大迦葉  
坐臥經行未曾間歇禪何不坐坐何不禪了得如是

支那

三

三

始號坐禪坐者何人禪是何物而欲坐之用佛覓佛  
佛不用覓覓之轉失坐不我觀禪非外術初心開亂  
未免回換所以多方教渠靜觀端坐收神初則紛紜  
久久恬淡虛閑六門六門稍歇於中分別分別纔生  
似成起滅起滅轉變從自心現還用自心返觀一徧  
一返不再圓光頂戴靈焰騰輝心心無碍橫該豎入  
生死永息一粒還丹點金成汁身心客塵透漏無門  
迷悟且說逆順休論細思昔日冷坐尋覓雖然不別  
也大狼籍糾那凡聖無人能信匝地茫茫大須謹慎  
如其不知端坐思惟一日築著伏惟伏惟

### 入道

道本無瑕擬心已差纔生朕兆徧界空花若欲全舉  
除非直與不用增添現成規矩洞徹根源法法周圓  
靈明法爾妙絕言詮言詮不得得亦差忒迥出根塵  
古今取則存不可見亡今對面匪存匪亡森羅自現  
心外無法法外無心心法齊照境智甚深心忘照滅  
境智同歇一道通同十方俱攝生死涅槃元無兩般  
四生六道息苦停酸平等大道無有邪正胡漢不來  
欲何爲鏡像虛鏡皎鏡像斯照像去鏡亡千聖非妙  
此門難入唯君自息若入此門半錢不直不直半錢

支那

三

四

萬國爭觀所以說云大道體寬

### 見聞

見極垂光聽圓含響若謂見聞法成塵想光流大千  
響傳沙界對現全彰無在不在聲不是聲色不是色  
非色非聲山高水急眼不可見耳不可聞非見非聞  
宛爾見聞見色聞聲脫出根塵水月鏡像夢幻施陳  
文殊寶剎觀音普門周羅法界唯子一人身土交映  
妙絕凡聖本有天真非病不病長歌且唱妙舞更誇  
東西南北示現空花生死去來去來生死若不如是  
多過多咎茲言未諦此語皆宗標指若示古人同風

水月

水月指陳最疎最親若謂可見還帶重輪月皎於上水流於下彼此非干應緣何假聲回響轉染成招箭指喻孰明標門誰辨凡夫見聞月皎水渾心波業識奔流苦門二乘聞見如鏡中面對像迷真渠還未薦水澄月映孤光迥迥滅比化城更須前進一月耀天光吞大千森羅頓現亘爾無邊齊含寶月交光廓徹非中非外一多融攝毗盧性海自他無碍迷悟悟迷相亡相在一塵百億百億一塵奔走塵刹不動本身光亡月落幾人摸索四十九年渾用不着丈夫壯志

大疏

三

五

自有行市十字路頭看人失利不忻諸聖不厭凡夫枯筭奉帚跨馬騎驢若人笑我我亦笑渠更問如何我不識書

語默

至道非言言亦可傳可傳何也應物而宣言雖應物物自無物無物之言言音自沒絕言之語妙應還普道非晦明語默同取舉復誰唱物物虛曠咸通大千徧乎塵想品類非一同言異出圓音落落凡聖俱適千品萬類薰含種智故此一門稱無量義山河宜演草木揚音長說無間所謂甚深深兮甚淺不動情見

最省工夫凡夫不薦不薦最親妙義敷陳歡言即笑悲怒即嗔嗔爲金剛喜爲迦葉華藏毗盧心心相接接今可見莫看背面無字密言從茲出現復誰論非用耳聞六根共尸妙偈星分森羅經文不出一塵非舌非辯雷轉電奔展之在手何法不有縱橫三界無一滲漏時人不信執言說病依倚前塵以爲決定決定是心決定是塵心塵所使非自由人諸聖苦口隨愚過咎巧說多詞強爲分割法無言說汝須善別捨離語言生死自絕凡夫聞此無說過咎取彼無言冥然長久端坐暗獄以心相續背却語言猶如土木

大疏

三

六

捨有之無落在邪途有無俱病二病俱祛祛復何去不離當處當處不生語默相取取今不知是東是西說即不說不疑即疑故稱佛子了事凡夫是何凡夫問取李胡

彼我不二

諸人行行李處非我君不能我今憑子力還與汝同心彼我無差忒超然絕古今千差非止水生死自平沉對容誰不妙拂袖省知音不墮機前路明明定淺深其如未覺了彼我徒自侵

動靜常一

本自未常迷何勞今日悟守住寂寞城知君還錯悞  
從前諸聖人元是凡夫做豈有別路歧教人離憂苦  
祇者生死中卽是佛去處有人忽踏着選甚淨穢土  
一向不回頭喚之亦不顧千聖不奈何可不省言語  
了却貪嗔癡卽是諸佛母

妙語方知

佛與祖師言拈花示癡子我今發此談何言顛倒爾  
當人自天真譬之秋潭水一物著不得豈用安名字  
切莫向其中認之還不是不見須菩提空空達彼彼

丁亥元真

問汝貪嗔癡家住在何處我今要與汝各各分頭去  
好好細思量免被他官府大者名爲貪養得二舍弟  
三郎都一處日夜共活計令汝家戶大使汝善調制  
子今苦厭我我與子發誓一要子自知二要子依例  
三要當處生四要歡喜偈與汝善和同一無凡穢  
一覺一切了何須去煩翳我是諸佛母十方及三世

物我無差

青山是我身流水爲我命養之以四時蕭然自條正  
覆育諸衆生六度自修省栽花種菩提拂石要安靜  
不見楊柳飛自有蒲萄影玩之且不厭去亦無冤競

一性一切性娑婆大圓鏡

同居善說

世人不識我求我以形容形容不相似徒觀紙上龍  
若要識得我問取主人翁主人好家業物物要安藏  
六兄誇藝術三母足溫良南廳善書筭北庫多財糧  
往來但覺久懶去問張王君若一識得與汝同屋梁

美容可觀

一別海山中十年春草綠相思在方寸顏容皎如玉  
音書杳不來桃李繁且熟唯有意中人使我眉頭蹙  
妙容非覩

延促自爾

春日春山裏春事盡皆春春光照春水春氣結春雲  
春客春情動春詩春更新唯有識春人萬劫元一春  
體寂咸周

妙體無方具徧知近邦遠刹絕毫釐根塵應念周沙  
界坐斷毗盧發大機

應緣不錯

法法無差是正修見聞從此絕漂流窮心未到忘心



處一聚根塵安得休

祖師地種花及總頌四首

地

性地本無生因生說有地流傳古至今非愚亦非智種

花

從昔未曾迷於今何所悟祇緣種性深更亦無別路有種有心地因緣花自開要知成果處却笑祖師來總

五葉花開後山長水更深亂雲橫谷口游子謾追尋

支那

金寶詩集卷三

2

六句偈六首并敘

六句偈者各盡自心功德藏無少間然也不離六句而超六句方曉此意

前念是凡

前念是凡短布裁衫長亭送客落日張帆

後念是聖

後念是聖一拳打正干戈叢裏拾得性命

前念非凡

前念非凡語正言譏天高海濶毛羽毵毵

後念非聖

後念非聖萬象明鏡不假薰修本來清淨

前念即凡

前念即凡凡不能測若人要知終不指劃

後念即聖

後念即聖聖不能知鐵牛過海石女生兒

十憶偈并敘

余嘗謂先聖雖往其道則存苟或契同吾斯在矣百丈因言之瀉山曰如忘忽憶所言憶者歷然神解如耳目所對更不差錯者也故作十憶偈十首以自發明先旨使千載之下咸令信受亦貴知余

支那

金寶詩集卷三

1

未始少忘也吾既知之矣爾等知之乎

憶少林

一從三拜後千古錯流通永日無人到蕭蕭檜栢風

憶曹溪

葉落歸根後曹溪一滴深山居人少到真實好知音

憶南泉

一歸方丈後何處覓南泉昨夜三更月寒光照座前

憶趙州

不下禪床後曾無善巧言平常安樂事今古謾流傳

憶南陽

丹霞相訪後從此話南陽草作青青色春風任短長  
憶雙林

一入雙林後天宮事可猜賣魚人不厭何處見如來  
憶寒山

一住天台後身單布亦穿雖然筋骨露歌笑不堪傳  
憶龐翁

石上栽花後生涯自是春若逢親切問端的不饒君  
憶先師

一見先師後堪悲復堪笑爲問何以然八十重年少  
憶伊余

支那

五言古詩卷三

十一

憶着伊余後呵呵笑未休何人知此意有語不堪酬  
十可行十頌并敘

華嚴以十法界總攝多門亦無盡之理禪門有十  
玄談以明唱道洞山有十不歸以表超證山僧述

十可行以示後生庶資助道譬諸蓬生麻中不扶  
而直又如染香之人亦有香氣有少益者書之于

后  
宴坐

清虛之理竟無身一念歸根萬法平物我頓忘全體  
露箇中殊不計功程

入室

問道趨師印自心入門端的訪知音此生不踏曹溪  
路到老將何越古今

普請

拈柴擇菜師先匠進業修身見古人若到諸方須審  
實龍門此法是通津

粥飯

三下板鳴生死斷十聲佛唱古今通開單展鉢親明  
取不可籠心昧苦空

掃地

支那

五言古詩卷三

十二

田地生塵便掃除房廊蕭洒共安居裝香掃地無餘  
事默耀韜光示智珠

洗衣

臨流洗浣莫踈慵入衆衣裳垢不中上下隣肩薰灸  
久身心動念肯消鋒

經行

石上林間鳥道平齋餘無事畧經行歸來試問同心  
侶今日如何作麼生

誦經

夜靜更深自誦經意中無惱睡魔惺雖然暗室無人

見自有龍天側耳聽

禮拜

禮佛爲除憍慢垢由來身業獲清涼玄沙有語堪歸敬是汝非他事理長

道話

相逢話道莫虛頭大語高聲笑上流言下若能窮本未肯將無義結朋儔

感興二首

空裏形骸夢裏身夢中身世莫追尋可憐一脉崑前水流入人間古到今

夢

五言宿夢卷三十

三

夢幻空花祇自知潛思二十九年非夕陽芳草曾行處誰料紅蓮步步隨

海會辭老和尚

來時無有語去亦不知聞此曲誰能和轟轟出白雲

五祖老和尚寄鐵牛歌與師

昨夜三更前鐵牛耕盡田喫着三春草吐氣在青天也無欄也無圈前山後山任方便不曾造次損田苗愛惜皮毛不輕賤忽然大震一聲雷始覺從前俱顯現

師和

混沌未分先剖判生成不假陰陽煅頭角前來是好牛皮毛更不重更換滿目平田無寸草飢食渴飲無生老威音王佛是如今有甚衆生可尋討哮吼一聲天地動達人見處吾無用坐斷毗盧世界寬自是衲僧眼皮重一遇知音和始齊自餘總是閑陪從

山中閒寂爐邊靜坐因思四十年人間世外林泉之樂與夫區區世上者何遼遠也諦思究極于至道遂成山偈聊以自勉并示諸禪人使勿如老夫之回頭晚也

動境徧娑婆以之成逼迫安心一處坐從是虛生白

夢

五言宿夢卷三十

二

逼迫何逼迫膏火煎魂魄虛白何虛白廣莫揚孤翻良哉靜者心四海猶爲窄匹彼在動士天地何遼闊故茲審觀究二者俱介僻棄彼而奔此安得有深益樂者自何至苦者自何適苦樂忘根緒由夫征路陌路陌苟不征耽耽本家宅昔未厭瓦礫今豈重金壁金壁有所重瓦礫未可擲瓦礫謂金壁殺盜應非逆金壁謂瓦礫聖賢失蹤跡金壁而金壁瓦礫而瓦礫苦樂各平等法法無假借大空離衆念眞實無改易樂而無樂相苦亦無苦跡苦樂同十虛心門廣開龍吟而鳳鳴天淵發金液人不念諸道飢口枉求食

一也及夫此曹溪稱上客因思賢聖人不寐徹殘夕時哉各勉旃升沉在咫尺

題四面法智禪師塔

環重靈知者綿綿亘古今人居千聖外塔鎖亂雲深  
碧落杉松色丹崖虎豹音回光如到此必也見師心  
與太平四面夜坐

城中應接同摩詰雲外無心似老盧月白風清深夜  
坐出家全不費工夫

示看經僧

句義縱橫那畔彰五千餘卷總含藏如何不覓根頭

意空看枝邊木葉黃

讀傳燈錄二首

虛名虛說傳來久真語真蹤示後人虛實灼然知下  
落清風千古見芳塵

家家門前火把子半夜愚夫說相似碧天如水月如  
鈎古今流落閑名字

示栽松僧

一寸靈苗手自栽前崗後隴作良材敢將不朽傳他  
日唯把青青示後來

山中偶作三首

分明不了却成迷無限風光付與誰若得家山田地  
穩自然處處不思議

舊事成空莫可追舊心將把再思惟古今不隔絲毫  
許會得如斯也大奇

休處言休便好休五湖蹤跡任遨遊莫嫌活計無多  
子此箇牟尼用到頭

示衆

求心心未諦等人人不來崑花曉來雨寂寞爲誰開  
三句頌

禹穴龍門寺探珠欲問龍驪珠吞在腹如何取得請  
續末後句

讀靈源十二時歌

一日日一時時龍門老心自知

師常以六隻骰子示禪人六面皆六點復作三

頌

六隻骰子滿盆紅不用安排祇麼通擬欲進前求解  
會大似西行却向東

六隻骰子滿盆紅塵墨河沙用莫窮誰能解展金剛  
手祖佛親來亦掃蹤

六隻骰子滿盆紅馬載驢馳一擲空赫赤窮來無可  
賽請君從此現神通僧問六隻骰子滿盆紅時如何  
師云無人能賽云云忽遇怎麼人



來時如何師云乎出云請君從此現神通作麼生現師云散子在我手裏

### 迷逢達磨

信步遊梁魏乘時別少林長安車馬客無限利名心

### 因法眼頌

呪咀毒藥形聲之逆眼耳若通本人何適師復頌之根問本人何所適塗割等平忘順逆有爲雖偽性常真法法無依稱善吉

### 無情說法

無情說法異盲聾聽得之人眼耳通不但近塵并遠糾十方度盡顯全功

支那

寒食禮先師真五首

十一

### 寒食禮先師真五首

雲水叅尋訪此宗十年磨刮太虛空區區力盡還依舊方知萬法本來同

一悟吾師心便息信門入處還無入二十年中事密如向人殊不勞心力

前人說法後人聽由來兩箇總無情祇緣口耳都相似所以流通道自成

去人去矣叮嚀囑住者相承無斷續若遇知音一和時乃知去住常充足

清明寒食與諸人共禮先師不動身萬法本開心亦

爾將來誰是得吾真

### 和珪首座二頌

祇論親切不論時回笑諸方陷虎機一句未容開口對片帆先逐便風歸頭頭有路堪行履物物無差莫棄違不見黃梅足奇士盧公却得祖師衣

魏爾相求識歲寒不嫌危磴路千盤歸堂一劄曾親訪閉戶深山肯自瞞月下篇章應獨和壺中天地共誰看臨機大用全收放何必區區握雪團

### 送郭大夫知鉅野

東歸半載漁樵樂北去三年父母來金馬玉堂彈指

支那

寒食禮先師真五首

十一

### 入寶樓香閣一時開

### 題陳子美息陰堂

湛湛寒溪疊疊山息陰投老得身閑武陵花好春常在漁棹歌清事不開眼底兒孫從富貴鐔前鬢髮任爛斑天機日有真消息頻許禪僧共往還

### 題孫欽之養素軒

善養不教聲色亂素絲無染是天具有時來此軒中坐作箇忘機混沌人

### 智海化士乞頌

乞食山城歸帝里毗耶鉢飯香而美莫念故園桃李

春更叅上國西來旨

示圍爐僧

爐邊靜坐默無言  
勿論蹺蹺若市鄺  
冷暖此中看火色  
祖師心印爲親傳

題徐四翁壁

徐翁活計天真年  
老無喜無嗔叅取  
面前桑樹乾坤不  
出一塵

題祇園庵

祇園誰住此謂是  
饁頭通物外庵邊  
竹人間耳畔風露  
蛙青戢戢煙浦綠  
濛濛祇箇潛心處  
分明古者同

夏散輒病既病且惱因書山偈示一二禪者

萬劫一瞬視塵沙不動移若爲論過未併總入無時

海濶波仍市心通佛可齊床頭木枕子推出恐人迷

題侍者寮香林閣

葛廚松枕午窻涼  
臥看風雲草木香  
彈指徧遊塵刹盡  
故山歸路笑羊腸

送常侍者西歸省親

本從綿竹過南方  
依前歸入綿竹去  
井舍猶爲舊日居  
山川不改當時處  
鄰人見之莫驚愕  
親里歡迎斷思慮  
有問南方所得時  
瘦藤爲我聊輕據

小師崇堅乞偈

事辦須尋道方明  
爾本來禪關無鎖  
鑰祇要用心開  
龍門偶作五首

明月何皎皎永夜入我室  
照出萬古心念此百年質  
隔窻風露沾擁毳衣衾  
密遲遲不能寐餘光在東壁  
叨叨林鳥啼披衣中夜坐  
撥火悟平生窮神歸破墮  
事皎人自迷曲淡誰能和  
念之永不忘門開少來過  
嗚嗚鼯鼠啼時人皆不喜  
得意卽相呼意去當自止  
吉凶由之生吾未見其理  
此言如未聞大梅有宗旨  
初夜涼生早微雲卷太空  
燈懸松竹露簾捲薜蘿風

可笑千年事能將一念通

相逢禪客問細話吾宗

每念心中事頻開掌內珠

欲憑天上鴈待寄水中魚

此意終難寫斯言不可書  
含毫竟寂寞遶屋樹扶疎  
題靈光臺壁

政和七年院成別於南山下  
作靈光臺臺上立雙浮圖  
西向見日沒處是謂歸根  
收藏之旨也一宰堵波以  
奉前後宗師化盡報體一  
宰堵波用安十方禪僧火  
後遺骨是二者爰彰寂滅  
之道殊途而同歸萬靈咸  
會者也吾之朽骨亦藏于此  
世世宜遵守之長而且久  
與夫虛空齊壽者斯雙塔之所

以建也其年寒食日住山清遠記并述二偈云

吾初欲作真常語更恐真常暗流注不如不語人共知人欲知之反勞慮崖頭浮圖示其相臺上野雲飛不住周遊獨步或可追錦繡谷中歸舍去

遊三  
大路

百骸潰散此日言一物長靈異時語此日長靈猶可知異時潰散憑誰舉可知所以有生滅解舉方能忘取與光明寂照徧河沙慎勿於中論爾汝

### 花山

石龜不念歲月古舊記已滅名尚留道傍蒼木老霜

雲澗畔野草隨春秋訛傳細讀華陽傳靈跡獨聞姚比丘可憑定力驗今昔人間萬事徒悠悠

### 木魚

無端擊此溝中斷鐘鼓相參無雜亂能聞所聞非二緣以此及此通回換凡夫何故作追攀達士若爲成智觀可憐流入薩婆若醉眠尚爾排魚貫

### 讀經

不染而染妄本虛染而不染悉無餘本虛自是能成事體淨何妨應萬殊斷妄證真心豈息非真非妄智還透了真了妄如無礙自在圓明始是珠

### 不寐

毗耶離城居士家環堵十笏容河沙八萬四千高座衆咄嗟已辦薰天花迢迢不到迷是障念念常入心無差須彌盧山四大海我見如一粟與麻

### 早起

老來愈見心無事夜永偏知膽更涼淺淺地爐猶有火依依山月尚臨牆試將寂滅那伽定暗寫雕蟲篆刻章剛被啼鷄忽驚斷一時歸入正思量

### 起晚

展脚縮脚鼠啼合眼開眼重露晞覺來始了夢時

事夢處寧容覺後知瞬息黃梁猶未熟翩翩蝴蝶正狂飛披衣獨坐日正午試問何如半夜時

### 遊定明塔院作二頌

大士安禪地千峯塔院春門深松檜老事古歲時新人禮香燈夜鳥啼花雨晨祇應禪石上去住亦通神白塔雲中路晴空鳥外簷好山長入望終日坐無厭幾箇竹生石數枝花映簾長安曾未到神力動飛潛

### 因舉楞嚴經七處徵心成頌

善逝明知直不邪要窮妄識是空花故令慶喜推心目勝相初觀始出家在內何緣昧肝胃相知在外又

成差琉璃比眼還同境閉障開明未有涯合處隨生  
難定體根塵兼帶轉蓬麻世間一切都無著水陸空  
行作翳瑕七處無歸全失措從茲始得徧河沙

述懷示學者

細思五十三年事併入初中後夜心須信剎那通過  
未更無毫髮作追尋隨消舊業根先斷永絕新殃道  
已深此是安身立命處故吹一曲報知音

病中示光道者

我病無形不可見曼殊室利得深知再三若欲通消  
息推出床頭木枕兒

蔣山送無着道人歸舒州

已禮雲中塔更瞻堂上師方思江水北共集定林西  
一句無多子千差永不疑到家勤愛護此道少人知

送禪人入京

千人叢與萬人叢無喜無嗔耳目通要識太原孚上  
座六街鐘鼓鬧婆娑

再得旨退褒山成三偈代達和守錢公

住山久有煙霞疾得請放還麋鹿羣厚意於公殊未  
報深禪聊復對爐薰

公家忠靖有遺德乃與定明開道緣異世今時豈人

意一麾千里是家傳  
出岫油然亦乘興勸飛隨意卽知還有心知到無心  
域鳥戀故林雲在山

眞贊

釋迦如來出山像贊

妙色非身形容乃普閻浮未下雙林已覩曠濟功深  
六年行苦塵沙相好萬億剎土衆生心淨佛日常午  
正念蒙光迷人外取雕檀寫氎像末孩乳今茲範模  
傳從乃古象步出山智珠河吐水月頓澄豁開覺戶  
瞻之仰之豈敢自侮常在不滅此言手舞

觀音像贊二首

曠大劫來離衆苦心心永斷諸分別聞處眞聞實不  
聞說時雖說常無說法身普現凡聖等耳根承聽音  
聲絕娑婆最有大因緣一念清涼除惱熱

曠大劫來不虛妄言言故得皆眞實應念蒙光迅電  
飛尋聲救苦奔風疾千章萬句離文字異韻殊音垂  
秘密現相宣揚遇此時見聞顙脫欣今日

天台三大士像贊

岩岩天台曠濶寰宇大士不我毫端莫取蜀客心狂  
纖塵一縷屈指拊掌松石猛虎生涯何有流傳今古



靜對虛堂非謂無補

達磨大師贊

振搖梁魏斟酌皮髓孰云西來空柳而已素壁虛堂  
少林熊耳

百丈大師贊

慧燈續傳福庭宜敞常住世間水月鏡像是謂叢林  
大智百丈

楊岐和尚贊

關市竿頭呈戲衆眼曾驚栗蒲上橫吞諸方盡畏  
宜陽秀水萍實楊岐雨過雲橫天高地下

白雲端和尚贊

綱紀著明不忘付授淨空無際如日處晝欲究根源  
瞻之龍岫

五祖演和尚贊

遇寬則親傳虛果當剛硬齒牙生鐵腸臍風清淮楚  
道實宗匠不有智悲子孫安嚮

浮山圓鑒和尚贊

并汾鐵騎老息荒丘雲施雨罷花落水流

褒山定明禪師贊

四海稱唐師出華陽不起燕坐翺翔帝鄉名與山俱

道逐時芳濟民助國能雨能暘貧者獲富熱者得涼  
羣蒙所歸實在不亡

悟首座圖余幻質復求爲贊

廓然無聖儼爾有容明明絕朕密密垂蹤昔也懷寶  
枯木藏龍今其示人巨嶽喬松龍吞萬類松茂三冬  
神而不改風雲必從吾形既得爾道自鍾褒斜路險  
漢水朝宗

珪首座求贊

如珪如璋惟子非我且陋且拙在余是可子今傳余  
拙則成奇物感神會形動心隨凝雲不飛寒月下映

孰謂之凡孰謂之聖余猶爾也奇拙同貫噫嘻期文  
天朴未散

順知藏求贊

色裏膠青不見形影中所以邈吾真吾真定有非形  
礙爲對凡夫顯幻塵塵旣顯道彌新不貴西來彼上  
人

淵禪人求贊

似余似余類我類我我復謂誰如火與火描邈不就  
迎隨不果寫出龍門衲僧災禍

如大師求贊

比類則踈現形仍普得在一瞬照窮千古雲起吟龍  
風生嘯虎贊之絕辭瞻焉奚覩

賢監院求贊

徧界不藏毫端獨妙縱未嘖呻已先微笑吾子識也  
水月斯照纖塵不遺是爲宗要

肱維那求贊

識余者誰請觀端的孰云丹青謾勞尋覓斷雲架嶽  
皎月在壁昭爾惺惺悟茲寂寂

勤禪人求贊

滄溟一滴鹹無際厚地纖塵廣有餘何事陋容人寫

得祇緣蹤跡在龍舒

斯侍者求贊

吾行爾隨吾喚爾應唯隨與應不欠不剩因吾識爾  
此像果親靜而瞻之道實絕倫

元侍者求贊

道雖光明形則山野提折脚鐺住深蘭若拙韻無取  
陋容誰寫常在左右覺元侍者

小師崇戒求贊

似卽踈比仍失廓爾空皎然日顧丹青寫容質誰使  
之省尋覓

無着道人求贊

植杖望雲何處空山獨立凝情媿我蕭然無物謝伊  
裝點相成

馮濟川敘授求贊

天地無物我無物隱顯空雲隨出沒此間誰是悟玄  
人霹靂光中轟一咄

吳公明求贊

欲識坦然老乃是龍門人聲名落四方坐臥今十春  
會見移庵去何妨邈形眞平生香火緣對比卽神通

張公壽求贊

支那

古尊宿語錄卷三

三

首到東山晚親龍岫歲經寒暑人非新舊塗毒長鳴  
優曇勿嗅靜對終日弟子公壽

戴巨濟求贊

畫出人皆識相逢道更親起雲峯後路記得往來頻  
龍門常住圖師眞知事求贊

寥廓無狀孰爲龍門有指南路絕刀斧痕因緣去住  
任物所論黃竹寒湫曉而復昏

古尊宿語錄卷第三十

金壇居士于王立施贊刻此

古尊宿語錄卷三十 計字八千三百六十二箇  
該銀四兩二錢八分定陵如圭對上云李淵書  
萬曆丙辰歲冬十月徑山化城寺識

古尊宿語錄卷第三十一

舒州龍門佛眼和尚小叅語錄

住南康雲居嗣法善悟編

小叅云好一轉語還有人荅得麼良久云問荅俱備所以古人道夫說法者當如法說且如法又作麼生說諸人既無風起浪者裏不免將無作有所以道其說法者無說無示其聽法者無聽無聞諸人既無聽而聽我者裏無說而說若得恁麼目前無一法可得何故且聽外無一絲毫說底說外無一絲毫聽底便能透過雙關俱無異相不必說與不說聽與不聽自

古尊宿語錄卷第三十一

一

然大地山河色空明暗更非別法可謂透出塵勞頓居實地雖現在三界中熾然出三界現在聲色裏熾然出聲色且如今與諸人說聽同時作麼生說箇不說不聽底道理須知端的明悟始得不見古人道非色聲香味觸法者箇去處也大殺不易叅學之士若非到此田地管取目前有法外既有法內必有心內外緣生汨沒三界諸聖由茲而出現達磨特地而西來還知諸聖用心處麼祇是諸人心是更無別心亦無別法所以道十方薄伽梵一路涅槃門誠實無差方知道無迷無悟非聖非凡若實得恁麼便好輒光

晦跡履踐諸聖玄塗其或未然直須管帶始得不見趙州和尚云十二時中許你一時外學僧便問許一時外學未審學什麼州云學佛學法祇如佛法尚為外學其餘十二時中作箇什麼始得大難其人所以如今與諸人相會喚作非時言論既是非時言論如何得相親去達道之人若能鎔餅盤釵釧作一金攪酥酪醍醐為一味說什麼時與不時盡皆中的奉勸諸人快好究取二六時中去離塵緣莫起異念豈不聞昔日有人在高樓上見二比丘從樓前過有二鬼使掃併道路復有二鬼散花隨後及乎二比丘迴次

古尊宿語錄卷第三十一

古尊宿語錄卷第三十一

二

二鬼復在前叱喝喫唾二鬼隨後掃除腳迹其人遂下樓問二比丘所以其二人方悔感悟乃云我等去時共談佛理及至迴時却言雜語諸禪德此雖龕境界子細推來乃是學道之人大事何故祇為情念暫起外境現前念若不生無境可得所以先聖道以無念為宗而今但無凡聖異念種種心量亦無煩惱可斷亦無菩提可求於生無生於死無死不見昔日洞山和尚與密師伯游山次忽見白兔從草中突出密云大似白衣拜相山云老老大大作者箇語話密云見又作麼生山云積代簪纓暫時落魄者箇公案如

何消遣得去且道是何道理諸人若會得白衣拜相便乃獨步丹霄永出常流若會得積代簪纓便解奪飢人之食祛耕夫之牛還委悉麼直饒一一委悉分明諸人分上總使不着如何是諸人分上事試斷看良久云討甚兔子环重

師還東山省觀衆請小叅云暫下蓮峯輕屈指光陰倏爾又三年雖然不隔絲毫許爭似躬親到座前某伏自數日前陪從太平禪師象馭再登蓮嶠歸侍老師大和尚瞻禮慈容之間須知有相見底事敢問大衆作麼生是相見底事不可是你見我我見你是相

見若恁麼全無佛法得力處何故世間諸趣彼此見有常在生死之中未有脫離之地所以雪峯和尚向人道望州亭與你相見了也烏石嶺與你相見了也僧堂前與你相見了也若據如斯指示豈待音容相接言氣相交始爲相見諸高德夫爲參學之士須實有去處始得還知麼如今敢道千里同風相見却易會對面相見却難知何故難知夾山老子道目前無闍黎座上無老僧諸來大衆盡在于此如何見得目前無闍黎堂上老師大和尚在座與諸大衆證明作麼生見座上無老僧不可等閑過却將爲閑事晝夜

被見聞風所飄鼓根塵陰界諸入纏縛不得自由生死事大須得箇悟由入頭處始得雖然如是格外道人實遭怪笑何故須知有向上一着且待異日他時別爲諸人點破因記得昔日南泉趙州二尊宿皆是道超物外名播寰中時有一僧往山中見一禪伯在盤陀石上卓庵而坐僧遂問曰南泉出世浩浩地何不往彼問訊空坐何爲庵主曰莫道南泉出世佛出世我亦不去僧持此語見南泉南泉大驚遂令趙州往驗看州到庵主處從東過西庵主不顧州又從西過東庵主亦不顧州遂當門立曰庵主你敢也庵主

亦不顧遂拽下簾子而行庵主亦不顧大衆者一則因緣諸人作麼生委悉莫是趙州南泉不到庵主田地返被庵主勘破落他陷虎之機也無莫是庵主雖然並無受用臨機不解互換平地上死人也無諸仁者素非此理大凡行脚人須是道眼分明始得若道眼不明祇被南泉趙州庵主三人換却眼睛了也實無少許相應處若也道眼分明南泉趙州庵主便是上座更無異見也還相肯諾也無不見道曾經大海休誇水除却須彌總是塵久立  
解夏夜小叅云一二三無言童子口喃喃三二一上



下四維無等匹衲僧活計絕絲毫萬古微猷是今日  
大衆作麼生是今日事現定東西僧俗燈燭榮煌作  
麼生見得箇絕絲毫底事若於此見得歷劫孤明未  
曾昏昧方信道達磨不來唐土二祖不往西天如是  
之事蓋是諸人背覺合塵流浪日久是以智光不得  
顯現所以遊方問道徧叅知識若於一句下見得分  
明方知無量劫來事祇在今日然今日之事也大難  
委悉何故蓋爲諸人現分別者心本元眞實誤認分  
別致背眞源但無許多分別之心自然時常顯露祇  
如此事還假方便也無山僧有箇方便普施大衆乃

豎起拂子云還見麼若道見拂子騎却兩眼了也若  
道不見拂子生盲却兩眼了也眼則且置且道者拂  
子是有是無拂子若是有便心外有法拂子若是無  
壞却世諦學道之士到此如何理論如斯指注太甚  
壓良爲賤若是眞正道人也無如許多事故我釋迦  
如來在日建立箇方便門庭亦無如許多事每至結  
足安居不相往來各各求證道果於九十日中或有  
所得或無所得或有疑慮或無疑慮或有罪或無罪  
至休夏自恣之日方詣佛所各呈已見求佛印可故  
謂之自恣自大覺掩光已來人心鬧亂致有朝叅暮

請種種見知所以不能得契本源也憶昔佛在竹園  
精舍與大比丘結足安居至自恣日時優波離尊者  
觀諸大衆如海清淨無有缺犯唯有文殊師利菩薩  
不樂所止之處好遊聚落違犯禁戒時優波離具以  
白佛欲擯出文殊世尊謂曰若擯得但擯時優波離  
遂集衆鳴犍椎左右上下皆是文殊徧虛空界一切  
之處悉是文殊世尊謂優波離曰汝欲擯却箇文殊  
時優波離放下犍椎禮拜懺悔云我小德小智不識  
大士境界大衆當時可惜放過甘爲樂小法者若下  
得者一椎莫道文殊假使釋迦老子亦無容身之處

諸人還知得者一椎落處麼若知得盡大地一切衆  
生四生六道一時瓦解水消無絲毫可見或有箇衲  
僧出來道請和尚試下手看卽向伊道動不如靜放  
過一着何故落霞與孤鶩齊飛秋水共長天一色  
小叅云古人道若是陶淵明攢眉却回去如今敢問  
大衆攢眉去是具眼不具眼若是具眼何故回去若  
不具眼何故回去去底且從你道如今却來者裏圓  
繞者是具眼不具眼若是具眼何故圍繞若不具眼  
何故圍繞還有人裁辨得麼若裁得出無絲毫遺漏  
五日一叅勞諸人訪及於此實爲希有然旣勞諸人

訪及爲復世諦人情爲復是佛法受用若是世諦人情我輩沙門釋子聚會不可作世諦流通也如此則有何利益若是佛法受用作麼生見箇佛法受用底道理還有人會麼莫是諸人從門前恁麼來問訊又手立地是佛法麼若是呼之無形應之有聲一切處受用無盡是佛法麼莫是渠不恁麼一切該不得眼不見耳不聞孔孔洞洞是佛法麼莫是阿師恁麼說諸人恁麼聽是佛法麼莫是本來無事何消得恁麼大似頭上安頭但隨時及節是佛法麼莫是佛法兩字不用道着山是山水是水僧是僧俗是俗如今且

建立箇化門接引初機是佛法麼大衆素非此理莫錯好恁麼則佛法祇憑口裏意裏驅差將來若祇如此何處有佛法盡是無義語不實語虛誑語謗般若罪人不可當作可不會却永劫無事切莫未得謂得起大我慢輕忽先達若也實得箇安樂處便須識得些子好惡辨取些子邪正不可瞞瞞肝肝籠籠統統祇恁自欺自誑山僧直是不昧諸聖如今在這裏不惜口業與諸人如此論量喚作論實不論虛我祇要一箇見解明白徹底悟得底人不要你許多作用奇特機鋒玄絕棒喝齊施如此者總不消得拈出也何

故你未入門來時腳跟下已與你三十棒了也更來者裏揚眉動目彈指拂袖便出去道我勿廉纖無話會拂袖出去則且從你者一段疑情如何得見諦去且問你拂袖出道是了也祇如你大小二事時何不拂袖喫粥喫飯時何不拂袖相見問訊時何不拂袖須要說佛法時拂袖意在於何一處通千處百處一時通萬怪逆耳莫道絮無滋味我不圖你各聞利養祇要你悟得同報佛恩除此之外亦無別事你若真箇有箇入處方知山僧不分外已得者便好長養聖胎未得者正好疾速決擇你不見樂山久不上堂院

主白曰大衆久思和尚示誨山曰但打鐘着院主打鐘衆已集山掩方丈門院主白曰和尚相許爲大衆說法何故不出山曰院主經有經師論有論師律有律師又爭怪得老僧大衆你看他古人得恁麼奇特豈似而今教者兩片皮喃喃地一似教書相似有甚麼利濟各請散去珍重衆散師復云大衆三十年後不得錯舉

小慈云今時人須是自尊自貴自成自立始得若能如此方有箇休歇處雖有箇休歇亦無休歇之量若不如是捏月生花見事便差但識山僧拂子便得祇

如拂子且作麼生識乃豎起云還見麼若見且不識山僧拂子若不見亦不識山僧拂子且如何是自尊自貴底道理近來兄弟以遊山爲訪道觀看各參學稱爲行脚還當行脚事麼要見五臺清涼京師兩浙廬山湖南天台鴈蕩江南江北好山好水好寺院拈起拂子云子細看取一生行脚事畢或若劬勞跋涉眞實自輕大衆切須自尊自貴將知尊貴邊合着得箇什麼無事不須久立師姑本是女人做阿嫂元是

普說

大哥妻好大哥歸堂去

師云法身有三種病二種光一一透得始解穩坐地又楞嚴會上如來說五十種禪病如今向諸人道直是無病始得龍門道祇有二種病一是騎驢覓驢二是騎却驢了不肯下你道騎却驢了更覓驢可殺是大病山僧向你道不要覓靈利人當下識得除却覓底病狂心遂息既識得驢了不肯下此一病最難醫山僧向你道不要騎你便是驢盡大地是箇驢你作麼生騎你若騎管取病不去若不騎十方世界廓落地此二病一時去心下無事名爲道人復有什麼事所以趙州問南泉和尚如何是道泉云平常心

是道州從此頓息馳求識得祖病佛病無不透得後來徧到諸方無有出其右者蓋緣他識病不見一日去訪茱萸策杖從東過西從西過東茱萸作麼州云探水更云我者裏一滴也無探箇什麼州靠却杖而出看他露些風規甚能奇特如今僧家例以病爲法莫教心病好久立

師云不與萬法爲侶者豈不是出塵勞耶心不知心眼不見眼既絕對待見色時無色可見聞聲時無聲可聞豈不是出塵勞耶無路徑處入得無縫罅處見得佛法亦無東西南北不道你是弟子我是師若已

躬分明無有不是者參師時不見有師參自己時不見有自己看經時不見有經喫飯時不見有飯坐禪時不見有坐日用不差求絲毫相不可得恁麼見得豈不是自由自在久立

師云不問又不得纔問來又成自輕了不問又焉知亦須解問始得我向頂上錐劄你要你識痛痒如揭你灸瘡甲相似靈利人便知始得莫自欺我不瞞你不見古人問如何是祖師西來意尊宿大驚曰你問他西來意作麼何不問你自己意如何是自己意曰當觀密作用如何是密作用尊宿以目開合示之古

人多少苦口後來子孫又不恁麼也入門來便喝更無如何若何生怕你明不得有恁麼一件事何不識取諸方愛教人看公案我者裏現成公案好看莫教看破大小大事諸人十二時中祇是妄想塵勞心念智慧未能發生所有流布皆從意思中來要作何用智慧如日出無不開朗喚作無分別智現前須得恁麼一回了從此去有著脚手處有與你語言分若是妄想塵勞山僧於你無著脚手處好笑笑說東入西說西入東不柰你何若能轉頭來智慧開時便解道和尚元來與我說了我也與和尚說了搖頭時便

撰述

五和部卷三十一

上

擺尾受整理也你諸人謾道十年五歲參禪何曾做者般功夫來祇是趂口快你方來我者裏肯就已覷在也則功夫未成沒滋味在你在者裏十年五歲做得功夫熟也管取悟得去我也尋常教人做功夫說底話皆與他古人合不差一字你但會得了便知古人事也你莫道古人恁麼道我恁麼會得不是了也祇如古人說不是風動不是幡動仁者心動有多少言語到你分上是耶不是耶又道我是你你是我無過此也又人問雲門學人自己雲門道山河大地多少好是有是無山河大地若有去怎生見得自己若

無現今山河大地如何說無來古人說與你了不悟不知龍門尋常向你道本有之事你分上現行現用不着尋討不着整理不着修證祇要你一信信得甚是省力難得如此人先師在白雲會裏端師翁常曰此道者天真自得之妙蓋緣有生知底事山僧見先師十年道不得祇爲疑得深後來徹底理會得如今總不費力不是思量時有不思量時又不是也佛法不如此袈裟下事莫教埋沒山僧若不退思參究時一生也則埋沒了豈有者箇消息也而今道眼不明出世者多罪過罪過如何敢爲人高座上也豎起拂

支那

五和部卷三十一

三

子示人噫嚇殺人如盲如聾相似不驚不怖祇趣目前不憂後世打鬼骨聲苦苦你諸人有福德因緣未悟心切不可作出世人禍事禍事若有真實事自然馨香你看多少虛頭禪師久久一日不如一日如刻人糞作梅檀形到了祇是屎臭氣你諸人求出生死求要出離打教成一片又不是你和融然後成一片若教成一片決定不成一片也昔日有一僧曾參舉道者一日遊山問曰和尚香林道老僧三十年求成一片不可得此意如何舉道者曰老僧也恁麼却問其僧會麼曰不會舉道者又與者僧一偈曰香林成



一片老僧也恁麼不待此月終重爲子決破至月末  
舉道者遂遷化去你道一片事作麼生好不好香林  
成一片龍門也恁麼爲報諸禪和當面莫蹉過各自  
下去久立

師云看見了不奈何者多既看見如何却不奈何祇  
爲不識所以不奈何若看見識得便奈何得也然發  
心參禪便要會得誰不願樂祇爲無箇入處又強會  
不得一切處不契合一切處緣差用力取不得良久  
云你十二時中行住坐臥折旋俯仰種種事業一切  
處有超佛越祖底事祇是你纔要解會時已無也真

箇是無也你擬湊泊已背了也所以道看見祇是不  
奈何莫是不擬心不起解會時得麼展轉更是不  
也會尚不得豈況不會若是靈利底人纔聞山僧說  
向你便能大開眼見得豈不是沒量大人向道是法  
非思量分別之所能解又道智不到處若不如此乎  
稱佛法而今兄弟家祇是呈箇解會呈箇見處作道  
理何曾解恁麼來何曾得到恁麼田地來若是有道  
種性底人肯恁麼去覩須是深深地體究密密地看  
詳忽然奈何得便無疑情也你等不明祇爲十二時  
中被雜念奪將去也蓋爲你要學事業見物便愛見

文字便愛尋逐時便緣將去也道業何由得辦凡學  
事業人各有時三十已上便不可學也學亦難成學  
得又何用若已事辦去學亦得在蓋已點化了也若  
已事辦又豈肯學也若二十上下猶可學若是靈利  
念生死之人亦不肯學也又凡是參禪須是心地平  
直心口相應心言直故如是始終地位無妄曲相莫  
道我會也我奈何得也若奈何得那裏更去問人也  
你纔說會禪也人覩你脚手看你說話所爲底事因  
其却道者箇如何那箇如何既是會禪又却是爭無  
明也祇知道默耀耀光是如何藏名晦跡又如何不

其人心是道又如何各自省緣莫說是非且如行住  
坐臥進退俯仰一切處皆是超佛越祖山前水牯牛  
有佛法你纔尋究則已無也何不恁麼識取久立  
師云龍門活計是千聖之骨髓未有一念不與諸人  
說自是諸人不肯承當所以却成山僧瞞你且什麼  
處不是與諸人說處禪僧家說道山僧不教人思量  
不教人會解不教人商量因緣不舉古舉今祇恁麼  
空過我若在別處一夏須明得公案三兩則須聽一  
件文字你若商量舉古舉今却請別處去我者裏  
祇是一味禪所以喚作千聖骨髓我且問你適來因

什麼問訊聖僧且問訊時還印證你麼還肯諾你麼  
若道印證你他是土聖僧豈解印證你若道肯諾你  
豈解肯諾你既不解肯諾印證又問訊作麼莫是仁  
義道中麼莫是覩相生善麼若是仁義道中衲僧家  
豈有仁義豈有覩相生善莫是事不獲已隨眾問訊  
麼又成何道理到者裏須是一一明始得不見長沙  
大師一日回頭見聖僧忽然知歸便云回頭忽見本  
來身本身非見亦非真若將本體同真體歷劫迢迢  
受苦辛諸人還會此箇道理麼环重

師云有時問着師僧總言不知不會祇管道飢來喫

飯困來眠似此說話有什麼救處更道不知月之大  
小不管歲之餘閏誰理會你者般事我且問你作麼  
生說箇不知底道理你見人說了便恁麼道還會會  
得那不知底道理麼古人道不知者無所不知無所  
不到喚作不知要你今時人到那不知底田地此是  
諸聖境界豈比如今拍盲不會喚作不知若總如此  
盡道我不知不管忽有人問着如何流通曹溪一路  
恐無人相續去也不得如此須是懃懃決擇始得环  
重

師云古有禪德問老宿云如何是出離之要宿云闍

梨足下煙生禪德頓於言下得旨諸人還知出離事  
麼若起解會心則隔了也後來有尊宿云不敢辜負  
和尚足下煙生又有北院通辭洞山山謂曰子何處  
去通曰入嶺去山曰飛猿嶺峻好看通遲疑山曰通  
闍黎通應諾山曰何不入嶺去通頓於言下得旨古  
人爲人處甚徑直每見人來無不示他是伊道入嶺  
去此意如何今人不明了須做箇會處以此子會是  
自隔了祇許體究不許會解一體體得了更不疑也  
然亦不易保任若入得是則無退失所以會處明得  
不如不會處見得亦有可保任分更無不照顧時不

曉了時所以古人道平常心是道還可趣向也無擬  
向卽垂看他許你趣向又作麼生保任不易不易  
此豈不是出離事你若尋出離處所謂苦屈玄沙道  
盡大地是地獄劫住若向者衣線下不明是大苦屈  
不可等閑久立

師云三祖大師道不用求真唯須息見又道纔有是  
非紛然失心者箇言語便是教你如今人作功夫處  
也你見他道不用求真便道更不須求也此便是見  
不息是非紛然終不到無求心祇成見解今時學道  
例皆如此看一轉語向語下通箇見處便將一切言

句云無不是此事也。慳麼記在心下用爲己有。殊不知道起見解失心了也。執而不肯捨。大小癡人要得無所求。心麼。但真生種種諸見。非是冥然百不會。喚作無求。尋常十二時中。目前不了。蓋是見心取捨。你又豈得知無分別心。所以先聖曰。有爲無爲有異。耶。答曰。無異也。天地河海風雲草木鳥獸人物生死變化。目前皆名有爲之相。無爲之道寂然不動。無狀無名。謂之無爲。如何得無異去。永嘉大師道無明實性。卽佛性。幻化空身。卽法身。此兩者各別。且如何明得。卽底道理。須是證得無求心也。便和融得無事十

地中第五難勝地。謂眞智俗智。極難得等入地時。二皆平等。故名難勝地。學道兄弟。二六時中了取教等好。還知是你無分別心。所畫出麼。如畫師畫出種種好醜。畫出五陰。畫出人天正畫時。不借他力。能畫所畫。俱無分別。以不了故而起。諸見見我。見人自生好醜。所以道畫師畫地獄醜狀。百千般放筆從頭看。特地骨毛寒。若知是畫出何所怖畏也。古人明得了一切處。現成玄沙大師。伐木次遇虎。跳出侍者曰。虎和尚沙叱曰。是你虎。又有僧禮拜次。沙云。因我得禮你。此箇方便。深符佛意。法眼大師指面前狗子曰。畫鐵

出諸人看時。莫就狗子身上明應。須將來向自己分上看。取始得方解他道。纔有是非。紛然失心識。取好久立。

師云。如今直下信道是也。已各不啣溜者。況更不能直下信得。又堪作什麼也。直下信道。是何名不啣溜者。從前許多時。什麼處去來。須知已失一槪了也。便見從前不了底。却成分外之見。我觀從上古人有從迷得悟者。所有流布皆是悟了。知迷法門有悟了。知迷者。所有流布皆是悟了。知迷法門有無迷無悟者。所有流布皆是無迷無悟法門。其次來迷外得悟者。

亦甚多。故不足道。況不知悟亦不了迷。此正是凡夫也。從上南泉歸宗諸人。方喚作無迷無悟之見。如今學者也。起口說無迷無悟。又何曾到來不得。容易出言。蓋爲你有疑在我。今問你一件事。初入母胎時。將得什麼物來。你來時並無一物。祇有箇心識。又無形無貌。及至死時。棄此五蘊。擔子亦無一物。祇有箇心識。如今行脚入衆中者。箇是主宰也。如今問你受父母氣分精血。執受名爲我身。始於出胎。漸漸長成。此身皆屬我也。且道屬你不屬你。若道屬你。初入胎時。並不將一物來。此箇父母精血。幾時屬你。又祇合長

在百年依舊拋却死屍又何曾屬你若言不屬見今一步也少不得罵時解噴痛時能忍作麼生不屬你得議定省看道是有是無管取分疎不下蓋為疑根不斷道有來初生時漸長至三歲五歲乃至二十時決定不移到四十五而此身念念遷謝念念無常決定喚作有不得道無來種種運為皆解作得道無且不得昔有一人因行失路宿一空屋中夜有一鬼負一死屍至續有一鬼來云是我屍前鬼云我在彼處將來後鬼強力奪之前鬼曰此中有一客子可證二鬼近前云此屍是誰將來客子思惟道二鬼皆惡

法苑珠林

卷之三

三

必有一損我我聞臨死不妄語者必生天上遂指前鬼曰是者鬼將來後鬼大怒拔去客子四肢前鬼愧謝曰你為我一言之證令尔肢體不全遂將死屍一一補却頭首心腹又被後鬼所取前鬼復一一以屍補之二鬼遂於地爭食其肉淨盡而去於是客子眼前見父母身體已為二鬼所食却觀所易之身復是何物是我耶非我耶有耶無耶於是心大狂亂奔走至一精舍見一比丘具述前事比丘曰此人易可化度已知此身非有也乃為畧說法要遂得道果汝等諸人祇說參禪舉因緣便喚作佛法此是禪髓何不

恁麼疑來參取會得麼你身不是有不是無有是心有身則未嘗有無是心無身則未嘗無你會得麼更說箇心亦不有亦不無畢竟不是你本有今無本無今有斷常見解久立

古尊宿語錄卷之三十一

金壇居士于王立施贊則此  
古尊宿語錄卷第三十一計字八千零三十三個  
該銀四兩一錢七分六厘  
雙足庵釋真福對上元寺福書漢水端司馬制  
萬曆丙辰冬十月徑山化城寺識

法苑珠林

卷之三

三



古尊宿語錄卷第三十二

舒州龍門佛眼和尚普說語錄

住南康雲居嗣法善悟編

師到禪牀前立云山僧立地待你諸人構去還構得麼良久遂坐曰看見了也不易作箇主宰不見古人喚僧云上座僧回首古人云擔板漢正當恁麼時如何作箇主宰免他喚作擔板漢此事也不易構喚作業識茫茫不見瀉山問仰山盡大地人業識茫茫子如何辨仰山云某有箇驗處瀉山云作麼生驗時有一僧從面前過仰山云上座上座其僧回首仰山曰

佛眼

龍門集卷三十二

一

祇者箇便是業識茫茫師云正當恁麼時如何作箇主宰免被他道業識茫茫去有般禪僧家強作主宰道待他喚時但莫應他便去應他作什麼你又不是木頭有底不然豎一拳下一咄喚作強作主宰且問你者裏喚時且從你豎拳下咄祇如前廊後架照顧不到忽然被人問着又如何祇對不可更下一咄豎一拳却須是實始得此事直是平等不論貴賤你看陳操尚書是箇俗官一日與僚屬在樓上見數僧打包過有一官人云數員禪客操云未信在待與勘過僧行到樓前操喚云上座僧皆舉頭操顧謂僚屬云

不信道當恁麼時如何作得箇主宰免被他勘破古人道擔板漢則且置祇如後來人又道者僧喚既回頭因什麼却成擔板又作麼生會佛法到此信知有深遠處須久久淹浸不可強作主宰久立

師云大凡修行須是離念此箇門中最是省力祇要離却情念明得三界無法方解修行離此外修取似辛苦不見古來有一持戒僧一生持戒忽因夜行踏着一物作聲謂是一蝦蟇腹中有子無數驚悔不已忽然睡着夢見數百蝦蟇來問索命其僧深懷怖懼及至天曉觀之乃一老茄耳其僧當下疑情頓息方

佛眼

龍門集卷三十二

三

知道三界無法始解履踐修行山僧問你諸人祇如夜間踏着時爲復是蝦蟇爲復是老茄若是蝦蟇天曉看是老茄若是老茄天未曉時又有蝦蟇索命還斷得麼山僧試爲諸人斷看蝦蟇情已脫茄解尚猶存要得無茄解日午打黃昏久立

一日衆集師出來大衆前行兩匝長噓一聲云山僧在你諸人肚裏走兩遭了也還知麼非但今日如此常在你諸人肚裏走來走去還知得麼喚作無瞞人之心實是如此山僧盡知得你是好是惡所以道諸人知處良遂總知良遂知處諸人不知良遂座主是

箇解義阿師却明得者箇事不見一日去見麻谷谷  
見來不管他自將鋤入菜園裏良遂亦隨後去谷亦  
不顧便歸方丈閉却門他於是定省精神忽然明得  
便道和尚莫瞞良遂好你諸人如今還得恁麼也無  
也不易構更有百丈會下古靈和尚得法歸來接他  
受業師非但古人今人亦有不見四五十年前有茶  
陵郁和尚作山主時因廬山化士到言話間爲舉僧  
問法燈百尺竿頭如何進步燈云噫由是每日叅詳  
至於喫粥喫飯時未嘗離念一日因赴外請騎驢子  
過橋橋損陷驢子脚倒不覺口中云噫忽然大悟乃

有悟道頌云我有明珠一顆久被諸塵封裹今朝塵  
盡光生照破山河朵朵者箇便是樣子喚作實頭叅  
學今時人但恁麼學取若信言語解會要明者箇事  
明不得也將合頭語合者箇事合不得也須知有省  
悟之由若真實叅學但恁麼看據現定會些子言句  
便休也在諸人彼此行脚決擇生死大事不可據現  
定便休去也須是與他古人相似自討箇省發處始  
有真實叅學分久立

師云本有之性因什麼不會佛法無多子祇要省徑  
也不教滅除妄想過捺身心閉目合眼便道是此事

不如斯也須看現定是何道理爲什麼却迷去恁麼  
最是親切祇如老僧未說向你諸人未曾聽時還有  
往來底分麼正當恁麼時切忌強作道理上至諸佛  
下至一切總皆如是所以聖與凡等邪與正等生死  
與涅槃等且問諸人過去毗婆尸佛迦葉佛古今三  
世是什麼人分上事十方有漏刹土是什麼人分上  
事山僧道總是你三十年後悟去始知龍門老僧說  
來切不得道是若恁麼此名外道見解久立  
師云如今被人問着道不得過在什麼處蓋爲於無  
色處見色無聲處聞聲無道理處強作道理無主宰

中強作主宰者裏消遣不下喚作翳眼猶存空花亂  
墜何故祇爲心存在便道不得佛法無多子祇要平  
白地道得一句子便了且道作麼生是平白地一句  
子若有人問山僧祇向伊道兩句了也還會麼古人  
道佛祖言外邊事一一分明說了也祇是到者裏爰  
是錯亂昏醉不省此若不見便是立地瞋睡漢子也  
諸人常在光明中開眼見了而不知教山僧怎生奈  
何久立

師云恁麼與你東舉西舉便道與你說禪纔轉脚時  
便作世諦流布將去你但念念在其中便有省發底

分看來多祇在眼耳見聞覺觸處蹉過了也須是不離分別心識取無分別心不離見聞識取無見聞底不是長連牀上閉目合眼喚作無見須是卽見處便有無見所以道居見聞之境而見聞不到居思議之地而思議不及久立

師云諸人上來要箇什麼事須是當人自作活計莫聽他人說古人道我十八上便解作活計你諸人須是解自作活計始得你道作箇什麼活計但莫別求如今人多愛動腳動手者箇不解作活計了也喚作拋家散宅漂流去分明不會祇管尋討學些子知解

楞嚴經

卷第三

三

記些子言句此喚作運糞入到者裏須是行李正當日久月深淹浸得熟便會去古人道一切處是你東去也是你西去也是你你是阿誰若云某甲者箇是情識須是透得過始得昔日天親問無着兄往內院見彌勒說什麼法着云說者箇法且道者箇是什麼法須是揀得出始得不要認着者箇多是被者箇二句子瞞住了也所以說病爲法是故名爲可憐愍者久立

師云莫謂如今說底是未是在若有箇是便有箇不是所以道一切言句皆不與此事相應直須相應去

此事不在別人還得相契也未且契契阿誰若道契於古人古人已往若道契他善知識善知識與你無交涉所以諸聖慈悲告報教契自心源且道那箇是自契底心源若有心可契決然契不得須是以無心之心則契矣久立

師云十二時中須有箇契合處始得你豈不見靈雲一見桃花便契合此事香嚴擊竹便乃息心古人道若不契合此事則山河大地瞞你也燈籠露柱欺你也如今四生六道浩浩地祇爲此事不明奉勸諸兄弟且先去却籠緣你十二時中思衣食種種雜慮

楞嚴經

卷第三

六

如燈焰相似未有一時停歇但除籠緣所有微細自然淨盡日久歲深自然會去也不着參喚作息意忘緣不與諸塵作對所以西來妙旨意在自明龍門長老也無禪與人叅也無法與你商量祇要諸人自契然學門中唯以忘緣息慮爲要者箇是從上宗旨祖不云乎以無念爲宗無相爲體若祇一喝一拍有什麼了期久立

師云弘道而心常淡泊順事而意識奔馳但願道實身貧情疎德厚山僧者裏日日恁麼時時恁麼且道恁麼是什麼離却分別心識意度言句外道將一句



來此事無你解會處如今但是心慮覺觀者皆有箇解會得及乎返窮已眼返思思慮之心爲什麼人到者裏不知便說道從本已來非青黃赤白無相無狀我說向你道此喚作言語不是你本心心本心如何思量已眼如何得見正當返觀時亦無能見之者有人去者裏一口吞盡慧眼豁開頓達本鄉也今時人若爲到無見無聞處現定萬法亘然見人見屋種種萬象如湯涌沸未有一時停住祇如作嬰兒時也聞聲也見色祇是不解分別纔曉事來便采聽分別自那時前後分披了也到者裏要人整理不妨難爲他得

支那

禪宗

七

道人行時不見行坐時不見坐所以如來道眼見色與盲等耳聞聲與響等作麼生說如盲如響聞聲時無聲可聞見色時無色可見所見所聞皆如響等又如夢時見種種境界覺來還有許多般也無若有牀上祇是被與枕头子若道無許多般又心中歷歷地記得說得如今白日所見所聞亦復如是所以道眼見耳聞底事經論可學唯有靈臺作麼生學久立

師云釋迦老子在什麼處自云作麼作麼復云達磨大師在什麼處自云祇在作麼生說祇在底道理也不妨難明若於斯明得始知正法常住禪僧家多分

祇道那舉處便是你若身壞命盡時若病說不得時又作麼生須是證入始得不見僧問德山從上諸聖向什麼處去山云作麼作麼莫是作麼便是諸聖麼你諸人若不將言語會便落他聲響流布縱饒不墮他聲響言句便落他無言無說處此事實無你意解卜度若存一絲毫便成趣向於已踈也饒你將玄機妙義去合他決定合不着若總不思量亦不可須是親證始得明見無疑矣久立

師云今時人參學錯學不出二種病一是五蘊窟宅無言無說無形無段湛然不動處便道任他佛祖出

支那

禪宗

八

來我也祇恁麼此是一病次認能言能語能聞運用施爲行住坐臥者此亦是一病你還知道動是苦本風力所持麼若有人能離此二病解去體究者此人須有箇省發時節若不如是亦無整頓處又有二種善知識爲兩般學人方便苦口有一般學人自作道理自吐箇消息進前退後豎拳合掌以爲禪道善知識見他恁麼便苦口向伊道你錯會了也你無事硬認着作麼此是一種善知識又有一般學者云某甲不會不知未審如何某甲並無箇契入處是故善知識見伊恁麼了便向伊道你無事用求會求入作麼



此亦是一種善知識前後兩般學者若聞善知識恁麼道善能回光體究必然明得若祇管道不會是自生退屈任是一千年也祇恁麼幸在其中更道不會求契合有什麼了日要會麼須是不立限量直下構取始得久立

師云今夜與你諸人說箇譬喻恰似諸人有箇眼能照見一切長短方圓等象爲什麼却不自見但識取長短方圓等象若要見眼則不可你心亦如是其光照矚通徹十方包容萬有爲什麼却不自知要會麼但識取照矚等事若見心則不可也古人道刀不自

割指不自觸心不自知眼不自見則真實矣久立

師云諸人許多時在此立地還見一人真善知識麼不可空立去也山僧祇喚作假長老先聖所以道但以假名字引導於衆生佛是西天老比丘不勞仁者分別取相何者是釋迦老人阿那箇是達磨大師祖師未來此時還有佛法麼作麼生道無得若道無祇成自瞞在少林面壁時還有許多言教公案麼恁麼覷得破多少省徑你不上來時山僧亦不見你上座亦不見山僧你不見我我不見你如何辨明若明得復有何事佛未出世時也恁麼佛出世後也恁麼佛

滅度後也恁麼若到恁麼田地實無一星事你諸人行住坐臥飢食渴飲怎生說箇無事除非見到底人方解如是昔大迦葉在靈山會上禮佛見彼大衆儼然便有箇見處道今此諸大衆如本未曾有你有道此意如何諸人適來在下頭不見有許多及乎上來分明見有許多人怎生說箇如本未曾有古有老宿問僧近離什麼處云城中宿云如今在什麼處云山中宿云我有一問問你若道得卽住若道不得卽去上座離城中城中少上座上座到山山中剩上座城中若無上座則心法不周山中剩上座則心外有

法僧無語諸人苟能於此叅詳得所謂不落斷常見六根怡然行住寂默一心不生萬緣俱息如或不然隨有隨無落斷落常譬如捨父逃走也到者裏實是不教你費一絲毫力便恁麼會取你若要和合者事教無縫罅時早已離披了也山僧往日思惟此事將謂三生兩生始可得悟去後來祇聞什麼人打發什麼人有見處便覺今人也解悟得時寒省緣辦得明究已窮此是大事久立

師云若有人問你作麼生道還道得麼你等思量管帶道得一句子來有什麼用處三更半夜作麼生道

天明起來作麼生道前廊後架作麼生道還道得麼須是眼明始得久立

師云適來侍者報道雨不住若叅時恐大衆不聞如今雨住也諸人還聞麼山僧道雨不住時最親切何故却爲諸人無采聽底心祇如諸方示人道雨聲爲你說法了也還端的也無山僧卽不然雨聲是你說法了也還會得麼直下明得更有什麼一絲毫頭子也今時行脚人須待將一句子契他善知識恁麼自苦自屈作什麼我更問你契那箇善知識若要契他善知識意但識取你心我更問你那箇是你心又作

卷之三

龍溪集卷之三

三

麼生識向者裏強會不得須是一回省發乃可古人不得已向無言詮處假立言詮無方便中巧施方便玄沙一日入山逢虎侍者報云和尚虎玄沙云是你虎現今山河相對刹土縱橫分別思惟千差萬別怎生說箇是你底道理者裏若不了一切處礙塞殺人祇爲諸人歷劫循塵爲物所轉你試指出那箇是物何者是你所以有僧問玄沙學人乍入叢林乞師指箇入路沙云還聞偃溪水聲麼云聞沙云從者裏入今時人不明了祇管道心性周遍更是誰聞如此言論有何交涉直須是通身赤條條地不掛寸絲始得

且問諸人還着衣來麼良久云得恁麼不識羞恥久立

師云纔作道理便難會去須是不作道理始得有般聞恁麼說了便道我都無言說亦無道理却不知正是道理了也如今與你斷約一件事以明見自心爲極則此一句便是龍門山裏佛法也古人道心不自知心不自見諸人作麼生明見去自心也難見從上諸聖皆是明見自心底人先師便是明見自心底人也祇如當時先師會中有多少方來兄翁能有幾人明見自心極是少也心不見心須是不見是心始得

卷之三

龍溪集卷之三

三

此乃離念境界如今若與諸人說便道貶剥諸方若不說此事亦難明曉有般宗師向人道癡漢者一段事你因何不會先將自心做箇窠臼然後將心去取證喚作釘椿了達椿走便恁麼流傳去便恁麼承當去敲牀豎拂用將去喚作將心用心又有般宗師向人道莫作計較道理開口便沒交涉了與他不相應也去空劫已前認取都無言說一似坐箇氣毬相似有甚安樂處又似蝦蟇努氣相似你作恁麼見解面前一似黑霧罩定了也山僧至誠相勸不是妄說不是作道理籠罩人不肯人壓良人山僧都無如是道

理若或你祇麼認將去也由你若道我也如此見得也由你若道據我見處總得也由你若道某心下未穩在也由你須是不自欺始得世間有多少宗師說禪說道爲自欺不自欺爲欺人不欺人須是子細山僧舊日在先師會裏受廬州化士行至熨斗寺前值泥雨忽然滑倒心中煩惱自言我行脚禪又叅不得自早至今飯又未喫更恁麼受苦聞有兩人相罵道你猶自煩惱在山僧聞得忽然歡喜却尋不煩惱處不得蓋爲打疑情不破後來四五年方知得如今兄弟須是如此用心照顧始得今夏舉無情說法因

緣祇是錯會者多你見無情便說無情若見有情便喚作有情你叅禪人不明無情說法如何了得行脚事做善知識不會無情說法如何接物利生相勸諸人子細窮究令悟去如未有領覽處且緩緩叅取不要忙久立

師云先師常說箇譬喻如外國有二人來大朝探事初入界時兩人商量了各自分首一人東去一人西去從一州至一州從一縣至一縣行來行去忽然到東京城裏兩人在朝門前相撞着因者箇覲那箇那箇覲者箇並無言說從前許多商量本國中事歷歷

地分明挨肩便過無人知得奇怪諸人且道恁麼撞着時如何恰似禪和家做功夫相似今日體得些箇明日究得些箇窮來窮去一日現前全似朝門前撞着一般喚作打發須得恁麼一回始得方謂之行脚事辦又如去鄉多年鬧市中逢見老爺相似便乃識得無疑亦不須問人是爺不是爺兄弟但恁麼管帶莫爲等閑時不待人祖師道光陰莫虛度各自宜努力久立

師云古人道鐘中無鼓響鼓中無鐘聲今時學者那裏得到者般田地有時入室見兄弟下一轉語及乎

更與一撥便祇管主張道適來已祇對了也不可別有也多少分明恁麼做功夫有甚已鼻癢漢豈不見先聖道言言見諦句句歸宗你未會了祇管胡亂主張今後入室不要如此乍可道不會却受整理久立師云稱禪客須是信人說話始得若不信了教人干說萬說亦無用處呵呵不信了祇管聽人說爭名禪客夫禪客者風塵草動時悉皆曉會朕兆未生未落思量意路未動時便識取方名禪客何故者般事用敵生死也須是箇不爭多底漢始得不見雲巖叅百丈二十年不明此事道吾爲他直得咬斷指頭你看

他古人雖不明亦不憂道我不會心亦不休亦不馳求言句又如雪峯和尚三到投子九上洞山在投子時一日揭簾入庵投子見來便下禪床立峯擬議子便托出峯直得哭後來到洞山又理會不得乃到德山問從上諸聖學人還有分也無山打一棒云道什麼峯當下如桶底脫相似及至鰲山尚有疑在看他古人直以疑團子破也方始休便道事已了意亦休此箇元來觸處周今時兄弟叅請多是依言起解亂作主宰不然將古人悟處喚作因緣去那裏看喚作過話有什麼交涉祇如雪峯三上投子九上洞山

豈爲言語兄弟直須退步體究如何退步且不是教你長連床上閉眼坐硬捺身心如土木相似百千萬劫也無用處若要退步時你有不會底語言不了底因緣便頓在面前退步自看因什麼不會去良久曰僧家道思量也不得不思量也不得却教人如何看我向你道但退步看良久又長噓云好悶殺人好難會祇你那悶殺人是什麼悶殺人是誰你恁麼退步來看漸漸惺也一日光明一日漸見廣大又不得一向去者裏認了便道是了當也便是挂定殺了也濟甚事須是着些智慧來觀看古人許你管帶一路若

如是休歇退步管取有箇道理此是爲都不會無所知者又有般胡說亂說如何若何底漢你但亦退步看你那胡說亂說底是什麼但恁麼回光返照看方是若一向如此做功夫畢竟亦有悟期若不相信也無可奈何山僧初叅勝和尚教看如何是佛法大意楚王城畔汝水東流又令看風幡話及至下來叅老和尚乃請問古人聲色純真老和尚千說萬說祇是理會不得後來又令看如何是奇特事云你道什麼遂却喜歡蓋爲有箇撮摸處遂常看云如何是奇特事云你道什麼獨自思量云我道什麼來我道奇特

事又不見有奇特處看三年不會遂去游浙中途回來却令看殺父殺母佛前懺悔殺佛殺祖向什麼處懺悔雲門道露者公案一似熱鐵一團在心中七年喫盡辛苦衆中久叅方知更與你說晦堂初叅禪時自桂府來先見雪峯悅和尚三年不會他說話又叅南禪師二年不會却過去山主院裏過夏因看傳燈錄僧問多福如何是多福一叢竹福云一莖兩莖斜晦堂遂開悟今時人祇喚作問答語盡用功不仔細不曉古人方便山僧相勸兄弟旣在林下各自學道勿空過時以悟爲則久立



師云親近善友先聖叮嚀付囑也今時學者須是依佛祖之言尋師決擇始得若不恁麼何名學者若要明此事須是起疑參究你若深疑此事便是般若智現前何故行脚事祇要疑情息你若不起疑爭得疑情息不見先師三十五方落髮便在成都聽習唯識百法因聞說菩薩入見道時智與理冥境與神會不分能證所證外道就難既不分能所證却以何爲證時無能對者不鳴鐘鼓返披袈裟後來唐三藏至彼救此義云智與理冥境與神會時如人飲水冷暖自知遂自思惟冷暖則可矣作麼生是自知底事無不

文冊

三寶齋集卷三

十二

深疑因問講師不知自知之理如何講師不能對乃云座主要明此理我却說不到南方有傳佛心宗尊宿却知此事汝須行脚始得先師便行脚游京師兩浙凡是尊宿便問此事無不對者也有說底也有下語底祇是疑情不破後來浮渡山見圓鑑看他陞堂入室所說者盡皆說着心下事遂住一年令看如來有密語迦葉不覆藏之語一日云子何不早來吾年老矣可往叅白雲端和尚先師到白雲一日上法堂便大悟如來有密語迦葉不覆藏果然果然智與理冥境與神會如人飲水冷暖自知誠哉是言也乃有

投機頌云山前一片閑田地叉手叮嚀問祖翁幾度賣來還自買爲憐松竹引清風端和尚覩了點頭諸人此豈不是深疑了親近善知識然後明得祇如先師行脚叅善知識後來却道問祖翁是如何自賣了却自買是如何須知無有剩也古人道總是你又道我未嘗有一句子到你若有一句子到你堪作什麼諸人要疑情破麼亦須是似先師一回始得久立師云你但看馬大師見僧下塔乃召云大德僧回首大師云從生至老祇是者漢回頭轉腦作什麼其僧言下領旨此理如何從生至老祇是者漢你道是耶

文冊

三寶齋集卷三

六

箇漢你纔起心要見者漢時便不見者漢者漢難見千難萬難今時人祇道是者箇漢更是阿誰不可引有也一百箇中有九十九箇如是會有甚巴鼻若恁麼如何明得從生至老底事如何便見得祇是者漢你若不見者漢四大五蘊總未知下落處且如祇今說法聽法是有說聽是無說聽若道你立我坐我說你聽三家村裏人也解恁麼道焉敢稱禪客若謂無聽無說又道從生至老祇是者漢所以到此須是求一箇了達底人決擇山僧向前未明得時總不奈何了便請益先師纔問著時先師祇道我不會我不知

我不如你又問禪畢竟是易參難參祇向我道你無事問難問易作麼參禪喚作金屎法未會一似金會了一似屎山僧甚不肯此語如今思量了語雖麗其間旨趣不淺此盡是了達之士發一言半句皆不虛也凡爲人時皆不胡亂指示亦不亂許人今時有諸方知識有時說得是有時說得無已具此理如何益爲他亦未了達有時許人道是有時却道不是若如此爭明得從生至老祇是者漢子細看來今時人也祇是舊時人今時作用也祇是舊時作用千變萬化也祇是要你者裏自肯一肯方始得了當今時人不

支那

富貴錄卷三

十九

了當者祇是不解決擇如何是不解決擇處祇是將古人言句作解會將自己來錐鑽祇是如此到彌勒下生也不會何故向你道回頭轉腦便不是了也向者裏省力處更不用如何若何直下明取你諸人先將道理近前用古人言句自纏自縛一似淨淨潔潔一片地却將一手土撒在上面相似山僧前日入室垂示道你如今到者裏不可也似適來相似須有箇會處始得有者道適來也祇恁麼如今也祇恁麼你先走入情識裏了爭怪得你古人多少慈悲向你道行是佛行坐是佛坐一切法皆是佛法一切聲皆是

佛聲你錯會了便道一切聲真箇是佛聲一切色真箇是佛色既不許如此會却如何卽是向你道纔涉朕兆時早支離了也欲將智照顯他時早昏暗了也如今但真取我口各自由你做功夫看古人因緣亦得靜坐亦得一切處觀察亦得皆是你做功夫處一切處是你證入處但一處精專日來月往須被你打發去不見古靈和尚行脚歸其師問云汝離吾行脚得何事業曰某見百丈得箇安樂處遂舉百丈頌云靈光獨耀迥脫根塵體露真常不拘文字心性無染本自圓成但離妄緣卽如如佛其師於言下省悟又

支那

富貴錄卷三

二二

雪峯和尚見風吹芋葉動遂指似僧僧云某甲甚生怕怖峯咄云是你屋裏事怕作什麼其僧亦有省既一時是你屋裏事爲什麼却不會蓋爲你隨處流浪不常在家但如今對善知識時莫教忘却喚作順理而行就已知歸復云從生至老祇是者漢回頭轉腦作什麼各自看取久立

師云如今明得了向前明不得底在什麼處如今明不得到幾時明得去祇恁麼翻覆體究也須會去所以道向前迷底便是卽今悟底卽今悟底便是向前迷底若言從前迷卽今悟也又言明來暗謝智起惑

忘恁麼還得麼那裏得如此則有暗可滅有惑可除  
不見古人道不改舊時人祇改舊時行履處你禪和  
家道有什麼難迷也祇是者漢悟也祇是者漢不可  
別有及乎問着他那箇是者漢便去不得不然胡說  
益緣未曾諦當證入此是諸人入骨髓底病謬底漢  
便認著一生休非但一生千生萬生亦祇休去若是  
靈利底他須解體究那箇是者漢直求入路處師乃  
噓一聲今時佛法淡泊衆中也難得人諸人既在龍  
門學道不可空過十二時管帶搆取覷見諸人也似  
不爭多你不見臨濟和尚道赤肉團上有一無位真

人常從汝等諸人面門出入未證據者看時有僧出  
問如何是無位真人濟下禪床把住曰道道僧擬議  
濟便拓開又道汝眼光照破山河也古人多少慈  
悲如今人不以爲事須是尋人決擇你不見崑頭雪  
峯欽山去見臨濟路上逢定上座頭問什麼處來定  
云臨濟來頭云和尚萬福定云和尚已遷化也頭云  
某等特去禮拜又值和尚遷化不知和尚有何言句  
請上座舉一兩則定遂舉臨濟上堂示衆云赤肉團  
上有一無位真人常從汝等諸人面門出入未證據  
者看看時有僧問如何是無位真人濟下禪牀擒住

云道道僧擬議濟便托開云無位真人是什麼乾屎  
橛便歸方丈崑頭不覺吐舌欽山云何不道赤肉團  
上非無位真人定便擒住云且道無位真人與非無  
位真人相去多少速道速道欽山直得面青面黑崑  
頭雪峯同勸云者新戒觸忤上座且望慈悲定云若  
不是者兩箇老漢程殺者尿牀子你看他道非無位  
真人定何故不肯今時學者那裏到者般田地祇管  
認箇五蘊身田強作主宰不能放下我今舉幾則語  
教諸人看雪峯參投子問者裏還有人參麼子擲下  
鋤頭峯云恁麼則當處掘也子云不快漆桶他道當

處掘尚做漆桶又有南際長老見雪峯語論無不相  
契峯令見玄沙沙問古人道此事唯我能知長老作  
麼生會際云須知有不求知者沙云山頭老漢喫許  
多辛苦作麼你道此理如何又先師在海會端和尚  
會中時端和尚舉古人道如鏡鑄像像成後鏡光向  
什麼處去會中有頭角兄弟下語皆不契端和尚云  
須是道者子始得先師時作街坊却從外歸端和尚  
舉前話問之先師近前問訊云也不爭多端和尚撫  
掌大笑人皆謂摩拏他教做化主什麼說話山僧此  
中祇要學道如要學道十二時中須是先去却無明

人我何故人我乃庸人之事先師一生無人我山僧在他身畔作侍者見多少不會有一念煩惱會說舊時有箇上座在海會做知客先師因送一箇長老住四面乃率知客相送不知如何者上座便劈面唾先師你是甚人却教我送他惡言不止先師遂休總無人知得後來仍來太平先師請伊作知藏又做首座復自求作監院亦從之及先師住海會乃舉住太平知州不肯又惡罵謂不主張他先師方出言道者漢兩度罵我也以此見伊無人我今人纔有些言語便要理會如此作麼生學道有時見初機兄弟入室祇

是爭山僧覷他了也不奈何一似村裏人把扁擔共上將軍鬪我者裏七事隨身手中是關羽八十斤刀他便把扁擔劈頭打一棒見人不動又連打數下去我不是怕他蓋不是對手呵呵勸諸人不要麁心日夜行持做箇向上人縱然不悟亦是高上之士切須用心久立

師云你纔認着道是便被縛脚縛手更轉動不得也則被你一認認了縱有千般亦不是也你若不認着却有箇救處譬如造得一隻船上面一一裝載了要千里外至平實所纔動手你先自釘下椿繫却船了

却用力搖櫓你搖到彌勒下生也祇在岸邊你見船東簸西簸將謂是轉動又何曾離得一步來又似磨茶漢子從早至夜團團旋轉極是好笑若眼目不分明底見你認着向你道是也被明眼人覷見點檢出來多少露桎索如今多分祇用箇如今底道總難如今不得祇被恁麼地釘下椿參學不得旨趣一時把來錯會了做箇主宰不知佛法不恁麼會不見麻谷持錫見章敬谷振錫一下卓然而立敬曰是是又見南泉亦如前泉曰是不是谷曰章敬道是和尚何得道不是泉曰章敬則是是汝不是此是風力所轉

終歸敗壞谷方省過你諸人看幾錯會一生爭得不就人決擇山僧初行脚時見先師偈句便信道此人似古聖說底事必有實證處便十年間參扣先師頌道學道先須得旨歸聞聲見色不思議若憑言語論高下一似從前未悟時又云空門有路人皆到到者方知旨趣長心地不生閑草木自然身放白毫光我後生時雖造道未得心中知此非常句也祇如聞聲見色皆可思議又何緣得不思議及乎論箇證處却云一似未悟時未悟時皆可思議如何見箇證處此人得無所得至究竟地方解如此我後來十年外始



領他事大凡行脚學道叅尋莫癡坐就人決擇此法  
難了喚作隔宿不問道若得了便別也昨日也喫粥  
喫飯今日也喫粥喫飯豈昔人耶別也不同意趙州  
向人道喫粥了也未曰喫粥了也州曰洗鉢盂去便  
是別也吾豈常人也你道何處是別處久立

古尊宿語錄卷第三十二

無述

古尊宿語錄卷第三十二

三十五

金剛經上于王立施普刻此  
古尊宿語錄卷第三十二 計字九千七百八十個該  
銀五兩零人分五厘  
雙足庵得真善堂上  
萬曆丙辰歲冬十月 德山化城寺識

古尊宿語錄卷第三十三

舒州龍門佛眼和尚普說語錄

住南康雲居嗣法善悟編

師云山僧教人識取自己師僧家聞得了却云初機學人看底事有甚難會你且緩緩且子細你用何者名自己祇如古德對自己語云遊山翫水你道我會也更是何誰又對自己云是你自己你道我也會得是我自己且如對伊道山河大地又道噇飯時飯是你自己又怎生會又却去不得古德云盡大地是你自己又且如何消遣每常見人錯會了舉轉占人事

問伊祇如鏡清問玄沙曰學人乍入叢林乞師指箇入路沙云還聞偈溪水聲麼清云聞沙云從者裏入清從是得旨我問你聞時聞箇什麼箇對曰聞水聲如此見解堪作何用據他所見聞處歷歷地一時領得離此聞外無聲可得盡從我者裏顯現者箇是業識有底對云不是水聲是聞自己山僧問道自己了如何聞自己所謂認心認性佛法是箇省力易會法門人自辛苦古人見不奈何了向人道你試一念靜思看好言語後人不明古人意了去那裏閉眉合眼捺伏身心堆堆地坐了等悟好癡好癡久立

師云不見祖師道風鳴耶鈴鳴耶便好休歇也更煩他道非風鈴鳴乃心鳴耳你更討什麼叅請也及至此上道非風幡動仁者心動祖師恁麼印證因何不

會祇爲箇能所所以道因能立所所既妄立生汝妄能無同異中熾然成異今時人言決擇且如何決擇莫是道者箇是入門底語者箇是初機語那箇是久叅語麼總不如是元來一時放下正是決擇於一切時無異緣自早辰起披衣洗面歸寮等事你喚作雜想也祇要你見色時無能見所見那裏不是聞聲時無能聞所聞心裏思量時無能思所思佛法最易最省力自是你費力自作艱難若易處不見且究理而坐既來龍門叅禪真將來此諸處妄想上度但退步看須會去然有般兄弟受整理有不受整理有愚者有智者有可救有不可救且如不受整理者硬將生死業識來用將粥飯氣來用問着則瞪眼進前退後舉坐具在惺惺裏皮袋裏昏昏地認箇識情此不可救你但放下了退步來看方會又有般上座道我都

不作道理都無計較不着聲色不依染淨聖凡迷悟一道清虛大光明中都無是事此又被智光益却着在智邊亦不可救有此兩般病前病猶淺後病更深

你但肯枯放一邊退步看亦自然會去此事甚是省力古人道甚是省要又道費力作麼有時見師僧來此間費力喫許多辛苦作什麼須要求些言語向皮袋裏有甚交涉然有一真實方便極好若非久參者不會疑着如玄沙一日欲說法大衆立久都不說一言遂兩兩三三散去沙云你看今日真實爲他也無一人構得待我開兩片皮一時近前來也你來龍門討方便討法門討安樂龍門也無方便與人也無一法與人也無安樂法與人何故若有方便却成埋沒上座籠罩上座趙州道你但究理而坐三二十年若

卷之三

三

三

不會截取老僧頭去亦則要成一片去豈不見二祖大師隨處說法聞者皆得正念不立文字不論修證因果時有禪師聞之遣高弟潛聽說法不問禪師大怒因大會次親語云我費許多力挑撥你你因何得恁麼辜負耶彼云我眼本正因師故邪者箇是參學樣子也後人問雪峯云我眼本正因師故邪時如何峯云迷達磨僧云我眼何在峯云不從師得須是恁麼始得古云道常合人人自逐物經中道若能轉物卽同如來物且如何轉又道凡所有相皆是虛妄若見諸相非相卽見如來古人道若見諸相非相卽

不見如來但退步絕機照子細看忽然覩着怎生奈你何久立

師云無迷無悟到得恁麼田地地方安樂最省力祇是箇無迷無悟底人十二時中有何法迷却上座應須裏私自家裁斷看三界二十五有迷心故有如今如何得無去既無未得迷情決然不奈何須證取無迷無悟事方得灑落行脚人喚作張袋下事事若未了禍事也此是大苦馬鳴祖師說箇三細六籠動卽有苦如何得不動去不是說一句兩句便當得譚玄譚妙說義說理坐禪入定當得自家無事獨自思量看

卷之三

三

三

平生所作所爲他人不知你自返照是合道理不合道理到者裏自瞞不得也好時好日不趣取究令徹去先師出世時道此大寶華王座每日與諸人同起同坐自是諸人當面諱却也好言語又道十餘年海上雲游覓箇冤讐不曾遭遇及到龍舒果見其人方契憤憤之心好言語恁麼說話少有人說得山僧行脚三十有餘年也老僧得道時諸人未生在後生家信取恁麼說底事逐日退省看教徹去久立  
師云禪門各迦葉大寂定門不動一絲子無所不通不動一毛頭無所不達非是祇恁麼不動便休去諸

人十二時中但不起心動念了一時會得通達一切名迦葉門下人方入得大寂定且何法爲緣爲礙雖許人叅究許人學祇是不許人起心動念會若逢緣遇境或一言半句纔念動心起作解俱在散位也明上座大庾嶺上不思善惡了方見得便道某甲雖在黃梅實不知得佛言不此岸不彼岸不中流南泉云不是佛不是物正是你今人管帶處但恁麼學如秀才及第一回從此是官人心要一回丁是佛方無疑各自將爲事莫趣閑過久立

師云諸人分上各有一段事回頭方識得須是解回

頭且如何回頭不尋尋不尋者箇便是人難借入處也不尋如何尋尋如何不尋若但尋何異尋聲逐色若一向不尋又何異上木瓦石須是尋而不尋不尋而尋若入得也始和會得尋與不尋所以道不尋不尋法身圓寂尋尋應用不差尋不尋不尋尋境智冥會體用一如故得三身四智五眼六通從是開明學道人解恁麼回頭尋究始得豈不見僧問仰山和尚別有何徑截願乞指示山云別有別無轉令汝昏昧汝是甚處人云幽州人山云汝還思彼中不云常思山云所思者樓臺殿閣市井人煙有許多般你返

思思底還有許多般麼云無許多般山云據汝見處祇得一玄得坐披衣向後自看大衆者僧道所思有許多般思底無許多般見解有偏致令仰山道祇得一玄道眼不正若據山僧所思樓臺殿閣有許多般便是無許多般思底無許多般便是有許多般可驗現今目前有許多般便是無許多般無許多般便是有許多般亦如瞋目仙人執善財手善財見無量世界微塵數諸佛仙人放手宛然依舊好大衆放下手了宛然依舊且作麼生會會取好久立

師云先聖道法法本來法好雲門拈拄杖云不是本

來法良久曰若如是則三毒四倒五纏六入十二處十八界二十五有不是本來法何不恁麼會取多少省力佛法是箇最省力底事何嘗不現前自是你不會又向你道無法無法何於一法中有法有不法祇爲馳求不息了一切處皆是馳求思惟道理也是馳求看古人公案也是馳求看禪冊子也是馳求假饒靜坐念念不住亦是馳求要會朕則你那馳求便是馳求箇中極難信人難做功夫不安樂者益爲你等不沉則掉所以道不會去如今如何得不沉不掉則你那一念起是生滅流轉爲是業識耶爲是不



動耶怎麼翻覆看來便有些子道理久立

師云同床共被夢各不同先聖云同共一法中而不得此事且如生死一法中入得生死而不被生死縛者在生死被生死縛者同共一法中一人縛一人脫豈不是夢各不同你尋常生死作一邊無生死作一邊思量作一邊不思量作一邊有言說作一邊無言說作一邊山僧此中也無衲僧事及向上事祇論出生死事不祇怎麼說一句了休須是卽生死中見無生死事豈不見永嘉大師見六祖云生死事大無常迅速六祖云何不體取無生了無速乎嘉云體卽無

生了本無速又如曹山辭洞山洞山云什麼處去曹山云不變異處去洞山云不變異處豈有去耶曹山云去亦不變異豈不是了得底人你思量爲一邊不思量爲一邊於言說外做箇無言說縱饒你會得箇無言說處分明纔有言說便碍著你也終日行住坐臥不曾行住坐臥何不怎麼參究有時師僧來此下一句拍一拍那裏當得見解不出二邊你須是去思量看我分明在生死中如何得無生死去莫道便是也我本來無生死不由你說者一句子便了有底問人說無生死便道是也本來無生死若怎麼作解便

難會也既不許人作道理起會解又不許人說却如何作功夫你不見古人道我祇把你將來底示你箇入處环重

師云看見今時叢林中兄弟似總不說此事相似祇如天下到處叢林知識說禪說道入室陞堂無不是說此事何故道不會說著說則說也則是說不着不惟說不着亦不解觀不解怎麼作功夫祇管道正令全提十方坐斷佛來也打魔來也打一向說禪元來緊要處不會說著山僧者裏所說者是諸方掉下不要者等閑地糞掃堆頭拈將來問人又却道不得祇

如今早入室問道明得底人見香臺時是香臺不是香臺若道是香臺與尋常人一般若不是香臺香臺却分付與誰輕輕將來問着便七花八裂蓋緣尋常總去閑處做功夫我且問你不說入衆來未行脚未入衆時見香臺時喚作什麼曰喚作香臺又曰大家喚作香臺何不思量因什麼喚作香臺禪須是怎麼參要明你無始時來事修山主道不見本來法障礙是從來若人有障礙顛倒幾千回先師道如人睡着將一點糞着在鼻端上初不覺知及至起來或聞臭氣嗅褊衫謂是褊衫臭遂脫却褊衫拈得物來一切

皆臭不知道臭在他鼻上忽有智人向伊道不干別物事剛自不信智人云你但將手向鼻上揩看則是不肯若肯揩一揩方知早較些子遂以水洗去之全無臭氣若嗅一切物元來皆無臭氣叅禪亦然不肯自休歇向已看者下尋會解那下尋會解竟道理做計較皆總不是若肯回光就已看之無所不見道一根既返源六用皆不行但如此觀却有悟明分久立

師纔坐呵呵笑曰猶自不會良久又曰我怎麼說向你猶自不會若到別處更作麼生會也諸方不是走

支那

卷之三十三

元

作你便坐定你我者裏也不走作你亦不坐定你直是省力易會因何却不會祇爲你千方萬便巧作道理所以難會去佛法是箇易會安樂底法雖然易會祇是難入難做功夫若是諸方坐定你便有箇做功夫處走作你便有箇咬嚼處兄弟家來說道不敢道是則你那不敢道是却如何何不恁麼去看祇恐你向者裏亂會亂有領覽祇要教你不動一念便明得去又有道據我見處千是萬是也此正是如焦穀芽如敗種子永不發生你已道是了也更如何救須是深疑著此事所以道凡夫有返覆又有者會了却說

不得縱說得亦不成道理不要草草子細體究山僧與你同叅我若會時你也須會始得你若不會山僧亦不會也不見玄沙指面前一點白問僧見麼僧云見沙云我也見你也見因甚却不曾有箇同叅禮上座見先師得一年半凡人室祇向伊道上座也分些細素麼度度去度度如此似恁麼說話如何解會如何做功夫今之時也無恁麼尊宿爲人也亦無恁麼上座叅請也若是別人則煩悶去了也一日問先師上堂云同門出入宿世冤家惛然地心下如落秤鎚相似從前見解如去空中花相似從此見諦須是如

支那

卷之三十三

十

此做功夫如此證悟禪須是怎麼叅今夏已一月也殊不見兄弟有覺觸處直須鼎省精神若是無人說着無人開示便難做功夫也既是遇人便好做功夫須是分細素始得久立

師云而今行脚兄弟可信道有頓悟底事也諸方亦可說有頓悟底事若無頓悟底事如何却名叢林益爲從來相傳祇是看古人公案或看一則或兩則畧有一知一解若有理會不得處亦尋縫罅鑽研求會既會得了道此事祇如此也便在叢林中流布將去皆不說著頓悟底事若無頓悟底事則三界二十五

有如何消遣疑情如何消落去今早有箇師僧來說道見聞不昧一向去認見聞便道是也則是不見那不昧處問他方世界事又不知問根塵下事又不破如何却以凡夫情量便同頓悟底事山僧今日普告大衆但信取有頓悟底事譬如村夫於耕田處拾得一粒金丹服後渾家上昇又似白衣拜相相似教中說你那凡夫情量如似土坯未曾經大火中煨過都用不得須是經大火中煨過始得却似得一回頓悟相似山僧自川中來祇叅一人知道此人說話與古人一般嘗問先師道聞禪門中有悟道果否先師云

無過

一物無靈卷之三

十二

是若無悟那裏得你但緩緩地叅山僧便寬心叅究有復首座見地明白所以山僧常去詢問祇向山僧道須是自家做活計莫來問我一日舉趙州夾火示僧云不得喚作火是什麼山僧深疑著分明是火如何却不喚作火如是看三年常自思惟爭敢以凡夫情量便問他聖人所證處又曾聽法華云是法非思量分別之所能解常得此一念如今兄弟家道便是者箇也爲你一起解會了便不會也又先師曾到李提刑宅提刑請就書閣中燒香了將傳燈錄白先師某雖俗人素留心此道每看此錄多有不會處一一

望和尚開示先師云此事不如是理會須有省悟始得若有悟處無不會者自不消問人若無省悟祇那會處亦未是在提刑云吾師說得是又山僧平生事因作知客在火爐上會得自後無有不曾底事衆中兄弟須是見頓悟底事始得今時叢林中例皆不說着也久立

師云山僧分上無有不是者若有一絲毫不是處爭敢說向人爭敢指示人山僧分上是時無能是底心又無所是底法所以方敢說向人若約諸人分上明知有不是處所以來就人決擇若已是了更幾時去

無過

一物無靈卷之三

十三

問人也然而山僧者裏祇指你是處你若不是終不敢道你是等你是也山僧肯你也祇賄是大衆山僧無有不識者或曾見人來或有悟處或無悟處有無會解皆知得伊如世良醫一見便識病或冷或熱可醫不可若一一問候方知此乃庸醫如前日舉法眼指簾子有二僧去捲法眼云一得一失你等事須不得道有什麼得失又道一人會來去捲是得一人不會來去捲是失若恁麼怎生會醫如今明未得蓋爲悟心未諦如不識病稱醫者他人會也不識不會也不識有無見處總辨別不得却如何爲人如何說向

人須是剋骨究實始得若肯去剋骨究實無有不會者不見古人道你但究理而坐三二十年若不會截取老僧頭去作尿鉢子僧家有時道是也却到剋骨究實却走作不定如隔牆看馬騎相似忽尔便過直須似三二萬斤鐵相似牽不前推不後方知是實你等纔被人撼着早動也更着力推一下便倒了也須是洞明頓見三百六十骨節八萬四千毛竅一時開張內身外器法法皆是本來法無有不是始得而今師僧依倚方能道得若一時去却則無湊泊處又謂空過了諸人無過此時好也既在其中定省精神努

力究取珍重

師云若論平等無過佛法唯佛法最平等若道我會你不會不是佛法也你會我不會亦不是佛法也教中道是法平等無有高下名阿耨菩提山僧見處與諸人齊等諸人見處亦與山僧齊等又古人道諸人知處良遂總知良遂知處諸人不知因何却不知去良由仁者心有高下不依佛慧遂見此土土石諸山穢惡充滿須依佛慧始得也聖人說底便是平等法也道那胎濕化四生九類我皆令入無餘涅槃而滅度之如是滅度無量衆生實無衆生得滅度者豈不

是平等法古人道涅槃名廣度無餘一味收知胎并濕化空有及沉浮薩埵能降住菩提道自周倏然纖芥在此岸永淹留纔有纖毫不盡便是此岸也又道剋那流入意地便爲生死根栽豈可亂有所證妄生解會耶古有尊宿向人道各各有初心在最初發心行脚必爲生死故發心或厭苦故發心或爲事緣逼迫不獲已發心皆名發心何故令人看初發底心謂你最初發底一念不易轉頭來最有力此是你參底禪也若得現前時祇是此心明淨也中間求訪宗師日夜推究祇是養育此心乃至悟得了便見未發心

時亦則不失馬鳴祖師謂之始覺卽本覺本覺卽不覺本始不二名究竟覺又道初發心時卽成正覺謂先證得果頭佛六度萬行成熟之事也所以令你但推究初發底心且山僧見處與諸人一般何不恁麼會去久立

師云明眼漢沒窠臼你尋常構不及者祇是眼不明眼若明却構得也所以說道明眼人難得你纔道是恁麼便是窠臼也若是明眼人卽不恁麼不見德山示衆道今夜不答話問話者三十棒若不是明眼漢怎生構得纔構不得便落意思卽成朕兆故德山平



生則品頭一人構得所以道須是明眼漢始得久立  
師良久告衆曰祖師真實好知音呵呵笑了又云也  
祇得恁麼說也若明得者親得受用便有履踐處若  
涉道理涉計較涉言說則不會也亦不親得受用也  
你在廊下東行西行時寮舍裏洗衣擇服時還見得  
祖師真實好知音麼良由不見問著便脚忙手亂病  
在什麼處病在你尋常祇是思量計較中來不親得  
受用皆是去長連牀上閉目藏睛擘劃思量得盡上  
窮銀漢下徹黃泉方說得一兩句却到閑處時又不  
知下落也目前盡是礙人之物輕輕問著便去不得

如今據實理論不要亂說我且問你不與粥飯喫三  
日時還動得麼定是動不得也纔方喫得些粥飯方  
能動得若恁麼盡是粥飯氣到者裏便要得人也須  
是見得非粥飯氣底事始得禪須是恁麼叅如此方  
名決擇既喫粥飯了須扶持你者事把來叅取恁麼  
一件事你却總不知却去閑處用了也說是非管閑  
事或思量或擘劃可惜許盡把來胡亂用了你不知  
纔擬心早是後世也剎那流入意地便爲生死根栽  
也又五蘊身存尚不知百骸散後何處覓近日有者  
一向祇恁坐地初時惺惺地餉間便瞌睡十箇九箇

坐地睡著苦苦不會做功夫那裏硬坐要會不是此  
理怎生見得丹霞豎起拂子龐居士舉起棊子丹霞  
擲下拂子居士放下棊子又云昨日公案作麼生丹  
霞放身臥居士便出去此豈不是真實知音豈容你  
亂說容你下注脚又崑頭道夫沙門者一一從自己  
胸襟流出蓋天蓋地始得那裏是靜坐思量來先師  
道你睡時睡時叅取喫飯時喫飯時叅取又古人道  
坐時有坐時道理立時有立時道理豈不見投子問  
翠微西來密旨可得聞乎翠微竚立顧視投子云未  
曉玄言乞師再指翠微云更要第二杓惡水潑在投

子便悟諸人不得受用在十二時中踉過多少好事  
所以我道祖師真實好知音良久又道祖師之道如  
青天白日相似爲什麼有人迷路久立  
師云你諸人會不得過在何處你都盧是不會根本  
是不會了更求覓會處古人道莫棄者邊看那邊若  
如此轉難會也向你道根本是不會何不恁麼看如  
法眼行脚時地藏問何往法曰行脚去曰還會行脚  
事麼曰不會曰要知行脚事不會者是法眼從此省  
悟我問你既不會又如何是得須有入路方知不是  
強會底事巧會千般你根本不會了堪作何用須着

用意究你看不會從何處得來你要知麼你者不會本無來處既無來處此不會却如何及乎明得者不會無去處怎麼地看時你管取須明得祇被你不解做佛法中人一向祇在世間用心未曾片時究此事如何得便會去及乎被人問着胡道亂說不是怎麼事舊日曾聞一人老僧說香林和尚見僧來曰你說得不無你你下階兩三步早不怎麼也莫亂說好你看古人根窮人是如何將爲事佛法無虛棄底道理會取會取環重

師云雲門大師曰汝若實未構且順朱識取叢林中

參學人亦須順理而進不敢望有超過底事大凡今之學人事作一邊理作一邊所以致令身心不得安樂何不且教事常順理去未說無始劫來事祇據一念入母胎頓變根身器界自是已來莫不皆是事一報身中種種何嘗有一法不是事者如今如何消遣此箇事得順理去且事有形段理無相狀古人一得其理了事便如理融通去豈不見昔人聞板鳴乃撫掌大笑曰我會也我會也此豈不是順理而學何不且去十二時中恁地觀究做得者般功夫久久成熟自然與理相應祖師道要急相應唯言不二不祇說

了便了要得相應始得爲山道事理不二眞佛如如多見不能順朱把來一時顛倒了空理會古人言語公案差別問難節記門庭以爲參學苦哉苦哉學道不如此後生兄弟更是不知空曠高心十年五歲過却光陰並無所得無明人我客氣殊不念出家事將來如何去各各究取莫久立

爲李舍人普說師云實無一法爲緣爲對若有一絲頭便是一絲頭你諸人如何見得無一法爲緣爲對底道理若向者裏明得現前何處更有身心可求若實無箇證入處都來祇是生死流注如今問諸人你

現今種種分別念慮作麼生都無法爲緣現前我見你你見我作麼生無法爲對道人家須是怎麼識體究始得山僧道佛法便是諸上座諸上座便是佛法是有語路來體解無語路來體解是有可趣向處無可趣向處從上古佛先德現前在此盡大地凡夫四生六趣現前在此向者裏直下了得實無一絲毫子豈是取一邊捨一邊豈有一段本來事有一分今時妄想則爲馳求取捨至今不得現前既有許多流轉法可狀可棄所以諸佛出世祖師西來使汝尋師訪道祖師邊事透不過時直下如銀山鐵壁相似且

如何是銀山鐵壁元來是自家屋裏事思量來者般事我未會已前如銀山鐵壁如今會了元來我是鐵壁隱鐵壁鐵壁所以道祖師常在世間祇如世間如何了先聖道自從認得曹溪路了知生死不相干須是你自家踏着始得方知道佛祖常時垂手須一一從自己胷中流出自然明得諸聖出世善巧方便祇如諸人每日說底話還有方便善巧麼乃至動轉去來種種施爲有善巧方便無善巧方便豈不見洞山參見雲門門見來便問近離甚處山云查渡者一句語如何是會來恁麼說是不會來恁麼說是肯了恁

之問

古語拾遺錄卷三十三

九

麼道是未肯了恁麼道雲門又問夏在什麼處山云湖南報慈門云幾時離山云八月二十五門云放你三頓棒洞山一夜不安明日上去問訊云昨日蒙和尚放某甲三頓棒不知過在什麼處門云飯袋子江西湖南便恁麼商量也山於言下見道且有過無過合喫棒不合喫棒卽且置你道者僧悟處是如何古人爲人作麼生或若者裏明得自從無始劫來是實無一絲毫爲解礙方從是出生便了他諸聖行履處未能如此莫道是諸聖行履處十二時中行履處何嘗分明祇爲無始劫來顛倒迷亂六趣何曾見還猶

如蠅子透牕相似不見端師翁有頌云爲愛尋光紙上鑽不能透處幾多難忽然撞着來時路始覺從前被眼瞞如今既在此門中不可中途因躓縱然學道得旨後閨閣中物颺不下明得此事還被此事習滯不見道金鎖玄關留不住行於異類且輪迴到得恁麼田地方可爲人師如今去聖時遙人多懈怠尋常說正法像法末法山僧道法無正像末佛法常在世間得時便是正法失時便是像末法諸人決然要辨此事緊要是出生死然本無生死可得何故三際求之不可及先佛道過去心不可得現在心不可得未

之問

古語拾遺錄卷三十三

主

來心不可得祇如歷歷分明聽法者是誰是過去耶現在耶未來耶須知是一箇無始時來無知覺者如此看來豈是與一法爲緣爲對如今天下禪僧盡道祇是者箇漢是定有者箇漢是定無者箇漢道橫也是者箇漢豈也是者箇漢也道六十二見諸外道種盡從佛法中來所以貧道頃在舒之龍門時常勸人如此做功夫後到褒山亦不忘此旨非時愛與兄弟東說西說喚作非時語緊要處却在當人不見昔日瀉山和尚在百丈作典座一日司馬頭陀問云野狐話作麼生會瀉山撼門扇司馬云是則是太倉生瀉

山曰佛法說什麼麤細你道問他野狐話他却據門  
扇且道緊要在什麼處要會麼盡是金毛師子子莫  
於中路却輪迴久立

古尊宿語錄卷第三十三

全增居士于王立施贊刻此  
古尊宿語錄卷第三十三 計字八千二百二  
十六箇該銀四兩二錢八分  
銀山釋每亮封上元李周書旌德劉邦永刻  
萬曆丙辰歲冬十月徑山化城寺識

古尊宿語錄卷第三十三

古尊宿語錄卷第三十三

古尊宿語錄卷第三十三



古尊宿語錄卷第三十四

舒州龍門佛眼和尚語錄

住南康雲居嗣法善悟編

頌古

外道問佛

果日連天照有無孰云善逝坐跏趺如今要見當年  
事邪正猶來在半途

世尊陞座文殊白槌

法王法令若爲酬潦倒文殊強出頭負累釋迦猶可  
事至今千古鬧啾啾

撰述

古尊宿語錄卷三十四

一

世尊拈花迦葉微笑

百萬人天望舉揚拈花微笑大乖張幾多業識茫茫  
者問着勞生沸似湯

二祖請達磨安心

若有絲毫付與人可師何得更全身人間天上迷逢  
處八兩元來是半斤

六祖風幡

非風幡動唯心動大海波瀾常洶湧魚龍出沒任昇  
沉生死聖凡無別共無別共底怎麼樣祖佛傍觀空  
合掌

國師三喚侍者

潦倒江湖上竿頭事可咍一回浮子動又是上釣來

百丈野鴨子

草裏尋常萬萬千報云飛去豈徒然鼻頭是甚閑皮  
草十字縱橫一任穿

百丈歸與同事坐次忽然哭事問曰憶父母耶

丈云無事曰被人罵耶丈云無事曰哭作什麼  
丈云問取和尚事往問大師大師曰你去問取  
他事回至寮中見百丈呵呵大笑事曰適來爲  
什麼哭而今爲什麼却笑丈曰適來哭而今笑

撰述

古尊宿語錄卷三十四

二

同事惘然

一回思想一傷神不覺翻然笑轉新雲在嶺頭閑不  
徹水流澗下太忙生

馬祖陞堂百丈捲席

挂得帆來遇便風須臾千里到家鄉臨門上岸逢妻  
子歡喜情懷不可當

百丈再參馬祖

挂拂遭呵耳便聾衲僧奚若驗宗風金剛腦後抽生  
鐵華岳三峯倒卓空

黃蘗一日問百丈曰和尚在大師處有甚奇特

言句乞師不忙丈遂舉再奉馬祖因緣乃曰我當時被大師一喝直得三日耳聾黃蘗不覺縮項吐舌丈曰子已後莫承嗣馬祖麼蘗曰不然今因和尚得見馬祖大機大用要且不敢承若承嗣馬祖恐已後喪我兒孫丈曰如是如是家肥生孝子國霸有謀臣拳頭劈口槌未到無兒孫百丈開田說大義

開田說大義後人莫容易百丈總持門淡而還有味黃蘗問百丈從上宗乘苗裔此間如何商量百丈默然蘗曰教後人如何委悉丈云我將謂你

百丈

百丈開田說大義

三

是箇人便起去蘗隨後入方丈曰某甲得得而來祇要箇印信足矣丈曰若恁麼他後不得辜負老僧

打麴還他州土麥唱歌須是帝鄉人現成財本成家者多見飢寒在子孫

百丈一日問黃蘗何處去來蘗曰大雄山下採菌子來丈曰還見大蟲麼蘗便作虎聲丈便抽斧作斫勢蘗約住便與一掌丈便休至晚上堂謂衆曰大雄山下有一虎汝等諸人好看老漢今日親遭一口

大雄山下斑斑虎觸着傷人誰敢顧親遭一口老婆心何曾用着腰間斧

百丈問黃蘗甚處來蘗云開田來丈云辛苦不易蘗云隨衆作務丈云有勞道用蘗云爭敢辭勞丈云開得多少田蘗遂鏝地數下丈便喝蘗掩耳而去

相見言談理不虧等閑轉面便相輝畢竟水須朝海去到頭雲定覓山歸

黃蘗示衆汝等諸人盡是墮酒糟漢

大唐國裏無禪師不許會分祇許知着肉汗衫如脫

百丈

百丈開田說大義

四

了方知棒喝狂愚癡

黃蘗一日在南泉位中坐南泉遂問長老是甚年中行道蘗云威音王佛已前泉云猶是王老師孫在蘗遂歸本位坐

彼此老來誰記得人前各自強惺惺一坑未免俱埋却幾個如今眼子青

南泉問黃蘗定慧等學明見佛性此理如何蘗云某甲十二時中不依倚一物泉云莫是長老見處麼蘗云不敢泉云撥水錢且置草鞋錢教什麼人還蘗不對

問答分明是切磋幾人於此見設說少年俱決龍蛇陣潦倒同吟稚子歌

南泉門送黃蘗泉曰如許大身材戴椰子大笠子蘗云三千大千世界總在裏許泉曰王老師吓黃蘗戴笠子便行

相見錦江頭相携上酒樓會醫還少病知分不多愁百丈問南泉何處來泉曰江西來丈曰還將得馬師真來麼泉曰祇這是丈曰背後底吓泉拂袖便出

八面當風祇這是拂袖之談動天地堪愛賣身王老

師不作賤兮不作貴

南泉坐次一僧叉手而立泉云太俗生僧合掌泉云太僧生僧無對

南北東西無不利令人深愛老南泉眉毛擻繫如相似鼻孔遼天不着穿

洞山謂雲居云昔南泉問座主講何經論主云彌勒下生經泉云彌勒幾時下生主云現在天宮當來下生泉云天上無彌勒地下無彌勒時雲居遂問洞山祇如天上無彌勒地下無彌勒未審誰與他安名着字洞山直得禪床震動乃

曰膺聞黎

禪床驚震被搭糊惹得兒孫不丈夫拄杖劈頭連打出也教知道赤髭胡

南泉示衆云馬大師道卽心卽佛又云非心非佛老僧却不恁麼不是心不是佛不是物恁麼道還有過也無趙州出禮拜歸衆僧問趙州適來禮拜歸衆意作麼生州云却問取和尚僧上問南泉適來論上座意作麼生泉云他却領得老僧意旨

祖佛場中不展戈後人剛地起設說道泰不傳天子

令時清休唱太平歌

南泉斬猫兒

五色狸奴盡力爭及乎按劍總生盲分身兩處重相爲直得悲風動地生

晚趙州從外歸泉舉前話問之州脫草鞋戴頭上而出泉云子適來若在卽救得猫兒

安國安家不在兵魯連一箭亦多情三千劍客今何在獨許莊周致太平

南泉歸宗麻谷三人去禮忠國師

同氣相求事可論一回見面一歡情兩行何處開文

字一隊誰家好弟兄

### 大隋蓋龜

骨裏皮兮皮裏骨大隋老子無窠窟上士聞之笑未休中流特地生疑惑

### 俱胝豎指

老大宗師豎指頭一生用得最風流玄沙拗折無人會年來年去冷颼颼

### 德山叅見龍潭吹紙燭

黃金爲骨玉爲稜莫把他家此日尋多少從來悟心匠盡將底事繼威音嘆

文那

上座道場卷三十四

七

### 魯祖面壁

池陽何處得捫摸後代商量苦也無古人剛地成多事敢問如今會也無

雪峯示衆云望州亭與上座相見了也烏石嶺

與上座相見了也僧堂前與上座相見了也

密密堂堂早二三本來無物更何堪癡人見了生歡

喜作者相逢滿面慙

米和尚令僧問仰山今時人還假悟也無山云

悟卽不無爭奈落在第二頭米聞深肯之

悟人千箇道無憂肯信遭他第二頭寂寞山花寒食

後夕陽西去水東流

金牛和尚每至齋時自將飯於僧堂前作舞呵  
呵大笑云菩薩子喫飯來

長連床上狐屎尿三聖堂前狗吠春跳出金牛窠窟  
子月明照見夜行人

玄沙三種病人

玄沙三種病人有理不在高聲引得香巖老子走來  
樹上懸身

破竈墮和尚居嵩嶽山塢有一廟甚靈廟中唯  
安一竈遠近祭祀不歇烹殺物命甚多師一日

文那

上座道場卷三十四

八

領侍者入廟以往杖敲竈數下云汝本磚瓦泥

土合成靈從何來聖從何起又敲數下竈乃墮

破墮落師云破也墮也須臾有一青衣裝冠忽

然設拜師前師云是什麼人神云我本廟神久

受業報今日蒙和尚說無生法忍遂得生天特

來禮謝師曰是汝本有之性非吾強言神再禮

而沒

禍福威嚴不自靈殘盃冷飭享何人一從去後無消

息野老猶敲祭鼓聲

大衆遂曰如某等久在和尚左右不蒙示誨適



來竈神說何法便得解脫師曰我也別無道理  
祇向伊道元是一堆泥土合成靈從何來聖從  
何起你等諸人何不禮拜衆遂作禮師云破也  
墮也大衆一時悟入

春寒料峭凍殺年少切忌參商別無奇妙低頭侍奉  
歡喜問訊佛法商量傷子性命

趙州勘婆

趙州言勘破笑殺老禪和院主鬚眉落南泉打粥鍋  
趙州勘破却成罪過大地衆生千箇萬箇

百丈野狐

醉眠醒臥不歸家一身流落在天涯祖佛位中留不  
住夜來依舊宿蘆花

黃蘗問百丈古人錯答一轉話墮在野狐身今

人轉轉不錯時如何丈曰近前來向汝道蘗近

前打師一掌丈呵呵大笑云將謂胡鬚赤更有

赤鬚胡

一問當機絕異同定乾坤箭驗勲功轟轟一掌胛腮  
下笑殺雄山者老翁

司馬頭陀問爲山百丈野狐話你作麼生會爲  
山以手撼門扇三下司馬云太倉生爲山云佛

法說甚麤細

春至是花開朱顏安在哉可憐園裏色不入鏡中來  
靈雲見桃花

春來依舊一枝枝同地同天道不疑未徹之言人莫  
問令余特地笑嘻嘻

臨濟叅黃蘗首座令問如何是佛法的大意  
三度問三度被打

擘開華岳連天色放出黃河到海聲瞻驢死後蒿枝  
折大地如今有幾人

雲門三頓棒

奉若三頓曲周遮屈辱雲門老作家渡水穿雲五湖  
客欲將何物當生涯

雲門餠餅

雲門答餠餅言前句後領驢鞍爺下領到了終不省  
塞却你咽喉把將餠餅來速道速道

劉賓國王自將劍至師子尊者處問師得蘊空  
否尊者云已得王云旣得蘊空可施我頭否尊

者云身非我有豈況於頭王卽斬之白乳高數  
丈王臂遂落

楊子江頭楊柳春楊花愁殺渡頭人一聲殘笛離亭

晚君向瀟湘我向秦

仰山插鉢

數目分明舉卽難衲僧無不膽毛寒須知更有壺中路但向須彌頂外看

長慶萬象之中獨露身

萬象之中獨露身一回相見一回噴東西南北吾皇化莫向江頭苦問津

雪峯鼇山成道

鼇山成道足人傳莫是從前話不圓賴有玄沙知始末偏身紅爛在漁船

子胡狗

老大宗師沒巴鼻養狗之緣太兒戲奪牌禪客如到來鉛刀爭及吹毛利

鳥窠吹布毛

欲求佛法往南方老大宗師爲舉揚山花滿地雖狼藉一陣風來一陣香

玄沙虎

宗師方便太慈悲是汝之言實古錐萬里神光騰頂後肯將生死嚇愚痴

五洩叅石頭

在途在舍若爲酬莫把先師一側求雄雄宇宙如王者未免半邊無髑髏

藥山一句子

犢牛生子頗相諳兩眼通紅色似藍把火照來無覓處大家普請一時叅

趙州喫茶

趙州一椀茶驗盡當行家一期雖似好爭免事如麻盤山臨入滅垂示云還有人邀得吾真麼衆人競寫呈師師皆不納時普化出來云某甲邀得山云何不呈似老僧看普化乃打筋斗而出

師真醜拙不堪呈用盡身心笑殺人彼中莫覓絲頭意白鼻崑崙賀新正

女子出定

出得出不得初不離是定聖者起凡情凡人而乃聖倒用與橫拈扶邪及顯正春雨春風竹戶涼落花啼鳥千峯靜

良遂叅見麻谷

平生心膽向人傾到此門中有幾人別後都城舊知已暖煙斜日又黃昏

黃龍三關

佛手驢脚生緣黃龍元無此語直饒恁麼知之我儂亦未相許奉報四海禪人第一不得錯舉

### 晦堂拳頭

着眼看來寧免瞎全身何用佩金魚黃龍意氣雄豪甚祇爲他家不識書

五祖老和尚凡見僧來便云屈屈僧云屈作什麼師云如今不屈更待何時

盡力不奈何按牛頭喫草若無錦繡文難以論嘉藻又每見僧來展手問云何故喚作手

何故喚作手衲僧難開口擬議自顧預可憐大蒙斗

### 又每遇僧請益祇云無道閑工夫

彼此且無相負累行人無不失鉤錐雖然不瞎衆生眼也好拳頭劈口槌

### 室中垂示

師云不負平生眼目還知龍門老爲人處麼若知得終不相辜負若不知實無爲人底道理師云上座未來此間時無一人上座既來此間後有一人上座祇是一人上座爲什麼成有成無師云正恁麼時作麼生辨師云得底人還具四大五蘊麼師云眞佛住在何處師云盡十方世界是你自己折旋俯仰復是何

人師云古人道無情有佛性師云有情具覺知可容知有佛性無情無覺知若爲知有佛性師云昨夜山前虎咬大蟲師云無目仙人能揣骨既是無目將什麼辨貴賤師從東過西顧謂衆曰是是復從西過東顧謂衆曰不是不是遂歸位立曰適來猶記得麼衆曰祖凡見人來便面壁而坐不知後來有甚人會得師云離却三界還見香臺麼師云有情說法易見無情說法難聞祇如無情說法什麼人得聞師云爲山接仰山師云現今是箇什麼何不猛會取師云有人問你隨問便答無人問你時作麼生道師云芥子納須彌且問你諸人卽今在芥子外芥子內若道在芥子外如何納得須彌若道在芥子內許多大身材如何却在芥子內師云隔宿不問道今朝事作麼生師云山僧問你諸人尋常一件事請人舊時曾到處忽然思量着——在日前爲將眼見卽將心見耶若道將眼見諸人思量舊時到處如何是眼見若道是心見心豈有見耶現今目前燈籠露柱是心見耶是眼見耶世尊道從本已來非心非眼且道是箇什麼畢古人道一堆火兩人坐我是你你是我師云你自是你向火我自是我向火爲什麼却道我是你你是我師

云無舌人解說說則說了也師却吐舌云爭奈有一片子何師云明來暗謝智起惑亡正當明時暗向什麼處去祖師道祇者明便是暗明暗觀體不可得師云黑地裏行時爲什麼脚高脚低師云古人道世間法便是出世間法露柱是世間法如何明得知是出世間法去師云一切衆生眼見耳聞先聖去者裏有箇指示人處道即此見聞非見聞師云諸人正當見聞時作麼生見得非見聞師云忽然被人稱名道姓喚你一聲時你去者裏還入得麼師云山僧與諸人總在者裏其間有了者不了者作麼生辨得者箇是

了者這箇是不了者作麼生辨師云諸人還會古人說底話麼那箇是古人作麼生是說底話若不恁麼明得祖教佛教俱爲刺語作麼生是古人說底話師云十二時中作麼生是你相應底句師云不是山僧瞞你却是你瞞我作麼生是你瞞我處師云中夜間忽然會得去今朝起來所見所聞別也作麼生是別處師云此事易見難曉你等諸人還見狗子麼見生客則吠見熟客則搖尾且道是一耶是二耶若道是二吠則咬人搖尾則求食若道二來生也是客熟也是客所以道易見難曉須是向不一不二處會取山

僧不誑諱你仔細檢點看師云山僧齋時見箇蝦蟇子在聖僧鼻孔裏出來入去得大無異你諸人十二時中出來入去在什麼處師云古來有箇禪客依柅一人尊宿每日上去問訊纔見來便道且去未在那是數年忽一日省得便上去宿纔見來便云噫是也師云作麼生見得便知道是也師云不重久習不輕初學久習之人有何過不重初學之人有何能不輕正當撞有此二人相見時如何師云諸人大似開眼屎未還見開眼處麼師云須得作衲僧家說話且道衲僧家如何說話師云你上來時早是分外也更口

吧吧堪作什麼師云曹溪大師道繁興永處那伽定祖師在你背後還見麼

垂代

師一日問侍者三人中那箇不在數代云和尚問不着又云某甲祇得緘口又云慙愧且得和尚委悉因病臂示衆云我一隻左臂因你諸人教我動不得因你諸人教我受無限辛苦代云和尚要如此分疎作麼又云不敢辜負和尚一隻左臂又云學人聞得不安不樂又云此是和尚成碓某甲祇恐某甲不到者田地舉古人云飛猿嶺峻你好看問僧你如何代



云恁麼則不去也又云爲什麼不去代云祇者便是飛猿嶺問大庾嶺頭提不起時如何代云你却會得好又云你適來披袈裟來麼據款結案又云依樣畫葫蘆聞書閣門開云無風自動好與三十棒舉古云泉眼不通被沙礙道眼不通被什麼礙古云被眼礙問僧祇如眼如何礙代云早知燈是火飯熟已多時問僧你許多時在什麼處安身立命代云少人知問南泉牽牛巡堂如何代云你尋常東行西行有佛法道理無佛法道理又云錯行此路問高麗淨餅爲什麼在者裏代云非但在者裏舉龐居士問馬大師不

與萬法爲侶者是甚麼人代云某甲已答和尚了也一口聞茶版聲又聞浴鼓聲問僧云赴那處卽是代云聞時雖普不妨應處成偏應處雖偏不礙聞時常普問僧如鏡鑄像像成後鏡光向什麼處去代云老僧出家三十年也問孤燈獨照時如何代云露柱證明問如何是你受胎處代云和尚甚處去來問念念攀緣心心永寂時如何代云復有何事問我與釋迦老子同參釋迦老子具三十二相八十種好如何說同參底事代云莫來汚我耳目問久嚮千佛到來爲什麼一佛也不見代云已見千佛問識情不到處如

何代云大蟲看水磨問識情不到處還聞雨聲麼代云將爲某甲落他情識裏問大安樂底人還見有春夏秋冬麼代云若不恁麼爭喚作大安樂底人問衲僧家如何商量代云寒時言寒熱時言熱問如何是古人田地代云豈有異耶問飯袋子如何代云正道着因遊白蓮峯至半山亭有僧後到云和尚尚在這裏師云我到了來也僧無語代云也是齋後鐘呂少馮入室問和尚有何提誨師云若有提誨卽埋沒足下又問請和尚徑直指示師云太迂曲生問有一物上拄天下拄地黑似漆常在動用中動用中收不得

過在什麼處代云有什麼過謂僧云我爲你着盡氣力如何着力代云早朝有粥齋時有飯問會佛法人爲什麼病代云也知和尚心切師挿一隻火筴在爐中云此意如何代云頂門上着一隻金剛箭又云刺破你眼睛穿過你心肝又云莫向虛空裏釘額有一屠兒身上常出乳香舍利此意如何代云恐人不信又問別底屠兒爲甚却無代云他得大闢提問虛空還有變異也無代云青黃赤白長短大小師豎起拂子問僧從什麼處得來代云也祇是某甲底夢中僧問和尚因什麼得悟代云莫搽糊我見畫兔子相咬

師云咬殺也又云我也知你親

示衆云會佛法底人不得龍門飯喫不會佛法底人亦不得龍門飯喫總不恁麼人亦不得龍門飯喫且道什麼人得喫代云無慙媿底人又云似我者得喫遊山次問僧竹密不妨流水過如何代云不許夜行投明須到問僧癩狗爲什麼無毛代云已被和尚道了也又云直得恁麼因僧問病師云我身在這裏爲什麼心不在這裏代云身在這裏你疑箇什麼又云洎合空過一生問亡僧遷化向什麼處去代云你問我又云深領和尚一問一日喫粥了白衆云許多人

文冊

卷之三

九

喫粥也無一人構得便起去舉古德一日不赴堂侍者白云請和尚赴堂德云我今日在莊裏喫油糍來也者云和尚不會出入爲什麼却道在莊裏喫油糍來德云你但去問取莊主者纔出莊主歸謝和尚莊中喫油糍代云事實如此聞鼯鼠聲侍僧問古人道卽此物非他物意旨如何師云這老漢不識好惡與人說作什麼又云你尋常寮舍裏東語西話還有吉凶麼問廣額屠兒手中屠刀如何放下代云不須放也問面前是什麼代云無物問六祖不識字爲什麼墜腰石上題云龍朔二年老盧記代云更須子細問

侍僧汝恁麼供養老僧老僧將什麼報答你代云謝和尚報答因看月問侍僧那一半在什麼處去代以手指月問大地衆生如何度得去代云有箇度處僧云和尚如何度師云莫管他因僧亡問衆云齋後燒你也你如何代云事不徒然又云非但某甲又云深領此問師謂侍僧云我尋常問你說却成罪過代云也知和尚小心呂少馮再至褒禪見師師尋常以六隻散子示禪人遂將三隻令侍者送與少馮仍傳語云此是老僧平生用不盡底少馮接得復令回語云謝和尚見惠祇得一半在師復令侍者傳語云一半

文冊

卷之三

三

留與老僧師一日到寶公塔前忽云雲光好法師安角在頭上既是雲光法師爲什麼安角在頭上代云陋巷不騎金色馬回來却着破襴衫師在方丈坐見僧上來師云入室未到你次在代云恁麼則某甲伏惟謹退師因喫藥次問僧云適來胷中似有一物且道是何之物代云肺氣又云猶有者箇在又云者箇是什麼乃驟步而去師謂僧云開鋪席了也東買西賣僧云好茶師云賤貨自收師問僧你忽然死時如何僧無語師呵呵大笑僧問如何是朕兆未生時事師云你何不早問師一日謂僧云扶不起設使一

萬人也扶不起良久云祇有一人扶得起僧云未審是什麼人師云無力者師問僧燈籠什麼處得來代云驗在目前問僧忽遇虎狼刀劒時如何代云是虎狼刀劒問僧子已後如何代云一似今日問僧從緣得者永無退失者裏見得自己亦是生冤家還會麼僧云自己亦不見時如何師云時教阿誰敘僧無語師代云孟春猶寒師舉僧問雪峯知有向上事始有語話分時如何峯提起僧手云作麼生僧無語代云引得者老和尚到恁麼田地舉僧問法燈百尺竿頭如何進步燈云噫問僧下得什麼語代云平地神仙

支那

三

三

舉藥山謂高沙彌云見說長安甚闊高云我國宴然師問僧如何是我國代云四五百條花柳巷二三千處管絃樓五祖老和尚常展手問人云因何喚作手代云瞞我太煞

### 示禪人心要

不應於無際空中立分限若立無分限是無際空乃自負墮所以解空者無空想若人以語言名狀心終不得心不以語言名狀心亦不得心語言本是心名狀之故不得也無語言本是心不名狀之故不得也種種會當皆不與自心契上祖曰默契而已爲若此

道若未達但無妄念爾若人知是妄念作意止之者見有妄念故也知有妄念作意觀察令見正理亦見有妄念也知妄元是道乃無妄焉故達道者無所得也發意求道道即得之但不別求知無迷妄謂之見道近世皆曰無不是道譬如飯籬邊坐說食終不能飽爲不親下口也證者絕能所也非別有玄理在尋常日用處如見色時是證時聞聲時是證時飲水食粥是證時一一絕能所此非久習不假薰煉蓋現成之事世人不識名曰流浪故云唯證乃知難可測學道者明知有是事何故不得旨而長疑蓋信未極疑

支那

三

三

未深也唯深與極若信與疑真是事也不解如此返照遂迷亂不知由緒因躡中途能自返省更無第二人也既曰此事又豈更知耶知是妄慮此事則不失也道不止說與示而後顯蓋體自常露說示者方便道用尔省悟者亦暫時歧路也或因說而證或因示而入或自覺觸以歸終無異事別得至心源而止也人言悟了方修此屬對治門雖然禪門亦許以正知見治之若論當人即不須若是也佛道長遠久受勤苦乃可得成者綿亘三世凡聖一如故曰佛道長遠不起異見未始遺棄故曰久受勤苦畢竟無別法故

曰乃可得成此大丈夫事人不識問遂依來而答不知乃自問尔欲答誰耶人不識答遂依言起見不知乃自答尔何有旨趣耶故曰總是你好看好看或人曰從上古聖佛祖指示言教流布世間一分明何故都是自己深負上古先聖苦口垂慈也今對之曰吾順佛祖宗趣尔自負吾不負也若言有所說卽是謗佛祖曰莫作最後斷佛種人若不就已知歸所作皆成造偽縱記得河沙會盡塵墨於已何益故曰將聞持佛佛何不自聞聞外求有相佛與汝不相似尊宿云我今對你一句子亦不難你若一言下薦去猶

三

三

三

較些子若不會老僧却成妄去夫今時學者競以問答爲禪宗中關要不知是取捨作想心嗚呼就理就事之學蓋是近家語縱有少領覽未可休息豈不聞說涅槃之道圖度絕矣直須解自點檢始得人以迷心故進道乃來山林中見知識將謂別有一道可令人安樂不知返究向來迷處工夫最第一若不及此入山林而不返徒尔爲也迷處極易而難入故先德曰難信難解又曰此是頓宗說道返照向來已是走作語況不尔耶後世遂用此語爲平常無事一味實頭此又後學之不明服食之不審也從上來有二種

方便有真實方便所謂說無有間有善巧方便所謂妙應羣機若從真實方便得入不假思量性自神解永無有退妙用河沙也若從善巧方便得入得坐披衣向後自看始得未足將爲究竟此二種方便皆一法也不可須更有失學者思之雪峯示人曰莫教老僧有一句子到你分上若有一句子到你分上堪作什麼也此是古人不得已而已後者不了古人意便謂自己分上無許多言談所以錯會也今時人多將目前鑒覺用爲極則玄沙所以向人道深山迥絕無人處你道還有否悟心見性當如雪峯玄沙履實踐

三

三

三

眞當如南泉趙州今時學者但以古人方便爲禪道不能與古人同叅也譬如有力人負一百二十斤擔過獨木橋不傾不側何物扶持得如此耶其精緻無雜而已爲道亦尔經中稱譬如師子捉象亦全其力捉兔亦全其力人問全什麼力曰不欺之力若見一毛髮異於心者則自喪身命故達道人無有不是者此力甚大但爲無邊惡覺侵蝕致令力用有虧若無如許多異法異狀異緣異念則隨心轉變自在無礙道不用苦求求之卽道失事不在苦融融之卽事有不求不融道與事會也則何事而非道耶譬如目明



之士入寶聚中而不知方便爲無火燭光明所照也  
入矣卽被觸擊自損身首謂是毒穴非寶聚也有智  
入中持燈燭光照見種種寶任意採擇得寶而出十  
二時中須用智光勿令六塵自傷觸也昔日永首座  
與慈明同辭汾陽而永未盡其妙相從慈明二十年  
終不脫灑一夕圍爐深夜慈明以火筋敲炭曰永首  
座永首座永乃咄之曰野狐精慈明遂指永而謂曰  
訝郎當又恁麼去也永由是方得究竟然畢命相隨  
凡慈明居常差別激問衆不能酬對唯永至慈明卽  
點頭許可此所謂無病之藥學者罕得其要況後世

知見會解之徒何由領是事哉得之當若永發藥當  
若慈明庶幾可也鬧中得靜則井邑成山林煩惱卽  
菩提衆生成正覺此語初心學人側道得會得作一  
種平等知見及其放心凡聖依前兩般靜躁殊用明  
知是解會須有安穩處始得一味不可強會近世多  
以問荅爲禪家家風不明古人事一向逐末不反可  
怪可怪昔人因迷而問故問處求證入得一言半句  
將爲事究明令徹去不似如今人胡亂問趂口荅取  
笑達者十二時中學道無頃刻棄捨此人縱未得入  
念念已是修行也尋常說修行不過三業六根清淨

禪門更不必如是何故禪定之門念念與智波羅蜜  
平等一切處自無過患也久久心地通明之日從前  
並得滿足名一行三昧今時人全無定力復不開智  
眼所有機緣語句祇成諍論生滅心行夫禪學不是  
小小未用超佛越祖得了要超亦不難高郵孫承務  
作書問不落意想不在有無如何則可師荅云若問  
如何則不可不問如何亦不可醉客豁醒神珠自瑩  
豈可預爲之計然後領耶第一等靈利人尋討不着  
此一念難得自見見之卽是無別有歧路也尋常例  
以前念爲是以後念照之前後追逐以心用心心則

成境率初已成心境了展轉更不堪如今後念不取  
自無起滅處處解脫念本不生何更有有無意想  
爲留礙一念悟心成正覺此之謂也念念無生念念  
無相與虛空等觸物遇緣皆佛之妙用無絲頭許對  
待衣珠獨耀十方世界事目擊可了不俟舉意然後  
知之此蓋大丈夫事業不可不成就取欲要是蓋有  
不是法爲礙欲要得念良由前後皆失念故也晝夜  
不自在要與道合然無少許合處愈急急不合病在  
取一捨一不善用心不得要術茫然不知日與道遠  
若安坐寧神不勞自辦故達磨大師謂楊街之曰亦

不捨智而近愚亦不拋迷而就悟達大道今過量通  
佛心今出度不與凡聖同纏超然名之曰祖不着棄  
一邊就一邊當知明明顯着明明作用挂定會取轉  
凡成聖點鐵成金要徑不可不如此究祇恐人兩頭  
走一既不成二又不是不識玄旨徒勞念靜二乘斷  
煩惱得證名爲偏修不若應念化成無上知覺之速  
也修道人若遇煩惱起時如何古人云但以正知見  
治之余則不然祇以煩惱治之如此看來卽不見有  
煩惱也何故煩惱不可更治煩惱如火不更燒火水  
更不濕水體性一同無可得露現此了煩惱本空不

支那

龍溪先生全集

三

着除遣若起智斷治捺伏却成別用心有對待被他  
二境回換縱得亦迂曲有分限須行徑直路爲上古  
人云劫火曾將無氣吹不勞功力當時萎此之謂也  
有時靜坐則心念馳散或然臨事又全失却都緣未  
得親證落二落三致有錯謬展轉之失古人云動靜  
不二眞妄不二維摩明一切法皆入不二門若領此  
要萬動自寂滅也且如眼不至色色不至眼聲不至  
耳耳不至聲法法皆爾元是自心功德藏無可得取  
捨契者何往不利此正是那伽大定也今生出來自  
肯學道者蓋夙生曾種善根素有根本便解發心亦

解疑着就已尋究又煩惱障薄有因有緣此人易可  
化度若未薰得此心正信不生縱問之亦不生疑但  
如風過耳勸之又生瞋加誹謗此又何緣得顯露所  
以千人萬人中但一二人而已若自解作活計收拾  
得上生生從此去展轉明利更不退失功德一生勝  
一生入他諸佛閻域常與此事相應人間天上亦祇  
如此設對五欲八風一切境界與理符合不行三塗  
道一味平等正知見復有何事生死不可不畏須了  
此一敗死生情偽始得安樂無過身心爲累耳身如  
桎梏當知身去來處心如猿猴當知心起滅處此二

支那

龍溪先生全集

三

自何處去來起滅則身心圓明內外一如而已且心  
爲內身則爲外身爲內物爲外國師曰身心一如身  
外無餘則不見有生死當情可謂解脫大道也故能  
令人見聞不得不脫意想不得不息物境不得不融  
復奚疑哉

### 三自省察

一是身壽命如白駒過隙何暇閑情妄爲雜事既隆  
釋種須紹門風諦審先宗是何標格二道業未辦去  
聖時逢善友師教誠不可捨自生勉勵念報佛恩惟  
已自知大心莫退三報緣虛幻不可強爲浮世幾何

隨家豐儉苦樂逆順道在其中動靜寒溫自覩自悔  
誠問話

近代問話多招譏謗蓋緣不知伸問致疑咨請之意  
後生相承多用祝贊順時語並非宗乘中建立如古  
人問若爲得出三界去又問聲色如何透得又問此  
間宗乘和尚如何言論並是出衆當場決擇近時兄  
弟進十轉五轉沒巴鼻語或奉在座官員或莊嚴修  
設檀信俱不是衲僧家氣味又抽身出衆便道數句  
或時云某甲則不恁麼道又云和尚何不道夫問話  
者激揚玄極也不在多進語三兩轉而已貴得生人

信不至流蕩取笑俗子也

古尊宿語錄卷第三十四

佛眼禪師語錄序

佛眼老師自得法東山三坐道場二十餘年行祖令  
於淮甸四方衲子雲奔輻湊不到龍岫謂之空回而  
師端居方丈惟以傳道爲任的的示人晨夕無倦昇  
堂入室當陽直指全用大機普說小叅方便開諭巧  
除禪病要使學者頓悟本心大地山河森羅萬象會  
非外物十方諸佛歷代祖師祇是當人心外無法心  
亦無心一道靈光隨處出現自然無法可取無法可

捨不見一法爲無爲有爲逆爲順不見一法爲內爲  
外爲去爲來能所兩亡千差獨露從前惡覺情見妄  
想塵勞當體化爲微妙三昧塵塵剎剎情與無情皆  
是自己眞實本體之所建立若到這裏穩密田地便  
可縱橫變化任運施爲於不二法中現作無量差別  
境界使人於千頭百面處見得根本毫髮不移便迴  
不爲萬境回換獨出獨入透脫自由如是神通錄中  
具載言言皆正令句句盡圓宗雖然鏤板示人切忌  
喚作言句若人開卷洞見指歸當知佛眼禪師至今  
不曾遷化宣和七年八月上休日遂寧馮楓謹敘

宋故和州褒山佛眼禪師塔銘

宣教郎前管句西京嵩山崇福宮李彌遜述

江淮之南有大禪師號曰佛眼道行聞于朝勅居和  
州之褒山踰年以疾辭歸隱蔣山之東堂遠近奔湊  
執弟子禮以求法者不知幾何人各山大剎馳使延  
請者方來而未已也宣和二年冬至之前一日飯食  
訖整衣趺坐合掌加額怡然而逝其徒哀慕如亡津  
梁如失舟楫莫知攸濟嗣法兄佛果大師克勤狀師  
之行且謂彌遜曰師之於公聞風而悅一言而契今  
其逝公實見之知師莫若公是宜爲銘乃序而銘云

師姓李氏名清遠蜀之臨邛人捨家十四受具嘗依毗尼師究其說因讀法華經至是法非思量分別之所能解持以問講師莫能對乃曰義學名相非所以了生死大事遂捐舊習南遊江淮間徧歷禪席聞舒州太平演道者爲世第一流宗師徑造其室恭事勤請既久益堅演深奇之謂可以弘持法忍壁立不少假異其深造師七年未嘗妄發一語一日有所契洞徹超詣機辯峻捷莫當其鋒自是釋子爭歸之而師益靜默自晦不自爲得隱居四面山大中庵屬天下新崇寧萬壽寺方擇人以處舒守王公渙之迎師住

持師輒引去會龍門虛席遂補處焉居十有二年遷住褒禪師三領名利所至莫不興起其在龍門道望尤振四方學者皆曰吾必師龍門由是雲集至居無所容師不起于座而化狀隘爲巨剎壯者効筋力智者授軌度富者施貲財初不靳也師嚴正靜重澹泊寡言笑動有矩則至出語和惻中節人服膺之其爲教則簡易深密絕蹊徑離文字不滯於空無汗漫之說不以見聞言語辯博爲事使人洞真源履實際非大有所契證不妄許可平居以道自任不從事於務嘗曰長老但端居方丈傳道而已與士大夫游不爲

勢利屈苟道合則欣然造之不尔雖過門或不得見公卿大人高之樞密鄧公洵武聞其風奉錫紫衣師名司諫陳公瓘見所傳法語歎曰諸佛心宗衆生性海遠公涵泳深矣皆未識師也況其親炙者乎與佛果佛鑑同門莫逆道價相尚世稱東山二勳一遠云嘗宗百門義者固融禮文又撫撈嚴法華者皆門弟子並行于世其參學得法者無慮數十人士珪善悟爲之首而宿松無着道人李法慧頗臻其與師壽五十有四僧臘四十將逝謂其徒曰諸方老宿必留偈辭世世可辭耶且將安往逮終無一言初在龍門作

靈光臺以會衆慈藹之火化者且自爲志曰余他日亦藏于此後門人而骨以歸龍門龍門之人悲且喜奉之如生以宣和三年正月壬寅塔成銘曰

大智唯心	無南北祖	一離其源	遂開牖戶
守玄尚同	純解隨趣	岐行派流	旣倒莫迴
洪融混合	演得其醇	師則嗣之	道益以尊
如收全潮	衆波莫分	如舉大地	萬有以陳
用晦而明	厥問四馳	覺迷解繆	遠邇是依
用捨孰測	動言有規	嚴以治己	夷以示機
端居叢林	唯道是則	化行事修	不識靜默



大興龍門 疊壤以飾 洞明真源 深履實際  
 圓融普門 並照兼利 最後說法 不立一偈  
 嗚呼師乎 孰識其歸 淵澄月現 舟行岸移  
 於一舉手 示大慈悲 元珠在前 罔象莫窺  
 後學誰師 靈光之碑  
 福州鼓山白雲峯湧泉禪院住持嗣法士珪重勒

金壇居士于王立施寶刻此  
 古尊宿語錄卷第三十四 計字一萬一千四  
 百六十箇 茲銀五兩九錢六分  
 銀山釋海亮針上元辛酉書旌德到邦識刻  
 萬曆丁巳歲春三月經山化城寺識

古尊宿語錄卷之三十五

大隨開山神照禪師語錄

西蜀沙門元德重編

上堂云你不見道一塵含法界所以道有一智人破塵出經卷量等三千大千世界你欲破不破我今舉起大家求此事三千世界收在一微塵四大海水歸一滴須彌納芥子中若求自己祇在一毫毛你若一毫毛處見得三千大千總成經卷祇是自己動這箇境界不得所以真境不現說什麼纖毫覺處總是俱刀避箭懼境藏形你喚這箇作什麼兄弟如石壓草

大隨

古尊宿語錄卷之三十五

二

相似或然拈却石依舊習氣祇在須是隨處了却始得與境為主免塵境使喚始得大難大難千難萬難祇是般解他後銜鐵負鞍阿誰苦纔有些子覺觸處便擬望與人爲師大錯須說凡了却凡須說聖了却聖舉一例諸無非恁麼不易不易珍重珍重下座問如何是大隨一面事師云無東西南北問如何是生死中事師云水上浮漚內外不見問如何是中理一句師云表裏不從進云師決志事如何師云言下知音問如何是道用心處師云莫自謾問陀那微細識到此如何分師云你眼祇解觀色還解聽聲否問萬

大隨

古尊宿語錄卷之三十五

三

法歸一一歸何處師云萬法元不歸問六國未寧時如何師云臣灰功進云直得君臣道合時如何師云不見有君臣問如何是自在師云不自在進云不自在時如何師云却在問中雪瑤塔時如何師云不厭世境問曹溪一路事如何師云老僧道如不淨坑進云何以如此師云佛祖兩路了不相干問久處寒巖何以日不照師云不照寒巖寒巖終不出來就你日光問離光影如何是師性師云和光吐出進云莫鬼語師便打問如何是最初一句師云是末是本問如何是大隨境師云不似學人進云何故不道師云

不然問如何是最初處師云莫妄想問隱隱不停波時如何師云敬禮常住三寶進云思浪停波爲什麼沙石轉多師云爲你斷伊問學人祇如浮雲以鏡捉光何處安排師云與雲爲主問寸草未生時如何師云老僧無米喫終不下大隨山問祖意教意是同是別師云不究始不顧末問路逢古佛時如何師云你或逢驢象馬喚作什麼師云夫上代諸德莫非求實不自瞞昧豈比飛蛾投火自傷自壞他明白了被生死輪迴拘障不得所以識不能識智不能知不聞道釋迦掩室淨名杜口須菩提無說而說釋梵絕聽

而聽此事大難大難珍重

上堂問萬法從心起未審心從何起師云石牛沿江走水底火燒天問如何是大隨山師云耳不聞眼不見進云如何是山中人師云千人眾裏萬人眾裏不向一人不背一人問掘一丈見一丈空將一丈上填一丈空未審空歸何處師云莫將這箇道理爲佛法出去出去問佛法遍一切處未審教學人什麼處駐足師云大海從魚躍長空任鳥飛問撲碎驪龍珠請師明活寶師云明活寶且置作麼生是你撲碎底珠僧無語問法報化三身佛亦非說如何是本來身師

支那

五進宿語錄卷之三

三

云海底如意珠始終無不應問如何是大人相師云肚上不帖胸師問僧向什麼處去僧云西山住庵去我向東山喚汝汝便來得麼僧云不然師云汝住庵未得問生死到來時如何師云遇茶喫茶遇飯喫飯進云誰受供養師云合取鉢孟師庵側有一龜僧問一切衆生皮裏骨這箇衆生爲什麼骨裏皮師遂拈草履向龜邊着復云會麼僧無語問如何是諸佛法要師舉拂子云會麼僧云不會師云塵尾拂子問如何是學人自己師云是我自己進云爲什麼却是和尚自己師云是你自己問如何是無縫塔師云高尺

支那

五進宿語錄卷之三

三

五進云某不會師云鶻崙塲問如何是一切智空師云心空卽是進云更有來時作麼生師云不是空進云還稱向上事也無師云不問問和尚百年後付法與何人師云露柱火爐進云還受也無師云火爐露柱有一行者領衆到師處師問云衆得底人喚東作什麼對云不可喚作東師咄云是驢漢又喚作什麼行者無語衆皆散問但有一法耳不聞眼不見皆是光影如何是光影中人師咄云莫無禮莫無禮問理不言詮時如何師云言詮卽理問如何是和尚家風師云赤土畫簸箕進云未審此理如何師云簸箕有

屑米跳不出師問座主講什麼教主云百法論師拈拄杖云從何而起主云從緣而起師云苦哉苦哉師問僧什麼處去僧云禮普賢去師舉拂子云文殊普賢總在這裏僧作圓相拋向背後却展兩手師叫侍者云取一帖茶與這僧去問遠聞大隨水到來祇見箇漚麻池師云汝祇見漚麻池阿裏見大隨水進云如何是大隨水師云苦澀難下甯進云還喫得否師云喫着便死師因燒山次見一蛇以杖挑向火中咄云這箇形骸猶自不放捨你向這裏死如暗得燈遂有僧問正當恁麼時還有罪也無師云石虎叫時山

谷響木人吼處鐵牛驚僧因馳書辭師問曰學人此  
去未審師將何言到彼中師云好爲通達再問臨岐  
恭晚請師垂示師云無事早歸僧從五臺山來師問  
云五臺山何似大隨山僧問云如何是大隨山師云  
老僧耳背高聲問來僧高聲問如何是大隨山師云  
若千山與萬山問魚遊陸地時如何師云拗不曲處  
是閻黎所貴進云却下碧潭時如何師云立足事難  
明師勘僧云從什麼處來僧云從蜀中來師云未入  
蜀時在什麼處盤泊僧云無處所師云莫是處所有  
過耶僧云若有處所鈍置人眼師云天堂地獄有一

文册  
恒述

五臺山語錄卷之三

三

坐具分似落坑鼓相似不鼓而自鳴堪作什麼問生  
死到來時還免得否師云飢時喫飯寒則著衣  
上堂云夫沙門釋子見有如無始得向一切時中與  
凡聖等與解脫等方有少許出處若不如此大難大  
難珍重

上堂問大地及日月時至皆歸盡未曾有一事不被  
無常吞還有吞不得者也無師云汝喚什麼作無常  
進云不究竟爲無常師云無常却究竟自是汝不究  
竟其僧不肯師便打師勘居士云此身是什麼服制  
士云父母俱亡師云喫茶去居士應諾出去師喚回

咄云你對老僧謾語父母祇在你莫說學無上道目  
已父母尚乃不知出去出去問如何是玄旨師云直  
須玄去進云如何是玄中玄師云不返去問古人立  
雪斷臂爲求何法師云古人不斷臂進云古人斷臂  
因什麼道却不斷臂師云自是向雪堆裏樂問金雞  
未啼時如何師云失却威音王進云正當啼時如何  
師乃笑問柴裏蟲柴裏死水裏蟲合作麼生師云一  
切尋常問金鴈附書爲什麼不露翼師云不通虛信  
問道場獻寶誰人能辨師云虛空能辨師忽示微疾  
不見客時有僧隔簾問咫尺之間爲什麼不相覩師

文册  
恒述

五臺山語錄卷之三

六

云如今相覩何不問來僧便問如何是相覩底事師  
云老僧不安有什麼心情對你

上堂云開卽遊天寂卽歸地問上無片瓦下無卓錫  
時如何師云汝卽今在什麼處居止問無常迅速不  
與人期忽若到來時如何師云速問速問進云便問  
師云太不道速生問啐啄同時如何瞻覩師云是動  
是靜問出殼時如何師云是末是本又云見麼問普  
雨爲什麼不潤師云普雨問滴水成水古人爲什麼  
不許師云古人卽如此若是老僧道向虛空裏挂破  
琉璃鉢問既是師子爲什麼被文殊騎師云調伏自



在問孤蟻無紋繡特達事如何師云孤蟻有紋繡特達事顯現問處水之魚爲什麼渴死師云祇爲魚不親下口問父子至親岐路各別時如何師云爲有父子俗士施師鉢孟問未施鉢時師用什麼師云使最末後者一僧欲下山爲衆化緣辭師師云汝若道得一句卽放汝去若未然且歸堂休歇辦取自己事去師問盡十方空界是王老師檀越未審化什麼人去僧云但請和尚疏頭來便與師道師云汝且辦自己事去問毀佛謗僧時如何師云僧有何過佛辜負你箇什麼你毀謗他僧無語

上堂云今時沙門向因中辨果裏辨因始得僧便問有一人不屬因果時如何師近前捉定云我今時沙門向因中辨果裏辨因汝云一人不屬因果別道別道僧無語師便打出

上堂僧問過去未來卽不問如何是現在師云虛空還着得碾礪石麼問來時無阻隔去時無滯礙正當恁麼乞師一句師云虛空無邊際大海平如掌般若性等等

上堂普告大衆云汝等還知有三處不立質礙有緣二際無分豈知來去三身四智非聖不無八解六通

非凡不有雖則衆生盡有佛性不可將蠢蠢而對佛耶然則高下無偏爭奈途中有異此身難得胎卵易成況是釋子之徒又乃祖宗苗裔三衣覆體曩劫修來四事供須非從今日人前行相總似高僧乃至語言不如俗子稱名便是傳法沙門子細尋思還傳箇什麼一向毀他經教有目如盲純乃謗於祖宗有心也祇如木石不解付已德行終日恣縱無明以無慚愧之心兀兀何曾覺悟此身若失永劫沉淪非但却復人身有福底畜生也難得問孤峯頂上玩月輪時如何師云何不了却孤峯事玩他月輪作什麼進云

豈無內外明徹事耶師云內外明徹事作麼生進云無有不照師呵曰這鈍驢也擬學馬走僧無語師復云問你諸方雲水闍黎莫道老僧這裏有佛法與你諸人說向諸方行脚參尋知識說箇什麼汝又領箇什麼莫道禮三拜後便起近前問若也言下便契時猶未是了底人莫向口頭取後他時人天眼目者非是一生兩生修來盡是恒沙劫功成果滿始得如是所以向你叢林裏示現下來祇圖你今時人勤苦修行祇恐你出家人失却人身莫等閒過日老僧這裏有什麼佛法與你諸人說自是你諸人上得山來云

我修行學道是佛向上人且問你佛向下人作什麼模樣不可老僧這裏有佛向上人有佛向下人來向諸人說邪你若不言我不可知你肚皮裏事也你或若問老僧也則隨汝根機與汝說不可教老僧亂道得麼祇如老僧行脚時不揀叢林有供養無供養處祇要看他眼目稍似根性有些些器量方欲過一夏或一冬若是根性鄙劣者三朝兩日便行筭來叅六十餘員大知識有大眼目者那無一二餘者豈有真實知見祇是圖你諸人供養欲望福報你又有什麼福報與伊不可出家來空趁聚頭喫飯耶雖然如是

四大之身誰免得直饒心超聖境身是凡夫又乃假借增修今時人便去向裏許埋沒却人身諸人莫謾向口頭裏無礙却成誦佛毀法見須實見聞須實聞始得假饒說似斬釘截鐵直須時中不瞞自己始得一車芥子猶未點著在來時便道我是不思議底人縱然除得身邊籠重猶餘微細不知籠重尚乃不知豈可說於解脫之法細中之細佛尚不知微愚凡夫豈能測得但是世間有者並從顛倒所生欲得解脫塵勞無過心中自省摩訶般若解脫法身子細尋思復是誰有誰無老僧也不是醉凡詐聖祇是習氣

不除上合諸佛心印中合一切人天下合蠢動含靈師僧家披如來法服須求出離時不待人光陰頃刻珍重珍重

上堂僧問真如法界以三昧為香花廓周沙界亦同一家龍門為什麼無宿客灑水為什麼足蝦蟇師云真如法界不以三昧為香花廓周沙界亦無家目前問者豈不是智淵座主耶主云是師云祇這便是灑水足蝦蟇師復云拋却從前活計認本源生涯主無語師云經有經師論有論師律有律師你十二時中合談何事還因箇什麼做得模樣不可三箇作隊五

箇成群趁衣劫食邪到處不免撓他施主坐卧心頭難勝於檀越直饒你時跳向虛空裏行也是國王管界不可將持齋奉戒隨時轉一卷經用答四恩三有也又爭報答得自是諸人時中事修行到辟支佛地方能消得人天供養博地凡夫祇是異俗之形契了不知慚愧空自趣說已是他非出言欲斷人命根吐氣便作毒蛇之行說著自己三界無過毀挫他人祇如蟲蟻若是古佛有此標榜如今欲微做些些從上已來或無此則因何所起如此容縱豈言清德若也不達本源未免滴瀝還他改皮換骨泥犁苦海誰人

替得諸人大須竭力不得因循過日學禪學道則不無你諸人且道禪有可參道有可學否若言有學者無有是處若言無學者亦無有是處不可顯然去也因地還從此去直須打底分明了却生死根本縱饒異類中受生也終不昧已靈始得四大合成祇是汝之窟宅這邊脫去那邊早生那邊脫來這裏早別作箇模樣汝不思量看阿那箇是汝本來之身須向彼中究取莫謾走南州北州終無了日光陰迅速珍重

上堂云此性本來清淨具足萬德但以隨染淨二緣

文冊

尊信諸錄卷之三

二

而有差別故諸聖悟之一向淨用而成覺道凡夫迷之一向染用沒溺輪迴其體不二故般若云無二無二分無別無斷故時僧遂問劫火洞然大千俱壞未審此箇性壞不壞師云壞進云恁麼則隨他去也師云隨他隨他去也僧無語時會中三百餘僧盡皆不肯皆云從上已來祇說不壞之性和尚何故却云壞邪眾各惶然時有一僧上堂頭白師云適來僧問和尚話和尚答他其僧似不肯和尚答底語師云只有此一僧不肯爲如更有人不肯邪僧云只是一僧師云直得三千大千世界人總不肯老僧猶較些些子

非但這一僧其僧後至投子和尚處投子云闍黎近離甚處僧云遠離西川大隨投子問云彼中還有尊宿也無僧云有一禪師住大隨山現有三百餘眾子云有何言句接人試與老僧舉看僧云某甲昨問大隨助火洞然大千俱壞未審此箇壞不壞子云大隨如何答僧云大隨答道壞僧云某更問恁麼則隨他去也大隨又答道隨他隨他去也子云汝作麼生會大隨語僧云某甲不肯此語子云闍黎早錯了也大隨恁麼道隨他隨他去汝又如何僧云至今未決子遂呼侍者令裝香大展坐具望西川大隨山遙禮三

文冊

尊信諸錄卷之三

三

拜已嘆曰不是大隨和尚伊是箇古佛此乃真善知識汝速往彼懺悔參取老僧無如是法與汝說速去於是僧便回大隨和尚已歸寂復回投子投子和尚亦乃歸寂蜀主賜師紫衣師號并遣內侍未延溥侍奉師師不受師復云山僧偶住未經多時限蠟傷水養道存真何人虛譽致令王者如斯與恩謝使遠來勞煩却送還王老僧祇可布衣遮體不須名服向身王恩雖重老朽何堪於是天使遂回奏凡三次送來不受師又云老僧不爲名利來此須要得箇人不可青山白雲中趁你是非將來之世拾一報身後

草也無喫多少金毛師子問著便作驢鳴馬嘶諸仁者似老僧行脚時到於諸方多是一千少是七百五百衆或在其中經冬過夏未省時中空過向瀉山會裏做飯七年於洞山會中做柴頭三年重處即便先去祇是了得自己干他人什麼事如諸佛菩薩盡是勤苦不計劫數捨金輪王寶位及頭目髓腦所愛之物國城妻子不可算數所以始得名爲佛似諸閻黎還曾捨得箇什麼作得箇什麼勤苦便道我會出世間法世間法尚不會些些子境界現前便自張眉怒目消容不得說什麼解脫法長連牀上坐不搖十指

喫他信施了合眼合口便道我修行修道感果如是合消得祇是謾自己如百丈和尚置于堂宇祇要辦事底人諸閻黎還辦得箇什麼事其中有不動身手日消得萬兩黃金若是消得者豈可如此見解不可從母腹中來如是邪但會得世間法是則名爲出世間法世間法尚乃不會豈況佛法祇如一大藏教盡是金口所宜如來祕密汝口裏念將來總成魔語豈得了爲什麼不了若了時達磨不從西來也祇如達磨未來此土時還有佛法也無又爭得道無譬如人有一寶墜在淤泥中勤苦累劫尋求不得或有一人

善知寶所直從泥中指出此寶以示失寶之人失寶之人一見便識是我本物了無得失達磨西來亦復如是不可祇是老僧是善知識邪遍地衆生總是善知識祇是見覺未明不可道伊無也若言有時諸人肯禮蠢蠢之徒作佛麼譬如明珠墮在泥中未遇其人豈有出期有此衆生比如無情還同頑物既在三衣之下直須親近知識早是幾生修來始得如此不可却入輪迴六趣去也若是得自在底人論箇什麼鑊湯爐炭刀山劍樹四生六道於中如喫美食若未得如是便實受此報一失人身載求欲似如今者萬

中無一莫未得謂得未證謂證未聞謂聞自設自誑失却光陰虛延日月展轉祇是無明擔重午可爲俗隨所任運遭過時日却乃無業如今作沙門每日有業有什麼業踏底是國土地著底是檀信衣食底是檀信食骨肉是父母之體若也不了將何酬答所以言有業祇如老僧不可是了底人捨此一報身隨業而行誰言定得唯佛與佛乃能知之時有僧問不假言句如何得知師云假言句尚乃不知僧無語禮拜師忽一日上堂衆集定師乃作患風勢告衆曰還有人醫得老僧口麼衆僧競送藥俗士聞之亦多送藥



師並不受經七日後師自掘口令正復云如許多時鼓這兩片皮至今無人醫得老僧口於是齋前陞座辭衆儼然端坐告終

古尊宿語錄卷之三十五

大隨開山神照禪師語錄序

開封郭凝述

元德上人自蜀挈大隨老錄欲罄囊資鑲板於杭廣其說于天下余曰自老盧衣止不傳逮數百年枝分派別披法衣據座唱道者不啻萬數大抵穿鑿破裂隨言取義析文生解求其直截根源如古尊宿者固

未易得今欲闢其邪而示之正使知所趨嚮不亦難哉然世必有一觀斯錄然契而獨得者庶乎佛日重輝慧命不絕於是乎書時崇寧四年閏二月十五日也

大隨開山神照禪師行狀

師諱法真貌古有威眉垂覆睫嘗聞老宿輩皆稱爲定光佛示蹟於劔南梓州鹽亭縣王氏家生族本簪纓妙齡夙悟決志尋師於慧義寺今護聖寺竹林院是也師圓具後遂遊南方初見藥山道吾雲巖先洞次至嶺外大瀉和尚會下數載食不至充臥不求暖

清苦鍊行履操不群大瀉一見乃深器之一日大瀉問曰聞黎在老僧此中不曾問一轉話師云教某甲向什麼處下口瀉云何不道如何是佛師便作手勢掩瀉口瀉嘆曰子真得其髓從此名傳嶺外聲振寰中爾後事旋西蜀寄錫於天彭柵口山龍懷寺路傍煎茶普施三年忽一日往後山見一古院號大隨山群峰矗秀澗水清冷中有一樹圍四丈餘根蟠巨石勢聳雲霄南開一門裏面虛通不假斤斧自然一庵師乃居之比夫迦葉三峰維摩丈室不遠矣時人皆目之爲木禪庵師居十有餘年影不出山迹不出俗

道德彌著聲聞遐彰知者四方不遠千里備足函丈朝叅暮請虛往實歸時蜀王崇重師名凡三詔不從王慕師孤風無由一見遂於光天元年十月十五日遣內侍賁紫衣師號寺額等賜師師不受凡三度延至師確意却之王愈欽師德再遣使出教云寡人心願此回禪師如准前不受乃卿之罪也回必誅卿天使奉聖旨再往師處師亦不受天使慙懇拜禮告云禪師此回若更不受君命某必受戮願師慈悲免某禍患師不獲已受之師既受已使復告師求回表謝恩師云老僧自住山來無紙墨汝隨我口傳語大王

須善保治家治國事無偏傾領取傳言無令怠失欲求相見是何年月使依師言回關奏王王深悅再令天使詣山中長生侍奉師師亦不受復云老僧不爲名利須得箇人作什麼天使怵然師且權留之師於乾德元年己卯七月十五日齋前辭眾端坐而化俗壽八十六僧臘六十六時王聞之哀慕師心不勝慘怛急宣中書令王宗壽賁香燭備具等到山致祭敕葬歸塔神異頗多不可具述

祭文

維乾德元年歲次己卯十月乙未朔十五日己酉弟

祭文

三才集卷之三

七

子扶天佐命忠烈功臣開府儀同三司檢校太尉太子太傅兼中書令食邑五千戶嘉王宗壽謹以香燭茶果之奠致祭于故神照禪師之靈惟靈大教著龜釋宗水鑑傳心印以悟道握智珠以談空三乘洞曉其真如四眾頗虔於精妙自攜瓶錫來駐靈山斥鷃嶺之高僧超人天之勝果雲臻士庶渴法如仰於醍醐雨驟緇黃得旨似沾於甘露方化緣而大布何香火而或虧蓋以諸行無常是生滅法爰歸真寂永斷沉淪弟子宗壽幸以尋庸久欽德宇克慕出塵之益將隆離垢之能豈料法舟俄登彼岸今則遷神已卜

歸塔行期恨無緇地之能併寫終天之訣敢陳蘋藻式表追攀靈鑑澄明伏惟尚饗

全壇居士王正施贊刻此  
上尊宿語錄卷第二十五司字六十八頁四十一  
三箇故得與二兩併錢六分  
雙足庵得與福封金陵五義明書上元寺僧刻  
萬曆丁巳歲春二月徑山松林寺藏

祭文

三才集卷之三

一

古尊宿語錄卷之三十六

授子和尚語錄

師示衆云你諸人來者裏覓言覓語新鮮句簇花四六徒口裏有可道我老兒氣力稍劣口嘴遲鈍亦無開言語與你你若問我我便隨你問答也無玄妙可及你亦不教你垛根終不向上向下有佛有法有凡有聖亦不存坐繫縛你諸人變現千般總是你諸人生解自擔帶將來自作自受我者裏無物到你也就無表無裏說似你諸人有疑更問僧問表裏不收時如何師云你擬向者裏垛根問大藏教中還有奇特事

也無師云演出大藏教問如何是佛向上人師云現佛身問如何是無情說法師云啞問如何是眼未開時事師云目淨脩廣如青蓮問一切諸佛阿耨菩提皆從此經出未審此經從何而出師云已有名字你當奉持問如何是諸佛出身處師云惡人問枯木裏還有龍吟也無師云我道你髑髏裏有師子吼僧問如何是密密不傳師云你與麼問有什麼益問如何是不點汗師云啞

師示衆云上祖周行七步目視四方一手指天一手指地云天上天下唯我獨尊如今諸方道向上更有

事在若言道有道無卽是走作諸人未有了期若道有言有句卽同夢幻無如許多名目爲你問故所以有言你若不問教老漢向什麼處道若有一法與你卽是誑諱你所以古人圓滿十方無一法可是可非有事請道問請師說法師云教我說箇什麼問一剎那頃珠在什麼處師云啞問金鏤未開時如何師云開也問如何是露地白牛師云叱學云飲噉何物師云喫喫問國師三喚侍者意旨如何師云賺殺人問一法普潤一切群生如何是一法師云雨下也問和尚講什麼經師云槌鐘著問如何是佛語師云對

衆生說問如何是佛法師云佛法問如何是法中法師云法中法問如何是祖師西來意師云莫諱問還鄉曲子什麼人唱得師撫掌問一塵含法界時如何師云早是數塵也問如何是無相佛師云錯著名字問纔問便知時如何師云遲也問如何是沙門立足處師云若有立足處不名沙門學云如何是沙門師云沙門沙門問切急相投乞師指示師云緩緩問來師示衆云你與麼問了也大好莫閒處脫不得相稱無量劫來閒處著急向自己處却閒所以難得相稱蓋緣日夕一切處路熟恰到自己緊急處便懈怠去

便不欲得去所以辛苦過在阿誰切莫因循各自辦事作麼生辦向一切處辦今後不得取次過日莫待臨脫衣裳時忙不及也事多之際各自取靜莫說閑話去問三身如何分師云一二三問請師一句塞斷衆人口師放下拂子問如何是量外事師云無你下口處學云者裏事如何師云不喚量外事問如何是投子實頭爲人處師拽學人向前却推向後問金鷄未鳴時如何師云無者音響學云鳴後如何師云各自知時問如何是大庾嶺頭提不起底師提起衲衣學云不問者箇師云看你提不起問和尚如何接人

師云你也近前問最省心力處請師一言師召學人名學云與麼則千生萬劫不忘和尚也師云費力問祖祖相傳未審傳箇什麼師云老僧不解妄語問學人擬欲修行時如何師云虛空不曾爛壞問如何是投子一源水師云一滴也無學云飲者如何師云絕飢渴問如何是語中骨師云無可露學云無可露是骨是語師云據你者一問毛也摸不著在問不遂境緣請師一句師云好問師拈庵前一片石謂雪峰云三世諸佛總在裏許雪峰云須知有不在裏許者師云不快漆桶師與雪峰遊龍眠路有兩條峰問云那

箇是龍眠路師以杖子指之峰云東去西去師云不快漆桶雪峰一日哭入庵師便起身立峰佇思被師推出問一槌便成時如何師云不是性躁漢學云不假一槌時如何師云漆桶雪峰又問此間還有人參也無師將鑊頭拋向面前峰云恁麼則當處掘去也師云不快漆桶峰辭師送出門名曰道者峰回首應師曰途中善爲趙州和尚出桐城路見師乃問云莫是投子庵主麼師云茶鹽錢布施我趙州先歸庵內坐師後攜一瓶油歸趙州云久嚮投子到來只見箇賣油翁師云汝只識賣油翁不識投子趙州云如何

是投子師拈起油瓶云油油問出門不見佛時如何師云佛吟奚山刈草次師送一盞茶與奚山云森羅萬象盡在裏許奚山接得茶潑却云森羅萬象在什麼處師云可惜一盞茶問大作業底人來師如何接師云你有什麼蓋覆處學云正與麼時合作麼生師云不合一切不共一切問如何是露刃劍師云殺一切人活一切人學云忽遇師來又作麼生師云鈍屢生問如何是入室則爺娘師云無所生問如何是徑截一路師云無迂曲問知有道不得時如何師云每日向你道學云如何道師云拈却口著問如何是祖



佛未經歷處師云名邈不得學云正與麼時如何師云不是祖佛經歷處問的的不明時如何師云明也問盡乾坤是箇什麼人師云不持名字學云不持名字如何體會師云體會卽闢問如何是末後一句師云最初明不得問如何是寂住實頭事師云幸不向前推不向後問十二時中如何行履師云一念萬年學云瞥起時如何師云覺卽失問只者箇什麼劫中有師云不隨時學云誰是不隨時者師云汝與麼問不得學云請師道師云不從千劫萬劫得學云與麼則天上人間覓不得也師云切忌作與麼知解問從

苗辨地因語識人未審將什麼辨識師云引不着問古琴無絃時如何師云無絃琴最妙學云請師彈師云無音響問道人相見合談何事師云我者裏無道人問不將一物來時如何師云者箇什麼處得來問如何是火燄裏轉法輪師云處處了却學云了後如何師云無法輪可轉問響時不在時如何師云阿誰向你道問萬象未臻卽不疑未審特立四天下是什麼人師云現佛現祖問祖佛如何辨師云嘔吐未詳問如何是法祖師云閒言語問如何是大善知識師云毗盧也喻不及問學人欠闕請師接師云不現無

盡藏問萬法從一法生未審一法從何生師云你聽看問喚作如如早是變也今時沙門須向異類中行如何是異類師云恰似你與麼問我學云古人意旨如何師云不與麼問我問歸根得旨隨照失宗如何是旨師云旨學云如何是失師云失問如何是伽藍師云已有名字問虛空喻不及時如何師云恰是恰是問念念不錯時如何師云謾語問如何是孤峰頂上節操松師云平地上著不得學云請師著師云唧問如何是無語師云不與麼問問世間名言卽不問如何是出世事師云聽學云莫便是否師云幾曾向

你道是不是問三身那身說法師乃彈指問學人不明請師燭師云啞學云爭奈學人不曾師云會卽水生問萬法從何生師云佛法僧學云法從何起師云聽看問舉目是犯如何是不犯師云大有人覓過覓過不得學云豈無指示也師云不可更將過與你也問如何是沙門行師云不作模樣問承古有言唯言不二不二事如何師云你好問我便道學云如何道師云唯言不二問明暗不掛時如何師云道什麼問如何是無礙一句師云與麼學云此猶是礙師云是是問如何是死人舌師云你道不得問如何是活人

眠師云無暖氣問得座披衣時如何師云你有什麼蓋覆處問院中有三百人還有不在數者也無師云一百年前五十年後看取問如何是不起模畫樣師云不誑誑你學云師意如何師云不可教你起模畫樣也學云與麼則誑誑人也師便打問能所俱忘時如何師云無與麼事莫作與麼知解問抱璞再呈請師彫琢師云不爲棟梁材學云與麼則卞和無出身處也師云擔帶卽伶俜辛苦學云不擔帶時如何師云不教你抱璞再呈請師彫琢問如何是學人本分事師云不遠處問人問那吒析骨還父析肉還母如

支那

蓮華經卷之五

二

何是那吒本來身師放下拂子叉手問佛法二字如何解得清濁師云佛法清濁學云不會師云你適來問箇什麼問世間什麼物最先師云你問底問不作罪不作業底人還有過也無師云喚伊出來學人擬議次師云去不干你事問請師歷落道一句師云好問如何是毗盧師云已有名字問如何是毗盧師師云未有毗盧時會取問大衆雲臻合談何事師云聽問妙觀察智誰是當者師云不是你分上事學云雖然如此也要分明師云不妙也問大衆雲臻和尚如何祇待師撫掌三下問和尚有什麼力抵當得許多

師云水性多柔軟能乘萬斛舟學云忽遇大力者來時如何師云不消一盞水問閒言長語卽不問適來問底和尚道什麼師云閒言長語問十二分教是有是無師云無與麼惡言語問共語不知音時如何師云與麼學云與麼時如何師云共語不知音問三乘教外別傳箇什麼師云一二三學云不會乞師指示師云你問我不可將別語對你也學云不將別語對請師道師云道道問學人有一問未曾有人答時如何師云你見者烏龜子縮頭縮尾爭奈有一塊子何問請師耳裏道師云道道問貧子還家時如何師云

支那

蓮華經卷之五

三

無寶藏與你學云爲什麼向外馳走師云誰遣你問毫釐不分時如何師云什麼處得者箇來問親手分付一去不來如何師云不可得學云却返時如何師云正好供養問如何是法王主師云四大本空五陰非有問大庾嶺趁得及爲什麼提不起師云不可向你道祖師遺下一隻履問針頭不露時如何師云露也學云何似師云不喚作針頭問一息未分時如何師云卽今是幾息問不犯目前請師道師云早是犯你了也學云者箇是犯不犯目前請師道師云不識好惡問貧子入門時如何師云不教汝除糞掃學云見

師後如何師云不向你道衣中有寶問請師一劍師  
驀口擲問墮落三塗底人如何師云深達罪福相問  
如何是一句子師云兩句也問一念未生時如何師  
云得與麼謾語問如何是不薦處師云汝與麼問不  
得問如何是動師云恰似你與麼問學云如何是靜  
師云也不嫌閑問如何是不道師云合取口問曙色  
未分時如何師云無與麼言語問天上天下唯我獨  
尊如何是我師云推倒者老胡有什麼罪過問如何  
是和尚師師云迎之不見其首隨之罔眺其後問如  
何是一代時教師云法華維摩楞伽思益問祖意與

教意同別師云疎不得親不得學云親疎不得請師  
道師云祖意教意問如何是逆行師云叱叱問一等  
是水爲什麼海鹹河淡師云天上星地下木問不有  
不空時如何師云說有說空問一人辦心諸天辦供  
未審辦什麼心師云今日請供養主了也問木人誦  
什麼人和師云今人和學云莫是和尚意旨也無師  
云是什麼曲調問不凡不聖時如何師云立凡立聖  
學云總不與麼時如何師云你問箇什麼問如何是  
道師云道道學云如何用師云用用師在京日往檀  
越家投齋檀越將一盤草出師前師以兩手作拳安

頭上檀越便將飯來後有僧問師在京投齋意旨如  
何師云觀世音菩薩問一問便休時如何師云不了  
問鑄像未成時身在什麼處師云莫造作學云爭奈  
不現何師云隱在什麼處問如何是佛法綱宗師云  
今日無錢借長官問古澗寒泉時如何師云不流於  
海學云飲者如何師云口也無問無目底人如何進  
步師云過十方學云無目爲什麼過十方師云還更  
著得目也無問如何是一色師云不似銀盤裏盛白  
玉問照燭不破時如何師云習盡不是道問佛用工  
不得師云大人定當定當不得學云請師定當

師云終不向你道用工得用工不得問石筍未抽條  
時如何師云爭合與麼問學云還解抽條也無師云  
雖然不是石筍抽條葉更多問密室內事如何師云  
無人知學云和尚還知也無師云爭肯你亂道問日  
月未明佛與衆生在什麼處師云見老僧真便真見  
老僧喜便喜問纔生便死時如何師云何生何死問  
破戒比丘什麼處著師云不與罪福爲主問一句子  
無人道得時如何師云屋子蓋了也問覲面事如何  
師云莫諂曲問如何是祖師西來意師云彌勒佛兒  
箇授記處不得問如何是玄中的師云不到你口裏

道問亡僧向什麼處去也師彈指云與麼去也問諸佛出世爲一大事因緣和尚出世當爲何事師云尹司空請我開堂問文彩未生時如何師云虛空合契多少棒問和尚自住此山有何境界師云丫角女子白頭絲問古人拈槌豎拂還當不當師云不當學云爲什麼不當師拈起拂子云只爲者箇問未問已前事如何師云爭解開口問古人拈槌豎拂意旨如何師云只爲你問學云不問時如何師豎起拂子問忘却將來時如何師云者箇你舒州太守尹建峰送茶碗子與師云者箇是某甲自將來底茶碗子師接得

了召太守建峰應諾師云喫茶問不從萬有如何覓心師云你從我覓箇什麼問者裏是什麼所在足人爭師云不知學云爲什麼不知師云爭箇什麼問放下不明時如何師云誰教你執學云不敢執師云放下不明箇什麼問終日區區爲什麼不得成就師云無你用工處學云用工不得請師接師云終日區區問默默無言請師答話師云不是無言不同默默學云不同默默底事作麼生師云不與麼學云不與麼時如何師云若哉問言不干舌時如何師云簷頭水滴滴水問和尚每日上堂供養什麼人師云不可說

不可說問不可以智知不可以識識時如何師云不與麼學云不會乞師指示師云不可以智知不可以識識問未達道底人如何接師云飢即喫飯渴即飲水問三寸明不得句下不從師時如何師云高聲問老僧耳聾學云請師指示師云鈍屢生問有句無句如藤倚樹樹倒藤枯時如何師云將知你誑謬多少人來問凡聖相去幾何師下禪床立問萬法從一法生未審一法從何生師云迴首看問牛頭未見四祖時如何師云與人爲師學云見後如何師云不與人爲師問如何是沙門最苦處師乃皺眉問未有言句

已前如何辨其尊貴師云已有句是尊是貴問靈松無異色時如何師云不是靈松標不出問三拜已前事如何師云不知學云現問次師云三拜已前事作麼生問學人不別問請師不別答師云奇怪問古人密用如何師云不從疎處起學云合從什麼處起師云疎也有座主叅師師云近前來座主便近前師云去問未有此身作箇什麼來師云無所不經無所不歷問如何是千年石上古人蹤師云碑碣上著不得問二祖斷臂當爲何事師云粉骨碎身問收攝不得時如何師云無可拋撒問劫火洞然時如何師云寒



威威地問累劫來來無盡燈不曾挑剔鎮長明時如何師云累劫來來無盡燈不曾挑剔鎮長明問頭頭不到時如何師云你問什麼事問一問便休時如何師云太多也問暗裏得時如何師云不向你道煩惱山是菩提學云與麼則雲遊垛根也師云雲遊則伶俚辛苦垛根則禍患俱生問十二時中如何行履師云不從一法學云如何報得四恩三有師云莫受一法問玄中認得時如何師云得卽失問曹溪一路闔國知聞未審授子意旨如何師撫掌三下問萬仞峰頭時如何師云什麼處不是問如何是法身主師撫

掌三下問徑截一路乞師拈示師云會麼問如何是空王殿師云建立不得問句句相投請師接師云不接學云爲什麼不接師云句句相投問如何是和尚師師云莫造次問有言有句皆有所歸無言無句事作麼生師舉起拄杖云者箇是什麼問如何是衲衣下事師云天不能蓋地不能載問古人道法不孤起仗境方生如何是境師敲禪床學云與麼則觸目是也師云是什麼問塵劫來誰爲主師召僧名僧應諾師云是什麼問蓮華未出水時如何師云隱隱地學云出水後如何師云蓋覆不得問諸佛師學人不識

乞師指示師云天不能蓋地不能載問如何是和尚活計師提起衲衣云盡底呈似你學云爲復只是者箇別更有在師云不識好惡問六國未寧時什麼人作主師云自有本來者學云如何是本來者師以拂子驀口打問四山相逼時如何師云身在什麼處學云爭奈四山何師云逼殺你問千里投師乞師一接師云老僧今日腰痛問和尚未見先師時如何師云通身不奈何學云見後如何師云通身撲不碎學云還從師得也無師云終不相辜負學云與麼則從師得也師云得箇什麼學云與麼則辜負先師也師云

非但辜負先師亦乃辜負老僧問七佛是文殊弟子文殊還有師也無師云適來與麼道也大似問作甚麼業來遍身紅爛師云諸見不生問師子是獸中之王爲什麼被六塵吞師云不作大無人我問雷聲振地爲什麼百草不抽芽師云芭蕉只麼長問僧繇爲什麼摹誌公真不得師云只爲看他面孔學云不看他面孔時如何師云是什麼問達磨未來時如何師云遍天遍地學云來後如何師云蓋覆不得問如何是空王佛師云不應量問雪覆蘆花時如何師云明白無邊際問如何是十身調御師下禪床立師不安

時有李司徒令人送藥到傳語師云若斷得人間來  
往生彌勒內院若未斷人間來往却向弟子家中結  
緣師回傳語云不如具正法眼好山下有婆子家中  
失却牛上山請師卜師乃召婆婆應諾師云牛在問  
如何是無情說法師云莫惡口

師上堂示衆云他古人纔出來便一手指天一手指  
地道天上天下唯我獨尊十方世界無有過者如今  
更被諸方出來道向上別有事在若言道有道無卽  
是走作學家未有你時有什麼了期但莫著名言數  
句了諸事自然不著卽無位次不同你一切法一切

支那

法攝不得本無得失夢幻如許多名目不可強與他

五

安立誑謗你諸人得麼爲你諸人問故所以有言你  
若不問我向你道什麼卽得若有一法與你老僧罪  
過你若道無你諸人又問我箇什麼所以道早不屬  
你巧言妙句若與麼會去卽第一不得擔帶你諸人  
幸是可憐生擔帶負物作什麼見卽便見你若不見  
一切不得作巧言妙句問老僧巧來妙去卽轉轉勿  
交涉賺殺人所以我儂尋常問你諸人佛前佛後不  
說別事你諸人道看是什麼見什麼問如何是無生  
曲師云無人唱得學云忽有人唱得時如何師云生

也

師上堂云是你諸人口似刀子鐮子相似有什麼當  
處雖然如此莫越俊道有不濟底打你在莫言不道  
問蓮花在水時如何師云千人萬人覷不見學云出  
水後如何師云應量恰好問法從何生師豎起一指  
師示衆云人人總道授子實頭忽若下山三板外有  
人問你授子實頭底事你作麼生向他道問和尚年  
多少師云春風了又秋風問如何是截鐵之言師云  
莫費力師問翠微二祖見達磨有何所得微云你人  
見吾有何所得師又問如何是佛理微云佛卽不理

支那

法攝不得本無得失夢幻如許多名目不可強與他

五

師云莫落空否微云真空不空翠微有須送師其有  
識矣佛理何曾理真空有不空大同居寂住數演我  
師宗

古尊宿語錄卷之三十六

投子和尚語錄序

鄧山野叟居素述

投子和尚王化舒州桐城投子山寂住院師初叅翠微問如何是祖師西來意微以目顧視師欲進語微云更要第二杓惡水潑從此識通超諸三昧智辯猶雷發雲漢瀑瀉懸崖函蓋相應諸方取則而有陞堂問答語要盛行叢林入道禪者皆以師語叅問知識其有所歸數亦多矣予因僧入室舉師之訛舛衆矣乃於閑暇披閱詳究內有繁詞不涉理者與除之後語不及初者與刪之以爲一集庶叢林學者於郢匠

藏述

龍溪語錄卷之三

七

前無誚乳水而失醍醐者也時辛酉季夏月四明鄧山紫璘供奉山堂刊定云耳

投子和尚名大同舒州人姓劉氏洛下保唐寺受業得法於翠微無學和尚壽九十六石頭第四世五代梁乾化中示寂

金壇居士王立施贊刻此

古尊宿語錄卷之二十六計字六千五百八十箇

該銀三兩四錢二分  
銀山釋海亮對南京丘義民書深水端司亮刻  
萬曆乙卯歲冬十一月徑山化城識

古尊宿語錄卷之三十七

鼓山先興聖國師和尚法堂玄要廣集

上堂大衆已集時有學人纔禮拜師云高聲問學人  
咨和尚師便喝出問從上宗乘如何體會師叱之問  
攢簇將來皆不相似單刀直入時如何師云失命漢  
問如何是學人自己親躬事師云還返仄麼學云卽  
今事如何師云不可瞎去也問如何是本叅底事師  
云因什麼得到與麼地師云若是猛利底撥著便休  
去大蟲著角相似有什麼近處更有一格人脚不跨  
石門怪他得麼不可事須踏前路後納箇如何醉人

天師

古尊宿語錄卷之三十七

二

相似且宗門中事作麼生降茲已下根性遲迴事須  
從人決擇方定紀綱且作麼生決不可問一句答一  
句喚作決也若與麼驢年去到這裏也須是箇漢始  
得大不容易兄弟決擇之次如履輕冰將爲等閑句  
裏相鬪道我解問話貴轉數多合殺成得箇什麼邊  
事只是箇識路中人且無自由分兄弟事本因人因  
人立事人達卽事渾事渾卽無成無成須得無成句  
有人道得麼出來無事莫立环重

師有時上堂云實不敢欺兄弟亦不敢昧兄弟然且  
沒人辨時有學人問和尚與麼道還盡師本意也未

師云放汝殘生問從上宗乘如何舉唱師以拂菴口  
打學人禮拜起纔問有問有答師云老兄不是這脚  
手問承師有言從門入者非實黃梅行者傳何事師  
云道什麼學人再問師云去不爲汝有僧纔禮拜起  
師云道什麼學云佛未出世時如何師云合取口問  
如何是從上來不昧底事師云是什麼問纔施方便  
蓋爲今時向上宗乘復何言論師云拽出著問如何  
是正宗師云別日來商量問若將寂默爲宗維摩一  
生受屈如何道卽得不屈於維摩師云合取甌鬯著  
師云諸和尚盡道向諸方參學未委參什麼學什麼

天師

古尊宿語錄卷之三十七

二

還有參得者無有卽出來對衆驗看諸和尚爲復參  
禪叅道叅佛叅法叅毗盧師法身主叅佛向上事涅  
槃後句若寔叅此句得爲大妄喚作望上心不息與  
諸和尚了無交涉時有學人問如何是佛法大意師  
云吐却著問凡有言句盡是觸犯宗風未審如何是  
宗門中事師云合取口問衆星攢簇時如何師云覓  
什麼師云大事未辦宗脉不通切忌持言句意識  
裏作活計不見道意爲賊識爲浪盡被漂淪沒溺去  
無自由分諸和尚必若大事未通不如休去大歇去  
身心純靜去好時中莫駐著事却易得露這箇是事



不得已相勸之言古人喚作死馬醫若是箇漢向他與麼道如同癩語一般且諸人分上作麼生十二分教還用得一字麼諸方老宿語還用得一句麼若十二分教是兄弟在阿那教中若諸方老宿語當得兄弟兄弟在阿那句中所以道十二分教唱不得凡聖攝不得今古流不得言句該不得與麼話蓋爲刺頭入在教門裏且與伊拆開若有箇漢總未通這箇消息向他與麼道被伊驀口擗屎沸作麼不可怪得他也兄弟大須甄別莫吉凶不辨有辨者出來對衆驗看時寒久立珍重

探述

百寶齋錄卷之三

三

師別時上堂云兄弟有什麼近前商量若待這裏說無好事及兄弟牽經引論得麼若有人問但向宗乘中致一問來待今日與兄弟答宗乘中話時有學人纔禮拜師云大衆看有與麼不識羞漢其僧罔措師便喝出師云若也宗脉未露記著一字如飲毒藥喪身失命爲什麼故如此都來是不具眼如今更有一般底大作群隊聚頭念經念論說圓說頓披這衣服作箇與麼語話還羞麼還返从麼還有些些子衲僧氣息麼且問圓爲什麼人施頓爲什麼人設還辨得端由麼相共魯論不識好惡還知道十二分教唱不

起麼且唱什麼不起不可只與麼道便休去也豈不見古來丹霞石鞏石室高僧熏天炙地時時端由衆皆具委道他在什麼經裏披尋於阿那論中討得古人道西天一段事總被今時人埋沒却覓箇出頭處不得更有老宿道大唐國內盡是一隊滅胡種賊即者便是人家男女乍入叢林何處會得聞舉經舉論便刺頭入裏許念念句句便遇著這般底便是殺人賊是汝一人半人猶可在惑賺他多少人家男女千生累劫披枷帶鎖於自己事轉疎轉遠如今奉勸諸兄弟大丈夫漢一等是離鄉涉井訪道尋師爲自己

探述

百寶齋錄卷之三

三

事也須眨上眉毛著些子精彩於親躬事有辨明處確乎不拔莫受人謾莫受人惑如今且不受謾不受惑底事作麼生到這裏也須是箇惡漢殺人不眨眼漢沒意智漢始得切不得掠虛亂呈解數被向脚跟下尋著就已築著沒去處二十柳標棒擗脊撐鼓山打這般掠虛底尋常人難得喫別處即放過鼓山即不得若放過到處轉見虛頭曾打著一兩箇亂與底聲鐘集衆勘過一下下交到所在不是行棒圖逞威風同這行戶有什麼惡心悲他僧相圓備只是事持掠虛業次輕慢上流與他整頓插脊梁骨圖他改悔

別換身心遇著鼓山與麼鈍鍛也須慶幸始得有一兩處將向頭頂上擎著敢把指頭指著怕伊發去無如是理不是立兄弟說這葛藤然且理要區分事須甄別莫滅胡種各歸堂珍重

師上堂大衆雲集衆人盡皆罔測於師師乃云南泉在日亦有人舉南泉時事要且不識南泉還有識者麼試出來驗看時有學人纔禮拜起師云作麼生學人咨和尚師云不才謹退師云若是靈利底撩著便休去似這般漢千里萬里去也有什麼救處進前退後納箇如何醉人相似有什麼納僧氣息既然如此

大聖

古尊黃龍錄卷之三十七

五

且宗門中事作麼生諸和尚到這裏也須是箇漢始得大不容易兄弟鼓山不惜口業向汝諸人道不假記一字亦不用一功亦不用眨眼亦不用呵氣大坐著便紹却去諸和尚且道紹什麼爲復紹佛紹法紹禪紹道紹佛向上事涅槃後句若紹此句得爲大妄喚作望上心不息與諸兄弟了無交涉於諸人分上作麼生紹普請驗看是什麼爲復是凡是聖是毗盧師法身主在什麼處居住什麼年月有渠方圓闊狹長短大小試道看還有絲髮大物解蓋覆得麼還有分毫許間隔得麼向阿那裏抄向阿那裏寫諸和尚

與麼顯露與麼節要何不直下便承當取又更刺頭入他言句裏意識中學有什麼交涉不見道意爲賊識爲浪走作馳求終無歇分若自不具眼就人揀辨卷子裏抄冊子裏寫假饒百千萬句龍宮海藏一時吞納盡是他人不干自己亦喚作識學依通猶如水母借蝦爲眼無自由分亦如盲者辨色依他語故實不能辨色之正相若是學經律論他自有人在所以鼓山尋常道經有經師律有律師論有論師有函有號有部有帙白日明窗夜附燈燭自有人傳持在禪師作麼生還有人道得麼試出來道看時有學人問

大聖

古尊黃龍錄卷之三十七

六

如何是目前顯現底機師云道什麼學人再問師喝出問四十九年前即不問四十九年後事如何師云句超方外千聖難追問常辦無念者如何師云開闔黎什麼事學云常辦於此師云莫受屈學云不屈者如何師云有什麼救處問擬心即差不擬心如何體會師云待汝好心問問如何是向上一路師云即今是什麼路學人無對師云去看汝不是這脚手問如何得不辜負於師師云汝有什麼罪過師云諸和尚與麼問還會麼還識辨縉素麼鼓山向前見一兩箇長老被人問著維摩意作麼生他便眼孔定動地恰

似箇泥捏聖僧相似有什麼交涉還當得本參底事麼若言當去何不立取維摩傳大士爲祖師問取露柱聖僧卽休何故更用達磨與麼來所以鼓山道凡聖不到今古那追不唱言前寧談句後他家諸聖興來蓋爲人心不等遂展多門爲病不同處方各異在有斥有居空破空二患既除中道須遣直道釋迦掩室居士毗耶大士梁時童子當日一問二問三問盡有也是衲僧分上事作麼生還有人道得麼試出來道看不可說君說臣說父說子得麼諸和尚古人是事不得已立箇君臣父子外進內紹是功紹得了非

又解

龍溪錄卷之三

七

功合是功合得了非功蓋爲中下之流權施此句所以鼓山道君臣父子蓋爲成特立事立功以明緇素既墮中下須合須同得合得同無人辨識當與麼時還有肯重者麼有當荷者麼有這邊那邊麼若有還是托開去也更有一句作麼生敢道托開麼莫錯會好到這裏須是箇沒意智漢殺人不眨眼漢始得若是鈍根底只向言句上脫去爭能會得時有學人問得句忘言時如何師云卽今得什麼句學云不是西來亦非自己師云吐却著問已事未明以何爲驗師云喫學人再問師曰一點隨流食威不重問如何是

包盡乾坤底句師云近前來學人便近前師云是什麼學云不會乞師指示師云去鈍置人作麼問峭絕無依時如何師云病鳥栖蘆學云直得醒醒還有紹處也無師云亦不開闢黎事問如何是真實人體師云因什麼得到與麼地問未到玄源如何究理師云相去多少師云更有作家解問者出來良久無人師云入到石門何處得如許多疑來歸堂珍重師別日上堂云諸和尚古人道佛之與法是建立化儀禪道兩名是止啼之說名不干事事不干名依執滯名於他玄隔所以鼓山曾向兄弟說句不當機言

又解

龍溪錄卷之三

八

非展事承言者喪滯句者迷得魚忘筌得意忘言借網求魚魚非網也所以道教排不到祖不西來盡乾坤人口到這裏百雜碎直道十二分教唱不得凡聖攝不得今古流不得言句該不得與麼道也只爲他向化門裏作活計事須與伊拆開若是箇漢絕未通這消息向伊與麼道被伊鷄口捫屎沸作麼不可怪他也雖然如此據什麼道理所以鼓山道更有一人不跨石門不跨石門事作麼生諸和尚衆中亦有江西湖南幽燕魏府三千五千一萬里地盤山涉嶺旣到這裏高山頂上終不爲看山翫水無非決擇萬劫

千生事故委萬劫千生事也只在如今如今安即如今便安徹只如今便徹忽若衆中有一人肯去大安樂去是不虛食人之施不辜於已不負於彼去住自由出入無難盡乾坤無敵宗風不墜後進有依所以古聖道若有一人悟道地神報虛空神虛空神報非想非非想天遞相告報云下界有人得道有濟人之分天上人間遞相慶賀盡是諸和尚分上更弱於阿誰既然未得如此便須兢兢惕惕如臨深泉如履薄冰時不可延命不可待似箇當風燭子颺地脫去也如今且不如休歇去身心淳朴去似一旦長空

千生

古德信錄卷之三

九

去時中莫問但且與麼去鼓山所以道明道爲之傳不問爲之行德行俱備今時稱斷斷是今時更有一人作麼生到這裏也須自有來由始得莫記他人言句就人揀辨終無自由分於諸和尚作麼生出來商量時有學人纔禮拜起云某甲咨和尚師云吽學人云輪中不轉時如何師云珍重師云諸和尚更有什麼事出來問良久無人師乃云總不出來蓋爲把他稍緊不相共扶持致令如此有江西湖南諸處參學師僧好織造底出來莫道鼓山口似棉擔只慮埋沒宗風走作兄弟但出來待與捏些子時有學人問

心珠不曉已事未明請師一照師云乾坤不掩爾自徒迷問作何方便得紹師宗師云岸谷無風徒勞展掌學云如何卽是師云錯也問萬機不湊本事何來師云傷機之患千聖難除問四面松林如何是直路師云岳秀千枝肯龍不辨問卽今如何唱師云洪雷一震蟄戶無私仁者作麼生問已事未明如何明得師云鏡中無影演若自迷問如何是鼓山師云衆岳難借學云還許學人躡也無師云汝試下足看問如何是諦實一路師云一句迢然古今難辨問彼無消息如何知音師云汝自罪過我不將來學云還有爲

千生

古德信錄卷之三

一

人處也無師云與麼卽戒鼓無擊問巨海驪珠如何取得師云來言雖重不賞鋒圭問十二時中不涉緣塵如何據驗師云浪息千江孤輪不墜問如何是鼓山正主師云岳不明根迷人自重問如何是目前一路師云耶合掌不得問如何合得諸聖位師云玄直渠不踐千聖位在什麼處問步步進前如何得達祖意師云鼻地人難舉問古人卸臂當爲何事師云方外之說仁者難知師云諸和尚鼓山與麼東道西道亦不辜兄弟只是教緩然卽如此奉勸諸和尚莫學言句走作兄弟昧却兄弟直饒通得也只是箇識路



中人不見古人喚作食瘡膿鬼喫涕唾鬼喫不淨鬼未喚作人在諸和尚莫與切不得亂呈解數若亂與被鼓山聲鐘集衆向腳跟下尋著勘者無去處二十柳標棒擗脊搥莫道不道更有什麼事出來無事各歸堂珍重

師上堂云諸和尚上來爲什麼有什麼苦屈底事有什麼不了處還有疑者麼若有卽出來與兄弟定當時有學人問承古人有言橫說豎說未知有向上一重關捩如何是向上關捩師便打一棒問如何是宗門中事師便側掌問如何是鼓山一路師云卽今是

什麼路問承古人有言妙旨迅速師側掌云住住學云和尚爲什麼不道師云且行脚去問目前一句如何曉得師云什麼處不曉學云爭柰這箇何師云這箇是什麼問如何得成道去師云害顛作麼學云不害顛如何得成道師云這鈍漢問根性遲迴如何用功師云功卽不得學云爲什麼不得師云向什麼處功問從上宗乘以何爲的師云無的問學者憑何師云汝曾學得多少來學云與麼卽不從今日去師云從什麼處去學云待有去處卽咨和尚師云有什麼交涉問如一燈然百千燈如何是一燈師云是什麼

問如何是和尚家風師云莫少去就問古路無蹤如何進步師云不是途中客進什麼學云向去者如何師云無聞黎下足處學云總不與麼時如何師云莫自恥問自古相傳窮其際卽今妙旨示何人師云岳秀靈芝異學云異底事如何師云過也問如何是直下事師云莫自欺學云不自欺事如何師云還返仄麼師云諸和尚還會麼此事不露蓋爲塵沙劫來多遊異徑所以於自己事却成違背如今若欲得易會麼但是從前記持食噉之事一時瀉却著身心純靜去一片去忽被道伴觸撥著此事便發明去所以鼓

山曾向兄弟道譬如一池沼衆人共臨但把杖攪其水覓見形影了不可得轉渾轉濁所以傍邊有一人便問汝與麼攪作麼云我要見形影便被與一咄這癡漢汝與麼攪攪驢年去任經塵沙劫無有見期汝但一時放下杖著各自休歇去良久中間波澄浪靜沙土自沉非但形影森羅萬象悉現其中這裏便須問得這水始得咄這水還照也無若道照亦是汝與麼道若道不照亦是汝與麼道什麼雖然如此須問得水有水句若問不得問者無功這箇便是驗兄弟處還有人道得麼出來良久無人師乃云今日說

這多多無事久立珍重

師上堂大眾已集時有學人問承古人有言寂是法王根動是法王苗如何是法王師云是什麼問承和尚有言直下猶難會尋言轉更賒如何是直下事師云賒也學云還許學人進步也無師便喝出問學人在塵還有出身處也無師云汝即今在什麼處學云與麼即任運隨流也師云莫寐語問進者不明請師一撥師云近前來與汝撥學云謝和尚指示師云碗鳴聲作麼問如何是大悟底人師云不囑學云爲什麼不囑師云不向悟中取問不起于座請師掣電之

機師云醉作麼問如何是無價珍師云莫妄想問如何是不假言說第一義師云放汝殘生問不辯古機如何建立師云不立學云如何即是師云是即非學云爲什麼如此師云虧闍黎什麼處問生死海廣如何得渡師云汝即今在阿那邊問如何是妙旨師云如何不妙旨問如何是徑截一路師云這瞎漢學云與麼即學人得問力師云盡箇不曾呈師云汝莫一向於途路上走無有了時一等行脚直須身心淳朴日夜懇苦救取徹始得莫只是問得一言半句便將當自己買襟賺汝只如兄弟行脚來還曾遇什麼老

宿發覺因什麼道伴得入還得噴地大省也未若有出來便定得兄弟虛之與實向這裏下得一句盡乾坤撼不動這箇便是諸兄弟不虛行脚底事只如盡乾坤撼不動句作麼生下試出來道看若也未得如此奉勸兄弟直不得念言念語明朝後日覓箇歇處不得有事近前無事歸堂珍重

師有時上堂云當人分上各有與麼事爲什麼不承當取又更上來覓什麼近日多見師僧入叢林只是舉經舉論於自己事有什麼交涉時有學人問既不許看經又不許讀外書如何是大曉一句師便打一

棒問已事不明乞師指示師云什麼劫中曾昧問口前一路如何指的師云目前是什麼問如何是大道之源師云不囑學云爲什麼不囑師云不是源中事問古人道但得本不愁末如何是本師云是什麼問波澄浪息爲什麼摩尼不現師云汝且喚什麼作摩尼學云與麼學人退一步師云汝無端進前退後作麼問凡有言句盡是與蛇畫足如何是不畫足師云放汝二十棒學云今日得遇和尚師云莫寐語問風不鳴條雨不破塊時如何師云闍黎分上作麼生學云却請和尚道師云屈汝什麼處問如何得不徇諸

有師云關汝什麼事問欲出輪迴如何得出師云卽今在什麼處問如何是佛法大意師云佛法大意卽且置問如何是本來心師云如今是什麼心問如何是直下事師云尋言轉更賒問寂是法王根動是法王苗如何是法王師云關關黎什麼事學云爲什麼不關師云根苗俱不得問無風爲什麼往往波生師云什麼處得來學云卽今有師云把將來問十二時中如何行履卽得決定師云我道乾坤不跨足學云如何進向師云若進向卽跨足學云畢竟事如何師云咽中不踐師云諸和尚問得百千句亦不干自己

五文部

古詩集卷之三

五

只如仁者自己事作麼生莫只向這邊那邊經冬過夏因循度日無有了時塵沙劫來流浪生死如汲井輪路無停息今生既得人身又是男子又得出家曾相圓備不龜講肆擁毳入叢林這箇便是昇騰之時除疑解惑之時得大無畏之時得大自在之時各自清白取更弱阿誰各自努力歸堂珍重

師別日上堂云諸和尚有什麼病敗什麼處欠少亘古亘今恒然如何須向長連床上癡兀兀地便當得去汝但於一切處驗還出得汝去處麼不見古聖道如人在空如魚在水或行或坐不離於空逆流順

流不離於水既然如此且合作麼生兄弟莫自受屈莫自淪自溺旣到這裏不奈何也只成一場妄想有什麼事出來時有學人問如何學卽得不昧真機師云什麼劫中曾昧問已事未明請師直指師云瞎却汝得麼問生死沉輪如何得出師云在裏許多少時問盡令提綱猶是野干鳴如何是師子吼師便捋口打問六國不寧如何整葺師云古殿不曾坐什麼處不寧學云如何領會師云是汝不會問如何是大圓鏡師云不曾照學云辨者如何師云不曾照辨什麼問於當人分上如何發言師云不是途中客發什麼

五文部

古詩集卷之三

五

言學云還與麼道也無師云是汝與麼道問此座高廣吾不能昇未審什麼人昇得師云得此病來多少時學云便請和尚藥師云這鈍漢問已事未明如何明得師云彼常不隱鏡指顏開問從上諸聖還有不依師者無師云闍黎因什麼人師云兄弟諸聖與來蓋爲人多錯會言佛演法祖唱玄微只爲風味天機致使迷倒所以教排不到祖不西來仁者分土作麼生各自有與麼事莫自退屈莫只踏步向前覓若覓卽失若親卽踈塵沙劫來未曾有一捻土解蓋覆得兄弟各自努力歸堂珍重

師於佛殿前上堂大眾雲集師登座顧視大眾乃却起立頃間便歸法堂僧從師到法堂後師問僧投機不辨隔岸難明仁者作麼生其僧無對便問如何是不假言說第一義師云驢年會得麼問強弱即不問如何是平常之道師云因什麼得到與麼地學云還得平常也無師云莫碗鳴聲問宗乘中事乞和尚提撕師云是什麼師却與近前這箇是提撕汝喚作宗乘中事即不得學云未審宗乘中事如何師便打一棒問如何是西來意師云石人筆下看問如何是作家師云你行脚爲什麼學云與麼即某甲不疑師云

何處得作家問如何是最初一句師云什麼處收拾得來問如何是末後一句師云自鈍致作麼問臨行之際乞師一言師云終不敢鈍致汝問千年松樹尚有偃枝學人雖披入衆衣未曉出塵路乞師方便師云九霄雖異世畢竟齊難同問堂堂地來時如何師云堂堂不柰何問已事未明如何爲驗師云乾坤不掩時人自迷問如何是學人立足處師云不從諸聖得云便與麼去時如何師云猶是時人進向處學云不落進向事如何師云還反仄麼諸和尚大凡行脚須識辨宗風莫只是尋言逐句無有了時雪峰和尚

道三世諸佛不能唱十二分教載不起所以鼓山道有一人與麼來總未會通這箇消息向伊與麼道被伊把黃泥騫口塞還怪得他也無恐人亂塞人口所以道鼓山有不跨石門句作麼生道到這裏須是其人莫亂道時有學人問如何是不跨底事師以拂子騫口打師却問還會麼學云不會師便咄云不是者脚手師云若已事未露就人揀得卷子裏抄冊子裏寫有什麼用處不如明取自己事明道爲之德不問爲之行德行俱備今時稱斷更有一人作麼生語和尚也莫泥水不分清濁不辨末法時代天下交馳兄

弟得共林泉與道伴一處醫響此事也須慶幸始得直須曉夜懇苦莫虛度光陰各歸珍重師於三門前上堂問僧有一人從水塘頭來便轉去汝作麼生學云和尚也須許他始得師云便拚脊棒汝作麼生學無對師云不才謹退也是掠虛漢問如何是不假言說第一句師云放汝三十棒問不起於座如何是掣電之機師云醉作麼問凡有言句盡落標指如何是月師云還識差麼問據何眼目消得人天應供師云瞎漢問未達本源如何履踐師云相去多少云爭柰學人疑何師云阿誰罪過問只在途中



請師指示師云在途中多少時云謝和尚指示師云莫滄汚人好問苦澀處請師道師云收取好問十二時中如何履踐即得不辜於自己師云直須不辜於自己問澄源浪靜爲什麼真形不現師云什麼處收拾得云究竟如何師云非究竟不與聞黎通云豈無方便師云方便是什麼人分上問承和尚有言不許學人揀話又不許擇話如何行履即得不違和尚所囑師云還自取麼問九霄峰外月室內一輪燈如何是一輪燈師云岸谷無風徒勞瞪目問名言妙句教網所詮不涉三科請師直道師云肘後不曾傳問十

二時中如何究竟生死師云將生死來學云與麼卽無究竟處師云似你與麼語話問參禪學道須是其人學人與麼來請師直道師云瞎顛作麼學云謝和尚指示師云放你二十棒問人人盡言請益未審師如何拯濟師云鼻地人難肯問作何準則卽得不背於古師云不可諱去也學云謝師指示師云便被喫棒問千手千眼阿那箇是正眼師云用正眼作麼問如何是目前機師云卽今是什麼機學云不會乞師指示師云穀地人不踐問一邊不立中道不存是如何師云卽今在什麼處學云豈無和尚爲人處師云

教我爲阿誰學云屈什麼處師乃與杖問古人道相逢不擎出舉意便知有如何是舉意便知有師云阿誰舉問如何是學人最親最切處師云妄想作什麼學云還得當也無師云收取好什麼語話問作麼生是木馬石人騎不肯空王印師云泥牛步處盲者徒施問作麼生是動容揚古路師云不欲得商量問作麼生是別傳底事師云收取蝦蟇口不得師云諸和尚各自有與麼事莫受屈未曾欠少未曾有寸土解蓋覆得汝爲什麼却不會去更踏步向前覓途中踐上不曉室中且室中事作麼生只欲得人說是汝自

已事爲什麼却不會唯是他人星裏事總會得只是傷家喫老師涕唾向意識裏作解有什麼交涉行脚不遇其人所以道苦屈在初記著一字歷劫作野狐精若靈利底不假老師多久立各自努力珍重師有時上堂云時時與麼打鐘打鼓上來覓什麼有什麼苦屈底事不見古人道總是一隊喫酒糟漢把棒一時趁下鼓山如今直下老婆心有疑者出來問時有學人問近入叢林不會乞和尚慈悲指示師云我不敢誑諱汝學云不誑諱事作麼生師打一棒問如何是徑截之言師云最徑學云如何是不假言詮

師云卽今有多少問承古人有言有相身中無相身如何是有相身中無相身師云卽今是什麼身學云如何是無明路上無生路師云卽今是什麼路問學人單貧請師拯濟師云有什麼事學云爭奈單貧何師云論劫受苦問承古人有言巧說不得只用心傳如何是心傳師云道什麼學云不會師便喝出問投機便轉是如何師云作麼生轉學人纔進前師便喝出問大事未辦時中以何爲驗師云時中不得步學云如何得相應師云不相應學云爲什麼不相應師云不爲汝問急切處乞師一言師云調達不得肯問

承古人有言大體寬無際小心塵不容如何是大體寬無際師云大小學云如何是小心塵不容師云因什麼到與麼地問承古人有言一切衆生日用而不知如何是日用事師云這箇是什麼人語問二龍爭珠誰是得者師云珠在什麼處問承古人有言一花開五葉結果自然成如何是自然成底果師云卽今是什麼問從上宗乘請師直示師乃叱之問諸聖未興以何爲眼師云闍黎眼在什麼處問和尚慈悲如何體會師打一棒問只如僧問洞山云三身中阿那身不墮於諸數洞山云吾常於此切只如洞山云吾

常於此切是墮是不墮師云汝又向這裏弄性命也問終日動靜爲什麼不明自己師云只爲終日動靜所以不明學云不動靜時如何師云是什麼問山中和尚纔見師僧禮拜便喫棒意作麼師云因什麼不行脚去問南泉以手打膝云這裏卽易又云這裏卽難僧問云只如却手豈不是舉唱宗乘師便以手打膝云此不是舉唱宗乘作麼學云只如却手意作麼生師云汝自看問如何是第一句師便把杖作蕞口刺勢問深深無底淺淺無源時如何師云得此病來多少時也師云近來師僧只愛舉經舉論說圓說頓

所以道經有經師論有論師律有律師有函有號有部有帙白日明牕夜附燈燭自有人傳持在關汝衲僧什麼事汝且道圓爲什麼人施頓爲什麼人設因偏說圓得成圓頓本自圓成不因偏說這箇是圓頓教於衲僧分上作麼生各有區分莫滅胡種各歸堂珍重

### 師勸僧語

問古人道嚙鐵擬開口驢年亦不會師云古人與道有損有益師問新羅僧上山來作什麼對云禮拜和尚師云盡世不標向什麼處禮對云向不標處禮師

云念汝是新羅人放汝三十棒問徑山小師云徑山偈道回首還家不得歸師云歸是時人歸豈不是對云是師云他不得你箇歸豈不是對云是師喚云嚴闍黎對云吽師云是歸是不歸有僧製得雪峰實錄云師每至上堂良久顧視大眾遂云是什麼師云雪峰只有此語爲當別更有僧云別更有師云案圓也下山去問學人纔施三拜便知有二十下鐵棒未審從上宗乘諦當不謬本叅乞師方便願垂決擇師便與一下棒其僧歸堂不肯師云令打鐘喚上勘師云汝道纔施三拜便知有二十下鐵棒豈不是汝與麼

支那  
撰述

五臺山語錄卷之三

三

道對云是師云還有過否對云有過師云有過不打作麼便與棒趁下山師問修訥維摩座主云文殊讚淨名乃至無有文字語言是名真入不二法門與麼讚還合得維摩意也無對云作麼不得師云維摩意作麼生對云語默平等師云這箇是座主與麼道維摩意作麼生座主道不得方乃禮拜問座上座從什麼處來對云從西院來師云西院還接上座也無對云接師云西院作麼生接上座對云問某甲道是什麼師云西院與麼問上座對云是師云識得上座也對云與麼卽不得未審西院意作麼生師云是什麼

問淨道者云古人道這裏卽易這裏卽難這裏卽不問這裏事作麼生對云還有這裏那裏也無師云此猶是這裏事也道不得喫棒趁下山師云這漢向後覓箇死處不得

審問諸院老宿語

師與因山上雪峰因山問共和尚闍行師云輸也歸時下船問共和尚闍船師云若道闍船也是輸也因山云重重失利師與長慶入佛殿見佛前鉢盂拈起云家常師云何得又更無厭師却拈起問長慶長慶云飯未熟師云太恪惜生長慶云穩便卽收取師云

支那  
撰述

五臺山語錄卷之三

二四

恰是師問保福古人道是不是非不非是卽龍女頻成佛非卽善星生陷墜與麼道還留是非不留是非保福云未却是非師云與麼是非有什麼了時師見保福共僧在茶堂說話師云莫葛藤保福云葛藤卽不得商量佛法還得也無師作個勢保福云過在什麼處師又行一柵問東使只如仰山祇對瀉山於面前與一畫意作麼生東使云作家麼師云兄真箇與麼作麼生東使云日可冷月可熱被師攔胸與一托問翠峯古人道無端起佛見聞法想被佛威神力故左降二鐵圍間作麼生是二鐵圍翠峯云起佛見聞

法想師云起什麼佛見聞什麼法想無對問大普云於萬像中還有自己否老宿云有師云這箇豈不是燈籠云是師云識得老兄也師共長慶困山在道場院見託真郎君來長慶問見說郎君是中塔還是否郎君只在面前立長慶云何曾是中塔師云正是中塔困山云不是中塔保福指雪峰上院主山問長慶教中云妙峰頂莫只這便是否長慶云是卽是可惜許問師只如長慶與麼道意作麼生師云若不與麼紅旗遍野白骨連山

前後帝王問訊語

忠懿王入萬歲寺見佛像詰問師云是什麼佛師云請大王鑒王云鑒卽不是佛師云鑒卽不是佛是什麼惠宗見師不安問莫是時節至否師云卽今是什麼時惠宗云與麼卽無來去也師云亦是聖躬與麼道又因志上座說云昨夜見天王面前現惠宗問因師什麼不向某甲面前現云却是陛下見少帝遣內臣送書上山只乃封題而已師覽而神之尋內臣拜辭師云聖人若問如何祇對師云但道盡乾坤有所依賴師在雪峰日往泉州問盤龍侍中疾其時尹司徒聞到司徒令傳語云數日四大不安風勞發動師

傳語云此是司徒句卽今司徒在阿那侍中無對清源王太尉問安國了院主云劫火洞然向什麼處迴避院主云這裏迴避太尉不肯曰代云不迴避進云爲什麼不迴避太尉云他不出頭迴避什麼師云什麼處見他道不出頭師因與清源王太尉說話云但是世間一切雜學底事盡是網太尉云只如今還網得也無師云太尉咏太尉乃展手云卽今有什麼師云只這一網亦不少太尉舉南陽喚侍者事趙州云如空中書字雖然不成而文彩已彰師云只如與麼道是宗國師不宗國師太尉云宗與不宗俱是彰也

師云只如趙州意旨作麼生太尉云不辜負趙州師云此是句也趙州意作麼生太尉云作麼師云彰也趙州意作麼生太尉無對

偈頌七首

直下猶難會尋言轉更賒擬論佛與祖特地隔天涯有曲無絃索官商調不同若人纔和得拍拍盡爲龍絲筆除裝色更濃針挑瘡患理難同維摩昔日稱何事迷從西上却還東

何事最堪依巘中獨坐時路險人難到巖高鳥不飛白雲長滿洞論劫未曾虧不話曹溪旨爲于道者機



石室周圍慶已多有人不到復如何待封此樣呈諸友開時只好笑呵呵

十八郎殿下送絲毬上於方丈頂掛便請偈

衆絲裁成已工多妙最殊收歸方丈裏長翫一明珠

十八郎殿下又送偈上國師兼請和師乃答之

建化開遮假立名無名之說亦難停其中薦得非開識朗月當空不自明北京秀長稱爲澤南派傳宗祖諱能黃卷暫詮呼作性教外須參有別行

附十八郎殿下原偈

無形無本亦無名日用驅驅不暫停對面向人多

不識縱橫自在轉分明權時來寄君家宅萬種千

般是事能認取當來真本性一時拋棄事皆行

古尊宿語錄卷之三十七

甌閩鼓山先興聖國師和尚法堂玄要廣集序

夫釋迦西現張教網於多門達磨東來指人心於徑路不由名相頓悟真乘靡歷化城直之實所而自少室之花開六葉漕溪之胤布諸方爰出石頭號純金鋪蓋以格高調古言嶮理幽厥後子孫從宗行步闊狹毫釐弗差矣卽有先興聖國師法嗣雪峰乃石頭五葉也師坐道場則三十二年擁毳侶則一千餘衆

或牴牾學者提唱宗乘機鋒迅而金翅取龍格致高而般倅匠物言如雷火槎之而一點隨游事比蟾輝唱之而孤輪不墜破空有而旋敲中道話君臣而匪稱當人排淨名而未是本參斥圓常而非爲極則往前所集漏落者多漸邁金烏恐成水鶴今以了宗大師昔推入室今契傳衣凡於樞要之言並蘊胸襟之內寫瓶傳器分燈散明應有拋遺再從編錄總一十六會偈頌次之自量淺識之徒復覩未聞之教揮毫承命聊述端由時乾德三年乙丑角黍後五日紹文序

廣集

古尊宿語錄卷之三十七

天

書鼓山國師玄要廣集後

廣辯興聖國師語錄一小編唱高和寡後世禪學或不能知舊本差大難入包囊中帶行今禪者守贖僧挺重刊小本以廣流通禪納有自江西湖南來者知南方雪峰宗旨則復少挫鋒銳行一矩卷波瀾於性海也紹興戊午三月晦日住鼓山老禪士珪書

鼓山國師和尚名神晏大梁人姓李氏衛州白鹿山受業得法於雪峰存和尚壽七十七臘五十八石頭第六世五代晉天福中示寂

金匱要略上十王立施貨刻此  
 古書宿語錄卷第三十七  
 計字一萬零九百  
 五十個故銀五兩八錢五分六厘  
 雙及座後真編對上元丘羣民書李應章刻  
 萬曆丙辰歲久一月經山孔城寺識

文部

龍圖閣卷之三

五

五

古尊宿語錄卷之三十八

襄州洞山第二代初禪師語錄

師上堂云楚山北面漢水南江擊法鼓而會禪徒舉宗風而明祖道若以揚眉瞬目豎拳豎指聲款咳嗽是厨中拭鉢帛道什麼會也無也是衲僧破草鞋者瞻漢者漆桶是箇弄精覓鬼總與麼總不與麼是東司頭廁簍子以此稱提從上來事盡是邪魔所作論大乘滅胡種與你天地懸殊且道衲僧據什麼道理出來對衆道看折脚鐺子各出一隻手貴得宗果不斷亦表叢林有人有麼若無洞山不惜眉毛打葛藤

古尊宿語錄卷之三十八

二

去也葛藤之事只在目前萬象森羅乾坤大地百千諸佛日月星辰地獄三途起心動念每日經歷皆是諸德自己何不向這裏體當尋覓看驀然覩得個儻分明不虛行脚也自得箇安樂田地洞山此語且作死馬醫若據明眼衲僧將草鞋驀口堊還怪得他也無怪卽不怪你道憑箇什麼捉得將來脚跟下推尋毫末參差撻折你脚莫麤心好便下座

上堂良久有僧問列祖昇堂人天堅請不昧宗乘乞師指示師云頭髻髻耳卓朔僧云一句流通人天聳耳師云墨黥襴衫日裏曬進云師唱誰家曲宗風嗣

阿誰師云重言不當吃問赤水求珠猶是人間之寶和雲唱出猶非格外之談未審今日將何示人師云夜聞祭鬼鼓朝聽上灘歌問言超象表青霄外山語幽玄事若何師云岸上行人聲有韻船中漁父和不齊云幽玄事若何師云釣長線短問從上來事未有人當頭道得請師當頭道師云八十翁翁不拄杖問聞師引出潭中意直透青霄事若何師云甲巳之年丙作首云今日事若何師云大好雪晴問如何是佛師云麻三斤問海竭人亡時如何師云大難得云便與麼去時如何師云雲在青天水在瓶問道本無言

古尊宿語錄卷之三十八

古尊宿語錄卷之三十八

三

如何理論師云十里鼓問如何是古佛心師云舉知風穴知雨問牛頭未見四祖時如何師云柳棟木柱杖云見後如何師云寶入布衫問佛法兩字卽不問如何是從上來事師云眼裏瞳人吹木笛問百八竿頭須進步如何是進底步師云炎裏放木鷄問如何是諸佛出身處師云寒山不語拾得笑問纔生便死時如何師云鍾馗解舞十八拍問如何是正法眼師云紙撚無油問智不落千差請師道不犯師云蒸餅搥錫問心未生時法在什麼處師云池中荷葉動決定有魚行問不當之言請師不發師云水流露下云

誠如是言師云人無遠慮必有近憂云與麼則因地而倒因地而起師云不當之言不發問佛及涅槃並為增語理既如此事又作麼生師云釋迦老子誠實之言問如何是禪不禪師云猢猻摘仙果問諸上善人皆說不二法門居士默然意旨如何師云無目不畫眉問如何是學人入理之門師云陽烏啼時西嶺上問如何是學人本源師云山高雲峻問心非意想道絕功勳如何是心師云鷲子不入楚云如何是道師云還我話頭來問幻與非幻未是學人極則處如何是入理之談師云八十翁翁牙不動問見境不動

時如何師云眉長三尺二云如何是見境不動底事師云鼻孔占却三畝地師乃云明機自昧息慮迷源萬法同塵語默難顯不是情中法莫生種種心離此章句別有商量且道離却作麼生商量還有委悉者麼明明地揀破明明地顯示明明地舉唱明明地誦詠更無囊藏被蓋純說乾爆爆地禪若是靈利禪僧纔聞舉著便合眼卓朔地知箇落處豈不是自家具眼其奈罕遇奇人蓋緣洞山這裏言無味食無味法無味無味之句塞斷人口兄弟到這裏難為湊泊若向這裏覷得分明天下尊宿到與不到徹與不徹總

被你驗破何故蓋智有邪正道有虛偽多只與麼心機意識認得門前屋後底學得路布葛藤一堆一擔蘊在胸襟道我會禪會道還夢見禪道也未喚作打底不遇作家到老只成懵懂待到明朝後日驀割地踏著正脉省前所行履處方始羞見本命元辰下座上堂時有僧問師登文殊座請師唱道情師云天晴開水路無事設曹司僧云謝師指示師云賣鞋老婆著隻履問隘路不通風如何通得信師云觀著欄衫戴席帽問如何是道師云啄云如何是道中人師云失啄問平常心是道如何是平常心師云路不拾遺

問和尚百年後向什麼處去師云從上孔丘甲乙已云此意如何師云不會即問人問如何是和尚撲不破底句師云親問却火洞然大千俱壞未審這箇壞不壞師云天降蒲薄紙方圓一尺餘問大通徹底人作何語話即得不傷物義師云道士登醮壇問澄而不清混而不濁時如何師云額裂幞頭問萬法歸一一歸何所師豎兩指云如何得歸一去師云學語之流問如何是清淨法身師云烏龜不入水陸地弄塵行問如何是洞山圓鏡師云人將語試水將杖試問不向心頭安了義如何達得祖師言師云六脚蜘蛛



上板床問動轉無私如何施設師云撥問根本智中如何趣向師云把火照魚行問如何是正法眼師云郭郎鼻孔云還鑒照也無師云纖毫總見問言不投機請師提撕師云六七對夜月問言無朕跡如何理論師云鍾馗不讀書問三界唯心萬法唯識識即不問如何是心師云泥裏蝦蟇雲裏走旱地蛇師水底行問如何是透法身句師云兩箇布針三箇眼問如何是出家師云剃頭不持鉢師乃云舉唱宗乘闡揚大教須得法眼精明方能鑒辯細素切緣真要一源水乳同器到此難分洞山尋常以心中眼觀身外相

觀之又觀乃辯真偽若不如是何名善知識者夫善知識者驅耕夫之牛奪飢人之食方名善知識即今天下那箇是真善知識諸德參得幾箇善知識來也不是等閑直須參徹觀教透千聖莫能證明方顯大丈夫兒不見釋迦老子明星出時豁然大悟與大地衆生同時成佛無前後際豈不暢哉雖然如是若遇明眼衲僧也好擬春棒便下座問法不孤起仗境方生向上一路請師便道師云聽事不真喚鐘作甕問如何是道師云竹竿頭上禮西方問如何是洞山水師云雲裏電子云飲者如何師云大小問朕兆未

生以何爲證師云烏龜背上紋問金鱗不點額時如何師云左眼半斤右眼八兩問如何是免生死底人師云措大席帽問絕功勳處如何趣向師云蟻子不食鐵問如何是摩尼珠師云手攜針筒穿懸藥袋問如何是大通徹人師云漢高大王問文殊普賢來參師時何如師云趨向水牯牛欄裏著云與麼則和尚入地獄如箭射師云全憑子力問乾坤休駐意宇宙不留心時如何師云峴山亭起霧灘峻不留船問佛法無形從何建立師云神前木虎子問諸方盡落絳模請師出發道師云十八女兒不繫裙云與麼則平

地起骨堆師云自領出去問奔流渡刃疾焰過風時如何師云平常心是道

上堂云言無展事語不投機承言者喪滯句者迷還得麼你衲僧分上事到者裏須具擇法眼始得只如洞山與麼道也有一場過且道過在什麼處僧問如何是透法身句師云土星犯牛宿問亡言事不到開口理相垂未審如何即是師云釋迦老子頭白問如何是衲僧本分事師云雲裏楚山頭決定多風雨問承教有言如人含一口水自不能言萬法不出於心各各皆住本位當與麼時請師接師云六隻骰子不

成雙云畢竟如何師云插標嫌水淺問石門遷化何  
什麼處去師云麝香不合藥問學人未達本源時如  
何師云脚底毛生問遠遠投師時如何師云爭怪得  
老僧云終不敢造次師云恰似不齋來問如何是頭  
頭物物盡底句師云三歲孩兒入戲場問路逢達磨  
時如何師云鼻孔大小問四海無浪月輪孤時如何  
師云眼裏鬚眉長二尺問不落心機意識乞師一句  
師云楚山入漢水云未會請師更道師云湖南楂子  
問不惜時機用如何話祖宗師云三箇胡桃兩塊餒  
問如何是洞山劔師云金州客云用者如何師云伏

惟尚餐問離却心機意識請師道一句師云道士著  
黃纓裏坐問如何是不動底心師云賜紫金魚袋問  
生死海中以何爲津梁師云年盡不燒錢問祖師西  
來唯傳一心諸方爲什麼各說異端師云貪觀白浪  
失却手撓問龍庭金口問如何對玉機師云海底紅  
塵起石裏瑞花生問智隔千重鎖如何擘得開師云  
波斯不戴帽問三乘十二分教卽不問祖師西來意  
請師直指師云小兒不著鞋問如何是和尚臨機爲  
人一句師云官差不自由云與麼則得一失一也師  
云自知較多少問大用現前時如何師云天不長惡

問文殊問維摩以何爲入不二法門維摩默然未審  
意旨如何師云六隻骰子一時赤問如何是當處常  
湛然師云淨手裝香云如何是見卽知君不可見師  
云觸手拈經問如何是竺土大德心師云草鞋不入  
市問鐵石之心如何去得師云張良下殿走問如何  
是入不二法門師云眉長三尺二

上堂云語中有語名爲死句語中無語名爲活句諸  
禪德作麼生是活句到者裏實難得人若也不動一  
塵不撥一境見事便道答話長老下脚不得東西南  
北莫知多少要得去離泥水活人眼目舉唱宗風激

揚大事不道全無其奈還少卽緣未達其源落在第  
八魔境界中識得箇不名不物無是非頭頭物物  
無不具足道我得安樂田地更不求餘凡有扣擊問  
難卽敲床豎拂更不惜便施設便行便用向惡水坑  
裏頭出頭浸弄箇無尾猢猻到臘月三十日鼓也打  
破猢猻又走却了手忙脚亂一無所成悔將何及你  
若是箇衲僧乍可凍殺餓殺終不着你鶻鼻布衫便  
下座問不犯一切請師提綱師云痂子得夢問如何  
履踐卽得無謔訛師云見之不取思之千里問劫火  
洞然大千俱壞未審什麼人爲主師云陳平不舉令

問如何是和尚。譬不破底。句師云：「孫贖不入市間。」如何是真出家。師云：「剃除鬚髮。」云：「只者莫便是也。」無師云：「因什麼五戒不持。」問：「言無展事。」意旨如何。師云：「漢江不渡船。」問：「不落是非。」請師道。師云：「責云：『慈悲何在。』」師云：「苦口是良藥。」問：「如何是禪師。」云：「熊耳山下問如何。」是無縫塔。師云：「十字路頭。」石師子問：「實際本無憑。」何建立。師云：「新豐老人。」八十八問：「真源無朕兆。」如何話祖宗。師云：「起席不謝坐。」問：「如何是清淨法身。」師云：「渤上裏雀兒。」問：「如何是佛法大意。」師云：「三日風五日雨。」問：「如何是露地白牛。」師云：「針割不入。」云：「飲噉何物。」

師云：「一任東西問。」如何是通身一句。師云：「月似彎弓。」少雨多風。問：「萬緣俱息。」時如何。師云：「甕裏石人賣棗。」問：「如何是道。」師云：「頭不梳面不洗。」問：「牛頭未見。」四祖時如何。師云：「三山帽子。」大袖布衫。云：「見後如何。」師云：「市食齋僧。」問：「一言道盡。」時如何。師云：「吉凶不上卦。」問：「月不當戶。」時如何。師云：「矮子騎馬。」問：「如何是真空。」妙用。師云：「契書鐵券。」權爲用。妙句無私也。是閒問絕點無蹤。時如何。師云：「尖斗量不盡。」問：「如何是學人。」佛性。師云：「來日二十七。」問：「如何是衲僧本分事。」師云：「駝渡漢江。」問：「如何是親切。」一句。師云：「達磨無當門齒。」

上堂學須實學。見須實見。若未諦見。當須克己。參尋博問。先達稍是不得。且向洞山處討箇入路。一切塵刹一切境界。一切佛界一切衆生界。盡十方界一切物類。一時拈來。手內在眼睛裏。亦無來往等相。不礙見聞。覺知。舉起一足乾坤。一時震動。行著一步海水。盡皆波濤湧沸。提起一足須彌山。百雜碎唾一唾虛空。撲落地。諸德每日受用。還自知也。無洞山不獲已。且作死馬醫。對上機兄弟。面前渾成一場笑。具向他上機人前說箇什麼。卽得挨一挨。後一撥。喝一喝。棒一棒。得麼。指天指地。五言七字。得麼。好風好雨。得麼。

如斯舉唱。遍大地。攪不轉。把掃帚掃作一堆。將火燒把。幾縛掉放江裏。從他流下去。且作麼生去也。玃重問：「如何是洞山境界。」師云：「村裏人油葫蘆問身手作罪。」橫羅口舌。時如何。師云：「看錮銘著生鐵。」云：「知過後如何。」師云：「望煙尋食地。」錯入煙皮家。問：「將何指示。」令學人得透金塵。師云：「天子馬蹄鳴問心。」若無事。萬法不生。時如何。師云：「風鈴有韻真堪聽。」聽得猶來曲不成。云：「正當與麼時。」文殊普賢在什麼處。師云：「長者八十。」一其樹不生耳。云：「意旨如何。」師云：「一不成二不是。」問：「如何是學人本來眼。」師云：「旋風不左轉。」問：「維摩堂。」

四世界未審維摩身在什麼處師云在閻黎後底云爲什麼在學人後底師云還我話頭來問法無羈鎖爲什麼趣入却難師云波斯讀梵書問便與麼去猶涉程途省力處乞師一言師云腰帶不著袴問如何是大道之源師云天寬地窄問一切諸佛及諸佛法從此經出未審此經從什麼處出師云一字不著點云如何是一字不著點師云碧眼胡僧笑點頭問如何是離却生死底句師云掃地添瓶問長蛇偃月卽不問疋馬單鎗事如何師云線大鼻孔小問口欲談而詞喪心欲緣而慮忘猶是生死邊事如何是向上

事師云阿難不持梵夾問但得本莫愁末如何是本師云手纖脚大云如何是末師云量不著

上堂云洞山者裏尋常方丈內不似諸方一个上來一个下去啾啾唧唧地衷私說底禪道佛法盡是向你兄弟面前滿口說滿口道滿口拈提滿口樂揀無你左遮右掩處一時和底齟齬出諸德作麼生委悉汝試對衆道看譬如太末垂處處泊得不能泊於火焰之上被他諸方老秃甜唇美舌說作配當道這箇是禪這箇是道這箇是菩提涅槃者箇是真如解脫被丈二釘八尺楔楔在眼裏不知不覺乍到洞山這裏

不知是何說話會得麼直饒會得真如涅槃菩提解脫毫末無差也被條繩子於脚跟下繫却不得出離若是靈利衲僧一咬咬斷作箇脫洒衲僧豈不快哉若三咬兩咬不斷準前打入骨體社裏有什麼出頭時洞山事不獲已傍地裏爲你著力珍重問如何是和尚接人一句師云雞啼不著時隣人半夜行云如何領會師云一任東西問只與麼便請益時如何師云千斤秤不住云鳥道不存也師云錯教定盤星問說者聽者二俱如幻無說無聽時如何師云馬趣不上云與麼則信受奉行師云還我話頭來問如何理

論卽得不昧師宗師云天地玄黃問不變不動是何境界師云臘月三十日問如何是一真境界師云衲僧破草鞋問離却有無請師端的師云三脚貓子無耳掾問兩處俱亡時如何師云把針失却線問不歷古今句請師運普音師云惜大騎驢云與麼則學人側聆也師云手提巾子問卽今心卽不問如何是本來心師云腰長脚短問不動智源如何接物師云大悲菩薩無手眼問面前三事變背後萬般形如何師云那吒不識父云如何是那吒不識父師云眼裏瞳入築氣毬問匝地普天卽不問應機不失事若何師



云三白大衆問如何是正法眼師云六祖愛喫和羅飯問未曾開口道十方佛已知時如何師云不來諸比丘說欲及清淨問生死事大請師相救師云三家村人失却火問承古有言刹說衆生說三世一時說卽不無未審爲什麼人說師云三頭兩面者云爲卽不無還當也無師云蝦跳不出臼問如何是不從師邊得底事師云夜觀乾象問釋迦以何爲師卽得無上菩提師云三千條罪莫大於不孝問知有亦不立妄有亦不生正當與麼時如何話道師云六耳不同謀問如何是大道本源師云赤脚上船問古鏡未磨

時如何師云三番羯磨云羯磨後如何師云爲什麼五戒不持問只者猶不是如何卽是師云天性不喫酒問自古及今不從人得六祖黃梅夜間何事師云志公拄杖云得用時如何師云用那曲尺作什麼問如何是毛吞巨海師云六祖口唇大問如何是會佛法底人師云兩道行纏問青青翠竹盡是真如此理如何師云朝遊山水暮宿草菴問自肯已常人知見已不見已時如何師云看錮鏐著生鐵問纔伸一問悔思不及請師方便師云兩得便宜問如何是學人本分事師云三脚蝦蟇無後脚問目前無朕兆如何

顯真宗師云八十婆婆手擎扇問如何是無心鏡師云水深三尺云還照學人心也無師云徹膽見問一塵纔舉大地全收如何是一塵師云波斯上廟問只見龜毛長不見兔角生請師現兔角師云目裏瞳人築氣毬問絲盡停機是諸佛權行之義向上事請師直道師云多母失愛問諸方卽心卽佛未審和尚此問如何師云無底櫟子七八片問如何是超毘盧越釋迦之談師云迦葉目視佛上堂法鼓纔動大地全收諸德在鼓聲裏來往還知也無對衆道看若道不得被洞山熱瞞下座

上堂卽心卽佛破執二疑非心非佛止宿草菴且居門外向上一路千聖不傳葛藤言語作麼生是衲僧分上事良久云拈得出來也是破草鞋下座問天堂地獄是什麼人居止師云洞山問如何是法身師云穿靴水上行云莫便是否師云水上烏龜頭赫赤問作止任滅猶是禪那之病如何免得師云梵僧不袒肩問未問未答如何商量師云持鉢不得撲破鉢孟問金烏出海耀天地與此光陰事若何師云崑崙渡海誇珍寶波斯門下騁鬚多上堂無邊刹境自他不隔於毫端洞山魚鼓聲動延

慶白馬驚嶺谷隱師僧盡隊入僧堂裏喫飯諸德  
識得幾箇對衆道看若向這裏道得卽有可良善不  
無行脚若道不得闍老徵你草鞋錢有日在便下座  
問超佛越祖人難得請師一句顯根源師云裁衫錯  
却領問古寺清幽如何辯主師云責云你何方便得  
親慈悲師云焚香胡跪問不斷佛種請師一言師云  
犯著太白星問遍地黃金便與麼用時如何師云滿  
天列宿白日雨下

上堂諸德提將鉢囊拄杖千鄉萬里行脚蓋爲生死  
不明要得達法悟道到處豈無親觀尊宿善知識若

爲你解粘去縛道眼分明甄別是非堪爲師匠卽使  
拘折拄杖高掛鉢囊取箇徹頭莫愁不成辦或若開  
口動舌說向上向下這邊那邊玄會妙會道出道入  
君臣父子明體明用盡是誦般若埋沒宗風不識好  
惡尿床鬼子帶累後人無有了日拽下繩床落脊棒  
趂出三門再教行脚與伊爲增上緣也與宗門出得  
氣更向其中义手竝脚喲諾撮他野狐涎唾自肯自  
重云得和尚爲我揀爲我說得箇安樂處還睡覺也  
未還洒酒也未喚作病不遇良醫候服他毒藥認得  
箇驢鞍橋喚作阿爺下領與你本分事有什麼交涉

將知你一生行脚只是踏破草鞋始終成得箇不啻  
啣漢下去問尅已求真是修行人之大錯能辯邪正  
猶乖道體未審如何修證師云六隻骰子一時赤問  
不在內不在外不在中間未審在什麼處師云偏衫  
不蓋體問如何是學人自己師云親人不著便問萬  
緣俱罷六戶齊寧時如何師云天晴不肯去云便與  
麼去時如何師云須待雨霖頭問盡大地人來如何  
指示師云舌頭拄上問請師出橋師云七顛八倒  
問心境未明時如何師云吐舌至頂相問大藏教是  
一場是非學人親切請師道師云有手不彈拈問天

皇打典座意如何師云喫酒不啣座問如何是學人  
究竟事師云說云未審說箇什麼師云泥裏撼佛問  
如何趣向卽得至理無差師云垂釣水上云與麼則  
謬向途中枉施功師云自知較一半問但得本莫愁  
未如何是學人本師云草鞋無底問如何是塵劫不  
昧底事師云脫衣不渡水問添一減一理歸何所師  
云三年一閏問真修道人不可見世間過未審世間有  
什麼過師云兩人著緋一人著皂問煙雲不到處喚  
作什麼師云燒錢不及時云與麼則劃地作佛像去  
也師云自尿不覺是問三身中阿那身說法師云親

言出親口問如何是說底口師云還我話頭來問如何是撥塵見佛底句師云楚山頭上播紅旗問心不是佛智不是道還有過也無師云知他大小問生死根源請師指箇入路師云頭破額裂云學人不會乞師指示師云天上天下問承古有言天得一以清地得一以寧君王得一以治天下衲僧得一時如何師云五九四十五太陽來入戶問佛法禪道是同是別師云梳頭不洗面問明月當空如何鑒照師云量之不足問久淘砂磧未覩真金請師指示師云入水不濕脚云與麼則學人得用去也師云爭奈脚板潤云

一言可以喪邦師云不知是不是是即也大奇問諸方盡在繩墨裏未審和尚此問如何師云篙箭射須彌問扶籬摸壁時人盡知諸佛正法眼請師直指師云夢裏打三更問十二時中行住坐卧自省覺時如何師云看人喫飯云爭奈樹影不斜何師云親言出親口問一法若有毗盧墮在凡夫萬法若無普賢失其境界未審如何即是師云眼裏瞳人築氣毬問森羅及萬象皆從一法所印如何是一法師云要你眼作什麼云還許學人受用也無師云可惜許問金鎗現前請師辯師云兩脚蝦蟇吞却月問的言無證時

如何師云牙疼灸左耳云甘苦常言師云聽事不真喚鐘作甕問如何是不歷巨海獲驪珠底人師云四手八臂問久昧衣珠請師指示師云磁石不攝針問鸞鸞似月廓落三星西土即無此間事如何師云東南西北問十二時中如何得與道相應去師云枯東摸西問從上宗乘請師垂示師云老鴛線斷問一念未生爲什麼不見自己師云割地成牢問盡未來際遍法界中盡此一句時如何師云有錢千里通無錢隔壁驛

上堂九丹一顆點鐵成金至理一言轉凡成聖世間

法亦復如是洞山且問諸德作麼生是轉凡成聖底道理試對衆道看雖然不出頭肚裏道了也作麼生是轉凡成聖底道理且道轉箇什麼莫瞋睡作麼生莫是一喝一棒麼如此見解是街頭巷尾打鐵磬輪木槌數珠念喝囉怛那行者輩見解在你衲僧家合作麼生須是具眼方能辯邪正莫只與麼過諸德時不待人切須努力睡一覺起來看取是什麼道理久立聆重問不與萬法爲侶底人還有向上事也無師云道士頭戴冠問如何是佛師云灼然諦當問如何是三寶師云商量不下問如何是清淨法身師云醫



甕裏蛆兒問一箭便中時如何師云過云過在什麼處師云著

上堂且如禪師者須是已事分明具擇法眼遍參知識方辯祖宗法胤水乳岐分若不然者何名衲僧行脚不遇師匠最苦莫過於此可惜許大丈夫兒莫喂喂囉囉地禪德洞山尋常道待我家園麥熟事持磨麵作箇餛飩屈取東西南北善知識同共一筵破除了盡與伊出却釘拔却櫛拈却炙脂帽子脫却鶻臭布衫作箇洒洒地禪師後代學人有可依倚豈不俊哉問如何是洞山劍師云問作什麼云也要知師云

罪過問如何是古佛劍師云何不問云用者如何師云鉛刀子問承古有言諸旋未息彼物先住尚不可得意肯如何師云虛空擲骰子

上堂莫捏目妄想總不如是道本無機豈留心法諸德且作麼生領會莫錯會好珍重問承古有言其中長者子箇箇盡無視如何是長者子師云只你是云是箇什麼師云貓兒打筋斗問如何是洞山師云動則傾湫倒岳不動即天地黑暗問學人欲殺父殺母如何下手師云急問非時親觀請師一句師云對眾作麼生舉云據現定舉師云放你三十棒云有什麼

罪過師云罪不重科問風不鳴條雨不破塊是什麼人分上事師云要道即道云便請道師云分付不著人却令道者怪問久居洞中為什麼一物全無師云脚大木屐小云如何領會師云直觀步問如何是室中人師云不在外問壁上有一高僧至時還說法也無師云來去不住問大眾雲臻請師略舉綱要師云水上浮漚呈五色海底蝦蟇叫月明問洞山雲茂為什麼無味師云驗在目前問朗月當空是什麼人境界師云閻黎境界云為什麼日用不知師云非洞山過問如何是籠中鳥師云在籠中多少時云只爲籠

中鳥師云却飛去問學人欲伸一問爲自己不見時如何師云無背面問朗月當空為什麼不見自己師云近後問如何是沙門行師云不損人問雲水是人遊是什麼人能到峰頂頭師云無足人能行無手人能執問佛即不問如何是法師云你為什麼不出家問無佛無人處法從何生師云你在什麼處出家云現在日前和尚自看師云五戒也不持問目覩瞿曇猶如黃葉意肯如何師云襄州土宜不出別物問量闊無邊爲什麼不容自己師云窄問曹溪一句即不問如何是雲門一句師云天下人咬不着云還當得



生死也無師云是何生死問佛佛相應祖祖相傳未  
審相傳底事如何師云此去韶州八百五十云與麼  
則有口不如無聲師云速須懺悔問孽破成狼籍渾  
崙又不成業病俱消處便請師商量師云雲生嶺上  
水出高源云與麼則師子吼也師云還我師子吼來  
問無心道人還有法示人也無師云黑地入漆甕云  
既是無法緣何得入師云到老惺惺問如何是動乾  
坤底人師云須彌山上打筋斗問作可永劫受沉淪  
豈不將身求半偈師云官不容針私通車馬云與麼  
則和尚容許也師云且領前話問大藏教是箇切脚

如何是字母師云啞子上刀梯兵馬都監太保問眼  
處入正受諸塵三昧起此意如何師云洞山茶碗裏  
有太保太保茶碗裏有洞山太保無語將此話問尊  
宿谷隱云不落無言說延慶云喚什麼作三昧師問  
僧莫便是新到否僧云是師云夜來投栖處今朝事  
如何僧云今朝風較急青山背上行師云不是更道  
僧云珍重師便打問如何趣向即得至理無差師云  
垂釣水上云與麼則謬向途中枉施功師云自知者  
少問鼓聲纔罷大衆雲臻學人與麼來請師速道師  
云撥雲看日暈坐水看山行問釋迦掩室於摩竭淨

名杜口於毗耶街是中下之機向上一路請師說  
師云玄玄無倚靠迥迥勿人知問輪王寶劍當露現  
前輪王即不問如何是寶劍師云水裏無魚人皆信  
空裏行船笑殺人問諸佛非我道誰是最道者師云  
樓上打鼓聽聲在外問父母非我親誰是最親者師  
云癡子買甜瓜問真即幻幻即真離此二途如何道  
師云臨河照影云與麼則又手背背退身三步師云  
若不同床卧焉知被裏穿問衆魔到來如何支遣師  
云鍾馗解舞十八拍云還受厭懷也無師云信邪創  
見死入地獄問自知當作佛未審什麼人證明師云

善婆賣針筒問寂寂無惺惺時如何師云波斯不過  
江問藤蘿高萬丈身與白雲齊時如何師云昔時東  
海曾相識却向西山弄日頭問擬問和尚有煩尊重  
擬欲不問已事未明今日上來問即是不問即是師  
云今日敗闕云為什麼如此師云虛空恒赫無涯畔  
海月圓時無別天問如何是透法身句師云千江有  
水千江月萬里孤舟萬里身問學人擬歸鄉請師指  
路頭師云楚山頭向東問如何是祖師西來意師云  
衣衫不整問以字不成八字不是未審是什麼字師  
云波斯入市問大海有珠驪龍守護時如何師云因

問如何是諸佛出身處師云楚山頭問心外無法不可所求法內無心不可所得離此二途如何是道師云紙上畫鍾馗問真空得之不空妙有得之不有衲僧得之如何師云拈匙不把筯云與麼則一切法常也師云只爲不常問承師有言禪子相投西山月落未審落在什麼處師云手裏把釣問心外觀法法不際心心內觀法法源不達如何是本源師云面上眉長三尺二問停真罷想時如何師云水底弄傀儡云誰是看翫者師云停真罷想者云與麼則大盡三十日小盡二十九也師云你見什麼道理云某甲合喫

和尚痛棒問知而不悟時如何師云草鞋縷子斷問虛空無口憑何說師云木履背長三尺二問撥塵見佛時如何師云簪竿頭上不插標問德山入門便棒臨濟入門便喝未審和尚意旨如何師云尖斗量不盡云還有爲人處也無師云頭戴天脚履地師到雲門雲門問近離什麼處師云檣渡門云夏在什麼處師云湖南報慈門云幾時離彼師云八月二十五門云放你三頓棒師晚間入室次却問今日祇對次蒙和尚放三頓棒未審過在什麼處門云江西湖南便與麼商量師於言下大悟遂云他後向無人煙處卓

箇庵子不畜一粒米不種一莖菜接待十方往來盡與伊抽釘拔楔拈却炙脂帽子脫却鶻鼻布衫教伊洒洒地作箇衲僧豈不俊哉門云你身如椰子大開得許大口

上堂洞山普樂無言展托終日現前誰知適莫無遮無障不知不覺更有一言乾乾爆爆

歌頌

隨物通真頌

并序

至大莫若於道至廣莫若於法無言表而不顯於道無物象而不出於法且夫衆生浩浩窮本末以何歸

處處忙忙據生死而何托洞山聊述一頌提舉大綱號隨物通真頌曰

現在目前何易何難將何指陳表法無言物之有物言之有言明明無礙了了無邊見之成道不用再三物物是我河沙體今法無法口無可言眼見耳聞白日青天東西南北土大德印之可印燈之燈傳著衣喫飯文殊普賢手提巾子赤脚上船是水是火本絕諸緣禪僧座上庶民大官寬衣大袖窄領布衫接延賓客對答語言高之與下不在詐言上徹天界下透黃泉不是別物古聖皆傳得之可保見之安然

今之浪說出自無端更有一言好看好看

明道頌

大道坦然廓落無邊了了虛微寂然何安含容妙用  
隨物方圓自本心法衆生迷源道無別道玄無別玄  
向說不信須要攀緣識心是佛了卽是安心將何識  
識者何心心識兩亡見道在先從古至今體自如然  
凡聖共有沙界同源前賢後哲悟此而傳著衣喫飯  
語默言詮不是別物是箇癡頑快須提取勿放狂顛  
巧施妙句廣引多般揚眉瞬目閃爍機關以此爲解  
千山萬山人迷逐物切要自看自看得力諸聖准則

東坡志林卷之五十八

五

五

行住坐卧皆承恩力成佛作祖越此不得不得伊何  
要你消磨坐看北斗立觀黃河天南海北於我於何  
明明了了你何不曉惺惺皎皎於何不照世界根源  
衆生祖老終日現在名名善巧說之已說聽亦甚好  
會與不會任自長保

真讚

一巧一拙誰許甄別青山白雲兒孫皆說窈窕邪身  
頭尖鼻缺所額看魚焚香祭懶

又

空生幻身幻滅空存谷傳其聲鐘受其音取之寫邈

號之曰神一言纔發四驥難尋月之有水鏡之有塵  
不可虛傳洞山之真

又

身不奇兮貌不揚語不異兮法不藏滿天星宿兮月  
中月白日金烏兮海岳彰

又

我教不寫又被寫我教不圖又被圖可惜半匹青絲  
絹畫了令人笑一場

又

月兔走入海日鳥飛上山見此若不會虛度幾千年

五

東坡志林卷之五十八

五

色空頌

眼病生色空病仍存真空真色日月乾坤白日買賣  
夜裏屈人東西南北碧眼胡僧

示徒頌

洞山寂寞無可依托禪子相投西山月落

提綱頌

洞山月冷雪漫漫綠水清風刮骨寒言談語句無滋  
味釋迦達磨海東邊

投機頌

向你道泄天機我不會汝惺惺徧法界何不明開眼

睡悟卽驚好問伊是阿誰共商量莫相悞快道取者衆生

剪商量頌

見非言說知眞語卽是非盡龍頭似馬那箇得便宜指話會頌

洞山語孤孤言淡入難措舉目會宗風辜負西來祖

指通機頌

洞山寂寞一無可有無味之句塞斷人口

明心頌

禪不禪律不律赤脚著鞋水上立大洋海底黑雲生

回頭西山日初出

因事頌

五臺山上雲蒸飯佛殿前狗尿天幡竿頭上煎餛飩子三箇猢猻夜簸錢

牛兒頌

自牧一牛兒出入無欄圈放在芳草中毛色方能顯朝去無人趁暮歸無人喚其力不可當有角無鼻總不使任從伊使著隨人轉天下無荒田盡是此牛變有人若覓伊走去天涯畔牽來似諸人問汝見不見隨牛狗兒

家有一狗兒駭小人難見終日隨牛去未省使人喚見客不作聲見人偏能善擬議上門來早是輸他使好好報禪師須著精神看任汝靈利人不覺爲死漢

法身頌

法身寥廓徧河沙萬象森羅共一家法法盡含眞妙用莫將眼病見空花

報身頌

報身具足無窮體現用分明勿是非悟了始知言無異休將巧妙用心機

化身頌

化身來往任縱橫隱顯諸緣應萬機只道見心非不見剛須見外強生疑

又述一頌

洞山有一語道得無用處對面共商量脫衫着却袴

又

道本無言詮言詮非本妙對面共商量誰人能得了

又

洞山有一言對答須提舉瞪目若思量者漢去去去彭殿直問和尚年多少師有頌

一臘更一臘相續已年高住持無別物化導勿劬勞



勸人常有語不用苦切切只爲他不信佛大卽泥多  
十心頌

心是春普雨山河及大地澀酸鹹淡甘與苦盡受春  
功滋助力

心是水任器方圓與寬窄或直隨人得濁惡諸般皆  
盡法王法

心是火熱得衆生煩惱果枝枝葉葉普皆榮開得心  
蓮花一朵

心是秤萬戶千門同共用纖毫輕重自低昂便合自  
知不高穩

心是尺示與世人生條直莫教指下有推那地獄三  
塗難得出

心是斗量盡天涯是非口堆山積岳在心思死後波  
吒親自受

心是燈照見人間黑暗心指教直行不能行須作欺  
瞞地獄因

心是鏡照破人間邪與正對面言談恰似直背後猶  
來黑似漆

心是道凡聖同居月皓皓只於閑處證菩提便合如  
來真正道

心是師條貫六賊不暫離時時呼喚在目前纔使出  
門不柰伊

廊書狀上頌

十載學玄微今朝方息機洞山一句子落處少人知  
師却問作麼生是洞山一句子書云逼塞虛空師云  
大好少人知書却問作麼生是洞山一句子師云峴  
山亭上無字碑  
古尊宿語錄卷之三十八

古尊宿語錄卷之三十八

古尊宿語錄卷之三十八

三

金壇居士于五立施貴刻此  
古尊宿語錄卷第三十八計字一萬一千二百  
八十個該銀五兩八錢六分七厘  
死陵釋如圭對上元正歲民書深水崇宗來刻  
萬曆丁巳歲春三月徑山化城寺識

古尊宿語錄卷之二十九  
智門祚禪師語錄

門人住明州雪竇山資聖寺明覺大師賜紫

重顯述

上堂良久師顧視左右云莫有作家戰將出來雖然如是風不來樹不動時有僧問十地菩薩見性如隔羅縠祇如初地菩薩又隔什麼師云須彌山進云如何透得師云三生六十劫僧問一機未發如何辨其語脈師云大眾可驗僧云學人如何進向師云退後三步僧問格外稱提請師舉唱師云你合作麼生進

云與麼則承指示也師云莫妄想問曹溪路上還有俗談也無師云六祖是盧行者問一切智智清淨還有地獄也無師云閻羅王是鬼做問如何是佛師云踏破草鞋赤脚走進云如何是佛向上事師云拄杖頭上挑日月問蓮華未出水時如何師云蓮華進云出水後如何師云荷葉師乃云一法若有毗盧墮在凡夫萬法若無普賢失其境界正當與麼時文殊向什麼處出頭若也出頭不得金毛師子骨折又云正好一盤飯莫待糝椒薑便下座因舉僧問香林雲門親的旨今夜囑何人林云涅槃經僧云與麼則親的

林云末後品時有僧問師涅槃經意旨如何師云大喻八百小喻三千進云末後品意旨如何師云維足三峰頭倒卓又云會麼僧云不會師云直待彌勒下生來問師子返躡即不問虎頭生角時如何師云生得幾箇進云涅槃則學人退身三步師云龍頭蛇尾問如何是大乘修行師云擔枷帶鎖問既是龍居未審龍在什麼處師云眼下一帶青僧云學人未曉此意如何師云瞎

上堂云汝若進一步即迷其理若退一步又失其事若也寂然地又同無性作麼生免得此過所以古人

道明知與麼故合不犯正當與麼時切忌倒創者便下座問古人拈起拄杖意旨如何師云看樓打樓進云放下拄杖意旨如何師云百雜碎問聖僧為什麼被大蟲咬師云不錯問如何是離却藥忌一句師云口是禍門又云叉手當智問魚游陸地時如何師云取死不遲進云却下碧潭時如何師云鑽泥刺土問牛頭未見四祖時如何師云天寬地窄進云見後如何師云地窄天寬

上堂云德山入門便棒臨濟入門便喝你且道山僧者裏用箇什麼還有人委悉麼不如歸堂向人珍重

上堂云三兩日來好春雨可謂霽靄凡夫人見水是  
水天人見水是琉璃魚龍見水是窟宅餓鬼見水是  
火你衲僧家喚作什麼你若喚作水又同凡夫見若  
喚作琉璃又同天人見若喚作窟宅又同魚龍見若  
喚作火又同餓鬼見是你尋常還作麼生所以道若  
是得底人道火不燒口道水不溺身你每日喫飯還  
少得一粒麼又古人云終日著衣喫飯未曾咬著一  
粒米未曾掛著一縷線雖然如此又須實到者裏始  
得若未到者田地且莫掠虛問諸法寂滅相不可以  
言宣時如何師云好箇問頭進云潛麼則市地普天

史冊

古唐僧錄卷之三

三

師云更是一堆問如何是無縫塔師云四楞著地進  
云如何是塔中人師云鼻孔三斤稱不起問威音王  
以前是什麼人先悟師云何不問露柱僧云便潛麼  
會時如何師云二頭三手問威音一響妙色已彰時  
如何師云兩重公案問既是普眼爲什麼不見普賢  
師云弄巧成拙問學人有龜毛拂子將奉師時如何  
師云老僧有兔角拄杖與闍黎進云與麼則進貢得  
賞也師云三十年後此話大行  
上堂云諸上座且得秋涼正好進道決擇還有疑情  
出來對衆大家共你商量理長處就所以趙州八十

尚自行脚祇是要飽叢林又且不擔板若有作者但  
請對衆施呈忽有騎牆察辨呈中藏鋒忽棒忽喝或  
施圓相忽象王迴旋忽師子返躑忽作大師子吼忽  
拗折拄杖忽掀倒禪床但請施設還有麼衆無對又  
云若是宗門中兒孫須瞻祖師機方可是祖師苗裔  
不可喫却祖師飯著却祖師衣趣讀過日便道我是  
行脚僧者箇祇喚作名字比丘徒消信施閻羅王久  
後徵你草鞋錢有日在莫道我得便宜忽然一日眼  
光落地入地獄如箭射又圖箇什麼各自著便宜又  
不是憨漢也久立

史冊

古唐僧錄卷之三

四

因歲朝上堂云斬新日月特地乾坤人人盡加一歲  
你道露柱年多少還有人道得麼對衆道看若道不  
得山僧與你註破也祇是甲子會時有僧問大用現  
前不存軌則時如何師云你爲什麼趯破脚指頭問  
日用而不知常用事如何師云兩重公案進云潛麼  
則更不運步也師云草鞋底穿問金剛眼中著得箇  
什麼師云一把沙進云爲什麼如此師云非公境界  
問如何是學人自己師云問底是誰僧云學人請益  
師云也是作賊人心虛問絕功勳處如何履踐師云  
更買兩緇草鞋進云潛麼則退步也師云太少在問

上堂云是你諸人橫擔拄杖出一叢林入一叢林你道叢林有幾種或有梅檀叢林梅檀圍繞或有荆棘叢林荆棘圍繞或有荆棘叢林梅檀圍繞或有梅檀叢林荆棘圍繞祇如四種叢林是你諸人在阿那箇叢林裏安身立命若無安身立命處虛踏破草鞋閣羅王久後徵你錢有口在問衆生有難炭庫裏藏身諸佛有難火燄裏藏身衲僧有難甚麼處藏身師云你

不是衲僧問既是龍居爲什麼不降甘雨師云疎田不貯水進云潛麼則衆生無賴也師云悲龍爭柰何問國師三喚侍者意旨如何師云憐兒不覺醜進云國師辜負侍者意旨如何師云美食不中飽人食進云侍者辜負國師意旨如何師云粉骨碎身未足酬問三身中那身說法師云闍黎鼻孔塌進云因什麼如此師云謫斯經故獲罪如是問既是諸法寂滅相爲什麼却有真說師云話墮也進云寂滅相又何在師云不在你口裏問如何是一大事因緣師云問取目健連進云學人不曾乞師再指師云舍利弗當知

常現如何是常現底一角師云險

上堂云數日好雨且道雨從什麼處來若道從天降  
那箇是天若道從地出喚什麼作地若更不會所以  
古人道天地之前徑時人莫強移箇中生解會眼上  
更安錐又云赫日裏我人雲霧裏慈悲霜雪裏假福  
電子裏藏身還藏得身麼若藏不得却被電子打破  
你觸醜

上堂云茫茫宇宙人無數幾箇男兒是丈夫且道男兒與丈夫是同是別所以古人道佛法無多子其中難得人且道難得什麼人祇是難得不會佛法底人



衆中還有不會佛法人麼若有吐露箇消息來看所以黃梅七百衆却被行者傳衣得法去且道行者還會佛法麼故知籌盈石室童子悟道又何關多口衲僧之事

上堂云雪峰輓毬羅漢書字歸宗斬蛇大隨燒畬且道明什麼邊事還有人明得麼試道看若明不得所以道斬蛇須是斬蛇手燒畬須是燒畬人瞥起情塵生妄見眼裏無筋一世貧問如何是大通智勝佛師云言無再響進云如何是十劫坐道場師云禍不單行進云如何是佛法不現前師云金屑雖貴進云如

何是不得成佛道師云眼裏着不得問久雨不晴時如何師云蘿蔔不生根進云既是久雨爲什麼不生根師云一任叫皇天問如何是形山寶師云你有幾條袈裟進云請師指示師云一任亂走問如何是不變異句師云愛也進云畢竟如何師云鳬脚長鶴脚短

上堂云若欲多求恐妨於道祇如諸上座還得道業成辦也未若也未辦千般巧說不益其心萬種思量是何道理所以古人道你若無心我也休晴乾不肯去須待雨霖頭問如何是般若體師云蚌含明月進

云如何是般若用師云兔子懷胎問三春已去九夏又臨學人未明乞師直指師云打你頭破作七分僧云也知師爲迷徒切爭奈學人未曉何師云非日月啓問經有方便學人情學人上來乞師直指師云見成公案進云未審學人過在什麼處師云放你三十棒問未有世界時還有佛法也無師云少一時不生剩一時不死問拈槌豎拂揚眉瞬目卽不問向上一路請師舉唱師云你爲什麼擔枷過狀進云與麼則謝師方便師云罪不重科問師唱誰家曲宗風嗣阿誰師云重疊關山路進云今日一會又奚爲師云對

牛彈琴問真源無朕兆如何話祖宗師云句裏明人進云潛麼則南山起雲北山下雨師云楊花得暖風問如何是透法身句師云綯絲繫露柱上堂云千人排門不如一人拔關僧便問如何是千人排門師云守株待兔進云如何是一人拔關師云你不是者手脚問如何是禪師云最苦是黃連進云如何是道師云甜底是甘草

上堂云鼓聲纔罷罕遇作家僧出禮拜師云打鼓爲三軍僧云長蛇偃月休施展匹馬單鎗謾立功師云水消瓦解僧云諾師云蘇嚕蘇嚕問空王殿中以何

爲侍者師云樓至佛

上堂云南泉道自小養一頭水牯牛擬向谿東放不免食他國王水草擬向谿西放不免食他國王水草不如隨處納些些他總不見所以雪門大師道平地死人無數過得荆棘林是好手只饒你截斷凡聖及盡有無也祇是老鼠入飯甕未知有向上一竅在便有僧問如何是向上一竅師便打云我早是將一塊屎鷲口抹了你更來咬我手作麼僧擬議師便趨上堂云神方祕術子父不傳山僧有箇藥方黑豆好合醬便下座問如何是清淨法身師云滿眼是埃塵

文部

三三九

九

問如何是色空師云薤園裏賣蔥問應化非真佛亦非說法者未審是什麼人說師云露柱口脣缺問如何是無底鉢孟師云挂向壁上進云未審將何齋粥師云瓦椀竹筴問如何是佛師云抱贓叫屈問如何是祖師西來意師云山雲野雉問如何是然燈前師云空劫無閒人僧云如何是正然燈師云火星入牛斗進云如何是然燈後師云衲僧天下走問古鏡未磨時如何師云也祇是箇銅片進云磨後如何師云且收取問學人有一問未審師還答也無師云南地鷄北地狐進云意旨如何師云三月裏看問善財入

樓閣是何時節師云末後殷勤進云畢竟如何折倒師云不如退後三步僧云恁麼則古人不光今人不後師云秦王擊缶問終日切切祇爲庭前殘雪如何得雪消去師云相次春來進云恁麼則紅輪起處底穿盡盡師云雪上更加霜問開門造車時如何師云還得成就也未進云出門合轍時如何師云簷般門下問承教有言一人發真歸源十方虛空悉皆銷殞旣是虛空云何銷殞師云歸源者合知進云恁麼則一漚生處衆波同師云細看前話

因李都尉奏師紫衣到日上堂僧問皇恩遠降紫服

文部

三三九

十

新披未審師今將何報答師云頭戴天脚踏地進云恁麼則知恩報恩也師云你也是老鼠喫鹽問照日絲綸自天而降皇恩極大師將何報師云大好天涼進云與麼則雲龍會合日月重明師云閑言語師乃云問話且止斯日皇恩且道自何而降老僧本志弊衣遮幻質糲食補飢瘡無何都尉聞天榮頒紫服着卽又違本志不著又負天心挂不挂且致你道祖師挂什麼衣若也委悉許上座終日着衣未曾挂着一縷絲終日喫飯未曾咬着一粒米若不委悉看老僧今日披衣去也遂乃披衣

師示衆云智門記得在母胎中時有一則語今日舉似大眾諸人又不得作道理商量還有人商量得麼若商量不得三十年後不得錯舉或云登天不假梯偏地無行路正當渭麼時向什麼處安身立命或云千人排門不如一人拔開還有人拔得開麼試對衆道看若道不得且在門外或云日來月往瘡痕轉多你將什麼醫得你若醫不得作麼生奈者瘡痕何或云三十年前卽不問你三十年後不用將來正當卽今還道得麼若道不得一處不通兩處失功或云荆棘叢林則不問你出身一句作麼生道或云頭上霹

靂則不問你雲開雨散道將一句來或云天下行脚道我叅禪你道禪是什麼義或云日裏來往總不疑著半夜裏道將一句來或云橫擔拄杖則不問你針筒鼻孔裏道將一句來或云鉢盂無底成得箇什麼或云狂象無鉤將何制勒若制勒不住莫教犯他苗稼或云天降時雨爲什麼枯木不生花或云天地及日月時至皆歸盡作麼生是透脫一句或云出身一句則不問你三家村裏道將一句來或云衲僧須是透得名身句句方可具得衲僧一隻眼還有道得底麼或云滿口道不著底句還道得麼或云仰面看天

爲什麼不識月或云低頭拾芥爲什麼不見地或云初秋夏末遊山翫水且從你驀劄一問快道將來或云出門一句不問你萬里無雲道將一句來或云陰峻路上則不問你平田莊裏道將一句來或云黃卷赤軸則不問你衲僧分上一句作麼生道或云直得凡聖情盡未是衲僧本分事且作麼生是衲僧本分事試通箇消息來若也道不得莫道龍居相埋沒好

### 綱宗歌

昆明池裏失却劒曲江池內撈得鋸齧齧齧且過時莽莽鹵鹵河沙數糲竭節拽路布劒利衲僧通一

路師子不捉麒麟兒猛獸那堪牀下顧摩斯吒入水去者回休吐黑雲霧俊鷹俊鷂搏天飛鈍鳥難根程不去佛祖言休更舉直饒格外猶未許見成公案早多端那堪更涉他門戶夜烏雞誰捉去天明戴雪遭注胡蜂不戀舊時窠猛將那肯家中死

### 三巴鼻

座主巴鼻休誇不二維摩一默文殊失利衲僧巴鼻高原陸地不生蓮華豈容香氣禪師巴鼻師子遊戲水漲船高捕牢鼠負

### 示衆

何物苦求而不得何物不求而自來何物鐵槌打不  
破何物夜合而晝開若人不曾山僧意琉璃寶殿生  
青苔

因事二首

左轉復右轉身被摩訶衍放下構深泉不論深與淺  
猛燄爐中看月輪急須著眼莫因循若未垂得勞生  
手如何出得燄光身

世尊一日陞座大衆雲集文殊從座而起白槌  
云諦觀法王法法王法如是世尊便下座

文殊白槌報衆知法王法令令如斯會中若有仙陀

客不待眉間毫相輝

汾州莫安思頌

馬祖出得一汾州安思如雷播九州叅禪若無納子  
眼多於海上覓浮漚

雪峰示衆云南山有一條鼈鼻蛇你等諸人切  
須好看

鼈鼻事難提當陽薦者迷舉頭錯入草嶺上鷓鴣啼

雪峰輓毬頌

象骨輓毬孰辨機一千五百幾人知眨起眉毛千萬  
里須是吾門師子兒

僧問雲門如何是吹毛劍門云祖頌

吹毛寶劍問雲門來者殺機豈更存路逢劍客如何  
也覷人擡首向南奔

僧問雲門如何是和尚家風門云有讀書人來  
報

在處叢林有家風且與雲門事不同門外若有讀書  
者任是顏回亦不通

僧問雲門如何是祖師西來意門云日裏看山  
頌

日裏看山也是常西來祖意漫商量金毛師子稀逢

有多是狐狸喚作狼

雲門抽顧頌

雲門抽顧笑喚喚擬議遭他顧鉗喚任是張良多計  
策到頭於此亦難施

僧問大隨劫火洞然大千俱壞未審者箇還壞  
也無隨云壞僧云與麼則隨他去也隨云隨他去

去頌

切忌隨他不曾他大隨此語播天涯真淨性中纔一  
念早是千差與萬差

大隨和尚看烏龜在陸地僧便問一切衆生皮



裹骨者箇衆生爲什麼骨裹皮隨脫一隻鞋蓋却烏龜便去

如龜藏六已彰名休向人前弄眼睛一隻皮鞋都蓋却直至如今猶未惺

僧問洞山如何是佛山云麻三斤

麻皮三斤不用秤秤頭那肯坐於繩一念纔生筋骨露徒勞更覓定盤星

僧問雲門如何是沙門行門云會不得僧云爲什麼會不得門云祇守會不得

君問沙門行沙門行最高若教人會得業性卒難逃

五言

古詩僧詩卷之三十九

五

僧問趙州久嚮趙州石橋到來祇見掠狗不見你祇見掠狗不見石橋僧云如何是石橋州云渡驢渡馬

趙州石橋本無星水急游魚不易停橋上祇觀驢馬跡誰人敢向御街行

趙州問南泉離四句絕百非請師道泉便歸方丈州云者老漢尋常口吧吧地不消一問

離却四句絕百非作者相諳識得伊跳下禪牀便歸去從他鷄子搏天飛

同光帝命諸禪師坐次云朕收得中原之寶祇

是無人酬價興化云如何是陛下中原之寶帝以兩手展幙頭脚化云君王之寶誰敢酬價

君王之寶實難酬興化形言下一籌兩手展開幙頭脚敕書挂在鳳皇樓

南泉齋次自將生盤去首座前云出生杉山時爲首座云無生泉云無生猶是未便過杉山乃召長老長老泉回首云作麼杉云莫道是未頌古老巡堂親掠生渡水行舟不易耕莫道無生猶是未纖毫不了亂縱橫

僧問長慶有問有答賓主歷然不問不答時如

五言

古詩僧詩卷之三十九

六

何慶云相逢盡道休官去林下何曾見一人頌人人盡道我心休問者何曾有地頭口說心違瞞自己業河迅速任漂流

僧問長慶衆手淘金誰是得者慶云有伎倆者得僧云學人還得也無慶云大遠在頌

衆手淘金得者誰纖塵室礙豈能爲洪波浩渺黃金遠一事無成空手歸

古尊宿語錄卷之三十九

智門祚禪師語錄序

利生機要捨悲智無以立言暢道軌圍存中下無以

綠荷非曠發聲動越絕孤應則何以談續千燈芳  
騰五葉師韶陽的孫香林嗣子闢天人之深域振今  
古之洪謨建化度門高運寰海既編聯而互出致流  
落以交叅敢議窺班輒形刪定但貴其簡略而已於  
戲祖胃之來星布攸廣或局一方一師之解玷漬先  
知蘊半禪半律之宜加諸後進起異端於筆舌固狂  
狃於辭鋒譏則明有三句接人指淨慧列三聚之語  
既非撫實頗共傳虛衍惑見聞盜求聲利蓋叢室之  
巨竄也豈堪忍乎夫欲抑其宗必先入其奧儻未甄  
別徒自傷殘魯語所謂君子非詩書不言非禮樂不

動故昔賢人三緘其口以誠于心况吾徒萌一意立  
一事得不務於弘濟而恣銷金銷骨之毀說寧不畏  
慎滅身之斧耶可為龜鑑矣庶知我者觀斯文而絕  
其謗閱于集而味其道則凜凜慧風無遠不及時辛  
未歲裝賓月之五日門人住明州雪竇山資聖寺明  
覺大師賜紫重顯序

全唐詩話卷之九 計字六千一百八  
十八 留詩餘卷 九 分 經縣徐世繼刻  
死陵釋如圭對上元寺 萬曆丁巳歲 雪竇山資聖寺

古尊宿語錄卷之四十

雲峰悅禪師初住翠巖語錄

門人齊曉編

師在同安受翠巖請陞座僧問師唱誰家曲宗風嗣阿誰師云新長老不答話進云恁麼則大愚的子汾陽親孫師云放你二十棒師乃云山僧今日平地喫交了也你等諸人還知敗關麼然官不容針私通車馬拍禪床下座

次夜小叅僧問昔日靈山分半座二師今日意如何師云天高誰側首進云恁麼則昔日靈山今日翠巖

也師云地闌少知音學人喝師便打僧問抱璞投師請師雕琢師云不雕琢進云爲什麼不雕琢師云雲從龍風從虎僧問佛不化本國和尚爲什麼歸鄉住持師云放過一著僧擬議師便打乃云莫更有作家禪客本分衲僧何妨出來共相證據有麼布袋裏盛錫子不出頭來也大好大凡扶豎宗乘亦須是箇人始得若未有奔流度刃石火電光底眼不勞拈出臨濟大師與德山座次德山云今日困濟云老漢寢語作麼山擬拈棒濟便掀倒禪床師云奇怪諸禪德看此二負作家一撥一捺略露風規大似把手上高山

然雖如是未免傍觀者哂且道誰是傍觀者喝一喝擊禪床下座

離同安衆請上堂僧問今離鳳嶺將屆龍沙如何是不動尊師云天寒雨至進云特地上來伸此問師爲如何不指南師云緊捎草鞋乃云山僧道慚荒薄德揣無堪豈謂使命還飛僧徒雲請此蓋堂頭和尚支于情深發揮道廣但勵履冰之志敢忘報德之誠而又翠巖一行專使附近四十餘人數日之間頗多喧聒其於感愧併集山懷兼此者一行叅隨高德既繇成人之美更敦尅志之心其如跋涉長途各希愛護

然出家達士以利人爲己任動若行雲止猶谷神豈有心於彼此情繫於動靜者哉既無心於彼此亦無繫於去來所以紆紆自彼於我何爲如是則冀諸上人高橫金錫輕卷雲袍明日遂行胡往弗利師在上藍開堂宣疏罷遂指法座云還有不受人護底麼有卽出來推倒禪床喝散大衆然未是作家也且救得一半還有麼良久云旣無人出來山僧今日不惜眉毛不免指鹿爲馬翻日作月去也三十年後莫錯恠人好便陞座祝聖畢又拈香云大衆此一瓣香天不能蓋地不能載塵沙諸佛天下老師未敢正

眼觀著諸人向什麼處摸索然官不容針私通車馬奉爲先翠蠟芝禪師乃跏趺而坐維那白槌云法筵龍象衆當觀第一義師云祖禪不了殃及子孫事到如斯寧容分雪所謂出世利生之事呼爲第一義門但有言說都無實義諸人若也委悉山僧出世事畢其或未然有疑請問僧問承教有言若有聞法者無一不成佛此日朝蓋臨筵如何是法師云劍過遠矣爾方刻舟進云大愚山上曾施力豫章今日正宣揚師云臨崖看浒眼特地一場愁問師唱誰家曲宗風嗣阿誰師云識法看懼進云一言纔出駟馬難追師

文淵

重刊詩集卷之四

三

云放過一着僧撫掌師云自領出去問朝蓋已伸三請禮乞師一句露尖新師云重言不當吃進云恁麼則雲散家家月春來處處花師云斫額望扶桑問師有衝天之略學人有入地之謀兩陣交鋒如何卽是師云山僧打退鼓僧擬議師便喝學云相逢盡道休官去林下何曾見一人師云拖出去乃云問話且止佛法正論非競辨而可求擊揚鏗鏘以摧異學諸祖之道豈其然乎所以一大藏教不能自詮十方諸佛不能提唱輝騰今古迥絕見知圓滿十虛寧有方所只爲情生智隔想變體殊雖終口行而不自覺是以

勞他先聖廻首塵勞曲開方便方便卽有還證明得麼若也證明得便能隨機利物應化無方出沒卷舒人間天上然雖如是卽不得向衲僧門下何故笑破他口師入山大衆出接首座問德山宗乘卽不問作麼生是臨濟大用師云你甚處去來首座擬議師便掌首座云勝王閣又作麼生師喝云領衆歸去入院座僧問鼓聲絕名香焚臨濟德山請師決師云頭戴天脚踏地進云學人今日失利去也師云錢唐去國三千里進云真善知識師云放你一頓問知師久蘊囊中寶今日當機事若何師云何不高聲問進云

文淵

重刊詩集卷之四

四

恁麼則學人退身去也師云還我話頭來學云諾師云杜撰衲僧乃云山僧昔年曾到今日重來非唯人事增歡抑亦林泉加秀且道不傷物表一句作麼生道良久云天高東南地傾西北下座上堂僧問師登寶座舉唱宗乘學人上來請師垂示師云楚石不當玉進云相識滿天下知心能幾人師云朽木不可雕復云此是普光明殿華藏師子之座人天普集凡聖共居今日曲順人情如何剖露若以宗乘舉唱直須大地荒涼就下平高未免遭他笑怪且道不落化門一句作麼生道良久云惜取眉毛好



便下座

上堂諸佛出世平地陷人祖師西來承虛接響一大藏教誑誑閭閻明眼衲僧自救不了諸人到者裏憑何話會良久云爲衆竭力禍出私門擊禪床下座

上堂寶劍已失虛舟徒刻買帽相頭江南江北擊禪床下座

上堂僧問如何是道師云路不拾遺進云如何是道中人師云草賊大敗僧禮拜師噓一聲乃云臨濟先鋒放過一著德山後令且在一邊獨露無私一句作麼生道良久云翠巖今日失利以拂子擊禪床便下

五原信語錄卷之四十一

三

座

上堂三轉法輪於大千其輪本來常清淨毗婆尸佛在你諸人眉毛眼睫上放光動地轉大法輪看看見諸人不曾却向翠巖拂子頭上般涅槃去也擊禪床下座

上堂僧問名喧宇宙知師久翠巖家風略借看師云滑石不打連底凍僧便喝師云作什麼僧擬議師便打問鴻門未踏時如何師云擬進云踏後如何師云裂進云恁麼則天下歸漢去也師噓一聲乃云千人排門不如一人踏關一人踏關千人萬人得到無疑

安樂之地豈不快哉如今還有踏關者麼良久云見義不爲何勇之有擊禪床下座

上堂拈起拄杖云金鱗不現虛勞力收取絲綸歸去來擲拄杖下座

上堂過去諸佛已滅未來諸佛未生正當今日佛法委在翠巖放行則隨機利物把住則瓦解冰銷且道把住好放行好良久云咄這野狐精以拂子擊禪床下座

上堂觸巖常干世界鼻孔摩觸家風驀拈起拄杖云玄沙老子穿過了也會麼復云無人過價打與三百

五原

五原信語錄卷之四十一

六

擊禪床下座

上堂僧問寶劍未出匣時如何師云在匣裏進云出匣後如何師云京三汴四問如何是和尚家風師云大木大皮裹進云忽遇客來將何祇待師云小木小皮纏問如何是祖師西來意師云解纜放船問如何是佛法大意師云天長地久進云恁麼則大盡三十日小盡二十九師云釋迦老子爲什麼失却鼻孔僧無語師云脫空謾語漢復云真不掩偽曲不藏直現在可驗固是謾人眼不得且作麼生是諸人眼還驗得麼若也驗得翠巖瓦解冰消若驗不得分付德山

和尚便下座

四月八日上堂僧問如何是佛師云寸釘入木進云意旨如何師云三生六十劫後云教中道四月八是佛生之日放大光明照耀十方地湧金蓮華自然捧雙足東西及南北各行於七步分手指天地作師子吼聲上下及四維無能算我者後來雲門大師奉了云老僧當若見一棒打殺與狗子喫却且圖天下

太平師曰奇怪諸禪德雲門雖有定亂之謀且無出身之路若也辯得許你頂門具一隻眼便下座

上堂翠巖今日不惜眉毛向你諸人道一大藏教祖

師西來天下老和尚橫說豎說並不是衲僧分上事且作麼生是衲僧分上事蓋拈起拄杖云這一隊漆桶便下座

上堂竿木隨身逢場作戲然雖如是一手不獨拍衆中莫有作家禪客本分衲僧何妨出來共相唱和有麼時有僧出禮拜師云依稀似曲纔堪聽又被風吹別調中下座

上堂僧問靈山拈花意旨如何師云一言纔出駟馬難追進云迦葉微笑意旨如何師云口是禍門問圓師三喚侍者意旨如何師云有年有德復云不用愛

聖聖是空名不用厭凡凡是妄立若得聖凡體盡妄作體露真常所以古者道但盡妄緣即如知得諸人還信得及麼若信得及止宿草庵日居月處三十二年後鼻孔撩天莫錯怪人好擊禪床下座

上堂官不容針私通車馬今日不惜身命爲衆人說箇古人話良久云我婆尸佛早留心直至今日不得妙便下座

上堂汝等諸人與麼上來大似刺頭入眼云云其意云去也是平地突交直饒不來不去則打三三事人言便下座

上堂一刀兩段未審宗師就下平高固非作者翠巖到這裏口似樞機你等諸人作麼生商量良久云欲得不招無間業莫謗如來正法輪便下座

上堂看風使帆諸方共用新釘截鐵翠巖不然光吞萬象一句作麼生道良久云龍頭蛇尾溪下座

上堂未達境唯心起種種分別達境唯心已分別卽不生知諸法唯心便捨外塵相諸禪德只如大地山河明暗色空法法現前作麼生說箇捨底道理於此明得正在半途須知向上更有一竅在便下座

上堂三界無安猶如火宅出身一句作麼生道良久

云雲在頓頭開不徹水流澗下太忙生下座

上堂若見諸相非相卽山河大地並無過咎諸上座終日着衣喫飯未曾咬破一粒米未曾挂著一條絲便能變大地作黃金撻長河爲酥酪然雖如是著衣喫飯卽不無衲僧門下汗臭氣也未夢見在下座解夏上堂僧問西天以蠟人爲驗和尚此間以何爲驗師云鐵彈子進云學人無用功處也師云學語之流問如何是諸佛出身處師云十字街頭進云豈無方便師云千重百匝復云日月易流光陰倏忽始見安居又當自恣此夏喜得大衆各道體康安然出

五言古詩卷之二

九

家之流曠達無礙初秋夏末或東去或西去出一叢林入一叢林忽有人問上座翠蠟和尚今夏如何爲人被他一問如何祇對莫道九九八十一莫道但得雪消去自然春到來莫道日出東方夜落西莫道合取狗口莫是下一喝撫一掌坐具壽口撼拂袖便行諸禪德如斯布露深屈翠蠟旣不然者別作麼生披露試對衆道看還有道得底麼衆無語師云若到諸方真道我從翠蠟來便下座

上堂僧問萬法歸一一歸何所師云黃河九曲進云恁麼則今古無間斷也師云可憐沙塞鴈鳴咽與春

期間如何是第一句師云垂手過膝問如何是第二句師云萬里崖州問如何是第三句師云糞箕掃帚問巖山巖崖還有佛法也無師云有進云如何是巖山巖崖佛法師云猢猻倒上樹復云老儒道仁者見之謂之仁智者見之謂之智百姓日用而不知是故君子之道鮮矣肇法師亦謂在天而天處人而人原夫能天能人者豈天人之所能哉諸禪德故知先聖垂範理契必同你等諸人如何委悉良久云穿僧堂入佛殿北斗裏藏身三門頭合掌呵呵是什麼擊禪床下座

五言古詩

五言古詩卷之二

上堂僧問學人心眼未通乞師方便師云十字街頭石幢子僧無語師云會麼僧云不會師云你豈不是洪州人問達磨未來時如何師云流沙浪闊進云來後如何師云熊耳山高問如何是禪師云軍期急還進云有什麼交涉師云日馳五百復云雲從龍風從虎水流濕火就燥且道衲僧就箇什麼豎起拂子云總在這裏裂開也在我捏聚也在我良久喝一喝云王令稍嚴下座

寒食日上堂諸上座還會麼冬至寒食一百五家家塚上添新土翻思拾得與寒山南北東西太華南

泉不打盥官鼓以拂子擊禪床下座

上堂天明平旦萬事成辦北俱盧州長粳米飯下座  
因入城衆請上堂僧問如何是豫章境師云樹色遠  
分仙尉宅湖光寒浸昔賢亭進云如何是境中人師  
云朝看東南暮看西北問如何是名無翼而長飛師  
云天上星進云如何是道無根而永固師云地下木  
有俗弟子問如何是佛師云著衣喫飯量家道進云  
恁麼則退身三步叉手當智去也師云醉後添盃不  
如無復云語不投機承言者喪直饒你說得天雨四  
花地搖六震衲僧門下總是契棒數然事無一向理

天聖

真如

三

出多門曲順機緣豈無方便所以古者道關市裏識  
取天子百草頭上薦取老僧拘留孫佛在你諸人脚  
跟下放光動地轉大法輪乃豎起拂子云看看見你  
諸人不會却向翠巘拂子頭上入火光三昧去也擊  
禪床下座

上堂未離兜率已降王宮未出母胎度衆生畢古人  
與麼道只見錐頭利不見鑿頭方下座

上堂僧問承教有言唯此一事實餘二卽非真如何  
是此一事師云鼻孔大頭向下進云與麼則晨朝有  
粥齋時有飯也師云惜取眉毛好問如何是無縫塔

師云四變著地如何是塔中人師云香風吹萎花更  
雨新好者問如何是衲衣下事師云皮裏骨間半頭  
未見四祖時如何師云庵內人不知庵外事見後如  
何師云水流澗下任縱橫問丹霞燒木佛意旨如何  
師云橫三豎四進云院主爲什麼罵贊墮落師云七  
通八達復云始從鹿野苑終至跋提河四十九年間  
都來說一夢你等諸人還會夢見麼所以道眼若不  
睡諸夢自除且作麼生是不睡底眼還驗得麼若也  
驗得塵沙諸佛天下祖師總向上座眼裏目難得若  
驗不得翠巘今日死中得活

天聖

真如

三

上堂道是常道法是常法汝等諸人切莫枉用身心  
馳求語句所以道似有纖毫卽是塵累意便遷魔境  
擬且道不涉廉纖一句作麼生道慈拈起拄杖云放  
過一著便下座

上堂看竈籠着快罕遇當人通發貶一句作麼生道  
良久云不得春風花不開花開又被風吹落以拄杖  
卓一卓下座

上堂僧問學人解問說訖句請師不答訝人機師云  
髮長僧貌醜進云恁麼則日日香煙夜夜燈師云  
後合掌問承教有言但一月真中間自無是月非月



如何是真月師云驢越大隊進云怎麼則早知今日事悔不愼當初師云脚頭脚尾乃拈拄杖示眾云我喚這箇作拄杖子你諸人喚作什麼若喚作拄杖子蝦跳不出斗若不喚作拄杖子平地上喫交還有道得底麼良久云翠巖今日失利擲拄杖下座

上堂有佛處不得住無佛處急走過你等諸人橫擔拄杖向什麼處行脚良久云東勝身洲持鉢西瞿耶尼喫飯下座

上堂假使心通無量時歷劫何曾異今日且道今日事作麼生良久云烏龜鑽破壁以拂子擊禪床下座

上堂乾坤之內宇宙之間中有一寶秘在形山諸禪德頭上是天脚下是地口裏有舌面上有鼻實在什麼處良久喝一喝下座

上堂見聞覺知無障礙聲香味觸常三昧衲僧道會也山是山水是水飢來喫飯困來打睡忽然須彌山踔跳入鼻孔裏摩竭魚穿你眼睛中作麼生商量良久云參堂去

上堂北鬱正中宵間浮卽當晝輪迴如未惺惺箇何曾與諸上座還會麼有智不假年高無智徒勞百歲冬至上堂畧遲推移日南長至大家知有何勞特地

日落三更騎驢入市恭

上堂觸目不會道猶較些子運足焉知路錯下名言諸上座翠巖今日將錯就錯你等諸人見色有眼聞聲有耳喚香有鼻了味有舌因什麼却不會去良久云武帝求仙不得仙王喬端坐却升天以拂子擊禪床下座

上堂門裏出身易身裏出同難冬行春令卽且是不涉程途一句作麼生道良久云渾家送上釣魚竿便下座

上堂普賢行文殊智補陀巖上清風起驢驢起下座

新羅吉德舌頭三千只

上堂觀色卽空成大智而不住生死觀空卽色又大悲而不住涅槃諸禪德還會麼東勝身洲走馬三三耶尼若撲看看不審維摩老子喝一喝擊禪床下座上堂天得一以清地得一以寧君王得一以治天下衲僧得一旱地遭釘以拂子擊禪床下座

上堂動容揚古路不墮悄然機師云古人與我交關了也還跳得出麼直饒你跳得出鼻孔也在掌裏手裏且道翠巖鼻孔在什麼人處良久云得人一生還人一馬下座

上堂僧問不涉廉纖請師速道師云須彌山僧擬議師便打問如何是第一要師云蛇穿鼠穴如何是第二要師云御獵上樹如何是第三要師云村裏草鞋問如何是般若體師云箭穿楊葉進云如何是般若用師云李廣陷番問如何是清淨法身師云紫枝荻樹云向上更有事也無師云有進云如何是向上事師云風吹日炙復顧視左右云放憨作什麼便下座上堂謹白叅玄人是何言歟光陰莫虛度雪上加霜下座

上堂道遠乎哉觸事而真聖遠乎哉體之即神所以

後別

古真宿錄卷之四

三

娑婆世界以音聲爲佛事香積世界以香飯爲佛事翠巘這裏祇於出入息內供養承事過去未來塵沙諸佛無一空過者過現未來塵沙諸佛是翠巘侍者無一不到如一不到三下拄杖諸上座還會麼將此身心奉塵刹是則名爲報佛恩擊禪床下座

歲旦上堂僧問大衆雲集合談何事師云花須連夜發進云與麼則草偃風行也師云萬里望雲關進云入水見長人師云速禮三拜復云二十六旬竟今朝還復起剎那不相知諸法何曾爾尊卑敘禮儀歡戚同居止廓哉總持門而人不能啓玉兔金烏藏頭露

尾以拂子擊禪床下座

上堂德山入門便棒臨濟入門便喝看這兩箇老漢一場敗闕然則事不孤起必必有因翠巘不著便蓋是爲衆竭力你等諸人平地喫交過在阿誰良久云當斷不斷反遭其亂驀拈拄杖一時趁下

上堂摩竭掩室已不及初毗耶杜詞至今話猶向上一路千聖不傳是什麼熱要當約僧門下壁立千仞也是賊過後張弓是你諸人心憤憤口排排皮下還有血脈總在這裏遮相埋沒有什麼了期以拄杖趁下

後別

古真宿錄卷之四

二五

上堂即今休去便休去若竟了時無了時此事若何言語上作解會意根下卜度天地懸殊大丈夫一刀兩段猶未相應豈況被人喚去方丈裏塗糊指注舉楞嚴肇論根塵色法向上向下有無得失他時後日死不得其地近世更有一般宗匠二三十年馳聲走譽只管教人但莫上他言句喚作透聲色便問東答西以爲格外之句將此狂解遞相沿襲從此混傷宗教誑惑後生苦哉苦哉我王庫中無如是刀總若似與麼行脚清風月下守株人涼兔漸遙芳草綠下座上堂汝等諸人與麼上來大似拋却甜桃樹尋山摘

醋梨大凡行脚人十二時中也須管帶些子始得立  
可只與麼隨行逐隊虛生浪死看他先聖百般不柰  
何了向人道我今爲汝保任此事終不虛也你等諸  
人還信麼直饒向這裏信得及也是聽事不真喚鐘  
作甕以拂子擊禪床下座

到南嶽承天陞座僧問二師相見時如何師云石橋  
通大路進云恁麼則千里同風師云一字兩頭垂進  
云大衆證明學人禮謝師云鈍置殺人問寶座旣登  
於此日翠嶺家風略借看師云兩來山色暗進云莫  
便是和尚家風也無師云鐵山南面三千里師乃云

承天師兄早是瞞你諸人了也翠嶺乍到不可雪上  
更加霜然則一言纔出駟馬難追事到如斯不免塗  
灰抹土蓋爲祖禪不了殃及兒孫三十年後鼻孔遶  
天莫錯怪人好下座

### 次住法輪語錄

初入寺陞座僧問法席久虛師子吼乞師方便震雷  
音師云好生聽取進云與麼則一音纔剖大衆沾恩  
師云雲綻不須藏九尾怒君殘壽速歸丘僧便禮拜  
師乃云法不孤起仗境方生道不虛行遇緣卽應然  
通方之士舉必知歸游涉之徒何妨進步有麼良久

云釣竿斫盡重栽竹不計功程得便休  
上堂一道直如弦家家當戶前有人爭共進至竟絕  
論先喝一喝擊禪床下座

上堂觀色卽空成大智故不住生死觀空卽色成大  
悲故不證涅槃繫繫拈拄杖云豎窮三際橫遍十方塵  
沙諸佛天下祖師盡在拄杖頭上縱橫十字轉大法  
輪見麼見麼見你諸人不會走入新羅國裏去也卓  
拄杖下座

上堂春日雨滋雷薄逐根苗得門戶甜者甜兮苦者  
苦便下座

上堂相逢不擎出舉意便知有也是萬里望鄉關所  
以保福有言擊石火閃電光透得透不得未免喪身  
失命而今還有透得底麼良久云爲衆竭力禪出私  
門下座

上堂火熱風動搖水濕地堅固然於一一法依根葉  
分布所以雲從龍風從虎水流濕火就燥且道衲僧  
就箇什麼良久云千箇作團萬箇作隊困則一處睡  
夢則各自做便下座

上堂僧問久戰沙場爲什麼功名不就師云誰遣你  
進云道泰不傳天子令時清休唱太平歌師云誰遣

你復云元首明哉股肱良哉風以時雨以時五穀熟萬民安有什麼事但能隨順世緣自然合於正理不見祖師道入得世間出世無餘諸禪德還會麼良久云三邊若得渾無事四海何愁不太平下座

開堂陞座僧問善法堂開於此日第一義諦請師宣師云何不早問進云學人未曉師深旨乞師方便再垂慈師云去去西天路迢迢十萬餘問如何是法輪境師云峒嶺峰高雲半出進云如何是境中人師云五湖來往任縱橫問如何是和尚爲人一句師曰雨來山色暗進云莫便是和尚爲人處也無師云你眼

在什麼處僧擬議師便打乃云且住且住大象既消希音杳絕旁通實化開拓權門於是三藏五乘對機設教猶國家兵器不得已而用之爾後達磨西來單傳心印一花五葉分布寰中大似持鐺作啞何故況你諸人各有一段事耀占騰今通廊等於太虛明淨同乎皎鏡現在可驗固是瞞人眼不得且何者是諸人眼還驗得麼若也驗得塵沙諸佛三乘十二分教六代祖師天下老和尚盡向諸人眼裏百雜碎若驗不得前是案山後是主山良久復拈香云此日一會固非小緣匝地普天孰不欣慶更不敢祝贊皇風回

向諸僚何故古人道吾禱久矣豈況當今聖主賢臣者哉久立大衆伏惟珍重

上堂直得地搖六震天雨四花祖師門下白雲千里萬里下座

上堂叮嚀損君德無言最有功任從滄海變終不爲君通諸禪德還會麼口是禍門擊繩床下座

上堂拈起拄杖云掌鉢孟向香積世界爲什麼出身無路挑日月於拄杖頭上爲什麼有眼如盲直得風行草偃響順聲和無纖芥可留猶是交爭底法作麼是不交爭底法以拄杖卓一卓下座

上堂舉教中道此見及緣元是菩提妙淨明體又道林木池沼皆演法音交光相羅如寶絲網奇怪諸禪德古聖與麼說話喚作回首塵勞先起會麼拂子如我按指海印發光汝暫舉心塵勞先起會麼拂子且將揮世界拄杖權爲答話人以拂子擊禪床下座上堂僧問浩浩之中如何辨主師云波斯入關市進云與麼則不假披沙也師云學語之流僧便禮拜師云語不離巢道焉能出蓋纏片雲橫谷口迷却幾人源下座

上堂有情之本依智海以爲源含識之流總法身而



為體只為情生智隔想變體殊達本情亡知心體合  
諸禪德會麼古佛與露柱相交佛殿與天王鬪額若  
也不會單重交拆擊禪床下座

上堂拂子吞却須彌山尋常言論德山卓牌關市裏  
作麼生商量良久云官不容針私通車馬下座

上堂僧問金烏未必常當午玉兔半夜不曾昏時如  
何師云點即到僧無語師云會麼僧云不會師云  
到即到不點問如何是心地法門師云莫從人覓進云  
不從人覓如何得師云此去衡陽不遠乃云諸禪德  
既入叢林善叅知識知識非他非他謾覓法性徧圓

心源湛寂避尚無門求之何益君不見黃檗掩耳百  
丈卷席直下分明無別消息得失是非一時水釋喝  
一喝下座

上堂玄沙不出嶺保壽不渡河善財叅知識五十三  
負慧遠結黑白一十八士雪峰三度上投子智者九  
旬談法華且道這箇漢是野干鳴師子吼喝一喝擊  
禪床下座

上堂未離兜率已降王宮未出母胎度眾生畢法輪  
到這裏有口無用處你等諸人還相委麼若相委  
悉天下老和尚鼻孔總在你手裏若也不會啼得血

流無用處不如緘口過殘春下座

上堂舉不顧即差互擬思量何劫悟乃豎起拂子云  
如今舉了也你作麼生顧良久云擬思量何劫悟擊  
禪床下座

上堂舉教中道於三七日中思惟如是事我寧不說  
法疾入於涅槃師便喝云當時若有人出來下得這  
一喝塞却老胡咽喉豈不天下肅靜四夷蕩蕩而今  
放開了也是你諸人還皮下有血麼良久云為家竭  
力禍出私門拍禪床下座

上堂古鏡照精其精自形古教照心其心自明諸禪  
德會麼心明諸法朗性味眾緣昏日月不到處特地  
好乾坤喝一喝下座

上堂十方同聚會箇箇學無為此是選佛場心空及  
第歸古人一期與麼道衲僧家還甘也無若甘去行  
脚眼在什麼處若不甘轉身一句作麼生道良久喝  
一喝拍禪床下座

上堂聲色不到處病在見聞言詮不及處過在唇吻  
離却咽喉一句作麼生道還有人道得麼若道得坐  
却天下人舌頭若道不得法輪門下有粥有飯下座  
上堂便與麼會也是雪上加霜更待鼓兩片皮白雲

千里萬里擊禪床下座

上堂語不離窠臼焉能出蓋纏白雲橫谷口迷却幾人源所以言無展事語不投機承言者喪滯句者迷你等諸人到這裏憑何話會良久云欲得不招無間業莫謗如來正法輪珍重

上堂舉教中道林木池沼皆演法音交光相羅如寶絲網又道鐘鳴鼓響宜真實水綠山青爲舉揚諸禪德還會麼忽若有箇衲僧出來道話墮也且作麼驅遣良久云啼得血流無用處不如緘口過殘春

上堂舉古者道學道先須有悟由還如曾關快龍舟

法苑珠林

卷之四下

三

雖然舊開閑田地一度贏來方肯休古人與麼道大似貪觀白浪失却手橈衆中還有檢點得出底麼若檢點得出救取古人若檢點不出法輪今日失利去也擊禪床下座

後住雲峯語錄

上堂古者道風動心搖樹雲生性起塵若明今日事暗却本來人今日事且置作麼生是本來人良久云鶴有九皋難翥翼馬無千里謾追風珍重

冬日上堂節令屈書雲山家何所論一輪纔出海萬類盡沾恩以拂子擊禪床下座

上堂舉明教大師示衆云初秋夏末莫道我不向你諸人道大家看火燭師云明教老人憐兒不覺醜蓋由土曠人稀是你諸人今夏在這裏老僧深不欲回你道惜取眉毛好便下座

上堂古者道古路若爲登金僊道可憑不勞平有物不物未全稱且道全稱一句作麼生道雲峰打退鼓以拂子擊禪床下座

上堂臨濟先鋒放過一著德山後令且在一邊獨露無私一句作麼生道良久云堪嗟楚下鍾離末以拂子擊禪床下座

法苑珠林

卷之四下

三

上堂古人道動容揚古路不墮悄然機還會麼古人與麼和底翻了也有般漢聞之如風過樹有什麼救處以拂子擊禪床下座

上堂舉興化問克賓維那汝不久爲唱道之師克賓云我不入這保社化云你會了不入不會了不入克賓云我總不恁麼化便打遂罰錢五貫設饋飯了赴出院後來却法嗣興化師云還會麼路遙知馬力歲久見人心以拂子擊禪床下座

上堂古人道言多去道轉遠祇如未言道在什麼處乃云欲得不招無間業莫謗如來正法輪以拂子擊

禪床下座

上堂教中道種種取捨皆是輪迴未出輪迴而辨圓覺彼圓覺性卽同流轉若免輪迴無有是處你等諸人到這裏且作麼生解圓覺良久云荷葉團團似鏡菱角尖尖似錐以拂子擊禪床下座

上堂舉僧問法眼云秋風纔動貧者何依法眼云若能知恩卽解報恩師乃云還會麼一葉飄空便見秋法身須透關啾啾來年更有新條在惱亂春風卒未休以拂子擊禪床下座

上堂僧房闌寂夏修持閉戶疎人怪亦知儂家自有

同風事千里無來却肯伊且作麼生是同風事還會麼餲餅蒸作家常茶飯一言半句古人葛藤雲峰與你兩無交涉下座

上堂舉教中道歸源性無二方便有多門聖性無不通順逆皆方便還會麼所以道不浪階隨功涉位經有經師論有論主你道衲僧門下還有這箇消息麼良久云一言纔出駟馬難追下座

上堂聲色不到處病在見聞言詮不及處過在唇吻誰却咽喉唇吻一句作麼生道還有人道得麼者也道得坐却天下老師三世諸佛舌頭若道不得但知

隨例餐飽子也得三文買草鞋下座

上堂舉教中道知幻卽離不作方便離幻卽覺亦無漸次大眾還會麼須彌跽跳入你鼻孔裏卽且從你道娑竭龍王年多少肉重千斤智無鉢兩下座

古尊宿語錄卷之四十

全堂居士于王立苑黃刻此  
古尊宿語錄卷第四十 計字九千四百十六  
完後釋如圭對上元正長氏書進賢陳叔道刻  
萬曆丁巳歲春三月徑山化城寺識

藏板

古尊宿語錄卷之四十

二十六

古尊宿語錄卷之四十一

雲峰悅禪師初住翠巖語錄

室中舉古

師一日謂侍者曰汝問訊了一邊立地是什麼道理  
答云不會師云過這邊立侍者便過師云無端無端  
舉僧問雪峰如何是佛峰云寐語作什麼師云古人  
與麼道喚作應病與藥放過即不可若不放過你這  
裏下得什麼語僧擬議師以拂子驀口打舉法燈禪  
師初開堂日示衆云山僧本欲踰樓巖實隨衆過時  
又緣清涼老人有不了底公案今日出來爲他分析

時有僧問如何是不了底公案燈便打云祖禪不了  
殃及兒孫僧云過在什麼處燈云過在我殃及你師  
云這漢一期與奪也似光前絕後及乎拶著又却龍  
頭虵尾如今莫有爲清涼作主底麼舉教中道法身  
流轉於五道是故衆生現時法身不現乃豎起拂子  
云這箇是拂子那箇是法身又云這箇是法身那箇  
是拂子會麼法身吞却拂子拂子吞却法身於此若  
不會十月仲陽春舉黃檗一日問百丈云從上相承  
底事和尚如何指示於人百丈據坐檍云後代兒孫  
將何傳受百丈云我將謂你是箇人便歸方丈師云

憐兒不覺醜然雖如是盡法無民舉玄沙和尚一日  
見長生乃作一圓相生云一切人出此不得沙云情  
知你向鬼窟裏作活計生云某甲只恁麼和尚作麼  
生沙云一切人出此不得生云某甲適來與麼道爲  
什麼不得和尚便道得沙云我道得你道不得師云  
道得道不得總在玄沙圈續裏如今還有出得底麼  
舉僧問趙州學人乍入叢林乞師指示趙州云你喫  
粥了也未僧云喫粥了也州云洗鉢盂去其僧大悟  
後雲門拈云且道有指示無指示若道有指示向伊  
道什麼若道無指示其僧因什麼悟去師云雲門不

識好惡恁麼說話大似爲虵講足與黃門哉翠巖  
則不然這僧與麼悟去入地獄如箭射衆雪峰示衆  
云盡乾坤大地撮來如一粒粟米大拋向面前漆桶  
不會打鼓普請看師云雖然匹上不足翠巖更與葛  
藤拈拄杖云還見雪峰麼舉黃檗在南泉會裏爲首  
座一日捧鉢盂向南泉位上坐南泉入堂見乃問長  
老什麼年中行過檍云咸音王已前泉云猶是王老  
師兒孫在下去檍便過第二位坐泉便休師云從來  
叢林極有商量或有道須知黃檗有陷虎之機又道  
須知南泉有殺虎之威若據與麼說話誠實苦哉殊



不知這般老賊有年無德一箇喫飯坐處也不依本分若在翠巖門下說什麼威音王已前王老師更大直須喫棒了趁出舉雲門大師示衆云佛法也大有只是舌頭短師云雲門大師與麼道也是秦州來僧云和尚作麼生師便打舉祖師道泡幻同無礙云何不了悟達法在其中非今亦非古師驀拈拄杖云三世諸佛六代祖師天下衲僧鼻孔總在這裏又打香臺一下云南瞻部洲北鬱單越舉汾州和尚示衆云識得拄杖子行脚事畢師拈起拄杖云這箇豈不是拄杖子阿那箇是你行脚事復云柳標橫擔不顧人

直人千峰萬峰去舉古者道有物先天地無形本寂寥能爲萬象主不逐四時凋且道是什麼物又云水長船高舉古者道過去諸如來斯門已成就現在諸菩薩今各入圓明未來修學人當依如是法師云停因長智養病喪軀驀拈拄杖云什麼處去也舉古者道禪非意思道絕功勳汝等諸人作麼生參舉祖師道如來一切法爲度一切心我無一切心何用一切法還信得及麼若信得及止宿草庵且居門外若信不及長連床上有粥有飯舉肇法師道智有窮幽之鑒而無知焉神有應會之用而無慮焉古人與麼道

也大殺費力爭如諸上座寒卽圍爐向火熱卽竹林溪畔坐然雖如是我且問你畢竟事作麼生舉祖師道吾本來茲土傳法救迷情你道這漢還自救得也未又道一花開五葉結果自然成一人傳虛萬人傳實舉古者道剃髮著袈裟宜應行聖道自餘閑雜事俱爲生死因師云你等諸人橫擔拄杖撥草瞻風連天下行脚且道還曾踏著田地也無僧無對師云虛生浪死漢舉瑞巖空寂禪師尋常方丈內自召主人公自云喏又云惺惺著師云鬼窟裏作活計却問傍僧云你還識瑞巖老漢麼僧無對師云蒼天蒼天舉

教中云有智若聞則能信解無智疑悔則爲永失師云釋迦老子壓良爲賤你還甘麼若甘去行脚眼在什麼處若不甘轉身一句作麼生道舉智門和尚道何物苦求而不得何物不求而自來何物鐵椎打不破何物晝合而夜開若人會得山僧意琉璃殿上長青苔師云會麼穿破你髑髏撥破你鼻孔師一日僧侍立次師忽召云某甲僧應諾師云過去諸佛也與麼未來諸佛也與麼僧云和尚又作麼生師便打復云來來僧近前師云我早是無端入屎坑裏是你屎臭氣也不知舉盤山和尚道似地擎山不知山之孤

峻如石舍王不知玉之無瑕師云這老漢生來莽鹵學處顛預似地擎山如石舍玉什麼處得這消息來舉教中道此見及緣元是菩提妙淨明體祖師亦云六塵不惡還同正覺師云會麼直饒你向這裏參見祖師了更買草鞋行脚三千里外也被翠巖換却眼睛了也還有不甘底麼舉睦州見僧來云見成公案放你三十棒師云作賊人心虛舉古者道虛堂聞寂夏修持閉戶疎人恠亦知儂家自有同風事千里無來却肯伊師云說什麼千里無來直得萬里無來鼻孔也在翠巖手裏僧云和尚只見錐頭利不見鑿頭

方師呵呵大笑云道什麼僧擬議師以拄杖趂出舉盤山道心若無事萬法不生師云會麼僧云不會師云賴過你不曾山僧拾得口喫飯舉睦州示衆云放開也在我捏聚也在我師云負人不負出舉古人道山河石壁不礙眼光師云作麼生是眼又拈起拄杖打禪床一下云須彌山百雜碎卽不問你且道婆竭羅龍王年多少舉舍利弗問須菩提夢中說般若波羅蜜與覺時是同是別師遂喝云當時若下這一喝免見落三落四須菩提云此義幽深吾不能說此會有彌勒大士當往問之師云果然舍利弗遂廻首問

彌勒彌勒云誰名彌勒誰是彌勒者師云什麼處去也舉五洩初叅石頭纔到門便問一言相契卽住一言不契卽去石頭據坐五洩拂袖便行石頭遂召闍黎闍黎五洩廻首石頭云從生至死只是這箇迴頭轉腦作什麼五洩因而有省師云石頭老坐不定把不佳似這般擔板漢教去便休又喚迴頭來却被他塗糊一上道我向這裏有箇悟處驢年未夢見在舉古德云擬將心意學玄宗狀似西行却向東徒經累劫終難會得還歸六道中僧云某甲不會師云苦瓠連根苦甜瓜徹蒂甜舉木平叅洛浦問一漚未發

時如何浦云移舟暗水脉舉棹別波濶木平不契後叅盤龍亦如前問龍云移舟不別水舉棹卽迷源木平於是人省師云這漢當初於洛浦言下悟去猶校些子却向盤龍死水裏淹殺後來有人問如何是木平答云不勞斤斧師云果然只在這裏諸禪德大凡發足超方也須甄別邪正識辨真偽帶此眼筋始得然雖如是賊過後張弓舉趙州問南泉知有底人向什麼處去泉云山下作一頭水牯牛去州云謝和尚指示泉云昨夜三更月到窓師云若不是南泉洎乎打破蔡州舉法眼示衆云識得甃子周匝有餘雲門

云識得凳子天地懸殊師云官不容針私通車馬舉僧問葉縣省和尚諸餘卽不問如何是當今施設省云有你這驢漢問僧云恁麼則打鼓弄琵琶去也省云捺胃放屁聲師云然則倚勢欺人爭奈事不孤起葉縣失却一隻眼還有點檢得出麼若也點檢得出翠巖分坐與你若檢點不出橫按鑊錮全正令太平寰宇斬癡頑舉祖師示衆云吾有一物非青黃赤白男女等相汝等諸人還識麼師云當時忽有箇漢出來爲衆竭力不惜身命便與掀倒禪床喝散大衆子孫也未到斷絕却有沙彌出來道某甲識祖云你既

識喚作什麼云是諸佛之本源神會之佛性祖便打云吾喚作一物尚不中你更喚做本源佛性此子已後設有把茅蓋頭只成得箇知解宗徒師便喝云祖禪不了殃及兒孫如今還有不甘底麼舉僧問汾州如何是接初機句州云你是行脚僧如何是驗衲僧句州云西方日出卯如何是正令行底句州云千里馳來呈舊面如何是定乾坤底句州云北俱盧洲長梗米飯食者無食亦無喫州云將此四轉語驗天下衲僧師云將此四轉語被天下衲僧勘破舉保壽開堂三聖爲請主纔陞座聖推出一僧保壽便打聖云

似恁麼爲人瞎却鎮州一城人眼去在壽廊下拄杖便歸方丈師云臨濟一宗掃地而盡因什麼到這裏驀拈起拄杖云什麼處去也舉興化一日與同光帝坐次帝云朕收下中原獲得一寶只是無人酬價興化云略借陛下寶看帝以兩手舒開幞頭脚化云君王之寶誰敢酬價師云會麼真不掩偽曲不藏直有眼者辨取舉睦州問僧什麼處來僧云那邊剎州云老僧屈僧云和尚卽得州云擔枷過狀擔脊便打師云睦州何用繁詞那邊剎擔脊便打舉先地藏問修山主甚處來主云南方來藏云南方近日佛法如何

主云商量浩浩地藏云爭如我這裏插田博飯喫師云會麼插田博飯喫言中誰辨的午後打齋鐘金剛曾失色舉睦州示衆云裂開也在我捏聚也在我時有僧問如何是裂開州云三九二十七菩提涅槃真如解脫卽心卽佛我且恁麼道你又作麼生僧云某甲不恁麼道州云盞子落地櫟子成七片師云會麼相罵饒你接嘴相唾饒你潑水舉雪竇示衆云要知真實相爲但以上無攀仰下絕已躬自然常光現前箇箇壁立千仞師云雪竇與麼爲人人入地獄如箭舉五通仙人問佛佛有六通我有五通如何是那一通

佛召仙人仙人應諾佛云那一通你問我師云大小  
聖雲被這外道勘破了也有傷不肯的出來我要問  
你如何是那一通舉古人道牽牛向水東不免官中  
徭役牽牛向水西不免官中徭役不如隨分納些子  
師云說什麼納些子盡乾坤大地色空明暗情與無  
情總在翠巖這裏放行則隨緣有地把住則逃竄無  
門且道放行好把住好舉僧參南院纔入方丈以手  
指云敗也院乃拈起拄杖度與僧僧纔接院便打師  
云這僧雖然頂上有光爭奈脚下似漆直饒十字縱  
橫朝打三千暮打八百舉古人道無邊刹境自他不

廣文

百衲集卷之四十一

六

福於毫端十世古今始終不離於當念師云手擎日  
月背負須彌卽不問你新羅國裏一句作麼生道舉  
古人道鬧市裏識取天子百草頭上薦取老僧雲門  
道蝦蟇入你鼻孔裏毒蛇穿你眼睛中且向葛藤處  
會取師云雲門大師恁麼道大似和泥脫髻若無後  
語疑殺天下人翠巖今日因行不妨掉臂乃豎起拂  
子云還見雲門麼舉世尊一日於涅槃會上人天普  
集以手摩胃告大衆云汝等善當觀我紫磨黃金身  
瞻仰令足莫令後悔若言吾滅非吾弟子若言吾不  
滅亦非吾弟子于時百千萬衆一時悟道師云然則

膏肓之門不足以發藥翠巖且作死馬醫你等諸人  
皮下還有血麼舉南泉一日問黃檗定慧等學明見  
佛性此理如何槩云十二時中不依倚一物始得泉  
云莫是長老見處云不敢泉云漿水錢且致草鞋錢  
教什麼人還槩便休師云若不同床臥焉知被裡穿  
舉古者道露裸裸赤灑灑四維無遮障上下沒可把  
師云朝游羅浮暮歸檀特卽不問你脚跟下一句作  
麼生道舉龐居士問馬祖不昧本來人請師高著眼  
祖直上覲士云一等無弦琴唯師彈得妙祖直下覲  
士禮拜祖便歸方丈士隨後云今日弄巧成拙師云

廣文

百衲集卷之四十二

十一

且道賓家弄巧成拙主家弄巧成拙還有人揀得出  
麼若揀得出三十棒一棒也較不得若揀不出來年  
更有新條在惱亂春風卒未休舉教中云有諍則生  
死無諍則涅槃師云直得風行草偃響順聲和不求  
諸聖不重已靈無纖芥可留猶是爭諍法且作麼生  
是無諍底法舉古者道三世諸佛不知有師云如蟲  
蝕木狸奴白牯却知有師云雪上加霜舉德山問龍  
潭久嚮龍潭及乎到來潭又不見龍又不現潭云子  
親到龍潭山便休師云你識龍潭老麼僧擬議師以  
拂子驀口打僧入室舉僧問趙州萬法歸一一歸何



所師便喝僧茫然師却問趙州道什麼僧擬議師以  
拂子驚口打舉僧問智門祚和尚如何是佛門云踏  
破草鞋赤脚走如何是佛向上事門云拄杖頭上挑  
日月師乃問僧會麼僧云不會師乃以頌示之鞋穿  
赤脚走衲僧休大口日月杖頭挑面南看北斗僧便  
禮拜出師云來來僧乃迴頭師云莫教撞著露柱舉  
為山祐和尚方丈頌云為山方丈峭峻難上若人踏  
著氣如焚將師云作家宗師天然有在僧云和尚作  
麼生師有頌示之翠巖方丈曾無遮障衲子入來便  
見和尚僧便禮拜起師云還見翠巖這箇老漢麼僧

支那

東門諸錄卷之四十一

十一

擬議師以拂子驚口撼舉僧問香林如何是衲衣下  
事林云臘月火燒山師乃問僧會麼僧云不會師云  
你為什麼謾老僧其僧良久云某甲也有箇會處師  
云香林亦須喫棒

小叅舉先百丈因歲暮示眾云你一隊後生經律論  
固是不知也入眾叅禪禪又不曾臘月三十日且作  
麼生折合去師云灼然諸禪德去聖時遙人心淡薄  
看却今之叢林更是不得也所在之處或聚徒三百  
五百浩浩地只以飯食豐濃寮舍穩便為旺化也中  
間孜孜為道者無一人設有十箇五箇走上走下半

青牛黃會即總道我會各各自謂握靈蛇之寶執斤  
知非泊乎挨撻鞭過將來直是萬中無一苦哉苦哉  
所謂般若叢林歲歲凋無明荒草年年長就中今時  
後生穩人眾來便自端然拱手受他別人供養到處  
菜不擇一莖柴不般一束十指不露水百事不干懷  
雖則一朝快意爭奈三塗累身豈不見教中道寧以  
熱鐵纏身不受信心人衣寧以洋銅灌口不受信心  
人食上座若是去直饒變大地作黃金捲長河為酥  
酪供養上座也未為分外若也未是至於滴水寸絲  
便須披毛戴角牽犁拽杷償他始得不見祖師道入

支那

東門諸錄卷之四十一

十三

道不通理復身還信施此是決定底事終不虛也諸  
上座光陰可惜時不待人莫待一朝眼光落地舊田  
無一簣之功鐵圍陷百刑之痛莫言不道珍重  
偈頌

原居

挂錫西原上玄徒苦問津千峰消積雪萬木自迴春  
谷暖泉聲遠林幽鳥語新翻思遺隻屐深笑洛陽人  
挂錫西原上誰同振此風卷簾千嶂日坐石一枝筇  
雪嶺書無說衡陽信不通迴觀清景外雲鳥自憧憧

三印

一印印泥賢愚共知裂轉鼻孔頂上金槌  
一印印水徒張唇嘴未涉流沙洪濤乾起  
一印印空明月清風燦迦羅眼齋後之鐘

春日閒居

林下春時節融融萬物新睽茲和煦力孰不謂通津  
林下春時節幽居境倍清曉雲分岳色流水帶鶯聲  
林下春時節遲遲日漸暄不知歌有道泉石自相便  
林下春時節誰同狎此心野花間不盡巖檜冷森森  
布袋和尚  
散誕不拘儀軌終日拖泥帶水茫茫竟未知歸教伊

從誰雪恥

困來抱囊無語傍觀盡生疑慮未免開獻諸人是甚  
閑家破具  
貧道本無遮護舉目知君罔措可憐二月三月是處  
蜂狂蝶舞  
真訝衣裳破碎入塵且無忌諱橫身要道等人那箇  
便知圈纈  
暮暮愛游貧里豈是圖他小利分明報你諸人臘水  
冰霜滿地  
和泥合水

余有一道千聖不到北走南奔相頭買帽是何之道  
雲橫碧嶠

余有一辨風生岳面舉目千差知君不薦是何之辨

僧堂佛殿

余有一說善知時節若人會得眼裏添眉是何之說

春寒秋熱

余有一劍寒光若練虎嘯風生飛霞走電是何之劍

灰頭土面

余有一機聖凡共知拈却鼻孔舉起須彌是何之機

淵明破眉

示學者

赫日光中誰不了底事堂堂入荒草擔簋負笈苦勞

心從門入者非家實演宗乘提祖教千年枯骨何堪

咬南北東西歸去來拈得鼻孔失却口

經不看禪不會終日擁爐長瞌睡五湖禪子競頭來

眨上眉毛三門外

翠巖不會禪仰面看青天打破大唐國笑殺老南泉

因雪示眾

雪雪片片交飛無聲歇萬里江山一樣平要津把斷

底時節文殊印普賢訣果日當空還漏泄無言重子

念麼訶倚梵鉢提長吐舌

宗本義

宗本纔彰義已賒徒將心識話周遮漁人夜唱歸煙  
島樵父春行踏落花

六相義

成壞總別同異帝網交參六義拈起大地山河透出  
過現末世交殊夢裏揚眉普賢空中彈指三十年後  
自看且恁和泥合水

頌古十二首

灌水不滿卮運雪不填井吁哉碧眼人迢迢涉葱嶺

卷之三

言真經錄卷之三

七

絕粒既無功負春寧有省一花五葉開猿嘯諸峰頂  
入門何必辨來機濟倒禪和不自知栢樹庭前剛指  
注翻令平地針錐

抱拙少林已九年趙州忽長庭前栢可憐無限守株  
人寥寥坐對千峰色

平常心是道舉步入荒草翻嗟王老師到底不能曉  
玉兔金烏任飛走

桃花見後謂無疑壯志由來本是伊若問玄沙言未  
徹現前賊物自家知

趙州有語喫茶去明眼衲僧皆賺舉不賺舉未相許

堪笑禾山解打鼓

杖林山下竹筋鞭頭尾拈來總一般莫怪玄沙不出  
嶺他家元是釣魚船

言中辨的老禪和暮直臺山路不踉跄破却因人莫  
問岳陽船子洞庭波

踏著秤槌硬似鐵矇矓禪和猶未瞥三冬嶺上火雪  
生六月長天降大雪

杜禪和杜禪和一箇餠餅無奈何禮拜任君頭着地  
海東船子過新羅

洞山有語麻三斤衲子擎拳要問津因憶舊年看草

卷之三

言真經錄卷之三

十六

字張顛顛後更無人

休問藏身北斗揜他露柱煩惱踣跳撞入燈籠穿却  
湖南長老

因僧舉泐潭頌乃有頌示之

北斗藏身事不孤韶陽猶是喪殘軀而今澤國誰綸  
者猶把腥膻誑憒夫

留僧

侍余函丈二三秋日損由來道未酬何事解衣輕取  
別鉢囊猶挂樹梢頭

數珠

落落循環在手茫茫未知出跳雖然本自圓成爭奈  
其中一竅放行恒陸舒光把住毗沙匪耀有時捉向  
手中貴與衲僧取笑

南峰師子山

狀奪西河類雄雄鎮北峰爪牙終不露狐兔自潛蹤

雲門上庵

草堂危構若耶西九夏幽居景物奇簾卷亂峰初雨  
後白雲流水自相隨

送化士

化門舒卷豈同時出塞還須斬萬機道泰却旋林下

日卷簾開看岳雲歸

送文禪者

禪人別我訪南宗吳楚山川去幾重莫謂臨岐無可  
贈萬年松在祝融峰

送寧首座

一語通諸密開權涉化門當機如有路北斗坐南坤

送就維那

振錫歸韶石重來欵竹扉無言宣祖意溢目太陽輝

送華禪者

一字不出頭十字不挑脚可惜少林人端坐無斟酌

孰云錯金錫高擎返故鄉清風浩浩生寥廓

送聰山主

故國曾不住他鄉無暫留肩橫一枝錫何處問蹤由

寄慈濟大師

凜凜水風臨晚景環廬獨坐雙峰頂茫茫六合曾未  
知月寫千江萬江影

寄福嚴禪師

跡遁寒巖雲鳥絕陰崖流水花微發昨夜天風掃石  
床寥寥坐對三生月

一葉落兮天下秋古今人事謾悠悠皇恩三讓名還

大千載真風詠未休

寄雲蓋鵬禪師

情忘應許道相交肯謂川途有所遙月皎五峰湘水  
白雲蒸石廩露偏饒

寄南華慈濟禪師

曹溪何幸示來書忽憶當年在太愚堪笑堪悲無限

事甜瓜生得苦葫蘆

握草爲金未足奇韶陽風骨與誰知年來老大渾無

用應對盧公獨斂眉

寄木山長老



刊石休誇自點頭武陵法道欲誰醺年來應是慵開  
眼獨坐龍門見九州

寄龍王進長老

南北山居道不殊不殊猶未得通途龍峰地暖花應  
秀石廩雲寒萬仞孤

與李君行者

辭家日久慕叅禪不憚崎嶇甚可憐報汝速須歸故  
里開冬耕取昔年田

暮冬旅懷

雪壓怪松枝欲折衰病畏寒長擁爐添薪坐久眼忽

卷八

馬首館錄卷之四十一

十七

眠偃卧不知山月晡

瞻木平道人

岳頂雲披清風貌古一漚未形萬機起縷道極致淳  
行敦亡矩稽首木平不勞斤斧

禪人寫余真同命余贊

頂高頰拳祖佛之怨臂尖鼻缺禪庭之孽天下人憎  
道箇老傑

十五十六天輪地軸日月面神號鬼哭少室從風  
竹馬年而今莫問胡家曲

自詠一首

壞衲曾披蒙雪頂遶軒松竹冷相侵虛堂夜永坐將  
半花落崑前知幾深

山居四首

片片殘紅隨遠水依依煙樹帶斜陽橫笻石上誰相  
問猿嘯一聲天外長

靜聽涼颼遶洞溪漸看秋色入冲微漁人撥破湘江

月樵父踏開松子歸

龍麥重重覆紫煙太平時節見豐年野雲忽散孤峰

出列派橫飛落澗泉

凍把巖根雪尚稠暮雲閑鎖遠峰頭地爐榾柮高燒

卷八

馬首館錄卷之四十一

三

起石銚烹茶時一甌

荅雲峰正大師

二首

溢目江山雪正深旅庭寒色尚沉沉尤忻象外有良  
契時以嘉言慰此心

竹齋欹枕病方迴春餞梅花忽寄來珍重此恩何以  
報搢笻時上石樓臺

寄道友

散盡浮雲落盡花到頭明月是生涯天垂六幕千山  
外何處清風不舊家

對菊

澹然金菊映秋光底事無人泛玉觴  
翻憶陶潛舊池上青教和草過重陽

退居寄承天偶作

五首

道薄常慙繼祖猷退居崑谷任春秋  
齋時自有孟羹飯六合清風卒未休

道薄常慙繼祖天瞬眸金色已虛傳  
而今猶舉僧伽服端坐雞峰誰後賢

道薄常慙繼祖燈老來林下笑盧能  
抱腰持石長三尺不肥黃梅會裏僧

道薄常慙繼祖心九年何事絕知音  
到頭無賴空廻

首皮隨紛拏直至人

道薄常慙繼祖門隨家豐儉且安貧  
掌間日月須彌走把住南星對北辰

十二時歌

鷄鳴丑朕兆之前還亂走夢裏論量幾萬般  
天明無是虛開口

平旦寅山河大地掌中擎金剛焰裏空彈指  
碧眼胡僧來未能

日出卯烜赫威光無剩少茫茫宇宙未知歸  
競向途中闕機巧

食時辰南北東西誰是親鉢裏不逢香積飯  
深慙枉作出家人

禺中已信手拈來無不是迷却南街走北街  
草鞋踏破因誰置

日南午翻出囊中無一縷銅頭鐵額知未知  
草屨風行立千古

日昃未休話真如論實義官家不許夜行人  
誰教醉酒街頭睡

晡時申遊子前來問要津鉢盂打破渾閒事  
茶鹽少了却生嗔

日入酉朝參暮請何曾有不如靜坐念金剛  
從他笑破衲僧口

黃昏戌一點寒燈照幽室鐘鼓喧轟闌一場  
摩訶般若波羅蜜

人定亥啐啄之機遭哂怪自從胡亂知幾年  
不曾少人一文債

夜半子開眼尿床到如此老胡猶自涉崎嶇  
石塔空留鎮熊耳

師嘉祐七年七月將示寂上堂有頌

住世六十五年爲僧五十七夏玄徒休問指  
歸鼻孔

大頭向下

古尊宿語錄卷之四十一

題雲峰悅禪師語錄

悅禪師語者青山白雲開遮自在碧潭明月撈撈方知鐵石崩崖霜弓劈箭不受然燈記翦自提三印正宗假令古佛出頭也下一椎定當前則激惠南老子出肋潭死水而印慈明後則勸祖心禪師撥大愚寒灰而見黃檗看儂兩着須天下碁客受先破此一塵與四海宗點眼有懷疑者是不肯山谷老人擬欲全提且收取無爲居士黃庭堅題

古尊宿語錄卷之四十一

古尊宿語錄卷之四十一

三

金壇居士王立施貴刻此

古尊宿語錄卷第四十一計字七千六百八十

三箇波銀三兩九錢九分四厘

宛陵釋如圭對上元丘義民書宋永相刻

萬曆丁巳歲春三月徑山化城寺識

古尊宿語錄卷之四十二

寶峰雲庵真淨禪師住筠州聖壽語錄一

嗣法門人法深錄

開堂日宣疏罷師乃云大通智勝佛十劫坐道場佛法不現前不得成佛道今日四眾圍繞佛法現前還得不得良久云欲行千里一步爲初便登座拈香祝聖罷又拈香云大衆此一瓣香還知落處麼更不覆藏直爲先黃龍南禪師焚向爐中去也於是趺坐白槌竟師召大衆云當須自觀若此觀者名爲正觀若他觀者名爲邪觀邪正未分有疑請問僧問列祖陞

法深

古尊宿語錄卷之四十二

一

堂賢侯堅請向上宗乘請師舉唱師云六六三十六進云常憶江南三月裏鷓鴣啼處百花香師云好箇消息進云今日郎中承此善退身三拜謝師恩師云深僧禮拜問語默二途皆易辨師今得法嗣何人師云早來向你道了也進云恁麼則黃龍的予臨濟親孫去也師云猶自卜度在進云而今四海清如鏡行人莫與路爲難師云速禮三拜問世尊出世梵釋相隨郎中請師將何報答師云一雨普及萬物咸滋進云一言生筆下萬古落人間師云人間事又作麼生進云浪盡還歸水月落不離天師云閑言語行者問

天地以萬物爲芻狗聖人以百姓爲芻狗未審和尚以何爲芻狗師云點進云禍入僧門師云交行者擬

議師便喝行者禮拜師云得與麼有前無後問此日人天普集太守臨筵祖意西來乞師端的師云的進云一句已蒙師指示向上宗乘事若何師云向下底進云若不登樓望焉知滄海深師云過進云四眾沾恩學人禮謝師云猶欠一著在進云傍觀者醜師云放有僧出云這裏是什麼所在師云好好問着且莫虛頭問如何是虛頭一句師云這虛頭漢僧無語師便喝僧擬進語師云鈍置殺人進云真善知識師云

支那

古尊宿語錄卷之四十二

二

你是不得已也復云問話且止祇知問佛問法殊不知佛法來處且道從什麼處來乃垂下一足云昔日黃龍親行此令十方諸佛無敢違者諸代祖師一切聖賢無敢越者無量法門一切妙義天下老和尚舌頭始終一印無敢異者無異卽且止印在什麼處還見麼若見非僧非俗無偏無黨一分付若不見而我自收遂收足乃喝云兵隨印轉將逐符行佛手驢脚生緣老好痛與三十棒而今會中莫有不甘者麼若有不妨奇特若無新長老謾你諸人去也故我大覺世尊昔日於摩竭陁國十二月八日明星現時豁



然悟道大地有情一時成佛今有釋子沙門克文於東震旦國大宋筠陽城中六月十三日赫日現時又悟箇什麼以拂子畫一畫云我不敢輕於汝等汝等皆當作佛下座

師於熙寧八年在洞山受請於法座前拈帖示眾云最初一句子便要眾人知還會麼良久云符到奉行維那宣帖罷師乃云大眾諸佛出興於世總祇赴箇時節且道貧道今日赴箇什麼時節遂指法座召大眾云今古應無隕分明在目前便陞座乃云還有問話者麼時有僧問承古有言不見一法卽如來方得

名爲觀自在如何是自在底事師云透七透八進二龍得水時添意氣虎逢山色長威憚師云暗進云前村深雪裏昨夜一枝開師云開言語問施主慇懃伸三請今日當筵事若何師云新豐洞裏水潺潺進云若然者得聞於未聞去也師云且道聞底事作麼生僧提起坐具師云杜撰禪和進云大眾證明學人禮謝師乃噓噓復云更有問話者麼良久乃喝云昔日大覺世尊起道樹詣鹿苑爲五比丘轉四諦法輪唯憍陳如最初悟道貧道今日向新豐洞裏只轉箇拄杖子遂拈拄杖向禪牀左畔云還有最初悟道底麼

良久云可謂丈夫自有衝天志不向如來行處行喝一喝下座

初入院陞座僧問天地亢陽願垂一雨師云自有清涼者進云與麼則羣生有賴也師云知恩者少進云雲散家家月春來處處花師云不易念得來問如何是聖壽境師云參差舊屋宇到者始應知進云如何是境中人師云一似不相識進云人境已蒙師指示向上宗乘事若何師便喝僧禮拜師云不消一喝問昔日世尊出世坐斷乾坤今朝和尚出世意旨如何師云四眾圍繞進云大眾證明學人禮拜師云何不

更問復云青山淥水不能住白日紅塵却自歸而今避不得也且混俗和光夾頭土面笑他林下人也要笑若解笑甚奇妙十字街頭拈得箇破布衲襖抖擻塵埃示眾人好不好曉不曉從他肉案頭歌叫喝一喝云回頭轉腦

晚參上堂僧問不離當處常湛然竟卽知君不可見見卽不問如何是不離底事師云傾心吐膽進云若不登樓望安知滄海深師云祇如湛然底事又作麼生進云三門佛殿長相對翠竹松風滿院寒師云多虛不如少實進云也須檢點過師便喝復云彌勒真

彌勒分身百千億時時示時人時人皆不識拈拄杖云還識麼千箇萬箇但識取這箇擲下拄杖下座

因請首座維那典座上堂問流水下山非有意片雲歸洞本無心如何是無心一句師云你是有心耶無心耶進云疊石峰高嶮白雲出故關師云莫道無心好僧禮拜師云三十年後醒去在復云三德六味施佛及僧香積厨中善調在手三世諸佛向砧槌上聲聲相應且道相應箇什麼良久云問取堂中第一座上堂僧問曉色未分人盡望及乎天曉意如何師云你見麼進云城隍雖淡薄林下道相親師云這裏是

什麼處所復云有進有退有急有緩道在變通事乃成就監院荷檐竭力街坊善巧化人知客臨時接引長老據款結案還有不涉斯美者麼良久云明年更有新條在惱亂春風卒未休

上堂僧問真則是幻幻則是真真幻既除道歸何處師云若有處所堪作什麼進云千江有水千江月萬里孤舟萬里身師云却不如是進云江上漁人空點頭師云適來向你道什麼僧便喝師云好一喝僧又喝師云兩喝後又作麼生僧禮拜云猶嫌少在師乃嗟嗟復云大眾宿來萬福數日人事相煩更不一一

陳謝禮繁則亂知是般事便休且道是什麼事驀拈拄杖云風不鳴條雨不破塊堯風蕩蕩行人讓路萬姓歌歡筠陽城中誰家竈窟裏無煙張公吃酒李公醉卓拄杖云寒山拾得

上堂昨日有僧從泐潭來却往仰山去驀拈拄杖云筠陽城中聖壽院裏打鼓普請喫茶

上堂有化主問承古有言天得一以清地得一以寧君王得一以治天下未嘗納僧得一時如何師云善爲化導進云恁麼則紅塵路上無閑客也師云家家觀世音僧禮拜師云更須着力復云我觀法王法法

王法如是驀拈拄杖云穿却你諸人鼻孔換却你諸人眼睛還我法王法來乃喝云差之毫釐失之千里擲下拄杖下座

上堂僧問十方佛土中唯有一乘法如何是一乘法師云百尺幡竿尾指天進云學人退身三步去也師云脚跟下七縱八橫進云月色和雲白松聲帶露寒師便喝僧亦喝師云這野狐精復云宿來大眾萬福方期首夏已是初秋今朝改旦七月一日嗟乎流光電速四序推移是事不常人亦漸老還有不涉老少者麼良久云八十翁翁著繡靴

因逍遙長老來上堂僧問一句了然超百億一句卽不問如何是百億師云道士繫腰帶進云一堂風冷淡千古意分明師云番人頭戴冠進云大眾證明且禮三拜師喝云瞎漢復云青山深處人來我紅塵裏紅塵偶不見白雲與流水耳目何所分浮名與浮利爲是紅塵非爲復青山是非兩途間幾多殊未已幸遇逍遙人可述逍遙理下座

上堂天地與我同根萬物與我一體脚頭脚尾橫三豎四北俱盧洲火發燒著帝釋眉毛東海龍王忍痛不禁轟一箇霹靂直得傾湫倒岳雲黯長空十字街

頭廖胡子醉中驚覺起來撫掌呵呵大笑云筠陽城中近來少賊乃拈拄杖云賊賊下座

上堂開雲門門七通八達却須知有開樣子去著若也不知雖活如死現黃龍龍千變萬化更須到伊窟宅潛處若不到有眼如盲諸德我觀法王法法王法如是有眼者辨取

因清涼長老到上堂熱惱既盡清涼現前分別不生虛明自照然後我當按指海印發光汝暫舉心塵勞先起乃喝云三世諸佛一棒打殺填溝塞壑拋東擲西一任諸人看鷲拈拄杖云過去諸佛亦如是現在

諸佛亦如是未來諸佛亦如是遂擲下云看

上堂僧問如何是珠師云烜赫光明在目前進云滿城盡是知音者吟出新詩與衆看師云誰是知音者僧云大眾證明學人禮拜師云虛頭漢復云一葉落天下秋老僧慵刺雪霜頭風浩浩水潺潺忙者自忙閑者閑終南山色翠相倚湘岸橘朵紅鈎攀諸禪德會卽途中受用不會且世諦流傳拈拄杖云不是途中受用又作麼生傳良久乃喝云夜靜水寒魚不食滿船空載月明歸

謝月化主上堂靈山話月曹溪指月聖壽今朝謝月

且道與古人誰親誰疎莫有人辨得麼若也辨得將此身心奉塵刹是則名爲報佛恩若辨不得無角龜牛眠少室生兒石女老黃梅笑殺栽松道者參

上堂方經七月十五已是八月中秋徒知暑往寒來入老區區未休休看看便是結交頭大眾丹霞老道底百骸俱潰散一物鎮長靈乃喝云無端騎聖僧上堂東西南北四維上下觀機設教應病與藥慈拈拄杖云馬大師來也看看日面佛月面佛一一爲君重拈出若善服者病瘥藥除舉足下足無非道場不善服者藥病相治盡大地是藥觸途成滯遂擲下云

祇在諸人面前便下座

上堂有時夾頭土面橫身荒草衆生處處著引之令  
得出其奈飢逢王饍不能食又爭怪得老僧

上堂德山呵佛罵祖承其言者多見德山者少黃龍  
佛手驢脚見黃龍者衆善其機者稀驢拈拄杖云欲  
得見德山麼遂左邊卓云看要知佛手驢脚麼復右  
邊卓云看乃橫云佛手驢脚我宗快廓德山披毛黃  
龍戴角萬化目前磊磊落落乃喝云眼孔定動總是  
著縛下座

上堂道泰不傳天子令行人盡唱太平歌五九四十

重刊寶鑑卷之四十二

九

五莫有人從懷州來麼若有不得忘却臨江軍豆鼓  
因等慈長老到上堂以平等慈度一切生洒一法雨  
潤一切物良由根機不等所受不同互有得失又爭  
怪老僧下座

上堂因城中失火僧問養兵千日用在一朝正當立  
國安邦爲什麼各生退志師云千兵易得一將難求  
進云忽遇軍旗急速又作麼生師云自有安邦者進  
云與麼則汗馬不施功勞不著也師云你是什麼人  
僧便喝師云敗將不斬復云欽然火起焚燒舍宅及  
至煙消火滅萬事成空冷地裏一場懣懣遂喝云轉

凡成聖又是什麼人

永固長老至上堂幽固深遠無人能到到則山青水  
綠別是人間好諸禪德江月照松風吹永夜清宵何  
所爲却怪長時杜鵑子春山無限好猶道不如歸  
上堂十月十五迎寒送暑唯有這箇不來不去該天  
括地亘今亘古雖則全彰要且不漏喝一喝下座  
晚叅上堂十七十八早是漏泄若也不會守繫驢極  
上堂聖壽有時壁立千仞欲發人人大機我與麼  
來你擬心早是蹉過了也何故此事非汝思心注意  
常情之所能諸禪德盡情說了也合作麼生

重刊寶鑑卷之四十三

重刊寶鑑卷之四十三

十

上堂十月二十五臨濟太莽鹵開却雲門門德山罵  
佛祖下座

上堂以字不成八字不是有利無利不離行市驀拈  
拄杖云案中天子塞外將軍擊禪床下座

晚叅上堂十月二十三天寒下暖簾黃昏一覺睡南  
海出榆甘

上堂聖壽長老不會禪不會道祇會解粘去縛應病  
與藥諸佛子無禪可叅無法可學棄本逐末區區客  
作不如歸去來識取自家城郭城中自有法王尊一  
呼百諾髻晃明珠手振黃金鐸還要一切羣生自



家省覺來來應是從前佛法知見一時放却乃得自己毗盧心印明廓乃喝云大丈夫兒莫錯莫錯

上堂真不掩偽曲不藏直雪後始知松栢操夜深方見把針人叅

檀越散藏經請上堂奉佛至孝四郎及孝眷等爲先考二郎終七追薦乃請真如聖壽二禪衆開轉大藏經一遍供僧一千員斯晨闔郭齋以用表懺工件龍藏琅函靈文聖教經律論三藏五乘十二分諸佛之秘詮頓也漸也半也滿也中也邊也權也實也種種法門智慧海種種因果德相海種種進修行願海種種

種教導方便海種種依正究竟海種種互融攝入海不可說不可說法門功德光明海薦嚴先考二郎超生淨界然冀四郎及孝眷等生生世世獲大善慶居諸佛法會中共證菩提乃召大眾今日與諸人在什麼會中葛拈拄杖敲香卓云大眾還聞麼佛以一音演說法衆生隨類各得解諸佛於此得之成一切種智其正遍知菩薩於此得之獲無生忍法眼清淨獨覺於此得之現神通光明出無佛世聲聞於此得之證寂滅樂永斷後有天人於此得之增長十善世人於此得之永盡三業地獄於此得之頓超十地阿脩

羅餓鬼畜生於此得之永除癡業四生六類一切有情於此得之各隨根性一一解脫且道長老於此得之又作麼生良久喝一喝下座

上堂聖壽有時戴寶冠挂纓珞出來十人有九人一時驚怖毀謗罵詈避走遠去見伊不識遂更著垢弊衣與伊相見百人千人一時讚歎歡喜信知我所得智慧微妙最第一衆生之根鈍者樂癡所盲如斯之等類云何而可度以拄杖擊香卓下座  
因快山長老至上堂快然大道祇在目前縱橫十字擬卽留連乃顧大眾良久喝一喝下座

上堂舉僧問古德云深山裏還有佛法也無德云有進云如何是深山裏佛法德云石頭大底大小底小忽有人問聖壽云十字街頭還有佛法也無但向伊道無爲什麼無貪名逐利大眾聖壽道無古人道有是同是別試斷看斷得出也出奇

在洞山受請衆請小叅師云新豐古洞萬疊爭橫悟本真宗千林競簇古今勝地佛事常興所以昔日悟本大師有時提唱唯有佛菩提是真歸仗處復喝一喝云猶有者箇去就在諸德祇如大師道猶作者箇去就在且道意作麼生還知落處麼叢林中多有商

量者有底道聞佛聞法似生冤家況更有歸仗處故  
遭悟本大師檢點有底道悟本祇要人休歇去有底  
道悟本祇見錐頭利不見鑿頭方似與麼匹配又何  
曾夢見他古人既不如是又且如何諸德此箇事大  
須子細不可羈心一等參禪窮教到底宗門中千差  
萬別隱顯殊途唯大智方明降茲已往莫測涯際而  
今多是抱不哭孩兒打淨潔毬子把纜放船抱橋柱  
澡洗彼此丈夫阿誰無分若便明去驅耕夫之牛奪  
飢人之食入火不燒入水不溺於一切處不留一切  
處成就靈光獨耀顯赫殊分可謂蕩蕩乎落落乎張

起濟岸帆撥動渡人舟於生死海內白浪堆中出沒  
去來逍遙自在乃喝云從他謗任他非雨中兼箬笠  
蓑衣而今暫別海門月攜魚且向市鄮歸下座

### 住洞山語錄

在聖壽開堂眾官燒香宣疏至白槌竟師良久乃云  
會麼少室峰前曾示此高安灘上復誰傳會中若有  
僊施客莫學神光廢九年遂喝云有疑請問僧問有  
一人欲出長安有一人欲入長安未審那箇在先師  
云多少人疑着進云不許夜行師云蚊子錐鐵牛進  
云山頂老猿啼古水渡頭新鴈下平沙師云長安人

已入你今作麼生進云春日華山青師云者僧雖然  
後生却可與商量問新豐勝剎古佛道場侯伯請師  
願垂方便師云耀古騰今進云此莫是和尚爲人處  
也無師云將謂是古佛道中人進云洞山境色重添  
翠悟本玄風復振清師云有甚了期復云問話且止  
言多道遠然則通人分上無可不可問答縱橫何是  
何非不二門開一道清淨所以古人云道無不在觸  
事而真心若不邪所爲自正正覺之道得在乎心不  
在乎言言語道斷心行處滅非去來今今日一會法  
法本然心心本佛官也私也僧也俗也智也愚也凡

也聖也天也地也悟則事同一家迷乃萬別千差差  
之毫釐失之千里遂拈拂子召大眾云一花開五葉  
結果自然成

施主捨法衣上堂僧問久晴無雨時如何師云點進  
云學人有賴也師云赫日燦破開黎面門僧回首召  
云大眾高著眼師云三十年後有人笑你復云諸佛  
出世咸披此衣說法度人洞山今日亦披此衣說法  
度人遂拈起衣角召大眾云還有不受惡水潑者麼  
良久云月到天心白波歸海上清

上堂久晴忽雨久雨又晴天機莫測吾道可明乃喝

云具頂門眼者看

因請知事上堂至道無難唯嫌揀擇豈可以親疎好醜擇而然後用之要用便入到手中土作黃金拋來擲去滿目光輝也要衆人見諸德又作麼生不揀擇好醜而用之喝一喝下座

上堂佛法不順人情諸方長老大大開口盡道我會禪會道且道伊會也未無端向屎坑裏坐瞞神諱鬼似者般的打殺千萬箇與狗子喫有什麼過又有一般禪和子大開著眼被伊狐魅殊不知驀頭著屎澆亦不厭惡召云大衆彼此丈夫爭受與麼自己合作

史記

唐書

五

麼生下座

上堂欲雨不雨使我伸舉半陰半晴要汝惺惺果惺惺也與天地合其德日月齊其明乃喝云切忌拖泥帶水下座

上堂智不到處切忌道著道著則頭角生諸禪德古人一期唱道則無可不可若是洞山卽不然智不到處正好道道不著時無所生無生大道闊縱橫縱橫任運人難測新羅日午打三更參

上堂今朝八月一漸熱旣消漸涼復至調燮人間育養萬類成就四時無思焉無爲焉寂然不動感而遂

通祖師門下豈孤然哉是以真機無定祖道難思有

時熱有時涼生也殺也撈籠萬有提拔四生破妄想塵出大經卷而無心焉而無爲焉緣感乃應豈預搔而待癢乎諸禪德且作麼生是各各當人一卷大經會麼垢盡則明現也三千大千世界遐邇祇在於毫端十世古今始終不離於當念乃喝云不信自殊勝甘爲下劣人

上堂摩尼珠人不識如來藏裏親收得旣收得不護惜也要衆人見驀拈拄杖擲下云還識麼若識燒沉水香供養諸禪德明月照見夜行人良由不之他家

史記

唐書

六

事叅

上堂佛法現前僧俗儼然八月初五冷落秋天

晚叅上堂有相身中無相身無明路上無生路志公和尚欺我等愚迷壓良爲賤然則敢問諸人而今四大五蘊是有相之身那箇是當人無相之體良久嗟欲報先聖護念恩粉骨碎身又安得

上堂舉雪峰云南山有條鼈鼻蛇汝等諸人出入好看玄沙云用南山作麼師云奇哉善知出處非父不生其子驀拈拄杖召大衆云南山鼈鼻蛇却在者裏便擲下云擬卽喪身失命

上堂昔有五百羅漢以六神通降一毒龍了不能得  
忽異方有一尊者至眾謂曰我等盡其神力降不可  
得尊者可能降之尊者乃彈指一下其龍便伏諸禪  
德據此還有優劣也無若言無五百眾盡其神力皆  
曰不能此尊者一彈指而毒龍便伏既有優劣如何  
可明於此明得作箇出格道人動靜去來五眼不能  
覩十力不能知堪受人天供養日消萬兩黃金於此  
未明山門今日作齋供養羅漢且隨隊長連床上開  
單展鉢下座

上堂祇知今日明日不覺前秋後秋諸禪德休得也

法華

古尊宿語錄卷之四十二

上二

未便好休而今更有什麼事見麼四大海水灌入你  
諸人鼻孔裏須彌山突出額角邊三十年後不得辜  
負洞山長老

上堂師子吼無畏說百獸聞之皆腦裂遂拍禪床左  
邊云不是師子吼又拍禪床右邊云不是無畏說你  
擬心早是腦裂也更擬如何若何一隊野狐精喝一  
喝下座

上堂平旦寅狂機中有道人身乃喝云不是狂機又  
唾云不是狂機若作狂機會又爭得行住坐卧山河  
大地不是狂機且道作麼生是道人身良久云各自

歸堂喫茶

晚參上堂此箇事學不得教不得傳不得須是當人  
悟始得悟得也可可地閑閑地了了明明地歷歷落  
落地一切神通變化悉自具足不用外求乃拈拄杖  
橫按云橫按鎖鑰全正令太平寰宇斬癡頑遂擲下  
良久喝一喝下座

上堂師子不食鵬殘快鷹那打卧兔放出臨濟大龍  
抽却雲門一顧遂拈拄杖云雲行雨至三草二木  
上堂撫掌左右顧大眾云歸堂喫茶去

因發化主上堂出家沙門當清淨自活以乞食為正

法華

古尊宿語錄卷之四十二

上六

命食不過分離憍慢故以乞法為正念增長智慧不  
滯寂故驀拈拄杖云你有拄杖子與你拄杖子你無  
拄杖子奪却你拄杖子於此薦得增汝智慧破汝憍  
慢火焰裏藏身淤泥中出現千手千眼大悲菩薩一  
任神通變化於此不薦有清泉兮恣汝飲有碧巖兮  
從汝栖切忌寒猿深夜啼

謝主首上堂實際理地不受一塵佛事門中不捨一  
法乃拈拄杖云不是一法又捨箇什麼佛事也三德  
六味施佛及僧法界人天普同供養受供養則不無  
還知滋味也無若不知分付與首座復敲香臺云五



千餘軸言異一一龍宮海藏來遂擲下云實際理地不用安排分付與藏主

上堂九日無白醪飽餐黃栗饒十日有黃菊催人打禾穀五更鐘未鳴隣雞已數聲相逢不下馬各自奔前程叅

上堂昨日風氣暖今朝天色寒乾坤共着力衲子眼皮寬下座

上堂古德道從門入者不是家珍又作麼生是家珍驚拈拄杖召大眾云還見麼遂敲香臺復乃噓噓釋迦老子棒打不殺文殊普賢喚不回頭休休虛費力

且隨流待伊時節至一葉落天下秋

上堂洞山門下要行便行要坐便坐鉢盂裏屎淨瓶中吐唾執法修行如牛拽磨叅

上堂謝黃檗先馳云分枝列派共闡宗猷祖令全提各隨機變洒黃龍之一雨枯木重榮繼斷際之遺蹤真燈再焰光我先覺以進後昆不任歡慶某無似之者何承先馳上人遠離驚嶺深入洞山得得馳書敘其法乳過沐周勤仰荷弗已復拈拄杖召大眾云實謂雖與我同條生不與我同條死阿喇喇也大奇算來彼此丈夫兒睡則同床各自夢古今此理少人知

少人知付先馳傳歸驚嶺分明舉問師

上堂洞山門下要道便道要用便用救得眉毛失却鼻孔乃喝云久雨不晴叅

出縣回上堂云三日不相見不得故眼相看是何言歟洞山數日不相見相見祇是舊時人乃合掌云不審過去諸佛現在諸佛未來諸佛叅退喫茶

上堂洞山門下有時和泥合水有時壁立千仞你諸人擬向和泥合水處見洞山洞山且不在和泥合水處擬向壁立千仞處見洞山洞山且不在壁立千仞處擬向一切處見洞山洞山且不在一切處你不要

見洞山鼻祇在洞山手裏擬瞌睡也把鼻索一掣祇見眼孔定動又不相識也不要你識洞山且識得月已也得下座

謝監院上堂僧問用之則行捨之則藏時如何師云斬新日月特地乾坤進云龍得水時添意氣虎逢山色長威憚師云且得天下太平進云與麼則道泰不傳天子令師云老僧被你鈍置一場復云身是光明幢心是神通藏大眾各自照顧抖擻精神而今現定僧也如是俗也如是釋迦也如是彌勒也如是還有人信得及麼若信得及不為分外若信不及亦不虧

欠信與不信光明幢神通藏各自參堂去下座

上堂舉僧問雲門如何是和尚家風門云有讀書人來報諸德千聞不如一見又作麼生見良久云祇爲分明極翻令所得遲

上堂洞山門下入凹九凸交加加屈屈曲曲崎崎嶇嶇嶇峴峴水雲掩映煙嵐重疊一道直截觀者遊者十人九人舉步早是迷却路頭也其中莫有不迷者麼乃喝云且道洞山路頭在什麼處上堂舉昔日天台國清寺因炙茄次有拾得以竹舁向維那背上打一下維那叫直歲你看這風顛漢拾

得云蒼天蒼天寒山問你打伊作什麼拾得云費却多少鹽醬諸禪德拾得打維那實謂費鹽醬多也唯當別有道理明眼衲僧試出來斷看一爲衆決疑已曉未悟二表自己參學辨其是非冷地裏說葛藤貶剥古今不爲好手有麼若無老僧爲你決疑去也直歲苦苦告退再三留得寒山拾得總分付却掃地底教掃地燒火底教燒火諸寮兒子莫令空過饒舌豐干到來老僧爲伊勘過監院維那典座直歲更須要知寒山拾得姓箇什麼若也不知異日他時總遭伊把鼻孔領過喝一喝下座

上堂光剃頭淨洗鉢好便住惡便脫好諸禪德莫將世俗見埋沒道人心

上堂洞山深幽且固千年林木生煙霧林間多少葛藤枝左攀右惹難回互回而更相涉不爾依位住呵呵將謂洞山多葛藤元來却是參同契乃喝云明眼衲僧莫容易

上堂但知隨例食餽子也得三文買草鞋祇如新婦騎驢阿家牽又作麼生直饒道得更問祖師鼻孔長多少在下座

上堂棍無襠袴無口頭上青灰三五斗趙州老漢少

賣弄然則國清才子貴家富小兒嬌其柰禾黍不陽醵競栽桃李春翻令力耕者半作賣花人

上堂但離虛妄名爲解脫其實未得一切解脫作麼生是一切解脫驀拈拄杖云關又云雲門大師在拄杖頭上踣跳還見翠巖眉毛麼若也不見洞山爲你注破長慶來也遂擲下云吹笛打鼓普請看

上堂謝莊主監收云參玄上士味道高人於動靜日用間百事成現受用具足一一要知來處所以古人云譬如大地何物不從地之所生諸佛唯指一心何法不從心之所立洞山分野地之所生或麥或麻或

豆或稻然非其人則不能成辦安立既有安立得不勞乎神用然神用雖勞粒粒不落別處且道落在什麼處遂拈拄杖擲下召大眾云見麼阿誰無分知來處麼若知可謂不風流處也風流

上堂久叅先德不在斯限後進初機不用妄想更依倚箇什麼何不撥開自己心地靈源放出神通光明滔滔流注成辦佛事豈不快哉驀拈拄杖云不是神通光明又擊香卓云不是佛事遂擲下良久喝一喝云夜半烏鷄誰捉去天明帶雪遭指註

上堂識情安排工夫造作一向攀緣已事荒却不信

吾家正徧知論劫莫能成正覺喝一喝下座

上堂舉三聖云我逢人卽出卽不爲人興化云我逢人卽不出卽便爲人師云看者兩箇老古錐竊得臨濟些子活計各自分疆列界氣衝宇宙使明眼衲僧只得好笑諸禪德且道笑作什麼還知落處麼若知一任七顛八倒若不知且向三聖興化葛藤裏咬嚼下座

除夜小叅云一年將盡夜萬里未歸人今夜一衆盡是他鄉之子因何不歸阿呵呵直饒便歸得歸得亦無家正是諸人歸處歸得麼君不聞龐居士云十方

同聚會箇箇學無爲此是選佛場心空及第歸以拂子敲禪床便起

歲旦上堂不見一法卽如來方得名爲觀自在諸禪德今日人人添一歲還見麼若不見又道人人添一歲若見在什麼處安著旣見著處便見出處出處旣明方能世出世間於法自在觀自在菩薩將錢買餠餅放下却是饅頭好諸禪德一年添一歲一歲一如來拈拄杖云拄杖子亦成佛也看

上堂佛法二字不用道著道著則頭角生古人祇解殺人不解活人何不道佛法二字一一現成諸禪德

欲知佛麼祇諸人是欲知法麼祇諸人日用者是是是不是是卽也大奇不是也大奇殺也活也一處不通兩處失功兩處不通觸途成滯

出州回上堂山中城裏事不相知有一句子未敢泄機候遍到寮中一一當面分付直是臨時各自著精彩莫教蹉過

上堂汾州莫忘想俱胝豎指頭古今佛法事到此一時休休休却憶趙州勘婆子不風流處也風流拈拄杖云爲衆竭力

發化主後上堂丐者月餘朝東裝有煩知事首座大

衆一動一靜寧不有勞然則勞動若是道人分上無非佛事所謂往復無際動靜一源苟契神於動靜則無滯於往還心迹不生順逆何咎此則於心無心於事無事又何妨於動靜往還之勤其或得之者正乎心失之者亂乎性蓋得失之自殊非動靜之有異乃拈拄杖擲下喝一喝下座

上堂放過一著落在第二仲春漸暄景色明媚一衆高人起居輕利莫有不涉春緣底麼良久云遠道擎空鉢深山踏落花

上堂相拋又十日歸來山水中眼開如夢覺是事半

成空喝一喝下座

上堂欲識佛性義當觀時節因緣古人無端向虛空裏釘橛誑惑後人今日四月一初夏時節久雨不晴伏惟知事首座大眾道體萬福更討什麼佛性義你諸人各自有眼有鼻有口有耳何不散去莫妨我東行西行下座

上堂舉雲門云劄久雨不晴師云雲門雖善臨時變豹東劄西劄未免和泥合水和泥合水卽且止祇如雲門云劄是那箇劄字莫有明眼衲僧識麼若識雲門有甚氣息若不識衲僧有甚氣息祇者氣息有鼻

孔者拈下座

上堂世尊拈花迦葉微笑乃拈起拄杖云洞山拈起拄杖子你諸人合作麼生遂擊香卓下座

上堂此事如明珠在盤不撥自轉有底撥不轉按不活又爭怪得老僧要識明珠麼各自歸堂喫茶

上堂聖僧每日入骨入髓爲諸人說適來擊鼓重爲宣揚更待長老開口動舌又堪作什麼老僧恁麼道也是爲蛇畫足

結夏日上堂十方聚會三月一結息狂妄心除苦惱熱獲勝清涼證大寂滅到波羅岸出生死轍以此聖

制故不虛設聲聞緣覺不見不聞三世諸佛祇可自知衲僧跳不出打在繯續裏動卽開眼尿床夢中說夢且向洞山門下九十日討箇活路

上堂舉昔日顯官常教僧看見性法門聞大鴻亦爾密遣二僧往探之既至座下凡百提唱俱不識乃生慢意一日會小釋迦曰你莫驕心小釋迦遂作一圓相以手捧向前二僧又不識小釋迦云你莫驕心便起去師云小釋迦三昧二僧不知洞山門下莫有知者麼是什麼三昧良久云打廻還他州土麥唱歌須是帝鄉人



上堂槌鐘復擊鼓日輪正當午拾得語寒山畫龍却得虎下座

上堂佛法兩字直是難得人有底不信自己佛事唯憑少許古人影響相似般若所知境界定相法門動即背覺合塵黏將去脫不得或學者來如印印泥第相印授不唯自誤亦乃誤他洞山門下無佛法與人祇有一口劍凡是來者一一斬斷使伊性命不存見聞俱泯却向父母未生前與伊相見見伊纔向前便爲斬斷然則剛刀雖利不斬無罪之人莫有無罪底麼也好與三十拄杖

上堂臘月二十新豐一衆衲僧巴鼻滴水滴凍

上堂人貧智短馬瘦毛長趙州云我青州做一領布衫重七斤師云有年無德洞山見兔放鷹知生不知其死大衆欲出生死不涉有無大用現前勿隨言語請首座典座及逍遙和尚來上堂不動真際爲諸法立處昨日監院名今朝首座號緣應百千般立處頭頭妙典座把杓柄一一臨時料衆口若能調逍遙同一道諸法立處今已彰作麼生說箇不動真際底道理喝一喝下座

上堂佛法門中有縱有奪縱也四五百條花柳巷二

三千所管絃樓奪也天上天下唯我獨尊不縱不奪又作麼生良久云長把一聲歸去笛夜深吹過汨羅灣下座

因華嚴座主到上堂法界者一切衆生身心之本體也乃拈拄杖云不是法界是諸人無始已來靈明廓徹廣大虛寂之妙體故此土他界天堂地獄六凡四聖情與無情同一無異無壞無雜猶帝網之明珠互相融通更相涉入可謂無邊刹境自他不隔於毫端十世古今始終不離於拄杖頭上若爾則何啻擲大千於方外納須彌於芥中而今百億日月百億須彌

百億世界都在拄杖子裏許乃擲下云擲在諸人面前還見麼信得及麼不思議解脫力神通游戲妙用現前非假於他術皆吾心之常分耳喝一喝下座出州回上堂古人道去去實不去途中好善爲來來實不來路上莫虧危古人見不透脫強生節目惑於後人洞山卽不然來但言來去但言去有什麼過老僧入州途中晚便住曉便行又善爲箇什麼歸來路上困便歇飢便飯又有什麼虧危今復林下與諸道人相見又有什麼事參退喫茶

上堂季冬極寒伏惟知事首座大衆尊體萬福仲冬

已過孟春未來季冬現前過去已過去米來實未來  
現在當無住三世既不留四時何處去若爾則衲僧  
門下是是非非長短短有什麼過喝一喝下座  
上堂入州僅十日出縣又兩朝此心苟無爲動靜皆  
逍遙拈拄杖云拄杖子不可不逍遙良久云莫動著  
動著則打折你驢腰

晚叅上堂舉僧問古德覲面來時如何荅云分付與  
典座又云如何是有漏荅云衆難如何是無漏荅云  
木杓師云衆難木杓一時分付與典座更莫外求一  
一現成物雖常式妙在乎人有底祇在面前摸不來

推不去縱拽得來又千疑萬慮不敢用有底信手拽  
來超今越古所以僧問雲門如何是超佛越祖之談  
門云餬餅諸禪德好省力是卽是還有超佛越祖底  
道理也無試斷看斷得出僧堂裏一任橫咬豎咬若  
斷不出有煩新舊二典座

上堂舉古有僧半夜大叫云我悟也傍僧把住云你  
悟箇什麼其僧云師姑元是女人做師云善卽甚善  
賺殺多少人却須知有賺人處洞山也有箇悟處且  
道悟箇什麼化主元是徒弟做美卽甚美笑殺多少  
人却須知有笑人處賺人笑人兩語雙陳飽叅衲子

試辨疎親

上堂僧問新豐吟雲門曲舉世知音能和續大眾臨  
筵願清耳目師以右手拍禪床一下進云木人撫掌  
石女揚眉師以左手拍禪床一下進云猶是學人疑  
處師云何不腳跟下薦取僧以坐具拂一拂師云爭  
奈腳跟下何進云却是和尚見處師云爾見處又作  
麼生僧云三十年後自有人舉著師云蒼天蒼天復  
云僧問雲門如何是雲門一曲門云臘月二十五師  
云今日是臘月二十五若作雲門曲又是臘月二十  
五若作臘月二十五又是雲門曲又云唱者如何門

云且緩緩師云雲門云且緩緩爲不肯這僧也別有  
道理良久云一般佛法從人妙兩處論訖試斷看  
歲旦上堂去年貧未是貧今年貧始是貧去年貧猶  
有卓錫之地今年貧錫也無師云香嚴與麼道奇特  
甚奇特要且只知其貧不知其富洞山卽不然去年  
富未是富今年富始是富去年富唯有一領墨黻布  
襦衫今年富添得一條百衲山水袈裟歲朝抖擻呈  
禪衆實謂風流出當家諸禪德洞山與麼爲復是不  
肯古人耶爲復扶古人耶試辨看  
立春日因雪上堂大地雪漫漫春來依舊寒說禪說

道易成佛作祖難洞山則不然而今坐立一一成佛作祖何更有難有易遂拈拄杖云不可不成佛所以假言三十二八十也空聲拄杖子喚作成佛不是空聲釋迦彌勒文殊普賢不是空聲而今觸目遇緣萬別千差不是空聲都無實事佛法到者裏也要人有麼有麼乃擊香臺下座

上堂發化主舉王大王向雪峰會裏請晏監院住鼓山雪峰謂衆曰有一隻聖箭子入九重城裏建立佛事去也有乎上座去中路截住問云承聞聖箭子入九重城裏去是不晏云是乎云忽遇三軍圍繞時如

何晏云他家自有通霄路乎云與麼則離宮失殿去也晏云何處不稱尊乎遂回謂雪峰云聖箭子途中折了也峰云他道什麼乎舉前話峰云奴奴他語也得乎云和尚肱膊終不向外曲師云雪峰雖爲一千五百人善知識受侯王供養福報因緣卽不無若是佛法未在洞山則不然云和尚聖箭子途中折了也云他道什麼師云待伊舉了拽拄杖打將出去一使乎上座於後作箇本色衲僧二與聖箭子出其鋒鏌三與禪門作箇真正宗匠爲後人眼目諸禪德是也不是有眼者辨取良久云洞山也有三隻聖箭子各

往一方作大佛事真有作家戰將向途中截住將聖箭子總與摺折却來洞山手裏請棒喫有麼有麼若無明日普請向新豐亭上隨例喫茶相送

上堂舉悟本大師云古路坦然誰措足無人解唱還鄉曲清風月下守株人涼兔漸遙春草綠乃拈拄杖云不是古路豈不坦然我措足也海印發光只是少人信復擊香卓云不是還鄉曲且作麼生唱若唱得五音六律應難比步步逍遙達本鄉唱未得也守株月下渾閒事却恐蹉跎過一生喝一喝下座  
施主捨大藏經兩上堂僧問施主入山崇勝事琅函

星布意如何師云天無私蓋地無私載進云恁麼則佛法得人永鎮龍宮師云日月昭彰進云一人有慶兆民賴之師云者僧却善知時節進云施主當恩舉人禮拜復云世出世間法立處皆相參舉天便有地舉北便知南舉僧便見俗舉聖便明凡以新當凡舊以經方顯函宜哉一一法所立皆雙兼雙兼不涉二所立無不堪此大解脫門智者乃深諳故石頭禪師云當明中有暗勿以暗相覩當暗中有明勿以明相遇明暗各相對比如前後步乃拈拄杖云且道是明是暗跳得出也大奇跳不出且在明暗裏只這明暗

也大難明遂擊香卓下座

上堂丹霞燒木佛院主眉鬚落又教中云未見自作他受他作自受若爾則禪門與教乘敵體相違故丹霞自燒木佛傍僧受殃未審此理如何莫有人明得麼良久云若無人唯澄公首座深明此理希諸高德旦暮親而扣之就而明之下座

上堂丹霞燒木佛院主眉鬚墮落驀拈拄杖云不是木佛便擲下云誰敢燒你擬即眉鬚墮落不擬又且如何遂高聲叫行者拈起拄杖下座

上堂僧問江西佛手驢脚接人未審聖壽如何接人

文部

寶鑑錄卷之四十二

三

師云鮎魚上竹竿進云全因今日去也師云烏龜入水僧云大眾證明學人禮謝師云你作麼生會僧便喝師云掠虛漢僧又喝師云一任跨跳僧云也不得放過師却喝復云五月六月飛霜散雪中火中藕白蓮紅叅

解夏日小叅師云有問話者麼乃以拂子擊禪床云天地造化有陰有陽有生有殺日月照臨有明有暗有隱有顯江河流注有高有下有壅有決明王治化有君有臣有禮有樂有賞有罰佛法住世有賴有漸有權有實有結有解結也四月十五十方法界是聖

是凡若草若木以拂子左邊敲云從者裏一時結舉拂子云總在拂子頭上還見麼乃喝云解也七月十五日十方法界若草若木乃聖乃凡以拂子右邊敲云從者裏一時解舉拂子云總在拂子頭上還見麼乃喝云祇如四月十五日已前七月十五日已後且道是解是結舉拂子云總在拂子頭上還見麼乃喝云諸高德此三喝中有一喝是金剛王寶劍有一喝是踞地師子有一喝是採竿影草若人一一辨得始見臨濟大師道出常情黃檗被掌大愚遭築雖相去三二百年許你親爲的子然後大開不二妙門權諸

文部

寶鑑錄卷之四十二

三

祖道摧邪顯正扶宗立教整頓綱縱大知見耀大法眼不動本際決勝魔軍乃喝云更須知有一喝不作一喝用到者裏須是具燥迦羅眼向未局已前驀提得去諸德且道提得箇什麼良久喝一喝下座因檀越入山小叅師云衆中還有具頂門上眼底衲子出來照天照地看問鋪席既開當路畔行人爭忍不相過師云我者裏釣鼈魚跋鼈出來作什麼進云未審招賢事如何師云你不是賢者進云欲觀深閑內更打一重關師云笑殺傍觀問一棒一喝未當宗乘說妙談玄全乖道體去此二途請師端的師云葛



蘇杜家別置一間來進云若然者猶未是衲僧分上  
事師云是進云相識滿天下知心能幾人師云杜撰  
禪和進云三十年後有人舉此話去在師呵呵大笑  
問昔日龍女獻珠得成佛道未審施主設齋還成佛  
也無師云善惡若無報乾坤必有私進云施主知心  
如何領會師云知心底事作麼生進云有水皆舍月  
無山不帶雲師云却是闍黎會得好復云還更有問  
話底麼良久云三十年弄馬騎却被驢撲遂撫膝云  
直得須彌度黑海水騰波三十三天一時退位十八  
大地獄盡乃停酸見麼若者裏見得釋迦拱手彌勒

撥眉文殊普賢與伊作侍者若也不見看我七縱八  
橫且向葛藤裏薦取呵呵諸高德且道我笑箇什  
麼噫我笑昔日雲門臨濟德山巖頭螢火之光蚊蚋  
之解一人道我呵佛罵祖一人道我得末後句一人  
道黃蘗佛法無多子一人道大覺世尊初生下時一  
手指天一手指地天上天下唯我獨尊我當時若見  
一棒打殺與狗子喫似者一隊掠虛漢總直一期無  
佛處稱尊若是如今喚來一時與伊生按過自餘之  
輩放過即不可豈不聞僧問乾峰云十方薄伽梵一  
路涅槃門未審路頭在什麼處乾峰拈拄杖云在者

裏祇如乾峰怎麼曾夢見也未若是老僧即不然十  
方薄伽梵一路涅槃門未審路頭在什麼處擬吞便  
棒却問伊路頭在什麼處待伊擬開口熱喝出去更  
有箇雲門折脚老比丘不分細素不辨正邪拈扇子  
云踣跳上三十三天築著帝釋鼻孔東海鯉魚打一  
棒雨似盆傾似者般和泥合水漢糞掃堆裏埋却十  
箇五箇又有甚過阿呵呵樂不樂足不足而今幸對  
山青水渌年來是事一時休信任身心懶拘束大眾  
休瞋睡好下座

古尊宿語錄卷之四十二

金瓶居士于王立施寶刻出  
古尊宿語錄卷第四十二計字一萬三千五百  
五十五箇該銀七兩零五分  
施裝經如主對上九丘藏民書陶文記刻  
萬曆丁巳歲三月學山化城寺識

古尊宿語錄卷之四十三

寶峰雲庵真淨禪師住金陵報寧語錄二

師開堂日拈香云此一瓣香恭爲今上皇帝祝延聖壽萬歲萬萬歲伏願堯風永扇同日月之盛明湯德彌新共乾坤而久固此一瓣香恭爲報寧大檀越主特進相公判府左丞伏願舉族享於百祥小大增乎善慶更冀特進相公判府左丞兄弟弟長爲佛法之壅牆子子孫孫永作皇家之梁棟此一瓣香奉爲提刑大夫運判朝奉洎文武官僚常居祿位然提刑衆官總同二相公夙承佛記示作王臣佛法長興外

護斯在以因向果皆成佛道於是跌坐白槌云法筵龍象衆當觀第一義師乃垂一足云大衆爲是一耶是二耶良久云上士一決一切了中下多聞多不信有疑請問僧問昔日梵王請佛蓋爲群迷今朝相公請師當爲何事師云看進云與麼則靈山一會今日親聞師云聞底事作麼生進云大衆證明師云錯問遠離洞山丈室已坐報寧道場如何是不動尊師云東西南北進云一言已布王官耳吾道今朝得再昌師云大家在者裏進云相公證明學人禮謝問昔日李公登藥嶠雲在青天水在瓶今日丞相請師未審

有何言句師云金桃帶葉摘綠李和衣嚼進云與麼則法不孤起仗境方生師云重疊關山路進云泊乎蹉過師云不少也僧問曹溪一路闔國人聞報寧一路什麼人聞師云天下人聞進云莫是和尙爲人處也無師云且得你承當進云作家宗師師云一任闔黎上度復云欲識佛性義當觀時節因緣時節既至因緣自會大衆今日一會要知麼是大衆成佛時節淨緣際會大丞相荆國公及判府左丞施宅舍園林爲佛剎禪門固請大善知識開演西來祖道所以教外別傳直指大衆卽心見性成佛大衆信得及麼若

自信得及卽知自性本來作佛縱有未信亦當成佛但爲迷來日久一乍聞說誠難取信以至古今天下善知識一切禪道一切語言亦是善知識自佛性中流出建立而流出者是末佛性是本近代佛法可傷多弃本逐末背正投邪但認古人一切言句爲禪爲道有甚干涉直是達磨西來亦無禪可傳唯只要大衆自悟自成佛自建立一切禪道況神通變化衆生本自具足不假外求如今人多是外求蓋根本自無所悟一向客作數他人珍寶都是虛妄終不免生死流轉大衆今二相公特建此大道場作大佛事出大

衆生死流轉復大衆本來廣大寂滅妙心開發本來神通大光明正法眼藏但迷則長居凡下悟則卽今聖賢大衆言多去道轉遠笑他明眼道人衆中莫有明眼道人麼今時佛法混濫要分邪正使大衆不墮邪見作人天正眼有麼良久云我終不敢輕於汝等汝等皆當作佛下座

上堂淨法界身本無出沒大悲願力示現受生乃拈拄杖云釋迦老子又來也只爲子孫不了大衆若喚作釋迦又是拄杖子若喚作拄杖子又是釋迦於此莫有人斷得麼若無報寧潑惡水去也良久云容顏

文冊

聖僧錄卷之四十三

三

甚奇妙光明照十方我昔曾供養今復還親觀遂擲下下座

因請主事上堂祖師門下燈燈相續心心相印一燈滅而一燈然一心隱而一心照故萬般之事須藉心明心若不明是事失準諸禪德要不失準麼僧堂裏大家著力

上堂日出心光曜天陰性地昏不知天地者剛道有乾坤直饒識得心地無寸土廓徹十方自性境界觸事全真若透不過眼不開俱屬勝量已見愚故菩薩遊戲神通淨佛國土成就衆生心不喜樂所以若

論此事實謂止止不須說我法妙難思諸增上慢者聞必不敬信乃喝云向下文長

上堂臘月二十八一年將合煞孟春又到來萬事從頭活遂拈拄杖擲下召大衆云拄杖子已活也見麼爲他無佛法禪道知見所以不被四時八節聲色所轉諸禪德莫也要活麼但是事一時放下當人一大事全體出現自然活著著著齷齪齷齪如虎戴角阿呵呵下座

上堂好諸禪德若能離諸相定入法王家法王法道恢廓無涯威德自在勝伏群邪一心空寂妙用河沙

文冊

聖僧錄卷之四十三

四

上堂七分八分百億妙門黃龍老傑累及兒孫然則知恩方解報恩莫有解報恩底麼你是箇漢纔聞報寧說汝只道得七八分便好拽倒地地上驀面唾槌煞擲與狗喫豈不快哉亦未爲分外阿呵呵空將未歸意說向欲行人

上堂舉臨濟一日與普化在施主家齋濟云毛吞巨海芥納須彌爲復是神通妙用法爾如然化便踏倒卓子濟云得卽得太纍生化云者裏是什麼所在說纍說細至明日又去一家齋濟又問昨日供養何似今日化又踏倒卓子濟云得卽得太纍生化云瞎漢

佛法說甚麤細師云古人一等參禪悟得脫灑見處明白得用便用不在擬議之間何也爲他無佛法知見爲礙而今莫有無佛法爲礙者麼良久喝云設有又打在無事甲裏

請首座上堂一番新一番舊新舊相資要成就諸禪德且道成就箇什麼爲成就佛事耶成就道場耶成就叢林耶若與麼成就豈有教外別傳乃拈拄杖云此爲復是教內教外是新是舊不得喚作拄杖子便成就取好遂擲下下座

上堂僧問如何是佛師呵呵大笑進云何哂之有師

文冊

五

五

云我笑你隨語生解進云偶然失利師遂高聲云不要禮拜僧便歸衆師復笑云隨語生解復云好大衆也無禪也無道也無玄也無妙快活當明者一竅一竅不明愁殺人動卽依他和尿合尿參

上堂法無定旨深淺隨機通人分上祗可自知莫有通人麼點則不到喝一喝下座

上堂僧問學人一面琴不是凡間木今朝捧上來請師彈一曲師云大衆側耳進云得聞於未聞去也師云是何指法僧提起坐具師云哀哉哀哉汝命何太短進云且喜勿交涉師云不是知音進云不如歸云

來惹頓有人憶師云何得忘却焦桐進云在者裏師云放下著復云通來一曲諸人同措再爲一彈快須聽取焉拈拄杖橫按良久云一曲兩曲聞不聞悲風流水何方去卓拄杖下座

上堂長安甚開我國晏然焉拈拄杖云雲門大師來也劉久雨不晴以拄杖敲香卓云新羅在海東臨濟小厮兒祗具一隻眼普化賊漢佯狂詐顛耐耐豐干饒舌指出文殊普賢

上堂心隨萬境轉轉處實能幽隨流認得性無喜亦無憂好諸禪德恁麼也得不恁麼也得恁麼不恁麼

文冊

五

五

總得如來說一合相卽非一合相須菩提好與三十棒下座

上堂僧問聲前薦得未是作家喝下承當猶爲鈍漢學人上來請師相見師云家富小兒嬌進云也是說道理師云與你一文錢進云今日不著便師云養子之緣僧便喝師云不要哭不要哭問昔日相國之家今朝佛僧之舍未審是同一是別師云白鷺灘頭月進云不曉師機願垂方便師云緊捎草鞋僧擬議師云重疊關山路復云萬般施設不如常又不驚人又久長好諸禪德古人道處今人行處可謂似地擎山不



知山之孤峻如石含玉不知玉之無瑕良久云祇恐不是玉是玉也大奇

上堂舉三聖問雪峰透網金鱗以何爲食峰云待你出得網來卽向你道三聖云一千五百人善知識話頭也不識師云俊哉俊哉快活快活恰似一隻鷄子莫驚著報寧卽不然透網金鱗以何爲食待你出得網來卽向你道待他道一千五百人善知識話頭也不識但拽拄杖打出三門外復云也好快活恰似一隻虎莫動著話禪德且道報寧快活何似三聖快活莫有快活底麼麼出來定當看良久喝一喝云把手

### 拽不住

上堂僧問焚香煙上騰集四衆座下爲復是神通法爾爲復是總不與麼師云一時被閹黎道了也進云有意氣時添意氣不風流處也風流師云你作麼生會僧便喝師云龍洞禪和僧又喝師擲下拂子云何不更打一棒僧擬議師云棒上不成龍問眞淨界中纔一念閑淨早是八千年還許學人稱眞淨之名也無師云許進云若然者永劫飄流無時解脫師云百草頭上薦取老僧進云恁麼則小出大遇去也師云且莫錯認好僧禮拜師云果然復云佛法二字也大

難明三世諸佛向你諸人脚跟下走過你疑要見他早是眼睛落地盡拈拄杖擲下云你且道三世諸佛與拄杖子相去幾何良久喝一喝下座

上堂舉雪峰云南山有條鼈鼻蛇你等諸人出入好看師云雪峰無大人相然則蛇無頭不行長慶恰如箇新婦兒怕阿家相似便道堂中今日大有人喪身失命雲門拽拄杖擲向雪峰面前作怕勢師云爲蛇盡足玄沙云川南山作什麼師云道我見處親切不免只在窠窟裏更無一人有些子天然氣槩報寧門下莫有天然氣槩麼麼不敢望你別懸慧日獨振玄

風且向古人鵲巢布衫上知些子氣息也難得

上堂舉起拄杖云舉起也靈光洞曜迴脫根塵復斜亞云放下也體露眞常不拘文字不舉不放復名何物遂擲下云看良久喝一喝下座

上堂云東家杓柄長西家杓柄短拈起黑漆盆却是白瓷盃大唐天子笑不休火裏蟬螻三隻眼參

### 住廬山歸宗語錄

開堂日宜疏罷師拈香乃趺坐棲賢長老白槌了便有僧出問草庵孤坐誰知出格家風拄杖橫空未審是何宗旨師云雲間五老水滿雙溪進云若然者劍

爲不平離寶匣藥因救病出金瓶師云一條界破青山色進云忽遇五馬行春日萬家和氣生又且如何師云却被闍梨道著進云海神知貴不知價留與人間光照夜師云靈利衲僧問飛錫一聲天地動爐煙起處遍乾坤爲國開堂於此日師將何法報皇恩師云耶舍塔前消息在進云皇恩答處蒙師指朝宰臨筵事若何師云已有隨車雨何須動地雷進云若然者虎出渡河皆此日珠還合浦賀今朝師云知恩有幾人復云諸佛心印祖祖傳授所謂教外別傳者蓋取其要妙也其要妙之道在人不在教乘所以歸宗

長老得之以妙明心印印僧俗大眾彼我無差同成佛道還信得及麼權郡大夫得之以妙明心印印一郡千里之事則自然殊途同歸一毛頭一一明了一一無差然後卷舒自在縱奪臨時皆吾心之常分非假於他術提刑都官得之以妙明心印印十方華藏世界海抵在一毛頭於中或行或坐或去或來遊山翫水選勝尋幽法喜禪悅皆吾心之常分非假於他術衆官得之各以妙明心印印之則王民事事一一明了一一無差然後可行則行可止則止皆吾心之常分非假於他術諸山禪師得之三世諸佛一切法

門各以妙明心印印之則法法明了一一無差然後應機接物通變臨時或日面月面佛手驢脚或豎拂拈槌或呵佛罵祖作大佛事皆吾心之常分也遂拈拂子劃云劃斷葛藤便擲下云是什麼良久喝一喝下座

師在筠州九峰辭衆晚參遂舉拂子云昔日世尊拈花迦葉微笑今夜歸宗舉拂大眾寂然爲復寂然者是微笑者是又是箇什麼只如歸宗舉拂與世尊拈花是同是別若言同法無同相若言別豈有兩般久泰先德聞舉便了後進初機却須子細良久云法法

總歸宗臨機要變通靈源明妙處平等主人翁師初入寺陞座僧問遠公符命禪師俯應機祖今當行也方便指群迷師云深進云深意又如何師云淺進云學人如何領會師云點云大眾證明學人禮謝師云老僧今日失利問遠離九峰丈室已屆歸宗道場如何是不動尊師云鷓鴣啼處百花香進云萎花風掃去香水雨飄來師云今也如是古也如是進云若然者將爲少林消息斷如今蹤跡宛然存師云如何是少林消息僧禮拜師云點卽不到師云佛法要妙但歸其宗苟歸宗也自然無可不可一切成現海印發

光今與大衆同已歸宗住平等本際敢問何者是宗何者是要妙良久云祇爲分明極翻令所得遲

上堂爲新舊化主云舊者已還新者復作新舊相資放過一著遂拈拂子云不可作新舊會既不作新舊會又落在什麼處若知落處受用無窮若不知落處亦受用無窮知落處受用無窮則可知不知落處因甚麼受用無窮明眼衲僧試斷看

上堂舉赤眼因見蛇便與斬斷傍僧云久嚮歸宗元來只是箇麤行沙門眼曰你麤我麤師云大衆只知赤眼斬蛇向其僧道你麤我麤且古人見處作麼生

五十二

寶鑑錄卷之四十三

十二

遂舉拂子云今日歸宗舉拂子與當時歸宗斬蛇是同是別良久云人人有箇真天佛妙用縱橫總不知今日分明齊指出斬蛇舉拂更由誰

上堂頭陀石被莓苔裏擲筆峰遭辟荔纏羅漢院一年度三箇行者歸宗寺裏叅退喫茶

上堂今日乃是第二箇四月不見古人道放過一著落在第二雖然第二未免抵是前來孟夏漸熱乃呵呵大笑云有利無利不離行市西川成都府漏籃子一文錢三箇五箇撒在諸人面前一一可以治病又且不知廬陵米作麼價

上堂師乃到法座前顧視大衆便歸方丈

上堂云南泉斬猫兒與歸宗斬蛇叢林中商量還有優劣也無優劣且止只如趙州戴靴鞋出去又作麼生若也於此明得德山呵佛罵祖有什麼過於此不明丹霞燒木佛院主眉鬚落所以禍福無門唯人自召喝一喝下座

上堂你有拄杖子我與你拄杖子你無拄杖子奪却你拄杖子大衆見錢買賣莫受人謾知麼有利無利不離行市阿呵呵却憶趙州勘婆子不風流處也風流喝一喝下座

五十三

寶鑑錄卷之四十三

十三

上堂舉僧問雲門如何是雲門一曲門云臘月二十五忽有人問歸宗如何是歸宗一曲但向伊道五月二十五且道歸宗與雲門意作麼生今之與古相去幾何又云唱者如何門云且緩緩忽有人問歸宗唱者如何向他道莫錯莫錯且道歸宗是雲門非雲門是歸宗非乃喝一喝云是非總去却是非裏罵取上堂擲下拂子云歸宗擲下拂子大衆一時覩見任是鶻眼龍睛也須遭伊繫絆喝一喝下座

上堂今朝七月二十秋風涼冷相及一切佛法現前自是常情不入遂舉拂子云拂子已入也爲伊無佛

法知見解會汝諸人見道無佛法知見便道大盡三十日小盡二十九作箇無事商量喝一喝云瞎屢生上堂舉僧問悟本大師寒暑到來如何回避本云何不向無寒暑處去僧云什麼處是無寒暑處本云寒時寒殺閻黎熱時熱殺閻黎師云大眾若也會得不妨神通遊戲一切臨時寒暑不相干若也不會且向寒暑裏經冬過夏喝一喝下座

上堂八月中秋涼風蕭索衲僧去來如雲似鶴山北山南有路通一條拄杖橫擔却是即是覺不覺切忌隨他老慮脚喝一喝下座

法苑珠林

卷之四十二

十三

上堂今日淵上座設道吾鑽飯點趙州茶拈出如來一大經卷爲諸人徹困驀拈拄杖擲下云道吾飯趙州茶如來一大經卷此三種法門盡在拄杖頭上撒開也東西南北四維上下一任變通自在受用三十年後不得辜負淵上座若也不知數日雨寒秋風漸冷喝一喝下座

施主捨法衣上堂大眾諸佛法衣得之者出三界離五欲成大道度衆生遂舉衣云舉起也地獄停酸脩羅息戰放下也帝釋搖頭諸天罷樂不舉不放十方法界情與無情同成佛道未審施法衣者成得箇甚

麼良久云自從盧老收歸後須信人人總有之

長安化主歸上堂大眾一兩絲一匹絹一一盡從鷲口現口中吐出濟人間衲僧如何總不薦若也薦家

家門裏舍元殿喝一喝下座

開爐日上堂凡夫色礙二乘空礙菩薩色空無礙目前萬象森羅理事融通自在僧堂又添煖火十方高人共會不必更分彼此同是一眞法界喝一喝下座上堂云今朝十月二十五須知有法離言句本明本妙不假修一隊古佛叅堂去

上堂冬後一陽生乾坤解通變衲僧莫守株彼此丈

法苑珠林

卷之四十三

十四

夫漢日日天真活人人自可見如何都不顧隨他物所轉喝一喝下座

啓聖節上堂舜日共佛日長明堯風與祖風並扇所謂一人有慶兆民賴之祝延聖壽今正是時乃呼萬歲萬萬歲下座

上堂僧問乾坤之內宇宙之間中有一寶秘在形山山卽不問如何是寶師云閻黎終日騎牛不識牛進云恁麼則從今日歸家去也師云如何是那寶僧便喝師云前三三後三三又作麼生進云謝師指示師却喝云不識雲門關捩子等閑動著眼瞞瞞復云



那一寶非今非古非僧非俗非男非女十二時中光明短赫還有人著得價麼若有人著得價三十年後不得辜負歸宗莫有人著價麼這一隊漢十二時中是箇甚麼喝一喝下座

上堂今朝十月半大上月初圓遂拈拂子云拂子豈不是圓又敲禪床云何曾偏來大眾只這偏圓道聲色圓沿沿眼耳直見聞莫問歸宗老

上堂納僧門下無非過量境界自在禪定乃喝一喝云豈不是過量境界又聲款一聲云豈不是自在禪定阿呵呵將此深心奉塵刹是則名爲報佛恩

上堂好雪大眾米麵柴炭之屬一切成現寒則圍爐向煖火困來拽被蓋頭眠好大眾適從僧堂來却向僧堂去喝一喝下座

上堂大眾休得也無了期共來林下學無爲袈裟同肩一拂子相逢能得幾多時喝一喝下座

化城大師來上堂三界無安猶如火宅出得火宅未到寶所且在化城今日相逢化城不見寶所何在元來只是舊時源上座大眾元來一時總是舊時人伏惟珍重

上堂大眾古人道盡大地是箇解脫法門枉作佛法

會却何不見山是山見水是水歸宗則不然盡大地是箇解脫法門不作知見解會有時見山不喚作山有時見水不喚作水大眾彼此丈夫莫受人謾

上堂大眾歸宗不是無禪可談無法可說正值雪寒不宜久立乃喝一喝云歸堂向火

上堂云今朝正月初五未免爲君重舉斬新日月分明禪家且莫莽鹵還有不莽鹵底麼且道是什麼喝一喝下座

上堂今朝正月初十晴暖春風襲襲觸目無礙法門大家一時證入喝一喝下座

上堂云大眾佛法兩字彼此不肯便眾中莫有師子兒麼不敢望你哮吼一聲使大眾一時頂門上眼開且莫嘲他古人殘羹餽飯也難得歸宗今日謾你諸人去也驀拈拄杖擲下云南山鼉鼻蛇解弄者收取喝一喝下座

上堂二月仲春漸暄時來萬物爭妍莫待桃花悟道出門芳草芊芊喝一喝下座

上堂舉教中道不見一法是大過患乃喝一喝云有什麼過驀拈拄杖卓云有什麼患復橫按云德山棒臨濟喝舉世何人解提掇天高地迴萬象開總是僧

家好時節遂擲下云是什麼時節喝一喝下座

上堂世尊三昧迦葉不知迦葉三昧阿難不知因甚不知只爲淺深有異三德六味施佛及僧法界有情普同供養首座三昧大眾不知因甚不知對面不相識開單展鉢拈匙放勛大眾三昧各不相知因甚不知阿呵呵復拈拄杖橫按云我觀法王法法王法如是卓拄杖下座

上堂拈拄杖云涅槃心易曉差別智難明古人道你有拄杖子我與你拄杖子你無拄杖子我奪却你拄杖子歸宗則不然你有拄杖子我奪却你拄杖子你

無拄杖子我與你拄杖子大眾芭蕉與麼歸宗不與麼且道與麼是不與麼是擲下拄杖云是什麼良久云是卽龍女頓成佛非卽善星生陷墜

上堂山門今日供養羅漢爲十方檀越酬還心願人者生天現存獲福召云大眾但祇隨例食飽子莫問人間短與長復拈起拄杖云我生已盡梵行已立所作已辦不受後有三界不奈伊何堪受人天供養這一隊小輩林漢總好與二十拄杖喝一喝下座

上堂大眾彼我雖殊恨塵有異然則性自平等無平等者平等尚無況有不平等者爲拈拄杖云情與無

情共一體處處皆同眞法界遂擲下云撲落非他物且道是什麼物喝一喝下座

隆慶長老來上堂大眾教中道佛滅度後爲善知識者總是見佛來然則其爲善知識者亦不可容易觀善知識者亦不可輕慢隆慶禪師斯之謂也老僧與知事首座大眾同增懽慶乃喝一喝云虎溪宗派龍山子孫吉州隆慶大啓禪門古人所謂從門入者不是家珍爲拈起拄杖云爲是家珍爲是外物大眾却請隆慶禪師決斷擲下拄杖下座

因開福車使至上堂近有人從成都來乃得潭州信

却說廬陵米價高爲拈起拄杖云風行草偃擲下云是什麼喝一喝下座

上堂日往月來大盡小盡光陰已去生死漸近大眾總是祖師門下客須知生死不相關且道歸宗與麼說話還有過也無良久云父母不聽不得出家

上堂舉昔日臺山路上有一婆子凡有僧問臺山路向什麼處去婆云驚直去僧擬行婆云好箇阿師又恁麼去師云遊臺山者憧憧往來莫知其數未有一人不被伊瞞唯趙州一日謂衆曰臺山下婆子被老僧勘破了也大眾雖然不受伊瞞若點檢來也好喫

婆手中棒且道趙州過在什麼處若知趙州過方解  
不受人瞞歸宗門下莫有不受人瞞底麼喝一喝下  
座

上堂如來大師云不能了自心如何知正道又寒山  
菩薩云一念了自心開佛之知見大衆是什麼直下  
了取拈拄杖云阿誰不見阿誰不知知見分明又擊  
禪床云阿誰不聞阿誰不了了心平等若此觀者名  
爲正觀若他觀者名爲邪觀卓拄杖下座

上堂良久云船子下揚州大地無寸土蛇咬蝦蟇聲  
更有衆生苦驀拈拄杖擲下云今朝二十五喝一喝

下座

上堂今朝六月日萬物隨時變地肥茄子多兩足甜  
瓜賤紅桃大似拳綠李圓如彈誰識歸宗大道心拈  
來一一人難辨驀拈拄杖云你有拄杖子我與你拄  
杖子你無拄杖子我奪却你拄杖子又作麼生辨若  
辨得出不虛在歸宗過夏若辨不出禪床且替他喫  
棒乃擊禪床下座

上堂大道不假雕鐫人心何須造作但知一切臨時  
拈來無非妙藥驀拈拄杖云豈不是妙又擲下云拋  
來擲去有什麼過乃喝云纔有是非紛然失心

上堂古人有大智慧隨宜自在無可不可故僧問古  
德如何是古佛心答云牆壁瓦礫是僧云牆壁瓦礫  
豈不是無情德云是僧云無情還解說法否德云常  
說熾然說無間歇其僧於言下大悟證無情說法師  
云古佛身心如飲醍醐渴心永寂奇特甚奇特安樂  
則不妨安樂若是德山臨濟烜赫兒孫他亦不喫這  
般茶飯何也不是他所食之物且道德山臨濟兒孫  
所食何物良久乃噓噓佛法門中可謂刁刁莫辨魚  
魯難分下座

上堂今朝六月二十五莫問超佛及越祖但祇粥飯

飽便休日月朝昏自回互驀拈拄杖云回互不回互  
佛殿走出三門僧堂越過廚庫拄杖子穿却諸人鼻  
孔迴而更相涉乃擲下良久云不爾依位住喝一喝  
下座

上堂一葉落天下秋廬山山北到江州驀拈拄杖擲  
下云若知撲落非他物須信縱橫得自由

解夏日上堂四月十五結夏七月十五解夏世俗諦  
中有秋有夏有解有結佛法門中無是無非無得無  
失莫非妙用有時結也九十日內水泄不通聖凡路  
絕誰敢咳嗽若咳嗽也須是你解咳嗽始得有時解

也十方通徹去來自在亦須知有路頭去處始得且道不解不結又作麼生良久喝一喝下座

上堂欲識佛性義當觀時節因緣昨日撞鐘送法眼入塔今朝擊鼓集禪衆陞堂千般時節萬種因緣總不出這箇大衆且道這箇是什麼乃喝云異生見解我執不同又爭怪得老僧

上堂今朝八月中秋正是月圓當戶所謂盲者不見非日月之咎故經云是法平等無有高下迷者自迷悟者自悟大衆當知不得莽鹵

上堂一切衆生總一般妙明日用更無偏等閑却被

邪師拈剛道西來別有禪葛拈拄杖云且道是西來是妙明心地復擲下云試斷看喝一喝下座

上堂云今朝九月一夜來霜氣寒當知門外路一一透長安喝一喝下座

上堂諸州丐士經年去次第歸來復納疏打鼓普請共證明今朝九月二十五大衆證明則不無須知鉢盂飯粒粒皆辛苦鉢裏飯滋味大衆總知歸宗道今朝九月二十五又且如何良久乃呼侍者參退請諸郡化主喫茶喝一喝下座

上堂今朝十月一天下煖爐開衲僧頂門眼依舊蒙

塵埃歲月既已往死生還到來床添新蓐薦一任雪成堆遂拈袈裟角云大衆人人有分須是頂門眼開始得喝一喝下座

上堂古人所謂終日忙忙那事無妨師云不妨簡要只如開單展鉢拈匙把筯揚眉瞬目有什麼妨處行住坐卧動靜去來又有何異葛拈拄杖敲香卓云妨箇什麼復擲下云不可喚作忙也敢問大衆那事作麼生良久喝一喝下座

上堂是日已過命亦隨滅如少水魚斯有何樂唯二乘禪定寂滅爲樂是爲真樂學般若菩薩法喜禪悅

爲樂是爲真樂三世諸佛慈悲喜捨四無量心爲樂是爲真樂石霜普會云休去歇去冷湫湫地去是謂二乘寂滅之樂雲門云一切智通無障礙拈起扇子云釋迦老子來也是謂法喜禪悅之樂德山棒臨濟喝是三世諸佛慈悲喜捨之樂除此三種樂不爲樂也且道歸宗一衆在三種內三種外良久云今日莊主設饌飯儀覲錢參退僧堂內普請喫茶去喝一喝下座

上堂萬法是心光諸緣唯性曉本無迷悟人只要今日了好大衆修山主見處與大衆見處日用無差大



衆見處與歸宗長老見處日用無差歸宗見處與雲峰山主日用無差雲峰見處與深首座日用無差乃喝云莫分彼我彼我無差心光共曉日用堪誇焉拈拄杖云阿誰不見阿誰不曉擊香卓云阿誰不聞復擲下云是什麼喝一喝下座

上堂舉龐居士云十方同聚會箇箇學無爲此是選佛場心空及第歸大衆總是選佛之人既到歸宗門下須是一箇箇心空及第歸不可作長行粥飯僧彼此出家離世俗誰言祖獨有南能

上堂今朝臘月初五有事爲君直舉靈湯禪師到來

鼓棚

尊宿語錄卷之四十三

十三

救濟大開府庫差珍異寶不慳所好臨時揀取雖然一一歸宗不妨却分賓主乃喝云且道是賓是主復喝云賓主歷然久參到此也須莽鹵

上堂獨樹不成林人人總知有梵剎一纔興大家出隻手焉拈拄杖云家家門前火把子復擲下云各自看取喝一喝下座

上堂今朝臘月二十五雲門一曲爲重舉驢脚佛手總現前明眼衲僧多莽鹵喝一喝下座

上堂蒲目文殊普賢境界直下分明道無不在焉拈拄杖擲下云拋來擲去有什麼過喝一喝下座

上堂二月仲春漸暄時來萬化可憐到處桃紅柳綠石頭也生暖煙焉拈拄杖擲下云有意氣時添意氣不風流處也風流喝一喝下座

上堂靈光獨耀迴脫根塵體露真常不拘文字此是百丈大智禪師舉揚大衆作麼生良久云在家疑是客別國却爲親喝一喝下座

上堂南閭浮提衆生以音聲爲佛事所謂此方眞教體清淨在音聞是以三乘十二分教五千四十八卷一一從音聲演出乃至諸代祖師天下老和尚種種禪道莫不皆從音聲演出庭前栢樹北斗藏身德山

鼓棚

尊宿語錄卷之四十三

二十四

呵佛罵祖臨濟喝豈不從音聲演出何況世間所有一切事法不從音聲成就者然後音聲無盡演說無盡見聞無盡利樂無盡苟入此法門得旋陀羅三昧自在海良久喝云十方羅漢喝一喝下座

上堂今朝三月初五正是清明景序豈獨游人往來更兼蜂狂蝶舞須信自在神通彼此性眞妙具萬物總非斷滅衲僧別求禪悟葉本逐末喝一喝云驢年下座

上堂今朝三月初十劄久雨不晴船子下揚州東海鯉魚打一棒洞庭湖裏浪滔天須知大道本無偏喝

一喝下座

上堂今朝三月十五又是月圓當戶祖意教意同別  
但看鷄寒上樹鷲拈拄杖云春無三日晴夏無十日  
雨復擲下云處處綠楊堪繫馬家家門底透長安喝  
一喝下座

上堂如來世尊云菩薩覺成就故不與法縛不求法  
脫不敬持戒不憎毀禁不重久習不輕初學何以故  
一切究竟覺彼此成佛故如是則僧也如是俗也如  
是凡也如是聖也如是賢也如是愚也如是驀拈拄  
杖云拄杖子亦如是擲下云如是如是

聖賢錄卷之四十三

聖賢錄卷之四十三

二五

上堂舉西天昔有七女遊屍陀林見一死屍妹問姊  
曰屍在這裏人在什麼處姊曰妹妹妹應喏姊曰在  
什麼處於是空中散花女曰空中散花者誰應曰我  
是帝釋見聖者善說般若感我天宮特來散花聖者  
欲何所須我當供給女曰別無所須只要箇無根樹  
子帝釋曰我天宮無種不有若要無根樹子卽無女  
曰帝釋帝釋應喏女曰這箇是什麼帝釋遂隱去大  
衆且道帝釋是會了隱去不會了隱去又道善說般  
若感我天宮又道無無根樹子大衆且作麼生明得  
不辜負聖女若也不會不得辜負帝釋歸宗亦有箇

無位真人憨憨癡癡跛跛羣羣且怎麼過時喝一喝  
下座

王主簿到上堂僧問雲門大師欲一棒打殺釋迦老  
子和尚又欲糞掃堆頭窖殺雲門未審和尚罪過還  
許學人點檢也無師云且莫造次學云和尚坐斷廬  
山爲什麼不識某甲這話師云三十棒學云關師云  
點學云劄師云念汝做街坊復云憶在報寧時彼彼  
各年少而今住山來各各已衰老休話人間短與長  
相逢把手呵呵笑呵呵笑逍遙自合無爲道驀拈拄  
杖敲香臺云不可不自在復擲下云不可不逍遙喝

聖賢錄卷之四十三

聖賢錄卷之四十三

二六

一喝下座

上堂僧問馬祖下尊宿一箇箇扇輓輓地唯有歸宗  
老較些子黃龍下兒孫一箇箇硬剝剝地祇有真淨  
老師較些子學人恁麼道還扶得也無師云打疊面  
前楂檜却進云若不同床睡焉知被底穿師不對進  
云這箇爲上上根忽遇中下之流如何指接師亦不  
對進云非但和尚一場懨懨學人亦乃一場敗闕師  
云三十年後悟去在復云一切禪與道觸目無非妙  
貴賤但臨時不要生機巧驀拈拄杖云三世諸佛說  
不到諸代祖師傳不及遂擲下云是什麼喝一喝下

座

住寶峰禪院語錄

師開堂日接得左司手中疏乃示眾云左司傳授烜赫現前泐潭把呈分明薦取薦與不薦却付與表白表白擬接復收迴云不見到權柄在手縱奪臨時非但泐潭如是左司眾官神通變化各各具足却度與表白宣罷於是就座問話畢師乃云適來白槌云法筵龍象眾當觀第一義且道何名第一義如何所觀大眾當知欲得分明現前可以直截自觀若能自觀名爲正觀若他觀者名爲邪觀而今莫有能自觀者

文冊

寶峰語錄卷之四十三

二二三

麼既能自觀卽能他觀且道卽今左司眾官僧俗大眾一一是箇什麼噫觀音妙智力能救世間苦可謂一一圓妙一一本靈一一神通變化總不欠少了無生死可相關若不能自觀者爲迷真覺性還却受輪迴然洪州乃江西大都督府古今已來人傑地靈佛事興盛昔有馬祖以禪道化人亮座主乃教法救世亮一日來參馬祖曰見說座主大講得經論是否亮云不敢祖云將什麼講亮云將心講祖曰心如工伎兒意如和伎者又爭講得經亮乃抗聲云心旣講不得虛空莫講得麼祖曰却是虛空講得亮不肯便

文冊

寶峰語錄卷之四十三

二三八

出去祖召云座主亮迴首豁然大悟師云而今聞却是虛空講得多便向虛空裏釘枷殊不識馬大師神通光明解黏去縛又龐居士問馬祖云不與萬法爲侶者是什麼人祖曰待汝一口吸盡西江水卽向汝道師云禪門多作奇特商量玄妙解會又不見馬大師威光自在裁長補短又大梅初參馬祖問如何是佛祖曰卽心是佛師云如今往往向卽心裏喪身失命須還他馬大師觀機設法應病與藥一切臨時無不可其大梅蒙馬師開示豁悟本心一得永得更不他觀直入深山庵居巖穴後因有僧遊山見之問

曰庵主住此山多少時梅曰只見四山青又黃僧又問出山路向甚麼處去梅曰隨流去祖聞之令一僧去問云和尚見馬師得箇什麼便住此山梅曰馬師向我道卽心是佛我便向這裏住僧云馬師近日佛法又別梅云作麼生別僧云又道非心非佛師云且道馬大師還有爲人底意也無梅云這老漢惑亂人未有了日在任汝非心非佛我祇卽心是佛師云知恩方解報恩僧迴舉似祖祖召大眾云梅子熟也龐居士遂去問梅曰久嚮梅子熟還許學人摘喫也無梅云你向什麼處下口士云百雜碎梅云還我核子

來師云且道此二人相見還有優劣也無梅臨遷化  
時聞鼃鼠聲乃曰卽此物非他物汝等善護持之吾  
今逝矣師云大衆旣非他物是什麼物復云近有無  
盡居士曰大都此物非他物豈有南宗與北宗如今  
衲子多是爭南宗北宗雲門臨濟却被箇俗漢子點  
破雲門臨濟兒孫不勝懨懨久立諸官伏惟珍重  
入院上堂馬祖傳心石門泐潭乾師總師前三後三  
老僧到來如何指南遂拈拄杖云你有拄杖子我與  
你拄杖子你無拄杖子我奪却你拄杖子良久云我  
雖與你同條生不與你同條死乃擲下拄杖喝一喝

支那

高僧傳卷之四十三

三十九

下座

因雙林下生長老來上堂云寶山不易到旣到莫空  
迴莫有不空迴者麼遂擲下拄杖云是什麼良久云  
不見雙林釋迦老又聞彌勒下生來喝一喝下座  
上堂今朝正月二十五孟春猶寒人共舉分明佛法  
不二門甜者自甜苦者苦喝一喝下座

開馬祖塔日上堂放過一著落在第二有利無利不  
離行市家家門外綠柳垂不獨春風折桃李馬祖堂  
開二月初二觸目遇緣法門大啓不如歸去來良久  
云向什麼處去馬祖堂中燒香罷僧堂裏喫茶

施主看藏經請上堂云毗盧藏中有大經卷含真空  
而體寂鏡妙色以圓明驀拈拄杖云三世諸佛一大  
藏教盡在裏許阿誰不見阿誰不聞聞見分明是箇  
什麼喝一喝下座

出外歸上堂歸來閏二月閨寂寶山中城隍耳目盡  
塵勞萬事空春水綠野花紅須信禪家道真窮信手  
拈來一枝草臨機生殺任西東

上堂舉僧問馬祖如何是佛祖曰卽心是佛師云馬  
大師也是看孔著楔然現前一衆雖不受馬駒所踏  
是不可忘古人大慈悲故誰教從來今日清明良久

支那

高僧傳卷之四十三

三十九

云與大衆同到塔上燒香

上堂今朝二月二十五野草閒花相共舉信手拈來  
一一玄癡人莫認庭前樹衆中莫有不受惡水潑者  
麼遂拈拄杖擲下云祇這拄杖子亦不辜負大衆喝  
一喝下座

上堂時光迅速那事如何雖然如是我不敢輕於汝  
等汝等皆當作佛故先覺云一切障礙卽究竟覺驀  
拈拄杖云不是究竟覺遂擲下拄杖云拋來擲去有  
何障礙喝一喝下座

上堂今朝三月初十知事首座大衆尊候萬福良久



云山前大小麥穗也未直歲照顧牛馬莫教踐踏秧苗典座廚中調和衆口監院庫下坐籌帷幄決勝十里諸寮舍各各照顧火燭勝上座設饋飯供養馬祖大寂禪師大衆總飽老僧亦飽薦拈拄杖云拄杖子亦飽山河大地亦飽遂卓云叅退堂中喫茶

上堂擲下拄杖云撲落非他物且道是什麼物縱橫不是塵旣不是塵是箇什麼山河及大地全露法王身山河大地諸人總見那箇是法王身良久云只爲分明極都緣日用親

上堂一夏九十日看看將欲畢爲報求佛人今朝七

古尊宿語錄卷之四十三

三

月一教中道佛身無爲不墮諸數且道如何是無爲佛身於此薦得不逐四時之所遷萬物之所變若不薦人漸老又經秋等閑白却少年頭喝一喝下座上堂今朝八月初五禪家安閒國土甜則甘草元甜苦則黃檗元苦若也得意忘言自然超今越古

上堂古人道毫釐有差天地懸隔且道毫釐不差又如何良久云僧堂裏喫茶

上堂今朝八月十五又是月圓當戶月不照人人不問月彼此不相干趙官家國土不如歸去來田中晚稻近日好雨喝一喝下座

化主迴上堂演上人今日作齋供養羅漢爲供養過去耶見在耶未來耶若供養過去已過去未來未至見在無住三世旣不有一心何所依乃召云演上座正好供養過去亦如是見在亦如是未來亦如是彼亦如是此亦如是一切諸法亦如是復召云演上座正好供養供養亦如是如是如是

上堂道德經曰大巧若拙大辯若訥師云達人到此身心一如身外無餘十方世界只在目前

上堂一年十二月條忽又臨頭人漸老水長流世有何人便肯休休休不如歸去來自無繩水牯牛喝

古尊宿語錄卷之四十三

三

一喝下座

上堂方上人今日爲施主供養羅漢且道羅漢來也無若來在什麼處若不來又供養他作什麼乃顧謂大衆云要識真羅漢麼元來總在這裏復召云方上座還見麼正好供養來無所從去無所至一一不生一一不滅性真妙明常住世間清淨本然周徧法界若也如是萬兩黃金亦消得若不如是滴水難消老僧隨例食飽子也得三文買草鞋

聖節上堂率土之土皆屬王土率土之民莫非王民今朝臘月八日當釋迦如來成道之辰是今上皇帝

降誕之日所謂前聖後聖聖德共明人王法王王道同久應千年之慶運統萬國之歡心伏惟皇帝陛下萬歲萬萬歲復召衆云大殿上念佛祝延聖壽下座上堂舉佛在之日有一女人禮佛乃於座前入定佛遂敕文殊出之文殊入百千金剛三昧出女子定了不可得時有網明亦入三昧唯彈指三下女子從定便起師云且道文殊與網明見處還有優劣也無若道無文殊何故出女子定不得只如今日擊動法鼓大衆齊到座前與網明出女子定爲是同是別不見古人道欲識佛性義當觀時節因緣大衆總是祖師

一丈那

一丈那

三三

門下叅玄上士試觀看若見得出家事畢解脫安樂世俗塵勞不用閒觀喝一喝下座

上堂數日出入或風或雨或陰或晴或聚或散或鄉或村或縣或邑及至歸來三門依舊向南開復云大衆歸堂喫茶

上堂出家沙門清淨佛子莫於袈裟下失却人身所以古人道了卽業障本來空未了還須償夙債且道袈裟下了箇什麼便業障本來空未了箇什麼還須償夙債出家門中也須子細不得莽鹵一等行腳離鄉別井出一叢林入一叢林訪尋善知識決擇生死

直須子細假饒了得我更問你只如僧問雲門二祖是了未了雲門云確衆中作麼生商量時中如何受用大衆要會麼良久云昨日化主歸山一年在外化導不易有利無利不離行市喝一喝下座上堂西瞿耶尼北鬱單越家家門前長安道到處通徹焉拈拄杖云拄杖頭上千差萬別乃擲下拄杖喝一喝下座

古尊宿語錄卷之四十三

一丈那

一丈那

三三

金壇居士于玉立施刻此  
古尊宿語錄卷第四十三計字一萬二千六百  
六十個該銀六兩五錢八分四厘  
宛陵釋如圭對上元丘義民書進賢陳叔道刻  
萬曆丁巳歲春三月徑山化城寺識

古尊宿語錄卷之四十四

寶峰雲庵真淨禪師住金陵報寧語錄三

上堂今朝欲入室侍者報言恭提鐘并擊鼓分明爲指南非但鐘鳴鼓響飛禽走獸草木叢林森羅萬象昨日仁上人設齋一一爲諸人徹因還有知恩報恩者麼老僧亦在其間良久云欲知端的意盡在不言中下座

上堂今朝二月二十五金銀琉璃握成土禪家如意自在心妙用縱橫無不是彼此男兒大丈夫勸君莫咬他人語

古尊宿語錄卷之四十四

二

上堂三月本不生二月何曾滅不滅與不生人心自分別分別既不生一切皆寂滅山河大地不可不寂滅如一一現前不可不寂滅大眾還入此境界麼卽今又總在何處喝一喝下座

上堂今朝三月初五天地不晴久雨雲門劄意分明衲僧如何伸吐驀拈拄杖云雲門大師來也劄久雨不晴臨時變化不涉途程遂擲下云切忌隨他拄杖子去下座

上堂今日三月十朝衲僧知見雄豪步步直須有主擬議打折驢腰

上堂先上座煮栗黃粥供養禪衆喫了總飽餉的地掛起鉢盂知恩方解報恩三十年後不得辜負趙州老直饒當下見得個儻分明不隨古人言語所轉各證無生法忍得大解脫須知三年一閏九月重陽是何宗旨喝一喝下座

上堂今朝九月初五佛法未嘗間阻開單心印發光何況上來下去大眾了然生死不相干快樂自在喝一喝下座

上堂今朝九月初十衲僧門風壁立不是宗乘強爲欲破禪家法執遂拈拄杖云若喚作拄杖子翳汝眼

睛不喚作拄杖子避色逃聲乃擲下云還我師子兒來喝一喝下座

上堂今朝九月十五月色十分顯露人心纔有是非便被浮雲點污喝一喝下座

上堂今朝九月二十大道本無拘執放開把住自由還要人人悟入喝一喝下座

因施主上堂佛以一音演說法衆生隨類各得解僧俗男女平等心一一皆同證法界

上堂今朝十月初十滴水滴凍禪衆上來長老說夢忽然夢裏覺來顯發人人佛之妙用乃垂一足云不

是佛之妙用又喝一喝云不是佛之妙用大眾上來下去不是佛之妙用復召云大眾分明是夢師一日到法座前乃提起數珠復顧視云大眾數珠一百八便歸方丈

上堂茲日夏首眾僧結制之辰泐潭山比丘克文與清淨大眾踞菩薩乘修寂滅行以大圓覺爲我伽藍身心安居平等本際涅槃自性無繫屬故今我敬請不依聲聞當與十方如來及大菩薩三月安居爲修菩薩無上妙覺大因緣故離諸垢染清淨梵行若能如是所謂如蓮華不著水心清淨超於彼

三

古風宿海錄卷之四十四

三

上堂清大師則上人數年在浙中緣化石覓供具等比者迴山不勝欣喜然於道人分上一切所作而無作意既無作意則是無功用大解脫法門所謂無爲而無所不爲信手拈來不勞心力種種聖像種種經卷種種莊嚴種種供具種種佛事驀拈拄杖云總在拄杖頭上東涌西沒南涌北沒撒開也堂上庫下佛殿僧堂及諸寮舍種種莊嚴種種清淨法喜禪悅遂擲下云撲亦撲不破蕩亦蕩不散來無所從去無所至無成無壞東海鯉魚打一棒雨似盆傾若信不及華藏世界所有塵一一塵中現法界寶光化佛如雲

集此是如來剎自在却還清公大師伏惟珍重

上堂今朝四月二十五爲報禪家莫菴菴渌水青山在目前一一分明佛淨土擬心早不淨了也不擬心又作麼生歸堂喫茶

上堂倏忽又是五月時節交泰總別同異成壞重重一一融通皎潔驀拈拄杖云一切時分總在拄杖頭上不見有一塵一衆生不成佛者且道泐潭山一衆有不成佛者也無乃擲下云是成是壞喝一喝下座上堂今朝五月復端午隨衆生心解分布糗子雖然應所知要須一一知來處且道從什麼處來驀拈拄

三

古風宿海錄卷之四十四

四

杖云若知拄杖子來處卽知一切法來處所以道隨衆生心應所知量循業發現只如大眾從甚麼處發現一一分明在目前若知發現不妨奇特若也不知何名出家遂擲下云只者末後一著也大難會喝一喝下座

上堂今朝五月半爲衆決定斷普請共成佛不須怪老漢下座

出外歸上堂古人所謂有物流動人之常情情若不生則老僧出入動靜無去來之作自然人事周徧又何妨遊戲神通藏法喜禪悅樂則與大眾同住如來



寂滅海究竟覺喝一喝下座

上堂今朝六月又初一爲報諸人莫自屈日用無非大智門摩訶般若波羅蜜

上堂般若靈智拔二親而歸佛國沙門誠信設一飯以飽禪僧因緣旣在功德何窮焉拈拄杖云所謂靈源明皎潔枝派闇流注乃擲下云叅同不二心歸堂喫茶去喝一喝下座

上堂今朝六月二十却歎時光催急看看解夏到來拂拭拄杖與笠無非妙用神通盡是心心證入不須向外馳求拋却自家城邑

文冊

龍溪集卷之四十四

五

上堂今朝又是七月一夏去秋來自相失各悟自己性無生人人當下成佛訖大衆莫道我不受者惡水潑如今叢林多作此解

上堂舉古德問僧云是什麼聲云蛇咬蝦蟇聲德云將謂衆生苦更有苦衆生又有古德問僧曰是什麼聲曰雨滴芭蕉聲德曰莫謗如來正法輪師云有一轉語可以安邦定國主聖臣賢有一轉語國清才子貴家富小兒嬌若是辨得出許你於十字路頭不畜一粒米不種一莖菜接待往來真善知識若辨不出炙脂帽子鵝臭布衫且與麼東過西過喝一喝下座

上堂但以禪門了却心頓入無生知見力焉拈拄杖云不是無生聖著你鼻孔東海鯉魚打一棒雨似盆傾不是知見誰不明了誰不具足阿誰無分不是頓入閻老子呵呵大笑云泐潭山裏一衆若於者裏薦得去盡作雲門烜赫兒孫若薦不得總屬閻羅老子所管遂擲下拄杖下座

上堂昨日有人從袁州來却得洪州信說道長安米價高福建路荔枝熟前三三後三三泐潭山裏五日一叅下座

上堂今朝又是九月一暑往寒來春復秋須信人人

文冊

龍溪集卷之四十四

五

一段事不同時節遂遷流既是人人一段事爲什麼有信者有不信者不見世尊云一雨所潤三草二木上堂舉古人云如珠在盤不撥而自轉只如大衆開單展鉢拈匙把筯一切時中所作所爲又何假人撥而後轉乃至雲門糊餅趙州栢樹德山棒臨濟喝又何假人撥而後應自是你諸人不悟後錯會又干他糊餅栢樹棒喝甚麼事豈不見六祖大師云汝當一念自知非自己靈光常顯現

上堂舉雲門大師云盡大地是箇解脫門枉作佛法會却何不見山是山見水是水師云大小雲門錯下

名言好與三十棒如今既不喚作山不喚作水又喚作什麼若有明眼衲僧辨得出三十棒却還泐潭若辨不出三十棒分付闍黎喝一喝下座

上堂舉祖師云正說知見時知見即是心當心卽知見知見卽如今師云若道是教外別傳又說道卽如今況此一心知見爲復是諸人卽今一心知見爲復是諸佛知見若道是諸人卽今一心知見有底又不肯說心說性若道是諸佛知見又有何差別試爲泐潭定當看若定當不出虛消信施

上堂今朝十一月節候又嚴寒條忽光陰過死生君

七

卷之四十四

七

七

自看是日已過命亦隨滅如少水魚斯有何樂須知人人赤肉團上有一物能隨萬事變不逐四時凋且道是什麼喝一喝下座

上堂舉僧問雲門如何是學人自己門云遊山翫水師云且道雲門答這僧不答這僧莫謗雲門好若道不答這僧什麼處是不答處衆中多是師承學解承言者喪縱不在文字語言上又打在無事裏所謂滯句者迷若識得雲門大師卽識得自已可見不見一法卽如來方得名爲觀自在

上堂祖師西來教外別傳所謂如牛駕車車若不行

打車卽是打牛卽是大衆人各有一頭水牯牛駕箇車子卽是毛色有異心相不同有赤者白者青者黃者黑者如今莫待下痛鞭各自拽箇車子歸堂喫茶去下座

元旦日上堂問話畢師云一問一答皆是當人各各神通光明清淨妙心一一從自己運將出來恒赫現前自是衆生迷情不覺不知改旦新元伏惟知事百座大衆尊候萬福良久云昨日今朝事不同人人依舊主人翁雖然平等添新歲夢覺元來總是空是空却不空二十空門元不著一性如來體共同喝一喝

七

卷之四十四

八

下座

供養羅漢上堂三界唯心萬法唯識未有一法不從心之所生心若滅也一切法滅所以過去心不可得未來心不可得現在心不可得三際既不有一心何所生大衆但盡浮想盡證阿羅漢浮想不盡總屬流浪生死喝一喝下座

上堂古人云仁者見之謂之仁智者見之謂之智雲門云一切智通無障礙拈起扇子云釋迦老子來也又拈起扇子云踈跳上三十三天築著帝釋鼻孔東海鯉魚打一捧雨似盆傾好一切智智清淨無二無

二分無別無斷故佛手開驢脚步東西生緣別處喝一喝下座

上堂今日供養羅漢夜來四方高人誦誦妙法蓮華經安樂行品一遍大眾作麼生是安樂行擬心早不安樂了也乃喝一喝云豈不是安樂行如何是透法身北斗裏藏身豈不是安樂行如何是祖師西來意庭前栢樹子豈不是安樂行如何是超佛越祖之談糊餅豈不是安樂行以至僧俗大眾一一清淨光明住持豈不是安樂行乃至一佛二菩薩一一羅漢一一辟支佛無不清淨實相住持所謂安樂行也大眾

文冊

信信錄卷之四十四

九

唯有髻中寶珠不安與之雖然不與亦人人具足十二時中光明烜赫阿誰欠少還會麼歸堂喫茶去喝一喝下座

上堂衲僧門下有賓有主有時賓也和其光同其塵四五百條花柳巷二三千處管絃樓有時主也奪賊馬殺乎賊披毛戴角入鄆來優鉢羅花火裏開大眾只如賓主未分時如何今朝三月十五章江長老來上堂舉僧問雲門如何是諸佛出身處門云東山水上行泐潭即不然若有人問如何是諸佛出身處但向伊道遠離洪井深入寶山大眾且道

是同是別忽有箇衲僧出來云這裏是什麼所在說同說別也難得須是實到這田地始得若未到且不得草草

上堂舉僧問雲門如何是學人自己門云遊山翫水而今多作自己會承言者喪既不作自己會又作麼生會滯句者迷德山入門便棒其僧擬議山云不得作棒會既不作棒會又作麼生會臨濟一喝不作喝用既是一喝何故不作一喝用宗旨如何其宗旨者諸佛諸祖教外別傳不屬文字言句其文字言句是心外戲論之法既不屬戲論直須自悟若自悟也事

文冊

信信錄卷之四十四

十一

同一家苟不然者彼我途轍喝一喝下座

上堂今朝四月二十五栽秧漸漸徧南畝半飢半飽淡飯羹泥裏雨裏可憐許唯有高僧總不知各自歸堂喫茶去

上堂衲僧門下有春有冬有秋有夏有陰有陽有晝有夜天地蓋載日月運行成就四時長養萬物善知識者觀機設教應病與藥成就眾生種種方便亦復如是然則無智人前莫說打你頭破額裂

上堂釋迦老子道一切眾生生死相續皆由不知常住真心性淨明體用諸妄想此想不真故有輪轉大

衆要得生死不相續妄想心滅但直下識取自己常住真心性淨明體則自然生死不相關共生慶快所謂一得永得若信不及不聽受則沉在業識無明海喝一喝下座

供養羅漢上堂大衆一切法卽諸佛法一切心卽諸佛心一切語卽諸佛語一切道卽羅漢道法也心也語也道也且道是一也是二也是同別也二由一有一亦莫守一心不生萬法無咎

上堂二月復三月一一應時節柳絲弄春風梨花白如雪門門法界門法法離言說驀拈拄杖云欲知交

參處杖頭諸佛刹乃擲下云不妨拋來擲去總在諸人眼睛裏

上堂今朝三月初五普天之下好雨非但百姓歌謠老僧不勝手舞何也豈不見乾闥婆王奏樂迦葉起舞舞直得須彌發業海水騰波驀拈拄杖云大衆一波纔動衆波隨萬法皆從一法歸衲子大家同會取七顛入倒總光輝擲下拄杖下座

上堂今朝又是三月半離念身心登彼岸浪其所以歸自然兩箇五百作一貫喝一喝下座

上堂舉世尊問波斯匿王曰汝以何相觀佛王曰觀

身實相觀佛亦然觀佛實相觀法亦然法界衆生界根根塵塵一切清淨大衆欲識如來大寂滅汝但盡攀緣喝一喝下座

閉馬祖塔上堂祖宗門下總有關捩子應機接物有開有閉苟開而不能閉喪家失計閉而不能開誰辨往來或開而能閉也不妨遊戲閉而能開也重重善財或不開不閉時又作麼生大衆僧堂裏隨例軟餅飽頭橫咬豎咬喝一喝下座

上堂心生種種法生心滅種種法滅喚什麼作釋迦老子驀拈起拄杖云假名三十二八十也空聲一切

人間總強名卓拄杖下座

上堂云天心得自在盛熱復清涼衲僧如薦得玃重法中王喝一喝下座

上堂佛言捨家出家難學道見性難元來捨家出家難學道見性復難如今學道者如恒河沙見性者未有一二佛又言性成無上道永嘉云自性天真佛雲門云如今諸方多是說心說性教裏少哩師云雲門又不許說心說性佛言性成無上道且道佛說底是雲門說底是大衆差之毫釐謬以千里

上堂知事首座大衆出入相拋歸來依舊南山對北



山忙者自忙閑自閑閑忙彼此不相關依舊水雲間  
上堂舉僧問雲門如何是佛法大意門云春來草自  
青又僧問首山如何是佛法大意山云楚王城畔汝  
水東流忽有人問泐潭如何是佛法大意向伊道久  
雨不晴此三轉語有一轉語可以作諸佛如來之法  
藥治一切衆生病有一轉語可以作諸祖之秘關菩  
薩直截之要道有一轉語可以作衲僧解脫大道場  
是禪者放身命處大衆若擇得出如久客歸家若擇  
不出若行人失路喝一喝下座

上堂諸佛如來說一切衆生身中有三大何者爲三

五教

五教

五教

體大相大用大又古德云十方無壁落四面亦無門  
露髕裸赤灑灑沒可把既沒可把喚什麼作三大莫  
有人擇得出麼若擇得出不妨好手若擇不出衆生  
日用而不知喝一喝下座

上堂大衆好雨點點不落別處且道落在什麼處莫  
是落在法堂前麼莫是落在田野中麼莫是落在山  
林間若是通達底人神通妙用無可不可有一般人  
更不求妙悟但作平常一路實頭見解又喚做不走  
作人此之見解未出常流若妙悟明眼底人他一一  
知來處一一知落處更不顚預大衆且道落在什麼

處久叅先德一舉便了後進初機更宜子細

因雪上堂舉龐居士辭藥山因緣師云全禪客當斷  
不斷返遭其亂且道全禪客當時合下得什麼語免  
被龐公折挫如今莫有扶持佛事者麼出來開發大  
衆眼目亦表自己叅學身心如無老僧爲你說破今  
日臘月初十山門街坊巧者入寮打疊忽有人問諸  
巧者已在寮中時又作麼生良久乃喝云相逢不下  
馬各自有前程

上堂今朝又是三月一大道何曾有得失桃花處處  
靈雲心却笑玄沙弄不出只這弄不出罕遇知音

五教

五教

五教

上堂今朝七月初一十時節循環夏又畢衲僧活計  
拄杖頭去今住今無固必去住自由且道祖意是同  
是別只如古人云雞寒上樹鴨寒下水意旨如何喝  
一喝下座

上堂雲門云久雨不晴劄大衆且道雲門一劄與德  
山棒臨濟喝是同是別若道別祖宗門下豈有兩般  
若道同爭奈德山臨濟雲門家風有異衲僧到這裏  
如何剖判若剖判得出可謂無邊剎境自他不隔於  
毫端十世古今始終不離於一劄今朝三月二十五  
各自歸堂喫茶去

上堂舉印宗法師問盧行者云仁者在黃梅有何言教旨趣傳授盧曰彼指授者唯論見性成佛不說禪定解脫無念無爲宗云何故不說禪定解脫無念無爲盧曰況是二法不是佛法不二之法宗云如何是不二之法盧曰如仁者講涅槃經明見佛性是名佛法不二之法師云彼時小巧禪道早是多半了也如今叢林多是唯論禪定解脫無念無爲且道六祖底是如今底是分卽是不分卽是若分去有違有順有是有非若不分又不辨邪正埋沒我宗乘譬如世間道路有直有迂有險有善其行路者可行卽行可止

文冊

聖賢傳卷之四十四

十五

卽止大衆還識泐潭老僧麼良久云將此深心奉塵刹是則名爲報佛恩喝一喝下座

師首座時在仰山結夏小叅云莫有真師子兒試出來對衆哮吼看時有僧出禮拜師云不知是不是卽也大奇僧問鐘聲纔動大衆雲臻禁足已臨如何指示師云大家在這裏進云莫便是和尚爲人處也無師云多是向言句中轉却進云一堂風冷淡千古意分明師云且莫亂道僧問承古有言衆生日用而不知未審不知箇什麼師云道進云忽然知後如何師云十萬八千僧提起坐具云爭奈者箇何師便喝

僧云好一喝未有斷在師云與棒且待別時復云更有問話者麼良久云泊合放過乃喝復舉拂子云耶耶盡十方世界若凡若聖若僧若俗若草若木盡向拂子下成佛作祖無前無後一時解脫還有不解脫者麼設有命若懸絲又撫掌云知音者少所以此箇事論實不論虛叅須實叅悟須實悟若纖毫不盡總落魔界豈不見古人道平地上死人無數過得荆棘林是好手如今人多只得箇身心寂滅前後際斷一念萬年去休去歇去似古廟裏香爐去冷湫湫地去便爲究竟殊不知却被此勝妙境界障蔽自己正知

文冊

聖賢傳卷之四十四

十六

見不能現前神通光明不得發露或又執箇一切平常心是道以爲極則天是天地是地山是山水是水僧是僧俗是俗大盡三十日小盡二十九此依草附木不知不覺一向迷將去忽然問他我手何似佛手便道是和尚手我脚何似驢脚便道是和尚脚人人盡有生緣處那箇是上座生緣處便道某是某州人是何言歟且莫錯會好凡百施爲須要平常一路子以爲穩當定將去合將去更不敢別移一步怕墮坑落塹長時一似雙盲底人行路一條拄杖子寸步拋不得緊把着憑將去步步依倚一日若道眼豁開頓

覺前非拋却杖子撇開兩手十方蕩蕩七縱八橫東西南北無可不可豈可一向倚他門戶傍他行脚有甚快活自己畢竟如何不見雲門大師道而今天下老和尚多是師承學解路布葛藤印板上打來模子裏脫出當人若是明去何不一切臨時又不見臨濟大師云我者裏是活祖師西來意把來便用立處皆真他不說古又如何今又如何者語得那語不得那裏是虛者裏是實你與我拈出絲毫許實底道理來看此蓋當人眼不開自無見處一向承虛接響百般忌諱自纏自縛直饒與麼說當下忽然見得個儻分

入部

五龍齋錄卷之四四

十七

明去也是棺木裏瞪眼如今還有無師智自然智不與萬法爲侶者烜赫底丈夫漢醺醺斷斷千變萬化見我恁麼胡言漢語便好近前驀口搥拽下椅子擲向三門外喝散大眾豈不快哉還有麼良久云若無且看老僧騎案山跳入你諸人眼睛裏七顛八倒呵佛罵祖去也喝一喝下座

師到崇勝衆請小叅僧問未明心地印難過趙州開如何是趙州開師云過進云莫便是和尚爲人處也無師云你作麼生會僧作一圓相師云且喜勿交涉進云也不得壓良爲賤師便喝復云更有問話者麼

良久無人出師云不因一事不長一智說事亦不妨說理亦無礙爲報學道人莫作理事會阿呵呵欲求長須入水是非中聲色裏放一倒扶一起是何宗囉囉哩驀拈拄杖畫一畫云適來許多葛藤向甚麼處去也復舉拄杖云拄杖子變作觀世音菩薩以甘露水灌入你諸人頂門裏還有眼開心悟神清氣爽底麼乃喝云莫妄想活落落須彌山把便撲擲下拄杖云耶耶三十三天不知不覺帝釋居善法堂爲諸天說法勸喻云汝等諸仙盡是閻浮提歸依佛歸依法歸依僧不殺不盜不邪淫不妄語不飲酒不食肉布

入部

五龍齋錄卷之四四

十八

施持戒廣作善業來生此間受種種勝妙快樂汝等諸仙不得一向迷於妙樂須知無常念念不停念念遷謝速疾速疾便是到來相將墜墮汝等當求不來不去不生不滅究竟解脫清淨涅槃之樂師乃噓噓今日爲衆竭力禍出私門笑破衲僧口然雖如是也不得草草乃撫膝下座

師到九峯山衆請小叅僧問古人道前三三後三三前三三卽不問如何是後三三師云的進云恁麼則進前三步也師云開進云大眾證明真善知識師云杜撰衲僧復云大眾此事若全提也便須荒却院散

却衆拳倒須彌山踏翻四大海三世諸佛諸代祖師  
天下老和尚十二分教填其溝塞其壑雖然如此盡  
法無民且向世諦流布建化門中卽不可乃拈拂子  
云三世諸佛諸代祖師天下老和尚十二分教總在  
拂子頭上分開也懷州牛喫禾益州馬腹脹天下覓  
醫人炎豬左膊上以拂子左邊敲云太虛爲鼓須彌  
作槌遂喝云𦼮𦼮鬧市裏識取天子將錯就錯以拂  
子右邊敲云大地作床長天爲幕蹶倒打睡百草頭  
上薦取祖師病鳥栖盧噫九年空面壁撫掌不回頭  
笑煞傍觀如今莫有傍觀底麼良久乃喝云泊合停

因長智又舉拂子云穿却你鼻孔却向腳跟下走出  
東西南北土曠人稀天上天下唯我獨尊阿喇喇遂  
擲下拂子云是什麼下座

師到大愚衆請小叅師云二三月來天氣和暖萬物  
生長百鳥和鳴桃花紅李花白到處園林翠連野色  
誰家年少賞勝踏青唯有古寺老僧坐對庭栢遂以  
拂子敲禪床云敲枷打鎖出釘拔楔大有癡頑怕吞  
熱鐵醍醐上味候伊時節趙州石橋循途守轍百丈  
野狐爲君一決狐疑淨盡眼光電掣南北東西有誰  
辨別還有辨別底麼試出來撫掌呵呵大笑打箇筋

斗供養大衆一者慶快平生二與天下人作標榜有  
麼有麼祇爲情生智隔想變體殊我者裏不免拆東  
籬補西壁去也以拂子畫云十方世界百雜碎何處  
更有山河大地耶看看四大海水在諸人面前滔滔  
地氣象萬端魚龍變化還見麼見則不無忽然有箇  
巡海夜叉出來道禪和子如何是脫生死底句向他  
道什麼卽得若不向他道被他一吉棒打殺餒魚  
鼈喫當此之際以何爲身以何爲心以何爲人以何  
爲我以何爲佛以何爲祖以何爲禪以何爲道會麼  
良久云五更侵早起更有夜行人乃以拂子擊禪床

下座

古尊宿語錄卷之四十四

吳興居士董鼎張施贊刻此  
古尊宿語錄卷第四十四計字七千四百三十  
二個該銀三兩八錢六分五厘  
宛陵釋如圭對上元丘義民書李文煒刻  
萬曆丁巳歲春三月徑山化城寺識



古尊宿語錄卷之四十五

寶峰雲庵真淨禪師偈頌下中

嗣法門人福深錄

僧請問三聖問雪峰云透網金鱗以何爲食峰云待你透出網來卽向你道聖云一千五百人善知識話頭也不識師以頌示之

潦倒漁翁坐釣臺金鱗赫赫鼓波來海門空闊纔施網霹靂一聲天地開

雪峰云老僧住持事大

放去收來得自由不堪優處亦堪優可憐滯句承言

法華

古尊宿語錄卷之四十五

七

者爭是爭非空白頭

僧請問丹霞騎聖僧意旨如何

千變萬化七顛八倒騎却聖僧踏倒水潦釋迦起身比丘悟道若會此意寒來著襖

僧請問雪峰齧鼻蛇因緣

打鼓弄琵琶相逢一會家雲門能合調長慶解隨邪古曲非音律南山鼉鼻蛇何人知妙訣的子是玄沙僧問南臺圓和尚大隨龜話圓以手翻覆示之其僧不肯乃質於師師以頌釋之

少室之妙訣觀根而密付大隨曾泄機南臺亦失悞

翻手與覆手脫履著龜處明明言外傳信何有今古擲金鐘輓鐵鼓水東流日西去

僧請問馬大師日面佛月面佛

日面月面胡來漢現一點靈光萬化千變

僧請益僧問雲門如何是正法眼門云普

但無一切心自然合大道應用在臨時莫分妙不妙

僧請問雲門如何是諸佛出身處門云東山水

上行

目前有路誰解通方東山水上求者茫茫

諸佛出身處東山水上行目前一彈指徧現煞分明

法華

古尊宿語錄卷之四十五

三

日面月面過佛手驢脚呈皆承此箇方言外度迷情

僧曰衆中多以無事商量師復成頌

多將無事會無事困人心有無俱勿念自可到靈音落落雖殊應寥寥不在尋宜哉萬化首都祇屬于今

僧請問僧問首山如何是佛法的的大意山云

楚王城畔汝水東流

楚王城畔水東流樹倒藤枯笑不休好是自從投子去更無人解道油油

僧舉趙州庭前柏樹子話或云有此語或云無此語師以頌決之

庭前栢樹子趙州無此語若是本色人直下未相許  
庭前栢樹子趙州有此語爲報同道流靚面如何舉

僧舉雲門北斗裏藏身

東涌西沒北斗藏身法王法令德非有隣

趙州勘破婆子

似狂不狂趙州老或凡或聖人難曉是非長短任君  
裁老婆被伊勘破了

婆子云好箇阿師又與麼去

臨岐有水復有火遇賤卽貴全可可臺山一路去無  
差幾箇行人脫羈鎖

庭前栢樹子二首

庭前栢樹子我道不如松枯枝折落地打着去年梭  
造化無私不思力一一青青歲寒色長短大小在目  
前可笑時人會不得

頌黃龍和尚垂示佛手驢腳生緣

我手何似佛手翻覆誰辨好醜若非師子之兒野干  
謾爲開口

我脚何似驢脚隱顯千差萬錯欲開金剛眼睛看取  
目前善惡

人人盡有生緣處認著依前還失路長空雲破日華

開東西南北從君去

鳥窠和尚吹布毛

鳥窠吹布毛紅日午方高趙王因好劍滿國人帶刀

僧問雲門如何是啐啄之機門云響

有問啐啄機雲門答云響昨日雷轟天夜來山水長

實壽開堂三聖推出僧

探騎飛來棒下寧瞻人翻滿鎮州城太平本是將軍

致不許將軍見太平

石火光中電影分怒雷隨震動乾坤耳聾眼瞎人無

數誰是知恩解報恩

僧問風穴如何是佛穴云杖林山下竹筋鞭

杖林山下竹筋鞭水在深溪月在天良馬不知何處

去阿難依舊世尊前

靈雲見桃花悟道

奇哉一見桃花後萬別千差更不疑獨有玄沙言未

徹子孫幾箇是男兒

昔日靈雲見悟時香苞紅萼一枝枝如今到處還開

也陌上相逢說向誰

僧問趙州狗子還有佛性也無州云無僧云上

至諸佛下至螻蟻皆有佛性狗子爲什麼無州

云有業識在

言有業識在誰云意不深海枯終見底人死不知心  
僧問雲門如何是吹毛劍門云豁

誰謂吹毛利雲門豁可知一朝權在手看取令行時  
僧問龍牙古人得箇什麼道理便休去歇去牙  
云如賊入空室

買帽相頭量才補職明眼衲僧面前不識

僧問長沙了卽業障本來空未了還須償夙債  
祇如二祖是了不了沙云空

臨機無巧妙得意不勞功其如人不會聞空便謂空

支那

言宿詩錄卷之四十五

三

僧問趙州一物不將來時如何州云放下著

移高就下縱威權解脫門開信可憐不得空王真妙  
訣動隨聲色被勾牽

僧問雲門如何是超佛越祖之談門云餬餅

超佛越祖之談覲面相呈誰領不知箭過新羅動地

開爭餬餅

雲門開板子

雲門開板子消息少人知有時一撥動大地眼瞍瞍

雲門抽顧

雲門抽顧自有來由一點不到休休休休

臨濟三度問黃檗佛法大意三度被打

資糧更不著些些岐路年深恐轉賒直下痛施三頓  
棒夜來依舊宿蘆花

臨濟到大愚處悟

便言黃檗無多法大丈夫兒豈自乖脇下兩拳明有  
信不從黃檗付將來

僧問首山如何是佛法大意山云新婦騎驢阿  
家牽

張顛不似首山顛不動毫芒百怪全猶得黃龍再拈  
出四方明眼若爲傳

支那

言宿詩錄卷之四十五

六

新婦騎驢阿家牽低頭拈得一文錢十字街頭拍手  
笑東村王老屋頭穿

雲門云火裏螞蟧吞大虫

秦時轆轤鑽頭通大施門開妙莫窮火裏螞蟧依舊  
活拈來誰解恣英雄

火裏螞蟧吞大虫去年不似今年窮直得黃茅瘴氣

發雪壓桃花處處紅

臨濟鋤茶園次見黃檗來遂拄鋤頭而立檗云  
者漢困那濟云鋤也未鋤困箇什麼檗以拄杖

便打濟接住一迭檗便倒叫云維那相救維那

近前扶云爭容得這風顛漢與麼無禮槩以拄杖却打維那濟乃連鋤地數下云諸方火葬這裏一時活埋

奪旗掣鼓著精神父子雖親法不親爲報四方禪者道等閒莫作守株人

百丈再參馬祖

客情步步隨人轉有大威光不能現突然一喝雙耳聾那吒眼開黃檗面

興化打克賓維那

丈夫當斷不解斷興化爲人徹底漢已後從教眼自

開棒了罰錢趁出院

雲門臘月二十五

臘月二十五一曲超今古鎮州大蘿蔔生長在深土僧問雲門不起一念還有過也無門云須彌山

不起一念海裏須彌把來使用休別針錐

百丈野狐

不落藏鋒不昧分要伊從此脫狐身相逢盡道休官

去林下何曾見一人

寄百丈瑤首座

百丈雄峰倚碧虛其間今古道非孤不知一句墮狐

事借問當時有也無

有無聞說笑哈哈不是知音不問來莫把祖機容易泄待伊孤眼自醒開

潛能展事密投機落草之談信有之言下罕逢師子子成群作隊野狐兒

和酬運使蔣公頌古入絕句

仰山

爲仰法幢摧已久從頭提起又重新誰知斷臂傳來事光顯須憑大智人

父子有時揚密意神通變化不相知喚回業識茫茫

者笑倒爲山老古錐

疎山

呵呵大笑意難論樹倒藤枯問有因縱向明招言下悟眼開只是舊時人

因茲自抱無弦琴歸隱疎山煙翠深有箇荆溪蔣居士曾聞得得訪知音

末山

末山不露凌雲頂今古岩峩在目前又道本無男女

相非君莫辨火中蓮

非色非心非行業成男成女解隨緣而今僧俗并群



有一一昭然總不偏

### 洞山

掩耳重開眼界寬

金部云洞山留偈云眼處聞廓然時方得如誤作耳字故云

無法不同觀山林瓦石縱橫說若到常情取信難

按部不妨閒訪道新豐一宿話皮膚水聲山色紅塵外軒蓋重來得也無

### 寄雲居長老五頌

絕頂雲居北斗齊雲門知見便高提莫將透脫常情解須是當機離水泥

絕頂雲居北斗齊藏身北斗最難提叢林總作平常

解無限高僧沒在泥

絕頂雲居北斗齊出羣消息要人提其中未善宗乘者奇特商量滿眼泥

絕頂雲居北斗齊參差光裏關中提擎頭戴角誇能解一一重教上細泥

絕頂雲居北斗齊橫三豎四目前提空中鵲眼殊無礙還笑猓蛇不離泥

雪朝上堂舉龐居士辭藥山因緣復頌其意示諸禪者

龐翁境界滴水滴凍藥山閣黎兩目定動機不發時

一場困夢本自天真阿誰解用

師室中問僧云了也未僧云未了師云你喫粥了也未僧云了師云又道未了復云門外什麼聲僧云雨聲師云又道未了復云面前是什麼僧云屏風師云又道未了復云還會麼僧云不會乃云聽取一頌

隨緣事事了日用何欠少一切但尋常自然不顯到

見僧來以火筴敲火爐僧云不會師乃頌曰

火筴敲火爐日用更無餘開單并展鉢何處有親疎

僧又問達磨西來單傳心印又如何復乃成頌

火筴敲火爐直指更無餘開單并展鉢一一見心珠

師室中問僧如何是無文字一句僧無語僧却

問如何是無文字一句師云廬陵米作麼價又

云面前是屏風

一一超然一一玄莫將情計自留連從來大道無文

字不要安排喚作禪

僧云洞山禪難參師乃有頌

洞山禪也不爲難與君時復且閑閑柳棟迸開天地

眼一重山後一重山

示衆二頌

了無一法祇在臨時把來便用莫更遲疑

於法應自由更莫向餘求殺活劍在手到處得風流

### 法界三觀六頌

色空無礙如意自在萬象森羅影現中外出沒去來  
此土他界心印廓然融通廣大

理事無礙如意自在倒把須彌阜向纖芥清淨法身  
圓滿土塊一點鏡燈十方海會

事事無礙如意自在不動道場十方世界東涌西沒  
千差萬怪火裏蜚螻吞却蜉蝣

事事無礙如意自在手把豬頭口誦淨戒赴出姪坊

卷之四

三

二

未還酒債十字街頭解開布袋

事事無礙如意自在拈起一毛重重法界一念遍入  
無邊刹海只在目前或顯或晦

事事不知空色誰會理事既休鐵船下海石火電光  
咄哉不快橫按鎧鎧魔軍膽碎

讀金剛經是法平等無有高下佛意非傳大士

頌指南則異說者多矣故水陸同真際飛行體  
一如則佛佛道同信斯也因成一頌用示諸禪

者

平等群生類迷爲七趣因悠悠終莫覺擾擾但隨塵

賴我從凡質何緣獲法身神通雖未具作佛亦天真

### 短歌寄端上人

鷲峰深黃檗苦一來知味便回去去去不回顧大地  
何曾有寸土廓然胸臆寰宇寬東涌西沒胡爲難早  
言云往逍遙山又聞已在袁城間因思孤坐雪寒夜  
松風瑟瑟添蕭酒端師端師聽我言玉鑰在手須牢  
把

### 寄人

一二三四五清平打鼓道吾舞脚踏金船海月高無  
根樹下蹲龍虎優鉢羅花火裏開軒轅寶鑑埋棄土

卷之四

三

二

爲報潁川吾女人信受摩耶千佛母

### 送和禪者南雄作丐

見不見逢不逢千里萬里圓光中左顧右盼華藏海  
輕提重按開盲聾此箇妙窮不窮是處園林落花紅  
乾坤造化有時節莫比仁者無間風忽釋迦慢彌勒  
彼既丈夫我亦爾都來祇在一毛頭也解分身千百  
億臨機一一不思量好笑時人識不識

### 送清禪者石城丐

清乃  
善書

菩提數珠一百八柳標拄杖六七尺象王蹴踏潤無  
邊達磨唯留履一隻至今天下重黃金笑殺寒山與

拾得觀音慈布袈裟維摩問疾文殊堪千奇萬怪狀  
無盡皎然此理誰相諳石城人物多賢善仁者一到  
皆和南有人問著新豐老切忌承言落二三

送生禪者袁州丐

箭穿紅日影山鬼把住麒麟兒實入破布衫海神捧  
出珊瑚枝臨濟三關透不透雲門一字知不知閒思  
昔日同叅者笑倒新豐老古錐小釋迦大禪佛集雲  
峰下有窠屈相逢須辨是與非莫順人情剛負屈龍  
鼻地遶天鵲徧問知音是底物奇哉高步下層巒好  
向前途恣輕忽

送從禪者廬陵丐

乃閩人石  
鼎安業

鼓山頭上雲成蓋石霜霜水清如鏡新豐洞裏伸脚  
眠眼開起來天地迴拍手呵呵笑不休堂上老胡俗  
姓鄭廬陵米價高復低兎角拄杖須親携欲度門門  
一切境當知密室爛如泥

送長上人袁州丐

集雲峰下四藤條復得逍遙祝融峰頂萬年松天  
下名標新豐五位拄杖頭挑橫三豎四東西南北偏  
中來正中去遇賤即貴逢低且高撞著三家村裏老  
婆掣斷裙腰十字街頭醉翁子扶起來與伊繫條或

是或非胡抄亂抄休話祖師密意莫問世俗塵勞道  
人活計舉措堪褒咄將此深心奉塵刹諸子不同袍  
海裏須彌日月高

送雅禪者石城丐

雞不鷄無功之食水長船高物歸乎有道之心泥多  
佛大德山呵佛罵祖曾遭嚴頭僧堂前領過臺山路  
上老婆有箇趙州不出門勘破獨有雲門古錐有口  
不妨道火火本無火承言者紛紛自我不然也非言  
道不通非事理不果理事通達人利生無不可既然  
也有却解臨時建立又不善逐旋包裹但可以直用

好心殊不知返遭惡禍末法衆生知恩者能有幾箇  
雅禪者爲爾老婆葛藤會麼

寄南康魏處士寄茶

南康有箇魏處士生來心淨開蓮華蓮華妙心空無  
物能爲佛事如塵沙衆生佛種不自發莫不覩相生  
道芽觀音勢至自可仰文殊普賢人共誇豈惟慈善  
佛菩薩不獨忿怒惡那吒有時人頭及鬼面有時虎  
豹諸龍蛇一一臨時能變化一一所應曾無差當知  
皆承此箇力不知處士自知耶此也從來最靈物當  
頭一著輸丹霞誰言僧俗有南北我道聖凡同一家

音通不問識不識逢人便寄趙州茶助我日用作佛事  
啜者唯嫌苦澀加苦也澀也益何盡泥也水也與無涯  
人間萬事即佛事正者自正邪者邪因思昔日洞山老  
問佛解道三斤麻

寄吉州清平跨牛庵

庵內不知庵外事跨牛誰識樂生緣或舒驢脚步荒  
草又把佛手開人前頭頭應現頭頭別元與跨者曾  
不偏肥苗嫩稼觸途秀飽亦不餐牛可憐青煙萬戶  
太和邑白雪一曲清平禪客來欲辨牛毛色唯見長  
老庵中眠世人有牛自可識毛角分明頭角全跨行

一一乘他力莫問清平別有玄

送淨禪者巧南康

逢人便出有理但伸一錐一劄要見通人三頭兩面  
任起情塵道不屬評法何有因心既無住道乃通津  
南康教化平等爲人富亦不富貧元不貧男之與女  
佛也天真賢之與愚性也法身孰爲彼我誰爲疎親  
一一明妙一一精神臨事活潑應機妙陳不自覺悟  
逐樂因循從頭指出無使漂淪海淨禪者莫憚苦辛

送言隆二禪者之南華禮六祖真

曾聞菩提本無樹又云一花開五葉是非有眼分不

分可使吾道生瑋壁曹溪分派共入海寶林人間翠  
相接其中塔廟居真身同往瞻禮不可輟又聞彼既  
丈夫我亦爾不應自當生退怯又不見古人已靈尚  
不重況求諸祖解脫乎大丈夫大丈夫靈光烜赫阿  
誰無當機大用脫知解舉措何曾涉道途本非文字  
不屬教亦非禪道莫昧渠明明一一離諸相剛把迷  
頭頰麵糊二禪者是不是若是不妨南去見老盧

送十一禪者往諸方緣化

身是光明寶幢心是神通法藏多虛不如少實千語  
終歸一當欲知教外別傳便是西來勝樣神通利物

照昭

昭昭

昭昭

昭昭光明到處見見不屬諸方語言豈關森羅萬象  
大機大用天真或是或非過量一得永絕攀緣無法  
更堪比况唯此一事真實其餘總是虛妄可使法界  
有情同悟此心無上十一禪者化行雄雄法王大將  
後又添一人之萬載緣化

元是十一人添子成十二有利及無利終不離行市  
木塔老婆禪河陽新婦子普化解風顛我今故直指  
上高李居士求頌

李翁李翁慧性自通知身幻妄處世皆空尊卑貴賤  
暫且相逢共若朝露總如春紅倏忽變滅誰是我儂



唯心卽佛靈妙難窮長生不死人性皆同明明日用  
不自信崇悟無彼此迷有西東李翁李翁夙植善功  
一家蒙庇吉慶常隆兒孫樂善齋心融融正信清淨  
諸佛法中或讚或毀如育如聾一切魔惱自然銷鎔  
道心堅固有始有終

送照禪者

齷齪齷齪人謂我惡是是非非我謂人莫不莫不作  
不惡不樂法喜禪悅去黏解縛黃龍家風佛手驢脚  
後代兒孫須自開拓大啓三關末後一著雖涉語言  
不在糟粕皎潔靈源此彼何若神通光明圓滿大覺

切忌思量應病與藥

方禪人求師親書偈送

字要親手書偈不憑人作彼此有如意應病卽與藥  
開裏何妨佛手開擬議之前出驢脚任是碧眼胡兒  
也須路頭迷却不是特地要辨清濁活滾滾明落落  
本自天然何須白縛還鄉曲調和者稀于木逢場但  
戲樂

送諸郡丐者

諸郡丐者道無此彼直截根源更何擬議性本一源  
用無有二但盡凡情別無勝義觸目遇緣無非佛事

有利無利不離行市于木隨身逢場作戲或逆或順  
或非或是一主一賓一坐一起照用臨時縱奪有以  
臨濟兒孫衲僧巴鼻教化衆生成就根器家家觀音  
門門勢至兒女大小神通活計通人不疑法王已矣

送德禪者丐平江

平江一派東流穿過千門萬戶佛法大意分明自是  
時人不顧直到大海方休浩浩無今無古滔滔自有  
靈源亦似參禪大悟若也心地洞然正法眼藏發露  
何妨運出家邦所在觀機救度明年是日歸來不爾  
却依位住

南臺和福嚴長老結夏

今夏南嶽南臺晚飯不通水泄杉松空引寒風田地  
莓苔不潔又道禁足九旬人人口中一舌去夏臘人  
消盡今後渾鑄成鐵殊不知有佛有法豈更解移凹  
就凸祇待置箇葛衫準備來年夏熱

送葉道人

一葉落天下秋夕陽西去水東流黃河澄清聖人出  
三千年事何悠悠稀復稀少復少使我虛生幾迴老  
如今共憊居太平何妨學佛閒訪道歸去來歸去來  
老盧得不在黃梅普光心印神通藏日用分明眼自

開

送琪道者作丐

衲僧門下縱奪臨時靈蛇在手猛虎當騎有髮便將  
無尾莫追放去防渴把住知飢賓主易見隱顯難思  
禪家大道法眼慈悲

送開上人之黃龍觀老師

閑閑一片祥雲別海山卷舒出沒自有信豈同薄霧  
縈漁鸞閑閑開開情意態西南還黃龍久約待爲雨我  
今日送胡高攀

和黃檗老和尚送李居士

撰述

古尊宿錄卷之四十五

一

踏斷秤槌兩截分明爲君直說黃檗苦口多嫌三冬  
何處無雪難難翻憶龐公與兒女不婚不娉共頭活  
送吉州曾居士昆季

來從山下來去從山下去行也曉便行住也晚便住  
在路同弟兄到家會兒女莫嫌言語太尋常最是爲  
君省要處省要處三四五須彌跨跳迦葉舞

寄福嚴謹上人時在南臺

白雲籠高峰明月照淺水誰云與日同方曰爲知已  
北嶺壤邊人南臺石上子救得老盧頭失却少林齒  
送一禪者袁州丐

佛子之心絲毫不掛無底籃子驪珠滿瀉袁州城裏  
任人著價異日歸來倒騎鐵馬

送儼禪者吉州丐

佛子之心大喜大捨喚龜作鼈指鹿爲馬偃溪水聲  
廬陵米價一一法門死蛇活把

送慶禪者崇陽丐

佛子之心無非利樂衆生界中應病與藥或呈佛手  
或出驢脚我宗赫然莫錯莫錯

送泰禪者丐米

佛子之心能施惠澤山前穀熟人間米白十升一斗

撰述

古尊宿錄卷之四十五

三

大翁二伯但盡凡情錢不露陌

送際修造

佛子之心逢場作戲遇緣卽興常可如意佛殿三門  
觀音勢至彈指乃成九峰山寺

過義井莊猛才上人求頌

古佛家風在尋常已自知不勞心力處忽迸電光時  
既作韶陽客當爲師子兒目前凡與聖一一莫存伊  
又滿莊主求頌

智者能孤立開花自有春不爲萬法侶肯作半途人  
快臆乾坤大威光日月新尋常拋擲裏誰識是天真

寄饒守鄒幾聖

此身穢惡聚無佗又不得智者知是幻飲食聊滋益  
中有淨法身精明妙誰識君與我無差一得卽永得

寄葉推官二首

此心難是便忘機况屬衣冠富貴時終日素食甘自得  
浮生虛幻許誰知能將悟意唯書偈不把吟情更  
作詩一種家居超俗類西天摩詰亦如斯

近想道彌著前來所得深虛通眞法性皎潔淨名心  
王事何妨及塵勞已不侵妙靈居日用誰古復誰今  
和宜春張簿見寄

附錄

寄饒守鄒幾聖之四十五

三

萬類紛然居有爲一天眞本無住豈是明公獨妙  
明我亦從中獲靈悟情與無情及聖凡解脫門開同  
一路王也臣也自可知此是如來親付囑

卿上人禮師乞頌

有僧近從廬山來輒然問我求禪偈我既臨時解變  
通人頭鬼面超言義而况佛法無定機宗門自有通  
人至子應久歷叢林師潦倒所說是也不是

張道人寂庵

離念性虛明居此常寂照萬象圓光中清淨同一妙  
開池養白蓮門當市井道我無人事心人事不相到

寄塘浦張道人

世俗塵勞今已徹如淨琉璃含寶月鍊磨不易到如  
今寶月身心莫教別死生倏忽便到來幻化身心若  
春雪唯有道人明月心日用廓然長皎潔

靖安令程節推一日遊山以諸堂寮舊名猥冗  
各隨事易之揭爲熏修精進廓然證宗性空實  
際不二了義法忍妙用和集雲鶴老拙乃一一  
頌之又作通人偈共十三首寄呈

熏修

圓滿菩提道熏修乃得成理雖頓悟勝事要漸除輕

附錄

寄塘浦張道人

三

精進

鏡藉重磨瑩金須再煉精勸令先自利然後利群生  
六種波羅畔先乘般若舟自然無所住何更有蹤由  
勇猛能成佛踈慵不到頭蒙君共著力禪者總精修

廓然

每來常默坐却洞廓然襟廣大乾坤量包含日月心  
龐公雖去世程老復知音別聽爲霖雨當期外護深

證宗

達佛心宗也寸無差互時相應存解行瞻敬見師資  
琢玉當成器磨礱莫問伊西來諸祖令一一總如斯

性空

佛及衆生性圓明體本同見聞皆共有取捨總非空  
在事能潛隱當機解變通談禪并治俗一一見全功  
實際

不二

妙湛總持際光明覺性身在家疑是客別國却爲親  
漸誘終難信高提復倍嗔如今法末世教我若爲人  
平等觀諸子家門不二開客程無是處浪迹總歸來  
法寶名如意禪朋號善財共遊華藏界寰宇一塵該  
了義

法苑珠林卷之四十五

法苑珠林卷之四十五

五

法忍

迷頭曾認影了悟總成非唯有道心在更無禪病依  
靜中聞水過閒裏見蜂飛一天真事何人共所歸  
對境心常寂靈源本不生事隨高下應機逐淺深評  
剖判彰神用觀瞻洞覺明無非法忍力更莫外求聲

妙用

神通并妙用迎送及攀陪更不假人教自然隨事來  
幻身同草木淨性出塵埃多謝程居士迷頭總喚迴  
和集

法門元不二所到便爲家圓頂栴檀樹方袍菡萏花

雲鶴

六和儀有伴四攝道無涯豈獨攜禪者俱登大寶車  
旦過晚應宿山堂任去留孤雲能自在隻鶴更優游  
柳標開青眼袈裟伴白頭未明西祖意萍迹謾悠悠

寄通人

通人何揀擇一一道無偏擬欲分優劣還應落蓋纏  
心心同作佛法法共談禪但盡常情也東流水滿川  
攝心名淨戒禪定號波羅到岸仍留筏行慈復度他

禪定軒十偈

悟懷生極樂見性識彌陀卽此明軒下菩提薩摩訶

法苑珠林卷之四十五

法苑珠林卷之四十五

五

其二

雖然迷悟別平等一禪心莫向雲門覓休從臨濟尋  
取銷成白玉鑪盡得黃金無比不思議靈源最甚深

其三

本來同作佛妄想共留連此日不爲道何時能去纏  
便宜歸寶所休更認空拳一天真性花開火裏蓮

其四

西來元不二天下所傳差佛法無多子門庭有幾家  
主賓分兔馬棒喝辯龍蛇學者宜詳審如今正可嗟

其五



諸祖傳心印何曾別有禪宗乘迷有異佛法悟無偏  
實覺人人入靈機事事圓莫求奇特說荒却自家田

其六

小乘不見性心外別有禪妄現涅槃樂迷遭煩惱纏  
豈知潭底月元在屋頭天更把古人語將爲奇特傳

其七

神通遊戲力一一本無生菩薩能親證如來更妙明  
聲聞聞未信緣覺覺猶驚唯有大乘器靈源發便清

其八

佛性天真事誰言別有師男兒彈指處女子出禪時

其九

不費纖毫力何曾動所思衆生總平等日用自多疑

其十

學道先須明有悟法王法印印無偏拈來事事皆過  
量把出心心總離緣由是衆生顛倒解不觀諸祖上  
來傳蓮花世界同遊戲主伴交參影像前

其十一

龍象朝昏禪悅處幽深難勝此軒窻心爲遊戲神通  
藏身是光明智照幢徇物高低雖有二歸源本末且  
無雙但能知見同真正外道天魔稽首降

大義寮

大義無文字誰云達磨傳此心元淨妙是法本明圓  
有據人人佛無生念念禪開單兼展鉢一一火中蓮

其二

大義卽爲寮包容起一朝聖凡同寂滅主伴共逍遙  
少語工夫大多聞慧解饒禪餘遊覺死朋友好相邀

照軒

本性本明妙如何却妄緣常光常寂照淨智淨空圓  
舉衆皆平等臨機總見前唯除不信者教外豈虛傳

其二

西來教外傳開悟却憑言心是神通藏身爲智照軒

法空平等座善巧總持門大義靈無盡禪家各有源

法會寮蘭軒

晚應清涼候花苞吐國香謝庭家世短孔子教風長  
有德更誰竝無人亦自芳蘭軒禪者衆佛性戒水霜

其三

無人亦自秀况植梵王家僧衆共白業禪庭開素花  
對談爲法會長養壅溪沙正似修行者常將戒定加

春秋皆有闢復作偈以原之

鶴白兼烏黑心爲造化元二儀雖有象一氣本無言  
萬物遂其性四時歸所存秋花與春豔香每滿蘭軒

寄荆南高司戶五偈

若把心無却教誰辨主賓不知妄想性便是聰明人  
祇要自覺了頓忘能所親但觀佛與祖一一洞天真

其二

知見無生力禪門已了心不從達磨得豈向釋迦尋  
莫被無言溺須妨有語沈現成常現在唯悟始知深

其三

小乘修小法妄現寂寥禪務靜欣無念嫌喧怖有緣  
不知佛世界卽是已心田起坐明如日衆生共皎然

其四

學道多沙數阿誰能自尋二人禪悅性千里月明心  
瑩徹同僧俗靈通共古今莫將閒藝解可惜枉埋沉

其五

男兒丈夫志開鑿自家田莫逐雲門語休依臨濟禪  
人人元具足法法本周圓但作主中主門門日月天

和開福長老迭強禪者七偈

逆行順行皆青春或是或非不動神往往總隨聲色  
轉迴頭又昧本來人

一氣纔和萬物春不勞功力豈勞神非言非句非文  
字快活當機有主人

多執平常夢裏春依他妄計自傷神更傳臨濟雲門  
語奇特商量愁殺人

雲門臨濟百花春一一靈機總有神到底不關言語  
事錯傳錯解誤他人

直截根源教外春阿誰不聖不通神雖然問道離坑  
舍又作無心常醉人

言句清新便謂春平常爲實用安神希望成道不求  
悟更把糟糠教授人

悟來無物不爲春荆棘林中解養神常與不常虛對  
實臨機提出總由人

寄浮山巖中渙達二上人

若是金毛那守窟奮迅東西警群物有時踞地吼一  
聲突然驚起遼天鶻

所食不食雕之殘戲來還是弄活物翻嗟芥狗一何  
癡到處荒園咬枯骨

送宣上人

落落空門子心空法亦空肩橫柳榦杖南北與西東  
寄詔首座時在大愚

高安灘上古禪關吾祖曾開徹困顏經幾百年真迹  
在長應留待子孫還

和答筠守錢郎中圓相頌送住洞山

未有難名既形可措圓滿現前羣迷得路

送榮上人往黃檗禮精翠庵老和尚

了然逆順皆方便往往宗師昧者多君欲決明心地

印鷲峰問取老禪和

到日應須次第攀入方境界妙堪觀重重無盡重重

異一一憑君仔細看

和真首座施茶

從苗辨地知音少獨有吾師鑒最靈烹出異常還普

施幾人於味得全醒

留真首座

名山靈迹遍優游賞勝心應近已休好住新豐古洞

裏共揚佛事老春秋

因事

祖師心印鐵牛機直要當鋒決是非掣電未收轟霹

靄相逢誰是丈夫兒

南臺石頭真堂

南臺石上杉櫟子今古何人道可齊昔日住庵真斧

在夜來明月落前溪

寄信上人時在般若臺

要行便行住便住去住尋常與誰語而今又在般若  
臺無錢取妻衣自補

和香嚴和尚石磬

亂山深處雲藏久不是知音辨也難一日禪堂高掛

著時時響應萬機寒

玳瑁報曉會茶晨直下無私喚起人各各殷勤烹燂

了可憐幽韻又虛陳

送道嚴沙彌南康丐

步步登高鳥道玄心心開發火中蓮沙彌品格沙門

行始解南康化有緣

送則上人

困魚止深鳥栖蘆空奮雙拳大丈夫一一盡從胷臆

裏蓋天蓋地灑醍醐

送全禪者廣南作丐

達磨遺下一隻履老盧把住諸祖衣家家門前赫日

月太平不用將軍威

送文禪人之吉州丐

自心隨色摩尼寶莫問廬陵米價高更欲徧遊華藏

界都歸仁者一眉毛

滁州全椒塔院鑒上人邀宿草庵

— 564 —

未能直到覺元妙且向途中息草庵勿謂無心便休  
去前三三有後三三

庵內不知塵世事此心能有幾人全黑龍山寺椒城  
外路入青林隱翠煙

和酬運判李大夫

同鄉同姓通玄士應念羣迷復現身時向庵中開舊  
論還隨法界在微塵

按行雖是江西漕黎杖分明長者身須信此心能自  
在外官作論總非塵

李公自言是長者之後

又贈李運判

撰述

東坡全集卷之四十五

三二

五

公道生平爲布施况聞高潔到如今利民利國何人  
識元是仁慈古佛心

竹炬點來明有盡智燈然去照無窮故知般若靈光  
妙行處輝華到處通

和泐潭乾長老見寄

泐潭乾老真淨翁白頭彼此雪霜蒙道人不必重相  
見千里長同月下風

長愛末山塵世外老來無用更深藏人間是事只如  
此巖穴誰同一炷香

答新昌溥求圓通頌

何妨識取主人公妙性雖空用不空王事更繁皆自  
了未聞裴楷獨清通

送昭禪者

馬駒踏處水雲深問道無非特訪尋別我又投三祖  
去取魚不在一清尋

和楊川秀才見別

詩句清新已出塵西來祖道更能親雖然頭戴烏紗  
帽心是蓮花社裏人

龍湫

叅天四面碧崖嵬中有龍湫偃石堆往往山前爲雨

撰述

東坡全集卷之四十五

三三

雷正應從此起風雷

別江西漕王正言

滌盡塵勞破盡疑廓然還得本心時荒田不揀枯來  
草生殺臨風自在施

和人歲旦

剃髮因驚雪滿刀年華須信不相饒逃生脫死勤爲  
佛莫謂明朝與後朝

送華禪者

此心本是法中王南北東西豈有方若遇風雲霹靂  
塵任教群鴈不成行



寄程承事

老也須知不老身  
同行同坐有精神  
雖然無相無容貌  
能爲羣生作主人

筠洪中路有驛名  
大通其傍精舍曰竹下  
因投宿題之

有寺路傍名竹下去  
洪一驛大通前  
偶來投宿滿窓月  
伴我寥寥永夜禪

送曉化主

滕王閣上江山勝  
洪井城中萬事閒  
祖意西來本清淨  
不須更要離人間

王那

寶曆詩錄卷之四十五

三

仙遊觀愚溪閣

濟用古今流不盡  
閣中誰是不言人  
此心若似愚溪水  
天下悠悠總任真

觀彭學士會黃檗老宿覺林院頌遂乃詠之

性覺瑩無垢廓然圓  
滿心發生功若地長  
養行如林居士從元  
大禪師復本深相逢  
一家內僧俗世殊欽  
雪朝陞座僧問雪上  
蹤由事若何師云片  
片色無別

高僧因雪問長老  
令當行片片色無別  
紛紛性共明一陽曾  
告報萬物待生成不  
獨資禪悅臨機要盡  
情

弔黃龍和尚塔

示滅師何速空遺塔  
此中僧閒四海錫  
誰復九年風鳥外千  
峰遶人間一徑通  
寥寥朝與暮唯有白  
雲同

新荷示徒

濁泥終不染況在梵  
宮生潔性一池碧幽  
香滿座清團團初映  
水短短漸分莖更待  
蓮花出禪心妙可明  
投老庵示衆

九峰山色裏拙者草  
庵深投老遂疎懶問  
禪徒訪尋欲知諸祖  
道不越衆人心彼此  
同成佛聊爲直指吟  
題清居栢樹

王那

寶曆詩錄卷之四十五

三

昔人曾指出今古道  
傳馨祖意憑君悟  
禪心使我惺故知非  
俗物還長在僧庭凡  
木幾回老高標依舊  
青呈筠守徐朝議辭  
九峰命二首

捨家從學道無用樂  
天真豈謂至愚者仍  
慚老病身不堪爲度  
世止合作閒人乞放  
歸山去條然老百春  
六十四年期歸閒已  
是遲一身終有限萬  
事畢無時學道當求  
靜爲僧亦合宜蜀江  
賢太守外護却應知

張文結再任洪州

洪都王者府復鎮見  
君臣不責辭南越唯  
佳奉老親江山千里  
舊賓主一時新曾對  
談禪客慚非下榻人

大寧山堂

禪家能自靜住處是深山門外事雖擾座中人亦閒  
漁歌聞別浦鴈陣下前灣卽此非他物何妨洪府間  
散珠亭

一分龍口當軒號散珠若教收拾得却恐久長無  
合浦圓相似隋庭夜不殊豈惟能善利萬物有工夫  
擬王元澤題鳳凰臺

鳳去臺長在園林別嶼連因傷故國事願學老盧禪  
淨練澄江地餘霞散綺天六朝人不見極目舊山川  
寄西庵法眼安師

支那

蘇軾詩集卷之四十五

三五

不聞庵外事此意行誰知林壑路窮處世迷心盡時  
鐘聲來舊寺月色下新池却笑承風者區區老若爲  
寂軒

本來心自寂不必更論禪我欲辭多事誰來共少緣  
萬杉青靄裏五老碧峰邊第一幽藏處廬山小洞天  
留題天水居士靜宴閣

收心安養處靜不在山中冬暖一爐火夏涼三面風  
遣時緣既薄樂道意何窮莫問人間事勞生總是空  
洞山訥庵

寂寂坐無語何人知此心別傳來自昔密付到如今

胡氏田園上雷家洞府深高僧庵舍在誰爲訥相尋

留題東軒

佛子異行藏開軒亦有方故因迎夜月仍得待朝陽  
群木煙初煖幽蘭花正芳坐來禪性澹蜂蝶自輕狂  
寄香城順禪師

靈觀拋頭後名山護有神道場千古舊法席幾繇新  
廢去何由物興來故在人況師先達者不與衆同塵  
寄程承事

七十六七八時來又共新青煙池上柳白髮鏡中人  
但逐年華轉焉知佛性真寄言程老子有酒且歌春

支那

蘇軾詩集卷之四十五

三五

答靖安黃尉問疾二首

書來蒙慰問外護力何偏槌鼓會雲侶焚香開雪牋  
滿池蓮出水迴漢月生天又似新裁錦文章少比肩  
老病連縣發寧忘苦惱縈百骸雖朽敗一物却精明  
古屋縱傾倒閒心亦坦平但知行大道懶更問前程  
宿彬上人房

人事少相干亦由居處偏不隨流過日常得自安禪  
野色郊源接雞聲市井連此身仍老矣風暖杏花天  
退洞山上毛大夫

名山不到處閒欲遍追尋擬把新豐月將還悟本心

禪門無著性仙府有知音鶴陽乃李八伯昔隱之地也聞說寒巖在天台第一深

遊東鼓寺

東鼓與西鼓開先瀑布前廬山圍不匝勢更近南邊

遊景福訪省長老

人生倏忽間春色又東還方丈新宗匠禪門舊竹間

嶺雲飛片片溪水瀉潺潺總是天真物高僧心共閒

寄續溪蘇子由

達人居處樂誰謂續溪荒但得雲山在從教塵世忙文章三父子德行二賢良却恐新天子無容老石房

文淵閣

蘇軾詩集卷之四十五

三

蘇軾詩集卷之四十五

蘇子由闕東軒有顏子陋巷之說因而寄之

才淹居亦弊道在不爲貧未洒傳巖雨且蒙顏巷塵

曠懷隨處樂大器任天真半夜東軒月勞生屬幾人

訪寶雲長老

相見呵呵笑園林落葉多青松色尚在仁者道如何

世態期朝暮風光逐綺羅居山禪寂子無厭我頻過

經宣梵院延亭

積善一方人延祥日益新共當千百載長若二三春

座客心心靜環簷物物真院頌宣梵號天子福黎民

寄無爲居士

世俗事無盡養高心自閒蔬園通綠野林塢帶青山丹竈慵添火雲庵懶著關別應修有術七十見朱顏

快亭

門徑松杉老悠悠日月閒法王真境界禪者舊家山

祖意傳來久人情自別攀如何快我臆滿座水聲還

清涼軒

夏間避暑處軒戶對巖阿溪水漱無盡竹風來更多

百骸煩既謝諸祖意如何坐久聞魚戲時時動淥波

師在雙嶺清旦維那問訊乃曰寂寞師曰寂寞

僧家事遂成其偈

文淵閣

蘇軾詩集卷之四十五

三

蘇軾詩集卷之四十五

迥然生計別趣向少知音寂寞僧家事諠譁世俗心

長遭兒女累莫厭水雲深但樂西來意塵勞久自沉

途中逢建州三秀才

桃紅兼柳綠天地雨初澄琴劍三才子瓶盃一老僧

文章投北闕道業繼南能邂逅征途上生平識未曾

送周道士

歸去靈溪觀匡廬碧嶂深澗松多偃蓋崑崙盡鳴琴

不死徒食藥長生可練心他年如有道飛錫一相尋

送張僉判遊開先

步入青松裏迢迢一徑通漸分華藏界深隱法王宮

道與神仙別人非世俗同欲知西祖意庭栢老春風  
謝新昌權宰見訪

秋試舉人迴峨峨將相材過橋分路處勒馬入山來  
邑佐閑空望林僧靜可陪何當布霖雨天下活枯荄  
送然上人化導

曾聽新豐曲簷頭雨滴聲還吹無孔笛用度有緣生  
欲破他迷暗當開已悟明春風活萬物天道美何評  
清公默庵

久息遊方念庵居道可親依依雖有主寂寂似無人  
池裏蓮從老門前事自新此心誰會得庭栢對長春

五言古詩

五言古詩卷之四十五

三九

留題昭公寂照軒

幽軒名寂照四海坐中間景物有遷色主人無異顏  
野泉澄檻外香靄起簷間涼夜誰相問寥寥月滿山  
送人之南嶽

境幽南嶽寺一一碧巖分遠近松相接高低鐘共聞  
靈禽時奏樂香石日籠雲想到經行處昭然趣不羣  
雷秀才顯閣

靜構南池上群芳益我曹蘭仍雷雨露松下隱蓬蒿  
環坐山川秀開懷意氣豪爲儒斯有業何慮桂枝高  
上藍清涼軒

觀機唯說法一聽一清涼欲盡衆生病當開甘露場  
幽深方丈後掩映府門傍有問西來意城頭角韻長  
遊桃源贈劉君實

宛若神仙府疑無世俗風人家山色裏門徑水聲中  
柳線共垂綠桃花相映紅煙光正和暖遊樂意何窮  
與道士話長生

悠悠人共老誰復解追尋豈信長生道分明不滅心  
竟飛瑤闕遠夢役海山深語此迷方者無勞競寸陰  
書道士壁

仙學迷多說當依柱史評無心歸大道有得失長生

五言古詩

五言古詩卷之四十五

四二

物我同真宰親踈豈可名良哉衆妙本一一在忘情  
留贈香城淳長老

簾卷西山色禪心共月華香城深處寺靈觀上人家  
絕頂壇猶在盈頭乳已賒而今淳道者經誦白蓮華  
題矮鷄冠

潔白異衆卉堦前莎草齊曉來和露看只欠一聲啼  
再遊永固院

悠悠塵世外居者少關心是事有遷謝斯門無古今  
乾坤同永久山水共幽深我愧重來此諸方懶去尋  
淨頭端上人求洗滌之說因而成偈



段食共滋養皆名有漏身焉知大小事不昧往來人  
歷歷隨聞見惺惺應屈伸變通元自在鑒照本天真  
由逐江湖客恥爲堯舜臣所依投旅舍妄計困風塵  
病故嫌王膳餓仍預國民既能分阜白須解別疎親  
朽宅蛭蛇會浮泡屎尿陳何妨觀穢惡却要減貪嗔  
除垢超凡果談空入聖因迦文教雖舊釋子道應新  
革屣排朱戶禪衣掛綠筠攝心彰戒定彈指覺坑神  
吐唾防塗壁拋籌怕動隣爲僧當異俗學佛便行仁  
伏忍冤憎盡與悲鳥獸馴汲湯宜讓伴盥手忌淋垠  
受用生慚愧供承識苦辛塔甕同鏡面瓦宇若魚鱗

五言

五言

四二

狼籍欣歡少光明讚歎頻桶盆還次第灰土最精淳  
寒鼻奢紅棗迎賓熾絳脣去驕終遠害習慢必遭迍  
匾器易盈滿曠懷忘賤貧沙門修慧命菩薩振慈綸  
總具如蓮性誰偏可意珠莫迷臭皮袋苦海枉沉淪

石笕二十韻

帶月眠霜磨復琢南康匠者好規模引迴鹿野靈源  
水瀉入梵宮香積廚宜作奇祥當聖代永爲盛事在  
元符年號依依數里松蘿下往往諸方佛刹無左摺右  
盤何繚繞高來低去更繁紆屈伸宛若蒼虬活裁剪  
分明碧玉俱解逐方圓稱上善能隨甜苦任殊途既

成蔬飯鳴犍椎還奉林僧洗鉢盂及物冷冷離洞府  
漱湍瑟瑟近簾隅禪堂客喜滋茶味祖席人傳美畫  
圖澄湛池塘榮茵萑清涼肺腑飲醍醐調和口腹功  
非小蕩滌塵埃德不孤遐邇溪山同掩映朝昏鳥獸  
共歡呼屯雲坳裏龍擡首貯雪巖前虎踞驅夾道栽  
杉根漸著傍垠種竹葉微甦橋橫深澗優游也亭起  
危巒悅望乎佛手開時慚潦倒馬蹄踏處媿疎愚賢  
將世子勤其力則與清師忘所飭清則賢世四十二人共成寬事千  
載石門憑沃潤萬家檀越賴霑濡輒將長句伽陀讚  
誰謂江河壯帝都

五言

五言

四二

題雙嶺曇顯法師影堂

雨花臺下真身在便是梁朝顯法師南嶽早傳思大  
道北齊曾挫陸修詞沙門既悟神通妙道士休誇呪  
術奇舉一無人能舉二至今佛日聖明時

秋夜宿景德院

荷滿秋塘菊滿籬淒涼軒檻冷風吹西來祖意堪任  
處方丈禪心正寂時岸住何妨停棹子車行須是打  
牛兒通人聞說呵呵笑帶水拖泥老古錘  
和積翠庵老和尚送李二十歸袁州  
深入靈山罷問禪還家林徑步苔錢悟懷此去須知

幸付偈誰來得有緣隱俗但忘憎愛見同塵寧畏是非遷時時好味庵中肯若遇如君始可傳

和楊川秀才

同是浮泡幻化身鬢邊白髮但驚春墜星灣裏曾分舊卷簾山中又話新君把詩篇多適性我將佛法獨怡神雖然禪悅吟情別得意遙遙總要津

謝毛大夫見留

山野欣逢太守賢故伸鄙臆下雲巔莫嫌苦死辭幽隱却爲勞生屬晚年多病况慚非道德踈慵虛占好林泉片雲隨逸情無限不用羈留重愛憐

次韻

蘇軾集卷之四十一

四

次韻郡倅李朝散留題洞山

凌空疊翠嵐光裏一簇樓臺釋子宮誰謂道場無事到自須蓮社有緣通曾迎彩旆長松下得奉冰顏累日同從此承恩何以報悠悠心在白雲中

悟本道場三百載至今香火盛玄關未遊長謂於人外及到分明在世間境屬化風林壑靜僧依勝迹錫瓶閒訟庭無事民情樂洞寺何妨一再還

寄蘇子由

徧因訪祖叅禪後拙直尋常見愛稀有道却從人事得無心應與世情違時光易變誰驚老真趣難窮自

覺微尤荷多才深此意誼譁聲裏共忘機

與會勝禪老同坐夏瑯琊至秋作偈相別以叙

一時之事

涼秋時節諸禪子去去楊朱路任差到處有山容駐錫何方無寺不爲家萬緣脫去輕浮世一性常來看落花我亦與師雖老大更尋幽隱過年華

送祥長老住雲門

曾學雲門自在禪而今歸去豈無緣南山下雨機雖妙北斗藏身語更玄衣到老盧長把住法從少室廣流傳諸方彼此休分別唯佛功深見處圓

次韻

蘇軾集卷之四十一

四

退居彭判官以詩見留次韻奉答

勝利當年偶重棲老來猶占自知非欲憑別選僧中德可使重拈石上衣法付王臣千古振道期高下一心歸何妨免我羈留事閒爲君通佛祖機

和饒守周開祖見贈

休話東西北與南群生佛性妙相叅詩書未必無夫子道德何妨有老聃不二靈源誰共覺以三真教自殊探山間老也爲遺物多謝通人顧草庵

寫懷寄五峰長老

此寄欲拋拋未得長思來伴老嵩丘道因無念殊途

會人到有年諸事休閒徑草深方禁足碧林蟬叫又驚秋世情追逐何時盡覽鏡那堪更白頭

送西安丐者

禪性天真蓮出水等慈及物別巖阿供投野老門門到飯謁林僧寺寺過獨木溪橋人戶少孤村草店路頭多風寒日晚宿歸處猶隔會園五里坡

別洪帥張左司歸泐潭

自笑年來七十三餅盃又汲石門潭偶迎府帥一時意拋却雲山幾處庵大道也知無固必通人應亦重相諳翻思恩德何由報潦倒扶持強指南

寄洪帥張天覺

雲賴德風輕舉力飄然又寄寶山中龍蛇每用春雷覺草木時將法雨蒙馬祖妙心傳不盡泐潭靈派瀉無窮回頭爲報張居士豈獨今生外護功

聞說當年蛇虎穴法王居後杳無蹤庭幽寂寂深深處山好千千萬萬重張氏腴田圍大嶺馬師靈塔簇長松勝遊輸却君先到還屬南昌一化封

楞嚴偈寄撫守許朝散

十卷楞嚴萬行林法門開闢備機深八還四就且除鑛三漸七徵猶鍊金見見見時當見性聞聞聞處要

聞心使君爲物延僧講付囑無忘佛正音

留題佚老庵

勞生唯有僧無事若悟真乘老更閒三徑園林禪性在一庵風月道心還傍欄碧澗長來水隔好青岑不買山却顧群情塵土裏名牽利役自忘艱

送僧遊南嶽

住亦無求去亦閒飄然到處是家山偶棲龍嶠重宮寺又憶融峰絕頂開禪性誰同秋月皎吟情自得古風還平生聚散三回也知向何時更會顏

送黃州丐者

東西南北齊安道舜日高高照不偏千里江山稱佛國萬家香火祝堯天麻城長者思聞道栢子真身尚坐禪機但大悲平等化無人無我智爲先

和僊上人秋夜對月

香殘火冷漏將沉孤坐寥寥對碧岑萬井共當門有月幾人同在道無心風傳喬木時時雨泉瀉幽巖夜夜琴爲報叅玄諸子道西來消息好追尋

大丞相請疏

附錄

觀文殿大學士司空上柱國荊國公王安石

伏以肇置仁祠永延睿筭歸誠善導開迹勝緣文公  
長老獨受正傳歷排戲論求心之所祈嚮發趣之所  
歸宗俯惟慈哀勉徇勤企謹疏元豐八年三月日  
判府左丞請疏

資政殿學士太中大夫魏郡開國侯王安禮  
伏以施綠野之林園蔚然華構立青蓮之場地寵以  
嘉名申祝壽祺推明美報必資達識爲覺迷情文公  
長老夙悟真乘久臨清衆若心數法非外假於虛名  
由聞思修可內觀於實相舉揚密義和會勝緣謹疏  
元豐八年三月日

寶峰雲庵真淨禪師語錄序

眉山蘇轍述

水流於地發爲草木鹹酸甘苦皆水也火傳於薪化  
爲飲食飯餅羹蔬皆火也心藏於人見於百骸視聽  
動皆心也古之達人推而通之大而天地山河細  
而秋毫微塵此心無所不在無所不見是以小中見  
大大中見小一爲千萬千萬爲一皆心爾法然而非  
有所造也故其指心法以示人也有以光明相好化  
人有以飲食卧具衣服有以園林臺觀虛空有以寂  
默無說無示蓋事無非法者然有聞思修法門衆生

由之以入如大衢路既徑且易自達磨西來諸祖相  
承皆因言以曉人心地既明出語皆法譬如古木生  
氣調達華葉無數顛倒向背稜纖長短無一不可譬  
如大海濕性融溢隨風舒卷波濤流轉充滿洲浦無  
一不到觀者眩耀莫測其故然至於循流返源識其  
終始可以拊手而笑有禪師文公幼治儒業弱冠出  
家求道得法於黃龍南公說法於高安諸山晚居洞  
山實繼悟本辯博無礙徒衆自遠而至元豐三年轍  
以罪來南一見如舊相識既而其徒以語錄相示讀  
之縱橫放肆爲之茫然自失蓋余雖不能詰然知其

爲證正法眼藏得遊戲三昧者也故題其篇首

寶峰雲庵真淨禪師語錄後序

鄱陽任軒程袞述

真淨文老以華嚴海藏無量珍奇放大光明照四天  
下高安開處妙應化城赫日現時最初一句新豐古  
洞悟本家風路逕依然七凹八凸開山建業宰輔檀  
那再拊清音天然氣格斬蛇機峻祖令重行鷲眼龍  
睛亦遭擣駁石門壁立宴坐寶山雲隱西堂潭澄秋  
月緒餘珠露流落人間衲子允平貫穿收拾揭爲標  
鑒掛向叢林自性天真此味元無差別百千三昧諸



方各任招提崇寧改元季春望日靖安日舒軒序  
古尊宿語錄卷之四十五

金壇居士于王立施贊刻此  
古尊宿語錄卷第四十五計字一萬四千九百  
六十七個該銀七兩七錢八分  
宛陵釋如圭對上元丘義民書旌德劉邦瀛刻  
萬曆丁巳歲春三月徑山化城寺識

支那

古尊宿語錄卷之四十五

四七

古尊宿語錄卷之四十六  
滁州瑯琊山覺和尚語錄

叅學門人元聚集

示眾云主賓互換坐斷乾坤料簡雙施誰人舉目釋迦聖主示滅雙林達磨大師真歸熊耳琅邪門下還有具眼衲僧真正道流麼若無應病與藥診候臨時示眾云汝等諸人在我這裏過夏與你點出五般病一不得向萬里無寸草處去二不得孤峯獨宿三不得張弓架箭四不得物外安身五不得滯於生殺何故一處有滯自救難爲五處若通方名導師汝等諸

人若到諸方遇明眼作家與我通箇消息貴得祖風不墜若是常從卽須寢息何故艱形國內誇服飾想君太殺不知時

師上堂有僧出打一圓相師便打云道道僧云不道不道師又打僧云三世諸佛不出於此師又打乃云大眾教中道以手指比丘犯波逸提山僧今日入地獄如箭射

師一日上堂舉汾陽先師道汾陽門下有西河師子當門據坐但有來者卽便咬煞作何方便入得汾陽門得見汾陽人琅邪者裏也有些子琅邪有據坐師

子若有來者卽自喪身失命作何方便入得琅邪門得見琅邪人此兩轉語汝等諸人還點檢得出也無若點檢得出方名擇法眼若不如是且無安身立命處卓拄杖一下便下座

上堂云彼我無差色心不二遂拈拄杖云你若喚作拄杖子有眼如盲若不喚作拄杖子還同避溺而投火你若脫體會去但知喚作拄杖子卓拄杖一下便下座

上堂舉釋尊道若見諸相非相卽見如來遂拈拄杖云山僧喚者箇作拄杖子阿那箇是相良久云向下

文長付在來日以拄杖卓一下便下座

上堂拈起拄杖云山僧有時一棒諸佛降生有時一棒轉大法輪有時一棒入般涅槃你且道諸佛降生轉大法輪入般涅槃相去多少良久云莫謗如來正法輪珍重

小叅有僧問放過一着滿目光生把斷要津萬木凋聲學人上來請師垂示師云老僧退後學云放過總由和尚去也師云闍梨進前三步學云不入虎口爭見虎牙師云十字路頭望空啓告又僧問十年磨一劍霜刃未曾試時如何師云本分作家學人便喝師

云老僧失利學云恰是師乃呵呵大笑師乃舉先梁山云南來者與三十棒北來者與三十棒然雖如是不當宗乘師云梁山好一片真金將作頑鐵賣却琅邪卽不然南來者與三十棒北來者與三十棒從教天下衲僧貶駁珍重

上堂云夫學般若菩薩須得智觀現前方有少分相應所以先聖道當觀過去猶夢故不可得當觀未來猶電故不可定當觀現在猶雲故髮髯而有且道學般若菩薩當如何觀不用思量低頭難得卓拄杖便下座師因巡察次舉布袋和尚凡在市鄽中以破紙

文脈

古真僧語錄卷之四十六

三

裏一片乾糞見人便相呈云兜率陀天底兜率陀天底遂令學衆下語竟有云云師末後下語云慈氏菩薩又舉布袋和尚凡見人以手背上便拍一下人纔迴首云與我一文錢遂令學徒下語師末後云但拋二文錢與伊

上堂舉汾陽先師云夫學般若菩薩須參活句莫參死句如今人便道自蓋乾坤是活句截斷衆流是死句潛麼會莫辜負他汾陽也無衆中有一般禪客商量道如何是活句今日好天晴如何是死句萬里峴州若潛麼會學到驢年也卽是死句山僧與你一時

注破了也作麼生是活句遂卓拄杖便下座

上堂云夫參學之人直須真慧現前鑒照無差不見道差之毫釐失之千里纔有異見名爲異道所以異道有二種見因緣自然以斯爲執故乃成於異所謂因而無始緣而無終又先聖道諸法不自生亦不從他生不共不無因是故說無生山僧雖然與麼道你且不得與麼會若與麼會入地獄如箭射珍重

上堂舉僧問馬大師如何是佛大師云卽心是佛如何是道云無心是道云佛與道相去多少大師云佛如展手道似握拳師云古人方便卽不可山僧者裏

文脈

古真僧語錄卷之四十六

四

也有些子若無人買山僧自賣自買去也如何是佛巖前多瑞草如何是道澗下足靈苗佛與道相去多少數片白雲籠古寺一條淥水繞青山珍重

師因小參僧問言前薦得辜負平生句下承當又成狂見未審和尚如何爲人師云橫挑日月豎括乾坤僧云真學人師師云本分衲僧其僧便喝師嘿坐僧云了師笑云不能打得你師乃舉僧問汾陽先師切急相投時如何汾陽云水中抱鶩子又問急切相投時如何汾陽云裸形見阿難師云有一轉語截斷天下人舌頭有一轉語能開人眼目你若揀得出與你

一條拄杖擲下拄杖便下座

上堂舉三聖老人去叅德山纔相見便展坐具德山云不用展不用展者裏無殘羹餽飯三聖云設有向什麼處著德山不語三聖將取坐具叅堂去衆中商量極有云云不見道若無樂布作爭得見韓光瓔重上堂云諸仁者未出僧堂時聖僧已相爲了也未到佛殿上重說偈言來至法堂上三通鼓罷一炷香焚便好散去何故不見安養國中水鳥樹林悉皆念佛知足天上樹相撐觸演說苦空山僧與麼道爲是壓良爲賤爲當是據理而論若不甘者但請對衆出來

文那

草窗錄卷之四十六

五

山僧與你證據若也無去簑衣若笠從偏側收取絲綸歸去來瓔重

上堂云有句無句如藤倚樹樹倒藤枯恰好與棒作且道過在什麼處良久云不是僧繇手徒說會丹青以拄杖卓一下便下座

上堂云與麼來者上間安排不與麼來者下間挂搭向上人來獨自悽悽暗渡江更有一人向什麼處著良久云釣竿斫盡重栽竹不計工程得便休瓔重升座僧問承師有言與麼來者上間安排不與麼來者下間挂搭總不與麼來者又作麼生師云今日遇

著衲僧其僧便喝師云厨前喫飯師乃云先聖道明

暗交謝寒暑迭遷有物流動人之常情又放光云法

無去來無動轉故若然者旋嵐偃岳日月歷天江河

競注野馬飄鼓而無流動若如是諦觀且道條然一

句作麼生道良久云石火夜燒山大地齊合掌珍重

上堂舉祖師道真性心地藏無頭亦無尾應緣而利

物方便呼爲智師云既是方便呼爲智且道畢竟喚

作什麼良久云任從滄海變終不與君通瓔重

上堂云世尊三昧迦葉不知迦葉三昧阿難不知阿

難三昧商那和修不知吾有三昧汝亦不知師云爲

文那

草窗錄卷之四十六

六

什麼不知不是不知理合如斯若人會得南北東西若不如是更擬何之卓拄杖一下

上堂云你等諸人但自隨緣飲啄任性浮沉在聖而

不增處凡而非滅若能如是方乃皇風蕩蕩觸處開

閑乃云道也太煞道了更須子細始得瓔重

上堂舉先聖云若也廣尋文義猶如鏡裏求形更乃

息念觀空喻似日中逃影諸禪德不涉二途作麼生

道良久云看看便是春風至水釋魚行鳥亂飛瓔重

上堂舉汾陽先師頌云三玄三要事難分得旨忘言

道易親一句分明該萬象重陽九日菊花新師乃喝



一喝云是第幾玄良久云你也沒量罪過我也沒量罪過卓拄杖便下座

上堂云君臣道合猶是法身邊事君不見君臣不見臣猶是法身上事向上向下轉使心地不安且作麼生是法身良久云任是僧繇手難畫志公真珍重上堂云若論此事說什麼龍樹馬鳴提婆鶩子辯似懸河智如流水莫能知之摩竭掩室衆手難淘淨名默然如何即是百丈卷席諸方云云祖師面壁叢林浩浩到者裏若辨得出山僧與你一條拄杖若辨不出山僧有通方向且道作麼生是通方向良久云手

五更

五更宿語錄卷之四十六

七

攜隻履西天去珍重

上堂舉先聖道有物先天地無形本寂寥能爲萬象主不逐四時凋師云好箇頌却成兩橛若有人點檢得出許你具一隻眼珍重

上堂云若欲求佛卽心是佛若欲求道無心是道無心故非法而不生卽心故歷劫而常堅若然者法法無差心心不斷所以古德道君但隨緣得似風飛砂走石不乖空但於事上通無事見色聞聲不用聾珍重

上堂云春風颭颭古佛嘉猷淥水潺潺道人活計若

與麼會貶向崖州本色衲僧如何理論良久云果聞猿叫斷腸聲珍重

上堂舉世尊云一切衆生妄認四大爲自身相六塵緣影爲自心相且問諸仁者在眼曰見在耳曰聞在鼻嗅香在舌知味在手執提在足運奔亦不嗅作衆生亦不嗅作佛性你且道喚作什麼良久云香嚴告悲接拄杖仰山撲破爲山鏡珍重

上堂云承言須會宗勿自立規矩若人下得通方向我當刎頸而謝之珍重

上堂舉雪峰云若論此事如一面鏡相似胡來胡現

五更

五更宿語錄卷之四十六

八

漢來漢現有僧云忽遇明鏡來時如何雪峰云胡來俱隱師云不見道驗人端的處下口卽知音珍重

上堂云山僧因看華嚴金師子章第九由心迴轉善成門又釋云如一尺之鏡納重重之影像若然者道有也得道無也得道非亦得道是亦得雖然如是更須知有拄杖頭上一竅若也不會拄杖子穿燈籠入佛殿撞著釋迦磕倒彌勒露柱拊掌呵呵大笑你且道笑箇什麼以拄杖卓一下便下座

上堂舉先德道吾早年來積學問亦曾討疏尋經論分別名相不知休入海筭沙徒自困却被如來苦呵

責數他珍寶有何益且問諸人作麼生是自家珍寶  
若也不會拄杖子叫屈去也卓一下珍重

上堂云江月照松風吹永夜清宵何所爲淥水澗中  
流不住白雲片片嶺頭飛珍重

上堂云先德道今古應無墜分明在目前片雲生晚  
谷孤鶴下遙天岬柳含煙綠溪花帶雨鮮誰人知此  
意令我憶南泉師云你且道南泉意作麼生良久云  
兩眼已隨青嶂合雙眉猶帶野花顰珍重

上堂舉傳大士云未有無心境曾無無境心境忘心  
自滅心滅境無侵師遂拈起拄杖云山僧喚者箇作

拄杖子你等諸人喚什麼作境你若道得山僧有通  
方句若道不得與你七百錢珍重

上堂云若論此事直饒辯似懸河智如流水且與那  
事沒交涉昔有僧問風穴大師如何是道大師云五  
鳳樓前如何是道中人大師云問取城隍使道與道  
中人相去多少大師云月似羅中鏡星如霧裏燈師  
云衆中商量極有云云山僧今日與你領出月似羅  
中鏡星如霧裏燈滿堂清淨衆盡是坐禪僧珍重

上堂云如釋尊言應如是知如是見如是信解不生  
法相師遂拈起拄杖云山僧喚者箇作拄杖子何者

是法相卓拄杖下座

上堂云山僧常向諸人道擬心即差動念即錯不提  
不錯一任你諸人貶刺你且道貶刺什麼處良久云  
想君不是金牙作爭解彎弓射尉遲

上堂舉僧問曹山雪覆千山爲什麼孤峰獨露曹山  
云須知有異中異進云如何是異中異曹山云不覆  
千山頂師云曹山慈悲濃厚接引羣生要會即不可  
山僧者裏不然如何是異中異片片梅花飛落地珍  
重

上堂拈起拄杖云山僧有時一棒作箇慢天網打俊

鷹俊鷄有時一棒作箇布絲網撈蝦捷現有時一棒  
作金毛師子有時一棒作蝦蟇蚯蚓山僧打你諸人  
一棒且作麼生商量你若細素得出不妨拄杖頭上  
眼開照四天下若也未然從教立在古屏畔待使丹  
青入畫圖珍重

上堂舉魯祖凡見僧來便面壁而坐衆中商量極有  
多般梁山受業先師曾有一頌魯祖三昧最省力才  
見僧來便面壁若是同心達道者不在揚眉便相悉  
山僧卽不然祖師面壁播諸方無限禪人謬度量無  
事晚來江上立數株寒栢倚斜陽珍重

師舉行脚時在衆中與一尊宿談論次因舉僧問長沙和尚南泉遷化向什麼處去長沙云東家作驢西家作馬僧云畢竟如何長沙云要騎即騎要下即下其尊宿遂問師云莫是對他語否師云無莫是成他問否師云無莫是點他語否師云無畢竟如何師云聲聲斷後不許易價因成一頌示衆云要騎即騎要下即下聲聲斷後不許易價

師上堂拈起拄杖示衆云先佛世尊道觀法性空是無上智山僧喚者箇作拄杖子汝諸人作麼生觀有智不假年高無智徒勞百歲卓拄杖下座

文脈

百集宿錄卷之四一六

二

上堂示衆云古人道有時先照後用有時先用後照有時照用同時有時照用不同時若也先照後用露師子之爪牙若也先用後照縱象王之威猛若也照用同時如龍得水致雨騰雲若也照用不同時提獎嬌兒拊憐愛子諸仁者此古德建立法門爲合如是不合如是若合如是似紀信登九龍之輦不合如是若項羽失千里馬騅還有人爲琅邪出氣也無如山僧白道去也卓拄杖下座

上堂云夫叅學人須是不滯於性相始得若談於性即滯於相若談於相即滯於性者裏須是性相都泯

理事混融方解即事即理即性即相當此之時如拳十指展縮自由乃拈起拄杖云拄杖走入新羅高麗國中大醉報道今年米貴地神惡發生嗔拄杖即今入地便擲下拄杖下座僧問大事未辦時如何師云金燈運夜照不覺五更鐘進云大事已辦時如何師云跣足踏水雪方知徹骨寒問談真即逆俗順俗即違真離此二途請師舉唱師云水底石牛吼木裏瑞花開進云若然者不因觀北斗爭得見南星師云世亂奴欺主年衰鬼弄人放汝三十棒遂舉大陽和尚示衆云平常無生句妙玄無私句體明無盡句後有

文脈

百集宿錄卷之四一六

三

僧請益如何是平常無生句白雲覆青山青山頂不露如何是妙玄無私句實殿無人侍立不種梧桐免鳳來如何是體明無盡句手指空時天地轉迴途石馬出紗籠第一句道得師子頻呻第二句道得師子踞地第三句道得師子返躑縱也周遍十方擒也坐在一處正當與麼時作麼生委悉若委悉不得來朝更向楚王看便下座

上堂云山僧昨日因禪人請益郢州大陽和尚二句語山僧昔曾奉侍巾瓶來今日不可不報答他大陽和尚去也山僧亦有三句語如何是平常無生句言

前無的旨句後絕追尋如何是妙玄無私句金鳳不棲無影樹玉兔何曾下碧霄如何是體明無盡句三冬枯木秀九夏雪花紅將此三轉語供養大陽和尚雖然如此又不可辜負我汾陽先師去也山僧亦有三轉語供養我汾陽先師如何是平常無生句啐如何是妙玄無私句豸如何是體明無盡句好師乃頌云啐啄好林間問三老不食王母桃自有仙家棗便下座

上堂舉一老宿道臨濟入門便喝也是齋後打鐘德山入門便棒也是平地陷人諸仁者便道是幸然無

聖賢錄卷之四十六

聖賢錄卷之四十六

一三

事向好肉上剗瘡枝條上強生節目似這般見解更買三二十輛草鞋始得又有一般老宿云臨濟入門便喝德山入門便棒到者裏凡聖路絕纖毫不立坐斷天下人舌頭汝若擬議喪身失命似這般見解滴水也難消所以先師道德山棒臨濟喝獨震乾坤橫該抹琅邪即不然臨濟入門便喝且不得麤心德山入門便棒更須子細且道教汝諸人子細箇什麼云停囚長智養病喪軀以拄杖卓一下

上堂拈起拄杖云十方諸佛降生也在拄杖頭上轉大法輪也在拄杖頭上入般涅槃也在拄杖頭上汝

等諸人作麼生委悉良久云不可待緣木求魚見危致命卓拄杖下座

上堂云夫參學者須是智眼開明始得今時諸尊宿纔見豎拂敲床揚眉瞬目便作是非褒貶不見汾陽先師道識得拄杖子一生參學事畢又泐潭澄和尚道識得拄杖子入地獄如箭射聽取山僧一頌汾陽拄杖子天下走禪流秋風急似箭春雨潤如油便下座僧問昔日靈山以桴擊鼓轉大法輪今日師登法座請師演唱師云白雲羃羃進云大眾臨筵如何證據師云淥水潺湲進云淮甸一輪月長江萬里清師

聖賢錄卷之四十六

聖賢錄卷之四十六

一四

云平遇知音僧問如何是琅邪境師云山高海闊進云如何是境中人師云天長地久進云人境已蒙師指示向上宗乘事若何師云速禮三拜僧問談真即逆俗順俗即違真如何得不相違去師云杖頭挑日月進云施主臨筵請師再垂方便師云袖裏貯乾坤進云野花連地發春草徧園生師云釣人江上立不覺失漁舟師乃云只麼地散去亦有少分相應雖然有少分相應有似鈍鳥棲於枯枝遊魚處於涸轍作麼生是透脫一句卓拄杖下座僧問承師有言開口錯擬心差離此二途請師別道師云蘇武不入單于



帳進云與麼則今日失利去也師云旁觀塞草亂斑斑進云早知今日事悔不愼當初師云愁人莫向愁人說師因出州看陳轉運喫茶次乃問師云佛法總不在思量是否師云既不在思量如何道得運使大笑云爭到者裏道不得師云請運使問待山僧道運使遂將前問問師師答云有過者且恕十三無罪者莫決入棒運使呵呵大笑乃就師乞頌師遂與頌云莫於言上覓切忌意中尋疾蹤過風旨思量海岳沉師歸山升座舉似大眾頌後續兩句云祇陀親捨樹長者布黃金

師因雪上堂云雪雪大地山河一齊說文殊普賢真妙訣拈取拄杖薦頭擎豐干林下笑呵呵兩箇御孫探水月僧問一法若有毗盧墮在凡夫萬法若無普賢失其境界正當與麼時還許文殊出頭來也無師云樓頭吹畫角妄聽五更鐘進云學人未曉乞師再拈師云未到長城不肯休進云不入洪波裏爭見弄潮人師云草上斑斑衆者看師乃舉靈樹和尚欲豎行狀碑要選一轉語上碑如契和尚意者可以問如何是祖師西來意人人下語皆不契雲門爲首座下語云師方乃契得靈樹師頌云師師師知知知三三

兩兩過遼西一雙紅杏換消梨

上堂拈起拄杖云盤山道向上一路師云滑南院道壁立千仞師云險臨濟道石火電光師云鈍琅邪有定乾坤底句各各高著眼高著眼車拄杖下座僧問承教有言法不在內不在外不在中間未審在什麼處師云逢人莫錯舉進云還許學人請益也無師云啼得血流無用處其僧禮拜師云猶較些子問九夏賞勞誰人得薦師云周秦漢魏進云與麼則昨夜一聲鴈西風萬里秋師云靜處薩婆訶師乃拈起拄杖云在天則清在地則濁在人則神在物則靈且道在

山僧手裏喚作什麼良久云拄杖子

上堂舉仰山和尚見雪師子遂問雲門還有過得此色者麼雲門遂推倒著雪竇拈云心前只會推倒不會扶起即今問汝諸人推倒扶起相去多少拄杖子搜過眉毛鼻孔裏呵呵大笑便擲下拄杖僧問雪峰三度上投子九度上洞山爲什麼却去德山倒戈却甲師云人平不語水平不流進云石火電光人不顧隨機設化有誰聞師云地無三寸土人無隔宿思進云霜後始知松栢操事難方見丈夫心師云江南兩浙水師乃云見苦斷集取拾難忘獨契真常悲心未

廣三祇五位滯在長塗一念成佛心源未曉諸仁者  
若也薦得去如金鱗透網游泳波瀾似俊鳥離籠翮  
翔碧落諸仁者若能如是方有少分相應若也未然  
且莫雲居羅漢問古人借問田中事插鋤叉手意  
如何師云袈裟浮淥水螺髻拂青雲進云不入洪波  
裏爭見弄潮人師云作麼生是弄潮人其僧便喝師  
云七棒對十三問古人道承言者喪滯句者迷離此  
二途如何卽是師云逢人莫舉僧應諾師云作什麼  
僧便喝師云好箇衲僧拈掌便禮拜師云不消多  
師乃舉先聖道法爾不爾俱爲唇齒汝等諸人作麼

生會若會得開眼尿床若也不會遠之遠矣便下座  
師遂持此語遍問諸禪者云汝作麼生會衆皆下語  
不契末後有僧云請和尚下語師便起歸方丈僧問  
古人道問無橫豎答者由師擬伸一問師意如何師  
云你試問看進云劍閣路雖險夜行人更多師云想  
君不是金牙作進云與麼則爲衆竭力禍出私門師  
云教休不肯休師乃云諸方盡道拈槌豎拂瞬目揚  
眉曲爲中下之流山僧卽不然山僧拈起者拄杖子  
也不爲上上之人亦不爲中下之者且道尋常用處  
作麼生若知得一竅方解穿窻透牖動地搖天若也

未然且向天台看華頂却來南嶽度石橋便下座  
上堂舉先聖道見身無實是佛身了心如幻是佛幻  
了得身心本性空斯人與佛何殊別者箇是拄杖子  
阿那箇是佛良久云一時吹取入門來  
上堂云千說萬說不如一決諸人者且道決箇什麼  
良久云點鐵化爲金玉易勸人除却是非難歸堂去  
上堂舉永嘉和尚道但得本莫愁末如淨瑠璃含寶  
月遂拈起拄杖云者箇是拄杖子阿那箇是本云任  
是深山更深處也應無計避王徭珍重  
上堂舉清平有僧問如何是有漏答云承離云如何

是無漏答云木杓師云古人與麼道實謂奇特山僧  
爲你諸人煩出有漏承離無漏木杓似赫禪和安生  
卜度靈利座主何處摸捺金牙解使神銷李廣箭穿  
雙鵝歸去

上堂云東湧西沒蓋是尋常南北縱橫未爲極則透  
皮徹骨則不問汝鼻孔遶天一句作麼生道良久云  
堪羨一堂無事客卧雲深處不朝天琢重  
上堂云拄杖若是頭上安頭拄杖不是斬頭覓活離  
此二途猶是無依滯魄透脫一路猶是著內汗衫汝  
等諸人各具金剛眼睛到者裏作麼生會若也不會

拄杖子透過渤海看看卓拄杖一下

上堂云盡大地是箇餬餅從他江南兩浙河北關西咬者咬嚼者嚼矇矇禪和被山僧擗頭打一棒走入露柱裏藏身且道露柱裏明得什麼邊事若也不會拄杖子爲汝念箇揭諦真言以拄杖卓一下

上堂拈起拄杖云永嘉道心是根法是塵兩種猶如鏡上痕痕垢盡除光始現心法雙忘性卽真者箇是拄杖子阿那箇是心卓拄杖一下

上堂云依經解義三世佛冤離經一字又同魔說且作麼生得不傷物義去汝等諸人聽山僧一頌地凍

五言

五言

五言

草枯水寒水結借問禪人是何時節臨濟走過新羅德山愁眉不悅珍重

上堂舉先采山云從南來者與二十棒從北來者與二十棒雖然如此且不當宗乘師遂拈拄杖云點與不點等盡抹爲微塵卓拄杖一下

上堂舉先聖道森羅及萬象一法之所印盡大地是一條拄杖汝等諸人作麼生會卓拄杖一下便下座上堂舉虎溪菴主僧問在者裏多少年主云只見春生夏長年代總不記得僧云大好不記得庵主云你道我在者裏多少年僧云春生夏長庵主云開市裏

虎師云聽取山僧一頌開市中心虎能歌不解舞命值木星君不遇羅睺土便下座

上堂舉先聖道纔有是非紛然失心到者裏還有商量也無云心竊者失欺敵者亡珍重僧問今交鐘鳴時道人盡來此向上宗乘請師舉唱師云我到者裏總開口不得學云退身三步去也師云言不虛設學云今日失利師云放你三十棒問拈提緊拂卽不問瞬目揚眉事若何師云趙州曾見南泉來進云學人未曉乞師再垂指示師云今冬多雨雪貧家爭奈何進云百花皆毀折冬後一陽春師云眞師子兒普師

五言

五言

五言

子吼師乃舉先韶陽大師道咄咄咄力韋希禪子訝中眉垂諸高德韶陽只有先鋒且無殿後山僧者裏卽不然咄咄咄橫該抹天不長兮地不闊珍重僧問久欽尊德今日功明時如何師云山高日出早進云與麼則白馬敲金鑒朝天萬里歸師云親面龍顏一句作麼生道學云一片月生海幾家人上樓師云在舍只言爲客易臨岐方覺告人難師乃云過去諸佛已般涅槃好與三十棒見在諸佛轉大法輪好與三十棒未來諸佛當出於世好與三十棒諸高德若要報佛之深恩當如是學學則從諸人不得辜負老僧

珍重

上堂云先聖道在有破有居空破空二幻既除中道不立若然者山僧拄杖向什麼處著魚躍已隨流水去鸞啼猶送落花來珍重

上堂云拈起拄杖作靠山猛虎放下拄杖如入水蛟龍靠山猛虎作麼生商量入水蛟龍如何話會若也  
不知者一竅拄杖子笑汝去也卓拄杖一下便下座上堂云若論此事如洪鐘待扣聲應長空如寶鏡當軒影臨萬象天不能蓋地不能載賢愚共處其間聖凡出之不得山僧與麼道人有人笑去在他也笑我

也笑誰人知此竅三十年更笑去在珍重僧問一塵才起大地全收一塵未起時如何師云李廣射落雲中鴈進云龍吟霧起虎嘯風生也師云驚得胡兒走似煙問開口卽錯動舌卽乖如何是的師云摩竭國金剛怒學云離咽喉唇吻又作麼生道師云驗人端的處下口卽知音進云與麼則野花開滿地流水自西東師云者回放過後度難逢卓拄杖一下師云拈起拄杖千花競發放放下拄杖萬樹齊凋不拈不放一月在天祐僧當此之時作麼生道良久云秋燕不聞梁上語却看鴻鴈過長天珍重

上堂云擊水魚頭痛穿林宿鳥驚黃昏不擊鼓日午打三更諸禪德既是日午爲甚却打三更良久云昨見垂楊綠今逢落葉黃珍重

上堂示衆云色卽是空非色滅空我喚者箇作拄杖子你等諸人喚作什麼乃云欲知瀚海路須是去來人珍重

上堂云句中薦得遊子返於故鄉意中薦得方解事於尊堂若然者須是轉身吐氣始得若能如是方解百尺竿頭進步句中無意中無句既能如是止作麼生轉身吐氣若也不會拄杖子爲汝吐氣去也卓

拄杖下座

上堂示衆云拈起拄杖更無上上放下拄杖是何模樣觸巖峰後卽不問汝諸人馬鑑裏藏身一句作麼生道若道不得拄杖子道去也卓一下便歸方丈

上堂示衆舉先聖道說法不有亦不無山僧不可狀賢罔聖埋沒諸人去也何以如此也是湖南人賣麪便下座

上堂舉先百丈禪師示衆云百丈有三訣喫茶珍重歇直下若承當知君猶未徹師拈云百丈與麼道美則美矣善則善矣雖然如是卽有順水之波且無滔



天之浪山僧即不然琅邪有三訣涼水青山月三冬  
枯木花九夏寒巖雪珍重僧問把斷綱宗則不問通  
風一句請師宣師云清風戛地紅燄亘天學云若然  
者撒手卧長空攢眉却迴去師云真師子兒善師子  
吼學人便喝師卓拄杖一下學云和尚著忙作什麼  
師呵呵僧問昔日憂闔王刻像蓋為佛在忉利天說  
法今日施主刻像未審佛在什麼處說法師云三山  
鑲夜月進云大衆側聆學人未曉師云照破萬家門  
進云恁麼則日出乾坤耀雲收山岳青師云驗人端  
的處進云早知燈是火師云直待雨淋頭師乃舉先

聖道至道無難唯嫌揀擇下面注云但莫憎愛洞然  
明白師云汝諸人到者裏作麼生下得一轉語契古  
人良久云汝也不著便我也不著便兩箇蒸餅一斗  
好麪歸堂去僧問古人對拄杖子爲什麼哭蒼天師  
云蓬頭跣足進云蒼天蒼天師云暗漢放你二十棒  
學云諾諾師云棺木裏瞋眼僧問無言無說猶辱宗  
風舉唱談玄埋沒宗旨離此二途請師別道師云千  
年田八百主進云將謂胡鬚赤更有赤鬚胡師云試  
對衆驗看僧禮拜師云將謂南番舶主元來此土商  
人師乃云內空故無眼耳鼻舌身意外空故無色聲

香味觸法不是無何故不見石頭大師道然於一一  
法依根葉分布歸堂去僧問客路如天達侯門似海  
深琅邪門下如何進道師云六六三十六進云學人  
未曉乞師再垂方便師云計雲深處不朝天進云恁  
麼則雲收山嶽靜春暖百花榮師云靜處薩婆訶問  
承教有言諸法從本來常自寂滅相學人見山是山  
見水是水時如何師云賊是小人智過君子進云更  
言侵早起更有夜行人師云此迴放過後度難逢卓  
拄杖一下師乃云上不在天下不在地中不在人若  
然者四生六道承何恩力汝且道著力一句如何道

得若道不得拄杖子與彌勒釋迦闍打去也卓拄杖  
一下

### 拈古

舉外道問佛不問有言不問無言世尊據坐外道云  
世尊大慈大悲開我迷雲令我得入外道去後阿難  
白佛外道見何道理讚歎而去世尊云如世良馬見  
鞭影而行師拈云依稀似曲纔堪聽又被風吹別調  
中仰山夜夢入五百聖堂爲第二座時有一尊者起  
來白槌云次當第二座說法仰山遂起白槌云摩訶  
行法離四句絕百非謹白其五百聖衆各各散去

師拈云且道五百聖衆散去是肯他仰山不肯他仰山若肯他仰山又辜負仰山若不肯仰山猶如平地上喫交山猶今日不惜兩莖眉毛與汝諸人注破摩訶衍法離四句絕百非你若舉似諸方諸方若與麼會入地獄如箭射

舉趙州一口與文遠論義關劣不關勝勝者輸果子文遠云請和尚立義州云我是一頭驢文遠云某甲是驢糞趙州云將果子來

師拈云趙州大似蕭何制律文遠也似蕭何制律舉僧問如何是夾山境夾山云猿抱子歸青嶂裏鳥

銜花落巖巖前法眼云我二十年作境話會

師拈云且道如今作麼生會良久云上士游山水中人坐竹林

舉崔禪士堂云出來打出來打時有僧出來云崔禪聲崔禪擲下拄杖下座

師拈云久經行陣者終不展旗鎗

舉臨濟示衆云但有問訊不虧欠伊總識得伊來處與麼來者恰似失却不與麼來無繩自縛一切時中莫亂斟酌會與不會都來是錯分明與道一任天下人貶剝

師拈云作麼生貶作麼生剝良久云垂釣四海爲釣驪龍格外玄談蓋尋知已喝一喝舉順德問僧窗外什麼聲僧云雨滴聲順德云衆生顛倒迷已逐物

師拈云得卽得大似平地上陷人

舉鼓山示衆鼓山門下不得嗽咳時有僧出來咳嗽一聲鼓山云作什麼僧云傷寒山云傷寒卽得

師拈云雷聲甚大雨點全無

舉寶壽初開堂口三聖爲請主便推出一僧問話其僧纔禮拜寶壽便打三聖云若與麼爲人已後瞎却

鎮州一城人眼在寶壽擲下拄杖便歸方丈

師拈云不是三聖爭到今日然雖如此錯會者多

舉巖頭問德山云是凡是聖德山便喝巖頭禮拜後

洞山問云若不是巖公大難承當巖頭云洞山老人

錯下名言我當時一手擡一手搦

師拈云巖頭無人問著不妨奇特纔被洞山腦後

一錐直得瓦解冰消

舉興化道此一炷香擬欲承嗣三聖三聖與我太孤

擬欲承嗣大覺大覺與我太賒此一炷香不如承嗣

臨濟先師

師拈云且道因甚承嗣臨濟良久云路逢劍客須呈劍不是詩人莫獻詩

舉僧問疎山如何是法身疎山云枯椿僧云如何是法身上事山云非枯椿僧云法身還遍一切處也無山云遍僧云淨瓶內還有也無山云無僧云大好遍山便打又僧問曹山云滿月彎弓時如何師云善射不中的學云爲什麼不中的師云左來左中右來右中學云大好不中的師便打又僧問雲居明鏡當臺如何師云不鑒照學云爲什麼不鑒照師云胡來胡現漢來漢現學云大好不鑒照師便打

師拈云一轉語賓家有道理主家無道理一轉語主家有道理賓家無道理一轉語賓主俱無道理若也揀得出鼻孔在琅琊手裏若也揀不出一任草鞋裏跣跳

舉僧問洞山初和尚如何是道山云卓學云擬向如何山云失卓後僧持此語問徹和尚未審洞山意旨如何徹云虎鬬龍傷

師拈云金烏藏海岸玉兔離青霄

舉百丈一日陞堂大眾集定以拄杖一時趁下法堂却召大眾大眾回首乃云月似彎弓少雨多風

師拈云若入洪波裏須是弄潮人

舉雲門云澤迦老子初生下時目顧四方一手指天一手拈地道天上天下唯我獨尊我當時若見一棒打殺與狗喫却圖得天下太平

師拈云將此身心奉塵刹是卽名爲報佛恩

舉曹山云莫行心處路不掛本來衣何須更與麼切忌未生時

師拈云不傷物義一句作麼生道良久云庭前翠竹禪人種嶺上青松野客栽

舉開禪師示衆云不生想念本來無體大用現前不

說時節後臨遷化時問侍者云坐去者誰侍者云僧伽又云立去者誰侍者云僧會開禪乃周行七步垂手而終

師拈云生既如是死亦如然

舉趙州行脚時到一鄉院經旬日臨去乃辭院主院主云何往趙州云臺山禮拜文殊去院主云某甲有頌相送云何處青山不道場遙須策杖禮清涼雲中縱有金毛現正眼觀時非吉祥趙州乃問作麼生是正眼院主無語

師拈云啼得血流無用處

舉米倉與寶壽同赴州主齋次州主令客司傳語請二人長老談論佛法寶壽云請師兄長老答話米倉便喝寶壽云未曾奉問喝箇什麼米倉云猶欠少在寶壽却與一喝

師拈云大似點火夜行

舉臨濟上堂云赤肉團上有一無位真人常從汝等面門出入未證據者看時有僧出問如何は無位真人臨濟下禪床搦住其僧擬議濟乃托開云無位真人是什麼乾屎橛便歸方丈

師拈云臨濟可謂水凌上度過九鞠劍刃上拾得

全身

舉百丈開田次問黃檗連閤梨開田不易檗云眾僧作務百丈云有煩道用檗云爭敢辭勞百丈云開得多少田也檗乃將鋤頭築地三下百丈便喝黃檗掩耳使出

師拈云百丈一喝可謂垂絲於萬丈潭中黃檗掩耳獨聳於千峰之上

舉雲居上堂云譬如人將三十貫錢買得一隻獵狗只解尋得有蹤跡忽遇羶羊挂角時莫道蹤跡氣息也覓不着時有僧出使問羶羊挂角時如何雲居云

六六三十六僧無語雲居云會麼僧云不會居云不見道絕蹤跡

師拈云雲居與麼稱提大似八尺布衫丈二袖

舉趙州到茱萸處執杖子於法堂上從東邊過西邊茱萸更問作什麼趙州云採水茱萸云我者裏一滴也無採箇什麼趙州靠了杖子便出去

師拈云世亂奴欺主年衰鬼弄人

舉僧問藥山平田淺草塵鹿成羣如何射得塵中主山云看箭僧便作倒勢山云拖出者死屍若僧踴跳便出山云捏泥丸漢有什麼限

師拈云賊出關門家中叫屈

舉乾峰上堂云舉一不得舉二放過一著落在第二雲門在座下出來云昨日一人新到從天台來却往南岳去也乾峰下座搦住云維那來日不得普請便托開歸方丈

師拈云路遙知馬力歲久見人心

舉趙州聞俗行者勸僧云我有十貫錢若有人下得一轉語即捨此錢前後有人下語並不契趙州遂往行者家行者云若下得一轉語即捨其錢趙州戴笠子便行



師拈云武帝求仙不得仙王喬端坐却昇天

舉巖頭爲渡子時凡見人來舉棹示之忽有一婆子抱一孩子來問云呈繞舞棹卽不問且道婆手中孩兒甚處得來巖頭便打婆云婆生七子不遇知音只者一箇也不消得便拋向水中

師拈云欺敵者亡

舉百丈見趙州來叅百丈云甚麼處來州云南泉來丈云南泉近日有何言句示徒州云今時人直教悄然去百丈云悄然且致茫然一句作麼生道州近前三步百丈咄之州作縮頭勢百丈云大好悄然趙州

拂袖便出去

師拈云趙州老人向師子窟中換得牙爪

舉小乘毗沙論有一聚落毒龍所居時有五百尊者往彼降他不得後有一尊者彈指一下其龍卽降

師拈云若據教乘自有科判琅琊者裏卽不然只者彈指也不消得然雖如是且莫因魚止溲病鳥

棲蘆

舉仰山叅巖頭巖頭纔見豎起拂子仰山便展坐具巖頭放下拂子仰山收坐具巖頭云我不重你放卽重你收

師拈云巖頭與麼道錯批判者多仰山出去切不得麤心

舉黃檗見僧來乃云諸方老宿盡在我拄杖頭上僧便禮拜僧後到大樹處舉前話大樹云黃檗與麼道曾夢見諸方也未其僧却回舉似黃檗黃檗云我者話已行遍天下

師拈云大樹與麼道大似有眼如盲黃檗一條拄杖天下人咬嚼不碎

舉臨濟上堂有僧出禮拜濟便喝僧云老和尚莫採頭好濟云你道落在什麼處僧便喝又僧問如何是

佛法大意濟便喝僧禮拜濟云你道好喝也無僧云草賊大敗濟云過在什麼處僧云再犯不容臨濟乃云要會臨濟賓主句請問取適來問話二禪客

師拈云真金須入火

舉金剛經云一切有爲法如夢幻泡影如露亦如電應作如是觀

師拈云先聖可謂誠實之言然雖如是錯會者如床似粟

舉僧問石霜咫尺之間爲什麼不覩師顏霜云我遍界不曾藏僧又到雪峰處問云遍界不曾藏意旨如

何峰云什麼處不是石霜

師拈云雪峰雖有利人之心且無出人之眼石霜雖有出人之眼未知向上一竅

舉淨各經云諸菩薩各各說不二法門於是文殊曰如我意者於一切法無言無說無示無識離諸問答是為人不二法門於是文殊師利問維摩詰我等各自說已仁者當說何法是菩薩入不二法門維摩默然文殊讚言善哉善哉乃至無有文字語言是為真入不二法門

師拈云文殊與麼讚歎也是灼卜聽虛聲維摩默然

然切不得鑽龜打瓦

舉圓明云瘡病不假馳驅藥三角云瘡病須假馳驅藥

師拈云圓明可謂小慈妨於大慈三角貪他一斗米失却半年糧

舉僧問同安如何是向去底人安云寒蟬抱枯木哭盡不回頭又問如何是却來底人安云火裏蘆花秀逢春恰似秋又問如何是不來不去底人安云石羊遇石虎相逢早晚休

師拈云古人雖解箭穿鴻鴈要且不解遶樹射猿

舉僧問白兆師唱誰家曲宗風嗣阿誰師云自小不曾歷他家門戶僧云與麼則竺乾的子白兆兒孫師云承言者喪滯句者迷

師拈云巧人須得巧人佐拙人須得拙人扶

舉僧問風穴寶塔元無縫金門即日開時如何穴云智積佐來空合掌天王捧出不知音如何是塔中人穴云萎花風掃去香水雨飄來

師拈云風穴若無後語大似紀信詐降

舉大般若經云善現問舍利弗云以何為佛眼舍利弗云以性空為佛眼善現嘆云善哉善哉從上諸佛

皆以性空為佛眼從佛口生從法化生

師拈云望天不見天覩地不見地

舉教中道清淨本然云何忽生山河大地

師拈云清淨本然云何忽生山河大地

舉肇法師云旋嵐假嶽而常靜江河競注而不流野馬颺鼓而不動日月歷天而不周

師拈云肇法師與麼道也是平地上陷人山僧者裏即不然巖前淥水嶺上白雲

舉無著到五臺文殊處喫茶次文殊提起琥珀盞子問云南方還有這箇麼無著云無文殊云尋常將什

麼喫茶無著便休去

師拈云若也是去可謂虎口裏奪餐若也非去移舟看水勢舉棹別波瀾

舉石霜在瀉山會下作米頭一日篩米次瀉山云施主物不要拋撒石霜云不拋撒瀉山於地上拈得一粒米云汝道不拋撒者箇是什麼石霜無語瀉山云莫欺者一粒百千粒盡從者一粒生石霜云百千粒從者一粒生米審者一粒從什麼處生瀉山呵呵大笑使歸方丈至晚上堂云大眾米裏有蟲

師拈云瀉山一粒米彈破衲僧牙

舉僧問寶壽萬境來侵時如何寶壽云莫管他僧禮拜壽云莫動著動著卽打折你驢腰

師拈云若無遣蛇手候煞世間人

舉秦首座到洞山處洞山晚間排果子管顧他洞山便問云首座有一物上拄天下拄地黑如漆常在動用中動用中收不得且道過在什麼處首座云過在動用中洞山喚侍者收却果子牀不得果子喫

師拈云若不是洞山老人能辨得雖然如此洞

山老人猶欠一著在

舉水潦參馬大師問如何是祖師西來意被馬大師

一踏踏倒起來拍手呵呵大笑當下大悟便承嗣馬大師住後有僧問如何是祖師西來意水潦云自從馬師一踏後直至如今笑不休

師拈云大眾你道水潦還曾悟也未

舉龐居士問馬大師不昧本來身請師高著眼馬大師直下覷居士云一等沒絃琴唯師彈得妙馬大師直上看居士便禮拜馬大師便歸方丈居士隨後入方丈內云弄巧得拙

師拈云一夜作竊不覺天曉

舉南院見僧來豎起拂子僧云敗闕南院放下拂子

僧云猶有者箇在南院便休

師拈云狂狗趁塊師子咬人

舉南泉示衆云道非物外物外非道時有趙州出來便問如何是物外道南泉便打趙州接住拄杖云和尚莫打某甲已後錯打人去在南泉云龍蛇易辨衲子難謾乃擲下拄杖便歸方丈

師拈云不見道酒逢知己飲詩向會人吟

舉順德問僧近離什麼處僧云三峯德云夏在什麼處僧云五峯德云放你三十棒僧云未審某甲過在什麼處德云爲你出一叢林入一叢林

師拈云割菜鎌子

舉僧問廣德如何是佛德云畫戟門開見墜仙僧馳此語至州中悟空處便問畫戟門開見墜仙意旨如何空云直饒親見釋迦來智者咸云不是佛廣德後聞遙望城中禮拜云悟空古佛豈止羊二十口

師拈云廣德腦後添釘悟空眼中拔楔雖然善順機宜敢保他家未徹

舉雪峯與玄沙行次峯指一片地云好造無縫塔玄沙云高多少雪峯看上又看下玄沙云人天福報卽不無若是靈山受記未夢見在峯云你作麼生玄沙

敲轎子云昇昇

師拈云國清才子貴家富小兒嬌

舉桐峯庵主有一老人參庵主問從什麼處來老人不對主云善能對機善能對機老人遂拈一枝草示庵主庵主便喝老人禮拜庵主便歸庵老人隨後看庵主云與麼疑煞天下人在

師拈云不見道當斷不斷反遭其亂

古尊宿語錄卷之四十六

念壇居士于王立施贊刻此  
古尊宿語錄卷第四十六 計字乙萬三千五百九十六該銀七兩零七分  
萬曆丁巳歲春三月徑山化城寺識



古尊宿語錄卷之四十七

東林和尚雲門庵主頌古

侍者悟本錄

舉世尊未離兜率已降王宮未出母胎度人已畢

東林頌

是非海裏橫身入豺虎羣中自在行莫把是非來辨我平生穿鑿不相關

雲門頌

利刃有蜜不須舐蠱毒之家水莫嘗不舐不嘗俱不

古尊宿語錄卷之四十七

犯端然衣錦自還鄉

舉世尊纔生下乃一手指天一手指地周行七步目顧四方云天上天下唯我獨尊

東林頌

老胡不免出胞胎也解人前恁麼來指地指天稱第一衆生四十九年災

雲門頌

老漢纔生便著忙周行七步似顛狂賺他無限癡男

女開眼堂堂入鑊湯  
舉世尊在靈山會上拈花示衆是時衆皆罔措

唯迦葉尊者破顏微笑世尊云吾有正法眼藏涅槃妙心分付摩訶大迦葉

東林頌

海水翻空滾底流魚龍蝦蟹信沉浮可憐金色頭陀子直至如今笑未休

雲門頌

拈起一枝花風流出當家若言付心法天下事如麻舉外道問佛不問有言不問無言世尊良久外道遂讚嘆云世尊大慈大悲開我迷雲令我得入作禮而去阿難問佛云外道有何所證而言

古尊宿語錄卷之四十七

古尊宿語錄卷之四十七

得入佛云如世良馬見鞭影而行

東林頌

迷悟惺惺前徒勞更舉鞭只持鷄狗戒不學祖師禪

雲門頌

兩處乍聞擊不通纖塵不動自乖宗忽然業鏡百雜碎黃面瞿曇失却蹤

舉達磨大師九年面壁

東林頌

少室山前風過耳九年人事隨流水若還不是弄潮人切須莫入洪波裏

雲門頌

金鼈一掣滄溟竭徒自悠悠泛小舟今日烟波無可釣不須新月更爲鉤

舉二祖立雪多時達磨問曰汝當何求二祖云請師安心達磨云將心來吾爲汝安二祖良久云覓心了不可得達磨云爲汝安心竟

東林頌

二祖當年立少林滿庭積雪到腰深叉手當曾無一事不求不覓不安心

雲門頌

覓心無處更何安嚼碎通紅鐵一團縱使眼開張意氣爭如不受老胡瞞

舉世尊在靈山會上有一女人近彼佛坐入于三昧文殊白佛云何此女人得近佛坐而我不得佛云汝但覺此女令從三昧起汝自問之文殊遶女人三匝鳴指一下乃托至梵天盡其神力而不能出世尊云假使百千文殊亦出此女人定不得下方過四十二恒河沙國土有罔明菩薩能出此女人定須臾罔明從地湧出作禮世尊世尊勅罔明出此女人定罔明却至女人

前鳴指一下女人於是從定而出後有老宿問僧文殊是七佛之師爲什麼出女人定不得罔明爲甚却出得

東林頌

不假文殊神通休要罔明彈指爾時靈山會中女子從定而起

雲門頌

出得出不得是定非正定罔明與文殊喪却窮性命舉讓和尚一日云道一在江西爲人說法總不見寄箇消息來遂遣一僧往馬祖處候見伊上

堂但出問云作麼生待渠有語記取來其僧依教往問之祖曰自從胡亂後三十年不曾少鹽醬

東林頌

胡亂三十年不少鹽與醬江西馬大師南嶽讓和尚雲門頌

見得分明識得親舉來猶自涉途程直饒不犯毫芒者也是拈鮓舐指人

舉百丈再參馬祖祖豎起拂子丈云卽此用離此用祖掛拂子於舊處良久祖云你已後開兩

片皮將何爲人丈取拂子豎起祖云卽此用離  
此用丈亦掛拂子於舊處祖便喝百丈直得三  
日耳聾

東林頌

江西一喝動乾坤大用全機是滅門三日耳聾風過  
樹累他黃蘗喪兒孫

雲門頌

馬駒喝下喪家風四海從茲信息通烈焰中撈得  
月魄龜獨坐大雄峯

舉南陽忠國師一日喚侍者侍者應喏如是三

召三應國師云將謂吾辜負汝却是汝辜負吾

東林頌

世路風波不見君一回見面一傷神水流花落知何  
處洞口桃源別是春

雲門頌

啞子得夢與誰說起來相對眼麻迷已向人前輸肺  
腑從教他自覓便宜

舉滄山示衆云有句無句如藤倚樹踈山問忽  
遇樹倒藤枯時如何滄山呵呵大笑歸方丈踈  
山隨後云某甲三千里賣却布單特爲此事來

和尚何得相弄滄山遂喚侍者云取錢與這上  
座去遂囑云向去有箇獨眼龍爲子點破去在  
後聞明招出世徑去禮拜招問甚處來曰七閩  
云曾到大滄麼曰曾到云大滄有何言句山遂  
舉前話招云滄山頭正尾正只是不遇知音山  
便問忽遇樹倒藤枯時如何招云却使滄山笑  
轉新山於言下省悟乃曰滄山元來笑中有刀

東林頌

有句無句藤倚樹元來白飯用米做高樓吹笛柳如  
烟滿地春風落飛絮

雲門頌

若將此語定綱宗孤負明招獨眼龍笑裏忽分泥水  
路方知千里共同風

舉明招問僧虎生七子那箇無尾僧云第七箇

無尾

東林頌

無尾大虫難傍近近前便是傷人命除非自解撥馬  
頭自然頭正尾亦正

雲門頌

第七菸菟沒尾巴食牛之氣已堪誇叢林悱悱爭唇

叻幾箇行人得到家

舉南泉示衆云江西馬大師說卽心卽佛王老師不恁麼不是心不是佛不是物恁麼道還有過麼

東林頌

剔起便行三萬里只今休去八千年分明更爲從頭舉一任諸方取次傳

雲門頌

倒腹傾腸說向君不知何故尚沉吟而今便如猛提取付與世間無事人

支那

五臺山志卷之四十七

七

舉南泉和尚示衆云心不是佛智不是道

東林頌

心不是佛智不是道青山白雲落花芳草若是靈利阿師終不回頭轉腦

雲門頌

雨散雲收後崔嵬數十峯倚欄頻顧望回首與誰同舉黃檗示衆云汝等諸人盡是噇酒糟漢恁麼行脚何處有今日還知大唐國裏無禪師麼時有僧出問只如諸方匡徒領衆又作麼生黃檗云不道無禪只是無師

東林頌

大唐國內無禪師禮拜歸堂更不疑堪笑河陽新婦子不如臨濟小厮兒

雲門頌

身上着衣方免寒口邊說食終不飽大唐國裏老婆禪今日爲君注破了

舉臨濟凡見僧入門便喝

東林頌

一喝喝上四禪天臨濟元來不會禪盡道朝陽生戶外不知夜月落堦前

支那

五臺山志卷之四十七

八

雲門頌

入門便喝全無巴鼻引得兒孫弄粥飯氣

舉臨濟坐次麻谷問十二面觀音那箇是正面濟下禪牀擒住云十二面觀音甚處去也速道速道麻谷却轉身坐禪牀濟拈棒便打麻谷接住相捉歸方丈

東林頌

大悲觀音開正面官不容針通一線鼠拽葫蘆有底怱鬼爭漆桶無人頌

雲門頌



昧却當陽箇一着牽來拽去牙施呈不知除却王維手更有何人畫得成

舉臨濟問僧什麼處來僧便喝濟便揖坐僧擬議濟便打又一僧來濟監起拂子僧禮拜濟便打復見僧來立監起拂子僧不顧濟亦打

東林頌

主賓都落第三機陣陣開旗不展旗石火光中分勝負倒騎鐵馬上須彌

雲門頌

五月五日午時書赤口毒舌盡消除更饒急急如律

今不須門上畫蜘蛛

舉臨濟云赤肉團上有一無位真人常在汝等諸人面門出入未證據者看看時有僧出問如何是無位真人濟下繩床擲住云道道僧擬議濟托開云無位真人是什麼乾屎橛

東林頌

面門出入見還難無位真人只尺間去路一身輕似葉高名千古重如山

雲門頌

腦後見腮村僧大開眼了作夢雖然趁得老鼠一棒

打破油甕

舉趙州訪臨濟州纔洗脚濟便下來問如何是祖師西來意州云正值老僧洗脚濟近前側聽州云會即便會咱啄作麼濟拂袖便行州云三十年行脚今日爲人錯下注脚

東林頌

洗脚處更不安排側聆時非是咱啄趙州臨濟二老人相見何曾不注脚

雲門頌

一人眼似鼓槌一人頭似木杓兩箇老不識差至今

無處安着

舉趙州問南泉如何是道泉云平常心是州云還假起向也無泉云擬向即乖州云不擬又爭知是道泉云道不屬知不屬不知知是妄覺不豁豈可強是非耶州於言下頓悟玄旨

東林頌

若謂平常心是道枝蔓向上更生枝貼肉汗衫如脫了喚來眼上與安眉

雲門頌

勸君不用苦勞神喚作平常轉不親冷淡全然沒滋

味一回舉起一回新

舉趙州云諸人被十二時使老僧使得十二時

東林頌

百年三萬六千日一日朝昏十二時使殺老僧渾不管不知關裏有誰知

雲門頌

使得十二時辰呼來却教且去倚官挾勢欺人茫茫無本川據

舉趙州一日將拄杖上茱萸法堂東西來去更云作什麼州云探水更云我這裏一滴也無探

箇什麼州將拄杖靠壁而去

東林頌

茱萸這裏無一滴趙老無言便走去春去秋來三百年拄杖至今猶靠壁

雲門頌

深淺聊將拄杖援忽然平地起波瀾傾湫倒嶽驚大地到海方知徹底乾

舉趙州一日從殿上過乃喚侍者一聲侍者應喏州云好一殿功德侍者無對

東林頌

殿上喚來先應喏不知業識太茫茫雖然功德已成就爭奈當初不放光

雲門頌

好一殿功德總是過去佛百福相嚴身不使旃檀刻日日香烟夜夜燈看來當甚乾羅蔔

舉趙州問投子大底人却活時如何投子云不許夜行投明須到

東林頌

大底人還却活不許夜行投明到陳州人出許州門翁翁八十重年少

雲門頌

禾黍不陽豔競栽桃李春翻令力耕者牛作賣花人

舉臺山有一婆凡僧問臺山路向甚處去婆云驚直去僧纔行三五步婆云好箇師僧又怎麼

去後有僧舉似趙州云待我去爲勘過這婆

子明日便去亦如是問婆亦如是對州歸謂衆曰臺山婆子我已爲勘破了也

東林頌

劈面三拳連腮七掌盡大地人不知病癢

雲門頌

天下禪和說勘破爭知趙州已話墮引得兒孫不丈夫人人點過冷地卧

舉趙州問南泉知有底人向什麼處去泉云山前檀越家作一頭水牯牛去州云謝師荅話泉云昨夜三更月到窓

東林頌

眼中見慣是尋常又不驚人又久長留得寒窓夜來月三更依舊照茅堂

雲門頌

度體裁衣量水打碓毫髮不差且居門外

舉趙州一日在方丈內聞沙彌喝叅州向侍者云教伊去侍者纔教去沙彌便珍重州向傍僧云沙彌得入門侍者在門外

東林頌

得入門在門外說向人人不會更高聲我耳背

雲門頌

琴瑟風松蕭蕭雨檜師子咬人韓獪逐塊

舉趙州一日在東司上見文遠過遂喚云文遠遠應喏州云東司上不可與你說佛法

東林頌

老僧正在東司上不將佛法爲人說一般屎臭旃檀香父子之機俱漏泄

雲門頌

趙州有密語文遠不覆藏演出大藏教功德實難量舉趙州一日共文遠行次忽指面前地云這裏好造箇巡鋪遠便近前展兩手云把將公驗來州與一掌遠云公驗分明過

東林頌

天子居開市裏老僧在百草頭擺手御街來往不怕巡火所由

雲門頌

一正一邪一倒一起文遠趙州韓裏動指

舉趙州一日在佛殿上見文遠禮佛以拄杖打一下遠云禮佛也是好事州云好事不如無

東林頌

平生侍奉老師全無些子氣息佛法妙性天機一字教他不得

雲門頌

文遠修行不落空時時瞻禮紫金容趙州拄杖雖無短腦後圓光又一重

舉僧問趙州狗子還有佛性也無州云無僧云  
上從諸佛下及螻蟻皆有佛性狗子爲什麼却  
無州云爲伊有業識在

東林頌

宣德門前過回頭便招禍若要無事時且歸屋裏坐

雲門頌

有問狗佛性趙州荅曰無言下滅胡族猶爲不丈夫  
舉趙州示衆云金佛不度爐木佛不度火泥佛  
不度水眞佛屋裏坐

東林頌

金佛木佛泥佛度爐度水度火盡入趙州紅爐烈焰  
光中煅過一聲白雪陽春萬古無人能和

雲門頌

九十七種妙相顧陸筆端難狀趙州眼目精明覩見  
心肝五臟

舉僧問趙州萬法歸一一歸何所州云我在青  
州作一領布衫重七斤

東林頌

半夜墨漆黑捉得一箇賊點火照來看元是王大伯  
雲門頌

青州七斤衫盡力提不起打破趙州關總是自家底  
舉僧問趙州承聞和尚親見南泉是否州云鎮  
州出大蘿蔔頭

東林頌

鎮州出大蘿蔔頭師資道合有來由觀音院裏安彌  
勒東院西邊是趙州

雲門頌

參見南泉王老師鎮州蘿蔔更無私拈來塞斷是非  
口雪曲陽春非楚詞

舉僧辭趙州州云甚處去僧云南方學佛法去

州云你到南方有佛處不得住無佛處急走過  
三千里外逢人不得錯舉僧云恁麼則不去也  
州云摘楊花摘楊花

東林頌

有佛之處不得住無佛之處急走過三千里外摘楊  
花他日歸來舉似我

雲門頌

有佛處不得住生鐵秤鎚被虫蛀無佛處急走過撞  
着嵩山破窰墮三千里外莫錯舉兩箇石人相耳語  
恁麼則不去也此語已行遍天下摘楊花摘楊花



摩呢嚩哩吽囉吒

舉趙州問僧甚處來僧云雪峯來州云雪峯近日有何言句僧云雪峯道盡大地是沙門一隻眼汝等諸人向甚處厠州云上座若去爲我寄箇鉤子與雪峯

東林頌

大地是眼何處厠天下不奈雪老何趙州寄箇鉤子去方得此話圓壻壻

雲門頌

途路波吒數十州傳言送語當風流不知脚下泥生

尊德錄卷之四十二

七

刺踏着錐人脚指頭

舉保壽問胡釘鉸莫便是否鉸云不敢壽云還釘得虛空麼鉸云請打破虛空來壽便打云他後有多口阿師與你點破在胡釘鉸後舉似趙州州云你因什麼被他打鉸云不知過在什麼處州云只這一縫尚不奈何更教打破胡釘鉸便領州却云且釘這一縫

東林頌

一縫分明在當頭下手難饒君釘鉸得終是不圓全

雲門頌

直饒釘得這一縫點檢將來非好手可憐兩箇老禪翁却向俗人說家醜

舉有僧與疎山造壽塔了來白疎山山問你將多少錢與匠人僧云一切在和尚山云爲將三文與匠人爲將兩文與匠人爲將一文與匠人若道得與吾親造塔僧無對羅山時在大庾嶺住庵其僧到羅山問甚處來云疎山來羅山云近日有何言句僧遂舉前話羅山云還有人道得麼僧云未有人道得羅山云你却回舉似疎山道大嶺和尚問舉云若將三錢與匠人和尚

尊德錄卷之四十二

六

此生決定不得塔若將兩錢與匠人和尚與匠人共出一隻手若將一錢與匠人帶累匠人冒鬚墮落其僧便回舉似疎山山問此語具威儀望大庾嶺禮拜歎曰將謂無人大庾嶺有古佛光明射到此間却問僧云汝去大庾嶺道猶如陂月蓮花其僧却回舉似羅山山云早已龜毛長數丈

東林頌

袖頭打領無添減腋下剗襟有短長大庾嶺頭一尊佛疎山兩度放毫光

雲門頌

鑿壞十方常住地三錢使盡露屍骸羅山古佛雖靈驗未免將身一處埋

舉羅山在禾山送同行矩長老出門次山把拄杖向前一擯矩無對山云石牛欄古路一馬勿雙駒後有僧舉似疎山山云石牛欄古路一馬生三寅

東林頌

不踏門前路春歸又一年落花紅滿地芳草碧連天

雲門頌

出門握手話分携古路迢迢去莫追却笑波心遺劍者區區空記刻舟時

舉德山一日飯遲先托鉢下堂雪峯時作飯頭纔見便問這老漢鐘未鳴鼓未響托鉢向什麼處去德山便歸方丈雪峯舉似巖頭頭云大小德山不會未後句德山聞舉令侍者喚巖頭來問你不肯老僧那頭密啓其意德山來日上堂言語異常頭於僧堂前撫掌大咲云且喜得堂頭老漢會未後句他後天下人不奈何雖然如是只得三年後三年果遷化

東林頌

鐘未鳴鼓未響依前托鉢歸方丈德山不會未後句巖頭密意誰相亮只得三年也大奇留與諸門作榜樣

雲門頌

一過塗毒聞皆喪身在其中總不知八十翁翁入場屋真誠不是小兒戲

舉雲門大師示衆云世界恁麼廣闊爲什麼鐘聲披七條

東林頌

雲門頌

七條披向鐘聲上徧界難藏比丘相若以色見音聲求迦葉師兄是虛妄

雲門頌

鐘聲披起鬱多羅碧眼胡兒不奈何一箭雙鴈隨手落拈來元是柵中鷺

舉德山凡見僧入門便棒

東林頌

棒下真鍮不博金德山徹底老婆心後人只看波濤湧不見龍王宮殿深

雲門頌

入門便棒郎當不少依而行之胡麻斷繳

舉百丈每日上堂堂有一老人聽法一日不去  
百丈乃問立者何人老人云某甲於過去迦葉  
佛時曾住此山有學人問大修行底人還落因  
果也無對云不落因果墮在野狐身今請和尚  
代一轉語丈云汝但問老人便問大修行底人  
還落因果也無丈云汝昧因果老人於言下大  
悟

東林頌

百丈野狐塞雁嘶蘆李廣神箭張顛草書

雲門頌

不落不昧石頭土塊驀路相逢銀山粉碎拍手呵呵  
笑一場明州有箇憨布袋

舉深明二上座同行見捕魚忽見一魚跳出網  
深云俊哉一似箇衲僧相似明云爭似當時不  
入他網深云你猶欠悟在明行三十里方省

東林頌

網中跳出便飛騰好箇天然俊衲僧何似當初未入  
網悟來方始是知音

雲門頌

俊哉一躍透重淵霹靂追之去不還却笑龍門燒尾  
者依前點額在波瀾

舉甘贄行者詣南泉設粥南泉白牯云爲狸奴  
白牯念摩訶般若波羅密行者便出去泉粥後  
問典座行者在甚處典座云當時便去也泉遂  
打破粥鍋

東林頌

狸奴白牯念摩訶爭似南泉打粥鍋雖然佛法無多  
子天下叢林不奈何

雲門頌

南泉打破閑家具浩浩諸方作話看今日爲君重舉  
過明明歷歷不顛顛

舉首山和尚拈起竹篋子問僧云喚作竹篋卽  
觸不喚作竹篋卽背且道喚作什麼

東林頌

舉起竹篋子如何便道家秘魔巖不會隨後便擎叉

雲門頌

背觸非遮護明明直舉揚吹毛雖不動遍地是刀鎗  
舉玄沙問僧甚處來僧云瑞巖來沙云瑞巖有  
什麼言句云和尚尋常喚主人公自應喏云惺

惺着他後莫受人瞞沙云一等弄精魂猶較些子

東林頌

一主人公成一主人公活若解弄精魂兩頭皆透脫

雲門頌

瑞巖家風喚主人公昨夜南山虎咬大蟲

舉興化見同叅來纔上法堂化便喝僧亦喝化又喝僧復喝化近前拈棒僧又喝化云你看這瞎漢猶作主在僧擬議化直打出法堂侍僧問適來僧有何相觸忤化云是他適來也有權也

支那

百集語錄卷之四十二

三

有實也有照也有用我將手向伊面前橫兩遭到這裏去不得似這般瞎漢不打更待何時

東林頌

霹靂驚天地那容掩耳聽須知興化老一半是人情

雲門頌

鏤鐲在握天魔膽落明眼衲僧休更卜度

舉興化謂克賓維那曰汝不久爲唱導之師賓云不入這保社化云會了不入不會了不入賓云總不恁麼化便打云克賓維那法戰不勝罰錢五貫設饋飯一堂至來日興化自白槌去克

賓維那法戰不勝罰錢五貫設饋飯一堂不得喫飯卽時出院

東林頌

法戰從來許克賓掣旗奪鼓兩分明直須盡法方無媿老漢他年要話行

雲門頌

丹山生鸞鸞師子產狻猊棒下摩醯眼徒誇第一機舉興化謂衆曰我聞長廊下也喝後架裏也喝諸子汝莫盲喝亂喝直饒喝得興化上三十三天却撲下來一點氣也無待興化氣息起來向

支那

百集語錄卷之四十二

三

汝道末在何故如此我未曾向紫羅帳裏撒真珠與你諸人去在你虛空裏胡喝亂喝作什麼

東林頌

紫羅帳裏撒真珠禪客相承總掠虛拍手呵呵開口笑釋迦彌勒是他奴

雲門頌

對衆全提摩竭令豈是閑開兩片皮喝下瞎驢成隊走夢中推倒五須彌

舉興化上堂云今日不用如何若何便請單刀直入興化爲你證據時有旻德長老出衆禮拜



起來便喝化亦喝德又喝化又喝德禮拜歸衆  
化云適來若是別人三十棒一棒也較不得何  
故爲他旻德會一喝不作一喝用

東林頌

單刀直入更休論擬議之間賓主分不是放他旻德  
過須知興化棒頭明

雲門頌

暗中携手上高山及至天明各自行無限中途未歸  
客明明開眼墮深坑

舉三聖云我逢人則出出則不爲人興化云我

逢人則不出出則便爲人

東林頌

人貧多智短馬瘦見毛長獨宿雙峯寺同焚一炷香  
雲門頌

陽焰何曾能止渴畫餅幾時充得饑勸君不用栽荆  
棘後代兒孫惹着衣

舉南泉見鄧隱峯來指淨餅云淨餅是境你不  
得動着境與我將水來峯將淨餅傾水於南泉  
面前泉便休歸宗云鄧隱峯也是亂瀉

東林頌

南泉不指淨餅隱峯何曾瀉水從教打瓦鑽龜佛法  
不在這裏

雲門頌

眼中無翳休挑刮鏡上無塵不用磨信脚出門行大  
路橫擔拄杖唱山歌

舉石頭云恁麼也不得不恁麼也不得恁麼不  
恁麼總不得

東林頌

四海狼烟靜中原信息通罷拈三尺劍休弄一張弓

雲門頌

好箇話端阿誰解舉舉得十分未敢相許

舉三聖問雪峯透網金鱗以何爲食峯云待汝  
出網來卽向汝道聖云一千五百人善知識話  
頭也不識峯云老僧住持事煩

東林頌

錦鱗透網欲吞舟一向衝波逆水流却被漁翁開引  
釣隨波逐浪共悠悠

雲門頌

全灰中全活全活中全灰一箇訝郎當一箇福建子  
舉夾山云猿抱子歸青嶂後鳥銜花落碧巖前

法眼云我二十年作境話會

東林頌

三十年前此寺遊木蘭花發院新修如今再到經行處樹老無花僧白頭

雲門頌

境話會來雖未足却問如今作麼生清涼元本鼻頭直夾山依舊兩眉橫

舉睦州喚僧回首州云擔板漢

東林頌

電火元中休草草劍輪鋒上莫匆匆等閑却放全身

人終不當頭犯一毫

雲門頌

睦州擔板那容眨眼闊狹短長不須增減

舉僧問睦州一氣還轉得一大藏經也無州云有其錚羅鈍子快下將來

東林頌

睦州只受錚頭利這僧不見鑿頭方直饒轉得百千藏這般供養也尋常

雲門頌

一氣轉一大藏教頭漸偏圓權與實無邊妙義炳然

彭元來一字也不識

舉臨濟會中兩堂首座齊下喝僧問還有賓主也無濟云賓主歷然

東林頌

作家相見終不錯兩兩同時看啐啄喝下雖然賓主分爭如普化搖鈴鐸

雲門頌

以平報不平王法本無親臨濟雖明眼也是黃龍精舉普化常於街市搖鈴云明頭來明頭打暗頭來暗頭打四方八面來旋風打虛空來連架打

臨濟令侍者去纔見如是道便把住云總不與麼來時如何普化托開云來日大悲院裏有齋

東林頌

懷羅須要逞聰明金榜何曾得掛名將下幞頭歸去

雲門頌

先師會裏呈真處臨濟堂前喫菜時連此三回露袿索咄這公臺盤乞兒

舉明招一日天寒上堂大眾才集招云風頭稍硬不是你安身立命處且歸暖室商量便歸方

丈大衆隨至立定招云才到暖室便見瞌睡以拄杖一時趲下

東林頌

風頭稍硬難安立暖氣纔通瞌睡來却笑明招閑費力無端兩處强差排

雲門頌

夜半明星當午現愚夫猶待曉鷄鳴可憐自屎不知臭又欲重新拈似人

舉保壽開堂三聖推出一僧壽便打聖云恁麼爲人非但瞎却這僧眼瞎却鎮州一城人眼在

支那

萬壽宮藏卷之四十二

毛

壽擲下拄杖歸方丈

東林頌

棒頭瞎却一城人三聖撩地保壽瞋正令只堪提一半一盲引得衆盲行

雲門頌

提起須彌第一槌電光石火太遲遲象王行處狐蹤絕師子咆哮百獸危

舉有一古德一日不赴堂侍者來請赴堂齋德云我今日在莊裏喫油糍飽侍者云和尚不曾出入德云你但去問取莊主侍者才出門忽見

莊主歸謝和尚到莊喫油糍

東林頌

近在口皮邊達過河沙國世間多少人不得油糍喫

雲門頌

和尚不赴堂莊主謝臨屈一字入公門九牛撒不出舉玄沙云若論此事喻似一片田地四至界分結契賣與諸人了也只有中心樹子猶屬老僧在

東林頌

萬事由王老師樹子未屬你在廣額屠兒成佛二祖

支那

萬壽宮藏卷之四十二

三

大師償債

雲門頌

祖父田園都賣了四邊界至不曾留奈何猶有中心樹惱亂春風卒未休

舉僧問首山如何是佛山云新婦騎驢阿家牽

東林頌

阿家新婦兩同條只尺家鄉路不遥可笑騎驢覓驢者一生錯認馬鞍橋

雲門頌

新婦騎驢阿家牽步步相隨不着鞭歸到畫堂人不

識從今嬾更出門前

舉烏曰見玄紹二上座來遂問二禪伯近離什麼處僧云江西曰便打僧云久嚮和尚有此機要曰云你既不會第二箇近前來僧擬議曰亦打云同坑無異土叅堂去

東林頌

赤身挨白刃灰中還得活一箭自迷蹤萬車皆喪轍

雲門頌

猛咬不容蚊蚋泊大海那能宿死屍任是三頭并六臂望風無不豎降旗

舉僧問雲門如何是佛門云乾屎橛

東林頌

不用唐言譯休將梵語傳摩醯首羅眼對面隔西天

雲門頌

雲門乾屎橛全超法報化無事出山遊百錢杖頭掛舉僧問雲門不起一念還有過也無門云須彌

山

東林頌

一念不起須彌山翻着欄衫退步看直上拄天下拄地言前薦得也顚顚

雲門頌

巍巍一座大彌盧荷負非干氣力麓縱使不隨言語會却來當面受茶糊

舉僧問大愚之和尚如何是佛芝云鋸解秤槌

東林頌

鋸解秤槌渾似鐵大愚老子重饒舌水流澗下太忙生雲在嶺頭開不徹

雲門頌

問佛如何是宗師即便酬秤槌將鋸解言外度迷流舉僧問興化四方八面來時如何化云打中間

底僧便禮拜化云興化今日赴箇村齋回來中路撞著一陣卒風暴雨却向古廟子裏閃避得過

東林頌

一陣狂風驟雨來却於古廟且閑隈雖然打入鬼窟裏吞炭藏身又一回

雲門頌

古廟裏頭回避得紙錢堆畔暗嗟吁閑神野鬼皆驚怕只爲渠儂識梵書

舉雪峰示衆云望州亭與汝相見了也烏石嶺



與汝相見了也僧堂前與汝相見了也

東林頌

盡道親曾相見來依前還是狗來腮好將大棒驀頭  
楮貴得盲人便眼開

雲門頌

望州烏石與僧堂業識忙忙不可當提起衲僧拄杖  
子五湖四海沸如湯

舉夾山示衆云目前無法意在目前不是目前  
法非耳目之所到

東林頌

年來萬事總成魔老去閑添白髮多道泰不傳天子  
今時清休唱太平歌

雲門頌

癡人面前休說夢生鐵團上須尋縫明明說與却作  
聾只管外邊閑打閑

舉無業國師云若一毫頭凡聖情念未盡不免

入驢胎馬腹裏去白雲端和尚云設使一毫頭

凡聖情念淨盡亦未免入驢胎馬腹裏去

東林頌

一道如絃直心親手更親箭穿紅日影方是射鵬人

雲門頌

移身不移步移步不移身走却金師子捉得玉麒麟  
舉靈雲見桃花悟道

東林頌

桃花尋劍客不語笑春風白頭歸未得家住海門東

雲門頌

總道見桃花悟道此語不知還是無茫茫宇宙人無  
數那箇男兒是丈夫

舉玄沙云諦當甚諦當敢保老兄未徹在

東林頌

敢保老兄猶未徹玄沙之言何太切君看陌上桃花  
紅盡是離人眼中血

雲門頌

打破鬼門關日輪正當午一箭中紅心大地無寸土  
舉洞山云言無展事語不投機承言者喪滯句

者迷

東林頌

只要拔楸抽釘爲人解粘去縛如何洞山老人先自  
藤蛇繞脚

雲門頌

言無展事語不投機承言者喪滯句者迷

逢人不  
得錯舉

舉琅瑯和尚問舉和尚近離甚處舉云浙中瑯  
云舡來陸來舉云船來瑯云船在甚處舉云舡  
在步下瑯云不涉程途一句作麼生道舉云杜  
撰長老如麻似栗拂袖便行瑯却問侍者這僧  
是何人侍者云舉道者瑯遂去安下處見問莫  
便是舉師叔麼莫恠某甲適來相觸忤舉便喝  
復問長老何時到汾陽瑯云恁時舉云我在浙  
中早聞你名元來見解只如此何得名喧宇宙  
瑯乃作禮

東林頌

東林頌

東林頌

官路無人獨自行兩家公驗甚分明路傍偷販私鹽  
客草裏蹲身過一生

雲門頌

奪得驪珠即便回小根魔子盡疑猜拈來拋向洪波  
裏撒手大家歸去來

舉僧問風穴語默涉離微如何通不犯穴云常  
憶江南三月裏鷓鴣啼處百花香

東林頌

快騎駿馬上高樓南北東西得自由最好腰纏十萬

貫更來騎鶴下揚州

雲門頌

忽爾出門先見路才方洗脚便登船神仙秘訣真堪  
惜父子雖親不可傳

舉趙州訪道吾吾見來着豹皮棍把吉撩棒在  
三門前等候才見州來便高聲唱喏而立州云  
小心祇候着吾又唱喏一聲而去

東林頌

稽首兩足尊瞻仰不斲捨眉間白毫光照耀大千界

雲門頌

東林頌

東林頌

東林頌

有禮有樂有唱有酬人平不語水平不流

舉臨濟遷化時示衆云吾滅後不得滅却吾正  
法眼藏三聖出云爭敢滅却和尚正法眼藏濟  
云已後有人問你向他道什麼三聖便喝濟云  
誰知吾正法眼藏向這瞎驢邊滅却

東林頌

到老不曾開話路臨行回首却叮嚀深深海底猶嫌  
淺直向金剛水際行

雲門頌

瞎驢一跳衆皆驚正法那堪付與人三要三玄俱喪

盡堂堂把手出重城

舉僧問乾峯十方薄伽梵一路涅槃門未審路頭在什麼處峰拈拄杖面前劃一劃云在這裏僧請益雲門門拈起扇子云扇子勃跳上三十三天築着帝釋鼻孔東海鯉魚打一棒雨似盆傾

東林頌

乾峯不用指陳雲門休打骨董自然東海鯉魚築着帝釋鼻孔

雲門頌

偈破雲門一柄扇拗折乾峯一條棒二三千處管弦樓四五百條花柳巷

舉雲門大師云聞聲悟道見色明心作麼生是聞聲悟道見色明心乃云觀世音菩薩將錢來買糊餅放下手云元來却是饅頭

東林頌

南無觀世音菩薩補陀巖上紅蓮舌不知成佛是何時打刀須用并州鐵

雲門頌

見色明心事已差聞聲悟道更交加觀音妙智慈悲

力荆棘林生優鉢花

舉雲門大師拈起拄杖舉教云凡夫實謂之有二乘拈謂之無緣覺謂之幻有菩薩當體卽空乃云衲僧見拄杖但喚作拄杖行但行坐但坐總不得動着

東林頌

二乘菩薩何年盡諸佛凡夫早晚休世情但將公道斷人心難似水長流

雲門頌

剔開金殿鎖撞動玉樓鐘泣露千般草吟風一樣松

舉陸亘大夫問南泉肇法師也甚奇恠解道天地與我同根萬物與我一體泉乃指庭前花召大夫云時人見此一株花如夢相似

東林頌

若知天地本同根終不應來更問人却得南泉親指似等閑花發夢中春

雲門頌

天地同根伸一問未曾擡步已亾家無陰陽處花重發玉本無瑕却有瑕

舉玄沙示衆云諸方老宿盡道接物利生忽遇

三種病人來作麼生接患盲者拈搥豎拂他又  
不見患聾者語言三昧他又不聞患瘧者教伊  
說又說不得且作麼生接若接此人不得佛法  
無靈驗

東林頌

盲聾啞啞接不得玄沙枉費開心力扁鵲盧醫拱手  
歸三人俱是膏肓疾

雲門頌

玄沙三種病人話透出雲門六不收莫待是非來入  
耳從前知己反爲讎

東林頌

東林頌

東林頌

舉玄沙見新到才禮拜沙云因我得禮你

東林頌

利刀自斷命根不要依草附木若有一法與人永入  
拔舌地獄

雲門頌

天子不識字達摩不會禪玄沙無此語切莫妄流傳  
舉南院上堂云赤肉團上壁立千仞時有僧問  
赤肉團上壁立千仞豈不是和尚道院云是僧  
便掀倒繩床院云你看這漢亂做僧擬議院便  
打出院

東林頌

掌中擎白日舌上覆金錢壁立爭千仞毫光徹梵天

雲門頌

赤肉團邊用得親王賓有理各難伸兩箇驢子相逢  
着世上如今無直人

舉百丈侍馬祖遊山歸忽然哭同事問曰憶父  
母耶丈云無事曰被人罵耶丈云無事曰哭作  
什麼丈云問取和尚同事往問馬祖祖云你去  
問取他同事回至寮中見百丈呵呵大笑同事  
曰適來爲甚哭如今爲什麼笑丈云適來哭而

東林頌

東林頌

東林頌

今笑同事罔然

東林頌

世間名利開榮辱雲雨紛紛手翻覆悲歌相繼不堪  
論棒頭無眼黃梁熟

雲門頌

有時笑兮有時哭悲喜交并暗催促此理如何舉向  
人斷絃須得鸞膠續

舉楊岐和尚問僧栗棘蓬你作麼生吞金剛圈  
你作麼生跳

東林頌



楊岐老人頌口訣萬里長城一條鐵斫脾禪客如到來不動金槌腦門裂

雲門頌

金剛圈栗棘蓬玄沙三種病石鞞一張弓直截爲君說新羅在海東

舉僧問楊岐如何是佛岐云三脚驢子弄蹄行僧云便恁麼去時如何岐云湖南長老

東林頌

三脚驢子忒煦好長放後園教喫草等閑牽出向人前踢倒湖南瞎長老

雲門頌

楊岐一頭驢只有三隻脚潘闥倒騎歸顛殺黃幡綽舉僧問青原思和尚如何是佛法大意原云廬陵米作麼價

東林頌

廬陵米價少知音佛法商量古到今繡出鴛鴦任人看無端須要覓金針

雲門頌

老青原沒縫罅問佛法酬米價差毫釐成話霸無面目得人怕

舉僧問巖頭古帆未掛時如何頭云後園驢喫草

東林頌

後園驢喫草莫隨言語討跳上驀腰騎來往長安道

雲門頌

後園驢喫草一老不一老驀地撞出來鬪湊得恰好舉僧問巖頭古帆未掛時如何頭云小魚吞大魚

東林頌

小魚吞大魚門上釘桃符邪魔俱不入佛法也消除

雲門頌

小魚吞大魚直路太縈紆古帆休更問處處得逢渠舉僧問五祖如何是臨濟下事祖云五逆聞雷

東林頌

從來五逆怕聞雷不似大蟲看水磨孤峯頂上要同行十字街頭還共坐

雲門頌

五逆聞雷曾參顏回一粒豆子爆出冷灰舉僧問圓悟和尚如何是佛悟云口是禍門

東林頌

的的當陽句明明箭後路着靴人喫肉赤脚人趂兔

雲門頌

口是禍門電激雷奔安竭出海震動乾坤

舉佛眼和尚讀靈源十二時歌有偈云一日日

一時時龍門老心自知

東林頌

時時日日日時時七顛八倒孰是孰非

雲門頌

日日日日時時時違時失候箇老古維

舉南禪師云鐘樓上念讚床脚下種菜時如何

黃檗

黃檗勝禪師云猛虎當路坐

雲

黃檗勝禪師云猛虎當路坐

東林頌

猛虎當路坐游魚脚底過不學紫胡老便打劉鐵磨

雲門頌

直出直入當面不識更擬如何著甚疾急

舉二十四祖師子尊者因蜀賓國王秉劍於前

云師得蘊空否曰已得曰既得蘊空離生歟否

曰已離曰既離生歟可施我頭否曰身非我有

豈況於頭王便斬之白乳湧高數尺王臂自墮

東林頌

船子下揚州浮萍逐水流一聲河蒲子千古動悲愁

雲門頌

殺人須是殺人漢當下一刀成兩段頭臂雖虧劍刃

鋒何似秦時轆轤鑽

舉芭蕉和尚云你有拄杖子我與你拄杖子你

無拄杖子我奪却你拄杖子

東林頌

綿州附子漢州薑最好沉黎出麝香魯子師僧才一

喫鼻頭裂破眼睛黃

雲門頌

十字街

十字街

十字街

十字街頭見成行貨擬欲商量漆桶蹉過

舉汾陽十智同真

東林頌

十年海上覓冤讎不得冤讎未肯休芍藥花開菩薩

面櫻欄葉散夜叉頭

雲門頌

兔角龜毛眼裏栽鐵山當面勢崔嵬東西南北無門

入曠劫無明當下灰

舉雲門大師抽領頌鑒咦

東林頌

韶陽一鑿生鐵餒餒直下咬破嘆莫恠相賺

雲門頌

雲門鑿咦少有人知咄無孔鐵槌

舉龐居士問馬大師不與萬法爲侶者是什麼  
人大師云待汝一口吸盡西江水卽向汝道

東林頌

大海波濤淺小人方寸深海枯終見底人成不知心

雲門頌

一口吸盡西江水甲乙丙丁庚戌巳咄咄咄囉囉哩  
舉法華經大通智勝佛十劫坐道場佛法不現

前不得成佛道

東林頌

種穀不生豆苗蒸砂豈能成飯大通智勝如來一箇  
檐板底漢

雲門頌

燕坐道場經十劫一一從頭俱漏泄世間多少守株  
人掉棒擬打天邊月

舉維摩云其施汝者不名福田供養汝者墮三  
惡道

東林頌

入林不動草入水不動波鑊湯無冷處合眼跳黃河

雲門頌

獨坐許誰知青山對落暉花須連夜發莫待曉風吹  
舉圓覺經云居一切時不起妄念於諸妄心亦  
不息滅住妄想境不加了知於無了知不辨真  
實

東林頌

舉手攀南斗翻身倚北辰出頭天外看誰是我般人

雲門頌

荷葉團團團似鏡菱角尖尖尖似錐風吹柳絮毛毳

走雨打梨花蛺蝶飛

舉楞嚴經云見見之時見非是見見猶離見見  
不能及

東林頌

拄杖頭邊無孔竅大千沙界猶嫌小毗婆尸佛早留  
心直至而今不得妙

雲門頌

春至自開花秋來還落葉黃面老瞿曇休搖三寸舌  
舉文殊菩薩所說般若經云清淨行者不入涅槃  
槃破戒比丘不入地獄

東林頌

鷗白鳥本玄松直棘自曲清淨比丘僧却須入地獄  
雲門頌

壁上安燈盞堂前置酒臺悶來打三盞何處得愁來  
舉楞伽經五法三自性二種無我

東林頌

破瓶豈復作瓶事焦種不應生孽芽如彼虛空盤大  
子毛輪垂髮翳開花

雲門頌

陝府鐵牛白獺嘉州大象耳聾兩箇病痛一般咄哉

五言

東林語錄卷之四十七

三

添桶不快

舉殃崛摩羅尊者於一長者家持鉢適值其家  
一婦人產難長者遂白尊者曰尊者是佛弟子  
如何救得我家產難尊者曰我乍入道未能相  
救當去問佛尊者遂往見佛具陳斯事佛言汝  
但去說我自從賢聖法來未曾殺生尊者依佛  
所說往告長者婦人聞之當時分免

東林頌

月裏姮娥不畫眉只將雲霧作羅衣不知夢逐青鸞  
去猶把花枝益面歸

雲門頌

華陰山前百尺井中有寒泉徹骨冷誰家女子來照  
影不照其餘照斜領

東林和尚雲門庵主頌古終

古尊宿語錄卷之四十七

五言

東林語錄卷之四十七

吳

金壇居士于王立施骨刻此  
古尊宿語錄卷之四十七  
計字一萬二千一百  
七十五個  
該銀六兩三錢八分  
宛陵樺如主對上元正觀祥書濟水陳應武刻  
萬曆丁巳歲春二月徑山化城寺藏



古尊宿語錄卷第四十八

佛照禪師奏對錄

宋淳熙三年十一月初三日

孝宗皇帝召對便殿致恭三呼訖賜坐師奏云今春伏蒙聖旨令灑掃靈隱三月三十日又准降香開堂實增感激令蒙召對獲覩清光千載一遇帝問師生何處嗣法何人師對曰臣生長臨江軍禮南山光化禪院長老普吉爲師荷陛下天地覆載之恩行脚叅五十餘員善知識末後於大慧禪師宗杲處打徹遂法嗣之上曰朕惜不見大慧師云陛下旣留心祖道

古尊宿語錄卷第四十八

古尊宿語錄卷第四十八

一

時時與大慧於大光明藏把手共行豈在聚頭接耳爲相見耶嘗蒙賜語錄入藏作萬世光明種子非獨法門增輝臣與天下衲子不勝榮幸上曰且喜得晴師云郊祀在即乃陛下聖德所感上曰朕此心與佛心通師云直下更無第二人間陛下萬機之暇留心祖道游泳楞嚴圓覺自古帝王未有如陛下篤信此道上曰自古帝王英雄者有之信此道者極少如梁武帝亦未徹師云當面踆過達磨上曰陷在泥坑裏師云只爲欄柄不入手不得受用師云臣山野語言無倫恐瀆聖聰上曰這裏正要與長老忘懷論道師

古尊宿語錄卷第四十八

古尊宿語錄卷第四十八

二

云陛下日應萬機直須向一切處著眼看是什麼道理上曰天下事來卽應之師云可謂明鏡當臺物來斯照上曰步步踏著實地師云直須恁麼始得上曰臨濟因緣可舉一二師遂舉臨濟在黃蘗因第一座勉今問黃蘗如何是佛法的大意蘗遂與三十棒如是三次問每蒙賜棒所恨愚魯且往諸方去第一座遂白黃蘗云義玄上座雖是後生却甚奇特他日爲一株大樹蔭覆天下人去在他若來辭和尚願垂提誨濟明日力辭黃蘗蘗指往大愚處必爲汝說濟至大愚愚問甚處來濟云黃蘗來愚云黃蘗有何言

句濟遂舉前話復云不知過在甚處愚云黃蘗恁麼老婆心切爲汝得徹困猶覓過在濟於是大悟乃云元來黃蘗佛法無多子愚云尿床鬼子適來道我不會而今道甚無多子是多少扭住云道道濟便向大愚肋下築三拳愚托開云汝師黃蘗非干我事濟返黃蘗蘗問云來來去去有甚了期濟云只爲老婆心切遂舉前話蘗云這大愚老婆饒舌待見與打一頓濟云說甚待見卽今便打遂與黃蘗一掌蘗吟吟而笑云這風顛漢來這裏將虎鬚濟便喝蘗云侍者引這風顛漢來叅堂去上曰悟了直是快活師云瀉山

問仰山云臨濟得大愚力得黃蘗力仰云非但將虎  
鬚亦解坐虎頭自此臨濟法道大興上曰源流好師  
云臣曾有頌上曰舉看師舉云黃蘗山頭遭痛棒大  
愚肋下報冤讎當機一喝驚天地直得曹溪水逆流  
又問興化打克賓克賓如此答興化如何便打師云  
不可放過臣有頌上曰舉看師舉云罰錢出院揚家  
醜興化聳頭遇克賓父子不傳真秘訣棒頭敲出玉  
麒麟師復云昔翠巖可真禪師頌卽心卽佛非心非  
佛因緣曰百萬雄兵出將軍獵渭城不閑弓矢力斜  
漢月初生令晦堂心禪師看後因答客問西來意有

頌東吳幾度爲閑客南越曾經作主人可笑年來身  
老大得同塵處且同塵真見之云子徹也且如卽心  
卽佛非心非佛陛下如何會上云包舍萬像師云包  
舍萬像底是什麼上曰對面底是師云認著依前還  
不是上乃默契上曰長老且歸觀堂師云謹領聖旨  
乃辭下殿繼而遣中使賜御製頌一首曰大暑流金  
石寒風結凍雲梅花香度遠自有一枝春師答山頌  
一首曰當陽一句子平地步青雲踏翻關棧處便是  
主家春初四日復進卽心卽佛非心非佛一頌卽心  
卽佛無蹊徑非佛非心有變通直下兩頭俱透脫新

羅不在海門東上復答師頌一首曰欲言心佛難分  
別俱是精微無礙通跳出千重縛不住天涯海角任  
西東師再山頌云一句截流心路絕千差萬別豁然  
通等閑更進竿頭步莫問西來及與東復召對賜坐  
師云夜來今日兩蒙宣示御頌神思粲發夜來頌好  
不如今日頌語句尤痛快上曰夜來得長老開發乃  
有此頌師云陛下前後宣諸山尊宿論道如何上曰  
難得似長老直截師云聞陛下於心隨萬境轉轉處  
實能幽隨流認得性無喜亦無憂處得個入頭但未  
曾遇人上曰真個如此師云如人學射久久自然中

的所以五祖演禪師云悟了須是遇人始得若不遇  
人十個有五雙杜撰上曰須要遇人師云正是遂舉  
羅山問石霜云起滅不停時如何霜云直須寒灰枯  
木去一念萬年去函蓋相應去純清絕點去山不契  
却往巖頭處問起滅不停時如何巖頭喝云是誰起  
滅山於此大悟上曰長老意謂如何師云巖頭與他  
本分草料上曰長老見大慧幾年後打徹師云臣癸  
亥年有個發明了却被禪道佛法礙又做十五年工  
夫後到育王一見大慧便打徹慧一日掛牌臣入室  
慧舉僧問趙州如何是趙州州云東門西門南門北

門你作麼生會答云大小趙州坐在屎窖裏慧云你甚處見趙州答云莫瞞慧打一竹篋云只恁麼做工夫答云莫掩彩慧乃喚侍者問這僧名什麼答云不得名慧云你看這漆桶亂做答云未爲分外便出又一日入室慧問喚作竹篋則觸不喚作竹篋則背如何答云請和尚放下竹篋與學人相見慧擲下竹篋云如何相見答云伎倆已盡慧云你看這漢又來老僧頭上行答云也是尋常行履處禮拜便出又一日入室慧問喚作竹篋則觸不喚作竹篋則背不得下語不得無語不得意根下卜度不得向舉起處承

當速道速道答云杜撰長老如麻似栗慧云你是第幾個答云今日捉敗這老賊慧深肯之上曰如此相投師云禪家當機不讓遂舉靈雲見桃花悟道頌云三十年來尋劍客幾回葉落又抽枝自從一見桃花後直至如今更不疑玄沙云諦當甚諦當敢保老兄未徹在每舉問禪和子那裏是不疑處陛下且道那裏是不疑處上擬議師云只就疑處看驀然看破不疑處便是陛下受用不盡底上曰長老且道那裏是不疑處師云紅爐上一點雪上乃點頭師云昔黑齒梵志得五神通常在雪山說法得梵王帝釋閻羅王

洎諸天神常來聽法日說法畢閻羅王目視梵志而泣志曰大王何得視吾而泣王曰吾觀於汝善能說法七日後命終當來吾界受諸苦痛梵志惶怖求免無門雪山諸天神謂梵志曰欲免斯難唯有大覺世尊乃能爲汝免得此難梵志曰世尊者何人也天神曰豈不聞淨飯王太子十九出家三十成道爲人天師其名曰佛諸大菩薩八部龍天常轉法輪度一切衆生梵志聞已復作思惟我去見佛將何供養乃運神力手執合歡梧桐華兩株飛空向世尊前供養世尊召五通梵志志應諾世尊云放下著梵志棄左手

華於世尊前世尊又云放下著梵志又棄右手華於世尊又云放下著梵志云世尊我祇擎兩株華一時放下了我今空身無可放捨世尊云五通梵志吾非放汝放捨其華汝當放捨內六根外六塵中六識一時捨却到無可捨處是汝免生死處梵志乃於言下悟無生法忍上曰只是人不向緊要處做工夫師云欲得徑捷須離却語言文字真實叅究所以古德道念得楞嚴圓覺經猶如瀉水響冷冷有人問著西來意恰似蚊蝱咬鉄釘上曰直是難入師云正好著力上曰如長老者難得真可爲人師師云陛下過褒初

六日復召對上曰觀堂中穩便麼師云荷陛下聖眷極穩便上曰前日長老云直至如今更不疑處朕有一轉語師云那裏是不疑處朕有一轉語師云那裏是不疑處上曰空手牽鐵牛師云如何見得上擬議師云纔入思惟便成剎法上曰若問長老如何祇對師云千聞不如一見上喜曰朕且做工夫師云陛下果位中承願力來示現帝王身不被富貴聲色籠罩但念念扣已而恭慕然一念相應如桶底子脫相似直至成佛永無退轉師云若論此事如兩陣對敵進前則有活路若望崖而退不是丈夫漢昔香嚴叅瀉

山瀉山云我聞你在百丈處問一答十問十答百是否嚴云不敢山云試向父母未生已前道一句看嚴無語乃云請和尚爲某甲道山云我若爲汝說破子他時後日眼開罵我去在嚴遂檢尋平日看讀文字討一句祇對了不可得乃云今生不學佛法也且作長行粥飯僧乃辭瀉山往南陽觀忠國師遺跡遂憩止焉一日芟除草木以瓦礫擊竹作聲忽然大悟歸沐浴遙禮瀉山云和尚大慈恩踰父母當時若爲我說破何更有今日事乃述一頌云一擊忘所知更不假修持動容揚古路不墮悄然機處處無踪跡聲

色外威儀諸方達道者咸言上上機歸告瀉山爲山舉似仰山仰山云待某甲勘過乃云聞師弟有悟道頌試舉看香嚴舉了仰山云此是閑時計較得底香嚴再舉一頌云去年貧未是貧今年貧始是貧去年貧有卓錫之地今年貧錫也無仰山云只會得如來禪未會祖師禪香嚴又舉一頌云吾有一機瞬目視伊若也不會別喚沙彌仰山云且喜師弟會祖師禪上曰如來禪與祖師禪一般何故分別師云殺人活人不貶眼上曰莫便是昨日道諦當甚諦當敢保老兄未徹麼師云陛下須具透關眼始得上曰如長老

直截者難得想見爲衲子尤切師云臣不避誅昨以直言上曰正要如此師云先師大慧與瀉山佛性泰禪師同參圓悟一日持論古今次泰曰香嚴悟道頌云一擊忘所知只消此一句便了大慧云五祖演和尚頌狗子無佛性話云趙州露刃劒一句便了下面都是注脚悟了底人與悟了底人說話如兩鏡相照直是明白如陛下道欲言心佛難分別一句便了下面三句亦是注脚上曰適來道父母未生前一句子朕道得也師云如何是父母未生前一句上曰昨夜今朝又明日師云若如此方得古今無間斷上曰何



不接授師云授著須是有出身之路上曰長老可謂循循然善誘人聖訓謙冲非臣敢當師云臣不敢久居觀堂乞歸靈隱上曰更要與長老說話在師云謹領聖旨却歸觀堂至初七日中使傳旨且歸靈隱待賜禪號師遂歸靈隱四年正月二十四日特賜佛照禪師號師領眾門迎勅黃歸寺次至法堂奉勅黃示眾云天書親自日邊來一道神光徧九域為瑞為祥恩力大直教枯木解花開舉起便知不妨慶快苟或未然重宣一遍遂陞座拈香云此一瓣香恭為祝延兩宮皇帝聖壽無疆乃欽衣就座僧問九重宣對超

過南陽忠國師五宿禁闥提持聖諦第一義與二千年前釋迦老子出氣使後五百世比丘增長威光佛照禪師蒙特賜世間出世更無雙是什麼得恁麼奇特師云彼此一時皆盛事未必今人媿古人進云兵隨印轉將逐符行師云正令已行風凜凜斗間劍氣燭天光進云同光帝問興化朕收中原獲得一寶至今未有人耐價興化云略借陛下寶看帝引手舒幘頭脚示之意旨如何師云奇特中奇特進云龍袖拂開千聖眼金毛師子現全威師云點進云興化道君王之寶誰敢酬價又作麼生師云古今榜樣進云普

光明殿裏撥轉上頭關師云虎頭虎尾一時收進云只如知恩報恩一句如何話會師云一雨普霑沙界潤羣生何處不承恩進云飛來峯頂瞻天闕選佛場中謝聖恩師云錦上鋪花僧禮拜又僧問直截根源到日邊帝恩降自九重天中興吾道超今古佛放毫光照大千既沐宸恩請師祝聖師云萬年松在祝融峯進云一言已祝南山壽八表無私賀太平師云當頭道著進云直得九重城畔祥雲起七寶山前瑞氣生師云清風來未休進云君恩師已報祖意又如何師云一著高一著一步闊一步進云王道與祖道相

去多少師云不隔一絲毫進云靈雲見桃花悟道意昔如何師云更參三十年進云只如空手牽鐵牛意昔如何師云非子境界進云未審向什麼處見靈雲師云撞著額頭磕著鼻進云莫謂靈雲消息斷桃花依舊笑春風師云逢人不得錯舉僧禮拜師乃云當陽目擊直下知歸左右逢原七通八達著著有出身之路頭頭具透脫之機有時神出鬼沒換斗移星有時八字打開兩手分付恁麼也得不恁麼也得恁麼不恁麼總得我為法王於法自在放去收來有何罣礙直得龍驤鳳翥驚奇奇特中奇特殊勝中殊勝正

當恁麼時且道知恩報恩一句作麼生道吾皇萬萬年復舉黃蘗和尚示衆云汝等諸人盡是不著便底恁麼行脚何處有今日還知大唐國裏無禪師麼師著語云打草要蛇驚時有僧出衆云只如諸方聚徒領衆又作麼生蘗云不道無禪只是無師師云黃蘗眼觀東南意在西此點檢將來未免面皮厚三寸且道靈隱恁麼批判意在什麼處從前汗馬無人識只要重論益代功下座師淳熙戊戌十月初二日召對便殿引見致恭卽日孟冬薄寒恭惟 皇帝陛下聖躬萬福臣前冬渾奉清光繼蒙頒賜禪號仰荷聖恩

賜坐師就坐上曰朕近看華嚴經至善財入法界品思見善知識如卿在前師云陛下今日召臣僧陛下是主臣僧是伴主伴交叅機感相投便是入華嚴法界所以道無邊刹境自他不隔於毫端十世古今始終不離於當念此乃不出陛下一念上曰是朕得暇常於損齋靜坐但日用事繁不能純一師云陛下但正心術自然如明鏡當臺物來斯照上曰朕每見臣僚上殿開口便知他肺腑可與者卽與不可卽不與師云世間事不出一個公字上曰是如此朕每看方冊自古帝王無悟道者師云古今唯陛下一人更須

退步體究方得純一覺得省力處便是得力處上曰秀才家多不信佛法師云佛者覺也須是當人見性成佛昔有一官人著無佛論呈仰山接得便問云公所述論意謂本來有佛故論謂本來無佛故論官人無對山又云若本來有公爭得云無若本來無今製此論豈不成有官人又無對上曰好一撥師云三教聖人設教只要整頓今人脚手且如孔子道二三子以我爲隱乎吾無隱乎爾此乃八字打開自是時人不曾上曰孔子好孟子辨不及孔子師云陛下聖明見得甚親切肯德山和尚道凡有文字語言盡是依

草附木竹石精靈所以老僧從頭棒將出去待有獨脫底出來共伊商量陛下須是獨脫始得上曰朕未嘗放捨此事師云此事無有窮盡譬如入海轉深上曰是宗門緊要因緣更舉一二師云昔興化和尚一日見同叅來纔上法堂化便喝僧亦喝行三兩步化又喝僧亦喝須臾近前化拈棒僧又喝化云你看這漢猶作主在僧擬化便打直打下法堂却歸方丈侍僧問云適來僧有甚言句觸忤和尚化云是他適來也有權也有實也有照也有用我將手向伊面前橫兩遭却去不得似這般漢不打更待何時上曰如此

作家師云只如興化道我將手向伊面前橫兩遭處這些子須是著眼向上看得透始得此是臨濟骨髓上曰山中想多有衲子理會得者師云做工夫者極多亦有受得鉗鎚者上曰聞說住持得甚好師云上感聖恩乃辭下殿師淳熙七年四月二十九日進劄乞歸老明州阿育王山廣利禪寺奉聖旨依准至五月三十日召對便殿賜坐上曰禪師何處思山林而去朕耶師云臣本是山林人今復山林去理當然也既此心契合雖千里對面又安能逃於至化也昔南泉和尚道山僧自小牧得一頭水牯牛擬向溪東放

不免食他國王水草擬向溪西放亦不免食他國王水草臣今雖歸林下實不出陛下所統上曰然但不得時復論道師云道不可說時有不說時無且諸天天鼓常演苦空彌陀國上水鳥樹林皆悉念佛念法儼正念現前喧寂不間則彈絃吹竹皆譚實相也上曰造次必於是師云直須如此上曰朕今心意釋然常自怡說且如尋常所做工夫并所作偈頌語言透徹已否師云陛下乘風願力下生以夙熏種智純熟聞舉便知落處既知落處自然身心喜悅此乃初心入道境界暫得如是實未曾啐地折曝地斷百了千

當如臣所見陛下所得正住歡喜地耳上曰何謂歡喜地師云菩薩進修有十地歡喜乃初地故經云若有菩薩深種善根善修諸行善集助道乃至立廣大智生廣大解慈悲現前又云菩薩始發如是心即得超凡夫地入菩薩位生如來家乃至決定當得無上菩提住如是法名住歡喜地菩薩住此地成就多歡喜今陛下心意釋然常自怡悅正合此耳上曰餘九地可盡說師云辭繁恐洩聖聽容別具奏聞上曰古來悟得性燥者誰師云臨濟水潦德山巖頭諸大老皆悟得性燥上曰說看師云臨濟因緣向來已曾舉

了如水潦叅江西馬大師當習踏倒忽然大悟起來撫掌大笑云百了三昧無量妙義盡向一毫頭上識得根源去已後示衆每云自從一喫馬師踏直至如今笑不休又呵呵大笑上曰悟後直得如此快活師云這個便是啐地折曝地斷底樣子上曰德山巖頭如何師云德山叅龍潭因侍立至夜深潭云子且下去山便珍重揭簾而出却回云外面昏黑龍潭乃點紙燭度與德山山擬接潭即吹滅山便禮拜潭云子見個什麼道理山云某甲從今日去更不疑天下老和尚舌頭後來保寧勇和尚頌云一條瀑布巖前落

半夜金烏掌上明大開口來張意氣與誰天下其橫行又巖頭叅德山纔跨門便問是凡是聖德山便喝巖頭便禮拜洞山聞得乃云若不是巖公也大難承當巖頭云洞山老漢不識好惡我當時一手擡一手搦上曰祖師也是性燥俗人中還有如此者麼師云有如本朝李附馬問石門聰和尚云弟子欲學禪得否門云此是大丈夫事非將相之所能爲李於是契悟乃述頌云學道須是鐵漢著手心頭便判直趣無上菩提一切是非莫管上曰俗人能如此也難得師云此事無僧無俗上至佛祖下及螻蛄皆悉具足故

古人

古真和語錄卷之四

上三

古人有言悟則事同一家不悟則萬別千差上曰至言朕須到此田地地方已師云佛法至妙無有窮已如有窮已則成住著纔成住著便有窠臼如僧問石霜撥塵見佛時如何霜云直須揮劍若不揮劍漁父樓巢望陛下卓起脊梁以金剛王寶劍揮除見刺自然一著高一著一步闊一步佛祖亦奈何不得也上曰當如禪師之言今辭朕去後幾時復來師云臣既歸林下不敢妄動上曰每遇朕生辰可來一次師云謹領聖旨乃辭下殿上賜御製云禪師所陳菩薩十地乃是修行漸次從凡入聖夫復何疑方知腳踏實處

十二時中曾無間斷以至圓熟雜染純淨俱成障礙任作止滅脫此禪病當如禪師之言常揮劍刃卓起脊梁發心精進猶恐退墮每思到此兢兢業業未嘗敢忽今俗人乃有以禪爲虛空以語爲戲論其不知道也如此事至大豈在筆下可窮也聊敘所得耳師淳熙九年十月十一日恭奉聖旨召對便殿起居并進香畢師云臣恭別聖顏三載荷陛下恩覆隆厚臣與徒衆日夕焚誦仰報萬一上曰聞安衆行道不易師云上感聖恩良久賜坐上曰久思與禪師說話師云陛下聖明天縱道德日新大圓鏡中初無間隔上

古人

古真和語錄卷之四

上三

曰做工夫如何得徹師云做工夫是有心打徹是無心陛下但於日用應緣處常常提撕上曰朕於日用應緣甚覺得力師云只這得力便是受用處陛下地位中人乘願力而來示現帝王身但正心術於富貴聲色中使得富貴聲色乃見力量正如趙州道時人被十二時辰使老僧使得十二時辰底道理七月間蒙賜問以物見則惑以目見則著臣嘗對云見見之時見非是見此語乃體聖意而對上曰善師有語云心不負人面無慚色上曰好個心不負人面無慚色如向來所答圓覺經中四病語亦愜朕意且如經中



道居一切時不起妄念於諸妄心亦不息滅住妄想境不加了知於無了知不辯真實大意如何師云這個境界須是親證自然世出世間打成一片昔妙喜因讀至此嘗有頌上口舉看師云荷葉團團似鏡菱角尖尖似錐風吹柳絮毛毬走雨打梨花蛺蝶飛上曰好頌別有甚因緣更舉一二師云昔興化大覺會下每云我在南方二十年脚尖頭未嘗踢著個會佛法底覺云你據什麼道理化便喝覺便打化又喝覺又打至明日大覺在法堂上見興化乃云我直下疑你昨日兩喝化便喝覺便打化又喝覺又打化

云我在三聖處學得賓主句總被師兄折倒了也覺云這漢來這裏納敗闕脫下衲衣痛打一頓化於是大悟上曰古人相見直是痛快師云臨濟下作用當如此上曰見禪師舉此曾次豁然師云又如俱胝住庵時有一尼戴笠子繞禪床一市云道得卽放下笠子胝無對尼拂袖便行胝云何不且住尼云道得卽住胝又無對尼去後自歎云我雖是丈夫漢無丈夫志氣擬棄庵往諸方參學其夜山神告曰不須下山將有肉身大士來爲和尚說法也果旬日天龍舉起一指示之胝下大悟後凡有問只舉一指有一童子

每見人問事也舉指祇對有人謂胝曰和尚這童子也會佛法凡有所問也舉一指胝聞得一日潛袖刀子喚童子問云聞你也會佛法是否童子云是胝云如何是佛童子舉起一指頭被胝一刀斫斷童子叫喚走出胝遂喚童子回首胝云如何是佛童子將手起不見指頭忽然大悟上曰俱胝爲人如此切師云俱胝自謂我得天龍一指頭禪一生受用不盡上曰正如彈琴初拘指法已後絃指俱忘自然得妙師云又如惠超問法眼如何是佛眼云汝是惠超法眼與麼答聖意以謂如何上曰昨夜三更月正明師云

陛下多了這一句上曰曾有人頌麼師云有雪竇頌云江國春風吹不起鷓鴣啼在深山裏三級浪高魚化龍疑人猶辱夜塘水又白雲頌云一文大光錢買得個油糍喫放肚裏了當下便不飢上曰古人製頌大能顯理師云昔保寧嘗作清淨行者不入涅槃破戒比丘不入地獄頌云平生疎散無拘檢酒肆茶坊任意游漢地不收秦不管又騎驢子下揚州上曰可謂雲無心而出岫鳥倦飛而知還師云陛下此語暗合孫吳昔佛果與妙喜俱愛前頌佛果云我二人各說一頌要勝過他底時有小兒子於窗外念壁上安

燈盞堂前置酒臺悶來喫三盞何處得愁來妙喜云  
某甲頌得了也適來兒子念便是圓悟大喜乃云我  
與你改一字可作悶來打三盞大底古人發揚先德  
因緣所有言句乃借路經過爾其實縱橫妙用於言  
意之外初不在文飾上曰甚善復云臣不敢久坐謝  
恩下殿師紹熙元年十一月初八日壽皇召對賜坐  
師云陛下釋萬機燕御重華想於此道口有新證壽  
皇云朕向來得禪師開發日用便覺省力師云省力  
處得無限力得力處省無限力壽皇云朕於一切事  
物亦不著師云陛下視天下如脫屣屣以寶位授聖

子俾太祖丕祚中興的的相承綿億萬載若非得大  
自在受用三昧焉能如是遂舉喚作竹篋則觸不喚  
作竹篋則背陛下如何會壽皇云放下著師云放下  
卽不無著在什麼處壽皇云二邊不立師云如何行  
履壽皇云中道不安師云正坐在百尺竿頭陛下如  
何進步壽皇擬議師噫一聲壽皇云謝禪師提撕壽  
皇云世法佛法不出這背觸兩字師云若能轉物卽  
同如來遂指御案淨瓶云只如淨瓶作麼生轉壽皇  
云去來自在師云去來自在底是什麼壽皇咳嗽一  
聲師云更進一步始得壽皇朕直是要打徹師云但

辦肯心必不相賺壽皇復云禪師所陳直指因緣甚  
好其間亦有理會不得處師云陛下但扣已研窮自  
然七通八達壽皇云因緣更舉一二師舉夾山初住  
潤州鶴林時道吾到遇上堂有僧問如何是法身云  
無相如何是法眼云法眼無瑕吾不覺失笑夾山便  
下座請道吾問某甲適來祇對僧話必有不是處致  
令上座失笑望上座不吝慈悲吾云和尚一等是用  
世未有師在夾山云某甲甚處不是望爲說破吾云  
某甲終不說請和尚却往秀州華亭船子處去夾山  
云此人如何吾云此人上無片瓦下無寸土和尚若

去須易服裝束夾山乃散衆易服直造華亭船子纔  
見便問大德住什麼寺夾山云寺卽不住住卽不似  
船子云不似又不似個什麼夾山云不是目前法船  
子云甚處學得夾山云非耳目之所到船子云一  
句合頭語萬劫繫驢橛船子又問垂絲千尺意在深  
潭離釣三寸子何不道夾山擬開口船子以篙打落  
水中纔上船船子又云道道擬開口又打夾山於此  
有省乃點頭三下壽皇云他到此悟也師云可謂慶  
快平生師又曰船子云竿頭絲線從君弄不犯清波  
意自殊夾山遂問拋綸擲釣師意如何船子云絲

淥水浮定有無之意夾山云語帶玄而無路話頭談而不談船子云釣盡江波金鱗始遇夾山乃掩耳船子云如是如是遂囑云汝向去直須藏身處沒踪跡沒踪跡處莫藏身吾二十年在藥山單明斯事汝今既得他後不得住城隍聚落但向深山裏鏹頭邊接取一個半個接續無令斷絕夾山乃辭行頻頻回顧船子遂喚聞黎黎夾山回首船子舉起橈云汝將謂別有乃覆船入水而逝壽皇云此公案好禪師會頌否師云有頌焉口一橈全殺活點頭三下鼻遶天至今千古風流在誰道華亭覆却船壽皇云好頌師

云不敢謝恩下殿師紹熙四年二月十九日壽皇聖帝召對於苑門宣引壽皇望見師曰遠來不易師云即日仲春謹時恭惟至尊聖躬萬歲萬歲至尊賜坐師云臣昨自庚子年蒙恩歸老育王今十四年矣幸無曠敗藉陛下隆覆去年臘月十六日蒙聖恩移住徑山臣兩入奏告兩宮辭免至尊云此南內之意朕亦要與禪師說話遂教師速渡江相見師云今日再覩清光不勝榮幸至尊云朕意師十六七渡江師云臣十四渡江如履平地至尊云聞古有浮笠而渡者師云昔日黃蘗和尚路逢異僧同行乃一羅漢至

天台值江漲不能濟植杖久之異僧以笠當舟登之浮去黃蘗指而罵曰這自了漢我早知汝定挫折其脛異僧乃歎曰道人猛利非我所及至尊云可謂神通師云宗門下不貴神通只貴眼明至尊云須是如此始得朕尋常不信幻怪等事師云陛下聖智洞明見得如此至尊云莫也寬住幾日師云臣已選二十五日入院至尊云師所至處緣熟師云上感聖恩至尊云朕每日常誦楞嚴圓覺并儒書終日脩然無一事師云足見陛下聖學日新大抵看經教展卷時便與古人對偶正不在多讀至尊云朕常念茲在茲師

云陛下乃菩薩地位中來所以願力堅固然一切語默動靜處直教正念現在莫起第二念只如臣即今與陛下相對臣又安知陛下微細流注處只此微細流注處謂之偷心偷心若無自然不起第二念至尊云朕得禪師提這一念不為無禪師云昔日雪峯和尚出嶺參秀州精嚴靈光禪師值靈光遷化雪峯問其徒曰靈光在日如何指示學者其徒曰但云莫起第二念至尊云這一則語可以指示人做工夫師云所謂棒打石人頭曝曝論實事至尊云有甚機緣更舉一二則師云昔紙衣道者參曹山山云如何是紙

衣下事道者云一裘纔挂體萬法悉皆如山云如何是紙衣下用道者近前應諾便脫去山云汝只解恁麼去不解恁麼來道者忽然開眼問云一靈真性不假胞胎時如何山云未是妙道者云如何是妙山云不借借道者珍重復脫去曹山乃有頌云覺性圓明無相身莫將知見妄疎親念異便於玄體昧心差不與道相隣情分萬法沉前境識鑒多端喪本真如是句中全曉會了然無事昔時人至尊云參禪到這裏方始得受用師云古人念念無間方得到此真實田地不敢久坐聖躬謝恩下殿三月初五日壽皇諭問

札云朕每日止是塊坐別做得個什麼煩師寫來師答云恭承至尊垂問每日止是塊坐別做得個什麼陛下但於塊坐處提撕看是什麼若別有即是剎法所以南臺和尚有頌云南臺靜坐一炷香終日凝然萬慮忘不是息心除妄想都緣無事可思量此是古德腳踏實地處陛下於此契證非但塊坐向四威儀中總是現成受用安樂法也謹奏四月初六日壽皇諭問朕近頗悟佛法無多子一言以蔽之但無妄念而已若起妄念則有生滅未知此說是否師云恭承聖諭近頗悟佛法無多子足見聖心昭徹陛下所謂

一言以蔽之但無妄念而已若起妄念則有生滅誠如聖意更能到妄念起滅處則乾坤獨露應用縱橫方是受用三昧謹奏  
古尊宿語錄卷第四十八

全壇居士于王立庵貴別此  
古尊宿語錄卷第四十八計字九千五百四  
該銀四兩九錢六分  
嘉禾釋儒試對上元陶邦本書張水陳應武列  
萬曆丁巳歲夏五月徑山化城寺識